





John Carter Brown.


24202M

**FREDERIK MULLER.**  
Librairie Ancienne  
**AMSTERDAM,**  
HEERENGRACHT KK No. 130.














CASPARIS BARLÆI

Antverpiani

POEMATA.

EDITIO V;

Altera plus parte auctior.

PARS I.

HEROICORVM.



*Henr. Hofsnider !V.D.*

AMSTELODAMI,

Apud IOANNEM BLAEV,

MDC LV.

P.B

THE UNIVERSITY OF CHICAGO

LIBRARY

PAUL M. S. [unclear]

1910

PHYSICS

1910

PHYSICS




UNIVERSITY OF CHICAGO  
PAUL M. S. [unclear]  
PHYSICS



NOBILISSIMO VIRO,  
CONSTANTINO  
HUGENIO,

EQUITI, ZVLECHEMI &  
ZEELHEMI Domino, CEL-  
SISSIMO ARAVISIONEN-  
SIVM PRINCIPI à confi-  
liis & secretis.

 *Vi toties me hoc scri-  
bendi genere lacessivi-  
sti, Nobilissime HV-  
GENI, & carminis  
tui desiderio erexisti,  
iam, quae mea vel ultio est vel grati-  
animi significatio, Carminibus vicif-  
sim meis, vel ad nauseam, satiare, &  
pro Momentis tuis desultoriis, lon-  
gos Sermones refer. Etenim valde  
studii differimus. Tu impetu omnia  
& saltim agis, uti solent illi, qui non  
suo, sed aliorum & quidem Princi-  
pum arbitrio, vivunt. Ego, quia minus*

## E P I S T O L A

*anxiè temporis tributo attincor, traho  
 carmen & avium more parturio lon-  
 giore incubitu. Viscosi sum & lenti  
 ingenii, ideoque cogor extendere &  
 ductare pœmatium, uti fila sua  
 plumbea trahit vitriarius, & aurifa-  
 ber in immensam braçteam tundit au-  
 ri atomum. Tu, friabilis magis inge-  
 nii, acuta brevitate absolvis cœpta.  
 Vti in Mathesi puncta differunt à li-  
 neis, in Physicis τὸνῶν à tempore, in  
 Arithmeticis unitas à numero, nos  
 meditatione discrepamus. Tu in car-  
 mine acumina & cuspides amas, hoc  
 est, puncta & momenta. ego lineas,  
 tempora & numeros. tu saltus breves  
 & succinctos iteras, ego testudineo  
 gradu emetior mea spatia. Virumque  
 veçtat Pegasus. sed tuus tolutim in-  
 cedit, meus succissor est. Credunt  
 philosophi spiritus imperceptibili tem-  
 pore moveri, corpora morâ. accidit  
 idem vatibus, quorum alii pneumatici  
 magis sunt, alii ὕδατοι. Vehimur  
 amba*

## DEDICATORIA.

ambo curribus. Sed ego equorum opera, tu velorum. qualis iste Principis tui est, in littore. Inter Poëtas Curtii sunt & Longini, uti inter capillatos. Mercantium alii verbo vendunt totam Orientis messem, quos tu refers; alii fastidiosè & ad indignationem usque onerant emtorem licitando, ut ego. Quod pugni est & palmæ discrimen, ascaridum & anguillæ, pedis & decempedæ, idem & nostrorum carminum. Quare cum mea leges, cave sine viatico accedas, nam diverticulis opus & respiratione. Cum tua lego, ubique domi sum, & in limine positus tango posticam. Ne tamen oneri Tibi sit prolixitas mea, constrinxi in non magnam libri molem hoc Heroicorum opus, ut Nobilitati Tuæ illud tradam, & in Famæ Tuæ theatro, populo ostentem. Claudio similis sum, cui scipione opus: Pauperi, qui in publicum proditurus, aliorum honoratiore pallio indui cupit: Infanti,



## EPISTOLA

qui, ne pronus labet, fasciis librari  
eget. Ludiones puerulos humeris at-  
tollunt, ut spectatorem speciosa ostenta-  
tione alliciant. Eodem instituto He-  
roica hæc tibi nuncupo, ut Heroum  
aulis, unde argumentum habent, ubi  
vivis quotidie & loqueris, me inge-  
ras, & sublatum humo, & gratia  
tua amictum, tibi que innixum, si-  
stas aliquando Iovi & Superis, ne  
à scarabeis & vespis pungar. Et au-  
deo profecto hoc à te petere, ob vali-  
dam amicitiam, qua tibi alligor, lit-  
teris, colloquiis, versibus, seriis, jo-  
cosis, etiam cum res sinunt, Cerere &  
erectiore Liberi patris succo. quem Pe-  
gasi unguam vocare soleo, qua per-  
cussi, non montes, fabulosum hoc, sed  
poëtarum vertices ac frontes insa-  
niunt doctius, & manant uberius.  
Meminimus probe, quanta suavitate,  
quàm annuentibus Apolline & Mu-  
sis, ego loquentem te, tu me non semel  
audiveris. Nec erat sermo noster alie-  
nus

DEDICATORIA.

nus à studiis & hoc litterarum gene-  
 re. rarus admodum de Ottomannica  
 porta, aut Septentrionalium litibus.  
 de Tapuiis ac Nigritis rarissimus. Sæ-  
 pe fabulam fecit, benè aut malè no-  
 bis natum carmen. sæpius secunda-  
 rum nuptiarum (hoc enim ad nos per-  
 tinet) anceps alea, & exercitati mu-  
 lierum vultus & frontes Sophistica.  
 Quàm volupe fuit, subinde mentiri  
 rivalitatem, ne deesset argumentum  
 scenæ. Quantis motibus tu mihi ali-  
 quando exprobrasti ὄδρoΦοβίαv, ego  
 tibi Neptuni & maris Deorum con-  
 temptum. Quàm non malis artibus,  
 me cum maximo Senatore commisisti,  
 cum de capellarum tuarum precio lis  
 esset & comparatio. E castris reduci  
 gratulatus fui incolumi & vegeto, licet  
 in Principum tentoriis consiliarios pe-  
 riclitari, negent sapientiores. Cum in  
 turri Argentoratensi annexam fasti-  
 gio fasciam, plus quàm poëtica auda-  
 cia, attigisses, habui quod epigram-

## EPISTOLA

mate reprehenderem. Nec poteras excusari, nisi Parnassi illic te apices reperturum putavisti. Est ubi præficam tecum ago ad aliorum tumulos; ubi ægrotanti medelam quæro ab ipso Phœbo & carmine; ubi novercæ vapulant, inter pictos liberorum tuorum vultus. Reperies alibi, ubi publica Aularum & Templorum incendia tota Aganippe restrinximus. Quoties ædificas, domi forisque, adsum testis. Vbi cum præstantissima Virgine Vltrajectina loqueris, interloquor. Cum Sponsus thalamum scandis, præfero facem. Cum viduus à secundis thalamis tibi caves, metu trium L. L. L. librorum, liberorum & libertatis, anno prudenti. Cum dies tuos operasque exigis ad normam viri boni & sapientis, volo aulam tuam subire, quotquot pii esse volent. Cum organizas, concino. Cum vir factus es & duumvir, & triumvir, & plus, prædico facilitatem tuam, & utiles Univerſo,  
non



## DEDICATORIA.

non culinae, titulos. Cum sero potiris  
filiola, voto adsum, Ne soror aut fiat  
Castoris aut Hecuba. Alicubi in  
viduarum laudibus moror, quas tecum  
sacro horrore veneror, nondum depe-  
reo. Ita scribere volentibus nunquam  
deest argumentum, quod pari avidita-  
te videmur captare, qua culices hirun-  
do. Vtique patet nobis ad carmen om-  
nis mundi machina, & quaecunque  
illa complexu suo tenet. Quin & co-  
gnatione quadam & occulto nexu cœ-  
los attingimus, unde ea suggeruntur,  
quæ nunquam venere in mentem. Un-  
de araneis suppetant tot telæ, vix di-  
xerim. nec hoc, unde poëtis sua com-  
menta. Ea efferunt, quæ nunquam  
audita aut lecta fuere, sive illa Ani-  
ma mundi dictet, sive intelligentiâ  
& mens illa assistens Averrois, sive  
sublimior Deus. Dum meditamur,  
trahit versus versus, uti in fodinis  
vena venam, aut magnes cohærentes  
cuspide acus. Excidunt meditatio-  
nes

## E P I S T O L A

*nes, velut contuberniis & manipulis,  
 uti imbres guttis succedaneis labun-  
 tur, aves turmatim volant, annuli  
 catenatim nectuntur, aut pontem  
 transire volenti pecori pecus longa se-  
 rie instat. Nec tantus est paragendi  
 carminis labor, cum absque impedi-  
 mentis & organis edolari possit. Ar-  
 chitectus sine coementariis non ædi-  
 ficat. opus illi serra, amussi, malleo.  
 Nec textor texere quiverit sine ra-  
 dio. militi vallis, gladiis, balista,  
 ligonibus opus, ut oppida expugnet.  
 nautæ ventis, velis, anchora, ut  
 naviget. pictori penicillo, tabula,  
 coloribus, ut pingat. Poëta ædifi-  
 cat, pingit, textit, absque utensili-  
 bus, & instrumentis. Officina ope-  
 rum mens est. faber mens est. famula  
 mens. auditor & spectator mens. ma-  
 teries operis in mente est, ubi ideæ  
 & universi species stabulantur. ope-  
 ræ precium sibi eadem mens est, quæ  
 nato feliciter carmine, non minus  
 gaudet,*



## DEDICATORIA.

gaudet, quam edito partu puerpera:  
infeliciter nato, sibi dolet. Non opus  
obstetrice, sola parit. nec nutrice,  
cum fetus sibi sufficiat, & eodem vul-  
tu perseveret. Si susceptrix esse ve-  
lit fama, excitatur studium. si no-  
lit, susque deque contemptum habet  
autor. Si arrodatur Zoilus, emenda-  
tius exigit & promittit. Et quia  
solius mentis hæ sunt partes, vaga-  
mur, uti illa vaga est, nec uni gle-  
bæ affixa. Nunc in Occidente car-  
men faciunt Barbari & barbarorum  
dux Nassovius. modo in Occidentem  
delatus Moluccas & Iavas loquor.  
Ad Septentrionem cum ursis luctor.  
Ad Austrum Mauri & Nigritæ  
versum implent. Cum domi sum, ex-  
pugnatis maximis urbibus, Vesalia,  
Sylva-Ducis, Trajecto ad Mosam  
& Breda, murali corona cingo Au-  
riacum. Navalibus præliis adsum  
vates, & Isabellam ratibus exuo ad  
Tolam, Philippum classe, sub Bri-  
tannicæ

## EPISTOLA

tanniæ littoribus. In Germaniam raptus, Gustavi tumulum lachrymis rigo: Saxonie Duci Bernardo vitam Brisacum, & injectos Rheno compedes gratulor, Casari non armis sed Scarontibus adversus. At, ne videar cruentus semper & ferox, nuptias frequento Regum, Principum, amicorum, & bella narro nunquam matribus detestata piis. Mox ut à geniali voluptate ad severitatem meam redeam, nœnias & lessos singultio totusque funestus & attritus sum. Ita quocunque mens agit vatem, sequor, modo amicorum jussibus, modo modestæ petitioni, modo animo meo obsecutus. Hæc causa est, quod dum ubique sum & grandem mundi aream pererro, in tantum cumulum excreverint Epicorum libri, ut brevitatis studioso lectori graves sint. Eos nomini tuo inscribo, Vir Maxime, quia paginas in hoc opere impleas plurimas. deinde, quia Heroi-

cum



DEDICATORIA.

*cum metrum & cothurnum amas.  
 præterquam, quod partem maximam  
 Auriacus sibi vendicet, cuius he-  
 roicis gestis, bellis ac triumphis liber  
 secundus decurrit. Auriacus inquam,  
 qui dum te illustrem facit merito  
 tuo, me honeste habet beneficio suo  
 & tuo. Uterque Principem tangi-  
 mus propius. Tu consiliis & chartis  
 publicis, ego pœmatis; tu quodidia-  
 nis officiis, ego rarioribus; tu oculis,  
 ego sola è longinquo veneratione. Non  
 poteram inscribere Superis, Marti,  
 Libitinæ, Veneri, quia tabellariis ca-  
 reo, qui deferant, & quia vivunt  
 nullibi. Nolui Inferis consecrare,  
 Plutoni, Proserpinæ, Megæræ,  
 quia metuo chartis meis à Cocyti  
 flammis. Et cum hominum pauci  
 Philomusi sint, plures ἀμύστοι, ad  
 hos ire timui, ne pro munere grunni-  
 tu exciperer & morsu. Quare mu-  
 nus conveniens offero, ac si Iovi aquila-  
 lam, Mavorti gladium, Veneri pe-  
 ctinem,*

EPISTOLA

*Etinam, Apollini citharam darem. Vt  
hi hæc ipsa neglectius non habent, nec  
mea hæc, quæ vates vati consecro, ha-  
be, nec me. Vale vir Nobilissime. & in  
castris inter tubas &*

Tympana, Tranquillæ relegas  
commenta Minervæ.

*Amstelod. xvi Septemb.*

CLIO C XLV.

Nobil. tuæ

*Observantissimus  
cultor*

C. BARLÆVS.

PERI.

P E R I O C H E

L I B. I.

H E R O I C O R U M.

<b>H</b>	Ymnus in Christum.	pag. 3
	Britannia triumphans, ad Regem Carolum.	29
	Tumulus Gustavi Regis.	45
	Venus Cimbrica.	75
	Manes Bavari.	91
	Adlocutio ad Remp. Venetam.	97
	Carmen Eucharisticum ad Penbrociæ Comitum.	102
	Panegyris dicta Bernardo Saxonix Ducis.	107
	Panegyris de laudibus Cardinalis Richelii.	129
	Gratulatio in adventum Mariæ Britannix & Hibernix Reginae.	155
	Gallia plorans, sive in obitum Richelii.	159
	In effigiem ejusdem.	173
	In insignia ejusdem.	174
	Ad Principem Elizabetham, Regis Bohem. Filiam.	<i>ibid.</i>
	In effigiem ejusdem.	178



# I N D E X.

## L I B. II.

qui A V R I A C V S inscribitur.

<b>M</b> Anes Auriaci.	181
Panegyricus dictus Frederico Arau- siorum Principi.	192
Argo Batava.	202
Vesalia capta.	213.
Sylva-Ducis capta.	218
Olinda capta.	247.
Trophæum Arausionense victa classe ad Tholam.	252
Triumphus Feder. Belgii capta Trajecto ad Mosam.	260
Rhenno-Berca capta.	278.
In Ducatum Limburgicum victum.	284
Venus Britannica, sive in nuptias celsissimi Principis Guilielmi, &c.	290
Auriacus Triumphans victa Hispanorum classe in freto Britannico.	307
In Nuptias Ill. Principis Ennonis Frisiae Orientalis Comitum.	321
Gratulatio ad Principem Guilielmum caeso Cantelmo.	323
Laurus Flandrica in expugnationem Ca- taractæ ( vulgò Saffæ ) Gandayensis.	328
Mauritius è Brasilia redux.	335
In Grollam victam.	342
Epistola Ameliæ ad Principem maritum.	344
In	



## I N D E X.

In recuperatam Schenckii arcem.	349
In receptam Bredam.	<i>ibid.</i>
In infantem Principem Auriaco natum.	350
In victam Gennapii arcem.	351
In Spectacula exhibita Amstelodami ad ad- ventum Mariæ de Medicis, &c.	352
In Spectacula exhibita ibidem in adventum Reginæ Britanniarum.	357

## L I B. I I I.

<b>E</b> Pithalamium Domini de Mathenes, &c.	363
Equus Haestrechtii.	371
In obitum Rutgerfii.	376
In Nuptias Constantini Hugeni.	385
Propempticon ad Fratres Cigan.	392
Ad C. Hugenum febricitantem.	396
Carmen votivum pro restituta ipsi valetu- dine.	399
Laudatio Hortuli.	403
In Rectoratum Academicum Petri Cunæi.	410
Operum Vossii Panegyris.	414
In obitum Snellii.	420
Ad Overbeeckium Hamburgi morantem.	424
In Nuptias Adr. Blyenburgii.	427
Venus ἀναδυσωμένη, in nuptias Realii.	434
Ad Ill. Dominicum Molinum.	441
Pro-	

I N D E X.

Propempticon ad Foppium ab Aissema.	442
In Mosen Nomoclasten Honerdi.	445
Ad Annam Mariam à Schuurmans.	449
Ad Iacobum Volmarium Artium Magi- strum.	451
Ad Gerardum Thibautium, de Gladii usu.	457
Querela Lucretiæ.	459
Oratio Scævolaë.	461
Oratio Veturiæ.	463
Oratio Catilinæ.	466
In Nuptias Petri Hoofdii.	469
Propempticon ad Ioannem Scoterbos.	473
Ad Winandum Rutgersium.	476
In obitum Mariæ de Ionge, uxoris L. Kin- schotii.	479
Ad Cardinalem Richelium.	482
In Nuptias Theodori Gravii.	484
In Nuptias secundas L. Kinschotii.	487
In inaugurationem illustris Gymnasii Am- stelodamensium.	491
Lachrymæ in obitum Iacobi vander Stra- ten.	501
Schaga, sive in Nuptias Domini de Scha- gen.	504
Amor Sapiens, sive in Nuptias Cornelii Gravii.	510
In libros Poëmatum Iacobi Catsii.	515
In Nuptias secundas Frederici Alewini.	520
Ad D. Adrianum Pauw Eq. &c.	524
In	

I N D E X.

In Nuptias Illust. viri Ioannis Polyandri, &c.	526
Propempticum ad D. Iacobum vander Burch.	532
Manes Pallasii.	536
Venus transmarina, five in Nuptias N. viri Danielis Schonckii.	541
Epicedium in obitum Simonis Episcopi, &c.	545
In Nuptias Ioannis vander Meyde; &c.	549
Visurgis lachrymans, five in obitum Ni- col. à Rheden, &c.	553
Ad Ill. Dominum, Comitem de Chavi- gni. &c.	557


L I B. I V.

<b>P</b> aradisus, five Nuptiæ primorum pa- rentum.	561
Faces Sacræ, five Hymnus Salomonis.	585
Pharmaceutria, five Nuptiæ Cyri & Aspa- siæ.	610
Damon. five lib. secundus Nupt. Cyri & Aspasæ.	628
Cynisinus, five Nuptiæ Cratis & Hippar- chiæ.	646
Rhadamanthus mollior.	662
Cheiromantis.	677
Virgo	



I N D E X.

Virgo ἀνδροφόρος, sive, Nuptiæ Eginardi & Einmæ.	696
Amphitruo Tholosanus, sive Pseudomar- tini Guerræ historia.	715
Ad Ill. Comitem Vlicum Frisiæ Orienta- lis Com.	734
Epistola Cardinalis Richelii.	736



C. BARLÆI  
P O E M A T V M  
H E R O I C O R V M  
L I B E R I

*Inviçissimo, Potentiſſimoque Regi*

**LODOVICO XIII, IVSTO,**

**Henrici Magni filio, Galliarum & Navarra Regi Christianiſſimo.**

**R**egia Borbonii soboles, qua sospite dudum  
Betga sibi facilem credidit esse Deum;  
Sceptraferis illustris avis, illustrior armis,  
Et rarum Afræa iudice nomen habens;  
Quam celebrat Bellona ducem, Pax laudat inermem,  
Et cui tot terræ, tot famulantur aquæ:  
Non tibi barbaricum potentia vellera succum,  
Aut mea Sidonias pagina donat opes.  
Non, Indus quod mittit, ebur, quod Dalmata marmor,  
Quæque gravem placant mascula thura Iovem.  
Non bellatrices aquilas, captivæque bello  
Oppida, non victo carbasa rapta mari.  
Nos Christum, *Lodovice*, damus, Regemque Ducemque,  
Nomina nominibus non aliena tuis  
Maxima dum cupio tibi mittere, maxime Regum,  
Quo nequeo majus mittere, mitto Deum.



3

H Y M N V S  
I N C H R I S T V M.



**C**H R I S T E, patris magni soboles ;  
quem nulla creavit  
Dextra Deum, potuitque Deus ge-  
nuisse, sed aqua  
Majestate parem ; tunc, cum flam-  
mantia nondum

Lumina labentem veherent mortalibus annum,  
Et Chaos, innumeris avidum confundere vultus,  
Displicuit deforme sibi, tenebrisque profundum  
Horruit, & spissa lituit caligine Nereus :  
Erige me, dum siderei spatia in via mundi,  
Lucentemque globum Luna, suspensa que celsis  
Atria fornicibus, nulli calcanda profanis  
Templa supergradior pedibus. Tu prime salutis  
Inventor, patriumque Deus monstrator Olympi,  
Adsis, o Rex magne, favens. sequar optime ductor,  
Quo vatem tua fata trahent : si ve aethere in alto  
Imperii consors habitas ; & grande Creator  
Naturae moderaris opus : seu iussa Parentis  
Exequeris veneranda tui, nostraque Redemptor  
Valle sedes, miserisque paras vadimonia terris :  
Seu totum Phlegethonta domas, ipsosque parentis  
Irruis in Diis thalamos, & Tartara magno  
Ostentas captiva Patri : seu digna laborum  
Præmia, & antiqui repetens fastigia regni,  
Aëreos supra tractus, & nubila, vastum  
Consiliis latè fulcis sapientibus orbem.

Magne Deus, tu cuncta unus primordia rerum  
Ante venis ; tu secla, dies, ac tempora nescis,  
Seculorum venerande parens, non terminus ævi,  
Principiumque tui est. tu magno à lumine lumen.  
Descendis, de patre Deus. nec honoribus illi,

Nec regni splendore minor. tibi nulla coruscum  
 Obscurat caligo decus: nec fracta fatiscit  
 Fatorum natura minis. tibi foeta bonorum,  
 Parturit hac eadem, bonitas: animumq; perennem  
 Vis immensa subit. tibi rerum praescia mentis  
 Illustrat mens ipsa jubar, diffusa per omnes  
 Temporis articulos, & qua longinqua trahentur  
 Aetatum spatia, & venientum facta nepotum.  
 Tu numen coeleste, potens, venerabile, sanctum,  
 Virtutis mensura tua, divortia mundo  
 Magna facis, caelumque colis, dignosque penates  
 Terrarum rectore tenes; ubi clara potestas  
 Emicat, & geminos princeps dimissus in axes.  
 Tot passim delubra vides, sacrat aequae sanctis  
 Atria nominibus. tantis sed sedibus olim  
 Ipse prior, vasto fueras Deus unus inani,  
 Nondum operi discrete tuo. tibi sola beato  
 Sufficiens tunc vita fuit, non indiga nostri,  
 Non opis externa cupiens. tu solus ubique,  
 Soli aderas, immense, tibi; Deus undique, & unus,  
 Sed nondum tunc rector, eras. iam cuncta salutis  
 Voluebas momenta mea, mundique labores:  
 Quò ruerem peccator homo; quo gratia staret  
 Fixa gradu, quantis ruerent primava periclis  
 Federa, quae tantam repararent funera cladem,  
 Placaret quae cura Deum: tunc victima terris,  
 Tunc vindex decretus eras; & debita fato  
 Progenies, culpaque mea praecognitus obses.  
 Iam tum supplicium sceleri, ultoresque parabat.  
 Flagitiis mens ista dies. iam cultor honesti  
 Prævia divini capit argumenta favoris,  
 Et placuit donanda Fides; crimenque piandum,  
 Et ventura salus à te suspenditur uno.  
 Tunc poteras fecisse aliquid, quod velle voluntas  
 Noluit, imperioque stetit frenata potestas,  
 Arbitriique modus; donec se fudit in actus



## HEROICOR. LIB. I.

25

Libertas spatiosa Dei, grandemque per orbem  
 Explicuit varios rerum Sapientia vultus,  
 Lataque praeclaris Bonitas eluxit in arsis.

Principio terras, suspensaque moenia mundi,  
 Æterno cum Patre, creas. tu conditor adstas,  
 Et iam nascenti das incunabula caelo,  
 Immensi consors operis. sublimia surgunt  
 Atria, exlicolumque lares, & regia primum  
 Autorem capit ista suum. diducta per omnes  
 Majestas augusta locos venerabilis illa  
 Sede habitat, totumque suo fulgore coruscat  
 Numen, & illustri distat nova jura teatro.  
 Ipse chorus Cherubinatorum, Seraphinaque late  
 Agmina, adorandi circum subsellia Regis,  
 Expectant, quò jussa vocent, dominoque ministrans  
 Obsequio se quisque probat. pars psallere docta  
 Æterni Genitoris opus, rerumque celebrat  
 Grande rudimentum: pars, quae facienda supersunt.  
 Arcano sermone ferunt: pars cardine in isto,  
 Pars alio mandata refert. stupet omnis, & horret  
 Turba Creatorem, pavidosque à lumine vultus  
 Abdit prona suos. tantis tu testibus atras  
 Diffindis luci tenebras, caligine flammam  
 Eximis, & laxo suspendis in aëre terram,  
 Impavidus quò vergat onus. Tibi fundit ab ortu,  
 Sed nondum Sol fessus equos, medioque sub axe  
 Insuetus tantorum operum, cursusque viaque  
 Occasum praeceps metuit. non viderat illum  
 Tartessus, Gadesque sua, non laverat undis  
 Oceanus, gremioque exceperat Amphitrite.  
 Cynthia nocturnos ducit per signa jugales,  
 At fratri debere dolet. sua cornua nondum  
 Senserat, innumerasque vices. nec tramite certo  
 Phœbeos illi tellus inviderat ignes,  
 Aut umbris cessere faces. non lumine pleno  
 Æquorei tumere sinus, Tethysque remisso



Detumuit, littusque procul post terga reliquit.  
 Tunc quoque distinctam stellis radiantibus æthram,  
 Errantesque Deos, & tot tibi numina subdis,  
 Sed nondum tunc astra Deos. stant sidera castis  
 Quæque suis, nusquam gelido propiora Bootæ  
 Villa meant, nec Spicæ humilem deflexit ad Au-  
 Non regit Argolicas Helice conspecta carinas, (strum.  
 Non Tyrias Cynosura rates. non vespere claro  
 Hesperus auratæ Veneris præfederat aula,  
 Aut thalamis genialis erat. mox pontus & aquor  
 Incubuit terræ gremio; dominumque tridentis  
 Oceanumque patrem, tempestatesque sonoras  
 Pertimuisse aliquis poterat, ni rector aquarum  
 Objectis pelagi rabiem frenasset arenis,  
 Et sibi præscripto Triton adsuesceret alveo.  
 Ante oculos tunc phoca tuos immania stravit  
 Corpora, & in mediis vituli luseret marini  
 Fluctibus; & quaquaversum sua fleteret ora,  
 Audacem nusquam pistrix innoxia Tiphyn  
 Vidit, & intrepidam dentes defixit in Argo.  
 Tunc magni patuere sinus. ubi Persa superbas  
 Vectat opes, ubi Erythraas scrutatur arenas  
 Dives Arabs, rapidusque ingentia flumina Ganges  
 Evomit; aut multo sitiens se proluit auro  
 Indus, & ardentes Carteis separat Afros,  
 Et Calpen Abyla diuellit montibus unda.  
 Ionii lustrant fluctus. aduersa Charybdi  
 Scylla fremit, tumidis Aquilonibus Adriæ surgens  
 Verberat Ausonii latus implacabile dorso.  
 Concrescit Scythicus glaciali sidere pontus,  
 Cassiæ stagna jacent, Ægæo marmure Thracum  
 Regna sonant, Helle Euxinum sese abdit in aquor  
 Bosphorus in Tanain. vastas longinqua paludes  
 Mæotis bibit, & Boreales Balthica fines  
 Littora, conclusumque alibi Scritofinnia potat  
 Oceanum, & longis damnatus Lappo tenebris.

Irrigat

Irrigat Assyrios Euphrates fertilis agros,  
 Armeniam Tigris, Cyproque adversus Orontes  
 A Libano deducit aquas. Memphitica tellus  
 Accipit undanti turgentem gurgite Nilum,  
 Et septemgeminis crocodilum faucibus edit,  
 Venturum populo numen. Tu fontibus Istrum  
 Excis, Christe, tuis, & per spaciola vagantem  
 Pannonii rapis arva soli. nec iussa morantur  
 Vistula, Volga, Nicer, Rhenus placidusque Visurgis,  
 Sequana, piscosusque Liger, rapidusque Garumna,  
 Nec tunc Romulidum Mavortii moenia scindens  
 Albulæ, nec pontem tunc indignatus Araxes,  
 Ausonioque Duces, nec adhuc Phæetonta misertus  
 Eridanus, nec Pellæo tunc cognitus Indus.  
 Ipsa Arethusa novas subterlabentia terras  
 Flumina Sicaniis aperit, propriisque reflexis  
 Occurrit Mæander aquis. O quanta laboris  
 Cernere das monumenta tui, fastigia cælo  
 Æmula, nubiferas Alpes, & Pelion altum,  
 Riphosque apices, & qui suffulciat Atlas  
 Sidera, Pyrenesque jugum, & frondentis Olympi  
 Culmina, & ærii nemorosa cacumina Pindi,  
 Et nondum Enceladi fumantem afflatibus Ætnam.  
 Fœdera cum Superis tellus facit. æthera Vesta  
 Conciliat robusta manus. nova bella perenni  
 Corpora pace gerunt. cocunt æterna caducis,  
 Inque vices mors, vita fluunt. genuisse, perisse est;  
 Et rursus, periisse, salus. Que gratiæ primi  
 Veris erat, quali læces fulsere sereno,  
 Cum primum arboribus venit vigor, umbra cupress.  
 Decidit, occulti nemorum patuere recessus, (so  
 Hercynii saltus, cum frondifer Apenninus  
 Extulit excelsum caput, & sese abdidit astris.  
 Tu terra lætas segetes, glandesque caducas  
 Elicis, & tenera magnam das cernere in herba  
 Numen. odoratis Hyblam & fragrantis Hymetti



Iugera conspergis violis. jam prata Sabais,  
 Et Cilicum redolent messes, Panchæaque rura,  
 Taygetusque virens. Tibi solo concita nutu  
 Donat equos, nullo tellus percussa tridente,  
 Donat apros, vastisque pares elephantibus hydros,  
 Et Pelusiaco nondum quæ mugit Isim  
 Littore. te mandante sui securus aratri  
 Taurus adest, trepidæque futurus portitor Helles,  
 Primaque Marmaricis tigris stat mitior agris.  
 Nec minus insolitis concentibus aëra complet  
 Aligerum genus, & variis garritis almos  
 Personat Auroræ thalamos, dominumque salutant  
 Vocibus at tonitæ volucres, quas stagna Padusa,  
 Quas Athesis, quas Arnus alit, quas unda Caystri,  
 Eridanique fovent ripæ, vel Mincius amne  
 Excipit. at nusquam viduatus compare turtur  
 Ingemit ad sociæ tumulum, non Daulias ales  
 Plorat Itym, necdum Lætos vatibus artus  
 Dissimulans dictavit olor. per nubila vecti  
 Ostentat se quisque tibi, laudesque creantis  
 Ingeminant, primosque probant te iudice cantus.  
 Tandem, ubi sexta dies nitido processit ab ortu,  
 Qui terras, pelagusque regat, verumque capestat  
 Imperia, & docto flectat moderamine mundum,  
 Aspexit natura virum. dat gleba decorum  
 Majestate caput. totus qui militet æther,  
 Adspicit sua regna pater, lateque patentis  
 Frena soli, fascesque capit. Tu, Christe, stupendum  
 Magne opifex moliris opus, tu numinis umbram  
 Humana sub carne tegis, summique refulgens  
 Exemplar cupis esse Dei. stat clarus in orbe  
 Terrarum moderator, Homo. quem spiritus unus  
 Intus alit, cunctosque potens diffusa per artus  
 Mens agitat, varioque latens se munere pandit.  
 Non spectata oculis, fatorum erepta periclis,  
 Interitusque ignara mali; rationis, & æqui,

Virtus



## HEROICOR. LIB. I.

9

Virtutumque augusta parens, venerabile cœli  
 Depositum, cui cœlestes sapientia curas,  
 Alternasque vices rerum, verique reclusit  
 Arcanos doctrina sinus. nondum ira rebellis  
 Spreverat imperium, nondum vesana libido  
 Traxerat aversam studia in contraria mentem,  
 Aut suasit prædulce nefas. non causa fefellit  
 Ingenium, non verba fidem; non luxus honestum  
 Dispulit, aut fastu studuit calcare minorem  
 Ambitio. toto pietas proscripserat orbe  
 Infames scelerum vultus. non horruit insons  
 Terra Deum. nondum pœnis celebrata Lycurgi  
 Laus erat, aut spretæ tenebroso carcere leges  
 Damnavere reum. nondum perjuriam Minos  
 Oderat, aut rigidi clamabant jura Solones.  
 Ipsa suis constans præerat Prudentia factis,  
 Et recti connatus amor. non regula vitæ,  
 Non probitas discenda fuit, non ulla pudoris  
 Arguerat fontem facies, nocituraque mundo  
 Probra fuere palam. tales sperare nepotes  
 Nec difforme genus poterat, sobolemque parenti  
 Degenerem. Tu præclaris nova fœdera pactis,  
 Magne creator, inis: hominemque affaris amicum,  
 Municipemque poli. tu vasta palatia cœli,  
 Nec visas promittis opes. tu mortis, & omne  
 Parcarum proscribis opus, sine finibus annos,  
 Perpetuosque dies, æternaque secula donas.  
 At postquam Superiorum odiis incanduit atrox  
 Dux Erebi, suasitque scelus; librata voluntas  
 Fasque nefasque inter, vetitos deflestit in actus.  
 Et tanti, carpisse, putat. corrumpitur orbis  
 Ad placitum ferale gula. subvertit honores  
 Luxuriosa fames, & tanta exorsa fatiscunt  
 Conjugis imperio. spernit sua fata ruentis  
 Fortuna fabricator homo, probitasque, fidesque  
 Exiit, Stygiaeque placent perjuriam lingua,

Et pomi malesanus amor. sua funera versat  
 Inconsulta manus, manditque sub arbore lethum,  
 Fatales sub fructu epulas, sub dente sepulchrum.  
 Quò ruis? & de te nascendum germen eadem  
 In volvis quoque sorte, pater? cur noxia non est  
 Dextera sola tibi? cur nobis quærit iniquos  
 Libertas nocitura cibos? & culpa parentum  
 Culpa mea est? tur me sociato crimine raptas  
 In commune nefas? & rupto federe mundi  
 Arcessis Phlegethonta tuis, mortisque labores:  
 Et pacem, & positas audax dissolvere leges?  
 Non tibi jam solito subrident sidera vultu,  
 Nec tibi felices audes promittere Soles,  
 Corruptit sacros vesana licentia mores,  
 Et mala confertim subeunt. metus instat eunti,  
 Crescit amor, scelerumque labor. discordia, luctus,  
 Cura, fames, livorque sui vexator & ultor  
 Ponè premunt miserum. fauces laxantur Averni  
 Tartareæque domus, caligantesque tenebræ  
 Exspectant mortale caput. jamque invida terris  
 Astra nocent, terret flatu nimbosus Orion,  
 Littora transcendit pelagus, sua munera tellus  
 Asperat, & lolium sterileque extrudit avenas.  
 Ipse inimica suo fundit de corpore serpens  
 Toxicæ, & immani noxas intendit hiatu.  
 Ante oculos stant fata tuos, & stamina rumpens  
 Atropos ingentes spumis furialibus iras  
 Colligit. aterna spes indubitata salutis,  
 Cælestumque favor justo cessere furori.  
 Heu nimis ignava mentes, & prodiga tanti  
 Religio primæva boni, nec docta secundis  
 Temporibus servare modum. quàm nescit eodem  
 Stare diæ fortuna loco. quàm quicquid in alto est  
 Labitur, ingentemque trahit sors magna ruinam,  
 Gaudiaque invitant celeres contempta dolores.  
 Sic dum jussa prior violas, & pacta resolvit,  
Solvunt



Solvunt cuncta fidem : tibi nec debere putavit  
 Se quicquam natura parens, quem negligit aether,  
 Et fastidiri refugit clementia caeli.

Hos inter casus, primique incommoda secli  
 Rursus, Christe, faves, & lato rupta Redemptor  
 Federa promisso reparas, & grande malorum  
 Fulcis sponsor onus; nec quam sperare salutem  
 Fas fuerat, sperare jubes; causamque clientis  
 Induis ipse tui, & pariter cum vindice, jam tunc  
 Incipis esse reus. cxli peccator & orbis  
 Erigis exanimis, & magno languida luctu  
 Corda levas, lapsisque cupis succurrere rebus.  
 Tu soboles, tu semen eras, tu debita terris  
 Progenies, quam castræ ciet pallentia contrâ  
 Lurida Tisiphone, quæ post sua funera victrix  
 Surget, & exuvias ditis spoliabit Averni,  
 Umbrarum, lethique potens. Te prescisci Christum  
 Expectant tot vota Patrum, spectantque priorum  
 Natales cupida ora tuos. fit parvulus Isac  
 Exemplum fendale tui. quæ ligna puellus  
 Bajulat, hæc tua sunt, hæc sunt morientis imago  
 Terrarum Domini. magno tua nota fuere  
 Sceptra seni, regemque sibi despondet Iudas.  
 Adspicit effusas, typici sed sanguinis, undas  
 Memphis, & innumeratas inter solatia mortes  
 De te certa capit. toties quæ cadibus ara,  
 Et centum geminis fumant altaria tauris,  
 Supplicii sunt scena tui. cur, magne sacerdos,  
 Sacra facis? mediique subis penetralia templi?  
 Cur tibi secretos dirimit cortina recessus?  
 Cur hac sede latet Seraphim? cur balsama stillant  
 Vestibus, & rutila gemmarum luce coruscat  
 Pectus? & illimi toties adspargeris unda?  
 Hic vir, hic est, quem tota gravi sub lege vetustas  
 Abdidit, & cæca involvit caligine Moses,  
 Ille Palaestinis oracula vatibus olim



C. B A R L Æ I

Prodidit, arcanoque afflavit pectora motu :  
 Seque, suosque obitus, & diræ præmia mortis,  
 Et genus, & patriam, & tanti miracula partus,  
 Immensumque reclusit opus. stupet edita cælo  
 Isacidum responsa domus. promittitur orbi  
 Oceani terræque pater, rabidumque Sibyllæ  
 Pectus & Euboicæ fundunt præsagia Cumæ.  
 Nec puduit cæli sobolem, mundique parentem  
 Mortali mox carne tegi. fert pondera mater,  
 Autorem complexa suum. gestatur in alvo  
 Materni faber ipse sinus. pars arctior orbis  
 Numen habet ; capiturque loco, qui laxior omni,  
 Cuncta capit. Deus, ecce Deus, lux maxima mundi  
 Obscura regione latet, scribitque penates  
 Mens immensa sibi, & spatioso major Olympo  
 Iam fit matre minor. cunctis antiquior annis  
 Nascitur, atque sui primordia supputat ævi.  
 Immortale coit fragili, cæleste caduco,  
 Et Deus in membris habitat, visusque creator  
 Ambulat, & vilis partem augustissima glebæ  
 Consociat natura sibi. spectatur in uno  
 Rerum summa viro : vastique extrema theatri,  
 Hinc cæli, hinc terræ dominum complectitur infans.  
 Magne puer, tuæ cælesti cunabula latè  
 Per populos præcone tument. te prævius anteit  
 Isacidum de gente nepos, cui rustica præbent  
 Mella cibos, & cruda parant alimenta locustæ,  
 Horridaque agrestes circundant tergora pelles.  
 Talis mane diem & roseos Hyperionis ignes  
 Aurea prægreditur roseis Aurora capillis,  
 Venturumque Deum terris, plenaque remisso  
 Testatur splendore faces. sic regia iussi  
 Numina præcedunt famuli, nec fulgida sceptri  
 Majestas sine teste venit. præludia lecti  
 Sponsus amat, tædisque præit gævisæ juventus.  
 Te nascente, ferunt, supremi ante ora parentis  
Angelicos

Angelicos luisse choros, & carne latentem  
 Præsensisse Deum. stellataque machina mundi  
 Proscripsit ferale jubar. micuere secundo  
 Omine siderea facies; dum pignora cælum  
 Tanta sibi promissa putat. sua frigora fulgens  
 Ægoceros media voluit mitescere bruma,  
 Et tepuit glacialis hyems. decessit Olympo  
 Arctophylax, fugit sociæ cum conjuge Cephæus,  
 Et Chiron, Perseusque ferox, & Pleias, & ipse  
 Amphitryoniades; nec toto fabula cælo  
 Vlla fuit, vatumque labor. sub Principe tali  
 Non ultra stricto fulsit nimbosus Orion  
 Ense ferox, pacisque Duci sua subdidit arma.  
 Hoc nascente, sui jam tunc præsagus honoris  
 Intumuit Iordanis aquis. Galilæa futuros  
 Præcepit mansuetæ sonos. Bethlemia risit,  
 Heu luctus ignara sui. melioribus undis  
 Asphalti fluxere lacus, præsci que doloris  
 Immemores læta latices fudere paludes,  
 Et fœdos, puer alme, tibi pressere vapores.  
 At Solyma montes, & magno sacra Tonanti  
 Tempia, laresque pii, & multo li ventia tabo  
 Limina, Iessæ clarum penetrale tinarâ,  
 Adventu tremuere tuo. perculsa verendis  
 Aula puerperis, & sceptris amula fasces  
 Extimuit vesana tuos. Tibi corniger Ammon  
 Conticuit, fallaxque sua mendacia lingua  
 Dediticit. pressere leves oracula Delphi,  
 Nec Lyciæ sortes, insanaque jussa Deorum,  
 Non Carmenta sagax, non Manto, & Pythia vates,  
 Deiphobe vivax, Dodoniadesque columba  
 Invenere fidem. proscriptis fraudibus orbis  
 Hoc veri doctore sapit. Sed Tartara major  
 Terror habet, subitque atros formido penates,  
 Et Phlegethontæus domino adventante tyrannus  
 Horrui, & timidis languens expalluit umbris.



Turbati manus Erebi, gentesque profunda  
 Hoc altum siluere die, flagrisque remissis  
 Eumenides, magno compresse pectora luctu,  
 Irarum stimulis formidatoque furori  
 Imposuere modum, laxata licentia poenæ est  
 Sontibus, & nullæ miseros strinxere catenæ.  
 Sancte Puer, non te facili latata marito  
 Conjugii vis blanda dedit. te parturit ather;  
 Cœlestiumque labor, totoque electa Sione  
 Virgo decens. tumuere sinus, jam numine pleni,  
 Felicis Mariæ. sic prisca labe carentem,  
 Nec jam seruantem sceleris vestigia nostri,  
 Fata dedere piis. toti pax reddita mundo  
 Adspexit, qui grata suæ feret otia genti,  
 Æterna pacis dominum. sub Cæsare natus  
 Imperium regale capis, bellisque repressis  
 Bella paras; Stygioque mores nova prælia regi,  
 Dum Latio Bellona silet, dum Martius horror,  
 Iraque, insidiæque, & vis scelerata nocendi  
 Ferratis frendent portis, & vincula mordent.

Sed Vatem jam, Christe, vocas, qua pauperis  
 Hospitio contempte jaces. regnator Olympi, (aulæ  
 Naturæ pater, & spatiosi gloria mundi  
 Sperneris, & tuguri congestum cespite culmen  
 Deposuit tam grande forvet. penè exulat orbe  
 Orbis honos, tenuesque lares & limina seruat  
 Majestas speciosa poli. turgentia fastu,  
 Et picturatis videas aula columnis  
 Surgere, quæ Pelopi Lydius, vel Persia Xerxi,  
 Mausolo regina struit, regalia cingunt  
 Pignora Sidoniæ chlamydes, & lucida gemmis  
 Surgunt sceptriferis augusta cubilia natis.  
 Solæ ruinosos soboles diuina penates,  
 Paupertasque colunt. Tyrio non murice palla,  
 Fulgentique croco redolent, nec vellera Serum  
 Involvunt teneros artus. sua munera nescit

Cuncta



Cunctarum donator opum. caret ætheris auctor,  
 Quæ fecit, tribuitque, bonis : & jussa parentis  
 Dum facit, obsequio regum postponit honores,  
 Dissimulatque Deum. sed enim c inabula longè  
 Chaldaei videre senes. Te sensit ab Ortu  
 Assyrius, Perseque Magi. dant munera Reges,  
 Et præeunte sagax Babylonius horruit astro.  
 Vberibus sanctis Maria, charoque redemptor  
 Crescis adoratus gremio. Te sustulit ulvis  
 Mater, & hæud vero porrexit ad oscula patri.  
 Quin tua cælestes celebrant natalis turmæ,  
 Et votis adsunt Superi. ventura potestas  
 Claruit à pueris, & dum contemptior exis,  
 Imperii tot signa micant. sit parvula Bethlem,  
 Sit despecta parens, vili involvaris amictu,  
 Crederis has inter sordes augustior infans.  
 Ecce manus juvenum interea, pecorumque magistræ  
 Approperant, quibus insolito splendore comarum  
 Innocuus collucet apex, & lata futurum  
 Promulgant oracula Ducem. Tot testibus heros  
 Nasceris, inque tuis cœunt præconia canis.  
 Dicat vota senex : mediis tibi carmina templis  
 Anna fremit : positumque truci sub lege sacerdos  
 Vulnerat, & sacris operans agnoscit apellam.  
 Indyta progenies, magnum Patris incrementum,  
 Quo patria tellure fugis ? tibi destinat idem  
 Exilium, vitamque dies. nam prævia sorti  
 Præludunt hæc fata tuæ ? cur sceptræ gerentem  
 Sceptræ premunt ? regumque furor vagiibus instat,  
 Armorumque mina ? per tot discrimina rerum  
 Provehæris, magnique patris mandata capeffis,  
 Nec sine lege fugis. quantas Bethlemia clades  
 Spectasti, miserata tuæ tot funera gentis,  
 Infontesque animas, quæ sitaque corpora letho,  
 Infertosque truces jugulis puerilibus enses !  
 At tu, nate Deo, medios elapse per hostes

Niliæ

Niliacos penetrare sinus, atque intima tutus  
 Regna Phari poteras; longisque erroribus actus,  
 Thariada veterumque premis vestigia Patrum.  
 Non mihi si latices Siloe, si porrigat Hebron  
 Pocula, si cunctis destillent collibus unda,  
 Et vatem Dan ipse riget, tua dicere facta  
 Sustineam, casusque tuos. En pondere rerum  
 Obruor, immensaque absorbent carmina laudes.  
 Vix tibi bisseis atas defluserat annis,  
 Argueret cum cura virum, subsellia mystam,  
 Attonitasque senum praecox facundia mentes  
 Duceret, & sacris puerum Iudaea superet  
 Porticibus, moresque tuo decerperet ovo.  
 Tunc poterat novisse Deum. nec virvida caeli  
 Vis sufferre moras valuit. responsa daturus  
 Supplicibus diuina venis, populumque labantem  
 Erigis, & latis recreas affatibus urbes.  
 Tutaris sermone reos: clementia verbis  
 Inseritur mansueta tuis: non displicet hostis,  
 Diligiturque nocens: in nos peccantibus ultro  
 Ignovisse doces. semper placabilis adstas  
 Sontibus: inuisa damnatur subdola lingua  
 Gratia, & in segnes proclivia tempora luxus.  
 Vltoris rabies, & personata notatur  
 Religio: plus illa placet, quam candor & insons.  
 Iustitia commendat amor: secunda bonorum  
 Exigitur, non pigra fides. jam templa repurgas  
 Quastibus, & patulis inhiantem faucibus auro  
 Pellis avaritiam: perfusa superbia fuco,  
 Et levis ambitio, regnique insana libido,  
 Imperiique furor sancto proscribitur ore.  
 Ingenium, sed mite, probas: solatia lugens  
 A te magna capit, nec tali iudice caelo  
 Paupertas inuisa fuit. felicibus inde  
 Auspiciis duras constans patientia leges  
 Accipit, & precio gaudet contenta futuro.

Quicquid



Quicquid amat, poscitque levis vesania mundi,  
 Officii sprevisse tui est: si gaudeat ille,  
 Vis plorare pios: quod si suspiria ducat  
 Tristior, hos gaudere mones: quod credit honestum,  
 Turpe putas; quod turpe, bonum. tibi charior esse  
 Qui cupiet, suus esse cavet: tunc vita paratur,  
 Cum praesens neglecta fuit: sapientia, luctus,  
 Gaudia, divitia, regnum, pax, bella, triumphi  
 Iudicibus distant geminis. discrimina recti  
 Cum Superis natura facit. Te teste beati,  
 Cum miseris licet esse, sumus; despectaque viles  
 Colla levant animas, atque inopes aeterna coronant  
 Praemia, nec longo marcescens laurea seculo.  
 Has caeli largiris opes, promissaque patris  
 Afferis intrepidus. paucis haeredibus aether  
 Scribitur: & quamvis duro certamine constent,  
 Vis gratis haec dona dari. Furit inde ruitque  
 In sacrum gens dira caput, dominumque salutis  
 Despiciunt inconsulta sua. responsa docentis  
 Contemnant cum plebe patres, contraque Tonantem  
 Conjurant tot sacra acies. quæ sita nocendi  
 Materies; gravibusque odiis alimenta ministrat,  
 Quod vinci virtute pudet. Tu nescia veri  
 Corda doces, charaque doles deliria gentis,  
 Ostentasque Deum terris. tua dividis agris  
 Et miseris benefacta palam, grandæque per actus  
 Vis divina meat, numenque agnoscitur illis.  
 Credite jam Solyma, veterumque oracula vatum  
 Pandite Pontifices, promissaque tempora vestri  
 Explore Ducis. Syrias spectate per urbes,  
 Quæ nova portendant Superi, quo robore leges  
 Deducat natura suas. Num reddita terris  
 Corpora? num manes ima tellure sepultos  
 Cernitis exciri, & trepidum spirare cadaver?  
 Hic sua per solitos circumfert lumina tractus,  
 Luminis orba diu. nectunt talaria plantis

Loripe-



Loricæ pedes, & jam multum veracis Iesu  
 A pedibus documenta petunt. hic auribus adstat  
 Arrectis. discitque sonos. hic vincula linguæ  
 Laxat, & insuetas audire & reddere voces  
 Miratur se posse suis. nova iussa coercens  
 Infamis rectorem Erebi, Stygiaque phalanges  
 Hoc mandante prævent, afflictaque corpora iussa  
 Destituunt, mutantque alio sibi regna profundo.  
 Subsidunt maria, & turbata per aquora Cauri  
 Detumuerunt truces. nec enim rex Æolus undis  
 Imperat. hic Deus est, tempestatemque coercens  
 Ventorum, pelagique pater. Quid Roma stupefcis  
 Sanguine mutatos latices? meliore Lyæo  
 Inspidæ mutantur aqua, mensisque resurgunt  
 Gaudia. quin fractis redeunt vitalia membris  
 Robora, diffugiunt morbi, luctusque, dolorque.  
 Datque malis veniam bonitas, miserisque salutem  
 Officiosa Salus. plenis alimenta canistris  
 Expediunt inopina viri, & succrescere pastis  
 Feræ stupent cuncti populis, totoque relictum  
 Plus superesse sibi. sensit miracula cælum,  
 Vnda, solum, & magno famulatur machina Christo.  
 At jam majorum subeunt molimina rerum,  
 Immensumq; aperitur opus. quid in arma furentem  
 Impulerit Solyman, sacrasque accendit iras;  
 Quid clarum pietate virum tot adire labores  
 Suaserit, ipse Deo quare succensuit æther,  
 Quis miseris ventura salus, qualique litandum  
 Supplicio, priscumque nefas ceruice piandum.  
 Distractos sileat Musarum pagina currus  
 Hippolyti, miserique truces Ixionis orbes,  
 Et fixam scopulo Andromedam, pœnasq; Promæ  
 Aut Tityi ferale jecur. Iam nostra reposcunt (thei,  
 Innocentium peccata caput, venerandaque fines  
 Evolvunt decreta suos. En proditur orbi  
 Progenies æterna Patris, preciumque nefandæ

Prodi-

Proditionis habet tanti conviva magistri.  
 Fit scelerum merx ipse Deus. pars inclyta mundi  
 Venditur, & toto pignus venerabile caelo,  
 Totque operum vilescit honor. mercabile Numen  
 Prostat, & hac audet servus de sorte pacisci.  
 Cessit avaritiæ pietas, sacroque furori  
 Religio. nec jam blandi documenta favoris  
 Oscula sunt. etiam speciem mentitur amantis  
 Vultus, & infidis candor complexibus hæret,  
 Simplicitasque dolum patitur. quid stringis Idume  
 Infontes à labe manus? quid corpora ductas  
 Sacrilega captiva manus? cur crimina testis  
 Congeris? atque emptæ fundis mendacia lingua,  
 Et fingis peccasse Deum, summoque Tonanti  
 Accinis infames complis suadentibus ausus?  
 Heu, captivus abit, quo solum vindice terris  
 Libertas ac vita datur; tenebræque datorem  
 Æternæ jam lucis habent. latet abditus atro  
 Carcere, & ingrati queritur tot crimina mundi;  
 Dumque reos toto passim circumspicit orbe,  
 Se cunctis cupit esse vadem, spondetque redemptor.  
 Ille Palestini metuenda palatia regis,  
 Sacratosque lares. & prisco dissona ritu  
 Tecta subit, rigidique audit suffragia juris,  
 Et culpa momenta sua; pavidumque tribunal  
 Dum videt, & trepido damnari iudice causam,  
 Ceu victus, ratione silet; lenique modestus  
 Quidlibet ingenio subigit, spernitque ferendo.  
 Nec satis est magnis aulæ rectoribus ipsum  
 Displicuisse Deum. salibus vesania ludit,  
 Lascivitque jocos populus, milesque profanus  
 Ludicra sceptrâ parat, despètaque purpura Regem  
 Arguit, & viles commendant regna coronæ.  
 Intereâ indigno crudelis dextra flagello  
 In miseros artus, damnataque tergora sævit.  
 Verberat improbitas, petulansque ferocia nudum

Lanci.



Lancinat ; & ne quid sceleris restaret inausum,  
 Aut ignominia, aut pœna pars ulla vacret,  
 Ora manus violat, pulchrosque amentia vultus  
 Conspuit, & secum scelerata insania certat,  
 Et nescit vis tanta modum, cumulosque malorum  
 Congerit, atque suo applaudit Iudæa furori.  
 Scilicet illa sui magnus Servator amoris  
 Communes vult esse notas, ut venditus ipse  
 Nos redimat, vincētusque exolvat corpora vindis,  
 Absolvatque reos insons : ut proditus orbem  
 Fraudibus expediat : ludibria passus, honorum  
 Feneret ac fama titulos, æternaque laudum  
 Nomina : capti vosque, etiam captivus, Olympo  
 Vindicet : ut nostras regalis adorea frontes  
 Cingat ovans : regesque sibi, domosq; triumphans  
 Associet : donet pavida solatia menti  
 Sollicitus : lachrymasque meis abstergat ocellis,  
 Cui lachryma fluxere prius : gemitusque piorum,  
 Qua genuit quoque voce, levet : flagrisque repellat  
 Flagra suis : damnet malesani opprobria mundi  
 Majestas exposita jocis, tantique doloris  
 Scena per infandos decurrat latior actus.

Cernite pendentem fatali ex arbore Christum,  
 Ifacida. spectate trabem, qua nobile pendet  
 Hebraei columen generis, gentisque vetusta  
 Vnica spes. spectate virum, quem templæ, sacerdos,  
 Victimaque, & veteris referunt præludia seclæ.  
 En, quali moritur mundi consorte Redemptor,  
 Latrones inter medius. sublimior illis  
 Tollitur, ut possit credi sceleratior illis.  
 Stat geminos inter pietas spectata Photinos,  
 Iustitiæque pater sociis immixtus inerrat  
 Criminibus; damnatque locus, pœnæque theatrum,  
 Quem cœlum peccasse negat. perfossa trabali  
 Membra rigent clavo, distentaque brachia signum  
 Amplexantis habent. peccantem. invitat Apellam  
 Dexteræ.



Dextera, sed nondum recutitum blandius ad se  
 Læva vocat populum. facilis clementia cunctos  
 Allicit, & gestit perituræ parcere turbæ.  
 Quam capitis subsidit onus, cervixque remissa  
 Annuit; & pronò nobis fert oscula vultu,  
 Ceu propior laturus opem: quam vulnèra fœdant  
 Paciferos truculenta pedes: quam vertice celfo  
 Serta verecundam circundant spinæ frontem,  
 Ludibrium, Iudææ, tuum: quam mortua nūmen  
 Lumina dissimulant, humilique in imagine servi  
 Mens diuina latet: quam se sinit esse ministrum,  
 Iamque minor vult esse Deo, quem maximus æther,  
 Nec fulgens cum Patre parem fastidiet aula!  
 His decuit fatiis, per tot discrimina rerum,  
 Ad Superos aperire viam. Proh, quisquis Olympi  
 Summa petis, sectare Ducem, cui pallida mortis  
 Deturpat faciem facies; horretque cadauer  
 Supplicio, nudumque latus transverberat hasta.  
 Qui stillat per membra cruor, quo sanguine tristis  
 Ara rubet, primi facinus fatale parentis  
 Expiat, & pellit, quos intulit ille, dolores.  
 Hic precium, pro thiure, datur, placataque reddit  
 Numina, & aduersa solvit formidine mortis  
 Pallentes animas. hoc flumine defluit agris  
 Æternum mansura salus, Erebiq; fugatur  
 Horror, & athereus signat nova fœdera rector;  
 Attica centenis fument altaria tauris,  
 Aut Agamemnonis ferrum crudele puella  
 Sæuiat in iugulos; humano sanguine gaudens  
 Taurica barbaricas deposcat Cynthia cedes;  
 Absint Tantalida fratres, & Iasonis uxor,  
 Quæque sibi finxit miserorum fata vetustas:  
 Tu fidei Crux summa meæ es, tu sola labantis  
 Præsidium, tu certa meis solacia fatiis  
 Sufficis, una meæ requies placidissima mentis.  
 Tu, veteris medicina mali, tot crimina sospes

Abhis,

Abluis, & rigidæ damnas suffragia legis,  
 Et formidatas inferni principis iras,  
 Cocytumque, Erebumque domas. O funus amicam,  
 O lethum vitale piis, ô grata dolorum  
 Commoda, speratæque neces, ô apta medelæ  
 Vulnera, quique ferent magni nova gaudia lactus,  
 Exhilarer qui corda dolor, miserosque relaxet  
 Pœnæ reos. in qua Superum clementia victrix,  
 Iustitiæque rigor coit, & sapientia summi  
 Regis adorandos aperit consulta recessus.

Atque ea diversa Solyma dum parte geruntur,  
 Autoremque Deum, regnatoremque profundi  
 Præsensit Natura pati, perterrita vultus  
 Abdidit, & totum tenebris involvit Olympum,  
 Absolvitque reum. media Sol luce coruscans  
 Occidit, & subitis mœrens expalluit umbris,  
 Et Christo moriente suos abscondit honores.  
 Ipsa etiam vastis tellus tremefacta cavernis  
 Horrui, & sceleri se dissentire nefando  
 Esse palam voluit. cernas delubra moveri  
 Supplicio percussa Dei, sustensaque celsis  
 Fornicibus cortina novo discessit hiatu.

Maxime fatorum domitor, semperque vigentis  
 Imperii, vitæque pater, magne arbiter avi,  
 Christe, jaces; vitæque & grati luminis expers,  
 Hac quoque suprema pateris dispendia sortis,  
 Informesque plagas. jam te mortale sepulchrum,  
 Et lethi funesta domus, secretaque mundo  
 Antra tenent, gelidoque rigent tua corpora saxo.  
 Hic misero concessa quies, hac meta laborum  
 Parte stetit, pœnæque modus. Tu, squalidæ quisquis  
 Tecta times, tacitosque lares, umbrasque silentium,  
 Hoc tumulo mirare Deum, tantique cadaver  
 Principis; & tali pudeat differre magistro.

Exstruite aratos obices, advolvite rupes  
 Improbæ gens, cingat captos custodia manes,

Sollici-



Sollicitusque pavor. circumstet fulgidus ære  
 Miles, & armato jaceat custode sepultus.  
 Non patitur murum pietas. cui cuncta creandi  
 Vis primæva fuit, nec delassata potestas  
 Edomuit deforme Chaos, vultusque latentes  
 Eruiit, exuti pandit sacraria Diis,  
 Perque Domos Erebi, per ineluctabile fatum,  
 Tartareosque lacus, loca nocte silentia lætè  
 Sternit iter. non humana molimina dextra,  
 Non obices tenuere Ducem. laxata patescunt  
 Atria, neglectisque patet custodibus æther.  
 Sic illum perisse iuvat. sic profuit orbi  
 Tot pœnas sensisse vadem, stetit obside in isto  
 Relligio, terrisque redux diu redditur, unus  
 Pallentes Stygius animas emancipat umbris.  
 Nec jam vana fides rediuiui vulnera Christi  
 Adspicit, aut tali dubitat se credere vari:  
 Qui post tot casus, post tot dispendia, cædes,  
 Flagra, neces, diræque crucis crudele theatrum  
 Exolvit se morte sua, rursusque resurgens  
 Publica jam partæ dedit argumenta salutis.  
 Succubuit mors victa Deo, damnataque lethi  
 Causa fuit; cessit titulo Lex dura minaci,  
 Et didicit peccata pati; morituraque tandem  
 Corpora tam grandi sperant sub vindice vitam.  
 Quam felix fuit illa dies, quam latior astris,  
 Et circumfusa liber caligine lætè  
 Emicuit populis Titan, dominoque potenti  
 Assurrexit orans. decuit cum Sole renasci  
 Iustitiæ jubar, & magno de lumine lumen  
 Fas fuit hos ipsos luci donasse triumphos.  
 Hæc regni lux prima fuit. nec proxima solum  
 Adventu nituere Dei; sed totus ab æclis  
 Nubibus exiit, ur Libanus, Iudæa renidet,  
 Insolitofque Sion radios Davidica vibrat.  
 Nec tumulos res tanta læset, turbata cientur

Tartara



Tartara, & imperium non dedignata sepultos  
 Terra dedit, priscaque objecit corpora luci,  
 Et Solem desueta pati rediere sub auras.  
 Vos testes estote nurus, paribusque sorores  
 Vocibus, & quotquot portatum balsama matres  
 Venistis, myrrhamque piis aspergere membris.  
 Vos fractos tetigisse obices, semotaque saxa,  
 Et vacuum stupuisse locum, sine corpore sedem,  
 Credimus, & tanti famam vexisse laboris.  
 Per vos exanimi rursus data gaudia mundo,  
 Et solamen habent populi. Vos cœlica prima  
 Nuncia, & athereo reparatam vindicæ cladem  
 Didistis in terras. vestri dispendia sexus  
 Sensimus, & peccans fatalia tempora mater  
 Prima tulit, tetricosque dies. nunc munere vestro  
 In melius gaudent iterum se vertere fata,  
 Feminaque ut mortis, sic altera nuncia vita est.  
 Transmittunt sedis vatum commenta futuris  
 Femineæ virtutis opus, quod præscia fati,  
 Susserit imperium Tanaquil, trajecerit undas.  
 Clœlia, tot cupidos uxor castissimæ sola  
 Traxerit arte procos, Latius Corneliæ portis  
 Vexerit illustres armis spoliisque superbos  
 Scipiadas: vobis debet præconibus atas  
 Postera, vos sacros inter facundia cœtus  
 Tolle, & aternis donabunt carmina fastis.

At nunc humanos humili de pectore sensus  
 Excute mens, terræque satur, Christi que malorum,  
 Sidera, & atheriis habitatas mentibus arces  
 Concipe. quid cessas vili secedere mundo?  
 Te sequor, assertæ gentis decus, & tua fixis  
 Ponè premo, quæ summa patent, vestigia plantis:  
 Fastiditur humus, magnisque illustrior ather  
 Annuit auguriis, & dum tibi scepra parantur,  
 Christe, & adorandus toti decerneris orbi,  
 Eveheris, terrasque super, sublimior astris

Tolle

Tolleris, & dudum promissum ordiris honorem.  
 Regna tibi, sed prisca, patent; regisque capeffis.  
 Æterno sed jure, decus. spectate triumphum  
 Christigenæ, qualisque redux conscendat Olympum  
 Victor, & exuviis spoliis Acherontis onustus,  
 Occipet augustam titulis regalibus æthram.  
 Officii partes dirimunt tellusque polusque.  
 Obsequii locus illa prior, sed dignior ille  
 Imperii decorisque fuit. quem spreverat illa,  
 Ille capit. nec jam lachrymis perfusa madescunt  
 Lumina, non lachrymis gemitus, non lætus inerrat  
 Vocibus, aut nostra præstat vadimonia culpa.  
 At clivum novus ambit honos, & fulgida cæli  
 Gloriæ, & Angelicis speciosum cœtibus agmen  
 Irradiat splendore vicum, fremuere leones  
 Romulidis, sociisque Ducem traxere lapatis:  
 Hunc supplex natura vehit, nubesque ministrat  
 Tot rerum officiosa parens. sedet ille, ruitque,  
 Quæ surgit Tarpeia domus; sed sidera tranat  
 Alter, & inferius positos sibi subjicit axes,  
 Et quicquid mortale fuit. captiva per urbem  
 Agmina barbarico videas infrendere vultu,  
 Totque catenatos lente procedere Reges.  
 Hic Regem, dominumque Erebi, & Phlegetontis ava-  
 Criminaque, & sævo minitantia fata flagello, (v)  
 Quæque obitus Superumque truces lex nunciat iras,  
 Post sua terga trahit. cingunt vitricia lœvi  
 Tempora, vel quærni ludunt in frontibus orbes,  
 Quæque triumphatis nectuntur gramina rostris.  
 Huic orbis pro sorte datur, sunt præmia cæli,  
 Terrarumque plæga; tituli Regumque Ducumque,  
 Læus læudi cognata patris. dat munera rector  
 Ausonius, numeratque suis sestertia castris.  
 At nos æterna solantur munera vitæ,  
 Et merces datur ipse Deus. pax, regna, voluptas,  
 Gloria, libertas domino donantur in illo.



Agnoscisne tuos, Princeps venerande, penates?  
 Hi sunt, quos toties odiis vexatus acerbis  
 Patre tuo monstrante petis. penetrabilibus istis  
 Sors nobis promissa latet, tot vota tuorum  
 Excipis, & quamvis celsa regione locatus,  
 Afflicta tamen usque cupis miserescere gentis.  
 Hic tua difficilem vitiiis clementia patrem  
 Lenit, & ingentes orando mitigat iras.  
 Hic Regem te, Christe, geris, praefracta tyrannis  
 Colla domas, sceproque potens ultore coërces.  
 Hic sapiens fluctus, tempestatesque futuras,  
 Et populi tot fata tui moderaris, & inter  
 Classica, bellorumque minas, regumque furores.  
 Consicis electa tranquilla silentia turba,  
 Alcionumque dies. illinc percussa tuorum  
 Pectora, & ingenti fractas formidine mentes  
 Afflari propiore Deo. nova reddita ab alto  
 Vis animis, sacraque piis praecordia flamma  
 Incaluerere viris. fundit facundia voces,  
 Muta prius, discitque loqui. timor exulat omnis,  
 Seque paludatis infert fiducia testis,  
 Praesidii securam sui. bisseua per orbem  
 Corpora sub gemino late dum Sole vagantur,  
 Innocuum virtutis iter, calique recludunt  
 Delitias, tenebrisque insuetam affundere lucem  
 Occipiunt, cunctisque ferunt tua nomina templis.  
 Tot circum delubra silent, nec credulus error  
 Tercentum tonat ore Deos. Hecatenque, Iovemque,  
 Stultaque te gemina veneratur saxa Diana.  
 Displicet improbitas, gaudet caelestibus ausis  
 Pro te quisque mori. pudor est plus pendere vitam,  
 Quam fidei decreta tua: laus unica sperni est,  
 Nec placuisse sibi: laus altera, spernere, quicquid  
 Desipiens exposcit amor, vel turgida fastu  
 Ambitio, vel quod rimatur fraudibus aurum  
 Diva fames. sic tota tuis vatura renasci

Imperiis.



Imperiis studiisque potest, & numine plena  
Imbibit aethereas mortali in corpore curas.

Salve siderei proles æquæ parentis,  
Et tandem, rediture, redi. da cernere vultus  
Possè tuos, nubescque inter libratus & axes  
Extremum hunc, Rex magne, tuis concede laborem.  
Ultima decrepito dicta suffragia mundo,  
Et scelerum formas, vitasque, & crimina disce.  
Tot Iudex discerne reos. clementia partes  
Et peragat mens justa suas. sapientia totum  
Flectat opus: vasti cieat spatia undique mundi  
Dextra potens. reddat pelagus, quos abdidit undis;  
Funereasque domos & cæca habitacula pandat  
Terra parens. cœant clari cum paupere fascès,  
Cum fullone togæ. subsidant arma potentum,  
Tot pateant fraudum portæ. tua vulnera spectent,  
Qui fecere, rei. timeant oracula, quotquot  
Hic sprevere prius. sic tanti scena theatri  
In partes abeat geminas, vitæque necisque  
Arbiter æternis claudas hos finibus actus.

Interea decreta tibi dum tempora differs,  
Respice, quæ mediis tua jam jactatur in undis,  
Christe, ratis. compeſce Notos, infestaque transstris:  
Equora. tu nobis tanta caligine rerum  
Pro Polluce mica, nobis pro Castore fulge;  
Ut per nocti vagos errans tua cymbala tractus,  
Cyllaos inter scopulos, interque Charybdin,  
Rectum seruet iter. diuisa aplustria puppis  
Collige, distractosque duces concordibus uni  
Regniis. pacem dona rectoribus orbis,  
Ut quos nox thalami, placent tua vulnera, Iesit,  
Ut mortis sors dura tua. sociata perennent.  
Filia mixta Rosis, æternaque fœdera jungant  
Errarumque marisque Deos. Tu flectere Reges,  
Tu solus lenire potes, tu mitibus iras  
Consiliis dictisque domas. Hæc vota Redemptor;

*Has audi, Deus alme, preces; magnique tixis  
Borbonii, Regisque tuo de nomine dicti,  
Prospera compositis decurrant secula bellis.*

*Serenissimo, Potentissimo, Inviētissi-  
moque Principi,*

C A R O L O I,

D E I G R A T I A

Magnæ Britannia, Francia & Hibernia  
Regi, Fidei Defensori, &c.

**Q**uem paci servant Superi, Mars commo-  
dat armis,

Et belli studiis vult Soror esse pium:

Quem regni præcepta Parens, exempla Vetu-  
stas

Edocet, ac cælo destinat alma Fides;

Accipe regales, *Princeps Auguste*, triumphos,

Et facilis Musas sublevert aura meas.

Cum legis effusos in publica vota Britannos,

Hæc eadem Belgas dicere crede tuos.

In Batavis pudor est, Regem Dominumque  
creari.

At fas in Batavis sceptrâ Deosque cani.



## BRITANNIA TRIVMPHANS,

Sive in Inaugurationem Serenissimi ac Invictissimi Principis CAROLI I, Dei Gratia Magnæ Britannia, Francia & Hibernia Regis, Fidei Defensoris, &c.

**A**nglia, quæ triplici distinctum murice Regem,  
 Nec simplex veneraris ebur; cui mitis Ierna  
 Exiit agrestes animos, & regia Nerei  
 Arctois famulatur aquis, medioque natantes  
 Orcaes Oceano, & gelidi confinia mundi:  
 i qua tuis unquam respondit purpura votis,  
 Aut meruit diadema coli, placataque terris  
 expandit faciles Divum clementia vultus,  
 Iunc sacrum tibi crede diem, quem fundit ab Ortu  
 atior & lentis Pyrois producit habenis,  
 Nec cupiat meruisse mari, tristisque serenum  
 empestare regi; quem cum subduceret astris,  
 festinat augustis rerum Natura triumphis.  
 Non Regum jam busta queror, Tamesisque dolores  
 aggerit, aut nigros percussa palatia peplos,  
 læstaque ferales deposcunt limina taxos.  
 ut faciles fulsere faces, nec lava Britannis  
 strata meant. damnat patrios Saturnius ignes,  
 et solis fatale jubat. Tibi pronus Etrichtheus  
 innuit, & sociâ fulgens cum conjuge Cepheus,  
 etque Ariadna radiant ad sceptrâ coronâ.  
 num chelæ posuere minas? num serpens Orion  
 irrigit audacem coeptis ingenibus ense,  
 munit regale latas? num Menalis arsa  
 antiquo custode caret? Regique recentis  
 militat Arctophylax, & tardi cura Boota?  
 plausus coiere poli: quaque adspicit Austrum  
 bion, aut Scythicos Thule timet ultima fluctus,  
 irridaque arcanis se Scotia salibus abdit.



Ingeminant sua vota Dii. diuisaque caelo  
 Sit licet, & medium Tellus disterninet axem,  
 Cum superis gaudere cupit: nec solæ Deorum  
 Gaudia tanta putat. potius sibi debita credit,  
 Que Caroli sibi Numen habet, tantoq; triumphan.  
 Esse studet potior, quam o est vicinior ostro.

Quis mihi magnorum penetrabilia pandere vatum  
 Audeat, & sacra percussum Menade pectus  
 In furias Thymbræus aget? quis torrida dudum  
 Labra Caballinis dabit immeruisse fluentis,  
 Et solitas promittet aquas? dum personat aulæ  
 Irrequieta chelys, fidibusque aptata Latinis  
 Barbata trans vastos fundunt sua marmura flus-  
 Et concurs sociis arridens Belgica terris (ctus;  
 Prasumit me vate loqui, regemque creari  
 Virtutum sine teste vetat. Non abnuat amnes  
 Calliope, cum docta canunt commenta Serenæ,  
 Et Pelusiææ turgent Silicone Carcenæ,  
 Et Latii cantatur apex, aut templa futuro  
 Assurgunt Tiberina Duci: seu Mallius annum  
 Consul init, Geticisque insignis Honorius armis  
 Grandiloquo præcone tumet; vel latior æther  
 Adspicit Arcadium, vel magni fata Proboni,  
 Et decantati trabecæ miratur Olybri.  
 Isthmia Thebanos meruerunt gaudia cantus,  
 Et palma laus tanta datur. dum clausibus Aulis  
 Feruet, & imperium geminis concedit Atridis,  
 Mæonidem furor iste rapit. Spectacula Pœtas,  
 Cesareæque cient epulæ, strepitusque theatri,  
 Et plausus Caveæ, & liuentes cæde saburræ.  
 At Tu, qui Borei flectis moderamina ponti,  
 Quem Dominum supplex Rutupinum litus adorat,  
 Quem Scotus Pictusque colunt, & mixta feroci  
 Saxone gens; cæpto adspira Rex magne labori,  
 Et Musis da vela meis. sine numine Numen  
 Cantari cortina vetat, laudesque Deorum

Incipit favor ipse Deum. Tibi stemmate longo  
 Descendit regalis honos, atque ordine fati  
 Regna meant : semper dignus cum fascibus hares  
 Nascitur, & simili lassantur prole curules.  
 Tot Reges veneraris avos ; nec sola paternos  
 Condécorat fortuna lares. tibi sexus uterque  
 Continuat tam grande decus, Tyrioque superbit  
 Murice magna parens, Gothico quæ splenduit ostro,  
 Et bellatori debet primordia Cimbro.  
 Inter sceptrâ puer graderis, dominoque Trionum  
 Adspéctas, quocumque vides : amplexibus hares  
 Oceani terraque Ducum. tibi basia fixit  
 Parrhasii regina poli, te sustulit ulnis  
 Regum prima soror, regum gratissima terris  
 Filia, & augusti genitrix, nulli amala, Regis.  
 At Pater æternæ ramis insignis olive  
 Emicat, & triplici frontem superinduit auro,  
 Et nato nova fata parat. glacialis Ierna  
 Additur imperiis ; nec jam Solvæius ultra  
 Terminus Albionis, fortique exstructa Severo  
 Mœnia divisi spectant rectoris habenas.  
 Illum pacis honos, & non violenta potestas,  
 Et populi secura quies, laudataque regni  
 Otis & innocui fecerunt regibus anni.  
 Sic placuit defensa salus ; nec jura tueri  
 Armata voluere manus ; tunc, commoda juvit  
 Publica, cum ferrum siluit ; dum classica nescit,  
 Tranquilla se mente videt : coelestia lustrat,  
 Cui tellus sua visa satis : diffandere verum,  
 Non fasces, piæ cura fuit : venerabilis unâ  
 Evicit virtute metum : nil debuit hosti,  
 Nec placuit post bella fides, tutusque cruore  
 Libertatis amor ; quæ duro milite posset  
 Exorquere ferox, potius tentavit inermis.  
 Tu fasces ordi. is o vans, & posthuma mundo  
 Sceptra probas, tantoque carens jam Rege Britannus



Vix sentit mutata sua moderamina gentis.  
 Sic ubi librato fessus subduxit Olympo  
 Brachia, & effœtis tremuit cervicibus Atlas,  
 Maximus Alcides humeris nutantia fulsit  
 Pondera, nec cœli securius alta pependit  
 Machina, nec tremulos expavit Iuppiter axes.  
 Aut velui patriis ales Titania bustis  
 Nascitur, & veteris fugientia secla senecta,  
 Membraque vernanti reparat longæva iuventâ;  
 Iam capitis plus fulget apex, jam lætior auri  
 Pingit colla color, selectaque thura Sabais,  
 Et Cilicum redolet messes. stupet obuius omnis,  
 Et volucrem miratur Arabs. illa ocyus Ortum  
 Respicit, ac Solis thalamos, rursusque renascens  
 Inchoat auspiciis primos melioribus annos.  
 Talis in augusti priscos genitoris honores  
 Mitteris, & proavum fœcunda morte favillis  
 Clarior exurgis Princeps. exultat Elisa,  
 Pulsaque majestas Nemetum, magnique propago  
 Borbonii sociis adglutinat oscula sceptris.  
 Scilicet in regis pariter blandasque mariti  
 Conspirat fortuna vices, ut regibus orta  
 Augeat hos iterum soboles, æternaque crescant  
 Imperia, & simili decurrat sanguine sanguis.  
 Illa Tibi patriis reges virtutibus auctos,  
 Henricosque dabit, quos Martius excitet ardor,  
 Hesperiusque ferox odiis accendet Enyo,  
 Hi gladios, Rex magne, tuos, atque obsita longo  
 Arma situ, residesque acuent in praliam gentes.  
 Hi diuis vexilla Tagi, Boetique superbum,  
 Casareasque aquilas, spoliisque induta suorum  
 Agmina, Vangionum petulantem fascibus Istrum,  
 Pannoniosque ad bella cient. cognata rependet  
 Damna nepos, nascensque piis ex ossibus ultor  
 Victa Palatina repetet Capitolia terra.  
 Post titulos, gentisque decus, stirpemque Deorum,  
 Omni-

Ominibus favère Dii. tibi Parca futuros  
 Promisit præsaga thoros, natamque Capeti  
 Despondit cunis Lachesis. tunc fixus Iberi,  
 Et regum simulatus Hymen, sicutæque Tonanti  
 Displicuere faces. risit connubia Clotho  
 Batice, & Austriacos fatis expunxit amores.  
 Omnis in augusto depinxit Gratia vultu  
 Regales veneranda notas, blandumque tueri  
 Iussit, & innocuo perfudit verba severo.  
 Adstitit, & teneras socians Concordia dextras  
 Vnanimis vocit populos. excepit alumnum  
 Audaci Bellona sinu, suspensaque patri  
 Arma ferens, strictos placidis pro falcibus enses  
 Ostendit puero. Cattorum è littore missa  
 Libertas Batavum, Hesperii erepta triumphis.  
 Accendit Martis rabiem. pro pignore tanto  
 Explicuit cunctos belli Sapientia casus,  
 Et lituis præcepta dedit. tunc sanguine junctis  
 Promisit faciles ventura in prælia dextras  
 Cimber, & in primis acuit vagitibus iras.  
 Quam tunc lata tuis facies, quæ signa futura  
 Sortis, & inspectis præsagia legit in extis  
 Augur, & Excelsa cecinit documenta juventa!  
 Iam magni præcepta patris, jam jussa modestus  
 Exequeris, dignumque putas rectoribus orbis  
 A pueris voluisse regi. mandata daturus,  
 Ipse capis, quantumque aliis præcellis honore,  
 Præferri virtute cupis. cui munera vita  
 Et debet natura diem, submittere sese  
 Gaudet amor, morumque libens concedit habenas.  
 Non molles fluxere dies, aut marcida luxu  
 Otia, vel lentos protraxit inertia Soles.  
 Non te degeneri Menas stipata caterua  
 Acciuit comitem, nec vectus lyncibus Evan  
 Vicit adorandum populo caput. improba nunquam  
 Vbera porrexit Circe, nec fœda Calypso



Possedit teneros vitiis regalibus annos.  
 Ipse per umbrosos saltus & tesqua ferarum  
 Deduxit juvenem genitor, cum roscida multum  
 Purpureis Aurora genis præverteret Ortum :  
 Aut celere raperent inuisa crepuscula Phœbum,  
 Fessaque Hamadryadum gelidis se conderet antris,  
 Faunorumque cohors. quoties tibi Delia dextram  
 Instruxit jaculis, frondosaque Manala linquens,  
 Et juga Taygeti, pharetram suspendit & arcus  
 Ex humeris. quoties docto venabula nisa  
 Fixit in aversi fugientia tergora cervi.  
 Mox spumantis equi sodiens calcaribus armos  
 Antevolans per prata Notos : nunc sistis euntem  
 Ocyus, & duris inflectis colla lupatis,  
 Aut gyro properare doces. generosus habenis  
 Assurgit sonipes, dominique superbus honori  
 Infremit, atque animos regali à pondere sumit.  
 Promittit tibi scepra labor, securaque belli  
 Tempora venturi quondam præludia Martis,  
 Et pugna simulacra docent. ut torqueat hastam  
 Consilio liberata manus, qua lege macharam  
 Stringat, & auratum subnectat pendulus ensem  
 Balteus, aut clausos defendat ahenea vultus  
 Cassis, & in victis majestas militet armis.  
 Sic prope Barbaricæ Rhodopeia flumina Thraces  
 Odrysius desudat ovens, & prima capeffit  
 Bella puer, formatque suum præceptor Achillem  
 Thessalus, & peltis nascens adsuescit Amazon,  
 Spartaque primævos gladiis exasperat annos.  
 Nec minus Aonia tanta se condere gaudent  
 Mente Dea, tacitosque aperit doctrina recessus,  
 Et solius sua fata legit : quam blanda vacillet  
 Excelsa fortuna loco : quibus occidat ausis  
 Imperiū surgatque decus : quæ tempora paci  
 Commoda, quæ pascant lituos : quos negligat hostes,  
 Quos metuat mens cuncta Ducū, quæ fœdera solvat,  
 Quæ

Qua credat temerasse nefas; qua causa rebelles  
 Armet, & audaces frangat Prudentia motus.  
 Tota per antiquos solers industria fastos  
 Ambulat, & clavis iudex praeconia factis  
 Commodat, at vitium regali vindicat irā.  
 Suspicitur mentita virum regina, furorque  
 Imperii, & magna metuenda Semiramis urbi.  
 Diligitur Cyri probitas, gravibusque decorum  
 Moribus ingenium. terret fors ultima Lydi  
 Infaustis arsura rogis, & foemina nato  
 Inferias irata parens, utresque cruenti,  
 Tergoraque injustas circum liuentia sellas.  
 Persicus ut Danaum duellor subverterit urbes,  
 Et fugiens sua fata gemat, miraris, & acres  
 Thermopylas, Graejumq; duces. non emptor Olynthi,  
 Non Pelle placuit stomachus, spretorque Deorum  
 Laomedon. damnas Priami responsa potentis,  
 Aeneamque probas, suppositaque corpora patri,  
 Et laeta pietatis onus. Tibi raptā Sabinus  
 Pignora conqueritur, violataque jura theatris  
 Persuadet promissa fides. quam vilis regnis  
 Semina monstravit Tanaquil; qua rotora sceptris  
 Conferat, ac Divum firmet reverentia fasces,  
 Egeria secreta docent. civilia mærens  
 Bella legis, patrioque undantem sanguine Syllam  
 Despicias, & lesos parvi Rubiconis ad amnem  
 Romulidum Latiique Deos. plus causa Catonis  
 Arrisit; bellansque gener; Pharsalia quamvis  
 Vexerit immeritis soceri vexilla triumphis.  
 Iam Gracchos, Mariosque, & fastidire Cethegos  
 Incipis, & querula subnixos plebe tribunos:  
 Sed praeclara tenent animos exempla, Camilli,  
 Scipiadæ, Deciique duo, totque inclyta bello  
 Nomina, cunctantes Fabii, punitus Iarbas,  
 Aemilii, Paulique, duces: patiensque laborum  
 Hannibal, & veteris splendor Germanicus avi.



Inde per annales, atque ultima secula raptus,  
 Per gentis monumenta tua, proavumque labores,  
 Romanas aquilas, & formidata Britannis  
 Arma stupes, magno domitas sub Casare gentes,  
 Et totum signis stratum victricibus æquor.  
 Adspicis iratam Morinùm de litore Tethyn  
 Ausonios transferre Deos, Tiberinaque longe:  
 Rostra triumphatis Latium confundere terris.  
 Adspicis, ut Tuscos peregrino gramine pascat  
 Cornipedes Italùm ductor, tua scindat aratro  
 Arva Ligur; victorque tuis det jura Quirinus  
 Damnoniis: pandat Siculis navalia portus  
 Iccius, & Latias doleat Sabrina secures.  
 Quid procul externo bellantem exciverit Albi  
 Saxona; qua quondam vicinis gentibus ira;  
 Quid Scotus Picique fremant; cur improbus ensis  
 Tinxerit hostiles civili sanguine dextras,  
 Indigenasque tuos fallax exegerit hospes:  
 Vt patria vires magni fregere penates:  
 Vt serò coïere Rosa, fatalia belli  
 Symbola & indomitum placarint oscula Martem.  
 Prisca Caledonios aperit tibi fama recessus,  
 Et bellatores populos, inimica Garumnæ  
 Flumina, vicinis erepta palatia Gallis;  
 Normannique trucidis furias, & subruta Cambris  
 Imperia, & veterum repetentes jura Siluras:  
 Iam fera Massagetùm soboles, & Concanus atrox  
 Deviçtos tibi dictat agros, nec bella furentis  
 Desmonii facinusque probat. tibi reddit Iberos  
 Arthurius, dominoque Senus fastidit Iberos.  
 Hos ubi per populos æternaque nomina factis  
 Ire libet, stimulos illinc tibi subdit Ierne  
 Bellipotens; illinc pugna monumenta ministrat  
 Albion; hinc rigidum Boreæ porrectus in axem  
 Grampius, audaci quæ sit fiducia Scoto,  
 Edocet. Omne tuis aliquid virtutibus addit

Exem-

Exemplum, formatque Ducem prælecta vetustas.

Quod si prisca suos nesciret pagina reges,  
 Tu regnis præcepta dares; tu prima regendis  
 Norma fores populis: tu digni Principis artes  
 Expedias, firmesque novis subsellia iussis.  
 Despicit æquales regum tua purpura voces,  
 At cælo parere cupit; queis flectis habenis  
 Imperium, subdis Superis, unoque Tonante  
 Dum minor es, uni titulos submittis Olympo.  
 Huic regnas, quem regna timent: cui cruda tyrannus  
 Concedit, parvidique abscondunt ora Nerones. (nis  
 Nec parere Deo pudor est, cum terra polusque  
 Parendi sine lege ruant, & tuta perennet  
 Regia, quam fulcit pietas, & conscius horror  
 Numinis, ac sacro supplex reverentia cultu.  
 Sic cælo terræque places: & sidera Princeps  
 Blanda refers, precibusque tuis se accommodat æther,  
 Et faciles in vota Dii. Tua moribus ætas  
 Mentitur senium, & pleno spectata theatro  
 Vita fluit, vulgique legis suffragia virtus.  
 Præcipit ancipites rerum Prudentia casus,  
 Fortunam ratione domans, & provida sorti  
 Nil debere cupit. dictat consulta magister  
 Usus, & antiqui repetens moderamina seclis  
 Consiliis ordinis opus. Clarissima lux est  
 Virtutum sub rege novo; nec publica rebus  
 Cura latet. multum teneris sibi spondet ab annis  
 Vox populi, & primo præsentia sumit ab ostro.  
 Nec tibi iussa placent, mandataque dura regentum,  
 Quæ reges fecisse piget. dum legibus orbis  
 Exigis obsequium, factis constantibus anteis,  
 Quoque vocas, rex ipse præis: nec cuncta licere,  
 Quæ possent libuisse, putas: veniamque nefando  
 Prætexis sceleri, aut peccans impune tribunal.  
 Ius populi commune tibi est: devincit honestas  
 Vna Ducem civesque tuos: discrimina solum



Majestas sceptrumque facit. sic iussa capeffunt,  
 Quos gaudes fecisse bonos; dominumque verentur,  
 Sed recti sibi lege parem. Quæ regibus itur,  
 Ire times: fasque esse putas, ea posse potentes,  
 Quæ voluisse nefas. socium te destinat astris  
 Diva Themis; cunctasque ferens velata per urbes  
 Lumina, sævi expers odii, blandique favoris,  
 Vltiores scelerum districtos porrigit enses,  
 Librantesque manus. metuit regale vacillans  
 Causa forum; preciumque refert, & mitia pressus  
 Sentit rostra cliens. Tuque ô mansueta Deorum  
 Progenies, rigida & damnans suffragia legis,  
 Quæ deforme chaos, permixtaque fœdera prudens  
 Distincti, & placido donasti sidera vultu,  
 Alternasque neces & mutua præ alia rerum  
 Digeris, ô vasti rectrix clarissima mundi,  
 Æternique Iovis soboles, Clementia, justo  
 Quæ distare cupis, violentaque jura moraris,  
 Hoc miseris sub Rege faves, tranquillaque mœstis  
 Acceleras responsa reis. non ille rigori  
 Assentit Torquate tuo; lumenque severo  
 Exposcat periisse patri. sat longa furori  
 Dat spatia, ingentesque moras, ne regna ministret  
 Impetus, aut calidis vilescat regia jussis.  
 Non avidum pœnæ, aut diri vindicta cruoris  
 Accendit præceps animum; non vilibus acer  
 Succenset vitiiis; aut magnis frena relaxat  
 Gratia criminibus. formidat Principis iram,  
 Quisquis amat, materque metus reverentia sceptri  
 Nec simulatus amor. debellat dextra superbos; (est,  
 Subjectis facilis. Sic cum sua murmura produnt,  
 Et pavidas terrent irata tonitrua gentes,  
 Obstantes feriunt scopulos, Cyclopeæ nutant  
 Saxa, ruunt duræ celsis de montibus orni,  
 Parcitur arbutis, pronoque papavera collo  
 Tutæ latent, magnique exorant arma Tonantis.

Stat jurata fides, sua nec promissa refringit,  
 Nec differre cupit: totâ dolus exulat aula,  
 Fictaque simplicitas, & que scelerata futuris  
 Imperiis inhiat rabies, nec jura moratur,  
 Dum regnum sibi fraude paret. quæ spretor Olympi  
 Dux Libya, sacras toties perjurus ad aras,  
 Suppeditat consultâ, fugit, nec signa triumphans  
 Inferat in patrios tecum Romane penates,  
 Intentetque truces jugulis civilibus enses  
 Perfidus, angustoque Deos postponat honori.  
 Non animo dispar vultus, non dissona fronti  
 Pectora: blanda gravi residet sermone venustas:  
 Nec personatis inseruit mobile scenis  
 Ingenium. graditur gressu veneranda modesto  
 Celsa potestatis species, & splendida fulget  
 Stipantes inter Proceres. velut aethere in alto  
 Nocturnos rutilans præcedit Lucifer ignes,  
 Astrorumque choros; hunc circumfusa sequuntur  
 Sidera, & à tanto lumen sibi lumine spondent.  
 Auget cura vigil census, at mascula foedam  
 Castrat avaritiam: non mætem effœminat aurum,  
 Quæ dat jura viris. O quantum judice tali  
 Doctrina succrescet honos; ô quanta Camænis  
 Otia, quæ steriles iterum revirescere lauros,  
 Parnasso plaudente, dabunt. En clausa sororum  
 Antra patent, lentumq; invitant præmia Phœbum,  
 Et pigra se tollit humo mens enthea vatum.  
 Non fera præclaris paupertas incubat ultra  
 Ingeniis, foedoque jacet sub pondere virtus  
 Obruta. Tu Batavum, Princeps auguste, pœtam  
 In laudes facis ire tuas, stimulumque furori  
 Subdis, & externo indulges tua nomina Belgæ.  
 Nec regni spatia ampla tui, nec semina belli  
 Prima canam. cœpti decurrat carminis ordo  
 Imperii momenta tui, liberataque magnis  
 Consiliis præcepta ducum. Nam maxima quamvis  
 Expen-



Expendas arcana prior, tamen æqua momenti  
 Auscultas, fidiq̄ue probas consulta Senatus.  
 Ille gravis senio, & sceptrorum fata revolvens,  
 Regni librat onus, regisq̄ue negotia secum  
 Dividit: ille leves cœca Rhammusidis iras  
 Negligit, ingentes superat: jam classica paci,  
 Iam pacem præfert lituis. sic flectis habenas,  
 Sic fati modus in sceptro est. Si numina spernat  
 Impietas, & sacra Deum, tu vindice pœnâ  
 Exigis officium: si credulus occupet error  
 Incautum, meliora doces. non succubat armis  
 Aut rigidis mens recta minis, sed vera momenti  
 Submittit sua sensa fides. Ignobile si te  
 Vulgus amet, crescis modicè popularibus auris;  
 Si queritur, sprevisse tuum est. Si bella coactus  
 Aggrederis, magis illa times; tutissima res est  
 Bellorum metuisse vices. si debita miles  
 Æra petat, leni recreas araria censu,  
 Nec sordes erectus amas. non pagina fisci  
 Injustas sibi scribit opes, aut sanguine gaudet,  
 Supplicisq̄ue frui, miseri vel funeris optat  
 Exuvias servare sibi. generosa putantur,  
 Qua dat lucra favor, nec rex vectigal amabis,  
 Quod plebs mœsta dabit. tecum communia Princeps  
 Gaudia, communes gemitus & commoda sentit.  
 Qua capiis fortuna, sua est; surgitque caditque  
 Cum rectore suo, atque unâ se sorte tuetur.  
 Nulla tibi irata rabiem Lucretia dextra  
 Imputat, aut casta dissolvit vincula zonæ  
 Virgo dolens; nunquam sceleri vis præbuit ansam,  
 Acrisiusque tuo Danaën semovit ab auro,  
 Regalesque preces timuit. te vindice servat  
 Iura thorus, thalamusque fidem. non aria nun-  
 Incluta fallaci subiit palatia gressu, (quam  
 Aut solium sinus abscondit: non purpura fuce,  
 Non Veneri innuptæ fascēs, non mitra puellis,

Aut

Aut emptis grandes trabes cessere capillis.  
 Salve magna Parris soboles, venerabile sceptris  
 Exemplar, Tyrio numen sub murice fulgens,  
 Illustris pietatis apex, cui pectore in uno  
 Omnia nascentis regalia dona iara,  
 Virtutumque choros caelestum cura recondit.  
 Scande triumphales, Rex augustissime, currus,  
 Purpureamque apta chlamidem, praeceptaq; fratri  
 Fato sceptrum cape, & sacra sublime coronam  
 Cinge caput; celsam gemmis abscondat Hydaspes  
 Casariam; rutilent virides in fronte smaragdi,  
 Et diuis spolia Oceani, haccque nitentes  
 Intextum radiis vincant fulgentibus aurum.  
 Undique concurrunt populi, fervensque viator  
 Ad Tamesin molitur ier, fremituque secundo  
 Colligit ipsa suas animosa Britannia voces,  
 Iamque timet privata loqui. conspersa videres  
 Strata viris, pulchras alto de culmine passim  
 Despectare nurus, intentaque matribus ora,  
 Membraque Erythraeos inter speciosa lapillos.  
 Colligit aequos aliquis sibi Principis annos,  
 Et confert juvenile decus, pudibundaque virgo,  
 Quem veneratur, amat; spernunt exacta loquaces  
 Secla senes, facilesque colos & pensa sororum  
 Hunc gaudent ne vixisse diem, quo prisca Stuarti  
 Progenies magno decernit frena nepoti,  
 Tergeminamque uno claudit sub numine gentem.  
 Exeat hic mundi populis illustrior annus,  
 Quem regum celebrant thalami, sacraque tiara  
 Et regni commendat honos. Vix lilia claris  
 Miscuerat Cytherea rosis, flammisque Tuada,  
 Et peregre Paphis exarsit Sequana radis:  
 Succedunt Veneri trabes, discussaque fasces  
 Flammea nobilitant, dominaeque augusta secures  
 Arripit, & patrio majestas commodat orbi.  
 Plausibus accedunt Superi, radiantque corusco  
 Lumine,



Lumine, Phœbeo jam cum splendore nitorem  
 Confundit diadema suum. lux clavior astris  
 Emicat; & totum nebulis absolvit Olympum  
 Hoc saltem Natura die: dum scepra parantur,  
 Cuncta nitent, mœstisque carens jam nubibus aër  
 Adversos monstrat Rutupino è littoꝛe Flandres.  
 Æoliū ponunt fremitus & murmura fratres,  
 Nec Boreas pro more furit: pacata quiescunt  
 Æquora, nec parvas Aquilonia flabra flagellant  
 Hebridæ, aut timida latus implacabile Thules.  
 At Thethys toto passim circumflua regno  
 Caruleum Tritonæ vocat; vocat ille natantes  
 Najadæ, & mediis grandævum Nereæ poscens  
 Orcadibus, tremulis mulcet vada carula candidis,  
 Rectori gratata suo. Plus sidera spondent,  
 Et cunctis, Auguste, tibi jam mensibus æther  
 Annuet, & quamvis obliquo tramite currat,  
 Dextra tamen facilis promittit Signifer astra.  
 Inchoat æthereos Aries fulgentior ignes,  
 Imperii fax prima tui, Phryxæaque purgans  
 Vellera, dum paribus motum discriminat horis,  
 Vult omnes parere tibi. cum surgit ab Ortu,  
 Te Tauri frons lata videt, dorsoque micantes  
 Pleiades arentes humectant nubibus agros,  
 Et mœstis dant poda satis. Cum Castore Pollux  
 Augurio meliore favent, & gaudia juncti  
 Adgeminant ventura tibi. ferventia Cancer  
 Brachia, Phœbea expandens cum lampade, regni  
 Expandit decora ampla tui; Solemque moratus,  
 Successus urgere tuos velocius ardet.  
 Leniet ipse suas Nemea Leo torridus iras,  
 At bellis fomenta dabit; nec scivus anhelos  
 Eludet Cererem latrator Sirius æstu.  
 Mitius ingenium Themidi est, quæ sedula custos  
 Iustitiæ validis firmabit legibus urbes,  
 Et credet fraudasse nefas. hac lancibus æquis

Librabit cum iure diem, noctemque diebus  
 Exaequans, solo vitium distinguet honesto.  
 Scorpius innocua littus vitabit Ierna,  
 Nullus viperea nocuit cui sibilus aura;  
 Non homines diris lxdunt afflatibus hydri;  
 Lataque tardigradus perreptat gramina bufo:  
 Aut mala sublimi suspendit aranea teſto  
 Dadaleum subtilis opus. Tibi ſpicula Chiron  
 Et pharetras arcusque parat, quibus occidat Aſtur,  
 Victaque Cantabricæ ſubmittant arma phalanges,  
 Et domitus manſueſcat Iber. quæ ſtella Decembres  
 Aſperat, & reduci minuitur ſidere, tali  
 Miteſcet ſub rege Caper; nec Aquarius undas,  
 Aut in te gelidos armabunt frigora piſces.

Sic parent Convexa tibi, Superumque favori  
 Conſociat ſe terra parens. ſubmittit habenas  
 Scotus ovans, gens clara armis; duramque ſubactâ  
 Pauperiem virtute domans, tua milite duro  
 Et nunquam timidis munit tentoria caſtris  
 Bellatrix. geminas alto de verice gentes,  
 Quas Borea pars una truces, pars altera mites  
 Adſpiciit, ad tanta poſcit ſpectacula pompa  
 Grampius, & patrii gaudens primordia regni  
 Commendat, præſcumq; decus. quique innatat undis  
 Æbudum populus, totum tibi mancipat aquor,  
 Pugnaeſque manus; & quamvis ſæva Trionum  
 Littora perpetuis damnet natura pruinis,  
 Diſſolvunt tibi triſte gelu, laxatque recessus  
 Veſta ſuos. veteres Pictus tibi devovet urbes,  
 Et famulas fert Tina rates, nec Cimbrica rurſum  
 Sceptra petat. ſparſos generoſa Britannia faſces  
 Colligit, atque uni geſtit ſubmittere regi.  
 Hic tibi lanigeras videas mutare bidentes  
 Vellera, & excelsas protendere brachia fagos.  
 Hic ſannum tibi vena vomit, pallenſque metallum  
 Eruit, & terra ſcrutatur viscera ſeſſor.

Nec



Nec fallit, te rege, labor. Tibi Cambria messes  
 Fœcunda tellure dabit, nec Saxonis arsa  
 Ore loqui, damnat peregrinæ verba loquelæ,  
 Inque tuos præscò plaudit sermone triumphos.  
 Turgida sed Tamesis vicinis ostrea ripis  
 Exspuit, & magna velox allabitur urbi.  
 Scilicet hi pariter te, Constantine, penates,  
 Et Carolum genuere, Deos: hæc regia mundo  
 Intulit Augustos, æquatæque nomina cœlo.  
 Vos quoque, quæis Scythicæ præbent cunabula gentes,  
 Massagetæque truces, animos victusque ferarum  
 Exuiis, Dominique favens adsuescis Ierna  
 Mitibus imperiis. illi donaria cervos  
 Mittis, & aërii cœlestia munera mellis,  
 In fontis documenta cibi; tu reptile virus  
 Exuis, & toto præscribis toxica regno,  
 Ne nocuisse queas. admittit frena tuorum  
 Occasus, fessusque tuus, Rex magne, sub undis  
 Occultat Sol pronus equos, qua Virginis ora  
 Excipit indigenas sub te rectorè Britannos.  
 Te Supplex Aurora colit, ditesque Moluccæ,  
 Quo classes abiere tua. sic clara per orbem  
 Fama volat, geminoque occurrit gloria Phœbo.  
 Gallia regali conjungens sceptræ cubili  
 In tua concordēs aptat præconia voces.  
 Consentit Tamesi Ligeris, Sabrina Garumna,  
 Invitatque Ararim, Pictò Gaudente, Tuada.  
 Accedit Rhodanus, Dominæque superbus honore  
 Lætitia dat signa sua, nec Sequana ripis  
 Contentus rapidis Londinum ad volvitur undis.  
 Te consanguineo venerantur Baltica nexu  
 Æquora, magnanimusq; Getes. tibi Cimbrica Te-  
 Vota facit, reperensque tuæ connubia matris, (thys  
 Cognatasque faces, tecum communia tentat  
 Prælia, & ad placidum disponit castra Visurgim,  
 Casareaque accidit opes. Iam Rhenus & Albis  
 Exiliunt:

Exiliunt : nondum victi plures Batavi,  
 Nassovique duces, infractaque pectora, Belgæ.  
 At genitor, tali qui successore, Deorum  
 Alloquio, & Superum fruitur felicior aula,  
 Quam latus sua regna videt, quam Celtica gaudet  
 Fœdera firmari thalamis, spretoque hymenæos  
 Displicuisse Iovi ! Fortunatissime Regum,  
 Terrarum sublime caput, sublimior illis,  
 Immensi pater Oceani, Tithonia vive  
 Secula ; nulla tuas violet fortuna tiras,  
 Sera thorum Lachesis : succrescat regia mundo  
 Pignora ; sceptriferos fundant palatia natos ;  
 Borboniosque duces, bellatresque Stuartos  
 Parturiant Regina tibi : solatia Belgis  
 Suffice : magnanima reddas crepta sorori  
 Imperia : Austriacis finem decerne triumphis :  
 Atq; iterum extremas feriant tua fulmina Gades.

## T V M V L V S

Serenissimi , Potentissimi , Invictissimiq;ue  
 Regis , GUSTAVI ADOLPHI , D. G.  
 Suecorum , Gothorum , & Vandalorum  
 Regis , Magni Principis Finnoniæ , Ducis  
 Esthoniæ & Careliæ , nec non Ingridiæ,  
 Livoniæque, &c. Domini.

**D**i, quibus imperium est . tuque impavidissi-  
 me Mavors,  
 Terra Palatinis per quem Tartessia sceptris  
 Excidit, & languent aquilis ultricibus ira,  
 Nec constant jam Fata sibi ; verum ordine nullo  
 Alternat dubias regum Fortuna coronas :  
 Deservi, Gradive, parum ; & furialibus armis  
 Da spatiū tenuemq; moram ; dum grande cada ver  
 Tollimus , & tumulum ingenti decernimus umbra.  
 Cum



Cum titulis lacryma, cum majestate querela,  
 Et medias inter surgunt lamenta tiaras.  
 Pallēt ebur, maculisque riget liventibus ostrum,  
 Dum formidatos bellatrix purpura vultus  
 Exiit, & nescit se regnatoris imago.  
 Cui modo terribiles angusto in vertice crista,  
 Et galea fulgebat apex, cui dextera crudis  
 Cadibus irrubuit, densosque effusa per hostes  
 Obvia fulmineo diffregit cornua telo;  
 Occidit, & sese jam nunc miratur inermem.  
 Arctoum diademata jacet, gemmaque coruscum  
 Abscondunt, cum Sole, caput. sua damnat Hydyspes  
 Munera, laurigerisque micans sub crinibus aurum  
 Marcet, & exanimi squallent sub murice lana.  
 Sic ubi Phœbeas foeda caligine textit  
 Immitis Dictynna faces, fratrique minatur  
 Torva suo; totus, radiis languentibus, orbis  
 Horret & attonito decedunt gaudia mundo.  
 Cum fera magnanimum merisset femina Cyrum,  
 Laxaretque suos Thomyris vesana furores,  
 Et Scythici fluerent rivis crudelibus utres,  
 Plorabas tum, Persa, domi. cum Parthica Crassum  
 Agmina, cum magnum raperet Germania Drusum,  
 Mœrebas, pia Roma, procul. quin conscia cladis  
 Lurida fatales flebant Capitolia casus.  
 Quæ Latio facies! cum te, Germanice, longè  
 Audiit extinctum Tiberis; cum nobile bustum  
 Vestaret patrias flens Agrippina per undas,  
 Istaque funestam quaterent spectacula Romam.  
 Quam Macetum tremuere foci, quam regia Pella  
 Atria & Æmathios feralis fama penates  
 Perculit, & tacitas Grajùm concussit Amyclas,  
 Pellaø moriente foris. tunc Thessala Tempe,  
 Tunc omnis Rhodope pallensque cohorrui Hamus,  
 Et deplorata sortem planxere Mycena.  
 Hoc luctus in Rege stupent, causasque dolendi  
 Orbis.

Orbis habet. queriturque uno natura sepulchro.  
 Tot populos gentesque tegi. suspiria Finno  
 Elidunt Sueonum gemitus; & Lappio flere  
 Nescius, & passis incisat fata capillis  
 Vandalus & tali felix rectore Borussus.  
 Ipse, suo quæ amvis concretus frigore, Moschus  
 Ora pharetrato jungit lachrymantia Daco,  
 Hostiles oblita minas; Gothicosque dolores  
 Vistula Sarmaticos longè diffundit in agros,  
 Et, Viadro trepidante, pavet. simul ingemit Albis,  
 Scuta Ducum frameasq; & fortia corpora versans.  
 Currunt Teutonici lentè vastissima Rheni  
 Flumina, devictasque sibi plus territat urbes  
 Mœnus & afflictis Nicri submurmurat undis  
 Tristior, & socio partitur damna Visurgi.  
 Parte alia seruus redi vivis viibus Ister  
 Surgit ovans tantisque capit solatia solus  
 Manibus & Latias jactat securus habenas.  
 At Gallum implexo post frontem crine ferocem  
 Luctus habet, Batavusque sui discrimina belli  
 Aucta putat. pulsa Tamesis formidat Elisa  
 Austriaca nova lucra domus, & nescia flecti  
 Pectora semideum. vicinis amula sceptris  
 Vrbis Venetum, quam sit plus tuta potentia fractis  
 Hostibus & modico dominari Casare, solers  
 Percipit & magno vacuum se vindice sentit.  
 Tunc populi fortuna labat, cum vita dehiscit  
 Principis. hic animus toto se corpore miscet.  
 Hoc perstat rectore salus. lux ista Quirites  
 Irradiat. cunctos peragit mens publica motus,  
 Atque agitat molem imperii. cervicibus istis  
 Machina libratur mundi. qui regnat, habena  
 Se pariter civesque ligat. cum solvitur illa,  
 Fertur & indomitum laxat respublica corpus,  
 Nec patitur se turba regi. ceu remige pulso  
 Fluctuat, & tumidis jactatur cymba procellis

Anten-



Antennaque gemunt. etiam, Gustave, potentes  
 Percellit tua causa Deos, terrenaque iuxta  
 Cœlestes tangunt hominum dispendia mentes.  
 Quem tibi porrexit Perseus fulgentior ensem,  
 Involvit totum nebulis. qui frenas raentis  
 Bellerophon male rexit equi, pugnare recusat  
 Ulterius Martemque fugit. qui proximus Urſa  
 Assidet Arctophylax, spirantia vulnere lambens,  
 Custodita diu contemnit plaustra Bootes,  
 Sanguineisque notans glacialia sidera guttis,  
 Tingit Hyperboreos regali cade Triones.  
 Engonasis ferale rubet, domitorque ferarum  
 Plus, reges domuisse, putat. sed frendet Erichus  
 Ardius & pandis singulit rictibus Arctos  
 Vtraque. quæ mundi circum tardissima fines  
 Voluitur, objecto se vellet in æquore mergi,  
 Riphisique suos abscondi montibus ignes.

Nec tamen hic Varium cœnimus vel capta Cheru-  
 Signa manu, profugosq; infames consule Cannas, (ſca  
 Non raptas Partis aquilas, Perſenque triumpho  
 Incolumem, Romane, tuo. non clare Iugurtham  
 Captivum tibi, Caſar, habes. non victor Adolphum  
 Post currus pronaque trahis cervice quadrigas,  
 Ferdinande potens. Decim ſpectate renaſci,  
 Thebanumque Ducem ſalvis occumbere caſtris,  
 Teutones. immoritur partis Victoria lauris,  
 Et denſas acies inter ſtragemque cadentum  
 Sternens enſe viam, fame ſibi vendicat amplæ  
 Materiam, & madidas hoſtili ſanguine criſtas  
 Devovet, & media ſuspendit morte trophæum.

Eterni cineres, non veſtro cinnama buſto  
 Aſpergam, teneriſque ſtruam de floribus aram,  
 Pallentesque feram violas, mollesque hyacinthos,  
 Aut quæ Panthæicis deſudant baſama ramis.  
 Hic Paridi debetur honos. his mœſta parentet  
 Leandro Cithærea ſuo. nunc alter Achilles

Conditur.

Conditur, Hecstoreisque illustrior ossibus urna  
 Poscitur. exequias Pyrrho, fortique paramus  
 Scipiada. Tumulum circa lituique tubaque  
 Funestum Paana sonent. thoraces abeni,  
 Vmbonum crates rutilæ, frameaque minaces  
 Concrepitent. sævam quatiens Phorcynida Pallas  
 Districtos tremulis gladios permisceat hastis.  
 Forment scuta rogam, compactos balthæus enses  
 Subliget. hic phæretas, miles, pro thure sarissas,  
 Ipsaque disruptis adole tentoria velis.  
 Qua vivo placuere Duci spectacula, manes  
 Afficient hæc ipsa pios. fas condier armis,  
 Omne cui armatus abiit sub messibus ævum.  
 Adstent terribiles turmæ, & cervicibus altis  
 Ad pugnam phaleratus equus. qui regia vexit  
 Corpora, depositis iras insignibus Æthon  
 Colligat, & domino cupiat parere jacenti.  
 Incedat solita mæjestas bellica pompâ,  
 Et socias acies non dedignata potestas  
 Confundat numero procerum. stringantur in ar-  
 Agmina, nec leges pudeat servare severas. (ctum  
 Dalmata, da marmor cineri. da Botnia taxum,  
 Funereaque rotent ad splendida busta cypressos  
 Hercyniis passim sudantia brachia silvis.  
 Ducant ara manus, patrioque augusta metallo  
 Ora micent, vultusque gerant, queis belliger hostem  
 Terruit, & pavidis Dumam pallefcere ripis  
 Vidit, & indomitum tandem mitescere Volgam.  
 At vos Prutenis plorantia succina cives  
 Querite littoribus. toties asserta verendam  
 Accedant electra pyram, similique cruentos  
 Pingite corallo stillisque rubentibus artus.  
 Ipse ego, dum cunctæ cœunt ad publica gentes  
 Funera, dum trepidam sese devolvit in Arcton  
 Caucasus, & mundi distincto cardine partes  
 Miscent unanimes ad verso siadere planctus ;

C

Te,



50. C. B A R L Æ I

Te, rex magne, canam. vasto licet equore vatem  
 Disscient tot regna tuum; Te hysque procellis  
 Obstrepat, & querulis adlatrent fluctibus unda,  
 Eminus assurgam sceptris; interque potentum  
 Heroumque graves gemitus, regumque ducumque  
 In Batavis pia verba loquar; gelidoque sub axe  
 Audiet Aonios regnatricis Suecia cantus.  
 Tuque adeo, seu jam grandis solatia luctus  
 Expendis, Regina parens, unque Tonanti  
 Indulges regale caput: seu lurida tristern  
 Verris harrum, & fluida scandis pallatia palla,  
 Vt lachrymis secreta vaces: seu maxima belli  
 Pondera & immensi pariter moderamina regni  
 Feminea plus sorte subis; thalamique dolores  
 Celsa premis mulier, casusque abscondis acerbos:  
 Sive, quod extremum credo fore munus amanti,  
 Casta maritali desigis basia vultu,  
 Et cunctis numeras victricia vulnera membris,  
 Vindicta fomenta tua: clarissima vati  
 Diva fave: quam vis Sueonum novus advena por-  
 Ingreder; nec sim tantis par conditor astis. (tas  
 Aut mea victuras ostentent tempora lauros;  
 Gustavus mihi carmen erit. qui regibus ortus  
 Tot reges veneratur avos, semperque renata  
 Majestate vires. quem primum gignere solers  
 Cum caperet natura, rudi sub pulvere partem  
 Miscuit indomiti Martis, mentemque Minerva  
 Induit, & solido fibras adamantem ligavit;  
 Vt Regem genuisse putes, & vi vidua cæli  
 Semina sceptriferis jam tunc hasisse latebris.  
 Quid mihi Divorum sobolem grandæva vetustas  
 Objicis Alciden? quid clarum Thesea bello,  
 Memnona, Trojanosque duces arcessis ab alto?  
 Hunc decuit formasse Iovem. plus ille meretur  
 Esse Deum pronepos, quam qui Telamone creatus  
 Occubuit propriis damnatus viribus Ajax.

Horribiles

Horribiles populis Gotthi, dominique Trionum  
 Continuam seriem gentis, quam prisca celebrant  
 Secula, quæ victo rapuit diadema mundo,  
 Exiit Ausoniam titulis & parere terra  
 Iuit in imperium magnam, per regna cucurrit  
 Baetica, per Druidum saltus, per inhospita Mauri  
 Littora & Arctoïis Abylam parere coëgit,  
 Iussibus edomuitque suis Atlantia furissis.  
 Venturo gens apta Duci. cunabula Tethys  
 Fluctibus aspergit, primosque exasperat annos  
 Oceanus, natale solum. sic inter & arma  
 Sarmaticasque nives & frigora saxa, futura  
 Virtutis documenta capit, discitque severo  
 Terrarum pelagique Deos sub sidere nasci.  
 Creta Panomphicum gaudet fuisse Tonantem,  
 Odrysium Thrace. nascentis gloria Bacchi  
 Erigit ingentes Thebas hac prole superbit  
 Parrhasis, & gelidus ciuem sibi vindicat axis.  
 Tunc sua fatidicis reclusit vocibus ora  
 Augur & inspecto vates prasagus Olympo  
 Horrui, & tacitos rabido de pectore sensus  
 Lappionum docta procul excussere Sibylla.  
 Chaldaei siluere senes, & corniger Ammon,  
 Et Dodona loquax & pulso numine Delphi,  
 Et raptis olim sapiens Hetruscus in extis.  
 Pro cunctis Scritofimus erat, Borea que peritus  
 Insitor, & scopulis hærens piscator in iudis.  
 Cui canescentes fundunt prasagia barba,  
 Et faciunt arcana fidem, pernixque volatis  
 Cervus & Æolia didant oracula rupes.  
 Fama fuit Siculis jam tunc fornacibus ara  
 Cyclopum properasse manus, fumasse caminis  
 Ænariam, & diras capulis aptasse secures,  
 Et mox torquendas in Cimbrica colla macheras.  
 Tunc Livonas tremuisse serunt, quaq; uuida Fran-  
 Regna colit, Bojosque suis in finibus arcto



Obriguisse metu, Rugoque habitata feroci  
 Æquora, & audaces spem præsensisse Cheruscos.  
 Adstitit ad cunas Carolus, magnamque rotari  
 Dum videt heredem, nec pondus amabile leta  
 Fastidit tractare manu, vestigia signat  
 In Æolis, & gemino circumvallata profundo  
 Imperia adspectans, natique in imagine gaudens,  
 Nascere, ait, soboles. non hæc mea littora votis  
 Sufficiunt angusta tuis. sed turbine belli  
 Mox tua vicinas implebant classica gentes,  
 Qua tellus pelagusque patent. præcul audiet arma  
 Bosphorus, & Phæria potator fervidus unda,  
 Et vagus Euphrates, tostusque caloribus Afer,  
 Et dis Aurora solium. nec deinde relinques  
 Par decus armorum cuiquam sperare nepotum.  
 Ipse coruscantem puero pater alligat enses,  
 Et rerum ignaros ferrata casside vultus  
 Abdit, & aratis stringit thoraca catenis.  
 Pro thyrsos gratiis hasta fuit, pro deside myrto  
 Baltheus & phætra & quondam nocitura bipen-  
 Talis inexpertum Peleus formavit Achillem, (nis  
 Hectora Philyrides, tales videre Mycenæ  
 Atridas miseræ fati præcludere Trojæ.  
 Sic & Bistoniam torsit Mars parvulus hastam,  
 Duravitque suas glaciali in Strymone plantas,  
 Brachiaque & digitos primos intendit in arcus.  
 Iam fumantis equi fodiens calcaribus armos,  
 Anticipat cursu Boream, curruque volantis  
 Oenomai. gaudet præruptos scandere montes  
 Annitque jugis, gelidos torrentibus artus  
 Abluere, & nimbos inter Corosque Notosque  
 Spernere cœlorum rabiem. quos Sparta labores  
 Sustinuit patiens, sibiit generosa iuventus  
 Principis, & canis facies illæsa pruinis  
 Pertulit ad verse mordacæ frigora brumæ.  
 Nec minus & studiis animum florentibus implet,  
 Ac

Ac sceptris facienda legit. jam Graja vetustas  
 Excuitur, nunc Roma suos edisserit ausus,  
 Totque virum, prisca quos suspexere Quirites,  
 Ante oculos exempla locat. mutabile regnis  
 Ingenium sortemque notat: nutare tribunal:  
 Fulgida suspendi tenet diademata filo;  
 Inque vices apicem iratos nunc demere nobis,  
 Nunc aliò transferre Deos. ut summa potestas  
 Impatiens consortis eat, nec fidere fas sit  
 Regnantem ocius, clavis monitoribus haurit.  
 Ut populi valeat duros inflectere sensus  
 Officiis, vitæque modum pro lege ministret,  
 Prædiscit. tunc iussa pati tractabile vulgus,  
 Cum facit illa jubens: cum se plus sentit amari,  
 Quam metui. solo florere palatia recto,  
 Et validas niti placidis virtutibus urbes.  
 Quin cladem sceleri titulos, & fraudibus orbem  
 Exitium debere suum: Palescere foedis  
 Criminibus regale caput: conspectus omne  
 Esse decus, quoties stabili splendet honesto.  
 Nec trabeis aliena putat; præponere semper  
 Publica privatis: afflictis parcere: civi  
 Consulere, & tumidos animi compefcere motus:  
 Et pacem donare suis, regnoque quietem.  
 Iamque paludatis mundi rectoribus audet  
 Divinum præferre Numam. damnare Quirini  
 Grassantes quacunque manus. compendia belli  
 Improbatur in Tullo, & paucis pugnantibus Alba  
 Suspendi imperium. Mavortia laudat in Anco  
 Nomina, magnificasque domos, Tiberimq; decorum  
 Pontibus. Ausoniis Gracas qui miscuit artes,  
 Miratur vasa subnixum conjugem Priscum.  
 Nec servi fortuna placet. nec cepta ferocis  
 Tarquiniæ & tremula decussa pavavera virga.  
 Libertas asserta placet, Brutusque Superbi  
 Vltor, & illustris Gallorum cæde Camillus,



Et Thusco oppositus Cocles, pauperque sub armis  
 Fabricius, puper Curius, ridensque favillas  
 Scavola & ex ipso raptus Dictator aratro.  
 Excellens quodcumque probat, mentemque per omnes  
 Dum versat veterum fastos, imitanda reponit,  
 Et quondam fugienda sibi. ceis navita primum,  
 Quem nondum irata gnarum fecere procella,  
 Perlustrat maria ampla domi, Syrtesq; vadumque,  
 Et scopulos ac saxa legit: magnetica quantum  
 Hic illic deflectat acus, quo concita vento  
 Cynthia precipitet fluctus, ubi fixa Trionum  
 Sidera, & erecti regant Aquilonibus axes.  
 Sed mox cum solidum spirarent pectora Martem;  
 Seriaque erigerent pugnacem classica dextram,  
 Is patri, Gustave, comes; bellique labores  
 Et regni vis esse tuos; unusque parenti  
 Imperioque vacas. & jam matura recentem  
 Accendit Bellona Ducem, letisque ruentem  
 Implicuit furibunda tubis. concurrere turmis  
 Cominus, & nudis inter fulgentia telis  
 Agmina, quæ globus ille virum densissimus urget,  
 Ferro aperire viam, lituis impellere segnes,  
 Hic sparsas glomerare acies, hic pandere junctas,  
 Lunata nunc ire manu, nunc stare rotunda,  
 Nunc revocare suos, nunc tutis fidere vallis,  
 Spes omnis votumque fuit. Tibi saepe paratæ  
 Sordebant epule, somnumque abrupti Ernyo,  
 Aut vigilem clypeo recubantem vidit, & acres  
 E galea potare nives, aut fonte remotum  
 Illi fœdas avidè sorbere paludes.  
 Quantus erat ducibus fervor, qua cura sequendi  
 Omnibus, immensos quoties veherere per agros,  
 Et circumpositis exercitus undique castris,  
 Fulmineoque seges staret Marortia vultu,  
 Te, Patremque stupens. veluti cum Lucifer ardens  
 Flammifero cum sole micat, junctusque Tonanti  
Mars

Mars radiat, sociantque suos tot numina gressus.  
 S. pius ille tibi stimulos & semina laudum  
 Virtutisque alimenta dabat; cum facta parentum,  
 Et grandes memoraret avos, ac prisca revolvens  
 Seclz, per Ostrogothos iret, totique tremendos  
 Europa Libyæque duces. quæ flamma Valentem  
 Vsserit: ut ruptis Latias penetraverit arbes  
 Alpibus, & fuso præstans Alaricus Alamo,  
 Fregerit in ræta bellacæ mœnia Romæ.  
 Qualis in hunc acer Stilico surrexerit hostem,  
 Cesserit Arcadius, Gallæque adnexus Ataulphus  
 Conjugis obsequio longas placaverit iras.  
 Inde Thorismundos, sacrosque extollit Ericos,  
 Et Tejas, Vitigesque & formidabile nomen  
 Audacis Totile, debellatumque Timavum,  
 Ticini Tyberisque Deos, Athesinque Padumque.  
 Cum propius libet in magnis hæsisse Canutis,  
 Manant ex illo Stenones. ferrique Suanto  
 Intrepidus, Janusque pater. sed dura recensens  
 Fata Sigismundi, queritur sanctissima sperni  
 Consilia, & vasis subverti sceptræ magistris,  
 Invadi insontes hostili militæ terras,  
 Vim, noctem, scelus, arma, dolos & funera passas,  
 Calcari patriæ leges, edicta priorum,  
 Nec monitis superesse locum. se sanguinis ortu,  
 Se Procerum iussis, se libertatis amore  
 Tutarique fidem, & regni defendere partes.  
 Sic laudes genitor longè transgressus avitas  
 Te dedit heredem populis, ac redditus astris  
 Molem immensam humeris & vix tractabile præ-  
 Imposuit, voluitque tuis cervicibus Arcton (dus  
 Inmitti & tanto se successore tueri.  
 Tu vigiles versans per tot discrimina sensus,  
 Omnia perpendis solers, hinc ardua belli,  
 Hinc momenta togæ. quantis se Sueciæ causis  
 Vindicet & pulso nolit concedere Regi.



Exeat ingentes lux hæc sublimior, in qua  
 Arma simul trabeasque capis, famæque futura  
 Fundamenta locas. cœunt cum fascibus enses,  
 Cum castris civile forum, cum milite lictor,  
 Irradiantque togas phalera, phaleraeque secures.  
 Te regnante ferunt summo delubra Tonanti  
 Ingeminasse pias voces; & prospera sacris  
 Tempora speravisse suis. revirescere lauros  
 Vidimus, innumerisque tibi spondere triumphos.  
 Te legum custode sibi solennia scripsit  
 Omina Libertas; validisque innexa catenis.  
 Frenduit, & servile jugum furiosa Tyrannis  
 Transtulit in Moschi latebras, Hunnumq; ferocem,  
 Assuetumque Scytham duris. Astra severos  
 Lenit aqua patres, & formidata nocentem  
 Correxerunt terrore reum. Prudentia factis  
 Emicuit grandæva tuis; intacta refulsit  
 Nec temerata Fides. vertit vigilantia quavis  
 Lumina parte Labor. sublime Modestia culmen  
 Inflexit; poterasque minor jam rege videri,  
 Iam titulis regumque omni conspectior ostro.  
 Non tibi vesanos ignava licentia luxus  
 Suasit, & incumbens augustis postibus effrons  
 Improbitas, peccansque exemplis grandibus error.  
 Proscribis scelerum matres, ad versaque recto  
 Crimina, Tartareis quæ dudum extrusit ab oris  
 Tisiphone, studiisque tuum Constantia pulchris  
 Fulcit ebur, nec te patitur mistabile quicquid  
 Despectumque sequi. lentas Patientia vires  
 Roborat & totum moderatur mascula regem  
 Simplicitas, summique decens reverentia cœli.  
 De te iudicium non indignaris haberi,  
 Ut jam conveniant paribus suffragia plebis  
 Vocibus, & crescat concordia teste potestas.  
 Tale micæ sidus populis, exemplar honesti,  
 Virtutum manifesta Pharos, venerabile pignus  
 Indige-

Indigenis, Borei numen praeiustre profundi,  
 Spes & cura poli. quem cum Sapiencia rebus  
 Praeficeret, cum si ruperet silentia wates  
 Certatim & Clara cortina remugit aula.  
 Rectorem te forma facit, speciesque tiaris  
 Conveniens, dignique isto moderamine vultus,  
 Membrorumque vigor. celsi nitor arduus oris  
 Incessusque Ducem monstrat. non aspera vox est,  
 Non frons triste rigens, tetricusque in moribus hor-  
 Sed facili excellens gravitas permixta sereno, (ror ;  
 Eloquiique lepos & praestans gratia sandi.  
 Nescio quid primum mirer ; quod turbida regni  
 Aequora, & indomitos fluctus, tumidosq; tumultus  
 Straveris, & placidis cursum direxeris Euris,  
 Nunc hac nunc illac proram obliquante carina.  
 Quod nihil in tanta rerum formidine sceptris  
 Feceris indignum. quod nunquam publica cessit  
 Causa tuae. curis agilem te objeceris unum  
 Pluribus ; inveniens vel quod facundia promat,  
 Vel poscat patrandam manus. quod commoda missis  
 Undique legatis fueris responsa locutus,  
 Totque tibi cautis sociaris federa pactis,  
 Externo imperium gaudens offerre favori.  
 Iam Latium Romamque sonas , jam Gallia voces  
 Audit lata suas, celeresque imitantia lapsus  
 Verba probat. jam prisca graves Alemannia coram  
 Excipit ore sonos. faris vernacula Russo,  
 Impavidoque Getae. loquitur tibi Finnius & ipse  
 Lappio. consocias Batavis orantibus ora,  
 Et quod verba facis linguis, tot gentibus ortus  
 Crederis & patrias audire ac reddere voces.  
 Ipse tibi praetens dictas consultam Senator,  
 Quae peragas miles. scribis faciendam cohorti,  
 Et pelago mandas classes, terraque phalanges ;  
 Callidus evitare dolos ; discernere, quicquid  
 Armata poscunt acies, atque indiga rerum



Militia numerosa domus. quin sinibus exis,  
 Et vicinorum motus & robora gestis  
 Complecti, atque oculis etiam longinqua tueri:  
 Quid moveat Ganges, quid saxam terreat Hellen,  
 Quæ fortuna Tago, quid ripa binominis optet  
 Danubii, rectorque Savi, quem surgat in hostem  
 Pannonius, Cimberque ferox, ubi Sarmata bellæ  
 Sacramenta petat, quo noster Belga triumphet  
 Principe. cur cupiat procul arridere Britannus.  
 Scis qua norma Italus, qua velox militet arte  
 Sauromata, ut parvidis Batavorum vinea maris  
 Adrepat, triplicesque obeant minimina fossæ.  
 Omnia quæ proprios prudens convertis in usus.  
 Hac cum cuncta domi, Princeps, documeta de-  
 Tecum crevit amor, dominoque tenacius hæsit (disses,  
 Omne solum. flagrans animis concordia vulgi  
 Pura mente favet. dubium, num flectat habenas  
 Rex melior, meliorne pater. confunditur aula  
 Privatis laribus, spretoque palatia fastu  
 Vulgares sumunt habitus. cum cive laboras  
 Afflicto, paterisque miser: gaudesque beatus,  
 Cum tranquillus agit. redeunt artesque Scholæque.  
 Et studiis nova templa patent. non præmia Musas  
 Destituunt, sed colla levant contempta Camænx,  
 Seque inter scopulos, atque in-via saxa, lacusque,  
 Et Dryadam saltus spectat doctrina renasci.  
 Ipse jubes urbes alias & mœnia condi,  
 Et Gothicas fulcis mansuris legibus arces.  
 Tu vallos operi, tu propugnacula signas,  
 Et tutos aperis portus, pulchrisque colonos  
 Pollicitis placidisque levas commercia jussis.  
 Sed vatem me bella vocant, patulaque repositæ  
 Te galea; clypeosque truces attollit in altum  
 Pugnatura phalanx, & formidabile murmur  
 Inchoat. Insonuere tubæ lituique, feroxque  
 Parma micat, tolluntque meos furialia cantus

Classica. sanguineis altè subnixæ cothurnis  
 Melpomene, tragico perfundit castra boatu,  
 Atque atrox meditatatur opus. Vos pandite cuncta  
 Aonides, vos tantarum fastigia rerum  
 Stringite, & hybernis regem deducite mundi  
 Partibus, & medio victorem sistite Rheno.

Vixdum florentes conscendit viribus annos  
 Iam patiens armorum atas, virtusque iuventa  
 Incaluit, Rex magne, tibi. interrupta parenti  
 Arma remoliris ductor, proavumque labores  
 Excipis, & primo respersus pulvere campis  
 Bellipotens tua signa locas, hostemque repellis  
 Finibus, & propriis arcens incendia terris,  
 Cimbrorum popularis opes. arsere favillis  
 Oppida. flagrantes flammis ultricibus agros,  
 Suppliciumque suum flens Elzenburga tuetur.  
 Vindicta pars nulla vacat, laxataque ferri  
 Grassatur latè rabies, clademque rependit  
 Cladibus & paribus dispendia diluit ausis.  
 Nam cum Teutonicis horrerent littora castris,  
 Codanumque suas in te transfunderet iras  
 Æquor, & opposita vomerent nova prælia ripe,  
 Cum vicina suas armaret Scandia dextras,  
 Densaque Calmariis hærerent agmina portis:  
 Tu solamen eras miseris, subitaque levabas  
 Naufragium commune manu. tu tecta, penates,  
 Et surrepta suo reddebas rura magistro.  
 Illic Oceani stagnis excita læcessis  
 Carbasa, belligerasque rates, & Baltica mergis  
 Transtra, triumphator pelagi. cogisque tribui  
 Et vectigalis rigidum mitescere patrem.  
 Tu quoque non parvum partis fera Russia liris  
 Adjungis cumulum. postquam tot barbarus ille  
 Terribilis spoliis, & tot numerator honorum  
 Impulerat grandes odiis immanibus urbes  
 Ferre jugum, dominumque pati. non segnior hosti



Obvius, in vitæ figis tentoria bruma;  
 Atque hyemes bellare doces, dum sævus Orion  
 Horret, & immiti radiantia cingula cœlo  
 Dissolvit, Gustave, tibi. trepidantia sensit  
 Signa Chronus, positisque minis languere Turuntus.  
 Et qui se longis terrarum flexibus abdit  
 Volga, cruentatas porrexit ad oscula dextras.  
 Qui modo captivum vinculis abduxerat agmen,  
 Et famulas alta gradiens cer vice petebat,  
 Obside dedit socios vexare Britanno,  
 Assuetosque lares & lignea tecta revisit.  
 Scilicet ille suas jam fastidire maritas  
 Cœperat, & raptis Livonum gaudere puellis.  
 Ut Moscho concessa quies, civilia rursus  
 Bèlla tonant, aliosque quatit discordia reges,  
 Cognatosque Duces. liti memorabile nomen  
 Majestas amissa facit. trux undique Iapyx  
 Adstitit, & patriam turmis hostilibus implet,  
 Nunc hic nunc illic variè certamina miscens.  
 Cucurrunt adversæ acies. hæc asserit aras,  
 Hæc premit. illa focus audax insontibus instat,  
 Hæc pia defendit. leges pars altera spernit,  
 Altera juratas urget. sic utraque pugnat,  
 Nec fato, nec jure pari. dumque agmina densant,  
 Et spissi cœvunt Sueones, arctantque cohortes,  
 Inclinat ruitura cohors, animisque remissis,  
 Donat terga fuga, collisæque quadrupedantum  
 Corpora, per laxos sternunt sua pondera campos.  
 Ipse manu metuendus ades, stimulasque tuorum  
 Cornua, succendisque viros, primusque sub ipsis  
 Ordinibus, cupidis ostentans tela maniplis,  
 Exemplo pugnare mones. fiducia cause  
 Erigit intrepidum & gliscit successibus ardor.  
 Tum Venedi timere sinus, & littore toto  
 Urbibus exiit, rigido sub sidere, Divina.  
 Non magnam servant neptunia moenia Rigam,

Non

Non arces, Dinamunda, tuas. sublime Felinum  
 Et versis omnis se dedit Æstius armis.  
 Imperio nova forma redit, glomeratque triumphos  
 Præcipiti sors prona gradu. suspensa trophæis  
 Ordine regna ruunt, fœdisque erepta tenebris  
 Alma salus alios victis promittit honores,  
 Et veluti redi viva, oculos in morte jacentes  
 Latior attollit, portasque effusa per omnes  
 Turba serenatis dominum complectitur ulnis.  
 Quisquis in antiquis desigis lumina fastis,  
 Et veterum annales, præscosque recolligis actus,  
 Hic majora stupe. ne tanti Colchida victam,  
 Aut Macetum fractas, Paulo pugnante, sarissas  
 Esse puta, aut celeri compressum Casare Gallum.  
 Cesserit Illyricum, clavisque subacta Metellis  
 Græciæ, & excidio permiscens æra Corinthos.  
 Succumbant Mario Numida, Fabioque minores  
 Allobroges, Latias aquilas admittat Iberus,  
 Celtiberique graves. & nunc audite nepotes  
 Gustavo fuisse Deos. sua sceptræ Borussia  
 Subdere, mercantes Elbingam pandere portus,  
 Et Meva Mariæque simul castella teneri.  
 Quam tunc pulchra suis fluxerunt succina ramis  
 Æquoreo concreta gelu; quam larga totondit  
 Vellera & exuvias facili donavit Adolpho  
 Dis ovium pecorisque solum. sed Vistula, fortes  
 Inter Hamaxobios & dura gentis Alanos,  
 Distentis vectans Cerealiamunera transtris,  
 Indoluit sisti jussis regalibus annem,  
 Et, Gedano indignante, premi; sua classibus angè  
 Ostia, & armatis lacerari puppibus alnos,  
 Nec custoditas stipendia solvere merces.  
 Quid trahor ulterius! tardis succurritur alis,  
 Et frustra Austriacis se defensoribus addit,  
 Serica cui ludunt molles per ephippia venti,  
 Dacorum phalerata manus. ruit acris ab Arcto



Tempestas, aliisque furor committere gestit,  
 Et totos miscere globos. Proh, funera quantæ,  
 Quam multo adspexit rorantes sanguine terras,  
 Altior Alcides; quam sparsa hastilia sylvis,  
 Atque intertexto radiantia tegmina bysso,  
 Vidistis parvæ Dryades; dum Prussia casus  
 Supputat & solitis erepta cadavera bustis.  
 Ille diu miles populus, cui fabula quondam  
 Facta fuit, spoliūque & lusus & alea mundus,  
 Bellaces orditur avos. quem semper in armis  
 Horribilem, vincique gravem sensere priores:  
 Majorum decus, & veteres exuscitat ignes,  
 Nec dispar sibi sternit iter. post secula virtus,  
 Quantumvis sopita, redit, nec semina clara  
 Dissimulant generisque sui primordia gentes.

At non una tuas, Regum fortissime, laudes  
 Terra capit. quamvis spatiis te immanibus æquor  
 Ambiat, & Sythico durati frigore fluctus,  
 Et tibi laxa satis distentat plaustra Bootes;  
 Quamvis Vandalicis volitent insignia campis,  
 Teque simul Dacus, Cimberq; & Moschus adorent:  
 Plus debent convexa tibi. plus numina spondent;  
 Plus superest, quod miles agas. præconia, Vates,  
 Colligite, & magnis secundum impendite pectus  
 Vocibus. hic ille est Boreæ defensor & Austri,  
 Pacator Viadri, Rheni calcator & Istri.  
 Quò, Bellona, ruis? quo me, Germania, fessum,  
 Quò rapis Arctoum nova per discrimina Regem,  
 Et mediis angusta locas tentoria Francis?  
 Dic, Nicer, hos motus; dic, Marcomanne, labores,  
 Et mecum ingentis causas expendite belli.

Postquam Casareos summa ad fastigia fallax  
 Extulerat Fortuna Duces, celsaque locarat  
 Austriacos statione Deos; post flebile fatum,  
 Et cades, Bojame, tuas; post reddita Præge  
 Sceptra, Palatino depulsam culmine regum

Progeniem tantasque vices ; cum publica possent  
 Subsidiſſe odia, atque moris languere parvis,  
 Aut aliud ſuaſiſſe dies : in Caſare creſcens  
 Vis animi, rebusque modum ſervare ſecundis  
 Neſcia, pratumidos irarum ventilat aſtus,  
 Juſque ſuum infamat vitio ; mitramque recentem  
 Inquinat ambuio, & quaſita licentia regno.  
 Atteritur decus imperii ; Comitumque Ducumque  
 Fama ſimul tituliſque ruunt, deductaque priſcis  
 Nomina nominibus, patrumque ab origine faſces,  
 Stemmataque & trabea, mutato principe, lugent.  
 Damnatos repetunt Romana palatia cenſus,  
 Et ſua ſacraſi cupiunt araria patres  
 Creſcere, pauperieſque ipſi tranſcribitur aula.  
 Vaſtat agros perniox miles, miſerisque tyrannus  
 Incubat, & cunctis graſſatur finibus exlex.  
 Proſcripti fugiunt cives, Sullaſque leguntur  
 Pluribus atroces tabula. fert exulis omnis  
 Effigiem regio. reſonant ploratibus urbes,  
 Tempſa, foci. ſolitas ignorant numina ſedes,  
 Dum Superi, dum ſacra luunt, dum pellitur aris  
 Ediſto munita Fides. non extera quicquam  
 Vota preceſque valent. potuiſti orare, Britanne,  
 Exorare nihil. Sueonum vexilla laceſſit  
 Improbitas, hoſtemque facit. cum Saxone ſordet  
 Juſtitię fideique rigor, donataque nuper  
 Auxilia & crebris pugnans legionibus Albis.  
 Crimina multiplicat faſtus, faſtumque ſuperba  
 Sors ſpecioſa domus, & nixum ſanguine robur,  
 Et conſanguineis debens Hiſpania ſceptris.  
 Quę dũ mœſta videt, Gothicum Germania limen  
 Pulſat, & ut coram ſupplex ſtetit : accipe queſtus,  
 Et lachrymas, Auguſte, meas, ait. adſpice foedum  
 Vulneribus taboque caput, diſcerpta gementis  
 Membra Deę, laceros odiis civilibus artus,  
 Et pene extinctum præſenti in funere corpus.

Post



Post domitas Arctos, vel mites federe gentes,  
 Sis Fabius, Brutusque mihi. tu jura decusque  
 Redde precor, signisque aquilas victricibus urge.  
 Omnia mox victoris erunt. te vindice nobis  
 Imbelles gliscent animi, rursusque jacebunt  
 Hostibus. huc equitum turmas peditumq; caervas,  
 Huc totum transfer Martem. communia tecum  
 Fata viceque sequar. paribus superabimus armis,  
 Aut paribus res nostra cadet. servire recusat,  
 Cui non triste, mori. nunquam se vindicat uno  
 Libertas oppressa modo. peregrina tueri  
 In rectore pium. miseris succurrere, prima  
 Relligio est. vim justa satis vindicta repellit,  
 Propugnat generosa focos; altaria, Divum  
 Et coeli non segnis amor. succurre vocanti.  
 Hoc abavum poscunt manes. hoc jussa parentis,  
 Hoc thalamo cognata domus. vix dixerat, & jam  
 Rex Boreæ molitur iter. cui prospera Gallus  
 Vota facit, socio procul annuit Adria Scoto,  
 Belgarumque patres. totum consternitur aquor  
 Puppibus, & panda transvectant castra carina,  
 Et pelago tot regna natant. Ducis impetus undas  
 Trajecit celeres, alio stant littore classes,  
 Armatumque sua peditem vetus excipit ora  
 Rugius, & latis sonipes lascivit in agris.  
 Undique conveniunt populi, diversaque cultu  
 Armorum properat pubes. stupet ille ferarum.  
 Exuvias tectum & velatum pellibus ora  
 Sauromatam. hic parvo metuendum corpore Fin-  
 Ac picturata Livones in veste decoros (num,  
 Designat, Russumque nigrum, facieque cruenta  
 Samogetam. proprio cataphractum pectora ferro  
 Hic Gottum jam Dacus amat, Cimbrosq; nitentes  
 Ostentat phaleras. pulchri incessere Britanni,  
 Et quos dura suis misit Caledonia lucis.  
 Hos inter ductor graditur tot millibus unus,

Et variam stabili compefcuit ordine turbam  
 Vnius ceu membra domus. nil turpe libido  
 Ausa fuit, placidis parebant legibus enses,  
 Intactoque ferox gaudebat turba colono.  
 Tunc erecta suum mediis Alemannia flammis  
 Extulit os, coepitque sua plus fidere cause.  
 Sed pugnare timens. tu magnis, maxime Regum,  
 Aggrederis bellum auspiciis. nec praelio lento  
 Aut trepido Mavorte trahis, sed fulminis instar  
 Cuncta tenes. numeros praeceps Victoria nescit  
 Confunditque suos, nec te tam vincere posse,  
 Quam vicisse, videt, surgitque molesti fastis.  
 Omne quod Oceanum Grajasque interjacet Alpes,  
 Vnius incurfu tremuit. sine cede subacta  
 Prima tuis ultrò occurrit Stralsunda triumphis,  
 Et faciles aperit portus. Viadrumque minacem  
 Urbibus infractis aded mansuescere cogis,  
 Ut tua Castrinum, nunc Francofurtia poscat  
 Federa, nec dubitet locuples parere Stetinum,  
 Non Lansberga potens. nec quæ Colberga profundo  
 Imminet, & tumidis obstat Gripsovalda procellis.  
 Iam sua Cassubius, jam jugera leta Suevius  
 Despondent, & ne quæ tuis intacta trophæis  
 Pars foret, æquoreis latè dominaris arenis.

Caesar, ut adversas videt increbrescere turmas,  
 Et toto se Marte peti, nutare potentes,  
 Irasci jam posse Salam; te feravidus hostem  
 Provocat, & calidis orditur praelia signis.  
 Stant Siseones, animatque Duces Aquilonia virtus,  
 Perque virum conferta & densa hastilibus arma  
 Invenit ense viam. belli furor impulit omnes.  
 Surrexere juba, galeis horrescere flammæ  
 Incipiunt, conisque rigent; irata metalli  
 Ora tonant, cieunt acres certamina dextra,  
 Et faciunt alterna manus. jamque undique tela  
 Missa volant, paribusque crepant concursibus hastæ.  
 Calcant



Calcant & calcantur equi. nunc ordine certo,  
 Nunc nullo pugnatur. agit violentia quemque,  
 Et lethi trux scena patet. mors ipsa cadentum  
 Audaces iuvat, & rutili fiducia ferri.  
 Erigit impavidum pulchris hortatibus agmen  
 Parrhasius ductor. nunc cornua flectit in hostem,  
 Nunc revocat. quia parte labant, succurritur, &  
 Restituit non fessa phalanx. ipse inter & enses (vim  
 Et cuneos pignantum & rursus tonitrua, scutis  
 Dum stillat cruor, & sanies generosa, fatigat.  
 Numina; nec, quantum possit fortuna, moratur,  
 Aut cœca vis sœva Dea; sed, certus Olympi,  
 Sollicitat, poscitque Deum, vocesque disertas  
 Intendit cœlo supplex; Superosque rogare  
 Et pugnare docens, pariter cum rege sacerdos  
 Militat. & tanta sociant sua munia partes.  
 Tu Iuli contemne Deos, præpone secures  
 Et trabeas Divum studiis. calcate Nerones  
 Pontificum consulta mali. nil cœlica Pœnna  
 Iussa putet. laxet crudis scelus omne tyrannis  
 Impietas. hic hic, Reges, exempla parantur  
 Optima, regnantemque Iouem bellator adorat.  
 Hic pietas vexilla levat, clypeisque refulget  
 Religio, gladiosque regit. procul exulat omnis  
 Barbaries, moresque pios Rex sanctior urget.  
 Tillius, ut dispergi acies & robora frangi  
 Adspicit, atque suis manantia vulnera membris;  
 Signa trahit fugiens, & Martis inania discit,  
 Et Nemesin torsisse rotam; tot prospera belli  
 Vna clade tegi: contemnis astra laceffi  
 Hostibus, & caso se ferre piacula Bæmo.  
 Sternitur Ausoniacus fufis exercitus alis,  
 Et toto victrix grassatur Suecia campo.  
 Hic Italarum acies, hic Teuto Martius, illic  
 Procumbit Burgundus eques, Carnusque, feroxque  
 Istrus, & audaces Mysi, junctusque Triballo  
 Dalmata.

Dalmata. victorum passim nova premia miles  
 Colligit infames aquilas, quas accola Dravi,  
 Illyricusque pedes, Bojaque tulere cohortes.  
 Tunc omnis patuit tellus, patuere recessus  
 Hercynii, & faciles castra accepere Thuringi,  
 Submisitque suas sceptris Erphordia turres.  
 Magna cadit tripolis, capiturque à Saxone celsus  
 Romana ditionis apex. quo vindice dudum  
 Res steterant, nunc hoste labant, mutataq; tandem  
 Mens praecleara Ducis iusta sibi consulit ira.  
 Sic postquam angustis clausum penetrabilibus aequor  
 Haesit & euripis frangantur grandibus amnes;  
 Si laxent obices fluctus, dimissaque claustris  
 Undarum moles nulla se effundat habena:  
 Vna agrique laresque ruunt, atque impete facto  
 Omnia praesenti involvit vis ista ruina.  
 Non aliter sese diffudit in intima regni  
 Viscera Hyperborea felix fortuna coronae.  
 Et tu, Parthenope, stares, nil levia fuissent  
 Fata tibi, & sanis patuissent vocibus aures.  
 Nunc inhonora jaces, tumultusque & triste cadaver,  
 Et lethi domus & diri Busiridis ara,  
 Aula Thyestiadum, crudele Lycaonis antrum,  
 Et deploratis pulsata orchestra tragedis.  
 Quid, Tulli vesane, furis? cur effera quassat  
 Corda furor! num Getulo te patre leana  
 Edidit, horrendaque admorunt ora Medusa?  
 Nullum, sive, nefas perdis. contempta Deorum  
 Majestas flammis teritur. reverentia lecti  
 Et sexus pudor omnis abest. non flecteris annis,  
 Non matrum precibus. pueri innuptaque puella  
 Ante patrum vultus ferro periere vel undis.  
 Iam tibi collatus Phaleris mansuetior audit,  
 Iam Sulla Mariique pii. jam mitior ipse  
 Scyron & Getici infandum praesepe tyranni.  
 Inde per attonitos virtus Marcorum Francos,

Et



Et fortunatas annona dirite terras  
 Iuit ovans. trepidans Regi patefecit amicas  
 Herbiopolis portas, docuitque ad regia iussa  
 Romulidum sacros submittere colla nepotes.  
 Idem etiam Mœno surgit labor. illa Visurgis  
 Sors fuit, & domiti facies gratissima Rheni.  
 Ite Moguntini, profugo jam præfule, cives,  
 Et festas adolete faces. conjungite dextras  
 Vangiones. alius Nicro jam partus Achilles.  
 Quem vobis, pavido ceu sidus amabile Tiphys,  
 Submisere Dii; qui vestra certa salutis  
 Turris erit clypeusque; tibi qui pendè ruenti  
 Optat am tandem reddet, Germaniæ, pacem.  
 Utorem ante oculos languens astare tuetur  
 Catthus, & hoc audet moliri præfide bellum.  
 Iurat Spira fidem, rerumque secunda sequuntur  
 Vindelici, & tutis tellus se Norica patris  
 Servat, & Alsatica juxta cessere Taberna.  
 Nec minus attritis torvus contunditur Ister  
 Cornibus, & captas Augusto mancipat arces.  
 Ille Lycum Vindamque premit, caditque Nariscos,  
 Et Bavarum penetrat sedes. stupet Isara gressus  
 Atque habitus, Scritofinne, tuos, & celsa Monaci  
 Mœnia posse capi; Lavaroque in flumine pasci  
 Arcturi glacialis equos. tranc perculit Alpes,  
 Et juga Rhatorum dangens tuba. dicitur ipse  
 Et Padus atque aliquid Tyberis metuisse sinistri.  
 Sic cum Grajugenium extremos traxisset in Indos  
 Agmina bis genitus Liber, vel dives Hydaspes  
 Coram Thessalicas, Pelleo principe, parmas  
 Cerneret, obstupuit pallentis regis Pori,  
 Et sua postremi timuerunt funera Sina.  
 Quo me cunque rapit terrarum maximus ordo,  
 Totque potestatum series, concurrere lauros  
 Adspicio. Parent Lygii, Chaucique Mosella  
 Hospes & effrenes veniunt ad signa Cherusci,  
Treve-

Treuericæque urbes. Vbios mansueta loquentes  
Audimus, flectique minis Borealibus orbem.

Tandem iterum te Saxo vocat, Gustave, novisq;  
Oppida pressa malis, quæ Martius alluit Albis.  
Hic alias cædes, alias discordia belli,  
Parcarumque latens animus, vel gloria pugnas  
Inchoat. ut tardis cœperunt passibus alæ  
Adventare, prior loqueris: Mea robora, Finni,  
Lappiones, Sueonesque mei, nunc illa refulsit  
Exoptata dies, qua terras fama per omnes  
Vos pariter regemque vehet, nec sera silebit  
Posteritas nostrum facinus. dstringite dextras  
Ocyus, objectos, socii, perrumpite vallos.  
Pugnandum est, dum fata vocant & classica, per vos  
Moschorum rubuere nives, rubuitque cruentus  
Cimber, & audaces compressit Sarmata voces.  
Quæ mihi tot latè populos, tot regna subegit,  
Virtus vestra fuit. vos per glacialia mecum  
Flumina & hibernos spreta formidine menses  
Istis iter durum. non vobis linea Cancri  
Torrida & æstivis currens regionibus Æthon  
Obstitit, aut longi fregerunt corpora Soles.  
Stare viri, & si prisca manet reverentia nostri,  
Hoc perstate loco. celebrata ferocia segnes  
Proscribat pellatque metus, & pabula laudum  
Subdat gentis honos. non fas à Cæsare vinci,  
Natum Marte Getarum. vobis pater ille, meique  
Arbiter imperii est. istis defluximus oris,  
Quas ferri commendat amor, queis pristina vitæ  
Regulæ, militia est. astris animamur & undis,  
Acrius, & similes animos afflataque corda  
Sideribus gerimus. gladiis arcete pudorem,  
Invictum se quisque probet. nos esse pericli  
Et pugna comites volumus. properabimus una  
Ad laudem mortemque via. non præda, sed ipse  
Materies belli Deus est. defendere sacra

Qui



Qui renuit, moriatur iners. afflicta bonorum  
 Tutores nos causa facit. ne Succia clamet  
 Degeneres, Teuto timidos. quem sepius ipsi  
 Vicistis, toties campis fudistis apertis.  
 Credite, non uno fugietis teste, vel uno  
 Iudice victores eritis. tot gentibus omnes  
 Iudiciisque damur. pariter spectamur amicis,  
 Hostibus & neutris. vasto res nostra teatro,  
 Censores, quos orbis, habet. decidite litem,  
 Ancipitesque manu voces. nos inter & hostem  
 Vindex ensis eat. superet fiducia, si quid  
 Deficimus numero. Fas est advertere, quales  
 Non quot bella gerant. una tot praelia luce  
 Conficite, & ne sit toties pugnare necesse,  
 Debellate semel. Regi, patrique Deoque  
 Vivere praeclarum est, illos servasse decorum.  
 Dixit, & extemplo postquam coire manipuli,  
 Caesreum inclinat cornu. simul acta ruebat  
 Prima acies; non parca fuga. Rex impiger urget,  
 Oblitusque sui, veluti se indagine cinctum  
 Dum videt, & circum stipari tela manusque,  
 (Ceuleo, qui telis ingentibus undique praesens  
 Assilit in ferrum) medios agit acer in hostes  
 Cornipedem, & tanto septus discrimine pugnat  
 Cominus, & primo percussus vulnere servit  
 Acrius; haud magnum censens; ostendere mundo,  
 Regem posse mori. nec tunc Augustus inultum,  
 Quod superest de luce, sinit. ictuque secundo  
 Saucius, adnitentem animam corpusque fatigat  
 Ictibus, & iusta non sufficientibus ira.  
 Iamque labans languensq; suo dum more coruscet,  
 Et formidatum nequicquam assurgit in ensen,  
 Corruit, atque iterum telis coeuntibus; Heros  
 Bellatricem animam patrio largitur Olympo,  
 Et sese invitis pugnando em. incipat armis.  
 Illum plena cito sequitur Victoria curru,

Et totas acies, & castra ingenia mactat  
 Inferias, Gradive, tibi. sine principe miles  
 Dum superesse nefas censet, securus hostem  
 Insequitur. pudet amisso non vincere rege  
 Aut certare diu. iuvat presentia vivi,  
 Plus mortis jam fama iuvat. sine corpore credam  
 Exanguem pugnassee Ducem, mentemque per ipsos  
 Erravisse simul cuneos, tacitisque furentes  
 Moribus instigasse viros. sic victor honores,  
 Et clavo innumeras abruptit funere lauros.  
 Qua dignum Te laude feram, Rex magne, beatis  
 Proxime Dis: qui cum moreris, plus vivere mundo  
 Incipis, & plausu passim majore triumphas.  
 Publica non unquam simili se gratia fudit  
 Assensu. nunquam Ausonias par gloria portas  
 Pandit ovals, cum Dentato tot consule Roma  
 Oppida post currus traheret, cum vincula catenis  
 Africa monstraret Marios, cum Pontica Magnus  
 Littora, cum silvas Arabum Libanumque teneret.  
 Ostentare tuos si vatum cura labores,  
 Et populos aliquis tentet narrare sabaetos;  
 Certabunt orbis partes. hac praelia dicet  
 Gesta Lycaonio sub sidere, qua ferus ardet  
 Arctophylax, Vrsaque micant. Australibus illa:  
 Splendidior spoliis urbes captivaeque dicet  
 Flumina. victricem celebrabit Suecia dextram,  
 Botnia civiles narrabit carmine laudes.  
 Hic Alemannorum tollent insignia patres;  
 Hic aliis Nemetes, aliis hic vocibus edent  
 Gesta Quadi, Bromioque etiam gaudente solut &  
 Menades Abnobiis scribebant in montibus hymnos.  
 Distant sideribus fasces, nec parta sub uno  
 Conclusit natura loco. tua dividis arma  
 Tot populis, cælique plagis distingueris actor.  
 Quantum Savo tuis ingens Meliboe recedit  
 Tallibus, à flavo Cattorum prata Rutheno,



A Nerva quantum Albi abis, Aquilonibus ipsis.  
 Luppia, vel Diuina lacubus discerneres Aura:  
 Tale tenes meriti spatium. tua purpura cunctos,  
 Et mœstas recreat domitrix clementia terras.  
 Per te damnata repetunt sua rura Napæa,  
 Securosque colit dominus tranquillior agros.  
 Nubila cesserunt, tempestateque fugasti  
 Tyndarides. vacua profugis cultoribus urbes  
 Accipiunt civem. pulsus redduntur habentia  
 Principibus, summoque vacant delubra Tonanti.  
 Quisque tibi grates solvit, quod libera rursus  
 Oppida possideat, quod nil formidet iniquum,  
 Latius edificet, domibusque inscribat amœnis  
 Gustari titulos & regis amabile nomen.  
 Cedite Trajani mites, vos cedrite Drusi,  
 Et lenes in verba Titi. mansuetius illis  
 Di dederant tibi posse loqui. pugnate Camilli,  
 Irruite in turmas Decii, patriæque uovete  
 Victuras æternum animas. non seignior istud  
 Carpsisti moriturus iter. si paupere cœna;  
 Pavit Alexandrum Libyæ torrentis arena,  
 Te voluit sors esse parem. tibi vertice nudo  
 Excipere insanos imbres, permixtaque nimbis  
 Fulmina ludus erat. tibi pulvinaria sæpè,  
 Et virides thalamos, atque udum rore cubile  
 Stravit humis, rigidæque fuerunt culcitra rupes.  
 Flammifero quoties flagraret Sirius astro,  
 Et coqueret siccas cœli inclementia valles,  
 Dedecus ajebas gelida recubare sub umbra,  
 Et fato meliore frui. quæ militis, illa  
 Sors eadem rectoris erat. similesque fuere  
 Et Dux & vitæ assuetus veteranus acerba.  
 A te militiæ leges mandataque castris  
 Accepit Bellona rudis. tu stringere noras  
 Cornua, tu laxare eadem; quæ collibus esset,  
 Conveniens campisque acies. quis fraudibus aptus  
 Angu-

Angulus, ut silvis pateat latebrisque receptus,  
 Ut premat incautos nox intempesta, vigilque  
 Sobrietas, metuensque noui Matuta pericli.  
 Aggeribus quoties muros, fossisque coronas  
 Clauderet obsidio; tu propugnacula solers  
 Scribere, & imbelli poterat signare papyro  
 Grande rudimentum. quam paruo lignea nisu  
 Machina procedat, nec lenius impetat hostem,  
 Inventum dixere tuum. Tu promptus ab omni  
 Parte aderas, peditemque pedes spectator obibas,  
 Nunc equitem lustrator eques. campestris verbo,  
 Vel nutu precepta dabas. Regisque sciebas  
 Officium, miscere Numam. Vix classica signum  
 Ediderant, agili circum tua tempora motu  
 Ludere casariam, crispam in casside conum  
 Vidimus. ille tuis monitus calcariibus acer  
 Cyllarus ardebat pugnas, patulque patebant  
 Ad rabiem nares, fumabat morsibus aurum,  
 Discussaque juba dispergebantur in armos.  
 Ipse tibi volucer, quoties res posceret, alas  
 Bellerophon Perseusque dabant: cum lentior agmen  
 Ductares, priscum jurabam ducere turmas  
 Æaciden, vel Nilivacis precedere sistris  
 Numen adorandum populo. Si viveret, optet  
 Te Duce Celtiberos contra pugnasse Metellus,  
 Thermopylas servasse Lacon, domuisse Sicambrium  
 Claudi, excelsique aquilas junxisse Catones.  
 Prorogat aternam sospes tibi Suecia palmam,  
 Vulneribus defensa tuis. inopina reluxit  
 Germanis, te dante, salus, & prospera porro  
 In nomen ventura tuum sibi secula spondent.  
 O quoties victi exuvias Aquilonis onusto  
 Arrisere tibi regalia sidera, Cepheus,  
 Et pater Alcides. quoties tibi libera favit  
 Andromeda, misero cum solvi vincula Sive vo  
 Cerneret, Vspetesque tibi parere volentes.

D

Quod



Quod si longa tuis traxissent stamina bellis  
 Concordes Superi, poteras immissus in Alpes  
 Eridano lavisse comam, proavumque vetusto  
 Restaurasse decus solio, trans alta vagari  
 Pyrenes juga, vel mediis considerare Mauris,  
 Aut iterum antiqui penetrare in viscera Bocchi.  
 Maxima versabas animo, gnarusque videbas  
 Singula, quæ per agenda domi, quæ longius essent,  
 Quid potius pelago, vel sit tellure gerendum,  
 Quid mercator agat, num sanciat aqua sacerdos,  
 Num violet scribas audacior insula leges;  
 Quid beet agricolam; quo floreat aula decoro,  
 Iudicii fuit omne tui. quid fabula vatum  
 Centum oculis Argum soli in vigilasse juventa  
 Grande putas? uno lastrantur lumine regna,  
 Totque simul mens una potest confligere rebus.  
 Non tibi se regum quisquam jactare priorem,  
 Vel cupiat conferre parem. collata potestas  
 Est minor, & tantis vis æmula deficit ausis.  
 Haud secus, ac puro rutilat cum Phosphorus igne,  
 Stellarum lux omnis hobet, caligat Orion  
 Nabilus, obtusis radiis intermicat Hydra,  
 Sidere aque faces in viso lumine languent.  
 Inchyie Rex, seu jam Nemeæo infessa Leonæ  
 Astra tenes: seu Gnosiacæ te stella Corona  
 Irradiat: seu Threæcæ per fulgida Martis  
 Limina terribilis gradieris; seu celsior ipsam  
 Attingis soli um Iovis, & cum Pallade regnas:  
 Adspice luctantem claro cum Casare Suecum,  
 Adspice victores etiam post funera Gotthos,  
 Et nixa Axellii curis prudentibus arma.  
 Quo jam Parmenione vigent, quo Nestore florent  
 Res Sueonum, matura capit consulta Senatus,  
 Et vigil in mediis effulget Curia castris.  
 Adspice, quàm sese magni prænominis heres  
 Horvius ostendet campis, quibus acer in armis

*Vimarius ruat, & pallentem territet Istrum.  
Hic tuus est Perdicca, tuus Meleager & alter  
Antipater, quorum egregiis successibus orbi  
Vivis adhuc, geminosque feris virtutibus axes.*

*Hæc Tumulo suprema loquor, dum regia proles  
Crescit, & ipsa inter præstans cunabula Virgo  
Provehitur, decoratque tuo diademate crinem.  
En, latus accingit gladio, torvamque pererrans,  
Ægida, & arata ludens sub casside, quarit:  
Num patrio desit tellus vincenda labori.  
Tempus erit, quando totam regina Camillam  
Induet, armabitque viros in bella virago.  
Tunc soboli, Gustave, tua, cum Maria nubes  
Ingruet, inspira roburque animumque virilem.  
Sic tua continuis procedant prælia fastis,  
Sic ingens Regina suis cataphracta loquatur  
Ordinibus, Geticas disponat femina classes,  
Masculaque Austriacos contundat filia fastus.*

## VENVS CIMBRICA,

Sive Nuptiæ Serenissimi Principis CHRISTIA-  
NI, Electi Daniæ & Norwegiæ Regis,  
& Serenissimi Principis MAGDALENÆ  
SYBILLÆ, Serenissimi Ducis Saxonæ,  
& S. R. I. Electoris Filiæ.

**H**Æredes regum thalamos, annexaque clavis  
Stemmata federibus, populique augustæ  
Trionum

*Sidera & accensam tedis genialibus Arcton  
Respice, quæ summum toties generosa sagittis  
Læssi, Cithærea, Iovem. quid Cypron amasse,  
Quid Paphum, Idaliūque nemus, Cretamque  
Gnidumque,*

*Flagrantesque à Sole domos miraris? & ipsam*



Incaluisse Samum? nihil est, si fer veat Eos,  
 Si sponfos Aurora suis exsuscitet undis,  
 Aut Gangen suus urat amor, vel tosta procetur  
 Memnonis aula procul. Iam frigida parturit ignes  
 Parrhasis & gelida cœunt amplexibus Vrsæ,  
 Præbudentque Duci. glacialia sidera latus  
 Mitigat Arctophylax: nec jam nymbosus Orion  
 Porrigit immanem pacis studiosior enssem,  
 Sed facilis, sed mollis amat. pars horrida mundi  
 Mansuescit, Boreique micant cum Principe vultus  
 Clivis, & tetricos conjux effeminat axes.  
 Iam pridem Paphis cognata Britannia flammis  
 Arserat, & dignos Carolo sperare nepotes  
 Ausa, Caledoniis regalia lilia sceptris  
 Iunxerat, & Tamesin Ligeri, Rhodanumq; Tuædæ  
 Miscuerant magna sociali federe gentes.  
 Hesperius quin ipsa potens se Gallia pactis  
 Strinxerat, & grandis neptim gavisa Philippi  
 Donarat, Ludovice, tibi. regnator Iberus  
 Oscula Borbonius defixerat uida labelis,  
 Austriacoque alibi recubabat Mantua lecto:  
 Cum sic fata fuit toto circumflua Tethys  
 Equore, & his ipsis accendit regia dictis  
 Pectora, Cimbrorumq; Ducem: quid, Maxime Prin-  
 Quæ speciosa manet Gothici fortuna profundi, (ceps,  
 Et circumjectis veneratur Cimbria regnis,  
 Ignavas pateris soli tibi currere noctes,  
 Et languere faces, & nullis tempora duci  
 Conjugis illecebris? nec patris amabile nomen,  
 Nec generis, serique movet te cura nepotis?  
 Dilexere Deas Superi, dileximus illos,  
 At thalami sub lege, Dea. Saturnia charo  
 Blanditur regina Iovi. Venerique severius  
 Mulciber. ipsa suum complectitur Amphitrite  
 Nerea. me Neptunus amat. laxantur Averno  
 Gaudia, & in Stygiis quaruntur basia regnis,

Et ferrugineum mulcet Proserpina patrem.  
 Nec dispar sors celsa Ducum est. idemque potentes,  
 Qui Di vos accendit amor, sociataque pulchrè  
 Majestas Cyprisque fuit. dum subruit urbes  
 Ninus & insolitis convellit motibus orbem,  
 Assyrius lascivit apex, partemque furoris  
 Diluit abjecto pharetrata Semiramis arcu.  
 Quin & Achemeniis surgens Titanius oris  
 Cyrus & Arfacidas acuens in bella phalanges,  
 Arsit in Aspasia. quid te Priameia mater  
 Commemorem Priamumque patrem? quid Pelea  
 sponsum?

Aut Agamemnonio ferventes igne Mycenae,  
 Romulidumque thoros? thalamo se munit & armis,  
 Qui regnare cupit. solio cum suppetit haeres,  
 Audaces peccare timent. tutissima res est  
 Successor, sobolisque fides. his nixa potestas  
 Praesidiis secura viget, nec certior unquam  
 Imperio fortuna manet, quam regia postquam  
 Sceptriferos auget genitrix fecunda penates.  
 Namque velut pavidis promittunt prospera terris  
 Chaldaei Babylonque sagax, cum celsius astra  
 Coelicolum per tecta ruunt, summoque coruscant  
 Vertice, nec radunt humilem declivia Vestam:  
 Haud aliter postquam populo sublimior omni  
 Exoritur regum soboles, ac nascitur orbi,  
 Exultant pariter gentes, & scepra parentum  
 Tuta patrocinio vires à sanguine sumunt.  
 Non ultra jam tela rubent, pandisque cruorem  
 Scuta bibunt spatium, non diro in vertice coni  
 Terribiles stringunt galeas, vel pulvere belli  
 Adpersus lambit crudus sua vulnera miles.  
 Non tua vicinis bellatrix Scandia flammis  
 Ardet, & adversis Sueonas ulcitur armis.  
 Non qui rure suo laxisque paludibus exit  
 Cimbrus & angustas promovit Vandalus oras,



Romulidum jam strage calent, & cade feroces  
 Ausonias populantur opes. non ense Cheruscus,  
 Non Marsus Chaucusq; rubent. Pax, optima rerum,  
 Tollit lata caput, mansuetaque numina belli  
 Proscripsere minas, & formidabile murmur,  
 Et mundi ferale malum. sunt otia genti  
 Certa tua, cunctasque ligat concordia terras,  
 Et spondent meliora Dii. cur, maxime, cessas  
 Ista Dionea largiri tempora matri,  
 Ut Veneris vibrare faces? aliosque Canutos  
 Reddere, vel fortes Stenonas, seriemque tuorum  
 Neētere tot retrò ducibus. quos inter Heraldus  
 Et celebres fulgent Olui, victorque Suieno,  
 Christiernique graves, & nomina nata triumphis,  
 Errici, Frothoque potens, quos ordine longo  
 Ad tua derivant geniales secula tædæ.  
 Expectant à te sobolem dispersa per undas  
 Imperia, & cupiunt sperato Principe passim  
 Tot gentes, tot regna frui. sic Funnia fatur,  
 Hac circumfusis Selandia murmurat undis,  
 Nerigon hac eadem ingeminat, postremaque Thule,  
 Et que vasta suos Nidrosia colligit amnes  
 Vallibus, & toto famulatur Fembris ponto.  
 Tot votis ordire virum, tot vivere terras  
 Incipe progenies regum; genituraque reges  
 Vtilius vixisse velis. pars degener orbis  
 Creditur, & mundum vix ullo jure tuetur,  
 Basia qui chara nunquam sibi conjugis emit  
 Basiolis, blandoque procans arrisit amori.  
 Hac decoris pars prima tui est, genuisse tiaris,  
 Queis pater imperites; & confudisse benignum  
 Cum populo prolis nomen, regemque patremque  
 Regnantis vultum vultu lenire paterno.  
 Sic clemens regnator eris, minuetque furorem  
 Conspecta consortis amor. cum publica lassant  
 Pondera, cum rerum moles glomerata fatigat,

Illa tibi blandis emolliet aspera dictis,  
 Illa tibi nutu poterit tranquilla mederi,  
 Vel precibus placere gravem. ceu concita quando  
 Æquora Neptuni surgunt percussa tridentii,  
 Et jam terror habet Tiphyn, sociosque ratesque,  
 Tota procellosos componunt æquora motus,  
 Me ridente. suo Stilico deservit astu,  
 Confeditque tumens animus, cum voce Serena  
 Flecteret accensum non indignante maritum.  
 Leniit Augusti non inconcinna furorem  
 Li via, & audacis traxit molimina Magni  
 Julia, nec generum socero concurrere passa est,  
 Dum vixit, sciasitque viro tunc optima conjunx.  
 Quid? tua cum matres etiam mandata capeissent,  
 Egregiæque nurus; præeat virtute domoque  
 Femineo Regina choro, querulasque maritas  
 Flectat in obsequium similis concordia sexus,  
 Parque modus fati, nec dispar regula vitæ,  
 Eloquiique lepos. etiam componitur iste  
 Orbis ad exemplum Domina, gaudetque magistrans  
 Officiosa sequi mulier. quam foemina monstrat,  
 Ad te communis pietas proclivior ibit.  
 Nonne rubent cœli radius melioribus ignes,  
 Cum Phœbo graditur Phœbe comes? aurea fratrem  
 Illustrat Dictynna, atque illustratur ab illo.  
 Sic socio cum rege decus venerabile sceptri  
 Expandit muliebris honos, fulgetque vicissim  
 Regnorum geminatus apex, conjunctaque terris  
 Lumina prælucet melius. cum conjugè Cephæus  
 Rexerat Æthiopus; radiunt nunc altius astris  
 Cassiope Cephæusque simul. cum conjugè rexit  
 Penelope; Latiæ flexit moderamina Roma  
 Gnara gubernandi Tanæquil, nec sola potestas  
 Tarquini regisque fuit. solertia felix  
 Profuit ista viro, & meruit majora virago.  
 Suffice, qua volucrum pennis sonat arduus ather.



In Venerem natura ruit. Iovis ales amatur,  
 Et rursus Iovis ales amat; generosaque dictis  
 Sufficit argumenta meis. genus omne natantum  
 Vritur. en, grandes, informia corpora, ceti  
 Me circum tremulis agitant connubia squamis.  
 Sed ne longa traham per centum exordia causas,  
 Vna tuis, Princeps, servatur amoribus apta  
 Magdalis. hanc dudum ventura provida sortis  
 Numina seposuere tibi. scis Casare dignum  
 Stemma, patremq; Ducem; qui claris Teutonas ar-  
 Afferit, & veteres VVitikindi exuscitat iras (mis  
 In Tiberin Istrique Deos; celebresque ruentis  
 Exuvias Tilli lauris appendit avitis.  
 Nec te fama domus Bullataque nomina septem  
 Elestorque latent, & quem gerit impiger, ensis.  
 Non malè vexatis olim concessa Britannis  
 Auxilia, & fusos animoso Saxone Pictos.  
 Est genus annexum Tamesi, Rhodanoq; Padoque,  
 Et proxvis, Lotharinge, tuis. hac stirpe Capetus  
 Reliquias sprevit Caroli, Druidumque sagaci  
 Ingenio possedit ebur. vicere sub istis  
 Casare signis aquila, Romanaque crevit  
 Gloria, & Ausonio restans Germania regno.  
 Indlyta progenies tali se vindicat ortu,  
 Hoc jactat se patre satam. venerabile nomen  
 Augusti fecere Lares, & feta triumphis  
 Nobilitas. sed cuncta decens reverentia morum  
 Ante venit, sexuque animum sublimius effert;  
 Ut generet, qui sceptrum gerant. sua gratia forma est.  
 Et decor in vultu, qualis solet esse Dearum,  
 Emicat. hanc si Thessalicis vidisset in agris  
 Errantem Phœbus, Daphnen sprevisset amator,  
 Liquissetque suam profugus Minoida Theseus.  
 Triste nihil, nihil innocuam implacabile mentem  
 Pervertit. nitida insedit clementia fronti,  
 Assuevitque Deo pietas. prudentia dictis

Et gravitas regalis inest, & nescia fraudum  
 Simplicitas. quoties gemmis splendet & auro,  
 Virtutes potiora putat. cum regia spectat  
 Limina magnificasque trabes, aula, penates,  
 Vult demissa frui. multum nocitura regenti  
 Luxuries & fastus abest. sunt candida semper  
 Gaudia, nec peccat pulchro saturata voluptas.  
 Hanc proavum matres & tot docuere Sibylla  
 Conjugii servare fidem, docuere severa  
 Iura pudicitiae. tali nascente puella  
 Fama fuit tumuisse Salam. se laxius Albi  
 Explicuit, vastos auxit Thuringia saltus,  
 Hercyniumque latus. maturis fertilis uvis  
 Vinaria, & patulis arrisit Misnia campis.  
 Lusit & ad cunas Viadrus, natalibus equus  
 Mulda fuit, lambensque soli vicina Visurgis,  
 Et passim vario scatuuit dis vena metallo.

His ubi Nympharum genitrix sermonibus ipsum  
 Accendit facunda Ducem, & se fassa moveri est  
 Purpura, jamque vigor solitus spectorque cubilis  
 Subsedit monitis animus, secretaque sensit  
 Corda quati Divum alloquii: tum protinus illa  
 Exutum nuper transtris bellacibus Albi  
 Advocat, & qua se vallis circumdat & undis  
 Dresda potens, paribus laudatam Magdalin, in  
 Ocyus implebis studiis, generosaque sese (quit,  
 Alie virgineis occultet flamma medullis,  
 Dignaque regali virgo suspiret amori.  
 Ille procellosa velox mandat a capessit  
 Tethyos, & moesta dum praterlabitur urbis  
 Moenia, Parthenopesque domos, ac diruta flammis  
 Tecta laresque Deum; sevi spectacula Martis,  
 Et Tilli furias & adhuc a cade calentes  
 Despexit portarum obices. dein longius actus  
 Qua formidatis se turribus altior effert  
 Dresda, steit. non tunc rigido barba horrida mento,



Hirsutumque supercilium, non hispidus Albi  
 Vultus erat, sed aque comas velaverat alga.  
 Pronuba forma fuit, faciem distinxerat auro,  
 Torvaque fulgebat cultu meliore senectus.  
 Canities, sed compta, suis formosa capillis  
 Esse videbatur, Tyrium redolentia succum  
 Pulchra eni ex humeris pendebant pallia pandis.  
 Insuetus tanti decoris, gestusque procantum  
 Inceptum tentabat opus. cum forte decoro  
 Adventans speciosa gradu se Filia Princeps  
 Obtulit, & patrius errans secretior hortis,  
 Mitia Saxonica sperabant tempora terra.  
 Hoc etiam volvens animo, discrimine quanto  
 Affereret patriam genitor: quam fortibus ausis  
 Iret in Austriacos: ut libertatis aruita,  
 Ut Superum fideique tenax, hac bella coactus  
 Susciperet: quoties sanis hortatibus Istrum  
 Erigeret: pacemque malis praeponeret armis.  
 Talia sollicita dum versat mente virago  
 Mascula, sic curas, sic interpellat euntem  
 Albis & his regum dictis persuadet amorem.

Salve magnanimi proles augusta parentis,  
 Ingens nata Ducum. cur te Marvortia mitem  
 Suspensam fortuna tenet? motusque viriles  
 Lenior expendis virgo? studiisque severis  
 Exerces imbellem animum? totum excute Martem,  
 Gradiumque patrem. sunt haec minus apta puellis  
 Nomina. quin potius Veneres admitte, faceque.  
 Quas puer Idalius, quas ventilat alma Dione.  
 Hac facilem te cura decet. si busta rogi que  
 Si te fata movent hominum, dispendia belli  
 Totque obitus mater repara. post funera Regum  
 Reges gigne alios. nec jam contemptior ultra  
 Privatos patiare lares. Borealia sceptrum  
 Exposcunt lecti sociam, diademata crines  
 Expectant Arctoa tuos. te rector honorat

Vandalus,

Vandalus, heredem Goti tibi destinat æther,  
 Parrhasique suis nunc gliscunt ignibus ignes.  
 Agnosces famulum, Virgo dignissima, pontum,  
 Victricesque rates. tota donaberis Arcto.  
 Dos non unus erit populus, non insula simplex  
 Nomen adorabunt plures. tibi prona favēbit  
 Nerigon, ardentem submittet fascibus Heclm  
 Incolæ, formabit placidos tibi Cimbria cives,  
 Te Fiones, agrisque colet circumdata pulchris  
 Hafnia, per medios ibis regina Suiēvos,  
 Inque tuo cupiet piscari luta profundo,  
 Et Gothus, antiquique memor Dithmarsus honoris.  
 Cuncta patent parentque simul. quæ federa necto.  
 Illa tibi locuples Codanis faucibus aurum,  
 Vectigalque ferent. spatiis his vi vivimus omnes,  
 Et miseris latè terris alimenta petuntur.  
 Fundat ab Eois fragrantia balsama ramis  
 Indus, odoriferas Panchaia jactet arenas,  
 Astur donet equos, multo nos Gallia Baccho  
 Proluat, in duro desudet marmore fossor  
 Dalmata, Prutteno concrecant succina flucta.  
 Queis facile est caruisse bonis. hinc pabula vitæ,  
 Hinc segetes frugesque bonæ, Cererisque vehuntur  
 Munera, & immensum ratibus mittuntur in or-  
 O quali socianda viro es, qui regibus ortus (berm  
 Inter sceptrâ puer mundi que adolevit habenas,  
 Semideumque domos. quas Delmanhorstia dudum  
 Vexit & illustri stirps Oldenburgica fama  
 Misit in imperium magnum. quis clarior illo,  
 Quis venerabilior sanguis? cui prisca dedere  
 Semina Christophori, regnatoresque Canuti,  
 Hemmingique graves, scriptique annalibus Humli.  
 Si laudes recitasse velim, prò quanta patebunt  
 Æquora. destituent fessam præconiâ mentem,  
 Non Helicon sitis unus erit, non Castalis undis  
 Sufficiet secunda suis. vigor inclytus illi



A pueris, tenerisque aliquid fulgebat in annis,  
 Quod domini regisque foret. spondebat honores  
 Eloquii clemens gravitas, & fulta juvenus  
 Majestate patris primo se protinus aro  
 Obtulit exemplum. jam tunc suffragia gentis  
 Emeruit plaususque sua, crevitque potentum  
 Iudicii, votisque erexit grandibus aulas.  
 Inde per egregias crescens circumtulit artes  
 Ingenium, verique modos praeceptaque recti  
 Addidicit, nituitque suis industria donis.  
 Tunc animus fuit Arctoo evolvere motus,  
 Ire per annales patrum. quibus arserit armis  
 Normannus Danusque, quibus Colmaria flammis,  
 Scrutari, & victa miseranda incendia Bergæ.  
 Quis Gothicas acies, Sueonum quis fregerit urbes,  
 Qualis in adversos Gormo surrexerit hostes,  
 Classibus incautum Sueno pacaverit Humbrum,  
 Et mediis steterit veloci Marte Britannis,  
 Regnantumque vices varias. quid secula dignum  
 Ediderint exacta, togae bellique labores.  
 Omnia qua proprios rector convertit in usus.  
 Nec minus Euclidæ numeros, ignotaque quantis  
 Metitur spatia, & rigidis distincta figuris  
 Signa legit, Martisque levi spectacula papyro  
 Exhibet, & veterum disponit more phalanges,  
 Quaque urbes virtute ruant; qua linea muros,  
 Que feriat directa domos; ut vinea serpat  
 Tutius, & timidis subrepat machina portis.  
 Sapius in stricto lussit vis Martia ferro,  
 Et gladios vibrare sagax, invenit in armis  
 Mille nocendi artes, nocituraque vulnera cautè  
 Intulit, atque hostem ferit securam malorum  
 Dexteram, & attento rabiem mucrone fefellit.  
 At quoties trepidis fervens in vallibus acri  
 Gaudet equo, laxisque volat dimissus habenis,  
 Stat nutu sonipes, spumisque madentia mordet

Frenâ ferox. jam sternaci cervice minantem  
 Flectit, & aripedum doctis premit ora lupatis  
 Impavidus, spectatque alium jam Castora Cimber.  
 Illum sæpè pater pugna inflammavit amore  
 Intrepidum, totumque cavo caput abdidit ære.  
 Non galea dirum fulgur tristeque timebat  
 Castrorum lituos. sævis horrentia telis  
 Agmina ludus erant. circum tentoria Phœbe  
 Mirata est errasse ducem, noctisque per umbram  
 Ducere sollicito vestigia mascula gressu.  
 Pace fruens aliis animabat pectora votis,  
 Terribiles inflare tubas, disponere vallos,  
 Bellonæ calcare vias, diffringere portas,  
 Obruere hostiles acies, circumdare castra  
 Fraudibus. hac primas exercuit indole vires,  
 Cunctaque, dum cessant, doctrina recolligit arma.  
 Si, quibus ingentes flectet virtutibus urbes,  
 Scire juvat: poterit solo metuendus amore  
 Et terrere malos, & præmia reddere justis.  
 Flectitur, auctori quoties damnatur iniquum.  
 Nec languet, quoties vitiiis immanibus horret  
 Improbitas. non ambigui molimina vulgi  
 Aut nimium timet aut spernit. sub pectore magno  
 Spem domat immodicosq; metus. non sorte secunda  
 Diffluit. adversam forti ratione refellit.  
 Hoc Regis putat esse, Deo submittere fasces,  
 Non homini. legesque sequi, quas condidit ipse.  
 Tunc vult officiosa loqui, cum civis amatur.  
 Tunc vult imperiosa loqui, cum murmurat audax.  
 Vult licuisse sibi, quicquid permittit honestum.  
 Nec licuisse sibi, quæ sola licentia clamat  
 Possè duces. tunc arma probat, cum publica iuste  
 Causa dolet; tunc arma fugit, cum federe tuto  
 Stat securâ quies. fines virtute tueri,  
 Principis officium credit. non poscere bellis,  
 Quæ levis ambitio & regnandi insana libido



Suggestit. Astra propugnat vindice muros,  
 Excubiis telisque minus. venalia jura  
 Strataque muricibus damnat fora. digna merenti  
 Destinatus, indignis gravior, turbantibus acer.  
 Intemerata fides lingua est, nec, casibus hærens,  
 Rescindit promissa. dolis, sine crimine, gaudet,  
 Et simulat, sine fraude tamē. noscendaque; nunquam  
 Dissimulat, prudensque premit secreta silendo.  
 Incubat in famam totus, quæ laesa minatur  
 Regnanti graviter, spondet meliora superstes,  
 Querit amicitias, nec cunctis fidis amicis;  
 Et Pyladem occulto sapiens distinguit ab hoste.  
 At quoties decernit, amat consulta Senatus  
 Consiliis sociare suis, proceresque loquentes  
 Audit, & à cano suffragia Nestore poscit.  
 Spernere adulantum strepitus vocesque malorum  
 Exemplo, Trajane, mones. affabilis ut sit,  
 Vespasiane, tuum est. Augusti Caesaris illud;  
 Neglectas revocasse artes, fuisse Camœnis,  
 Et doctis monstrasse viam. non perdere civem,  
 Scipiada vox sancta fuit. quæ regius hæres  
 Dum facit, à magno meruit prænomina Christo.  
 Non avida iratas illi male strangulat arca,  
 Quas congeffit, opes. verum moderata fruendi  
 Temperies toti partitur commoda regno.  
 Providus ante venit, nova cum discrimina Gracchi,  
 Aut effrons Catilina, movent; facinusque Cethegi  
 Occupat, interdum lentè faciendâ moratur,  
 Et metuit, quicquid peragît violenta potestas.  
 Cum mala vicinas exercent jurgia terras,  
 Omnia tuta timet, litique intervenit aquus  
 Arbiter, indomitosque studet componere fluctus.  
 His meus officii Princeps, his moribus audit  
 Clarior, his curis patrium suffulciat orbem.  
 Quare age Germanas inter selecta sorores,  
 Sceptraferos admitte thoros, & noxia pelle

Otia, & ignavi fastidia discute lecti.

Quæ formosa nites, fugientibus utere donis,

Et formam nuptura proba. non illa dedere

Incassum Superi. vultis Lucina serenos

Exigit, & thalamos conscendes pulchrior uxor.

Dixerat hæc, verum solito tunc comptior, Albis,

Matris iussa sua. cum gens pharetrata Deones

Adstitit attonita Divum sermone Sibylla,

Et tacitum membris altè inspiravit amorem.

Ex illo absentem Princeps in Magdalin arsit,

Rursum in absenti tunc Principe Magdalis arsit.

Dumque locis distans, gens intercurSAT Amorum,

Crebraque per longos commutant basia tractus,

Basia, qua Zephyri, qua perturbare verentur

Nubila. quin lachryma, gemitus, & quicquid

amantum est,

Risus, amor, gratique metus, suspensa voluptas

Hæc illa levibus volitant per inania pennis.

Non ita Abydeno quondam placuisse putatur

Sestis, non magis accensa Leander in Hero

Incaluit, quamvis freta per crudelia naret,

Æquoraque à flammis multum interfusa teperent.

Cum celer immitti juvenis decurreret agro

Hippomenes, non sic meta flagrabat in ipsa

Victor, ut à tergo venientem aspexit amicam.

Tum Patribus placuere thori, & connubia sanxit

Iupiter, & claro majorum sanguine fulta

Convenere domus. genero stirps celsa Georgi

Annuat, & coit celebri cum Saxone Cimber.

Ipsa Venus frenis agiles adstrinxit olores

Rapta per Idalios colles, Erycinaque templa,

Atque omnem exciuit latè Paphon. illa Britannis,

Et consanguineo desert nova nuncia Regi.

Iitur in antiquam Hesperiam, quæ lampade fessa

Mergitur Occiduis Titan declivior undis.

Audiit & Tiberis murmur geniale; proculque

Adria



Adria communi junxit sua vota favori.  
 Austriaca strepuere fores, Bavari que penates,  
 Quaque Palatinis longè se collibus abdunt  
 Atria. semotos genitrix Æneia Dacos  
 Concussit, Bataurumque patres. simul otia Marti  
 Imperat. hos nobis, inquit, decurrere lenes,  
 Odrysi, permitte dies. furialia cessent  
 Arma. meis aquilas hodie succumbere signis,  
 Fas erit, & placidis Veneri concedere castris;  
 Dum sperata diu consummant oscula reges.  
 Illa manu Sponsam ducit, quæ lumine presso  
 Leniter, à fluxa sibi virginitate timebat  
 Pallida; & hac ipsa pro virginitate rubebat  
 Nondum gnara rudimenti. dein sacra thorumque  
 Apparat, & gravibus miscet sua numina Cimbris,  
 Dissimulatque Deam. gestus, habitusque; decusque  
 Temperat ad ritus Gothicos, & amoribus aulam  
 Implet & huic uni gestit comes ire marita.  
 Scilicet illa dies venit, quo regius ipsis  
 In trivis clamatur Hymen, quo concita gaudent  
 Oppida, collucent flammis genialibus unda,  
 Et tangit res tanta Deos. accurrite vates,  
 Et Phœbi tripodas, Parnasseosque recessus  
 Pandite. sidereas afflet vis enthea mentes,  
 Et quicquid facunda olim cortina remugit,  
 Promite. per vestros hederæ laurique capillos  
 Luxurient. hic dictet epos, gratumque verendis  
 Principibus pertexat opus. qui pollet, ostanti  
 Decantet sua verba lyra. dithyrambica nuptis  
 Carmina, vel molles elegos aptare poetæ.  
 Hac si blandiloquus spectasset festa Catullus,  
 Ambisset festiva loqui, Thetidemque Sibyllam,  
 Pelea dixisset Sponsum. præ conjugæ tali  
 Persephone vati Phario neglecta fuisset,  
 Callimachusque suis cecinisset Magdalin hymnis.  
 Ut procal adspexere Duces & federa regum

Thymbræus pater, & Nysa de collibus Euan.  
 Menades hic Nysa, Thymbra movet ille Camænas,  
 Alter Bassiridum matres, movet alter ab alto  
 Pierides. resonant festo clamore Cytheron,  
 Ismaraq, & Graiùm repetens modulamina Phocis.  
 Omina lata ferunt gentes. hinc vincula quisque  
 Privatum putat esse bonum. se plurima mater  
 Hoc jactat peperisse die, sobolemque diemque  
 In fastos studiosa refert. annosa senectus  
 Adspicit hæc avidè celebris spectacula pompæ,  
 Et serum solamen habet. sua gaudia tellus  
 Persentit. redeunt tonsis nova gramina campis,  
 Nec modo nata trucem metuunt arbusta Booten.  
 Non gravis afflatu Cerealia rura maligno  
 Sirius, aut madidi vis noxia verberat Austri.  
 Aura favet, glebasque levi cum rore maritat  
 Vespera, perspicuosque bibunt viridaria succos.  
 Plus solito rubuere rosæ, plus candida cernas  
 Lilia cum niveo passim certare ligustro.  
 Quæque pruinosis Ino vaga pascitur herbis,  
 Vbera tenta gerit, tauroque occurrit amanti,  
 Et sine vi potitur. recreat fecunda magistros  
 Spes gregis. æquoreis orvat & bacchatur in undis  
 Cæruleus Triton, Nymphasque ex æquore toto  
 Convocat, & ludos pelago molitur in ipso.  
 Horrida Hyperboreis spirantia monstra procellis  
 Approperant, circumque tuum nant, Hæfnia, littus,  
 Vastaque mobilibus quatiunt vada cærulea caudis.  
 Involat in phocam Tethys, immania cete  
 Tergora supponunt Nymphis, Neptunus habena  
 Lascivum delphina regit, balena petulcum  
 Nerea fert, vitulo Glaucus Spathaleque marino  
 Insedere simul. Galatæam fervida pistrinx  
 Spumanti modo tollit aqua, modo corpora mergit  
 Absconditque salax undis. fera nomina, porci,  
 Rosmarus & polypi & sinuoso pisce dracones,

Serra.



Serratæque sua ludunt statione catervæ.  
 Balthica quæ medias divellunt ostia terras  
 Latitiæ dant signa sua. quæ carbasa vectant  
 Triptolemmum, celsa suspendunt puppe coronas,  
 Et remis circum feriunt freta. lustrat Huana  
 Astrorum cœlique vias, & prospera Sponsis  
 Tempora præ sagit. densis abscondita lucis  
 Soræ, Camenarum sedes & nobilis oti,  
 Pegaseum tonat ore Deum, vocesque disertas  
 Colligit Augustis. Me, Felicissime Princeps,  
 Cui vacat Arctoi jam nunc pars Martia mundi,  
 In Batavis procul ardor agit, grandisque canendi  
 Materies rapit in furias, æstroque potenter  
 Sollicitat vatem. Paphias sacramus ad aras  
 Vota precesque tibi. propera, Dux magne, nepotes,  
 Qui leges, qui castra colant, Musasque tubasque  
 Continuent; seu Marti opus, seu pacis amanda est  
 Conditio bellicæ more. succede parenti  
 Talis, ut huic alium nos successisse negemus.  
 Tuque decus populique pater, Rex Maxime, cuius  
 Posthuma perpetuas celebrabunt secula laudes,  
 Hæredi gratare tuo; celsosque parumper  
 Dilue regnorum titulos, & serix differ  
 Iussa senex, dum se fulgenti Magdalis ostro  
 Implicat, & cupido fruitur gavisa marito.  
 Adspice, qua summa cœli regione perennes  
 Heroum vivunt animæ, tuis altior inter  
 Semideos Vldricus agit, setumque decoris  
 Artibus ingenium, & quicquid sublime sub illo  
 Pectore condiderant Superi, viresque animumque,  
 Pallada, Mavortisque decus jam devovet astris,  
 Custoditque sibi. solum, dum cetera spernit,  
 Te fratremque videt, thalamisque adspirat, & om-  
 Optat inoffensis regnari civibus Arcton, (nem

## MANES BAVARI,

Sive Epicedium in Obitum Serenissimæ  
Principis ac Dominæ,

## MAGDALENÆ,

Natæ Comitis Palatini, Rheni, utriusque BAVAR-  
IÆ Ducis, Vxoris Serenissimi Principis

WOLFGANGI WILHELM I,

Comitis Palatini, Rheni, Baviaræ,  
Cliviæ, &c.

**I**llustres obitus, & magni nominis umbram,  
Et vacuum consortē thorum, cineresque beatæ  
Conjugis, & clara viduos genitrice penates  
In Batavis, Dux magne, queror. Tibi tristia mœror  
Verba negat, tantique stupent ad busta dolores,  
Officiūque suum venerandis manibus alti  
Exolvunt gemitus, mutique in funere luctus.  
Non loqueris, quem damna premunt non murmure  
Solicitatis, qui facta probas. qui pectore volvis (Divos  
Quæ Superis placuere, taces; & Principe dignum  
Hoc credis, cessisse Deo. quam flere potentem  
Majestas trabeæque vetant, contendere cœlo  
Plus pietas submissa vetat. quin ipsa dolendi  
Præscribit tibi causa modum, suetusque virorum  
Imperii tacitis frangis suspiria jussis.

Nos potius memorare tui dispendia lecti  
Conveniet, tumultoque procul semotus & aula  
Ingentem cantabo animam. Tu præfica tristem  
Dicta Melpomene ferali carmine lessum,  
Teque paludatis infer mœstissima portis,  
Et sparsis miseranda comis, vittisque solutis  
Horrida, & atratâ gradiens per compita pallâ  
Ad Bavaræ consistere rogos. En nigra cupressos

Atria,



*Atria, funereasque adolent palatia taxos,  
Fractaque jamdudum longis Germania bellis  
Nunc iterum, quod ploret, habet; pergitque ma-  
lorum*

*Congeriem cumulare sibi, ac laudabile cali  
Depositiū iratis queritur succumbere Parcīs.  
Adspice, feminea lassatum mole feretrum,  
Et Dominus suffulcit onus, titubatque fatiscens  
Iulia, nec tantum Mavortia damna moratur,  
Quam patrū lamenta soli, fatisque petitum  
Terrarum praelustre caput, quā Clivia vultum  
Verberat, & grandi tundit prae cordia planctū;  
Nec dubitat, qua sorte cadat, quo pignore raptō  
Imperii lux prisca sui, lumenque erenum  
Occidat. ipsi suum praesenti in funere funus,  
Ipsa suos languens cineres, populique cadaver  
Basulat, & charos in clamat pallida manes.  
Largius afflictis destillant Montibus unda,  
Rorantesque natant udis in vallibus imbres,  
Dum regni subsidit honos, & debita caelo  
Progenies, gentisque sua delecta voluptas,  
Et communis amor moritur. quā lentior exit  
Rhenus, & abstruso sua flumina colligit alveo,  
Ut possit plorare magis. non accola Mosa,  
Quemque rigat medias diffindens Nursia terras.  
Temperet à lachrymis. extinctam longius Albis  
Magdalin ingeminat, funestaque fama Visurgina  
Personat, & mæstos cognato sanguine Bojos.  
Ipsa Palatinas conturbant nuncia sedes,  
Insertasque plagas titulis. illustrior Ister  
Austriaco victore, dolet, miscetque triumphis  
Hos luctus gemitusque suis. quocumque vagata est  
Principis egregia virtus, percelluit urbes,  
Teutonicosque Duces, bullataque nomina septem,  
Semideosque patres tanti fortuna sepulchri.  
Secula magnanimas celebrant antiqua maritas.*

Et vario laudis precium præcone meretur  
 Femineæ probitatis opus. sic casta perennat  
 Emerita repetens mulier vestigia telæ,  
 Ignavos exosa procos. Priameia Phœbas  
 Vivit adhuc, miseraque canens præfigia Trojæ,  
 Andino sub vate tumet. Lavinia conjux,  
 Hæctoris Andromache, Latiis movet ora Camænis.  
 Et tragicos implet Superum donata furori  
 Iphigenia modos. nec tu, sine teste, superstes  
 Clælia victrices tranas audacior undas.  
 Porcia magnanimo potuit placuisse Catoni,  
 Ilii Pompeio. magno Stilicone Serena  
 Tollitur, & Phario surgit laudata poeta.

At tu, quam canimus, tantis quoque matribus  
 Posteritas. Wolfgange, suis fulgentior omne (adde  
 Anteit honoratis conjux tua moribus ævum.  
 Prisca velim leviora putes, vel ficta vel aucta  
 Viribus. illa suum transcendit splendida sexum  
 Stemmata, stemma animis, animos virtutibus illas.  
 Ante venit pietatis honos. ô maxima rerum  
 Gloria, sic privata domi, sic claruit orbi.  
 Nobilitas cui prima fuit, cui stirpis origo  
 A Bavaris defluxit avis, contemnere fastum  
 Natalesque suos potuit, voluitque moneri,  
 Nil titulis, nisi fluxa, dari; proavosque genusque  
 Ad laudem non esse satis. cui nobile corpus  
 Texerunt Tyrio siturata murice vestes,  
 Credidit exuvias, perituraque tegmina ferri,  
 In mortis documenta sua. quæ limina pressit,  
 Augustaque domos, Parisque exstructa columnis  
 Tecta Ducum, æterno felices numine sedes  
 Prædidicit, votisque ipsum prævenit Olympum.  
 Quas fluxas possedit opes, commune putavit  
 Cum populo miserisque bonum: quas contulit æther  
 Divitias, nullo vesana superbia luxu  
 Perdidit. has ipsa cum majestate tremiscens

Pauper.



Paupertas partita fuit. dum jura ministrat  
 Civibus, his obedit: mandataque fortius urget,  
 Dum cunctis probitate prait. non triste loquenti  
 Eloquium, sed mite fuit, majorque potestas  
 Officio vult esse minor. reverentia verbis  
 Mixta fuit, comisque lepor; prudentia, qualem  
 Vel possent sperasse viri; dementia qualis  
 Æquat sceptrum Deis: non gratia ficta, sed usque  
 Nativo splendore nitens. damnaverat atram  
 Invidiam probitas, lenisque modestia fastum.  
 Trusit avaritiam scelerataque nomina fervens  
 Religionis amor. lascivos Cypridis ignes  
 Edomuit cœli studium. sic aula ducesque  
 Exemplo potuere regi, mulierque mariti  
 Perfecit mandata prior. Nec sola regentem  
 Evexit ratio, & generosi cultus honesti:  
 Ipsa favens thalamis fecit Luscina parentem,  
 Indulsetque Ducem populo. qui fascibus hares  
 Succedat, trabeasque puer, terrasque capebat,  
 Nascitur, & tenero fulta est spes tota Philippo.  
 Hic anceps natura stetit, matremve patremve  
 Redderet ingenio soboles; litemque diremit  
 Cœlestium favor, atque uno genitoris imago  
 Pectore & excelsa viguit præstantia matris.  
 Illa virescentis moderatrix docta juvenæ  
 Conjunxit patriis maternas vocibus artes.  
 Nec molles transire dies, aut tempora luxu  
 Passa fuit. quanto fati sublimior ibat,  
 Acrius instabat monitis. quàm lubrica regnis  
 Sceptrum, sagax docuit: quali discrimine surgant,  
 Quàm facili mox sorte ruant: quam præstet amari,  
 Quàm pravos terrere metu: quam parcere victis  
 Eximium; quàm sit diris securior armis  
 Aurea pax, quàm sit turpis rectoribus orbis  
 Vilis adulator: prosint admissa bonorum  
 Consilia, & Procerum voces, & verba monentium.

Tam proavum laudes puero, & celebrata parentis  
 Imperia instillans generosos suscitavit ignes  
 Provida. prudentes miscet sermone Sibyllas,  
 Guilielmosque duces, & regum foedera narrat,  
 Austriacaeque domus thalamos, haec omnia mater,  
 Hac dixit veneranda parens. sic navita nato  
 Oceani fluctus, tumidique pericula ponti  
 Monstrat, & ut fragilem possit subducere puppim  
 Syrtibus, aut Helicem, fixamque intendat in Arcton  
 Nocturnos sapiens oculos. Nec conjugis illa  
 Obsequio vel laude minor. pars digna cubilis  
 Imperio nunquam, semper certavit amando.  
 Sit sua Penelope prius; dilexerit uxor  
 Alcestis moritura virum; testetur amores  
 Laodameia suos: Bavaris amplexibus haesit  
 Illibata fides, & casti plena pudoris  
 Femina dissolvit solo cum funere pactum.

Num Superos & fata querar? tantumque, repescam  
 In vivis superasse caput? proh, irrita fundit  
 Verba miser, quisquis fatales increpat horas  
 Nescius, & precibus credat Plutona moveri.  
 Non moritur, quam vita probat, quam clarus in  
 Virtutum commendat amor, cui nobile nomen, (orbe  
 Et longeva dabit vivacem gloria famam.  
 Hanc memores celebrare nurus, hanc dicere pergunt  
 Post obitum egregiae matres, grandesque marita.  
 Haec dominam, haec matrem flebunt, & dulce suorum  
 Delicium. flebunt pueri, innuptaque puella.  
 Cunctorum dolor unus erit, Cum Luna laborat,  
 Oppositumque sibi fatali tramite Solem  
 Adspicit, & pulchri pereunt caligine vultus,  
 Horret tanta sui tellus dispendia mundi.  
 Ereptamque facem. defuncta Principe Phœben  
 Non ultra gens mæsta suam, non grata tuetur  
 Lumina, magnificumque jubat, licet altera Phœbi  
 Restet adhuc mundo facies, civisque serenus

Wolfgangi



Wolfgangi collustret apex. Iam rura colonus  
Negligit, & pigro lachrymas adspersit aratro,  
Autumnūque gravem queritur. delubra, sacer-  
dos,

Curia, & afflicti trepidant formidine cives.  
Hærent verba seni, sentit sua damna Juventus,  
Nobilitas, Equitesque, & duri militis ora  
Mansuescunt, propiore rogo. Tu maxime Rector  
Iuliaci, qui stemma tuum regalibus unis  
Conjugiis, Bavarumque, & clarum stirpe Sicam-  
Cæsareūq; genus thalamis adjungis avitis, (brum,  
Funereos inter gemitus, pressosque dolores,  
Accipe Battavici, Princeps, sol via vatis,  
Quasque prior docto voluisti in pectore voces,  
Et nosti, repetentem audi: qui regna tueris;  
Humanis majora malis & turbine fati  
Corda geris: qui jura tuis legesque ministras,  
Cœlicolū decreta parves: qui gaudia versas  
Conforti sperata tua, suspiria damnas;  
Totque ferens populis rector mandata, vici sim  
Accipis à Superis. cum chari viva Philippi  
Ora vides, dignumque isto moderamine pignus:  
Hunc, tanta pro matre, vides: partemque parentis,  
Hæredem virtutis habes. Tuque, optime Fili,  
Desine dilectos votis arcessere mores,  
Et cineres plorare pios. miserescere fatis,  
Et lugere, tuum est: verum frenare dolorem,  
Officium scis esse Ducis. qui sceptrā capestis,  
Hæc etiam peritura capis. mors aqua tabernas  
Regalesque quatit turres. Tu magna tuorum  
Fæctaque fortunasque, & grandia nomina disce.  
Consiliisque virum, teneros virtutibus annos,  
Et cura præverte senes. hæc audiat absens  
Magdalis, & nostris subscribant numina votis.

## A D L O C V T I O

Ad Sereniss. Rempublicam

V E N E T A M,

Cum pro ejus Libertate, adversus SCRVTI-  
 NII cujusdam auctorem, gravissime  
 differuisset Vir Clarissimus,

THEODORVS GRASWINCKEL,

in Batavorum Curia Advocatus.

**M**ajestas Venetum, venerandi filia seculi,  
 Et series Augusta Patrum, quos vindicat  
 ensis,

Iusque datum scepro, totque inconcussa per annos  
 Imperii facies & formidabile terris  
 Nomen & atherei regnatricis purpura Marci.  
 Ad laudes assurge tuas, & suspice, quanto  
 Acta gradu vestri se lux alii summi fati  
 Ostendet late populis; nec jam Adria fame  
 Sufficiat, non litus atrox, quod Dalmata seruus  
 Calcat, & Herculei bellatrix spuma Tarenti.  
 Hic tibi devictas sublimis dividit Alpes  
 Rhatia, & aëriis victricis signa tuorum  
 Prospectat vicina jugis; ac fulminis Divum  
 Nimbosumque Iovem, & quicquid trux parturit  
 Permiscet titulis. illic dispersa Timavus (ather  
 Ora vomit fluctusque tuis compefcit habenis,  
 Illyricosque sinus & duri regna Liburni  
 Ponè trahit. calamis alibi tibi lene susurrat  
 Mincius, & terra circum dominantis honori  
 Assurgit supplex Athesis, sedesque beatas  
 Eridanus Phaethontais complectitur undis,  
 Agnoscitque Ducem. quod restat, in equore, nullo  
 Fine, tenes; perque Ionii spatia ampla profundi

E

Sceptro



Sceptra procul fascesque natant. Tu maxima pullos  
 Fovisti, Regina, Deos. tibi condidit aras  
 Diva Venus, Venerisq; domus pulcherrima Cyprus,  
 Quæque Rhodos toto ditata est insula Phæbo.  
 Reliquia Danaum, Teucrumq; ab origine gentes,  
 Quam præcis fluxistis avis, quam proxima tangit  
 Laomedontæas majorum gloriæ terras,  
 Dardanidumque domos, profugoq; Antenore quon-  
 Euganeos inter fremuerunt Troica colles (dant  
 Classica & his ipsis Priamum flevistis in oris,  
 Non jam concusso furis immanibus orbi  
 Incubat Arctoe furor implacabilis aule,  
 Ausoniasque ingens grassans Altricus in urbes  
 Cogit inoffensa ripas habitare Padusa;  
 Aut ferus avulsis adigit considerare stagnis  
 Atrila, & Eois adjunctus viribus Hunnus.  
 Non jam Phryxæe dominator Barbarus Helles  
 Vastat opes, pavidiq; focos subvertit Iuli,  
 Thesalicæque ciet Dravo pugnante phalanges.  
 Nec bellatrices Ligur imperterritus armat  
 Neptuno indignanter ates, classeque minaces  
 Fabricat & victor Tyrrhenum navigat æquor.  
 Vicistis virtute metum. secunda potestas  
 Indomito Mavorte stetit, nunc dextera pugnantis  
 Addidit imperio robur; nunc subdidit hostem  
 Imperiosa quies, & quicquid defuit armis  
 Consilio paci que datum. vis effera cessit  
 Fæde, ibus; bellicæ minas prudentia fregit,  
 Sollicitusque timor. risit solerti regum  
 Invidiam, regnumque sibi constantia fecit.  
 Tuque adeo toties aquilis adverse superbis  
 Magne Teo, centumque ferox innexe triumphis,  
 Adspice surgentem mediis è fluctibus urbem,  
 Et circum te stare Deos; Tethynque truxemque  
 Nereæ tot superum toto delubra tui;  
 Æquore, & objectas pelago secludere terras.

Iam minus Iliacæ Neptunia mœnia Troiæ  
 Esse puta, celsamque Tyrum, Antiſſamq; Pharumq;  
 Maſſylumque lares, ſtantesque in littore Athenas.  
 Hic maris, hic tumidi domus eſt Tritonis & ingens  
 Regia Naiadum. tutæ ſine mœnibus arces,  
 Natura famulante, jacent. ſunt pontus & undæ  
 Præſidium, valloſque facit circumſluus æther.  
 Ne mihi naſcentis magna incrementa Quirini  
 Objice Roma potens, vaſtumque effuſa per orbem  
 Sceptra, vel extremo metuendum nomen Araxi.  
 Exiit è ſtagnis Venetus, nec ſedibus arctis  
 Concludi potuit Divûm genus. ille Patavî  
 Veronæque duces, deſolatamque Cremonam,  
 Bergomæque & placidis adiit te, Brixia, bellis,  
 Et Melam bibit, & qui lapſus rupibus altis  
 Addua diſiſas ſpumofior incitat undas.  
 Succellit Corcyra, Paros, Naxosque Melosque,  
 Andros, & immitti que tunditur Amphitrite  
 Gallipolis, duraque Tenos cum Chalcide victa eſt.  
 Hinc debellata præſtans Methona Corone  
 Paruit & fruſtrâ toties Iadera rebellis.  
 Magnanimam ſileat Grajorum pagina Spartam,  
 Mœniaque intrepidis olim fundata Lycurgi  
 Iuſſibus, & rigidi monitis ſubnixæ Zaleuci.  
 Vos Patres, juſti rigor, inflexusque ſeveri  
 Aſſerit obſequii tenor, atque immobilis almæ  
 Majæſtatis apex, & legum neſcix frangi  
 Vincula & æterna conſtans ſibi voce tribunal.  
 Qualia in inſtabili jactantur carbaſa ponto,  
 Et modo crudeli debent ludibria Coro,  
 Nunc dubiû pelago obvertunt latus. horrida quando  
 Tempeſtas ſtabilem abſcondit ſub nubibus Arcton,  
 Stellarumque vagi fulgent errantibus ignes:  
 Haud aliter, cum nulla Duces civæſque cœercet,  
 Quam validi nequeant ævi reſcindere mores,  
 Ferrea vox, nutat pariter cum principe regni.



Culmen, adorandum populis, mutatque secures  
Lubrica lex, plebisque vagis cum legibus omne  
Fluctuat officium, nec stat reverentia iussis.

Cenomani fortes, & non ignobile germen  
Euganei Veteres, quorum bissema nepotes  
Secula trahunt, proavumque stupet miracula felix  
Posteritas, vestris faciles applaudite coeptis.  
Simplicitas & gentis amor, jurataque calo  
Cana fides, nulloque minor discrimine virtus  
Invenere viam decori. parvoque potentes  
Illustres anima, fistusque ignara superbi  
Pectora secreti formam servastis honesti.  
Non cippos statuasque aut sculptos in urmore vultus,  
Aut urbes libuit mundo ostentare subactas,  
Non turgent stupido victorum nomina saxo,  
Nec picturatis scibuntur gesta colossis.  
Non hic praecunctis bellax Trajane refulges  
Porticibus. non rostra Tui, non compita complent  
Pompei labor, & laudati castra Severi.  
Ipsa sibi precium probitas & nescia luxus  
Vita fuit spreis que bona fulgoribus artes.  
Quin potius licuos inter gladiosque tubasque  
Ingeniis monstrastis iter, profugaque Camena  
Thymbransque pater tot prafluxere trophais.  
Hinc ad vestra procul concurrunt federa gentes,  
Et Genuas bellare timet. Vos Tuschus & acer  
Appulus & qui rura colit populosa Ravennas  
Horret, & illa suis plus tuta Ancona procellis.  
Pannonius Caesarque silent. compefcuit iras  
Rex Sículus Thracesque feri placantur amando.  
Nos, quibus Auriacis Hispana potentia bellis  
Atteritur, geminosque volunt jam signa per axes,  
Annūimus, Dux magne, tibi; venerandaque Pa-  
Prosequimur sociis longe subsellia votis, (trum  
Et trans nubiferas Alpes, vallesque lacusque  
Accinit Adriacis vatū fiducia sceptris.

Sic vires crevere domi. terraque maxime  
 Extulit intrepidus Libertas publica vulnus  
 Suffecitque sibi. & soli debere Tonanti  
 Dum caput, ignorat dominos. Qui roderet unus  
 Livor erat, tanti levis adlustrator honoris.  
 Nunc Batavo debete Duces, dum iura togasque  
 Propugnat clari locuples facundia Belgæ.  
 Scilicet illa reis ac nostris inclita rostris  
 Pro vobis vult lingua loqui, calamoque tuetur  
 Majorum trabeas, veterisque insignia regni.  
 Munit verba Themis, priscisque annalibus ævi.  
 Innumeras Astra vices abavumque labores  
 Expediit, & quantis steterit Re publica curis  
 Mnemosyne grandæva aperit. quæcumque vetustas  
 Abdidit & cecis latuerunt clausa tenebris,  
 Fataque fortunaque virum solertia pandit,  
 Nec temerata fides. nil jam sibi vendicet Hunni  
 Barbaries Gothicusque furor. Romana residant  
 Imperia imbelleque aquilæ. Tyberimque repellat  
 Adria & Austriacis sultum rectoribus Istrum.

At Tu, summe virum, cuius tot raptæ per artes  
 Ignea vis animi, quicquid nescire profanum,  
 Mente tenet, lectumque semel lætissima reddit,  
 Qui loqueris, qua voce cupis; causasque clientum  
 Victor agis; primæ suffragia splendida fama  
 Collige, & illustris Vindex generose Senatus  
 Perge patrociniū regum donare tiaris.

Scrutari si Livor amat, si vellicat ostrum  
 Improbitas, summique quatit fastigiū juris,  
 Expediet risisse Patres, dumque invida gliscit  
 Ambitio magnæque audet natalibus urbis  
 Obgannire malus, pro Libertate focusque  
 Distritum Veneto posthac scrutetur in ensem.



C A R M E N  
E V C H A R I S T I C V M,

Ad Illustrissimum Heroem,  
& Dominum,

D. WILHELMVM HERBERTVM,  
Comitem Penbrochiæ, Supremum Serenissimi  
Magnæ Britanniæ Regis Dapiferum.

**Q**ua nova Romulidum maneant praconia cur-  
rus,  
Quantus honos surgat Ducibus, cum vincula catenis  
Gallia, cum domito luxit Germania Rheno,  
Et vinci potuit Marcello Consule Poenus  
Hannibal, & centum decreta est laurea bellis,  
Ostendit terris Latium. vexere superba  
Pompejum Mariumque rota, fremituque secundo  
Excepere suos olim Capitoliæ Paulos,  
Scipiadasque duos. illis post classica Mavors  
Tempora murali fertur finxisse coronâ ;  
Serta triumphantes aliis, plaudente Senatu,  
Cinxerunt rostrata rates : huic quercus honores,  
Illi vile tulit gramen, fragransque capillis  
Myrtus, & in leuibus fulsit victoria ramis.  
Nec palma fuit amplius honos. quæ sitaque Græcis  
Gloria, cum rapidis tremere sub curribus Elis,  
Argolicosque duces tenui vestiret oliuâ.  
At, quæ Palladium maneant insignia gentem :  
Quos studiis fortuna deos, quæ scepra Camœnis  
Conciliet, quali radiet Barlaus in auro,  
Exemplum tibi Belga sumus. docuere Britanni,  
Quo vates scribant precio, donumque tiora,  
Per mea fulgentes ludunt jam colla catena.  
Ecce renascentes regum clementia Musas

Erigit,

Erigit, & multo rector sublimis in ostro  
 Ad uir signa iubet spretas revirescere lauros,  
 Claraque Pegaseis donat suffragia curis.  
 Nam velut adversos animosior exit in hostes  
 Miles, & excusso Martem terrore laceffit,  
 Cum vexilla levant, mediisque voluita cumpis  
 Tollunt signa duces, & celsa sede, laborum  
 Præmia pugnantum Princeps antè ora locavit:  
 Haud aliter Claria sublimis signifer aule  
 Augè spes vatum Carolus: quin vindice tanto  
 Manant Castalie rivis majoribus undæ,  
 Antraque Pieridum, Parnasseique recessus  
 Largius audaci fundunt modulamina cantu,  
 Et Cirrham novus horror agit, potioraque terris  
 Thymbræus responsa parat; felicius omen  
 Concipiunt, bifidaque sonant oracula rupes.  
 Non aliam certè sibi docta cacumina poscant  
 Esse Deum, nulloque magis se principe Phœbus  
 Æstimat, aut summa stringit fastigia lædis.  
 Et jam Trajanos iterum, jam vivere credo  
 Augustos: atavisque etiam mihi regibus ortus  
 Mæcenæ decus esse cubit, tenerique pœtæ  
 Præsidium diadema favet. dant munera reges,  
 Et veneranda meos solatur purpura cantus.

Vos, quibus immenso turgent araria consu,  
 Discite terrarum domiri, quo rectius usu  
 Majestas splendescat opum, costumque sub ipsis  
 Montibus emineat vatum sub frontibus aurum.  
 Tu, quæ Pyramidam celebras miracula Memphis,  
 Ecquid opus regale putas, supposita tueri  
 Marmora sideribus? summoque è vertice latè  
 Splendentem de nocte Pharon? quod perdita luxus  
 Inchoet infames meretrix Ægyptia canas?  
 Solæque Romanum patuit vicisse maritum  
 Ambitio scelerata gulæ? cur splendida Cares  
 Busta parant? cineresque etiam se fastus in ipsos



Explicat? aut centum surgunt Cadmeia portis  
 Moenia? cur totis donantur fercula castris?  
 Insanas vorat Isthmus opes? aut Thaide in una  
 Frangit Cecropios obscena pecunia mores;  
 Dignior ingeniis merces exsurgit, & omne  
 Præstringit laus ista decus, quæ debita Phæbo  
 Aonias recreat titulis illustribus artes,  
 Et clausos aperit fontes, atque obice rupto  
 Bellerephont eos diffundit latius amnes.  
 Dent sua Luculli, doctis dent splendida grandes  
 Dona Titi, Tullique le vet dispendi di ves  
 Atticus, antiquas redimant sestertia scenas,  
 Contiguo recubet Calabrum cum vate sepulchro  
 Ingentis domitor Pæni: placuisse Nepoti  
 Carmina lascivo possint cantata Catullo.  
 Me Tamesi placuisse iuvat; me clarius ostrum  
 Ditat, & angusto Carolus circumdedit auro,  
 Terrarumque illustrat apex. Quæ gloria major,  
 Quam regalis erit? non me privata bearunt  
 Limina, plebeique lares, sed rector Iernæ,  
 Albionis pater, & bellacis terror Iberi,  
 Qui Scoto dat frena truci, iussisque coercent  
 Orcades, & fronti lauros prætendit avitas.  
 Quid memorare tuis generosa Britannia terris  
 Eximium vox nostra queat? lavat India fessos  
 Solis equos; at fessa tuis respirat in undis  
 Calliope, tristemque fovent tua numina Phœbum.  
 Hic regnat, quem Cirrha colit, qui scepra Camænis  
 Porrigit, & magno vatam permiscet amorem  
 Imperio, partemque sui putat esse laboris,  
 Tot coluisse Deas, gentisque attexit honori  
 Pegasei decora ampla chori. dat Cantaber enses,  
 Purpureasque Tyrus lanas, & serica textit  
 Stamina Sidonius, secunda messe superbit  
 Gallia, candenti captat de marmore laudem  
 Dalmata: sed solus vectigal grande poetæ

Solvit.

Solvit, & hac noster clarescet laude Britannus.  
 Hoc donante ferunt Phocæa per arva fluentes  
 Castalios tumuisse lacus; Heliconæ per ipsum  
 Arrisit mihi docta cohors, & prospera cœpit  
 Fortuna sperare mea. mox murmure grato  
 Cum Tenedo Claros, & magno circumflua ponto  
 Personuit latè Delos, Pataraque faventes  
 Senferunt delubra deos, & Cynthus, & ipsa  
 Soractis veneranda domus; quin conscia rerum  
 Candida Grynæa fluxerunt gaudia sylva.  
 Non jam desertas labiis arentibus artes  
 Invoco, non laceris ultrà sapientiæ pennis  
 Spernitur, aut solus mercator fœnus in undis  
 Colligit, aut victor repetit post prælii miles  
 Præmia. Nos rutilæ, regalia sæta, coronæ  
 Irradiant, ditique graves præcingimur Indo.

Rumpe omnes, mea Musa, moras, tortisque, decoræ  
 Torquibus, eximiam Tamesis te confer ad urbem.  
 Et sceptris mea verba refer; Clivissime regem,  
 Progenies augusta Deum, pro me, e tanto  
 Vota tibi, vatemque damus. qui pignus honoris  
 Transmittis regale tui, cape pignus amoris,  
 Non illud regale, mei. quem scribere versus  
 Augurio meliore doces, se nuncupat ipsum  
 Obsequio, Rex magne, Tibi; totumque poetam  
 Mancipat, & Pimplam pariter Cirrheique sceptris  
 Subdit sceptra tuis. quod si Semeleius Evan  
 Vivit adhuc expers obitus: si flamma Prometheus  
 Sufficit ad famæ precium: si vilis oli va  
 Inventrix fluxi nescit dispendia sedi,  
 Quique Pelethronii gyros & frenæ dedere,  
 Et qui lina dedit Pharius; donavit aristam  
 Triptolemus, fulgetque ipsis rex pauper in astris,  
 Et te perpetuis inscribent carmina fastis,  
 Istaque Gnosiacam juxta tua dona coronam;  
 Et Caroli splendescet honos. nec dignius ullum



Sidus erit. Phryxæ tuis concedere cogam  
 Vellera muneribus. tum quæ se lacteus orbis  
 Explicat, hic circo torquis radiabit in albo.

At tu Pieridum decus, & jam proxima Regis  
 Cura tui, veterum titulis illustris avorum,  
 Grande pœtarum columen: Penbrochia cuius  
 Imperiis placidisque libens adsuescit habenis:  
 Accipe, sed facilis, Batavi responsa pœta,  
 Et grates, quas Belga fero. palatia per te  
 Ingressus Tamesina fui; conscendimus aulam,  
 Et triplicis regni Dominum, terræque, marisque,  
 Voce salutavi, ac primos gratata triumphos  
 Calliope pudibunda fuit. mea carmina per te  
 Regali sunt tacta manu, chartisque benignum  
 Illuxit diadema meis. O candide rerum  
 Arbiter, externa tollent tua nomina gentes,  
 Anglia nec totum capiet. Te dividis illi,  
 Battaviæque meæ, pariterque excellis in illa;  
 Hic prodesse cupis. Sic summis æmula divi  
 Vita tua est, moresque suos transcribit Olympus.  
 Magne Heros, non aurato tibi victima cornu  
 Cæditur, aut humiles adolent tibi thura penates.  
 Farra damus, pauperque tuis donaria libo  
 Intemerata focis. delectant casta Tonantem,  
 Parva licet, vilique etiam placantur in hædo  
 Numina. Threicium non me prope Strymona pugnæ  
 Mars docuit, mamma sique truces admovit Amazon.  
 Nec mihi, quos geminis nectit Cyllenius hydriæ,  
 Mercantum patuere doli. nec conscia fraudum  
 Sordida degenerem lassat solertia mentem.  
 Insons vita mihi est, sunt soli dedita Phœbo  
 Pectora. quasque suis Tamesis permisceat undis,  
 Castalias haurimus aquas. dare munera possum,  
 Sed rude carmen erunt. Tu nostris annue cœptis,  
 Et timida da vela rati. Tu calcæ eunti  
 Subde, Camænarum genitor, residesque sorores

Erige,

*Erige, tu cani prae virtutibus avi  
Materiam. dicant seri post fata nepotes,  
Inclyt a Barlaas fovit Penbrochia Musas.*

## BRISACVM CAPTA,

Sive PANEGYRIS dicta Serenissimo,  
Invictissimoque Principi,

BERNHARDO,

Saxoniae, Iuliae, Cliviae & Montium Duci, Turin-  
giae Lantgravio, Marchioni Misniae, &c. Exer-  
cituum Federatorum Regum & Principum  
in Germania summo Praefecto.

## S C A Z O N.

**I** Nvictè Princeps, Martia potestatis  
Sublime nomen, grande Teutonum septuor,  
Et astuantis fulmen acre Bellonae,  
Qui gloriosa stirpis editum culmen  
Transcendis armis, verticique majorum  
Raptos honores lauriger redintegras,  
Vltorque prisco Casari exprobras culpam;  
Vindex salustis publica, laborantis  
Patriae Camille, gentis Austriae terror,  
Bellacis Istri Martiale tormentum,  
Aquilaque per Te jam domabilis clades;  
Dum tot triumphos, tot trophaea, tot lauros  
Vnus mereris, & secunda Germanis  
Fortuna leta classicum intonat famam:  
Exurge victor, & decus paludatum  
Extende factis: seculique, quo pugnas,  
Vincis, triumphas, cresce laudibus miles.  
Galeamque caelo, quemque dextra pugnacem  
Coruscat enses, si vibis tuis dona.



Scutum tyrannis, baltheumque per verſa  
 Oppone cauſa. cuiſpides ſariſſarum,  
 Haſtasque pro ſe vibret agra Libertas,  
 Et profuiſſe credat arma Bernhardi.  
 Qua nunc cruenta gloriæ ſititores,  
 Fractæque partes hoſtium reformidant.  
 Per Te feroces horridaque ceruices  
 Dominique nutant Alpium tremendarum,  
 Rhenuſque ſe ſubmittit ad pedes veſtros,  
 Largo cruore audacis urbis imbutus,  
 Suoſque fontes cedit Imperatori.  
 Inuicta poſtquam celſa Briſiaci rupes,  
 Magno recluſit feſſa Saxoni portas,  
 Et ſceptra ſenſit mitiora Burgundus,  
 Queis ſeruitutis nomen exulat durum,  
 Heduiſque atrocis juſſa ſpernit Hiſpani.  
 Dux celſe, ſeu jam caſtra lege diſponis,  
 Equitumque turmas ordinas cataphractum,  
 Seu concitato ſoluis obuias curſu  
 Bellator alas, impigerque pernoxque  
 Aſtu phalanges occupas; vel ad verſas  
 Perrumpis arces, fulminaſque per Bojos,  
 Et Sequanorum regna, per Salæ campos,  
 Ripaſque Nicri; ſive pacis inſida  
 Voces repellis, fraudibusque diſtictos  
 Opponis enſes; vel ſerenior mentem  
 Per priſca regum facta, per Ducum faſtos,  
 Et fata raptas; gratulantis applauſus  
 Belgî, tuiſque vota præliis miſce  
 Procul fauentis Amſtela, & ſtupeſcentium,  
 Toties fugatis hoſtibus, poëtarum.  
 Neſas Deorum poſtibusque templiſque  
 Trophæa figi, laureaſque ſuſpendi,  
 Sine teſte rerum. prima Principum cura eſt,  
 Debere mundo; ſed ſecunda narranti  
 Placuiſſe ſeclo, poſteriſque victorum

Ebuccinari bella, adoras, palmas.  
 Tibi nascituro regna, scepra, fortunas  
 Iuravit aether, cœlitumque mandato  
 Lucina Martis robur indidit cunis,  
 Interritumque pectus & spei plenum  
 Afflavit illis. stabat ad latus dextrum  
 Pueroque tetricam Pallas agida ostendit.  
 Stabat sinistro torvus ora Gradivus,  
 Gladios futura destinans juventuti.  
 Lunabat arcus tunc Diana subulstris,  
 Tenerisque membris acre numen infudit.  
 Et quæ sereni nubilique Rhamnusia  
 Mater vocatur, dum salutat infantem,  
 Pro more vultus inquieta mutabat,  
 Prasaga sortis asperæque blandæque,  
 Et nunc remissa, nunc tibi resurgentis.  
 Tunc Albis & Mosella sospitatorum,  
 Tunc Viadre, tuque Mœna liberatorem  
 Prasentiebas. tunc pater Moguntinus,  
 Trevirumque pastor & Colonia mystes,  
 Et præpotentum purpuræ Bohæmorum,  
 Electa Othoni nomina & patres magni,  
 Timere longè. solus in Palatinum  
 Favor reflexus, suggerentibus Parcis  
 Ventura serò, condolebat extorri,  
 Profugæque fato stirpis ingemiscebat.  
 At virginali induta veste florentis  
 Germaniæ virago, basium sEXIT,  
 Suoque lucem gratulata tum Bruto est,  
 Illasa quamvis. quin Ratisbona excellens  
 Futura sub Te bella deprecabatur,  
 Suumque simplex tradidit Tibi civem.  
 Vienna tremuit, Pæonumque rectores,  
 Latine Princeps. Lipsiæque per terras  
 Ivisse fertur bellicosa tempestas,  
 Trepidasse Francus, Oderæque potator,



Et stirpe regum nobilis Lotharingus,  
 Et Arduenna cultor inuis sylva,  
 Et qui rigentis Abnoba latet saxis.  
 Mox Cirrha juveni, Phocis & Claros Phœbi,  
 Libethridumque templa se tibi pandunt,  
 Gaudentque alumno tecta litteratorum.  
 Patuere doctæ porticus Athenarum,  
 Patuere Tyberis fulgura & triumphantis  
 Roma labores, & perita regnandi  
 Prætexta sapuit, imbibitque præcepta  
 Lasci videnti cogitanda fortuna.  
 Tum sævus Assur, sors superba Chaldaei,  
 Et sæpè victus Persa cessit exemplo.  
 Ninos legebas, Arsacesque Cyrosque,  
 Seleucidas, Parthosque & arma Lydorum,  
 Gentes subactas gentibus. Philipporum  
 Fraudes dolosque, pervios Duci montes,  
 Animumque Pyrrhi, principesque Thebarum,  
 Trucesque rixas sævientiæ fratrum,  
 Mandata Sparta præliantis, & Codros,  
 Brennumque Cambysenque, Perseos, Turnos,  
 Artes Iugurtha, Scipionis in Pœnum  
 Transmissa ponto castra, Scævola dextram,  
 Pugnas Sicinæ, gloriamque Pompei &  
 Frontem Catonis, impetusque Marcelli:  
 Hinc odia Marii & execrabiles sceptris  
 Syllæ tabellas. Undecunque, quod pulchrum,  
 Tuum putabas. quæ nefasta, pungebas  
 Virtutis æstro. quod nocens, malum, turpe,  
 Injuriosum, ingloriumque regnanti,  
 Cautus notabas. quæ probata virtuti,  
 Tecum probabas. scævæ sæculi prudens,  
 Et falsitatum inexpiabiles formas,  
 Scelerique toties criminique jus dictum,  
 Livoris, insolentiaque, fastusque  
 Invisa verba mens serena dammabat,

Non impudica Cypris obsecundabat  
 Ad alta eunti. non facis Dionea,  
 Inter catervas semifeminatorum,  
 Praluxit astrum moribus, vel ignava  
 Vacua lumen ingeni obtenebravit:  
 Non discoquebat acrior calor Bacchi,  
 Heroicaeque sensa mentis evertit.  
 Amans honesti, temperantiae custos,  
 Severitatis & pudoris ac recti  
 Constans satelles, stirpe fultus illustri,  
 Proavumque famam, norma lexque vixisti;  
 Aulisque placidum quicquid & verendum,  
 Insigne, pulchrum, masculumque monstrasti.  
 Vitaque primis, sic senex, rudimentis,  
 Quaecunque profutura corde spirabas,  
 Et amulanda jugiter procurabas.  
 Parere Superis, Numinique Te subdi,  
 Terrasque & arma, saepius fatebaris.  
 Caelo probari, civibusque prodesse,  
 Frenare fisci jura, parcere afflictis,  
 Placidisque poenam fontibus remisisse,  
 Vim mitigasse tetrici tribunalis,  
 Ne diritate supplicii fatigaretur,  
 Atram abstulisse ab innocentibus mortem,  
 Duces volebas. Sorte pluribus major,  
 Minor esse amabas, & potentiae voces  
 Titulosque leni humanitate frangebás,  
 Cupiens amari, respiciens adorari.  
 Semper benignus, comis & tenax justis,  
 Tumultuantum turbines Tribunorum,  
 Pravisque quotquot factionibus turgent,  
 Livi furentis studia & Appii motus,  
 Et insolentium spes facesque Gracchorum  
 Vir improbabas, perduellium spretor,  
 Populique rebus incubantis offensa.  
 Cohibitor irae fulminantis incassum,



Ebullientem spiritum procellasque  
 Animi domabas, victor & tui rector.  
 Peragit potestas blanda, quod nequit cruda, &  
 Violenta. summos proximo gradu Divos  
 Tranquilla tangit leniorque majestas.  
 Plenos inanitate, turgidos crista,  
 Scyllas, Charybdes urbiumque tot Verres  
 Perhorruisti, & qui nefariis sceptris  
 Linguis flagellant, temulentiam vani  
 Honoris & socordiae reformidans.

Sic maximarum cultor usque virtutum  
 Ordinis avum, sanguinisque majorum  
 Celebre nomen consecras honestati.  
 Succedis illis stirpe, moribus, fama,  
 Laudesque avitas amulator illustras.  
 Nec vis ab illis sanctitate differre,  
 Aut esse dispar, par honoribus, recto.  
 Sic arma tractas, ut Deo sacramentum  
 Dixisse, lex sit summa. Patrie totum  
 Vovisse Martem Bellicosque conatus  
 Postrema. discis illud & doces ductor:  
 Quasita bella, non coacta, damnari.  
 Necessitate militas. pro ferrum  
 Pro pace condis. te tueris & civem.  
 Vim vi repellis. pro salute, pro sacris  
 Vexilla tollis. ista causa bellorum est,  
 Non inquieti fervor improbus lucri,  
 Aut ira praeceptis. praeliis modum figis,  
 Iubesque saepe calida castra cunctari,  
 Et stare turmas. concuti carves ictu  
 Suprema rerum. scis timore peccari,  
 Securitate crebrius. per obscuras  
 Graderis tenebras, militemque custodens  
 Custode munis. fortitudinis suasor  
 Praeis cohorti; quaeque confici mandas,  
 Bellator audes. ipse dextera promptus

Invadis

Invadis hostem, fulgidumque, sed praesens,  
 Distingis enses. jam pedestre certamen,  
 Iam dux equestre peragis. lates sylvis,  
 Nunc per patentes altior ruis colles.  
 Cum res locusque postulat, dolo pugnas,  
 Vel Marte aperto. militaris assertor  
 Et disciplinae & juris efferos punis,  
 Segnesque in hostem. si ferox sinistrorsim  
 Bellona vergat, optimas foves partes,  
 Causaque inhaeres, turbinesque fortuna  
 Ratione flectis. si proterva victori  
 Adblandiatur, insolentiam sortis  
 Pateris modeste, nec superbus insurgis.  
 Domesticorum signa militum praesers,  
 Nec exterorum spernis. illa tutela,  
 Hac apta famae. militem asperum molli,  
 Durum procaci, liberumque servili,  
 Urbano agrestem, sordidoque succinctum,  
 Habilemque pluris pendis. ara, pugnantum  
 Stimulos facesque, colligis. negas dignae  
 Mortis capaces esse, quotquot exhaustis  
 Loculis inerrant. nec, famentibus castris,  
 Stomachos fatigas indigentia frugis.  
 Jejunisque expectoras fatiscentes.  
 Frugalitatis, parsimoniæ cultor,  
 Non temulentis farræ digeri buccis,  
 Perfers; focosque prodigos tabernarum, &  
 Ligurientes cellulas popinonum.  
 Hos premiis laceassis, hos minis terres,  
 Raptoribusque infestior manus puras  
 Vis esse Marti, nec nocere pacatis.  
 Non bruma, non Te Caciæ procellosi,  
 Nivesque tardant, non iniqua terrarum,  
 Rigidæque rupes montiumque praeupta,  
 Non fluminum profunda. quæque tempestas  
 Annique vultus quilibet tuis signis



Exerctet hostem, nec quiescit hybernis.  
 Te Trava, Suevus, te Chaloufus armatum  
 Vexere, & udis copia Lichi ripis  
 Et Neccaro stetero. Mænus & laxo  
 Visurgis alveo, & Albis & tumens Oenus  
 Et Luppiæ fluentia sub tuis armis  
 Strepere pressa. plausit Hercyni saltus,  
 Semanæque lucus & nemus Turingorum  
 Gabreta, & umbris Martiana caligans  
 Sonuere lituis. celsus Abnoba vertex,  
 Et Tannus, & Meliboci cava valles  
 Et militantis conscii Ducis circum  
 Fremuere colles. Vandalusque Quadusque  
 Et Marcomannus, & Cheruscus & Catthus,  
 Hermunduri, Sedusii, atque Narisci,  
 Et Norici favere ad alta tendenti,  
 Suisque supplex mœnibus fuit Francus.

Tunc magna tellus, mater Allemannorum,  
 Grandæva genitrix Teutonis, labor Romæ,  
 Peculium pralustris Ariovisti,  
 Hospes vetusta se tuentis Armini,  
 Vari sepulchrum, gentiumque tot nutritrix,  
 Distracta crines, squallido rigens vultu,  
 Tot urbium, tot fœda civium clade,  
 Mœrens dolensque litis improba partes,  
 Cruenta fata Principum & Ducum incusans,  
 Iam Ferdinandis victa, jam Palatinis,  
 Incerta, cui se scissa debeat totam,  
 Ignara, cui se fracta dedat integram;

Hæc dixit Orbi, VVimarumque Ductorem  
 Sic allocuta fertur: O Iovis semen,  
 Magnanime Princeps, debitum genus cælo,  
 Tutela Patriæ, spes labantium rerum:  
 Vbi meorum est lux vetusta sceptrorum?  
 Vbi tuorum vis decusque regnorum?  
 Et pristino splendore clara majestas?

Nuperque magni gloria mea fasces?  
 Vbi Teutonum prebago, & heu, tui cives,  
 Germanæ pubes, flos præientis Europa,  
 Informis obsoleta forâibus lætus?  
 Tot Principum regina, tot potestatum,  
 Quam fronte prona laureisque submissis  
 Colere Reges Casaresque; nunc sorti  
 Erepta tanta lancinor, trahor, jactor,  
 Nullumque non Mars efferus nefas audet,  
 In me tyrannus; barbarusque grassator  
 Novæ meorum insanus incubat prædæ;  
 Animosque sævus à licentia sumit.  
 Incendisque & mille, pacis exortem,  
 Mûltat ruinis. funera inter & busta  
 Gradior potentum, & cassa lucis, atrata,  
 Delapsa celso culmine & statu laudis,  
 Opprobrium sum ludicrumque Fortuna, &  
 Ferocientis undecunque Bellona.  
 Septentrionum rector, orbis Arctoi  
 Formido, cujus Moschus horruit signis,  
 Et Sarmata ingens & propinquior Cimber,  
 Quem Vistulam ultra, marginesque Tarunti  
 Dunamque & Allam Martis impetus trussit,  
 Borysthenesque verticesque Riphæi,  
 Tanaisque penè fontibus suis tinxit;  
 Cui Finnis armis Lappioque devoti  
 Stravere ferro semitam, & viam belli  
 Fecere pelago; Botniæque trans pontum  
 Posuere nostris militum globos terris;  
 Calamitatis ultor adfuit tanta,  
 Dextramque vindex commodavit afflictæ,  
 Lapsæque primus spem salutis ostendit.  
 Quippe imperator Rugus stetit campis,  
 Marisque latè Balthici triumphator  
 Promovit arma, Vandalosque Gotthorum  
 Virtute domuit. arcibus suis longè

Exiit



Exuta Viadri ripa cessit Augusto.  
 Stralsunda vallis obsidentium cincta  
 Amovit hostem. tota Regis adventu  
 Gævisa tellus Principes sibi reddi  
 Dominosque vidit. languit furor Tilli,  
 Mihique fuso exercitu parentatum.  
 Cum federati clara Saxonis virtus  
 Pars esse belli voluit, illa trans Albin,  
 Salamque iere signa. semet Erphorda  
 Devovit ostro. purpuraque Suecorum  
 Herbipolis & Moguntius fidem dixit,  
 Hannoveraque civis. Arctos immerisit  
 Lavitque Rheno frena. trans vias Drusi  
 Trophæa fixit, per domos Tabernarum,  
 Isaræque celeres abveos, per & Parma  
 Processit agros, Alpiumque per valles  
 Traxit stupendum sors secunda Gustavum.  
 Iam tum serena fronte visa Libertas  
 Reddi gementi patriæ; & minus nobis  
 Metuendus Ister, Pannonumque jvratæ  
 In me cohortes, copiæque Frietlandi,  
 Et Austriorum vis laborque se fregit.  
 At triste fatum & non amabilis Parca  
 Volubilisque immite sortis edictum,  
 Felicitatis merisit obsidem nostræ,  
 Boreæque regem mors acerba mactavit,  
 Meisque rebus lene Numen avertit.  
 Hac clade victor Tu, superstes extincto,  
 Bojos fugasti. funerique vindictam  
 Tot legionum manibus reperturus,  
 Hac funera inter & neces triumphasti.  
 Salva phalanges, scuta, tela Fimmorum,  
 Cadente Rege; Teque sospitatore  
 Asserta res est, Saxonumque per rura  
 Lux una vidit occidens mihi sidus  
 Resurgere in Te; regioque sarciri,

Te stante, casus. tunc secunda permiscens  
 Divis Olympus laureamque taxumque  
 Suspendit in me. quamque straverat mœstam  
 Fatale Regis vulnus, unus attollis,  
 Spoliisque & urnæ restitutor incumbis.  
 Et justa solvens ultor expias damna  
 Victoriarum laude. præficas inter  
 Sonuere iisdem sedibus tubæ & lessi.  
 Sueonumque, Te jubente, castra dum vincunt,  
 Fiducia luctum, corda diluit mœror  
 Accensa honorum alebriis. stetit gaudens  
 Gemensque belli Diva, condolens sceptris,  
 Et gratulata. Tu Ducum caput, Princeps,  
 In Sorabos Lusatiæque secessus  
 Propellis aquilas, Noricasque progressus  
 Invadis urbes, limitesque Suevorum;  
 Domiisque iura civitatibus dicis.  
 Qualis remissis viribus labascenti  
 Humeros Atlanti commodavit Alcides,  
 Cum machinæ cœlestis editum pondus  
 Nutare visum est: talis integros Regi  
 Supponis artus, belligerque constansque  
 Fulcis ruentem. Tu velut suis ales  
 Phœbea bustis surgit, & quatit pennas  
 Flammis renata, post cadaver Arctoum,  
 Cineresque vivis regio & ingenti  
 Terrore Dravum nominis tui sistis.  
 Magnisque Balhim & Gallias tibi præcis  
 Annectis, Heros. ac potentibus munis  
 Tua bella regnis. undequaque Te spectant  
 Gentes propinqua, quasque semovei longè  
 Diffusa Tethys. Te Patres Batavorum,  
 Te purpuratus Adir, & valens Cimber  
 Procul tuentur. & Britannia rector,  
 Bellaxque Scotus vota reddit absenti.  
 Hoc restat unum, ut qua potentior Rhenum

Coërcet



Cœrcet altis nixa Brisacum saxis,  
 Infracta moles, gentis Austriæ robur,  
 Spelunca Martis prisca, carcer armorum,  
 His cedat armis, laureæque victrici,  
 Devicta tandem, gloriosa se intexat.  
 Hinc Heduus omnis, Sequanique & in partes  
 Ibunt Triboci, Rauracusque vicinas  
 Recludet Alpes, Liliisque Francorum  
 Germanus aser nelet Imperi causam,  
 Viresque regum pontibus sibi junget.  
 Quin liber atra servitutis exemplum  
 Nolet vocari. pristina renascentur  
 Leges, mihique lux redibit oppressæ,  
 Pietasque puros reddet ætheri cultus.

Hac dixit Illa. cum tibi novo Princeps  
 Tumuerem motu pectora, & pia Matris.  
 Ignis querelâ exarsit ossibus vindex.  
 In casside altè stare visa bellatrix  
 Minaxque crista. quoque Dux vchebaris,  
 Sonipes severum infrenduit: solum pulsans  
 Et auribus plus bellicosus arreâis  
 Efflavit auras naribus. trucem miles  
 Vibravit hastam, baltheoque fulgentem  
 Suspendit ensem. frena Castor excussit,  
 Pugnasque Orion, Herculesque Perseusque,  
 Quæque astra Getici tela provocant patris,  
 Micuere cœlo latius. retro pulsa  
 Fugere turma. capta prima Rhensfelda est.  
 Trajecta castris flumina. arcium passim  
 Perrupta claustra & obices Friburgorum,  
 Claudique vallis alta Brisacum cepit.  
 Tunc ara & omnis telæ Lemnos exarsit,  
 Steropesque Brontis & Pyracmonis Brontes  
 Opere institere. ferbuit labor bellæ  
 Tot officinis, nec soni quieverere  
 Incudibus a. Ti. pila, scuta, quadriga,

Faces, securæ, cassidum cavi ventres,  
 Vnci, bipennes, fomitesque flammarum  
 Properata pugna, foliibusque fluxere  
 Metalla crebris. subruit manus terras,  
 Industrioque cessit unda fossori.  
 Crevere colles, aggressque castrorum,  
 Munimurumque vis frequenior glebis  
 Inclusit urbem. formæ machinas dispar  
 Distinxit. hæc se more cornuum adve  
 Obtendit hosti. hæc fronte semilunari,  
 Hæc circulo robusta. ferrea adspectat  
 Vrbs castra circum, fornicesque Divorum,  
 Delubra, & aras & focos dolet cingi.  
 Obiere muros Dyrrachi & Platearum  
 Ducum corona. obsessa turribus victa est  
 Alexi & audax, & Saguntibus & Byrsa,  
 Carthaginisque mœnia, & Tyris lxxi  
 Domitrix profundi. non minor laborantis  
 Hic cura dextra Brisgoæ imminet portis,  
 Fluviusque legem ponit, objicit septa,  
 Laxat, coercet, obstruit, secat, munit,  
 Et cingulo arces stringit & caput circo.  
 Hic sæva magna se palestra virtuti,  
 Bernharde, pandit, parvuloque concludit  
 Alimenta ludum tramite. aream sternit,  
 Partique arenam; quæ cadentibus famam  
 Annulosque donet. procubas cruentatis  
 Teros in agris, straminumque structura  
 Domos ministrant. pro cubilibus saxum est,  
 Tutuda vallis aut fragosior ripa.  
 Non mensa luxu diffluit, nec exactas  
 Pæpes moraris. sufficit Duci, quicquid  
 Hic est fovendo militi. nec hunc ipsum  
 Discernit à Te delicatius sumen,  
 Pæmesque docta. damnat annus obsessos  
 Nox vis sub astro. non retardat inceptum



Chiron severus, Scorpiique pungentis  
 Fatale sidus. frigus horridum Capri  
 Domas ferendo, & Plejadum procellosos  
 Hyadumque, Dux Serene, sustines imbres.  
 Non nix stuporem Alpina rebus inducit,  
 Non pigra glacies Amphoraque tempestas:  
 Non lapsus altis montibus furens Caurus  
 Stitere motus. omne commodum tempus,  
 Patriam asserentis gloria. tuba rauco  
 Sonuere cantu, classicique permixti  
 Strepere litui. territanque ballista  
 Evomuit ara & alta tecta concussit.  
 Irrubuit ensis & cruore pignantum  
 Tepuere dextra. suffodis per ambages  
 Penetrare Vesta, & ignibus graves terra  
 Diffundis artus, promovesque secretus.  
 Prasente te ferocius ruunt turme,  
 Sociisque Gallis amulam erigis gentem  
 Ductor fidelis. obvia necis spector  
 Exempla praebeas militisque patrisque;  
 Periculique conscius Tibi parcis,  
 Tuosque servas providus Gubernator.  
 Velut leana, quam sequuntur imbelles  
 Catuli, ferarum morsibus laceSSita,  
 Libycisque mater impotentior monstris,  
 Nondum excitata prospicit sagax proli,  
 Antroque se recondit & latet prudens.  
 Interea avidis sedibus minax prodit  
 Austrasius, & Vesontio manus lecta  
 Ararisque potor, accolaeque Iurassi,  
 Leucique Lingonesque & Adulae cultor,  
 Moturus arma. venit Ister adversus  
 Savausque & Albis & Visurgis & Moenus  
 Nabus Nicerque copias profuderunt.  
 Nescis timere miles, & tua frenum  
 Fama relaxans, flumen inter & muros,

Hostesque

Hostesque & urbem & hinc & inde depugnās,  
 Cinctusque cingis; nec ferens diu cingi,  
 Aquilas propellis. rumpis agmen hostile,  
 Repetita toties signa victor invadis,  
 Ducesque captos curribus triumphator  
 Per regna vectas Sequanæque transmittis.  
 Sedit Savellius, compedesque felici  
 Elusit astu. Golzii lucescentis  
 Retusa telæ. versa sæpe pugnantis  
 Fortuna VVeerti, carceres non vos mordet,  
 Irata fatis. caesa Getzii castra,  
 Fractique vallis imminentium insultus.  
 Vt cum procellis pulsa Tethyos rupes  
 Immotæ perstat, vis hebescit undantis  
 Ponti, furorque languet & retrò spumans  
 Se flectit unda, & impetus suos damnat.  
 Fugere Fauni, Najadesque & infæustos  
 Pepulit Menalcas ira Thraciæ patris,  
 Cererem Pælemque & quotquot horridis Divæ  
 Fugantur armis. undequaque percussas  
 Tremefecit urbes triste Casaris fatum,  
 Burgundioque & prisca Cantabri sedes,  
 Incerta belli sensit & querens diros  
 Casus suorum vota Brilaco fecit,  
 Rectoribusque mæsta favit Habspurgi.  
 Ast umbra fortis expianda Gustavi  
 Stimulos ruenti subdidit, nec incassum  
 Pugnare passa est Saxonum decus stirpis,  
 Tot fulgidum propinquitate primorum,  
 Imaginumque & sanguinis vetustate,  
 Ilmaque dominum. clarus ultor excisas  
 Arces domosque, supra virginum, cædes  
 Lachrymasque vindex civium recognoscis,  
 Punisque causas. Tu superba successis  
 Nortlinga, tuque misse fontibus Betis  
 Sublimis Infans, regis Asturum frater,



Magno flagellas laqueas tuas luctu,  
 Credis que vinci posse signa victorum,  
 Vnique semper non favore celestium  
 Decreta pari: dissidere Neptunum  
 Phœbumque: Cyprin Pallademque: diversa  
 Amare Superos, & vagam rotam sortis  
 Versare regnis: occubare Gustavos,  
 Orbique rursus excubare Bernhardos:  
 Superare Finnum, cadere, & inde plus tolli:  
 Et nunc Croatam, nunc Gothum triumphales  
 Agitare currus, dividique, quod letum est.

Cum castra, Princeps, poneres, tamens fastu  
 Brisgoia torva voce sic peroravit:  
 Quia bellicose me laceassis infestam  
 Et poscis Heros? quid manu Gigantæa  
 Divum minaris culmini & petis cœlos?  
 Cur Ossæ Olympum imponis atque Athon Tauræ?  
 Audēsque non audenda more Titanum?  
 Hinc voricosa prebet unda tutamen,  
 Hinc montium se Brisacum jugis abdit,  
 Et ridet iras incubantis obsessæ.  
 Adventat Istro miles & Tagi gazis  
 Suffulta virtus inquieta pugnatit.  
 Ferrumpet aditus, et iustis Caesar insringet,  
 Castella fortis asseret manus Boii.  
 Cedant Leoni cuncta, dum stet invicta  
 Hac una nobis, qua petit et tot castris  
 Contempsit hostes, & Deum stetit jussu  
 Robur potentis imperi, domus Martis,  
 Tutela Rheno, Rauracique munimen.  
 Hac Arabis usque Petra, Dux, inaccessa est.  
 Regum et tot rerum & tot urbium princeps:  
 Rupes aquæque transvola. nequit terræ  
 Excelsæ vinci. si fame premes duram,  
 Fiet Saguntibus, aut Numantia & qualis:  
 Perusia seua cessit impotens Roma.

Aut liberata Mutina maximo Pansa,  
 Vel pertinaci Zama restitit Tybri,  
 Forti Metello Thala, & altior Capsa.  
 Quin sacra cælo templa, sacra mitrato  
 Delubra patri, & seculi fides cani  
 Relligio & ara præstitesque defendent.  
 At illa flocci, magne Saxo, fecisti,  
 Virtute major; Martioque conatu  
 Superbientis oppidi incolam audacem,  
 Ieiuniis victuque paupere attritum,  
 Tandem otiosis dentibus fatigasti  
 Cecidere civi, Præsidique præstrato  
 Animi priores, & cupido Mavortis  
 Ardorque pugne, & auxili resederunt.  
 Spes devoluta. lapsa cassis armatis,  
 Hasta lacertis, seruidaque & insana  
 Tremuere dextra. jura pacis oravit,  
 Tuæque celsæ Brisacum manu capta est.  
 Quem timuit antè, quem ferocior spre vit,  
 Dominum fatetur, & modesta victoris  
 Prostrata pedibus, obligat sacramento  
 Fidem suamque lata de vovet portas.

Mox civitatum dissoluta certuim  
 Succubuit Ilma Misni que rectori  
 Erecta virtus. te refectus Obrincus  
 Nova frena sensit. alteroque Burgundius  
 Sub capite cristas sustulit. nec antiqua  
 Se lege voluit Tullium coërceri,  
 Non Nozarethum, Claudium, & acre Pontarum.  
 Augusta plausit Rauracorum & Argento-  
 -Ratense culmen turribus tuas laudes  
 Suspendit altè. rumeur ivit in Vispos,  
 Et trans Saonam sonuit horror armorum.  
 Polichnioque & incolis Salinarum,  
 Mombosioque Cromatoque Palmæque  
 Et Portizona, rupibusque Iustini,



Dolere metuit Dūbis, & tua vidit  
 Monumenta fortitudinis Visontinus.  
 Tunc Iura valles & Vogesus implevit  
 Clangore belli. Danus & Lupi fontes  
 Ararisque gesta miscuit suis undis.  
 Te res gerente latius, suis latè  
 Progressus oris, Vandalūmque de stagnis  
 Herulūmque gente, sedibusque Cauchorum,  
 Invasit Albis rura miles Arctoris,  
 Metu solutus, & manu Maraxinum  
 Cecidit agmen exiitque Gallazum,  
 Et barbarorum copias Croatarum.  
 Que terra clade Tillii caput cælo  
 Erexit altè & Lappionibus debet,  
 Horrescit armis, Suecique, vitrici  
 Digressionem, prisca bella restaurat.  
 Per Te manipulos laxat ira Baniri,  
 Istrumque rursus provocat fatiscentem,  
 Vbi VVitikindos, Saxonum genus clarum  
 Atavosque grandes fama sustulit terris,  
 Ducemque Dresda turribus suis claudit,  
 Urbesque in urbe Molda plurimas lambit.  
 Te præliante, tutior suas Francus  
 Morinis cohortes intulit; nec Hispanum  
 Sævis passus tanta castra distaxit.  
 Te præliante, nos ferociam Scaldis,  
 Sortemque tulimus mihi Sicambrorum.  
 Te militante, militavit Europa,  
 Secura vinci, Cesarumque fortuna  
 Illisit ather, plurimusque bellator.  
 Nunc, à triumphis urbibusque de victis  
 Exorsus annum, gratulantium voces  
 Regumque vota colligis, Ducum summe,  
 Ligerimque socias Sequanamque Sævoni  
 Vi dore in uno: nempe causa communis  
 Boreale littus a mat & ciet Gallum

Batavosque

Batavosque Patres. Rhodanus & rigens Vrſa  
 Et Moſa junctas offerunt poteſtates,  
 Favent que fatiſ Austria laborantiſ.  
 Tibi in trophaum ſternit integros montes  
 Lucoſque Bötis, impigerque Scritſinnuſ,  
 At Cerere multa, pampiniſque botriſque  
 Lyauſ & Carumna Principi occurſant,  
 Frugeſque donant ciuitatibuſ victiſ.  
 Batauſ ſtupendiſ ſcripta nuncupat factiſ,  
 Conſors laborum, & Aoniū tuſ lymphas  
 Adſpergit auſiſ, concitatque Parnāſſum  
 Et antra Phæbi. ſigna ſapiuſ ſaſtiſ  
 Victoriarum, ſeculoque, quod currit,  
 Inſcripſit aſtaſ. hanc tibi magiſ fulgenuſ  
 Et clara meritiſ bruma conficit lauruſ,  
 Et ſacrat ævo. Nil fatetur in victum,  
 Iouiſque metuit ſedibuſ Deuſ belli,  
 Cum ferreas truceſque diruiſ portat,  
 Veſteſque ſoluiſ arciumque compageſ.  
 Fiduciamque induſtria erigiſ pernox.  
 En ipſi cœlo lapſa te volat circūm  
 Bellona victrix, & tibi novaſ ſcribit.  
 Animofa turmaſ, ſeruiduſque ſuccendit  
 Frendenſ caballoſ. Curribuſ tuiſ junctā  
 It Cura prudenuſ, nec Labor fatigatuſ  
 Gerit ligoneſ, aggereſque molitur  
 Et caſtra figit. at Timor catenatuſ  
 Livorque pone inglorio gradu vadunt.  
 Sed una vox Germaniæ renaſcentiſ,  
 Patriſque ſpeſ eſt, & favor ſalutantiſ  
 Per rura latè funditur coloniſque.  
 Accurrit acer Rauracuſ, venit letuſ  
 Potor Sazona. maſculuſ iuuentuti  
 Comes ſeneclūſ accinit triumphanti.  
 Famoſa Caci teclā, regiſ Augiæ  
 Infame ſtabuluſ, quaſque dira ceruice:



Et colla forti Ierna torfit Alcida,  
 Stupuit vetustas, & ferocis Antæi  
 Stymphalidumque monstra, quasque Busiris  
 Madefecit aras & gravem Cleonæi  
 Rabiem Leonis. Tu secundus Alcides  
 Majora victor conficis. nec iniusta  
 Sinis imperantum impune sceptrâ grassari,  
 Domitor malorum, injuriæque depulsor,  
 Causæque constans sanctioris antistes.  
 Inter furentis uda flabra Vulturni,  
 Et scævientis nubilas miris Cori,  
 Inter pluentis horridi Iovis nimbos,  
 Nunc siderum torrentium truces flammâs,  
 Nunc siderum rigentium feros vultus,  
 Inter vadosa septa fluminum pugnans,  
 Inter tot hostes, hostiumque tot pugnas,  
 Et hoste cinctus, scævientibus fatis  
 Bello, procellis, hostibusque & annonâ,  
 Et parcitate exercitus & armorum,  
 Tandem ruentis oppidi refers palmam.  
 Stent, cymbala orbis, essedis suis Pauli,  
 Mariique fortes. tolle Roma Marcellos,  
 Brutosque Cassiosque. regnet Augustus  
 Domitis Sicambris, Dalmatisque Rhatisque,  
 Getis, Sævis, impigrisque Bastarnis.  
 Perennet audax Brennus & Cimon Grajus,  
 Ajax uterque. assurge Theseo civis,  
 Argosque Adrasto, tota Iasoni Colchis.  
 Et nostra Brutum secla, nostra Marcellum,  
 Et emulantem genuit Ilma Bernhardum.  
 Hac bellicosi sentit urna Mauriti,  
 Proavumque Manes. ensiferque Fredricus  
 Nepote gaudet exigente vindictam.  
 Erepta regnis decora singulis reddis,  
 Cineresque capti Saxonis reviviscunt  
 Clarentque per Te. compedes Ducis magni

Dissolvis

Dissolvis heres, posthumusque defensor.  
 Tuis triumphis gliscit in dolens Fratrum,  
 Bellique crescunt conscientia justis.  
 Supposita Boreæ grandis umbra Gustavi  
 In te resurgit, & recundit Australis  
 Imperi i terra, & limites Tribochorum  
 Tricassique Lingonæque transcendit.  
 En, miles arma concrepat, facit ludos  
 Cataphræti us ordo, cominusque vibrantur  
 Hastæ minaces. & pedestrium turba  
 Divisi in alas exit obvium signis,  
 Laurosque tollit. rumpit æthera in plausum  
 Catapulta clangens, & vagam ciet famam,  
 Populisque gesta admurmurat peregrinis.  
 Hæc Fama Eæuno nunciat, maris Faunus  
 Deo sonanti, buccinæque Tritonis  
 Ultra columnas Herculis, super Calpen  
 Abylanque rumor torridum ferit Maurum,  
 Gadæque de te & insula Britannorum  
 Et prisca Thule loquitur, & tuas narrat  
 Pugnas Caledon, Hebridesque longinquas.  
 Castella mæret, Duris que perculsus  
 Avertit amnem, Sicorisque, Iberis que,  
 Et triste Siculo nuncium innatat ponto.  
 Quid? regna latè per vagatur Aurora,  
 Et occidentis dis palatium Phœbi,  
 Nigrinque adactum. rector Ottomannorum  
 Asiæque fulmen gaudet acer Osmanus.  
 Monumenta laudum cernimus sacrosanctis  
 Suspensa templis, fornicesque Divorum  
 Per te subacta spolia gentis ostentant.  
 Tibi Deorum quisque præmium sacrat,  
 Gradivus enses, lumen ingenii Pallas,  
 Bellona robur. scuta Mulciber cudit,  
 Audaxque pectus are triplici cingit.  
 Triptolemus ad te mittit integras messes,



Puerque teidas cogitat Dionæus,  
 Et par cabile Principi venustatis  
 Decernit alina Cypris. oppida arridens  
 Cybele recludit, turribusque circumdat  
 Turrita frontem. Liber expedit lynces,  
 Pharetras Apollo. sed Diana bellacæ  
 Ministrat arcus, magna Iuno thesauros.  
 Pales virentes graminum thoros sternit,  
 Pan mastat agnos, Æsculapius gallum.  
 Implet corollis cassidem senex Nereus,  
 Algaque cingit margines corollarum.  
 Astra a iuris imbuit sacris mentem,  
 Gladiumque donat vindicem, & pias lances.  
 Aurora vigiles advehit Tibi luces,  
 Lenesque spondet serus Hesperus noctes.  
 Falicis & vi filia prorogant Parcæ.  
 Hermes loquendi copiam facit lingua.  
 Torvusque quamvis, spondet astra Saturnus,  
 Tirynthiumque Iupiter locat iuxta,  
 Nec Perseo vult cedere imperatorem.

Me, magne Princeps, iussa tot Camænarum  
 Heu claudicantes deo verere Scazontes  
 Voluere factis grandibus. Furor Phœbi  
 Phœbasque vatem insana raptat imbellem,  
 Testem triumphi, gloriæque rerumque.  
 Tu Stilico noster, tu Probinus his Musis  
 Alimenta præbes, tu celebris Arrides  
 Apollinari victor insonas templo,  
 Tumidisque cinctam fluctibus moves Cirrhæam.  
 Hac maeste, Ductor, laude. pacis ad sortem  
 Hoc vade gressu. quod nequit Palatinus  
 Supplex precando, miles impetra bello.  
 Cogendus hostis, quisquis exuli lenem  
 Avertit aurem. Sit locus pio Marti,  
 Vbi pulsa causam vindicare libertas  
 Pietasque tentant. jura stirpis instaure,

Te tolle victor, tolle sceptrum majorum,  
 Et abnepotum, Misniæque solamen  
 Fulci Thuringum. Saxonem vacillantem  
 Inter potentum jurgia & truces lites  
 Pactis aduna, fraudibusque distractum  
 Tibi revinci. discat & sciat Casar,  
 Debere paci: certisq; regnari  
 Bellum cavendo: inglorium, triumphare  
 De cive cives: imperare sat latè,  
 Quicumque iuste: pluribus potestatum  
 Vacare mundum, nec regentis unius  
 Hunc esse totum; possidere pacatum,  
 Qui norit uti: corrigi refragantes,  
 Placide ferendo: incautusque decidi  
 Bonis potentum. restituta concordies  
 Tibi Bulla Patres colligat; sacra passim  
 Leges resurgant, criminumque tot formas  
 Profunda Lethe sorbeat, nec adversis  
 Germana signis gens diutius pugnet.

## P A N E G Y R I S,

De laudibus Eminentissimi Cardinalis,  
 A R M A N D I I O A N N I S  
 P L E S S I A C I,

Richelii Ducis, Franciæ Paris, &c.

**H** Actenus Auriaci laudes & bella potentis,  
 In Batavis, Belgæ cecini, patriæque labores,  
 Et pugnas laurosque; meæ, tot subruta flam-  
 Moenia, concussasque animis audacibus arces; (mis-  
 Nunc procul occiduo partos sub Sole triumphos,  
 Nunc & in Aurora thalamis, spoliataque ditis  
 Transtra Tagi, captamque Peru. dum pronior æther  
 Nos videt, ingentique gravis fortuna Philippo

F 5

Incubat.



Incubat, Hesperique quatit fastigia regni :  
 Nostra per Aonios diffundit nuntia colles  
 Calliope, gestisque Ducum se miscet Apollo,  
 Et lituos inter Phœbi cortina remugit.

Nunc nova Purpurei surment exordia fasces.  
 Et Te, magne canam Richeli, cui fata tuendi  
 Borbonios, partes tribuunt ; & Gallia semet  
 Credit, & hoc uno gaudet sub Sole renasci.  
 Non mihi jam magnus Stilico, non grandis haberi  
 Parmenio, Cyneasque potest. si Roma stetit.  
 Consiliis, fidoque potens suatore Macedo ;  
 Si pro te toties facundia, Pyrrhe, locuta est ;  
 Nec pater Atrides, clavo sine Nestore, celsum  
 Ilium & Hectoreæ subvertit mœnia Troja,  
 Neptunique domos : etiam secunda bonorum  
 Posteritas, Arinande, tuis palatia curis  
 Fulcit, & in Druidum sapiens miracula terris  
 Parturit. augustis per te reverentia sceptris  
 Crescit, & in mediis exsurgunt Lilia bellis,  
 Et melius, Dux celse, tuo sub sidere fragrant.  
 Nam veluti vastos spatii immanibus orbes,  
 Flammiferique rotat sublimia corpora mundi  
 Vis occulta Deum, nostrisque illabatur oris :  
 Sic tuus immensum, quem Gallia conficit, orbem,  
 Totque movet populos animus, grandeque per artus  
 Spiritus it, magnoque sagax se corpore miscet.  
 Qui trepidos olim validis cervicibus axes,  
 Nutantesque Deos & totum tor sit Olympum,  
 Fabula prisca fuit vatam. Te cernimus omnes,  
 Magne gubernator, patrio supponere mundo,  
 Hoc, quodcunque tuum est, inconcussosque periclis,  
 Et nunquam sessos humeros, & pondera rerum  
 Imperiique vices & tanta negotia solum  
 Ferre diu, nullaque quati formidine fortem.  
 O mihi si liceat solitis intendere nervis  
 Barbiton, & cumctis fas sit Te dicere terris,

Nec tua semoto longè clementia vati  
 Abnueret, solumque tui levis umbra favoris  
 Gratiaque has ipsas involveret aqua Camænas,  
 Assurgam Tibi, summe Ducum. si federa Belgis  
 Cum Gallis infracta vigent; concludor in illis,  
 Et jungor quoque Belga tibi, Regique, tuisque.  
 Incola Battavia tanti pars federis adsum,  
 Quam vis digna minus. neq; nos, Armande, videbis  
 Indecores. Tu grande decus mihi conficis unus,  
 Dum caneris, pretiumque ingens sibi fœnerat à te  
 Ya potens. nova Palladia subnasceris aula  
 Materies, vestroque feror sub nomine vates,  
 Purpuraque Amstelii tua plus fulgebit in undis.  
 Quaque vehent merces, etiam Te transtra ratesque  
 Per fluctus pelagusque vehent, Solisque cubile  
 Belligeræque legent Indis hæc ipsa Meluccæ.  
 Hæc audeat tibi Musa loqui. fiducia Phœbum  
 Erigit impavidumque facit. proscrip̄ta pudoris  
 Causa jacet. quæque ipse colis palatia, Princeps,  
 Ingredior, radiisque tui percussus amoris,  
 His ipsis, quam nunc condis, sub mœnibus urbis  
 Abdor, & hæc nostra, quam vis trans æquora, Musæ  
 Fundamenta locant. Et jam subsidere terras  
 Exuperior mundumque mihi. dum surgis in altum,  
 Tollor humo, tecumque procul per nubila raptus,  
 Ipsa tuis, Richeli, transcendam sidera fœlis.  
 Nec referes, me vate, pedem, nisi parte locatus  
 Ætheris. hic ubi sublimis sua brachia Perseus  
 Porrigit, heroumque domus animæque locantur  
 Semideum. fulgensque boni rectoris imago  
 Invidia fines sola virtute reliquit,

Est Deus, que medios hominum se fundit in actus,  
 Conscia præteriti & sortis præsaga futura,  
 Arbitra difficilis causa, Prudentia, centum  
 Prædita luminibus, longis venerabilis annis,  
 Mille modis edocta vias insistere recti,



Mille modis edocta mali depellere formas,  
 Et coeptis instare suis, fortemque periclis  
 Objectare animum, dubiis non fidere rebus,  
 Nec male consultos vulgi spreuisse furores,  
 Nec metuisse nimis. capit à discrimine laudis  
 Incrementa sua, & fortuna libra secunda  
 Iratis didicit sese submittere fatis.

Hæc regina tuus, Ductor fortissime, cunis  
 Adstitit, & tibi dum Lachesis prosperrima ducit  
 Stamina fatidicaque legunt ventura sorores  
 Tempora, prævalida jam tunc ratione subegit  
 Devotam sceptris animam. qua nata fovendis  
 Regibus, hos ipsos tibi promittebat honores,  
 Quos geris, & sacro cunabula merfit in ostro,  
 Fasciaque irrubuit teneris circumdata membris.  
 Quin sic orsa loqui: latis Puer inclyte, dixit,  
 Auspiciis ordire diem. tibi magna parantur  
 Nomina. secretis Regum servaris, & in Te  
 Inclinata suis requiescet Gallia triplex  
 Ponderibus; causasque Ducum, populiq; Patrum  
 Et mundi dirimes lites. Tibi templa laresque (que  
 Debebunt sub Rege pio. geret inscia fraudis  
 Dextra pedum, pastorque gregi rectorque præiis,  
 Et columen tutorque tuo. cœlique minister  
 Præsidium telluris eris. distincta tenebis  
 Imperia, & Superis pariter nobisque vacabis.  
 Inveniet doctrina viam. experientia rebus  
 Sternet iter magnis, & Regum sola favorem  
 Inconcussa fides poterit constansque mereri  
 Majestatis amor. certè sub Præsule tanto  
 Castalii largis manabunt fontibus amnes,  
 Antraque Pegasidum & docta Tritonidis arces,  
 Euboicaque tibi condent oracula rupes.  
 Quin procul è Batavis fundet præconia dives  
 Amstela, & externas agnoscet Sequana laudes.  
 Vt dixit, germana soror Constantia juxta

Os aperit, geminisque latus suffulta columnis,  
 Quis ilis adorando graditur per regia passis  
 Limina nec vano populi terrore vacillat,  
 Hac effata fuit: quantum Facundia possit,  
 Eloquiique vigor mentesque inflectere docta  
 Suada potens, odiique animus contemptor iniqui,  
 Exemplum dabit iste puer. non improbus ardor,  
 Non queruli in dominos civis furor, iraque fervens  
 Livoris facibus seclique afflata veneno,  
 Non conjuratae totis se opponere castris  
 Agminibusque manus, non circumstantia tela,  
 Audacesque mina, recti statione movebunt  
 Intrepidum. ferient omnes impune ruina,  
 Tempestaque suis concussa tumultibus excors  
 Concidet, & caeco prudens Bellona furori  
 Obstrepet, & trepidis rabies desaxiet hastis:  
 Stat sua majestas solius vindexque tiaris  
 Numen adest, Superumque metus custodia regni est,  
 Et Gracchos vindicta Deum Nemesisque coercet.  
 Nec siluit sacra Pietas circumdata palla,  
 Infula cui prisco frontem velabat amictu,  
 Plethiacumque levans, studiis caelestibus, inquit,  
 Et curis implere. Tibi veneranda recludam,  
 Atria caelicolum, supremaque verba Tonantis,  
 Et secreta poli. quae Te Sapientia grandem  
 Secernet populo, populis praeponeat iisdem,  
 Et multis volet esse patrem. spectabilis aris,  
 Solves vota Deo & celso juratus Olympo  
 Aethereum librabis onus. quin, Praeside tali,  
 Regia se soli dedent diademata Christo,  
 Gaudebitque Dei sancto cognomine regum  
 Europa sublime jubar, terrasque gubernans  
 Submissa cupiet caelum cervice vereri.  
 Felix imperii facies, quam prima tuetur  
 Religio, quae consiliis inimica profanis,  
 Eas animi sacrosque probat devota recessus



Mentis, & innocua ciues, delubra, focosque  
 Simplicitate beat. nec, quæ nescire decorum,  
 Scire cupit cunælos; veterisque à moribus ævi,  
 Officii præcepta capit, fideique tenorem.

Dixerat. hinc manibus verbenam spargere circum  
 Cœpit, & accensis adolevit mascula supplex  
 Thura focis, plenamque favens excussit acerram,  
 Et fixam posuit puerili in pectore sedem.  
 Has inter residens generosa puerpera, Divum  
 Colligit auguriis tanti nova gaudia partus,  
 Et sibi jam Curios alios, mentemque Catoni  
 Qualis erat, Brutique decus Fabiumque morantem,  
 Ingeniumque Numa & trabeas promittit Olybri.  
 Tum Rhodanus, tum lentius Arar rapidusque Ga-  
 Præfensere suis felicia secula terris, (rumna  
 Et sibi subrisit Ligeris. cum Santone Picto,  
 Et socio Lemo-vix fertur plausisse Cadurco,  
 Et jurasse fidem Biturix, fortisque Medullus,  
 Arvernique Heduique patres, cidtorque Nemausi  
 Et Senonum gentes, & qui vicina Gebenna  
 Montis habent, Martique sacer sub litore Narbo.  
 Hesperia solum, & gelida timuere Pirenes  
 Culmina, nubiferæque Alpes & Gallica jam tunc  
 Sceptra Padus. iustiisque ferox Catalaunus in armis,  
 Ex illo dominos jam fastidire Philippos  
 Cœpit, & in solo solatia querere Celta.  
 Tunc & funestis visi sunt vultibus i.e  
 Atrebates, Rhenique procul fremuere sub undis,  
 Bellorum arcani strepitus. impostaque celsis  
 Collibus, admonita est venturum Saxona rupes  
 Brisaci. Richelique, tuis successibus Istro  
 Funera portendi. Trevir sibi vincla parari  
 Sensit, at ulciscenda Duci. tua federa Finnis  
 Lappionumque nurus & montibus excita Manto  
 Prædixit Gothicusque furor. Tunc aspera bello  
 Gens Batavum, studiis majoribus ivit in hostem,

Suppetiis animosa tuis, patat aequae per Te  
Lilia Francorumque sibi praesagium astrum.

Nam veluti faustum praesent mortalibus omen  
Sidera, cum summa caeli statione feruntur,  
Nec jam radit humum Titan, sed celsior ardet:  
Non aliter Lucina suis te sustulit ulnis,  
Venturum imperio lumen, venerabile regni  
Sidus, & in teneris vidit vagitibus aula  
Spes habere suas, & certius omnia ferri,  
Te Tiphymoderante ratem. secerneris illi  
A pueris, & mente senem praevertis ephēbus,  
Nec quicquam vulgare sapis. fastigia rerum  
Transcendis gradibusque vehit te gloria magnis,  
Atque adytis sapientum infert. hic tota recessus  
Pandit Cirrha suos, & se Romana vetustas  
Explicat Argivaeque patent secreta Minerva,  
Ancipitesque scholae, & quicquid contendit Athenis  
Stoa gravis. nunc Pythagorae doctique Platonis  
Sensu capis, monitisque quibus Respublica possit  
Tuta dari, & quo se defendat jure tribunal.  
Nunc Stagira tua est, & mens contermina caelo  
Natura rimatur iter. vis nosse penates,  
Quos habitas; quā vivis, humum; quēvis tingeris, un-

das;  
Quaque cales flammā. nec enim praescribere mundo,  
Ignarum mundi deceat. dum sidera volvis,  
Aetheraque immensum & suspensos fornice caelos,  
Hinc regnis sua fata legis. quis sospitet orbem  
Conspiculus faciesque poli; quis mutet habenas  
Stellarum oppositis radicans fulgoribus ignis;  
Qua face seditio surgat, solioque potentes  
Excutiat gravis ira Deum. qua sceptrā secudent  
Lumina, quaeque suis rectores uniat arctae  
Civibus Arcturi statio. per cuncta Deorum  
Incedis spatia, & Saturni inamabile sidus,  
Regibus adversum damnas, plebique maligna

Præ-



Præcipitiq; favens. Iovis, ut clementius, astrum  
 Concilias possisq; Tibi, regisq; senectæ  
 Custodem hunc scis esse Deum, vacuumq; malo-  
 Sub Mavorte probas, justis victricia causis (rum  
 Arma capi, & rutilos stringi securius enses,  
 Postquam hostis fortuna labat; vel turbine fati  
 Vicinis metuenda venit. Tu spernis iniqui  
 Bellatoris opus. tibi nil deformius illo,  
 Cui ferrum pro jure suum est, calcataque scutis  
 Obruitur pietas, & belli gloria vis est.  
 Inter Solis equos seros regnantibus annos  
 Observas Lachésin trahere & prosperrima terris  
 Fata dari: Phaethontæ discrimina flamma  
 Acribus averti monitis, currumq; teneri  
 Rectius arte senum, & sub consultore verendo.  
 Nec Veneris lux scæva tibi est, nec dura minatur  
 Phosphorus, at Placido **LODOVICVM** lumine  
 Adspicit, hæredesq; duos deducit Olympo, (tandem  
 Mercurii per signa, quibus se purpura prudens  
 Afferat eloquiis, qua majestate loquatur  
 Pro populis, facunde, notas, fraudumq; magistros  
 Proscribis procul. at Luna penetratibus altis,  
 Deprendis variis flecti mutabile formis  
 Imperium instabilesq; vices; nunc porgere plenum  
 Regna decus, fractis nunc expallescere rebus.  
 Sic omnis Natura Ducem te format, & orbis  
 Pars convexa tuos monitrix descendit in usus,  
 Mandatrix operum consummatriceq; laborum.  
 Inde per humanæ raperis spectacula vitæ,  
 Et scenam nos esse vides, ubi plurimus actor  
 Antiquo repetit mundi deliria ludo,  
 Personamq; facit. tumet huic à bile cruentum  
 Vindicta gravioire jecur. vesania laudum  
 Hos rapit, immemoresq; sui malefana flagellat  
 Ambitio. patulis venatur faucibus aurum  
 Alter, & impuris primos Sirenibus annos

Devovet,

Deuoret, & Paphis demens effeminat herbis.  
 Hos inter, quamvis iuueni, Catilina, Cethegus  
 Dispuncti, Lepidusque fuit, dominoque rebellis  
 Quisquis adorandis objecit castra coronis.

Dum veterum annales exactaque tempora versas,  
 In Zopyro quam multa placent, animusque fidesque  
 Contemptrix obitos. Decios veneraris euntes  
 In bellum, pulchra pro libertatis amore.

Attilios pro lege colis. cum Coclite solus  
 Tunc quoque sustineas Senoni dux obuius ire,  
 Et medium Brenni furus opponere Tybrin.  
 Cum repetis, qua pro Cyro clarissima fecit  
 Harpagus, & regi quesitum hinniibus ostrum,  
 Promittis majora tuo. tibi suppetit artes  
 Regnandi ductor Xenophon, Cyrumque regenti  
 Obicit exemplar. Graji trux poena Philota,  
 Principis offensi rabiem, metuendaque dixit  
 Intervalsa Ducum, quos lis pervertit & atrox

Suspicio, fraudumque metus. Cum castra revolvis  
 Pallasque manus, Procerumque; & robur & arma,  
 Perdica decus, Anigoni pugnantis honorem,  
 Lysimachumque trucem vultu, frontemque; severam,  
 Quam Meleager erat; praeuntem verba Craterum,  
 Cassandrique minas, validumque in tela Menan-  
 drum:

Talibus haud unum subdi rectoribus orbem  
 Posse, tibi memoras, & plus dufore perito,  
 Quam castris dextraque geri. suadentis Achatæ  
 Suggestis Aeneæ officium, sociataque laudas  
 Robora consilio, & comitem Diomedis Vlysses,  
 Thesea Pirithoi. quinquennia prima Neronis,  
 Non postrema probas. Senecis doctoribus aulas  
 Surgere, contemtis ruere. observasse decorum,  
 Arminios magni facis, & pro legibus acrem  
 Civilem, Thraseamque & rebus nata gerendis  
 Nomina Scipiadæ, Drusos, Brutosque gravesque

Æmi.



Æmilios, & victoris tot signa Sicinni.  
 Tunc tibi, qua melius gentes ratione regantur,  
 Noscere cura fuit, regnique expendere formas.  
 Ut sua libertas Grajas subverterit urbes,  
 Et dominis oppressa malis respública. quàm sub  
 Rege Lacon solo steterit securus & audax  
 Assyrius Medusque potens, & Persa feroxque  
 Indus & Eoo subjecta potenti & Phæbo.  
 Hoc regimen sublime Deum est, his præsidet unus;  
 Has rectoris egens primum est expertus habenas  
 Orbis, in hoc placide cœiunt moderamine gentes,  
 Nec male distracta est uni concessa potestas.  
 Quin opera studiique tui sciuisse putasti,  
 Regna quibus surgant & decrecentia vergant  
 In pejus sublapsa modis. quàm noxius illis  
 Vivat adulator: quam perniciosior Hydræ  
 Luxus eat, populator opum: quàm vincere semet  
 Sit regale: suis contentum finibus esse,  
 Nec proferre gradum scelere: audacissima sperni  
 Cœpta, nec è dubia cœca Rhamnusidid aurâ  
 Suspendi summam populi debere salutem.  
 Nunc pœnis iraque locum, nunc esse favori:  
 Nunc terrore malos, nunc effera corda modestâ  
 Voce coërceri: nunc dissimulanda regi  
 Plurima, nec simulandum unquam probitate relicta.  
 Sic iter ingrederis laudum, & quacunque potentes  
 Virtutum momenta decent, & nomina recti,  
 In te cuncta fluunt, & pulchro federe juncta  
 Certatim secère virum. Te sancta verendum  
 Amplexa est primis pietas, sacrisque tuorum  
 Imbuunt & cœtu distinxit Diva profano,  
 Admovitque Deo propius. malè dirigit omnes,  
 Quem non ista regit, nescit mortalibus esse  
 Præsidium, à quo numen abit. mandata suorum  
 Vulgus amat, cum se Superis votère jubentes,  
 Exemploque magis, rigida quàm lege, gubernant.

Tunc

Tunc Deus humanos isto de pectore sensus  
 Expulit, atque alia fulsit Lufsonia luce,  
 Adventu gavisus tuo. tunc magnus ab imis  
 Auditus fremitus terris, Phlegethonque remugit,  
 Et tumidis princeps Erebi plus saevit iris ;  
 Tartareasque fauces Hecate succendit & omne  
 Infernale chaos strepitu concussit & unum  
 Te timuit. quamvis liventibus undique cincta  
 Styx flueret damnata vadis, & regia Ditis  
 Non ferret cœleste jubar, vitæque severa  
 Immortale rudimentum ; tu lampada sacram  
 Præfers præco vigil, te circumfusa sequuntur  
 Agmina, tu sanctis adstringis legibus omnes,  
 Plutonisque domos tenebrisque abscondita turbas  
 Atria. latratum tibi ter compefecit atrox  
 Initor & pressis Acheron obmutuit undis.  
 Te templis arisque Deum consueta vocari,  
 Occupat, & ni veis ambit Clementia pennis,  
 Et facilem lenemque facit. quin indole tali,  
 Qualis erat, Trajane, tibi, placidissima donat.  
 Nempe ferum crudumque putas, non parcere victis,  
 Supplicis gaudere, truces distringere vultus,  
 Non flecti precibus, veniamque expungere rostris,  
 Atque illaudatas Manli revocare secures.  
 Huic comes incedit Nemesis, nec flexilis ulli  
 Supplicii rigor, & gradiens cum consule licitor.  
 Quæ tua, cum fas est, rigido subsellia munit  
 Et trabeas terrore, nec exorabilis audit  
 Convictum fassumque scelus ; cum læsa Senatus  
 Majestas rerumque salus formidine salva est.  
 Hæc Minoa suis, hæc iustis Ææcon armis  
 Instruit, & soboli non vult ignoscere patrem.  
 Hæc Metios discerpit equis, oculumque Zaleuco  
 Eruii, atque metu custodit regna severo,  
 Et conculat as adspersit sanguine leges.  
 Te sincera Fides, nec fallere docta tiaras.

Possi-



Possidet, & nullo patitur pallefcere fuce  
 Mascula simplicitas. toto tua didita regno  
 Fama viget fidaque vehit præconia lingue.  
 Non illam insanus livor sibi vertit & horror,  
 Non fortuna furens, adversorumque procella.  
 Hac duce non mutas animum, nec mobilis aura  
 Ingenium popularis amas, vultumque secundis,  
 Aut alium adversis geris. ut Marpesia cæcites  
 Fluclibus opponit latus inviolabile, constas  
 Impavidus vanisque negas rumoribus aurem.  
 Hac tu Liligeri decus & diadema parentis  
 Asseris, & natos pariter patremque tueris,  
 Et quos ut dominos civis submissus adoras,  
 Consiliis monitiisque juvas. dumque omnia flectis,  
 Per te quisque suos sentit crevisse triumphos,  
 Per te jura dari sinit, & præcepta subactis  
 Gentibus, atque tuo fasces committit amori.  
 Iudice te, passim Themidis delubra recludi  
 Adspicimus, rutilasque faces gliscentis honesti  
 Et jubar Astræa mediis se attollere bellis,  
 Et solum trepidare nefas. Tu criminis ultor  
 Fulmineum vibras tutandis legibus ensen,  
 Et trabeas vis justa loqui. stant rostra decenti  
 Tuta patrocinio, formidatumque tribunal  
 Alligat officio quem vis, & lancibus aquis  
 Partitur jus cuique suum. quos donat honores  
 Regia, dissimulas. tibi vis privatus haberi,  
 Dum cunctis, Armande, præes, tot præmia laudum  
 Magnanimus minus esse putas, splendesque decorus  
 Civibus & titulis servas illustribus omnes,  
 Solis ad exemplum, cunctis qui lumina terris  
 Dividit, oblitusque sui communia curat  
 Commoda, nec sibi, sed nobis mortalibus ardet.  
 Magnarum non parcus opum, palatia, turres  
 Exstruis & totas operis ingentibus urbes  
 Edificas. stupet, ecce, suis pomœria tectis

Sequana laxari, atque amplis amplectitur orbem  
 Mœnibus. hac una sic per te mundus in urbe  
 Ambulat, & tanti patet indulgentia census,  
 Quin Superis nova tecta, scholas & limina Musis  
 Pulchra locas. omnes aperis discentibus artes,  
 Diffunditque suos melior doctrina penates.  
 Vox comem, incessusque gravem, reverentia vultus  
 Arguit imperio dignum. patientia davis  
 Te subigit nullique cupit cessisse labori.  
 Non tua vesano plorant æraria luxu,  
 Nec sordes contemptus amas. aulisque domoque  
 Trudis avaritiam, rabiemque expellis habendi.  
 Stas pœctis, promissa facis, præponis honesta  
 Vtilibus, magnis nec dedignaris amicis  
 Sceptorum fulcire Deos. consulta ministras,  
 Et capis, & fidas voces Callisthenis audis.  
 Quas noctes insomnis agis, contermina cunctis  
 Finibus Europamens circumspæcta moratur,  
 Et ventura videt. seu vasta per æquora raptus  
 Herculeis infers bellacia rostra columnis;  
 Insubribus seu bella paras, & lata per ipsam  
 Tollis signa Tagum rector. vigil exit in omnes,  
 Afflictaeque levat spatiofa industria gentes,  
 Agnoscis benefacta palam. largiris honores,  
 Ipsa quibus virtus precium est; quos publicus exciit  
 Et patriæ non segnis amor, vel dextera fortis,  
 Ingenii vigor & sapientia nobilis ævo  
 Consecrat, & pulchri commendant regibus ausus.  
 Talis Aristides Grajùm veneranda per urbes  
 Ora tulit, rebusque animum curamque vilem  
 Applicuit. talis Phocion illustrior iuit  
 Et gravis indomita leges & mascula Sparta  
 Iussa dedit, luxitque ista virtute Lycurgus.  
 Cum lego Narsetem, Narses tu crederis esse,  
 Cum Nician, alter Nicias, qui classibus æquor  
 Stravit & externa toties dux insitit hosti.

Cum



Cum pavidos premit infelix Rhamnusia patres,  
 Spe collapsa foves, nec desperata relinquis.  
 Sceptra, sed à prisco exemplum Varrone reposcis.  
 Pro Gallis stas Euagoras, transcendis Aratum  
 Consiliis, istoque volet gravis ore Pericles  
 Cecropidum pro gente loqui. mandata Solonis  
 Legibus antevenis, Musis pater Atticus audis,  
 Timoleonque novus captas clarescis ob urbes.  
 Singulis complecti cuperem, tot nomina restit  
 Virtutumque choros, nisi se densissima nobis  
 Factorum offerret series, laudumque tuarum  
 Diluvio obruerer. Magni post funera Regis,  
 Iactatumque diu non uno Praside regnum,  
 Tu regni ancipites casus & pondera nitu  
 Librasti, Dux magne, tuo. tunc fixa pependit  
 Gallia nec dubiis tuubarit Celta sub astris,  
 Et sibi mutatas sub te non sensit habenas.  
 Cumque truces motus ruituro culmine rerum  
 Turbida tentaret novitas, tu nasceris autor  
 Pacis & adversas acies cognataque signa  
 Bellaque sublevis componis partibus unis.  
 Gaudebant gladios Pietas exuta feroces,  
 Majestasque simul. venerandaque nomina claro  
 Federe concilias; & quos natura ligavit,  
 Conditione ligas placida, ne tuisque benignè.  
 Tunc Solem toti radiis melioribus orbi  
 Illuxisse ferunt. tunc junctis Gratia palmis;  
 Creditur obversas blande adspectasse sorores,  
 Et cunctos sociasse Deos, cum Pallade Cyprin,  
 Mulciberum Phœbumque & te Neptune Minerva,  
 Junonemque Iovi summo. quin mellea passim  
 Flumina defluxere jugis & montibus altis  
 Mana vere nives tepida. tunc undique letum  
 Extulit os, nitidisque caput velata coronis,  
 Certatim positas lites Europa probavit.  
 Per te tuta stetit nullis Cassilla fatiscens.

Vnibus, agnovitque tua molimina mentis  
 Dux Ligur & longi in Batavis encomia belli  
 Condidit & vestro moriens submitit honori.  
 Illa suis animosa malis, tot fulmina Martis  
 Insultusque in victa tulit, nec cessit Ibero  
 Ferrea, & Eridani per stagna loquacia fama  
 Crevit & armorum late terrore triumphat.  
 Te Duce, Marvortis domus & circumdata centum  
 Turribus & Regum torres subducta furori,  
 Cujus Santonici pulsant bellacia fluctus  
 Littora, cui robur dederant & nomina rupes,  
 Clara truci Rupella fame, placabilis audit,  
 Et Domino mansueti suo. cum Tethye bellum  
 Gessisti, & tumidum straxisti montibus aquor,  
 Et sylvis trabibusque & toto Aquilone profundum.  
 Implesti & querulam domuisti belliger urbem,  
 Incubus Oceani ingentis. sic Cecropis arces,  
 Ostiaque irati clausisti Sparta Pyrae,  
 Et Lybicos victor tenuisti Regule portus.  
 Sic, Pellae, Tyrum congestis molibus olim,  
 Et Pelusiacas vicisti puppibus urbes.  
 Igni vomae periere rates & missa Britanno  
 Auxilia & triplici subnixi potentia scepro.  
 Claustra mari metuentia paras, & tramine longo  
 Damnatis diuinis spaciosum Nerea, Princeps,  
 Ciuibus, incertis que doces immanibus ipsam  
 Subdere Neptuni rabiem. contracta stupebat  
 Aequora terribilis Triton, captiva teneri  
 Atria Nerëidum, & famulantes regibus undas.  
 Cum Tarteessiaci gemeret desueta Philippi  
 Imperia & fasces indignaretur Iberos  
 Rhatus & Hesperium vallis Tellina tribunal,  
 Vindice te, castrisque tuis, Lodovice, recepta  
 est,  
 Atque asserta sibi. libertas reddita cunctis  
 Te dixit scripsitque patrem. sub sidere brumae

Iussi.



Iussibus, & rabidi ferali luce Leonis  
 Eminus arma moves, absensque in milite pugnas.  
 Non aliter, quàm cum Superos invaderet audax  
 Titanum furor & montes inferret Olympo,  
 Absuit à pugna coeli regnator, at unus  
 Praescripsit faciendâ Dîs. Vos dicite valles,  
 Bormio, & unanimis communi lege Clavenna,  
 Quique bibis Larios latices fontemque Padusa,  
 Quàm tua Plessiacus tutarit federa Nestor,  
 Oppida quot viastasque iterum de vicere urbes,  
 Borbonio rectore potens. cum Sequana longè  
 Signa per Insuabricos ferret vittricia campos,  
 Cottisque innumeras stupuerunt culmina lauros.  
 Tu quoque Pyrenæ propior nimboſa Beærne  
 Accedis tantis titulis, portasque recludis,  
 Ægra licet, paterisque sacris succedere sacra.  
 Nec Te terrisonis Tameſis cataphractus in armis  
 Terruit, & pulchro, Richeli, ductore trivemes.  
 Insula cum misſo Reace populata Britanno,  
 Ignavas acies timidumque agnosceret hostem.  
 Fît fuga, partem haurit gladius, pars mergitur ur-  
 dis,

Et pugnant pro Rege tuo fluctusque manusque  
 Et vada, & in nuda moriens ridetur arena  
 Albion & laceras deplorat mœſta carinas.  
 Et tu carminibus nostris, Albane, manebis,  
 Reddite Francorum dominis, discesque coronis  
 Æternam debere fidem. cur dispare cultus  
 Diffidis soliis? cur tunc parere recusas,  
 Cum fas est tibi sceptra coli? cur Casaris ontne  
 Quod fuit, huic soluisse grave est; quod Numinis, illi?  
 Heu nimium ignaræ mentes. terrasque Deosque  
 Concutit inconsulta fides, nimiumque dolori  
 Indulget vis sacra suo. mansuescere nescit,  
 Cum Rex aqua petit. species præstenditur armis,  
 Et regnare cupit Pietas, laterique potentum

Personata latus jungit, divisaque sceptris  
 Sceptra volet. raro sortis securam suorum,  
 Quam cum se totam clypeis involvit & ipsum  
 Ære Deum. sed enim, minus hunc defendere ferro  
 Relligio, plus mente jubet. probitate tenetur,  
 Non vallis, meliusque orbi splendet inermis.  
 Ista Cebennates populi, qui rupibus altis  
 Vivitis, hac eadem vicina discite gentes,  
 Delphinique patres & qui sapuistis Aleres,  
 Et Septemmaniæ proceres, quos lenius astrum  
 Adspexit, Regisque pios clementia fecit.

Quis castris aderat pernox, cum jura Niverni  
 Affereres, Rex magne, Ducis? cum signa per Alpes  
 Gallica ductares Princeps, inopinaque in ipsis  
 Insubria fremerent horrentia classica portis,  
 Et subito ruptis patuit Segusia claustris?  
 Hic Arimandus erat. galea qui saepe rigentes  
 Sustinuit potare nives, diffringere forti  
 Saxa fame, calcare gelu, dominasque cohortes  
 Taurinis inferre jugis. cecidere phalanges  
 Hispanaque Italaque & quas conscripserat Ister,  
 Quasque Savus Dravusque ferox & proxima bello  
 Parthenope & parens alienis Insuber armis.  
 Ferraci cedunt montes iterumque soluta est  
 Rigomagum, tumidasque minas Regumque Du-  
 Altior elusit, dominumque invicta recepit. (cumque  
 Interea, dum dissidiis feralibus aula  
 Scinditur, & faciunt regum de sanguine partes,  
 Invidiaque comes scelerata calumnia belli  
 Quassat sava facem, mediisque incendia gliscunt  
 Visceribus patriæ. & tempestas horrida Franco  
 Incubat; Herculeis gliscentem viribus Hydram  
 Conficis & magno viduatum vindice vulgus,  
 Castraque dissolvit victor. tum sanguine claro  
 Irrubuit Nemesis, pœnaque assertus in una  
 Majestatis apex, fama mendacia risit.



Sub pedibusq; Stygem scelerum & Phlegetontis ini-  
Murmura latratuſque ſui formidine preſſit. (quò  
Spreta Ducis fortuna fuit, dum ſumma laborat  
Regis, & exempta eſt rabies armata favori,  
Borbonio cognata licet. cum ſtemmate certat  
Gallorum prælatuſ amor. cum publica ſalva eſt,  
Negligitur privata ſaluſ; capitique propinquo  
Decedit præciuſ, ſolum ut Regale ſuperſit.

Quo vatem, Dux celſe rapis, Phœbumque Deaſq;  
Præcones tantorum operum? quàm ſinibus ingens  
Gallia diſtrahitur, veſtrarum maxima laudum  
Intervalla patent. decori nunc incitat undas  
Clarus Arar Rhodanuſq; tuo. nunc ripa Garumna  
Officiis Rhenuſque tuiſ & Matrona longè  
Perſtrepit & cunctis Ligeriſ clareſciſ in oriſ.  
Te Iura reſonant montes Lotharique loquuntur  
Oppida Nancejuſque potens, & Lilia portis  
Succreſcunt, Burgundè, tuiſ. imuere Vezuntii  
Mœnia & excelsa fecundi Dubidiſ arcèſ,  
Mombosiuſ Cromaruſque & caſtra invicta Mo-  
Vercella veteres & quod ſe vallibuſ abdit (roti,  
Pontarluſ, Iuriſque favens nutricula Dolæ,  
Inque altiſ Nozoretha jugiſ. hæc agmina duxi  
Francorumque manuſ, nec tot ſatiata trophæiſ  
Signa, nec Auguſtum victrix Bellona ſefellit.  
Non aliud Trevir columen preſſuſque Moſella  
Repperit. afflicta ſubvenit purpura mitra,  
Et ſacro pro jure ſtetit, nil Caſariſ ira,  
Nil Bavari pavefaſta manu, cui rapta nepoti  
Sceptra Palatino offenſuſ tranſcripſerat Iſter.  
Eſt, ubi monticolam exercet Bellona Sabaudum,  
Contemptriſque priuſ ſe ſubdidit In vreaſ ſceptriſ,  
Allobrogumque acieſ & concurſata faceſſunt  
Agmina & Hiſpana Regi ceſſere phalangiſ.  
Dum miſera aſſiduſ teritur Germania belliſ,  
Armaque Vandaliſ glifcunt inimica per agroſ,

Dum

Dum pulsi fugere Duces, Regisque creati  
 Sors labat & prisca dapifer sanctissima Bulla  
 Nomina spreta dolet, terris excussus avitis:  
 Dum vindex Gustavus adest & Martius ensem  
 Per Viadrum Nicrumq; rotat, Rhenumq; bicornem  
 Cornibus infractis adeo mansuescere cogit,  
 Ut sacros renuat veneranda Moguntia fasces,  
 Noricus ignoret dominum, Nemetumque colonus  
 Excussum repetat, meliorque affulgeat orbi  
 Imperii surgentis honos: Tu consulis Arcto,  
 Federibusque tuis Sueonum suffulta triumphat  
 Gloria, & in medio dum quarit pabula Rheno,  
 Mœnum Finnius equus bibit & se Lappio Nicro  
 Proluit & Borea lavit carpenta Visurgis.  
 Quod cecidit Friburga, tuum est. te forte Brisacum  
 Credimus expugnasse manu, totiesque feroces  
 Pannonia pepulisse acies; cum Saxona clarum  
 Ære juvas, grandisque aperis araria census.  
 Tunc gaudere suis visa est Alemannia fatis,  
 Et desperatam, per te sperare salutem.  
 Cum Gallo patuere via, quibus omnis eunti  
 Terra per hostiles diffudit castra recessus,  
 Laxavitque fores & claustra in viâta patentis  
 Imperii, Austriacæque domos & regna coronæ.  
 Nos quoque, dum pactis Ludovico jungimur,  
 acres

Imus in Hesperiam & magnis sua regna Philippis  
 Concutimus, quæ spectat Eos, quæ Vesper inumbrat,  
 Afer habet cultorque Asia, quæ flumine Scaldis  
 Irrigat & Vahalis bellax & Mosa cruentis  
 Lambit aquis. lacerata tecum pugnamus amore  
 Europa, paribusque animis lassamus Iberum,  
 Et Belgæ decus asserimus. Dixematæ Iusti  
 Principis irradiant, te suffragante, Bataulim  
 Vnanimis augusta Patres. sic vincimus unâ,  
 Et toties lauros pariter, famamque meremur.



Et vos Atrebatum portæ & delibra Vedasti,  
 Austriaco subducta, novis assuescite iussis,  
 Et Franco jurate fidem. dispungite valvis  
 Omina scripta diu & voces delete superbas.  
 Spongia Plessiaci est. animos dum tollitis, unus  
 Dux vinci vos posse docet. Rex vincit, & illud  
 Iam fecit, quod vos fieri potuisse negastis.  
 Non aliis labor Hædino & subnascitur Ære.  
 Alternis concussa cadunt, fastisque secundis  
 Et gestis signant cunctos illustribus annos,  
 Quid memorem maris exuvias & viâ sub ipsis  
 Oppida littoribus? senserunt classica duri  
 Vascones, & Calpen ultra tua rostra superbam  
 Tarracona premunt portusque indagine cingunt.  
 Nunc Bassaa ruit, Morinumque infesta minatur  
 Finibus. haud alia est valida fortuna Bapama.  
 Prævenit hic Martem Marvors, citiusque subactam  
 Quam cinctam se celsa videt. dolet Insula in ipsis  
 Improvisa sibi flagrare incendia portis.  
 Nec minus Ausoniis crescis bellator in oris,  
 Disjunctisque labat Conæi fiducia muris.  
 Si jactare tuos, Romano more, labores,  
 Et cuperes hos saxa loqui, memorare colossos;  
 Certarent terra & pelagus; pax, bella; paremque  
 Astra a rigor & ferret clementia laudem.  
 Mars Alemannorum strages ostenderet, illic  
 Pax tibi devictas uniret federe gentes.  
 Hic iret fraëlis Tamesina ferocia transtris,  
 Illic pacifera ramos monstraret olive  
 Gallia, Bullionæ, tibi. mitesceret illic  
 Abjeclisque libens generosi Bearnia gasis  
 Plauderet, attritusque fame tibi Santo salutem  
 Deberet. traheret victas post terga cohortes  
 Rhetus, captivosque lacus montesque dicaret.  
 Hic It ali domiis plorarent urbibus amnes.  
 Inde catenatis gemeret Germania ripis.

At laudum fama que satur plaususque tuorum,  
 Magna mente fugis decoris spectacula tanti,  
 Et Patriæ magis esse bonus, quam dicier, optas.  
 Quæ facis, auspiciis peragis regalibus; & dum  
 Rex hæc ipsa iubet, tu conficis. imperat ille,  
 Quæ vigil exequeris. splendent regiæ latè  
 Atria, tu lucem præbes. sua gloria regi est,  
 Sed labor obsequiumque tuum. majora mereris,  
 Non petis. inque animis hominû succrescere inavis.  
 Quam pompa fastuque frui. qui corporis adstet  
 Ingreditur miles, non te modo protegit unum.  
 Sed Regem civesque omnes custodit in uno.  
 Non timor ille tuus; regni est custodia, Princeps.  
 Sat securus abit, quem mens innoxia cœlo  
 Approbat. asseruat non te, sed sceptræ satelles;  
 Quique tibi præeunt, præeunt tot gentibus enses.  
 Detulit Armoricos Regis tibi gratia fasces.  
 Hinc mare prospectas circum tua littora rector,  
 Quæ ferus insedit Saxo. te Redonis Abbas,  
 Mitraque Nannetum colit & quæ Blavia ponto  
 Cingitur & propria fiuntur tot in xniæ lingua.  
 Inter castra tubasque, Deum, Celsissime, curas,  
 Et Superum delubra beas. disponis honorum  
 Officiumque gradus. quin jam fidentius audet  
 Te tutore loqui pulchro Sorbonæ Lycæo.  
 Tollitur alta domus, quantumque scientiæ terris  
 Emicat, instaurata nitet; testisque perennis  
 Tanti Curatoris erit, sacrumque Minervæ  
 Limen & æterna saxum memorabile fama.  
 Galliæ factorum patet area. tota theatrum  
 Consilium Europa patet. sed Palladis aula  
 Doctrinæ meritisque tuis subsellia pandit,  
 Ut quicquid prælustre facis, describat in istis  
 Porticibus narretque diu. fortissime Ductor,  
 Quantam venturi præbes virtutibus ævi  
 Materiam. quoties memor hæc miracula volvet



Posteritas, nomenque tuum pratoria tollent,  
 Curia, Pierique lares, fastigia, turres,  
 Et quicquid sublime tuis surrexit in annis.  
 Obstrepat invidia murmur, marcescere nescis.  
 Insurgat gravis ambitio, succumbere nescis  
 Altior, inuisas acuat teterrima linguas  
 Impietas, vitâ jugulas. discordia gliscat,  
 Arbiter es pacis. regni conuellat habenas  
 Perfidus, hunc poenis subigis. suprema minetur  
 Fata furor, tu victor ovas, gladiosque merendo  
 Obtundis frangisque ipsis latronibus iras.

Quid stupeam primum Richeli? quod fraudibus,  
 Pluribus obstiteris? quod nil terrore locutus (Heros,  
 Indignum solius fueris? responsa quod unus  
 Conciliis dederis, quæ mox effecta probasti?  
 Muniris Patrum studiis. tibi vota Senatus  
 Prona facit. defensa vocat te terra parentem,  
 Osque sacrum colit & sculpto veneratur in auro.  
 Os illud, cuius regitur nunc sensibus orbis,  
 Os illud, cuius loquitur facundia, quicquid  
 Vitale finitimis, quicquid pro lege salubre est,  
 Pro populo, pro Rege suo. tibi detulit ultro  
 Rex fasces, voluitque loqui. vocat ille ministrum  
 Immensusque operis socium. nil perdit honoris,  
 Qui tecum crevisse videt sua regna. minorque  
 Non sibi spectatur, qui per te maximus audit.  
 Haud alio celebrem Pharamundum vindice quon-  
 Et Calvos regnasse reor. sub iudice tali (dam  
 Ausoniam Gothicis exolvit Gallia sceptris,  
 Et Magnos vexit Carolos. Merovæa propago,  
 Et tanto illustris fuit oratore Capetus.  
 Nonne vides, quoties magna stipante caterva  
 Ingredieris, tibi tot populos, tot surgere gentes,  
 Tot patres matresque loqui prosperrima: latum  
 Illuxisse diem Gallis, quo regia clavo  
 Admovit te cura suo, quassamque procellis

Flexisti

Flexisti ratione ratem. circumspice sedes,  
 Quas habitas, quantis spaciis diduxeris illas,  
 Quantum profueris. passim metire triumphos,  
 Et lauros aliis in finibus. amplior exit  
 Majestas. postquam centum sibi subdidit urbes,  
 Ivit in Aufrasiæ colles, Morinisque propinquit  
 Terribilis, Rheni posuit sub fonte cohortes,  
 Et sua Burgundis cumulavitserta trophæis.  
 Non alium domiis se thyrsiger Evius Indis  
 Ostendit, Graiumque exceptus plausibus olim  
 Obsequioque fuit. non sic se maxima Delos,  
 Non Tenedos, non Delphorum movere caverna.  
 Adventu propiore Dei. tibi quisque rependit,  
 Quod tranquillus agat, quod in uno Rege salutis  
 Deponat momenta sua. tu voce diserta,  
 Privatis etiam loqueris, populosque Deosque  
 Terrarum, alloquus solaris; & omnibus illud  
 Respondes, quod quemque decet fecisse. serena  
 Fronte tibi grates dicit Tagus. excipit illas  
 Barcellona, tuoque potens jam milite, termit  
 Hesperiam. laudant operas sibi reddita per te  
 Rura Padi, civesque gravi obsidione solvi,  
 Concordisque Patres Belgæ. Tibi Gallia stringit  
 Prima comam, gestitque suo dare basia patri,  
 Quo securaviget. nec lit Braccata corollas,  
 Et decorat sublime caput, quo praside rerum.  
 Audet diductis tibi nunc occurrere portis,  
 Amplectique suum. donis altaria pingit  
 Illa togas induta parens, in montibus aliis  
 Armandum resonans, Armandū in vallibus imis,  
 Inter Hamadryadum choreas, Faunosque trucesque  
 Monticolas strumasque graves. crystalla liquefcunt  
 Includuntque suis Richeli præconia guttis,  
 Ingentesque lacus eadem cognomina tollunt,  
 Et totum belli complet fortuna Lemannum.  
 Narbo mella legit, donant sua marmora rupes,



Quæ referant exculpta Ducē, tibi grande trophæum  
 Bellipotens. fundunt facundum regna Lyæum,  
 Et cupiunt te vna loqui. tibi surgit in agris  
 Et fruges fert lata Ceres, & vecta per auras  
 Fœcundas Patri Patria suspendit aristas.  
 Quæ dictæ quondam tres amisere sorores,  
 Restituis. rursusque movet generosa lacertos  
 Natio. diffusum Patriæ, te sospite, corpus  
 Se reparat, pulchræque tuis juvenescit habenis.  
 Alpium per te jam supputat aula tributum.  
 A Flandro vectigal habes. redeunte colono,  
 Elsatice consuetæ ferunt stipendia terra,  
 Devictoque tuus miles saturatur ab hoste.  
 Concurrunt ad vota Schola facunda Cadomi  
 Porticus, Andegavique domus, Biturixq; disertum  
 Os aperit. cunctas sacrat tibi Picto Camœnas,  
 Aureliaque tuis incumbunt laudibus arces,  
 Et sua Burdigala Pallas subsellia claris  
 Occupat ingenii. nec te tacuere Tolosa  
 Pulvita, præcellensque suis Sorbonæ magistris.  
 Iamque augusta novis sudant tibi præla ministris,  
 Et fervent doctorum opera, sacrique labores,  
 Quæque legant seri Patrum decreta nepotes,  
 Et veterum leges longum cuduntur in ævum.  
 Annuit humano, Princeps, cœleste favori  
 Arbitrium, Martique favet clementior ather.  
 Omnia difficiles avertunt sidera casus.  
 Si qua nocent, istis sapiens te subtrahis astris.  
 Qui vellent nocuisse, ruunt. hebet omnibus ensis,  
 Quem stringit violata fides, Regique negatus,  
 Qui fuerat juratus, amor. fugientibus aquor  
 Sternitur, & miseri externa ringuntur arena,  
 Et fraudes fraudumque omnes patuere magistri,  
 Et qui restiterant, gaudent parere lubentes.  
 Fare age, num talem jactes genuisse fovendis  
 Francia Principibus? credas ex athere lapsum

Subve-

Subvenisse Ducem sceptris. non Gracia mendax,  
 Quem componat, habet. non talem partibus ullis  
 Romana cecinere tuba. si prisca revolvat,  
 Si proavos, hos illustri de sanguine clarus  
 Pictō dedit, thalamisque augustis nexuit aula.  
 Qui genitor, Regum custos fuit, affecta Martis,  
 Grande patrociniū Turoni, memorabile bello  
 Nomen. ut hos titulos, quos possidet, occupet hares.  
 Non mutat fortuna domum, sed fixa per omnes  
 Processit sine labe gradus. quemcunque reposces,  
 Nobilitas virtusque beant. succedit honori,  
 Quem canimus, factisq; nepos. quem nulla vetustas  
 Diluet, aut series seclorum longa silebit.  
 Sic nasci, minus esse putat. nec supputat annos,  
 Quos non decurrit meritis. hoc aestimat ævi,  
 Quod patria sibi poscit honos. ubi regna laborant,  
 Assertoris obit partes, & gloria regum  
 Illius est. nec libertas majore triumphat  
 Vindice, & hoc ipso majestas tutā sub astro est,

Proxime Dis, Lodovice pater, qui prospicis orbi,  
 Cujus belligeros toties victoria curvus  
 Ambit, & fulgent rerum splendore jugales,  
 Cui nomen dedit alma Themis, Marvortia ferrum  
 Vis acuit, Pallasque suam Dea concutit hastam,  
 Obvertitque tuis adversam irata Medusam  
 Hostibus, o pacis bellique invicte sequester,  
 Arbiter Europa; patriis virtutibus ævum  
 In seros extende dies; nec desine nobis  
 Esse pater, restorque tuis; dum magnus in ære  
 Sic stabit pater & fodiet calcareibus armos  
 Bellatoris equi, & medio spectacula ponte  
 Ista perennabunt. succrescant regia patri  
 Pignora Borbonique duo, munimina grandis  
 Imperii, geminaeque arces, turreaque salutis,  
 Fulcraque cunctorum. Richeli mirari laborem,  
 Et salva tantum Rex majestate parentem,



Et sacrum venerare caput. vacat illa senectus  
 Tota tibi. canis robur tibi sumis ab istis,  
 Et macies hac ipsa tua sors lata tiara est.  
 Hunc serva Martis clypeum, quo seस्पite victor  
 Pugnasti toties, toties in vertice turres  
 Atque arces fulsere tuo, disruptaque ferro  
 Moenia; quo duce tot populos submittere fasces  
 Vidimus, immensasque tibi subsidere valles.  
 Custodi Gallorum oculum, qui civibus unus  
 Pluribus invigilat pernox, venerabile sancti  
 Ordinis os dignumque decus, spectata potestas  
 Consilio, & vestro pollens facundia nutu.  
 Vivis in hoc custode tui, peragisque potenter  
 Hoc, quodcunque jubes. sic te reverentia sceptri  
 Evehit, Armandumque fides. dumque ocia poscis  
 Fortè tibi, pro te mens indefessa laborat.

Tuque adeò, seu jam venturis motibus exis  
 Obvius, ante venis que mali, Dux inclyte, causas,  
 Sive animum, Richeli, per tot presentia ducis,  
 Iam vitiiis leges opponens turpibus aquas,  
 Iam castris alimenta parans, jam federa neclens,  
 Iam responsa ferens, jam vectigalia poscens,  
 Robora regnantum, & pugnantis pramia dextra;  
 Sis felix, vi vasque diu, preciumque laborum  
 Immortale refer, terramque applausibus imple.  
 Hac laudis mensura tua est. post funera, summis  
 Addere sideribus sidus. Tibi cedit Orion  
 Ensifer, & gladius condet victricibus astrum,  
 Queis defensa salus Regi stetit. ille ferarum  
 Monstrorumque potens domitor Tiryntius ignes  
 Contrahet abscondetque tuis. trux agida Perseus  
 Submittet, Cepheusque sua cum conjugè iussi  
 Decedent, Armande, loco. te stella Bootæ,  
 Atque Ariadna meliori luce corona  
 Ostendent. quocunque feres, fortissime, gressum,  
 Inter semideum fulgens gradieris honores,

Heroum.

Heronumque exempla senex. hic aethere ab alto,  
 Sape gemiscentem sublato vindice Gallum  
 Adspicies, terrasque tuas. ubi murice splendens  
 Aërias Alpes ultra Tarnumque Padumque  
 Ivisi bellator ovans. ubi miles Iberus  
 Ligurum formidat ebur, tot bella secundis  
 Pressæ resederunt bellis, ubi frenduit Auson,  
 Celta Palatino succurrit; Matrona Rheno,  
 Et Rhodanus Batavis; ubi fractis coelitus armis  
 Effera regales timuerunt collæ secures,  
 Et pax Plessiacum Superis transcribet inermem.

In Adventum Serenissimæ Reginae MARIÆ,  
 Britannia, Scotia, & Hibernia Reginae

## GRATVLATIO.

**A**ltera jam nostris mater Berecynthia terris  
 Cernitur, & Regum præbent spectacula nuptæ.  
 Nil facimus vulgare. Deas nataeque Deorum  
 Excipimus, Batavisque favent clarissima mundi  
 Lumina. sceptrifero rursus splendescimus ostro,  
 Purpuraque imperiis se bellatricibus offert,  
 Et Tamesina Duci Majestas obtigit hospes.  
 Prò Superi, quanti vultus, quæ sidera Belgas  
 Irradiant! quantis ad nos descendit Olympus  
 Ignibus, aethereaque petunt declivis flamma.  
 Anne humiles repetunt coelestia numina terras?  
 Perque hominum gaudent iterum consortia summi  
 Ire Ioves: nostraque patent Iunonibus aula?  
 Illa Iovis Druidum soror est, conjuxque Bri-  
 tanni,  
 Et Tartessiaco thalamis annexa Philippo.  
 Illa suis Cimbrum jungit didemata sceptris  
 Neptis & Allobrogum tangit germana cubile  
 Europa prælustre jubar. quocumque tuetur,  
 Regna videt cognata suis, dilecta que regum



Nomina, vicinumque suo de sanguine passim  
 Spectat ebur. Magni fortunatissima Regis  
 Filia, Borbonica germen sublime tiara,  
 Hoc stas, Diva, loco. Tethys unde omnibus undis  
 Natura dispertit opes, & munera Divum  
 Colligit & totum mittit spacioſa per orbem.  
 Hic emitur, quidquid rerum est. si ſufficit emptor,  
 Hic mundus venalis erit. nos accipit Arctos,  
 Nos Thule, nos extrema, quæ tranſtra vagantur,  
 Orcades, egeſidæque vident in ſinibus Vrſæ  
 Hebrides & pandis ardens fornacibus Heda.  
 Hic merces, Regina, tuas, hic dona tuorum  
 Diſtrahimus. jam ſulphureis quam Scotia mittit,  
 Materiam truculenta globis. jam fulgida ſtanni  
 Pondera & è veſtris, Princeps exciſa metalla  
 Montibus, aut rutilo radiantes murice lanas,  
 Et tua quas donat ſegetes glaciſſis Ierne.  
 Sedibus his Indos petimus, Soliſque penates  
 Auroraque domum Auriaciſſimus armis.  
 Et terras portuſque tuis, Frederice, notamus  
 Nominibus. gaudentque tuo manſueſcere gentes  
 Numine, Naſſoviaque volant per odora phalanges  
 Rura Moluccarum. jungunt tua federa Gangen  
 Batavia & diti Vahalin connectis Hydaspis.

Magna parens Henrica, cupis devicta videre  
 Littora Pantagonum. ſurreptaque mœnia Phœbo  
 Exutaſque rates formidataſque Matanca,  
 Sub Belgæ ductore, manus? hic texta tapetis,  
 Hic tabulis depicta leges. vis bella tueri  
 Geſta mari, quæ ſe Herculeis Dux Belgicus auſis,  
 Intulit Heſperius clero Mavorte columnis,  
 Hic facti monumenta patent, victoris honores,  
 Et cineres tumuluſque Ducis. ſi, Maxima, geſtis  
 Cernere naſcentem mediis è fluctibus urbem,  
 Suffultaſque domos trabibus converſaque Faſſi  
 Culmina, nos hoc omne ſumus. portaris in undis,

Et tua Parrhasia librant vestigia silva,  
 Et calcas secura lacus. numerare triumphos  
 Si libet & domitum Solis sub curribus Afrum,  
 Attonitamque Peru, & Scythici discrimina ponti  
 Tentatumque gelu, jampridem victa Mallaccæ  
 Mœnia, percussam aurifero sub sidere Nigrum,  
 Æthiopumque domos & tot subducta Philippis  
 Oppida, quæ sorti possit tam grandia dextra,  
 Adspice Neptuni sobolem, dassesque ratesque,  
 Ingentis terrorem Asia regumque ruinas.

Regnatric, quàm te lætis comitatus euntem est  
 Vocibus Albionis populus, cum litore toto  
 Staret & unanimes votis favere Britanni.  
 Regnatric, quàm Te venientem lenior unda  
 Vexit & immenso thalamos & federa ponto  
 Personuit concha Triton & fausta iaris  
 Dixit, ut Æmonii properans ad limina Pelei  
 Sponsa Thetis, nullo turbari murmure fluctus  
 Sensit & à madidis accepit vatibus omen.

Venisti tandem. Tuque expectata Batavis  
 Nympha venis, nostrisque inferis regalia terris  
 Lumina, & innocuis arrides lenis ocellis  
 Auriaco, teneroque moram deposcis amanti.  
 Mox erit illa dies, cum te pollente juventa  
 Invadet matura Venus. tunc sanguine Regum  
 Nascetur nobis Belgæ defensor Achilles.  
 Qui face bellaces ferroque sequetur Iberos,  
 Et patria audaces abscondet casside vultus  
 Belliger, exacuetque truces mucronibus hastas  
 Martius, & quæ se condunt sub Vespere gazæ,  
 Ibit & Occidui latebras rimabitur auri.

Qualis in ore decor Mariæ! quam blanda veni  
 Quanta puellarem excellens reverentia sexum stas!  
 Majestate tegit! quàm fulgens purpura flammæ  
 Spirat & insontes radiis exuscitat ignes!  
 Sic ibat socias inter Dictynnæ sorores



Parvula, sic juvenem comitata est Porcia Brutum,  
Laodamia virum. sic primis excita tedis,  
Itala nascenti conjux colbusit Iulo.

Matris amor, genitoris amor, fratrumque voluptas,  
Auriaci crescentis amor, felicibus illum  
Auspiciis ordire diem, quo federa tecum  
Libertas Bata usque facit. quo federa tecum  
Nassovius Mavorisque facit. quo federa tecum  
Guilielmus, spes nostra, facit. qua lumina nuptis,  
Præradiant Patriæ. facibus, queis Sponsa coruscas,  
Dirigimur cives. non lecti cura duorum est,  
Cunctorum thorus est, cuncti servamur in illo.  
Quæ vos vincula, ligant omnes. jurastis in unum,  
Vobiscum jurasse libet. pepigistis amorem,  
Pangimus hunc pariter. vallos objecimus hosti;  
Pro vallibus nunc vestra Salus erit. annuit æther  
Conjugio, fructumque capit Respublicæ. nescit  
Disjungi, nec vestra fides, nec nostra. coimus  
Tot populi, salvi que sumus complexibus omnes.  
Iam propius nos Scotus amat. plus jungimur illi.  
Et propius nos Anglus amat. plus jungimur illi.  
Plus Hibernus amat, nam plus unimur & illi.

O Patriæ communis amor, quæ basia figis,  
Septemplex quoque terra capit. quæ blandula torques  
Lumina, cognatus circum te gentibus offers.  
Quæ loqueris, cedunt cunctis solatia terris.  
Quæ facies, fessis promittunt otia terris.

Crescite Nassovii, rectores crescite Chauci,  
Auriacoque duces alios donate parenti.  
Crescite Nassovia, & victor cum castra maritus  
Solvat & occurras bellaci nupta Camillo,  
Insere basiolum galeæ, cristamque minacem  
Mulce lata manu, & Martis post horrida saluum  
Prælia, dilatæ Veneris meminisse, iubeto.

## GALLIA PLORANS,

Sive Laudatio Funebris, Eminen-  
tissimi Cardinalis,ARMANDI IOANNIS  
PLESSIACI,

Richelii Ducis, Gallix Paris, &amp;c.

## A D R E G E M.

**E**Xulimus Richeli exuvias, & grande cadaver  
 Vrna capit. vastos mens circumvolvitur axes,  
 Et vivit secura sibi. quo sospite visa est  
 Erexisse caput bellatrix Gallia, moeret  
 Exanimi, luctusque suos afflicta dolori  
 Permiscet, Rex Magne, tuo. mœstissima busto  
 Ingemit, illustrique dolens Europa sepulchro  
 Incubat, & totam hoc credit se funere condi.  
 Hic Orbis, quod ploret, habet. quin forsitan ipsos  
 Tangit causa Deos. cuius pugnavit Olympus  
 Consiliis; numenque tuum, cur flere recusent.  
 Lilia pallefcunt. pallet tibi purpura. regni  
 Hoc tumulo subsidit ebur. fortuna ruinam  
 Publica, sed frustra, incolumi Te Rege, minatur.  
 Sic, ubi cervicem fessam subduceret Atlas  
 Orbibus, ingentis timuit sibi machina mundi,  
 Et pavidis horrens trepidavit Signifer astris.  
 Ecce suis, LODOVICE pater, delubra moventur  
 Sedibus & summis nutant fastigia templis,  
 Et sacri plangunt apices. cur? vindice tanto  
 Inconcussa stetit Pietas spectataque terris  
 Majestas veneranda Delm. palatia, turres,  
 Et tot testa Ducum squallent. stant limine taxi,  
 Funerea sive adolet victrix Bellona cypressos,

Et



Et Marti facit inferias. vix balthæus ensem  
 Sustinet, in vesperis miles tuus ambulat hasta,  
 Attonitæque trahunt Mavortia castra phalanges,  
 Imperio viduata suo. non aquora Tiphyn,  
 Non ultra Neptunus habet. quassata carina est,  
 Antenneque forique gemunt, præscosque rudentes  
 Invidæ dissolvit Lachesis, nudumque tiaris  
 Remigio latus ostentat quò maxime Regis  
 Assertor, quò Nestor abis? qua fata feroces  
 Portendunt terris Superi? quo perdimur astro?  
 Qua nos culpa reos cælo facit? occidit, eheu,  
 Francorum prælustre jubar. quo sidere Belgæ  
 Crevimus, adverso rabies decessit Ibero,  
 Effera vis Aquilis, Albis concussus & Ister,  
 Fracta procul Rheno sua cornua, territa Calpe,  
 Perfossæ gladiis Alpes, superata Pyrene,  
 Excussi portarum obices, caesæque cohortes,  
 Pacatumque fuit non unum classibus æquor.  
 Non cupio plorare meæ dispendia sortis  
 Solus. ad exequias non te modò Gallia posco,  
 Non solos Latii Dominos, non proxima regna  
 Allobrogum. non tu lachrymis hæc funera tantum  
 Rhatia, non vestras immergas fletibus urbes  
 Insuber. hinc mœere, claro cum Casare pugnans,  
 Vindicias, Germane, tuas. incumbere feretro  
 Atrebas, Elsatice manent è montibus undæ,  
 Tu lugens accede Nicer, civisque Nemetum,  
 Vangionumque Deus, & magnis exordia bellis  
 Qui Trevir causasque dabas. dimittite vultus  
 Ad claros cineres Batavi. Capisolia luctus  
 Pars habeat, Romaque velis, Urbane, potentis  
 Conciliū flevisse patrem: sanctique Senatus  
 Ordinis, æthereæ quem deo vere Columba  
 Et cæleste Deo Flamen, suspiria nostris  
 Iunge precor. vestri decus indelebile cœtus  
 Exiit hos moriens titulos, majorque Tonanti

Adspicitur. tuque ô Regis servate triumphis,  
 Tolle rogam, Catalaune, tuisque inscribe verendum  
 Porticibus Richeli nomen, cineresque beatos  
 Autoremque tua supplex venerare salutis.  
 Ite gemiscentes pariter. sit præfoca tellus  
 Qualibet. & quantum cuivis concessit honoris;  
 Reddite defuncti tumulo. Vos ordine cuncti  
 Plangite, funereamque dolens dum Sequana pom-  
 Ducit & Heroum precedunt agmina tardis (pam  
 Passibus, hanc terra venerandam Principis umbram  
 Condite, at indigetes Divis adscribite manes.  
 Vox peregrina sequar Gallos, fluctusque per ipsos  
 Ibo comes Ducibus magnis, interque disertas  
 Elinguis proh nostra Ducem facundia gentes  
 Efforet, & poterit sic non ingrata videri.

Te primum, Lodovice, piis miserescere fatis  
 Fas erit & celebrem gemitu decorare supremo  
 Plethiacum. populi cinctus tot millibus, unus (tus :  
 Crederis hæc Richeli ad tumulum, me Vate, locu-  
 Quàm sua sunt regnis incommoda. plurima Reges  
 Et facimus patimurque. quatit discordia cives  
 Diversosque rapit; nunc terris incubat hostis;  
 Nunc miseris gravis annona est; vel livor inerrat  
 Pectoribus studiisque Ducum; vel, robora belli,  
 Destituunt querulem lachrymosa ex aria Martem.  
 His secura malis, dudum mea Gallia latum  
 Extulit os. compressa silet non una potentium  
 Seditio, promissa tulit stipendia Mavors,  
 Expulimus terris hestem, solatia civi  
 Sufficit alma Ceres & amici gratia Bacchi.  
 Omnis in extincto dolor est jam Principe. sceptre  
 Curator vindexque mei, consorsque laborum,  
 Fatorum cadit imperio, & dum livida damnat  
 Secula & humana majus quid sorte meretur,  
 Absolvit se Rege suo, soliusque beatus  
 Expedi, & Reges alios meditatatur & aulas.



Non jam belligerum nostris sub vocibus Orbem  
 Flebit & augustis sese mens inclita curis  
 Applicat & solitis fulcit palatia jussis.  
 Non decreta Patrum summique edicta Senatus  
 Ponderat & cunctis absens presentibus adstat.  
 Deserimur rerum pelago, Palinure, Deorum  
 Quem mihi fatales clavo excussere procellæ.  
 Quam memini, cum me vario discrimine septium  
 Eriperes, Dux celse. tuis evasimus ausis  
 Conjuratorum furias cinerique dolo  
 Suppostas toties flammæ. mihi reddita per te  
 Sape fuit Pacis facies, meliusque serena  
 Fulsit Majestatis apex. cum posceret arma  
 Libertas aræque Deum, fundique Laresque,  
 Tu turmas, tu castra, Duces in bella ciebas,  
 Tu læges, tu jussa dabas; tu tempora Marti  
 Commoda, militiæque modos & præmia noras.  
 Tu vicinorum poteras molimina Regum,  
 Et motus aperire sagax: quid Cantaber ausit,  
 Quid male Pannonius tentet, quid Nervius audax,  
 Quid Ligur. omne tibi facinus fraudesque patebant,  
 Et vix auctori notum scelus. illa jubebas,  
 Quæ cives fas velle meos, sub Rege. vetabas,  
 Quæ cives fas nolle meos, me Rege. potestas  
 Quam tibi jus tribuit nostrum, concessa merenti est.  
 Dum dictas faciendæ, mihi dum consulis, à me  
 Consiliis suprema tuis mandata petebas,  
 Mox nutu mutanda meo. fecisse cavebas,  
 Quod nollem fecisse prior. momenta laboris  
 Cuncta tui, regalis erant præscripta corona.  
 Suadebas meliora mihi: calcare superbos,  
 Et veniam dare subjectis: præferre cubili  
 Publica & agnatæ seponere gentis amorem,  
 Maternosque sinus, dum rerum summa laborat.  
 Hæc tibi mens: nihil esse domi securius, armis  
 Quæ Bellona quatit foris. hinc ivisse per Afros,

Scipiam em; traxisse suos trans Bactra Pelasgos  
 Pellam. tunc bella premi civilia, cum me,  
 Cum Fortuna duces alio vocat: are iuvare  
 Arctos debere acies viresque retundi  
 Caesaris, irarum causas in Casare nondum  
 Delevisse diem: nimis successibus Istri,  
 Proxima Gallorum tremere & se tollere Batiam:  
 In Batavo multum esse rei, gentemque potentem  
 Plus bello, quam pace, frui, sordere remissum:  
 It aliam veteris servare insignia Galli,  
 Et repeti possessa prius: per Rhætica nobis  
 Saxa, viros, Martis socios & castra parari,  
 Arcerique jugis & amicis Vallibus hostem:  
 Principibus famam queri: spectare regentum  
 Dissidia & caute peregrinis litibus uti;  
 Adversis fractisque animos attollere rebus:  
 Dissimulare vices pravas: vulgique favorem  
 Sollicito frenare metu. sic quicquid agendum,  
 Omittendum etiam nobis, ratione monebas.  
 Utilitas tua nostra fuit. Te praeside, robur  
 Sensi Rex mihi grande dari, & se pulchrius ostri  
 Fini inis ostendit honos. venere triumpho  
 In numerum. se quaque novis successibus aetas  
 Extulit, Armandique aliquid dedit indole dignum.  
 Tu mihi, Dux, census, tu vedigalia, sceptris  
 Munimenta dabas. querulam comescere turbam,  
 Lenibus iratos studiis componere patres,  
 Officii fuit omne tui. Tu regna meorum,  
 Dispersosque Duces concordia pace ligabas,  
 Extera magnanimis firmabas federa pactis,  
 Maximaque imbelli frangebatur iurgia lecto.  
 Tu, cum membra senex traheres moribunda, feroxque;  
 Instaret Libi: in a tibi, languensque labansque,  
 Non langues in amore mei, & dum desinis orbi  
 posse loqui, loqueris Gallo facienda mihi que.  
 Agne Heros, si Patroclum ploravit Achilles,

Nesto-



Nestora cantati Atridæ, si Memmona mater  
Regia, si Cyneam Æacides, si Graja Periclem  
Terra, parentabo cineri, & regalibus urnam.  
Adspergam lachrymis, & cunctis Regibus illud  
Eloquar: haud similem sceptris genuisse priorum  
Secula, nec similem Regum sperare nepotes.

Dixerat hæc Druidum rector, visumque querenti  
Quassari gemitu solium, cum proxima Regi  
Ad bustum conversa Ducis, sic ora resolvit  
Gallia. non habitu, qualem decet esse serena,  
Sed totas lacerata genas, dispersa capillos:  
Qualis ad invicti narratur Caesaris olim  
Indoluisse rogam & Læia comes esse sorori:  
Illa ego, quæ dudum Hesperius erecta trophæis,  
Et laudum jam penè satur, post terga Philippos,  
Oppidaque Austriacis jam pridem erepta traheram;  
Ingredior funesta, gemens, in funere patris  
Custodisque mei. ni veis Victoria pennis  
Nuper adorando Lodovici Martia curru  
Sederat, electique ibant ad frena jugales,  
Et diffusa meos agitabant gaudia cives.  
Nunc misera in questus mater planctusque resolvor,  
Dumq; Ducis funus proprium contempior, & excors  
Subducor mihi, communis jaçtura parentem  
Et me seva rapit. tenebris involvor iisdem,  
Quæ nunc involvere Ducem. ceu nubila Solem  
Cum rapiunt fœdæque latet caligine cælum,  
Tota dolet natura & trisli conditur umbra.  
Sequans, qui pleno turges lachrymosus in alveo,  
Dic mihi, dic Batavo vati, qua clade fatiscam,  
Cui faciam jam justa viro. Vos pandite totum  
In laudes Heliconæ Deæ, mihi suffice fontes  
Phœbe tuos. si cuncta velim, si singula fari,  
Laudatrix potero vel tunc exsucca vocari.  
Ipsa dedi Armando patriam. sed reddidit illam  
Inanimem mihi, prælustrem tot fascibus, armis.

Terribilem, ditemque opibus. proavosque genusque  
 A Gallis arcessit avis. spectabilis aula  
 Majorum fortuna fuit. sed gesta suorum  
 Transcendit titulosque nepos. qui prima juventa  
 Ingressus spatia, immensus puer imbibit artes,  
 Præceptisque animum crescens implevit honestis.  
 Sive sacrosanctos illi Sapientia sensus  
 Panderet & totum cæli inflammaret amore  
 Relligionis amor, seu rerum pondera sensim  
 Præciperet, Regumque sagax adsuesceret ausis.  
 Qualis in Eois surgit felicior hortis  
 Arbor & in tenera promittit cinnama canna,  
 Et dites Arabum messes. stupet ipse colonus  
 Luxuriens laudatque sui incrementa laboris.  
 Quis tibi tunc dolor Impietas? cum staret ad aras  
 Plethiacus, populosque Deo, mortalia cælo  
 Iungeret, ignarisque viam monstraret Olympi,  
 Et Phlegethontæas pavidis averteret iras?  
 Sic sanctam me, Armande, facis. sed & esse potentem  
 Me cupis & diadema mea regale corona  
 Liliaque & nostri lætè diffundis odorem  
 Nominis, & magnis animis sub Rege capessis  
 Frena gubernator, totusque offeris honori.  
 Num discors essem studios, mediisque laterent  
 viscera visceribus contraria, & urbibus urbes,  
 Et partes faceret fidei sententia & audax  
 Arceret Regem pietas; tu Santonis arces  
 Expugnans bellumque undis indicis & urbi.  
 Omne cathenatum stabat mare. compede Tethyri  
 Trinxerat & tumidos Richeli solertia fluctus,  
 Terrarum metus & magni formido profundi.  
 Rupella mea est, & Regis creditur esse,  
 t paret mansuetæ mihi. clementia civem  
 eniit & multum pietas profecit inermis.  
 regimus Albani metuenda cacumina Montis,  
 laustraque Salmurii laudata modestia docti



Præsidis indulgit domino. Vir clare, sciebas  
 Imbellem præstare fidem & moderamine sancto  
 Posse Deo & pariter Regi parere minorem.  
 Egredia est fors nostra foras. transcendimus Alpes  
 Pænicosque apices. illic mihi subdita cessit  
 Insubria, ingentesque Padi defendimus arces,  
 Compositique Italùm proceres causaque Quiritum.  
 Parte aliâ, qua se Pyrenes horrida tollunt  
 Culmina, disruptis generosa Colivria portis  
 Conciat, & longos patiens Perpennæ labores.  
 Dum Regis nequicquam acies ad bella vocaret  
 Armataeque rates pelago. nunc omnis eunti  
 Terra patet milesque sinus grassatur in ipsos.  
 In Morinis adaperata via est. submitit habenas  
 Atrebatum, Hespino potior, prærupta Bapama  
 Gallus habet populisque metum bellacibus infert.  
 Quis Rheno dominum imposuit? quis forte Brisacum  
 Saxonis obsidio domuit? nos fecimus illud.  
 Insultusque truces & signa minantia signis  
 Contudimus. duce Plessiaco, mihi castra stetero  
 Per longas durata hyemes, Solesque tulere  
 Solstitioque graves Cancros, rabidosque Leones.  
 Quis malè connexos thalamos suspendit? in urbes  
 Detonuit, Lotharinge, tuas? timidoque Mosella  
 Instatit? & toties victor detriuit honori,  
 Infelix Burgunde, tuo? tibi, Rhetia felix,  
 Reddidit? Ille fuit. non ullo gloria seculo  
 Emicuit mea splendidius. nec pluribus unquam  
 Præsidis innixa steti. sum terror Ibero,  
 Finitimis tutela meis, solatia pressis  
 Præbeo, sum pacis peregrè armorumque sequestra,  
 Arbitra magnatum. Nunc raptum Gallia ploro,  
 Quem colui. quacunque mei sit causa doloris  
 Materies, sunt Plessiaca tot nomina laudis.  
 Nec solum mea rura, focos tutatus ab hoste est;  
 Debent plura Duci. debent delubra, laresque

Tecta que cœlicolum, turres, pratori, portus,  
 Et quicquid passim meliori fulget amictu,  
 Ostentatque Ducem terris, ductore sub illo  
 Surrexere Scholæ grandes, nitere penates:  
 Palladii Themidisque novis fulgoribus ades.  
 Auctus honos Phœbo est, cunctis sua commoda Ma-  
 Sorbonæque decus, cujus de limine sacro (sis,  
 Dogmata facundi fundunt cœlestia patres,  
 Et lites doctrina piæ exercet & anceps  
 Verum agitat famamque facit dicentis acumen.  
 Nec simplex dolor afflicta est. sum Gallia triplex,  
 Et triplici sic parte mei dispendia fati  
 Sentio & occasu venerandæ lampadis altum  
 Ingemo, dissolvoque Comam; discinctaque nigris  
 Ingredior matrona Togis. Braccata recentes  
 Luctibus obtundo applausus, tristesque jubebo  
 Narbonem Salicesque meos iterare tumultus.  
 Tu Ligeris, pavidis Neptuno occurre procellis,  
 Oceanoque patri defer mea nuntia. clama,  
 Restorem perisse maris dominumque Britanni  
 Equoris, & portus omnes afflige sinusque.  
 Tu Rhodane, Allobrogum qui per montosa vagaris,  
 Monticolas percelle tuos. dic ista Lemanno,  
 Ludit hoc Araris potor, rapidique Garumne  
 Tecola, qui que bibunt Isaram, laticesque Druentis,  
 Et Dubin, Italumque aliis se rupibus abdunt,  
 Nulla meos usquam recreent spectacula cives,  
 Amphitheatrales damnet, nunc lurida, pompas  
 Telpomene. non jam mendaci pulpita socco  
 Excitant turba strepitum, nec ficta cothurnus  
 Mera det. jaceant dejectis carbasa velis,  
 Mutet Mavors habitus, lituusque profundum  
 Ugiat, oppressis imitentur tympana bombis.  
 Optivos fumo tonitrus. qui sue verat acri  
 Restrepere hinnitu sonipes, lamenta lupatis  
 Tremat, & guttis humectet grandibus ora.

Ipsa



Ipsa pedum pariterque enses Bellona feretro  
 Suspendat. geminis libertas nostra salusque  
 Præsidii asserta fuit. non, qualia lætis,  
 In sublime volent lentis incendia flammis,  
 Perque domos crepitent disruptæ sulphure canna.  
 Non volo lascivas mentiri bella carinas,  
 Stagnaque remigibus circum spumare canoris.  
 Incedant tristes trabes. non iura tribunal  
 Ventilet. hoc cessent, qui nunc expungitur astris,  
 Præla die. Diana tuis è montibus exi  
 Venatrix. vela clypeum Tritonia pullo  
 Tegmine, totque urbes Cybele, quot Gallia monstro,  
 Flere jube. tuque alma Ceres, mihi cernere talis,  
 Qualis eras, cum rapta tibi Proserpina manes.  
 Pallentesque domos Erebi feralis adiret.  
 Sit plangens tibi, Phœbe, chelys, fidibusque remissis  
 Plectra negent vati sonitum. lachrymosa querensq;  
 Virginitas Vestalis est. se regia Iuno  
 Deturpet. spretos dissolvat fascia crines  
 Matribus. amissum Daphnin deploret Alexis,  
 Daphnin in silvis, Daphnin deploret in agris.  
 Tuque adèo pia posteritas, morientis honori  
 Hac insculpta legas æternis carmina saxis :

Hæc Richeli tenet urna Ducem, quem Roma  
 verendis

Inferuit Latii Patribus, Prudentia cœlo  
 Extulit, Atlantem regalis purpura regno  
 Subdidit. hic ille est Rhæni expugnator &  
 Istro

Terribilis, fracti spoliis insignis Iberi.  
 Felix invidiæ victor. qui tela malorum,  
 Et conjuratos in Regia sceptrâ furores  
 Contudit, & late circum tot gentibus arma  
 Intulit. atque Alpes ultra gelidamque Pyre-  
 nen

Ivit ovans. sperata suis dedit ocia Gallis.  
Terroremque foris. famam Regisque suamque  
Francorumque decus terras diffudit in omnes.

Dixit & hec eadem ad tumulum Germania.  
Conscia privati longa inter bella doloris, (verum  
Colligit Armandi titulos : quæ mœnia iusta  
Reddiderit : quantas acies, quæ cæstra ducesque,  
Quas Marti donavit opes : quo federe Catthos  
Iunxerit : adversis pugnantem Saxona signis  
Frægerit : immixtis Vbiorum rura manipulis  
Triuevit : Arctæos armis exeret ausus.  
Inde Palatina flevit dispendi terra,  
Pugnantisque iras Bavari, violæque Bullæ  
Nomina, subreptis que Dapes. speraverat illo  
Incolumi, prisca Dominum potuisse reponi  
Sedibus, & se Borbonio regnante tueri.

Aggressus mox Belga loqui, Batavamq; potestas,  
Quos socii junxit pactum commine periculi,  
Huic, inquit, defensa fui. cum puerpere censu  
Nostra laborarent longis arariæ bellis,  
Venit in auxilium Princeps, & regia iussus  
Scriniæ, pro Batavis, se consultore, rediit.  
Quos castris præfigo duces, quo milite pugno,  
Qui vallos gladius fodiant, quos trudit in hostem  
Impetus egregiusque furor, mihi Gallia mistis  
Gens gentis permixta meæ est. ex lingua ministra  
Miliæ; quæ Nassovius turmaeque virosque  
Alloquitur. timida toties hæc tessera nobis  
Audit & occulto servat tentoria verbo.  
Cum mihi Bradanas ductor convelleret arces  
Auricus, Sylvaque domos, mœnina, portas  
Concuteret, dabat ille meis aptissima rebus  
Tempora. belligeras Mosæ subduximus urbes,  
Incussus Grudis metus & trux Gennepa victa est,  
Hoc alibi pugnante & delassante Philippum.

H

Dum



Dum Celtis Siculo res est cum rege, vagamur  
 Latius & patria pariter Belgisq;e mihique,  
 Armandus vexilla leuat. quos strinxerat enses,  
 Strinxerat hos etiam sociis. dum Lilia fortis  
 Afferit, afferuit Batavi quoque septa Leonis,  
 Nostraque Borbonia permiscuit arma tiara.  
 Hac tibi debemus, Richeli. nunc grata sep ultum  
 Prosequor & meriti summas funesta revolvo,  
 Et fastis inscribo meis, & vatibus Orbis  
 Factorum memores Musas vocesque tuorum  
 Impero. dum nostras pulsabunt aequora terras,  
 Gallica dum Batavis pendebunt Martia templis  
 Signa Ducum, Ligeri faciet commercia Rhenus,  
 Dum mea Nannetum confendent carbasa portus,  
 Dum mea spumantem vectabunt transtra Lyæum.  
 Dum foetam mediis Cererem portabimus undis,  
 Posthuma Plessiacas extollam Belgica laudes.

Itala tum tellus ferali innixa feretro  
 Os aperit, Parmamque dolens dominumque Quiri:  
 Precipites inflasse tubas. hæc iurgia, dixit, (tum  
 Composuisse senex poterat. hæc vocis egebant  
 Bella tua, tantum vitæ si fata dedissent.  
 Inde per Eridanum & pugnaces gesta Salassos,  
 Taurinosque refert. ubi cessit Inurex, cessit  
 Consiliis Tortona potens; ubi nescia vinci  
 Contempsit Ligurum, validis circumdata castris,  
 Bellatrix Cassala ducem; portusque Monæci  
 Non meus est. narrat Richeli Tellina laborem:  
 Vallis & assertum Gallis ier: omnia Rheto  
 Lata dari; Lariisque lacus posuisse tumultus  
 Centronesque suos: paci sua subdere fessos  
 Rura Lepontinos: Ararise iungere Varum,  
 Cumque Pado Rhodanum domino coisse sub uno.  
 Scilicet hæc norant Benacus & Addua, norit  
 Ticinus, veloxque Athesis, quique ordine longo:  
 Sublimis mediam me di vidit Apenninus.

Nec tenuit vocem similis Catalaunia flenti,  
 Utque erat impatiens, cur me, proh Iupiter, inquit,  
 Destituis tutore mei, quem nuper amicis  
 Fluctibus Illiberis vexit, quem vidit ovantem,  
 Narbo, suis thermæ lymphis fovere labantem.  
 Me Tartessiæ inamicam regibus ille  
 Muniit auxiliis. validis cum classibus una  
 Impeterer, tremereque infesto remige portus.  
 Illius effectum studiis, ne castra timerem  
 Batica, Castellæque minas, sed tutior esset  
 Liligero sub Rege salus. felicius arma  
 Vindice sub tanto quatit Tagus, & sua servans  
 Sceptra sibi, veteres iratus spernit habenas.  
 O Superi, cur exequiis, cur clauditis annum  
 Lucibus? illustrem quem tot fecere triumphis,  
 Tot raptæ Hesperius urbes. tu testis Ibero es;  
 Tu Sicoris, tu Tarne, ut se Roscellio totam  
 Totaque tradiderit submissis Bærcinon armis.  
 Et dubitamus adhuc Armandum extendere faxis?  
 Talibus inter se magna dolere Sorores  
 Vocibus, inque suos traxere tot oppida planctus,  
 Et silvas fluuiosque. cavis è vallibus Echo  
 Exaudit a fuit dixisse novissima verba.  
 Fontibus insoliti passim fluxere liquores,  
 At crystalla suis, veluti lachrymantia, stillis  
 Altis obriguere jugis. facta unda lapillus,  
 Et stupuit Niobe terrarum, marmora, costas  
 Posse queri & saxis sensum superesse malorum.  
 Quin iterum Phœthontæ flevere sorores,  
 Non malè consulti miseranda incendia fratris,  
 Non præceps pueri facinus, sed busta verendi  
 Principis, in casus quem dudum arma verat omnes  
 Provida vis animi, & variis exercitæ fatis,  
 Solaque fortunæ ancipitiis prudentia victrix.  
 Quas Ducis exegi laudes, vox publica dixit.  
 Tot gentes fecere suam. Vox altera restat,



Sed privata magis. coit in praconia late  
 Pegasidum chorus & Druidum sub peſtore vites  
 Concitant agitantque Deum. vix Sequiana leſſis  
 Sufficit. exſiccant Pimpleos ca'mina fontes,  
 Votaque in ignanimam comitantur Cœlica funus.  
 Iſta domi cantata licet, meruisse favorem  
 Et poſſunt debentque tuum, Rex Iuſte, ſepultum  
 Advena ſpectatum venis, cinerique Ducique  
 Illa locuturus, que nec tua Galli ſterneret,  
 Et mea me cogit pietas, Auguſte, fateri:

Optime conſultor Patrie, cui vita cucurrit  
 Per laudum ſubveſta gradus, qui templa, coronas,  
 Roſtra, togas, laureosque, Dices, certamina, Miſas,  
 Et pelagi curam ingenio complexus eodem es,  
 Immortalis obis. tamuloque incluſus, eodem  
 Egredereſ tamen; & gentes diſſuſus in omnes,  
 Cunctorum linguis veheris: mors pallida dicit  
 Exiitum, ſed ſumma negat. non cerneris aule,  
 Et tamen aularum mentes mens iſta gubernat,  
 Et Geniis tuus ante oculos Regiſque Ducumque  
 E regni Procerum, reſi inſpiator oberrat.  
 Non opus eſt caſtode tui. diſcede ſatelles.  
 Non jam deſenſoris eget. ſine milite vivit,  
 Et cœlos imbellis adi: non viſima, Princeps,  
 Vindictæ violenta cadis. Di tollere ſolum  
 Hoc valuerè caput. ſupere enſiſque furorque,  
 Dum Superum te munit amor. ſi terruit hoſtes  
 Mars tuus; ad nomen Richeli nunc horret & ex-  
 cors

Pallet Iber, priſciſque aliquid terroris in umbra eſt.  
 Tota Daci tumulus ſit Gallia, tota ſepulchrum eſt.  
 Quattuor hoc libræant ingenti mole columna.  
 Quarum Relligio prima eſt, cui dextra volumen  
 Geſtat adorandum populis, at leva Tonantis  
 Teſta notat. valido inſiſtens Conſtantia ſaxo,  
 Stat juxta, pedibusque metum conculcat & iras.

Tertia

Tertia se partes Solertia versat in omnes,  
 Et ventura videns, retrospicit. ul. im. Regi  
 Se tollit jurata Fides, dextramque corona  
 Imponit, puri castos fidi sima regni.  
 Praetumulo stat Fama, cui caeva buccinae Magnum  
 Intonit Armandum exlo terraque marique.  
 Illa super Gangem, super ostia dirigit Indi  
 Exaudit et fuit, totumque implevit Hydaspem,  
 Memnoniasque domos, et prisca vocabula, Sinas.  
 Illa per Occidui penetrat dissi et Phœbi  
 Iurit, Hyperboreis Sueonumque remaguit aulis,  
 Lappionumque vagas rupes transgressa, resaltis  
 Transit Herculeos fines Calpenque Abyl. amque  
 Atlantiisque jugum, latèque perhorruit Auster.

Quid Livor malesane furis? non laeditur Atlas.  
 Nubifer est. quid defunctum vasania mordet?  
 Te testem virtutis habet. tanto alior Heros  
 Erigitur, quanto in cineres crudelior audis.  
 Non feriunt Solem tonitrus, nec sidera fulmen  
 Verberat. in vivo dentem fregere rebelles,  
 Felici nil verba nocent. tot gesta silenti  
 Causas pravus habet. nulla est victori. major,  
 Quam cum confessis meritis pessumdat hostis.

## I N E F F I G I E M

ejusdem Cardinalis.

**S**ic sculptum scriptumque Ducem, cape Sequana  
 noster

Quem procul Arctois Amstelæ mittit aquis.  
 Principis hæc facies, hæc magni Nestoris ora.  
 Talis adorandum Purpura fulcit ebur.  
 Pallada Mavortemque fides. par Infula sacris,  
 Par castris, vasto par, Ludovice, mari.  
 Francorum Par grande, sui venerabile lumen  
 Stemmatis, Imperii gloria prima tui.



*Quælia, sublimis Richeli, mens sidera volvit.  
Quæ Populo, Regi, quæ vacat una Deo.*

**I N I N S I G N I A**  
ejusdem Cardinalis.

**P** *Alliæ Sidonio pulchrè radiantia succo,  
Pilea fasciis ista liganda suis,  
Arinandum trapeasque notant, Latique Senatus  
Nomina, Tarpejo proxima sceptrâ patri.  
Anchora Neptuni fluctus spatiosaque subdit  
Æquora & immensis jura ministrat aquis.  
Cetera sunt stirpis decora. at que pendula Crux est,  
Richelium augustis inserit Ordinibus.  
Sic fulges, Dux celsæ, domi. sed mentis honores  
Gestorumque, vehit nuntia Fama foris.*

Ad Serenissimam Principem

**E L I Z A B E T H A M,**  
Frederici Bohemiæ Regis, Comitissæ Palatini,  
S. R. Imperii Electoris Filiam  
natu maximam.

**R** *Egia progenies, tua quæ cunabula terris  
Dividis & Superis, seu de te matre Minerva  
Rex genuit, seu Rege satam formavit Apollo.  
Et totus labor Aonidum; clarissima Princeps,  
Vera Palatinis Majestas debita regnis,  
In Batavum peregrina solo, si variis olim  
Fas fuit assari Superos, sceptrisque potentum  
Et, formidatis quamvis, placere tuis  
Carmina: sume, Tibi quod consecramus, Eliza,  
Femineæ virtutis Opus; thalamique labores,  
Fortunasque thori & memoranda exempla pro  
Et conculcatis in amantum corpore leges (cantum,  
Perlege.*

Perlege, & in priscis agnosce novissima sedis.

Hic partes agit unus Amor, viresque Dione  
 Explicat ingeniosa suas. hic tela facesque  
 Exacuit quassatque Puer. patet omne sagittis  
 Pectus & aeterno sociantur federe nulla  
 Sorte pares. nubunt spretis diademata rastris;  
 Purpura contempta sit rusticitatis amatrix,  
 Æstuat in gibbo Regum generosa proprogo,  
 Ipsaque nobilitas fœdis amplexibus ardet,  
 Et Phlegethontæa promittit basia nuptæ.  
 Nescit jura Venus. primi sine veste parentes  
 Conveniunt, nubunt geminæ sine lege sorores,  
 Innocuas rapuisse nurus exceptio pravi est.  
 Bis stupro malæ Gravius ovat; raptique pudoris  
 Supplicio præfert thalamos, sine bile Iocasta,  
 Quemque cupit Tryphosa mori, vult altera vivum.  
 Rara thori facies. lecto miscentur in uno  
 Dissimiles. non semper amat prudentia. crebrò  
 Conjugium Fortuna facit, nec gnara futuri  
 Mens hominum cœcusque furor. non visus amator  
 Sapius ignotis domina circumdatur ulnis,  
 Et vasti quamvis secretos finibus orbis  
 Momento vis blanda ligat. mirabile lecti  
 Ingenium casusque stupe. vesania nuptas  
 Inconsulta rapit. nuptis succedimus, eheu!  
 At simili ratione, mares. insania tedas,  
 Sed communis, habet. quid enim? si filia turpens  
 Deperit formosa Craten Cynicoque paratus  
 Incessere pares; etiam perversus amator  
 Persa fuit, cum regales confunderet ignes  
 Ignibus Aspasia, & solio consedit eburno  
 Phyllis & illustri dixit suffragia Medo.  
 Sic lascivit Hymen & tot variabile formis  
 Numen habet. solis, Princeps, miracula faxit  
 Basolis. portentosa potest cum matre Cupido.  
 Nil intentatum scelerisque dolique relinquit



Abdita vis gremio. solum sine crimine nupsit  
 Prima parens, & juncta sacris Ecclesia vinculis,  
 Sponsa Creatoris magni, Ch. istique voluptas,  
 Et restaurata facies augusta salutis.

Hac canimus, Regum soboles. sunt illa furoris.  
 Vilibus argumenta tuis. sic esse videmur,  
 Quæ loquimur, grandesque canens mens libera nu-  
 ptas,

Has ipsas, velut amplexus, complectitur omnes.  
 Iam Rhodopen, nunc Aspasiam, nunc tangere sagam  
 Credimur, aut teneram gerimus cervicibus Em-  
 mam,

Aut nostris Preciosa libens sua commodat ora  
 Basilis, lætisque istis applaudimus umbris.  
 Felix turba poetarum, quæ Regibus adstas,  
 Cum sceptris, sine labe, cubas; das oscula centum  
 Versibus, ingenium thalamis intradis & arilis,  
 In Medos peregrina ruis; sis accola Indæ,  
 Hospes ad Euphratem graderis sedesque beatas  
 Fortunatorum nemorum. Te regia Cyri,  
 Nunc Assur, mox Gallus habet: per longa vagaris  
 Terrarum spatia, & patriis procul exul ab oris,  
 Fingis cuncta domi. Tibi si, regalis Eliza,  
 Hac volupe est legere, atque oculos per singula vol-  
 En nostris, Princeps, alio transvecta Camœnis, (ves,  
 Ad Persas nobiscum ibis, Thebasque potentes,  
 Et Magni limen Caroli, celebrisque Tholosa  
 Rostra salutabis. pariter spectabis amantem  
 Primævum per rura Patrem, sub frondibus Evam.  
 Mox siluisse Leam tam longa nocte stupebis,  
 Atque eminentæ partes obiisse sororis.  
 At nunc subridere tibi, augustissima Virgo,  
 Fas erit, impostor cum dentem dente Guërra  
 Totque refert maculas maculis. cum sutor aberrat,  
 Calceus, & quotquot pueris vixere magistri,  
 Cum sartore toga, atque ipsa cum conjugè nutritrix.

Tunc praesiga tui, fors an ventura not. ibis,  
 Quosque parent tibi fata thoros, & digna tuiis  
 Federa, cum pande Manto signacula palma  
 Inspiciet, Regemque tuo sub pollice cer. net.  
 At tunc se plenis Majestas vestra cachinnis  
 Effundet, cum femineos natura labores  
 Invertit, factisque sua viri vicina Sponse est,  
 Et totum Regis sobolis fert tergo re Scribam.  
 Cum Rhodopen, Veneranda, leges, ne sperne puellam,  
 Quae Regi laudata suo est. dum ea si prociantum  
 Excutitur, decide sagax. Tu dilue iudex  
 Tot juvenum studia, aut litem compone si. a ven.  
 Discruent lepidos coelestia vincula castus,  
 Et procul in Pharios, Virgo, subvecta penates,  
 Cantabis Salomonis epos, formamque genusque,  
 Et nupta sublimis opes & gaudia disces.  
 Tunc demissa, licet terrenis fulgida sceptris,  
 Numen adorandum populis, Dominumque salutis  
 Autoremque tuae, nomen venerabile cxlo,  
 Descriptumque coles sacra sub nube Tonantem.

Proles vera Ducum, cunctas tibi callidus artes  
 Pandet Amor, Tuis quas licet ignorare recuset  
 Majestas, sprevisse valet. qua scripta placere  
 Forte queant, imitanda fugis. sunt Regibus illa  
 Infames scopuli, non sunt exempla sequenti.  
 Quamvis rara tuam decoret Sapientia mentem,  
 Virtutumque chori illustri se pectore condant,  
 Linqvis docta Craten. regum stupuisse maritas,  
 Sit satis Imperio. careant Doctore marito.  
 Cum mediis Sponsam Cyrus raptaret in agris,  
 Visa nimis petulans est purpura. blanda potestas  
 Nil rapit, officiis ci ves & rara truetur,  
 Nec cuiquam volet esse gravis. cum Filiis Regis  
 Bajulat Emma virum, tanta deliria taxas  
 Principis & fatuum thalamis proscribis amorem.  
 Tot vitis infracta sapis, Bata vosque Poetas



Et CATSI præcepta gravis vocesque salubres  
 Vertis in obsequium recti. cum Pallade jungis  
 Æthereum pietatis opus. moderantibus orbem  
 Das exempla pudicitia. conspectius omne  
 Credis in hoc sexu vitium. tunc perplacet ostrum,  
 Cum Superum mandata facit, vitasque potentum.  
 Iustitia vis esse Pharon normamque decori.  
 Fortunam prudenter habes, cum prodiga leti est.  
 Compescis, cum fæva furit, cum regna novercans  
 Subruit, hos constans tonitrus, hæc fulmina cal-  
 cas.

Quot latè fulges titulis, quot stemmata longè  
 Sceptiferis arcessis arvis, tot dotibus anteis,  
 Totque faces inter morum Cynosura coruscas.  
 Da veniam fassis, Princeps. si buccina laudis  
 Non sumus apta tua. tantis subsidimus astris.  
 Non patimur regale jubar, nec lumina, Virgo,  
 Intuitus veneranda tui. perstringimur illis,  
 Et jam visus hebet pavidis. Te nubibus abde,  
 Mœre Deum. forsan sic te perferre loquentem  
 Possumus & tres per nebulam Tibi tradere vates.

## I N E F F I G I E M ejusdem Elizabethæ.

**F**ortuna domitrix, Augusti maxima Regis  
 Filia, Palladii grandis alumna chori,  
 Natura labor, hoc vultu spectatur Eliza.  
 Et faciem fati vim superantis habet.  
 Exulat & terras, quas nunc sibi vendicat Ister,  
 Iure, patrocinio, spe putat esse suas.  
 Si patrius Caesar titulis succensuit, illud  
 Frangere debebat Caesaris arma caput.

C. BARLÆI


POEMATVM

HEROICORVM

LIBER II.

Qui AVRIACVS inscribitur.





## MANES AVRIACI,

Sive in funus Illustrissimi ac Inviictissimi  
Principis,

## MAVRITII,

Principis ac Domini Aurantiæ, Comitis Nassau-  
viæ, Cattimeliboci, Viandæ, Dietfiæ,  
Meurfiæ, Buræ, &c.

## EPICEDIVM.

**S**idera Belgarū scelis contraria regnis  
Neptuni terrent populos, & fœdere  
lxvo  
Errabunda truci concurrunt lumina  
vultu.

Nec vicli Superūm placarunt numina  
Et cæsa ingentes anime: non pulsus a vitis (Boū,  
Sedibus, & patrio Nemetum de limine Princeps:  
Fatalesque vices Batauvūm: non funera magni  
Regis, & attoniti raptō rectore Britanni:  
Et quæ plura ferox nuper portenta cometes  
Prodidit, & diis præcidit stamina fati.  
Omnis in Avriaco crescit dolor; & sua damnans  
Gaudia venturos præsentit Belgæ labores;  
Dum tanti Ducis arma jacent; nec abenea cassis  
Cingit honoratam mediæ inter prælia frontem,  
Aut Marti dat jura suo, nec facta triumphis  
Gloria de victum prorsus sibi spondet Iberum.  
Ex equo fors illa nocet. nec simplicis umbram  
Funeris urna capit. morimur cum Principe cuncti,  
Et patriæ ruit alma salus. decessimus omnes,  
Et bustum commune sumus. nec publicæ tæntum  
Nomina lætus habet; potius privata dolemus



Augustos pia turba rogos, & proxima letho  
 Agmina ferali trahimus suspiria planctu.  
 Occidit Hesperia terror, spretique Philippi  
 Opprobrium, & manes dudum satis ulta paternos  
 Dexteræ, cui niveis toties invecta quadrigis.  
 Inclÿta de victas patefecit gloria portas.  
 Nec laudem morientis habet, bello ve cadentis  
 Cantaber; aut tantos potuit sperare triumphos  
 Dux Italus. soli excellens prosternere fortes  
 Dii valere caput; nec victis debita terris  
 Vna triumphanti cessit Victoria cœlo.  
 Succubuit Mars ipse viro, quem cedere ferro  
 Sæpius, & pressis aciem diffundere castris  
 Vidimus audaces Batavi; nec rectius ensẽ  
 Bellonæ strinxere manus. cœlestibus armis  
 Pugnaces cessere minæ, tantumque supremo  
 Concessum superare Iovi. Regnator aquarum.  
 Et magnus Belgæ domitor, tot nomina laudum  
 Victricesque aquilas uni submisit Olympo,  
 Armorum bellique satur. seu fata vocarunt  
 Emeritum, terraque omnes explevit honores;  
 Seu gravis ira Deum est. poteras non clarior ultra  
 Magne Heros vixisse tuis, ne dignius unquam,  
 Non victa virtute, mori: dum personat orbis  
 Militiæ documenta tua, geminoque sub axe  
 Attonitas feriunt felicia classica gentes.  
 Iam spatium meritis aliud, jam sidera deerant  
 Altera, quo victor proprios deducere Cætos,  
 Aut immansuetos possis transferre Cheruscos;  
 Aut socium Tamesi Scotum; vel feruida Celtæ  
 Pectora, & infractis braccatas corpore turmas.  
 Nec voluit superesse manus, quæ fessa laborum  
 Quadruplici tumidas meruisset cardine lauros,  
 Et famæ compleisset opus. spectaverat Auster  
 Pacatum, nostris captivum classibus, æquor  
 Ferre jugum, & Batavis Chilen ardere favillis.

Malbarici patuere sinus, Phœbique cubile  
 Illius a conspiciis missus compresserat hospes,  
 Et thalamos Aurora tuos, & torrida flammis  
 Littora: qua rapidâ stipatus Manade Liber  
 Invida prædixit nostræ commercia terra,  
 Quasque mari portamus opes, venturaque sero  
 Carbasæ. terruerant gelidum quoque transtra Boo-  
 ten,

Extra anni Solisque vias: ubi verba fretumque  
 Nassavii æterno servat sub frigore Tethys.  
 Scilicet hac hosti brevior tentata nocendi  
 Semita, & Eoi quasita potentia regni,  
 Qua glacies & dura aditus natura negavit;  
 Nec sequitur Cancræ damnatus finibus Æthon.  
 Hoc totum potuere rates: nec vincere terrâ  
 Sat fuit, Oceanum medioque natantia ponto  
 Regna capit Nerei soboles; subjectaque nobis  
 Alterius convexa poli. Ductore sub illo  
 Conveniunt gemini sceptris communibus Indi;  
 Iunximus Europam Numidis, Asiæque potenti  
 Battavianam: Gangi frenatum littore Rhenum;  
 Ipsam Helicem cum Solis equis; commercia Nigris  
 Invehit in Vahalim; & toto volitantia mundo  
 Æmula Romanos transcendunt carbasæ fines.  
 Nec tamen ante Duci nascentem subdere solem  
 Cura fuit, quam tuta domi fortuna stetisset,  
 Limitibusque exisset Iber; quam pristina rursus  
 Reddita libertas patriæ, depulsaque Betis  
 Imperiæ, & sacro questus nomine lictor.  
 Iam puero Martis rabies, hostemque premendi  
 Ardor erat, galeaque micans in vertice fulgor,  
 Et procul adverso nutantes flamme crista,  
 Et fremitus spumantis equi, strepitusque virorum,  
 Tympanaque in mediis spirabant prælia campis.  
 Armabat ballista manum, gladiumque peritus  
 Stringere, & edoctam Threcum præcepta macharam,  
 Ibat



Ibat in hostiles cuneos, lituique tubæque  
 Pugnandi fomenta dabant. hac sola voluptas,  
 Inter pugnaces gressum librare maniplos,  
 Et mixtos linguis populos. Iam jussa phalanges,  
 Et leges acies capiunt; jam nominis horror,  
 Ipsaque majestas animos, atque effera duri  
 Militis ora tenet. poterat regnare silendo,  
 Et nutu Dictator erat. nec gloria belli  
 Expectare virum voluit. Prætexta triumphos  
 Adspicit, & rudibus Mavors se ostentat in annis,  
 Præ sagis tantorum operum laudisque futura.  
 Altera Troia dclis capitur, primique laboris  
 Præmia cæpes habet. voluit se vincere demens  
 Hostis, & in victis infert fatalia muris  
 Pondera levus Iber. stupuit fortuna, suumque,  
 Cum vicit, laudavit opus; ne Græcia felix  
 Sola foret, fraudisque sua præconia ferret.  
 Nec tantum placere doli, fallaxque juvenæ  
 Commentum, nostroque Sinon sub sidere natus:  
 Plus acies, plus dextra valent, pariterque Philippum  
 Et virtus domat, & ratio, fortuna laborque,  
 Visque favens Superum: nec Belgis sufficit uno  
 Victores audire modo. Tu conscia rerum  
 Dic mihi Calliope, (neque enim sine numine Divum  
 Vicimus, aut tantos fas est memorare labores)  
 Dic acies, actasque animis in prælia gentes,  
 Oppida victa manu, captivas classibus undas,  
 Victores Asia populos, & subdita Cættis  
 Littora, & hostili manantes sanguine terras.  
 Post scelus Hesperium, patriæque infanda parentis  
 Fata, Britannorum ratibus contexerat æquor  
 Cantaber, & magnam debellaturus Elisam,  
 Pleumosios Morinosque inter spe vicerat hostem.  
 Cui veniens paucis Batarum manus obviam tran-  
 sylvagans acies, totique minantia ponto (stris,  
 Castra Caledoniis Thulesque illisit arenis,





Causa Dii placuit. favit pugnantibus ather,  
 Nec Titan infestus equis. Iam vincere Flandros,  
 Iam nostros fortuna videt. jam cedit Iberus,  
 Iam Batavus. nutat Marvors ferrū inter & enses,  
 Nunc alius, nunc rursus alius. spes neutra triumpho  
 Ancipitiisque diu cælum discrimina belli (est;  
 Dividit; ingentes donec dux Belgicus iras  
 Colligit, & sparsas capto rectore cohortes  
 Occupat, & cæsos Alberto Cesare manes  
 Vlturus, magno inferias mactavit Adolpho.  
 Quid mihi Pellaum juvenem grandæva vetustas  
 Objicis? & victas discussis mœnibus arces,  
 Sidona, magnanimamq; Tyrum? quid Persica jactas  
 Agmina, quid vasto metuendum corpore Porum  
 Illius cecidisse manu? licet impiger Hellen  
 Spreverit, & rapido terrentem flumine Tigrin,  
 Mauritio minor ille fuit: neque tantus in arma  
 Ivit ovans Macetes. Asiam vicere sarissa.  
 Imbelles vis docta viros. nos miles Iberus  
 Exercet, fertque arma armis non dissona Vesper.  
 Cesserit Euphrates illi, nos vicimus æquor;  
 Ille Scythas, mollesque Arabas, desuetaque bello  
 Nomina Bactrorum, & diffusos finibus Indos;  
 Nos, qua terra patet, Solem Batavosque sub uno  
 Clausimus imperio. nos duri cornua Rheni  
 Fregimus, & Mosam pariter Vahalimque Sicambriis  
 Vinximus, atque istos longè superavimus amnes.  
 Auxit Nassarias superata Daventria laudes,  
 Accessitque prior titulis Zutphania nostris.  
 Das fasces Neomage duci: das præmia belli  
 Hulsta potens: tantisque etiam Stenovice triumphis  
 Adderis, & celsam vinci potuisse Covordam,  
 Obsessamq; iterum vinci haud potuisse Covordam,  
 Vidisti, Frisia columen. Nec montibus hæsit  
 Tuior, aut Dominum Gertrudisberga Philippum  
 Passa diu, precio venales reddidit arces.

Mox quoque non victa per secula multa Groninga  
 Mœnia celsa ruunt, aquilasque & jura Leoni  
 Casareus submittit apex. Iam fœdera poscit  
 Meursia, jam domitas adportat Berka secures,  
 Et veteres parent Salii. Bresfordia pacem  
 Mutato rectore capit: nec jungere dextras  
 Grolla timet, regique cupit validissima vallo  
 Linga nihil debere suo. Quam Gravia vellet  
 Se vinci potuisse prius, metuendaque Slusa  
 Toxandris; tunc cum celeres in bella triremes  
 Mitteret, & Boreum terreret Spinola pontum!  
 Tu quoque, victa licet, nostris accede trophœis  
 O victrix Ostenda diu; quam tertia messis  
 Cantabricos vidit spernentem impune furores;  
 Nec totam potuisse capi. das frustra Philippo,  
 Dumque peris jam facta minor, nova mœnia condis,  
 Totque urbes ex urbe trahis. Spectate nepotes  
 Ilion in Morinis. Hæc nobis altera surgunt  
 Pergama, nec solis illudit Troja Pelasgis.  
 Urbs jacet ad Vahalim, priscis celebrata salinis,  
 Bommelæ, Mendoxa opprobrium, & fugientis Iberi.  
 Vindicat obsessam Auriacus, clarusque triumphis  
 Incluta laurigeris attexit gramina feris.  
 Victorem conspexit hyems, & frigore duro  
 VVachtendoncha ducem paritur. Divenditur aræ.  
 Et cinctum gemino mercaminum flumine castrum.  
 Iuliacum vis ista domat, geminisque petitum  
 Principibus litem Batavo tutore diremit.  
 Vltima Nassavios explevit Berga labores;  
 Nec timuit secunda minas, & subruta furtim  
 Mœnia fallaci Liguri. concedimus hosti  
 Nil præter pugnae spatium. quo prima locarant  
 Castra loco belli Proceres, hæc parte steterunt.  
 Et tumulum posuere sibi. concurritur armis  
 Cominus, & solo libertas sanguine tuta est.  
 His titulis bellator ovat, nec nomine ab uno



Emeruit fama precium. Non clavius unquam  
 Alta triumphali scandit Capitolia curru  
 Cimbrorum domitor; vel qui Pellam Qui ino  
 Sceptra dedit. nunquam dominas comitata curules  
 Iustius Ausoniis fremuerunt agmina porris.  
 Interea, dum tuta Heros praecordia laudum  
 Conge. it, & dormito placatur Vespere, e Mavors,  
 Non semper fera bella placent, sed redditus astris  
 Aethereas arces, superumque ingenti aethera,  
 Et circumfuso pendenti a fornice templi  
 Mente capit; quas Tycho sagax edisserit artes,  
 Quas Belus, quas prisca Pharus, vel califer Atlas,  
 Brachmanumque schola, vel docta Cecropis arces,  
 Quasque Syracusius formas inscripsit arenis.  
 Ut nova & antiquis oracula dissona seclis  
 Edat, & ardentem sistat Copernicus aethram;  
 Terrarumque globum, magna que habitacula Vestae  
 Audaci ratione rotet, totumque profundum  
 Verset, & hac celso suspendat pondera caelo.  
 Nunc Pallas, nunc arma juvant, nunc sidera fulgent  
 Explorata Duci; nunc terras milite subdit,  
 Quasque domat, metitur aquas. stant oia caelo,  
 Bella solo, placidusque suas in cortice pugnas,  
 Nec nocitura videt tenera certamina charta  
 Mars pater, & doctos miratur surgere vallos,  
 Et scriptas foliis acies: seu cornua campis  
 Stare volet, seu signa ciet contraria Mavors,  
 Aut peditem circumdat eques, cuneosque reducit.  
 Aut laxat Bellona suos. Sic tempora quondam,  
 Et male currentes Romanis reddidit annos  
 Caesar, & Ausonios scripsit post praelia fastos.  
 Sic Macedo positus clypeo paulisper, & hasta,  
 Troiugenum Dolopumque manus, & Dorica lastrat  
 Agmina, pugnandique capit de carmine leges,  
 Bellandique modos. O quam ventura stupebis  
 Posteritas, cum nascentes in secula libros,

Nassavioque duci scriptos miraberis orbes!  
 Ille dicit dominitor, vi Aus cui paruit armis  
 Hesperus, atque oriens juravit fœdera Titan;  
 Qui Tarte siacas flammis ultricibus oras  
 Terruit, atque alio posuit vi Africi mundo  
 Signa, nec Austriacos timuit damnare furores,  
 Inter bella docet. validus qui verterat arces  
 Miles, & Hispanis a perisit cedibus aequior,  
 Scripsit, & imbelles etiam secessit in artes.

O rerum fatique vices, atque invidiosa teris  
 Iussa Deum! nimium superis tu Belgica tellus  
 Visa potens. moritur patri spes omnis, & omnis  
 Gloria Cattigenum: docuit quæ cedere Rheno  
 Batin, & ad Phœbi suspendi limina lauros.  
 Libertas perculsa stupet, sequimurque feretram  
 Exanimis Batavi, compressa que per ora lactu  
 Solimur lachrymis. intonso crine Sicamber  
 Ambulat, & querulo Valachri sua murmura ponto  
 Ingeminant. Fribis gemitus in vultibus herent,  
 Nec Flevus sua divina tacet. Germania sorti  
 Hoc dolet accessisse sua, cunctisque superba  
 Principis, in tanto deponi funere fastum.  
 Iam Rhodanus, nost. isque olim defensus ab armis  
 Sequina, per vastos tradunt sua flumina fluctus,  
 Et solos nos flere vetant. Iam tristis Iene est,  
 Quæque Caledoniis frigent in silibus urbes.  
 Communisque memor generosa Britannia belli.  
 At vos, Adriaco jurantes sceptrâ profundo,  
 Ad Belgis properate Patres; pars fœderis hæc sit,  
 Condoluisse malis. Tuque in tri Fissime Regum,  
 Terror Hyperborea gentis, gelidosque triones  
 Et Moschum, Gustave, domans, dum prælia victor  
 Conficis, & pulso nescis concedere regi,  
 Tamisper te redde tibi, dum luxeris orbium  
 Mauitio Batavum & sociæ dispendia gentis.  
 Hæc quis ad Indorum populos, ad littora Gangis,

Mein-



Memnoniamque domum tam clara nuncia mortis  
 Deferet? ereptum te nobis, maxime rector,  
 Audiet Euphrates, & conscia nominis Helle,  
 Ingentisque Asia domitor, veterisque Iugurtha  
 Imperia, & faciles nobis Carthaginis arces.  
 Te quoque, sis licet hostis, Iber, miserescere tantis  
 Posse reor damnis. Docuit te praelia princeps,  
 Et multum hac virtute sapis. dum plurima perdis  
 Oppida, quod reliquum belli inclementia fecit.  
 Iam discis servare tibi. quo Marte perisses,  
 Iam perstas, Martemque pari Mavorte fatigas.  
 Hoc cessent, precor, arma die, lituique priores  
 Dissimulent in morte iras, ne barbara manes  
 Classica sollicitent: dum versis ambulat armis  
 Miles, & ingenti tumultus decernitur umbra.  
 Magne Ligur, non jam clades hac dextra minatur  
 Bellatrix, nec castra locat contraria castris.  
 Securo spectare licet. si displicet hostis,  
 Qualis ad obsessum risit tua fulmina Zomam:  
 Tu ducis officium, tu docti militis artes,  
 Atque hostem discerne tuum. laudabis in illo  
 Invitus, quod amare nefas. hoc Belgica dices,  
 Emicuit ductore diu, regisque perosi  
 Iussa sui, veteres armis victricibus iras  
 Ulta fuit, tantoque sui stetit obside fati.

At tu Nassavia gentis magnique parentis  
 Gloria, bellatrix anima, & jam debita caelo  
 Progenies, prisco dux exaequande Camillo,  
 Æmule Scipiadam, jam libertate reducta,  
 Et debellati spoliis Orientis onustus,  
 Totque ducum exuviiis, infer caelestibus astris  
 Emeritum bello caput, & qua despicit orbem  
 Maximus Alcides, & nomina nata triumphis.  
 Addere sideribus sidus. tibi servus Orion  
 Cedit, & Arctos custos Erymanthidos ursæ  
 Pandit sponte fores; sua carbasa porrigit Argo,

Certe

Certe alium vectura ducem. tibi seruida cæli  
 Regna Cleonei despondet stella leonis,  
 Et retro vult ferre gradum; nec triste minatus  
 Pronior Australes vergit Capricornus ad oras,  
 Indigetemque invitat ovans. quacunque micabis  
 Parte poli, domitas isto sub sidere terras  
 Adspicies. si servet Eos, fumantia sub te  
 Æquora, & infesta flagrantia transtra Malaccæ  
 Discutient fulgore diem. si displicet ortus,  
 Occiduique placent angusta palatia cæli,  
 Hic tibi magnanimo tellus inventa Columbo  
 Hesperias monstrabit opes, & dedita nobis  
 Mœnia, Sacratosque sinus. si vergis ad Austrum,  
 Amstelio cernes nuper freta per via Typhi,  
 Scriptaque Mauriis longinquis nomina terris.  
 Si legis Arctoi glacialia sidera mundi,  
 Hic quoque constructas Batavum mirabile villas;  
 Et populi monumenta tui, duroque perustam  
 Frigore Neptuni sobolem. Sed mitia si te  
 Astra vocant, placidosque inter censeberis ignes,  
 Qua tenet inclusos habitabilis orbita Belgas,  
 Et dextrum ferit umbra latus, de viâta videbis  
 Oppida, disjectas acies, belloque cadentes  
 Egregias heroum animas, nec inulta parentis  
 Busta tui, foetam spoliis pendentibus Hagam,  
 Placatum Vahali Rhenum, desuetaque regum  
 Imperia, & patriis firmatum legibus orbem.  
 Nos cives, pia turba, tui, iam publica lustras  
 Argumenta damus, votisque reposcimus umbram,  
 Præcipitesque colos querimus. Te Fama perennis  
 Per terras pelagusque vebit, suppositaque nostris  
 Littora littoribus, quaque explicat aureus ather  
 Tempa Deum, vastæque expandit Iuppiter axes,  
 Clangenti cinet arma tubâ; nec tanta silebunt  
 Bella prius memores Belgæ, quam flumine verso  
 Irriget Hollandas Athesis, Sabrina Sicambros,



*Parrhasisque jugis Tanais delapsus, & Indus,  
Mutato Batavas pulsabunt littore terras.*

D E

## FREDERICI HENRICI

Auransiorum Principis Præfecturâ

P A N E G Y R I S.

**B**elgica, quam magno circumfluvius aequore Ne-  
Tundit, & in viso tutam secludit Ibero; (reus  
Quæ socias sacro junxisti fœdere terras;  
Nec rigidi fers jussa Tagi, calcitaque Regi  
Hesperio paribus propugnas jura periclis:  
Sit mihi fas tibi fausta loqui, letumque precari  
Augurium facileque Deos; dum prospera diros  
Discussit Fortuna dies; & falcigeri as  
Lenit, ac facili procurrunt sidera motu.  
Explicat ipsa suos oriens Aurora jugales  
Latiior, & mœstos defuncto Principe vultus  
Expandit meliore comæ; nec gaudia Titan  
Disimulans, Batavo fulget magis aureus orbi.

Tu Superis, Henrice, places, & numina nobis  
Blanda facis; tibi pacatus deseruit æther,  
Et veteres seclis trudit melioribus annos.  
Auspiciis Paphos alma favet, thalimosaque coronat  
Conjuge mollis Hymen. deerat spes altera gentis  
Aurica, tantoque novum de Principe germen  
Debat cœlum Batavis, & læta futuros  
Exspectans natura Duces. nunc publica curas  
Sceptra vocant, fascesque tibi designat, & enses  
Belga favens, totumque audet tibi subdere Martem.

Maxima Battavica crevit reverentia terra;  
Et gaudent delubra Deum, trabeataque passim  
Limina; jam sacro circumvallata Senatu

Curia neglectas alio sub Praside causas  
 Vindicat. & presso accelerat responsa clienti.  
 It Themidi Bellona comes, frenisque sub iisdem  
 Concordes sociant animos, nec patria tantos  
 Pluribus imperiis prudens divellit honores,  
 Iuraque castrensi dirimit civilia lauro.  
 Scilicet una decus belli fortuna tuctur,  
 Et momenta toga; ne vel vilescat inermis  
 Curia, vel solo damnentur crimina ferro.  
 Non pudet armatas Astraam ferre secures,  
 Et gladium vibrare manu; nec pristina legum  
 Gradivus consultis fugit. Spectatur in aula  
 Miles Araxiades; & qui modo voverat arma  
 Cattigenis, patriisque fidem juraverat oris,  
 Iam sua clamoris despondet nomina rostris.  
 Incluta progenies, & priscis cognita seclis,  
 Imperium titulosque capit; cui splendidus olim  
 Implicuit sacros Mœnus diademate crines,  
 Et prona fulsere aquila. Sic nempe futuros  
 Oceani terraque Deos, & divitis Indi,  
 Augusto voluit numen de sanguine nasci.  
 Illic magnanimos series aspectat Othones;  
 Illic Pannonio celebres Marvorte Robertos,  
 Victores Latii, & capta (proh tempora) Roma.  
 Tunc cum purpureus gemeret nova vincula præsul,  
 Casareumque nefas, ereptaque jura cathedra,  
 Indoluit, mediisque pater Tiberinus ab undis  
 Dura triumphati spectavit fata Quirini.  
 Valravos fert illa duces, felicia Gallis  
 Nomina, cum socium exoraret Sequana Rhenum,  
 Et premeret populos virtus Germana rebelles.  
 Hic quoque Gerlacos, quos sanctior infusa texit,  
 Et Iani fulgent Proceres. quique acer in hostem  
 Ivit, & exitum docuit parere Garumnam,  
 Engelbertus ovans. Non hunc magis horridus ensis,  
 Quam pacis decoravit amor, Batavaque superbam  
 I Majestate



Majestate caput ; querulas cui Flandriæ voces  
 Et tumidos posuit dictis placata furores.  
 His genitor defluxit avis ; nec degener illo  
 Sanguine crudelis furias contempsit Iberi,  
 Albanique minas : vomeret cum prælia Batis,  
 Missaque in Advaticis sævirent agmina portis,  
 Et lentos secura Fides conscenderet ignes,  
 Ille Pater, magno Belgas turbante tumultu,  
 Afferuit ferro patriam, tot restitit armis  
 Unus, & iratis Princeps tranquillus in undis,  
 Iura focis, arisque Deum, terrasque colonis  
 Reddidit, & profugis desertas civibus urbes.  
 Nec te magna parens, duris exercita fuit  
 Femina, cui triplici maduerunt cæde penates,  
 Bisque empto latrone thorus, jam serâ silebunt  
 Carmina. Tu tanta dicas primordia gentis  
 Gallia, & ingentem fastis inscribe Loysam,  
 Cælinosque Duces. Tumulos venerare ; sed unum  
 Tot sedis expunge diem, quo perfida Cypris  
 Cadibus infames Francorum aspersit amores,  
 Impiique aspexit redi vivus ferda Thyestes.  
 Mauritius virtute præit, titulisque decorum  
 Illustrat belloque genus. non una trophæis  
 Sat fuit, aut forti suffecit Belgica dextra,  
 Parva nimis. vasti clauduntur cardine cæli  
 Prælia, & immensum circumfert vela per orbem  
 Bellatrix vindexque manus. Sic plurima sceptrix  
 Accedunt, Frederice, tuis, longoque triumphas  
 Ordine, & innumeris turgescit linea læuris.  
 Neq; tibi pacatis germaniæ sedibus olim  
 Vix jura dedit, nec prima luce coronas  
 Suspendit foribus Cattus, stirpique tuorum  
 Saxoplacens. gaudet clavis natalibus æquor,  
 Ne eidumque domus, Batavi. tu fluvibus ortus,  
 Oceanoque patri debes. tu Martius inter  
 Tympanaque, fremitusque viram, bellique labores  
 Nasceris.

Nasceris, & patrio tepesactis sanguine cunis  
 Indormis, scelerum ignarus. nisi forte tenellis  
 Emicuere aliqua jam tum vaguibus ira,  
 Et cæsi vindicta Patris. velut obruta quando  
 Occurrens Libyco tigris furibunda leoni,  
 Cui proles it parva comes, discerpta feroces  
 Deponit moritura minas: stat proxima matri  
 Trux soboles, sentitque malum; sed viribus impar,  
 Presentem condit, mox hunc ultura, dolorem.  
 Iactat Creta Iovem, Delos Latonia Phœbum,  
 Partus Delpha tuos. Fratrem dedit exera tellus,  
 Sed genitrix urbs nostra tibi est. quid in xenia civis  
 Gibboso fundata Duci, laticesque recoctos  
 Esse putas laudis precium? tibi gloria major  
 Surgit, & Auriacus late famam explicat infans.  
 Ille ubi prima levi fixit vestigiis gressu,  
 Militis emicuit species, genitusque videri  
 Bellator poterat. sunt arma crepundia, lusus  
 Deviæ Mavortis opes, raptæque subactis  
 Hostibus exuvia. clypei, galeæque tubæque,  
 Et conii radiantis apex, felicia belli  
 Orsa, placent, mediisque audax adolescit in armis.  
 Sæpe dedit teneris hastam gestare lertis  
 Mater, & intrepidus velavit casside vultus;  
 Vel latus accinxit gladio, duroque futurum  
 Armavit thorace Ducem. capit illa doloris  
 Lenimenta sui, nati que in imagine gaudet,  
 Ultorem mirata suum, festinæque voti,  
 Hic vindex tuus, inquit, erit, Gulielme, nec umbrâ  
 Nassavios inter proceres errabis inultâ.  
 Excepit prætexta togam, bullataque vestis  
 Expandit juvenile decus; cum ludicra belli  
 Auspicia, & ficta sprevit præludia pugna  
 Mens celsa cognata polo. vilescere Pallas  
 Incipit, & Batavus jam designatus Athenas,  
 Gradii præcepta capit. lorici Lycæum



Despiciat, arma scholam, chartasque repellit inertes  
 Pugnatura manus. Fraternalia negotia spectans,  
 Hac vellet permissa sibi, doluitque trophæis  
 Præcidi tot bella suis: parere Sicæbrum,  
 Et fortes animis Frisios, postremaque quondam  
 Nomina terrarum Morinos: tot castra teneri  
 Legibus, & famulis Mosam pâllescere ripis,  
 Et fratri totam Superos impendere Daphnen.  
 Possedit Bellona virum, & florentibus annis  
 Inspirat Martis rabiem. mora nulla, ferocem  
 Occupat Hesperiam, & qua vulnere fecerat ensis,  
 Lambit, & hostilem rabido bibit ore cruorem,  
 Acer & indomitus; quo vel spes certa triumphi,  
 Vel patris memor ira vocat. pedes urget Iberum,  
 Urget eques. fusos premit imperterritus hostes,  
 Nec veniam dant arma fuga. non horrida mortis  
 Creditur aut lethi facies. non frigida Phœbe  
 Importuna Duci est; vel qui sublimior axem  
 Phœbus habet. vidit spoliis Aurora superbum,  
 Et lucis pars nulla vacat. pars temporis omnis  
 Pugnanti favet omne solum. iam classibus undas  
 Claudat hyems, equitumque globos glacialia veſtant  
 Flumina; nunc eadem Zephyris spirantibus ather  
 Laxat, & aquoreis exercitus innatat undis.  
 Quis tibi tunc Alberte dolor? cum classica nostri  
 Principis Erkelias premerent victricia portas,  
 Et circum flagraret ager; cum rapta suppellex,  
 Nec custoditum victori cederet aurum,  
 Captivæque nurus. Qua tunc formidine pressi  
 Pallebant Grudii; Batavas cum Dela phalanges  
 Cerneret, & docti muris vicina Lovani  
 Latior Auriacas cantaret buccina laudes.  
 Cum tu clæve Ligur, cùm Princeps fœmina regni  
 Fumantes frustra lachrymis exstingueret ignes,  
 Ingemeretque suis tristis Brabantibus bustis,  
 Tutela securæ sua; cum territus hostem

Fugit,

Fugit, & ingenti se condidit aequore Sculdis.  
 Non Pandionia sic contremuistis Athenæ;  
 Cum ferus immensos vastaret milite campos  
 Medus, & in solis habitaret Græcia transtris.  
 Non sic obstupuit Latium, cum frangeret Alpes  
 Hannibal, & victis tremere Capitolia Cannis.  
 Dic mihi Fama memor, quales Alemannia vultus  
 Sumserit, adventu Batavi ductoris, ut omnis  
 Castra Getes, pavidusq; averterit agmina Cimber,  
 Codanique sinus populi; cum libera ab armis  
 Vrbs angusta novis juraret fœdera pactis.  
 O quoties duri circum fera cornua Rheni  
 Vectus equo, & triplici cataphractus pectora ferro,  
 Hesperias acies & formidata colonis  
 Castra stitit: quoties Vaholim Mosamque minacem  
 Cadibus Ausoniis vel sanguine tinxit Ibero,  
 Et victos galeis hausit victricibus amnes?  
 Flandria fatales Morinis reminiscere fastos,  
 Quæ cladis tum causa tua, quibus impiger ausis  
 Auriacus fraterque ruant: nunc littore castra  
 Prima locent; nunc arenti Gradivus arena  
 Æstuet, & geminum spectet de collibus agmen,  
 Divisa virtute ferox; ut lurida Tethys  
 Scuta virum, galeasque, & Batica corpora fluctu  
 Abluat, & victo redeant sua castra Philippo,  
 Vecta mari magno. Sed tu mihi Rora furentem  
 Siste Ducem. vident ut medios dilapsus in hostes,  
 Longius ipse suas linquat post terga phalanges,  
 Et captum circumstet Iber? Vos credite Belgæ.  
 Liber abit, pugnamque novo Martis lacescens.  
 Qui modo captus erat, capienti elabatur hosti,  
 Raptaque prostrati suspendit signa Trivulii.  
 Ecce Palatina libertas saucia terra  
 Poscit opem, victas Italus dum possidet urbes,  
 Arvaque Casareis Nemetum submittit habenis.  
 Nassavius molitur iter. nec segnior armat



Cornipedes, patriamque alium deducit in orbem.  
 Belga bibit Mœnum, tumidum gens nostra Mosellã,  
 Accola Neptuni Nicrum. miscentur in unam  
 Vangionũ Bataurũq; manus, non Trevir euntem  
 Sistit, & oppositis populosa Moguntia castris.  
 Stant acies. verum si mens non leua fuisset,  
 Lentaque cristatus traxisset pralia Teuto,  
 Non jam Cantabricæ turbarent prala cohortes,  
 Victoriq; Nicer fasces submitteret Istro.  
 Inter bella animum pugna inflammabat amore  
 Magnus Otho, quem Bistonius Germania peltis  
 Ire gravem, atque aquilis perjuris cedere Lunas  
 Latior adspexit. nunc victrix dextra Roberti;  
 Nunc bellatoris virtus generosa Renati  
 Subdebat stimulos, tantoque alimenta furori.

Quò fessum Dux summe rapis trans aquora va-  
 Et vastos pelagi fluctus? regemque salutas, (tem  
 Crinibus augustum triplex qui intexuit aurum.  
 Non mea regales tecum pudibanda subibit  
 Musæ lares, nec tanta rudi fiducia Phæbo est.  
 Tu patria voces & nostri iussa Senatus  
 Perficis, & magna juratum fedus Elisa,  
 Publicaque egregiis confirmas commoda curis.  
 Nec solum Auriacas Marvortia nomina lauros  
 Condecorant; sed Marte gravis, bellique trophæis,  
 Consiliis augetur honos. Respublica felix  
 Te Duce, te suasore manet; consultaque gaudens  
 Suspicit, & calidos Prudentia dirigit enses.  
 Virtutum tibi templa patent, exempla que fœdalis  
 Pralucet antiqua tuis. dum libera queris  
 Imperia, audacis succurrit gloria Bruti.  
 Dum mortem populo impendis, te Consulis umbrã  
 Solaris Decii. urgentes si sistat Iberos  
 Dextera, magnanimus monstrat tibi flumina Cocles.  
 Bella trahis? suavit Fabius. victoribus instas?  
 Iam repetita redux attollit signa Camillus,

Et raptum tibi Roma decus, Latiiq; resarcit  
 Opprobrium. cum dura pati fortuna cœgit,  
 Plurima ab intonso sumis docuimenta Catone.  
 Commendat faciles Trajani gratia vultus;  
 Nec patitur Titus esse ferum. Si lurida vexet  
 Castra fames, non jam Curios, contentaque parvo  
 Peſtora Fabricii solus mirabitur Auson,  
 Et Belgæ rudis herba placet, calidoque recocta  
 Sole dapes, & quæ mediis obſoni & campis  
 Lixæ parat. Si sancta fides promissa reposcat,  
 Regulus exemplo est. Fustus contemnitur effrons  
 Tarquinii, Manlique rigor, saxique Neronis  
 Funera, & immanes quos olim Romæ tyrannos  
 Indignata fuit. menti constanti & sedit  
 Adversis infracta malis, & crimina solum  
 Haud credit licuisse sibi, nec jura favori  
 Donat avaritiæ rabies, aut nescia recti  
 Ira gravat. cunctos clementia temperat actus,  
 Et metui servile putat. plus roboris addit  
 Imperiis securus amor, blandoque potestas  
 Nixa supercilio; nec se terrore tuetur  
 Majestatis honos. querulæ vaga in urmura plebis  
 Rectorum scis esse vices, regnique labores.  
 Ipse probas, quæ facta cupis; nec subdolis aures  
 Tundit adulator, saevoque ferocius hoste  
 Lingua nocens. totâ livor proſcribitur aula,  
 Dum solus damnetur Iber. Te patriæ primam:  
 Tu patriam, sed primus, amas. vocat illa parentem,  
 Tu sobolem; dubii patrisque & Principis inter  
 Nomina pergratis cives erroribus hærent.  
 Felix illa dies, mediis quæ Belgicæ castris  
 Elegit gavisus Ducem, fraternaque fratri  
 Sceptra dedit. felix eadem, quæ splendida tecum  
 Astra venerandus adit delubra Senatus,  
 Æternamque tuo capiti meditatatur honorem:  
 Favistis superi Batavis; dum Principe ab uno



Iura Themis, Mars arma capit. non horridus ultra  
 Terret, & ultrices Divum pater explicat iras,  
 Aut caelo portenta trahit. post funera Princeps  
 Nasceris, & nigros feralia pondera peplos  
 Exiit alba dies; & qua modo praefica cantu  
 Luxerat Auriacum, tristes te Praeside lessus  
 Nescit, & excusso reparat sua gaudia luctu.  
 Applaudit tibi Belgae favens, primusque Sicamber  
 Accinit auguriis, tibi propugnacula Mosa,  
 Et totum pandit Vahalin, diuisaque Rheni  
 Flumina, & invictas ferratis moenibus arces.  
 Nec minus alma tuus genitrix Hollandiae cunis  
 Lata novo fulgore micat, natoque superbit  
 Principe, & augustas submittit fascibus urbes.  
 Omnia praesenti postponit secula duris  
 Emergens Toxander aquis, & Flandrica donans  
 Imperia, Auriaco littus custode tuetur.  
 Te Flevus, Drusique labor, Donataque mitra  
 Oppida, te dominum diuisis castra salutant  
 Gentibus; ipsa suo vel quas foecunda virorum  
 Albion exciuit gremio, vel proxima Rheni  
 Fontibus ora dedit, vel quas Germania pugnae  
 Casside, & aratis armavit Gallia gæsis.  
 Eoi tecum restaurant federa reges.  
 Rectorem Tidora colit; ditesque Moluccae,  
 Lavaque odoratis onerant tibi mercibus alnos,  
 Victricesque rates: fulvum Guinaea metallum  
 Spondet: Hydaspes ornantur pilea gemmis,  
 Atque alibi jam lucet Eos, Arctoaque cingit  
 Tempora. transmittit longinquis munera terris  
 Tabrobane, fundunt reduces tibi thura Sabæi,  
 Et Syria molles populi, ac vicina Damasco  
 Moenia. Cuncta tuas venerantur littora laudes,  
 Totaque Nassaviis vel paret machina iussis,  
 Vel parere timet. vastis circumfluis undis  
 Neptunus tibi vota fremit, saxumque tridentem,

Nerei-

Nereidumque domos, & magni jura profundi  
Mancipat, & totum submitit classibus æquor.

Sume paludatas, Princeps venerande, secures,  
Et castris dic jura tuis. Sat multa triumphis  
Littora servat Iber. Phœbo subtraximus Indium;  
Occiduis restat, nec notus finibus Auster,  
Nec passim faciles Afri. Victricia cernat  
Signa Tagus, nostrisque minans Carteia carinis  
Occidat, & quondam mundi pars ultima, Gades.  
Prædatrix Ostenda ruat, tandemque trophæis  
Accedat Dunkerka tuis. hostilia subde  
Oppida, securus decurrat puppibus æquor  
Navita, nec captus ploret sua fata viator.  
Saltem aliqua Batavis Bredanum averte pudorem.  
Multa tibi Ætnæis jam fumant æra caminis;  
Invictasque Duci galeas, & nescia ferro  
Cedere scuta suis Brontes fornacibus aptat,  
Vulcanus gladios, Steropes thoraca, Pyracmon  
Ferratas subigit frameas, clavisque nitentes  
Loricæ rutilo gaudens superinduit auro.  
Ipsa tibi magno tellus percussa tridenti  
Fundit equos, cui Nassavius calcaribus armos  
Attentumque latus fodiat, qui flumina velox  
Et rapidum tranet Vahalim; nunc culminæ doctus  
Transvolet, & nulli Cererem subducatur arista.  
Iam video nova regna rapi, Morinosque coactos  
Degeneris meminisse fugæ; jam subdere colla  
Advaticos: domitis Scaldim mitescere castris  
Latius impexum fines diffundere Geldrum,  
Semotoque magis Frisios prædone vagari.  
Tui Patriæ dignos ex te concede nepotes,  
Auriacumque expande genus, stirpique futuræ  
Imperii promitte decus. tibi templa, penates,  
Curia concordæ aeterno fœdere mentes  
Despondere velint: nec te Fratrique Patrique  
Dissimilem belli videant virtute Batavi.



## A R G O B A T A V A,

Sive Epinicium in captam classem  
Mexicanam.

**A**rgolicas classes, spoliūque illustre Pelasga  
Pubis, & aurifera raptum de Colchide vellus  
In Batavis jam, Belga, vides. En Tiphyn, & Argo,  
Selectosque duces patria, reducesque carinas,  
Et Tartessiacō malē custodita draconi  
Munera, & Occidui penetralia diruta Phoebi.  
Quas versas, Fortuna, vices? quo crimine damnas  
Hesperios irata Deos? dominumque potentem  
Vis nutu trepidare tuo? nec regna perenni  
Sorte beas? summosque tuo sub numine reges,  
Sceptrorum qua fata, doces? trabeasque, ducesque,  
Et formidatas gemino sub Sole tiaras  
Tot damnis facis esse reas? Num prae scia veri  
Grajugenū nostris praelusit fabula terris?  
Et Colchis tum ficta fuit, tum fictus Iason,  
Et ficti Minya, & cantat & pellicis artes?  
Inveniunt nunc cuncta fidem. plus Colchide servat  
India; Phryxais pallens mutavimus aurum  
Exuvias; nostroque satius sub sidere ductor  
Æsonides nunc alter adest, Argiva juventus  
Toxandri Batavice sumus. non Pelias Argo  
Dissidit Euxinum trabibus spumantibus aequor,  
Aut labor in veteri tantus jam luditur urbe:  
Non qui rura secat gelidus ditissima Phasis  
Abreptas deplorat opes. stant littore puppes  
Auraca, queritur que sua dispendia gentis  
Infelix Vesper, nec quondam cognitus orbis  
Vincitur, & solum vellet mitescere Belgam.  
Presserat Vnanimēs Hispana potentia terras,  
Imperiumque sibi late firmaverat auro

Dives

Dives Iber; poteratque uni mercabilis esse  
 Terrarum fortuna Tago. jam cesserat Ortus,  
 Frenaque Castella pallens admiserat Indus,  
 Quà Pyrois se mergit aquis. submiserat Afer  
 Littora, & Austriacis toties Europa favillis  
 Arserat, & dives poterat metuisse Philippos.  
 Sæpius iratum Vahalin Mosamque catenis  
 Strinxerat, & vitas Rheno subtraxerat urbes:  
 Certatumque diu fuerat: num Rege sub illo  
 Subderet ipsa suos concors quoque Belgica fæces,  
 An dominis contenta suis pars parvula mundi  
 Staret jure suo, latumque ostenderet orbi  
 Libertas speciosa caput: num sperneret audax  
 Regnatorem Asia, an positis agnosceret armis:

Cum Batavum sic ductor ait: Tantumne licebit  
 Hesperia? populosque meos impune laceffet  
 Cantaber? & socios ultra populabitur agros?  
 Cur servat Bellona modum? cur segnior æther  
 Temperat armorum furias? & neutra potentum  
 Causa libat? cur quas nobis extorserat arces  
 Eripit Austriaco? vel quas extorserat illi  
 Donat Arausiada? & mutato Principe mutet  
 Oppida, & adversis pereunt mihi mœnia castris?  
 Luditur hoc terra gremio, divisaque belli  
 Gloria victorum geminis alternat honores  
 Partibus, & lenti partitur commoda Martis.  
 Promotum tellure parum est. vicina Sicamber  
 Bella dolet: Frisiis prædatrix finibus instat  
 Linga ferox: timet armatum Zelandia Scaldim:  
 Cunctaque circumstant hostiles rura phalanges.  
 Tentanda est fortuna foris, meliorque triumpho  
 Materies rimanda procul. quocumque recedant,  
 Occurreret quod perdat Iber. Iam paruit Eos,  
 Ferventesque mihi fasces misere Mobra, &  
 Taprobaneque ferox, & divitis ostia Gangis,  
 Et Tidor, & nostris Ambona potentior armis.



Huc aquilas, huc signa tuli, subductaque Bati  
 Terrarum pars magna fuit. Gangetica fumant  
 Littora, & Auriacis Malabar perculsa carinis  
 Horret adhuc, Bata vîmque pavent incendia lava.  
 Oppositum mundi restat latus. aurifer Indus.  
 Vltimaque Arctois Tethys, spolianda trophæis  
 Linqûitur, & pulchro tellus donata metallo.  
 Illic pallidulas volvit Pætolus arenas,  
 Et ditis sunt tecta Mida, Pelopumque penates,  
 Attalicique lares. illic in viscera terra  
 Itur, & abstrusa turbat penetralia Vesta  
 Fossor, & ipse suo scrutator concolor auro.  
 Quid Cuscum, Quidumque potens, preciosaq; Chiles  
 Oppida, quid placidis Limam qua præsidet undis,  
 Commemorem, claramq; Peru? capit inde malorum  
 Argumenta furor, socioque superbia luxu  
 Ingenii fomenta sui. causasque nocendi  
 Invenit. hic dirum peregrina pecunia Martem,  
 Pestiferasque faces, bellique accendit Erynnin,  
 Inque neces nostras toties armavit Iberum.  
 Hæc clypeos tot vena vomit, tot fabricat enses,  
 Invertit fas atque fidem, regumque ruinas  
 Ex alto scelerata trahit, tot sibi ruît urbes,  
 Tot populos, fatale lutum. timuere Britanni  
 Hesperii rectoris opes, sensitque ferocem  
 Gallia, terribilem Venetus, Germania fortem,  
 Belga gravem, sævumque sibi glacialis Ierne,  
 Audacem Allobroges. regnatoremque profundi  
 Oceanus. tanto supplex natura magistro  
 Paruit. hoc uno princeps ditatus ab Indo  
 Subdidit hunc ipsum sceptris, & margine cœli  
 Finit imperium. qui, tot labentibus annis,  
 Terruit infractos audaci milite Belgas,  
 Indus erat. qui castra Tago transfudit in Arcton,  
 Instravitque suis Neptunia regna carinis,  
 Ille fuit. qua mansuetum tot cadibus Albim  
 Imbuit,

Imbuit, & Nemetum conspersit sanguine terras,  
 Pars mundi postrema fuit. si cessimus, auro  
 Cessimus, Hispana nunquam vicere sarissa;  
 Qua vicit, dis gleba fuit. tam nobile lucrum  
 Emeruit fama & precium, Quid sedibus hisce  
 Protrahimus bellū Batavi? Phœbumque cadentem  
 Negligimus? cur non magnis invadimus ausis  
 Raptum Attabalipæ solium? præadamque Pisarri,  
 Barbaricasque pari rapimus virtute tiras?  
 Credite Battavia proceres, hac parte petendus  
 Cantaber, hoc uno finiri nostra triumpho  
 Prælia posse reor, solum locus iste potentis  
 Imperii suffulcit onus. hæc omnia tellus  
 Vindicat, hæc mundo pacem victoria reddet.  
 Ibimus, & si quis fatis locus, ibimus, & mox  
 Territa Nassovias spectabunt Mexica classes,  
 Attexentque meis victricia rostra coronis.

Talia Arausiades attenda per oppida ductor  
 Dum loquitur, subitoque accendit pectora motu:  
 Et jam magna novi sedit fiducia belli;  
 In Zephyrum gens tota ruit, divisaque Belgæ  
 Partibus, ingenti cœunt araria censu,  
 Et bellum privata parant. post publica cives  
 Arma, suis fervent studiis; opibusque reposcunt  
 Coniunctis unius opes. spe concipit Indum  
 Quilibet, & dubia patriam mercede tuetur.  
 Nec differre placet tanti molimina belli,  
 Aut patitur fortuna moram. dat classibus undas;  
 Duraque Neptuni soboles, interque procellas  
 Indomito nutrita salo, vagus æquoris hospes;  
 Huc omnes vertère minas; agiliisque juvenus,  
 Illa suæ vindex patriæ, & Mavortis imago,  
 Bellona ridente, novas contingere terras  
 Gestit, & aurifera votis exultat arena.  
 Ibat ovans animis, spoliisque insignis Iberum  
 Ductor; & Hesperis redimitus tempora rostris,



Æoliosque inter fremitus, noctesque, hyemesque  
 Suetis honorata traducere tempora vitæ,  
 Disposuit medio bellacæ carbasa ponto;  
 Auspiciisque Deum, claro sub Principe, latum  
 E Bataris molitur iter. sic noster Iason,  
 Æsonides sic noster abijt. velut acer in Afros  
 Ibat, agenoreis minitans incendia portis,  
 Scipiades; postquam Latias scivisset in urbes  
 Hannibal, inque suis doluissent bella Quirites  
 Visceribus gremioque geri, victæque fuissent  
 Post Trebiam infames Cannæ. sic longius ibas  
 Cum Macetis, Pellæ, tuis; cum finibus arctis  
 Nescires pugnare domi; nec Persa superbus,  
 Bactraque, Arachosique, & vasti Orientis honores  
 Insanum imperiū possent frenare furorem;  
 Cum toto Tyrus alta mari circumdata nollet  
 Ferre jugum, solumque tuis submitteret arces  
 Classibus, & Græcia citius vicere carinæ.  
 Ille per aquoreos numerofo remige fluctus  
 Vectus in Occasum, didicit Solemque diemque  
 Se jam ponere sequi, atque astris præeuntibus audet  
 Successus sperare sibi. mox flantibus Euris,  
 Hinc etiam documenta capit, cœlique favore  
 Lætiq, Albionis populos, & regna salutat  
 Celtica. at infestum mox prætervectus Iberum,  
 Vindictam sub corde premit; tacitusque putatur  
 Fatalem huic dixisse diem. quacunque per undas  
 Flexit iter, pavido sperata silentia passim  
 Incubere mari. fugit Tritonia conjux,  
 Inque cavernosum se submersere profundum  
 Nereides. alium Salamina prædix Xerxem  
 Moliri, pars una timet: pars altera, Troje  
 Reliquias hac classe vehi, rursusque furente  
 Æneam Iunone peti: vel grandibus iris  
 Actiacas repeti cœvili sanguine pugnas:  
 Aut iterum Hesperio Belgis sub rege parari

Turrigeris poenam ratibus. sed longius actus,  
 Suppositumque tenens signis ferventibus aequor,  
 Terruit ethereas Arctoo milite Chelas,  
 Et timidis vidit Geminos harere lacertis  
 Arctius, & trepida pallentia Virginis ora.  
 Sed non sidereum cepit formido Leonem.  
 At Batavi postquam vidit depicta Leonis  
 Signa procul, rostrisque coli se novit in istis,  
 Nominaque inscribi ratibus, fulgentior ignes  
 Explicuit, rutilasque faces accendit cuncti.  
 Mox ubi magnanimo tellus inventa Columbo  
 Ante oculos & rostra stetit, visaque fuere  
 Cyclades Occidua, & scopulis Barbuda tremendis,  
 Invasit loca cuncta metus. que cincta profundo  
 Cuba jacet, titulisque novis Hispania gaudet,  
 Adventu tremuere Ducis. turbata Philippi  
 Imperia, & missis habitat a regibus aula  
 Prasensere malum. grandem transvecta per Isthmum  
 Attonitam quoque Fama Peru, pacataque late  
 Aequora, Guianaque domos, Panamamq; Diosque  
 Perculit. occulti Potosi tremuere recessus,  
 Inque suis pavidum venis expalluit aurum.  
 Non sic extimuit Clypea sub portibus Afer,  
 Cum Latius Poenam terreret classibus urbem  
 Regulus, & longi jaceret fundamenta belli  
 Navigat Arctous populus; veterisque coloni  
 Orbe novo posuere rates, in versaque belli  
 Sub Tropico fortuna fuit. quo sidere Phoebo  
 Meta stetit, nostri quoque lux altissima fati  
 Emicuit, sociosque astris aequavit honores  
 Auriacae virtutis apex. Quis crederet? illa,  
 Illa diu gens pressa domi, vix sedibus, eheu,  
 Tuta suis, secura, foris peregrina laceffit  
 Regna procul, mediaque velut stat Colchide victrix.  
 Hic ubi diffusum late circumspicit aequor (strum,  
 Dux Batavum, jamq; in Boream, jam spectat in Au-  
 Impa-



Impatiens voti, fama que sititor, & auri,  
 Adspicit ex alto surgentes gurgite longè  
 Adventare rates, & foetas mercibus alnos,  
 Transtraque Phryxæum domino portantia vellus :  
 Cum sic ad socios puppi præfatur ab altâ ;  
 Has ego vel bello victor, vel morte tenebo  
 Certus opes. per tot fluctus, mundique cucurri  
 Littora, vici hyemes, æstivaque sidera sprevi,  
 Brasiliaque meis arserunt littora flammis  
 Nuper, & hic galeis pelagus victricibus hausi.  
 Nunc restat labor iste mihi, spoliisque litandum  
 Belga tibi. nullo relegam vestigia cursu,  
 Dum mea sit spes tota Tagi, dum cesserit illa  
 Obsequiis dis præda meis : non sospes abibit  
 Hesperus, aut missum capiet vectigal Iberus.  
 Accelerate viam, socii, conscendite puppes,  
 Quæque vehunt Indos, ferro jam vindice Belgas  
 Transtra vehant, dominosque alios agnoscere discant  
 Sidereæ puppes, & castra natantia ponto.  
 Si morimur, patria morimur. si sanguine tantum  
 Constiterit facinus, patria debemus & illum.  
 Vivimus, hoc etiam patria est. pugnamus, & illud.  
 Alterius vos nosque sumus. nec talibus ausis  
 Fama levis petitur. socio comes ibit honori  
 Vilitas, raptis cunctis mactabitur ære  
 Paupertas in visa domi. solabitur Indus,  
 Quos inopes dudum gracilis damnavit egestas.  
 Non in Parrhasiis Boreæ consistimus oris,  
 Non Zemlæ glaciale fretum gelidasque jubemur  
 Ire vias, non verticibus trux imminet Arctos,  
 Aut cum carnivoris miseri decernimus ursis.  
 Cuncta nitent, gaudetque suo natura sereno.  
 Nos melior cœli regio placidumque cubile  
 Solis habet. calidos ubi fax Phœbea negavit  
 Differri plus posse dies, bis messibus æstas  
 Turget, & aterni ridet clementia veris.

Inter opes hostesque sumus. quas cernitis, undis  
 Diviua gazeaque natant. hec carbasa mundi  
 Fata vehunt, Regumque ferunt diademata puppes,  
 Nunc pugnare manu, toto nunc robore niti  
 Vos decet. expansis agedum succurrite velis,  
 Et vestri faciles iussis parete magistri.

Tales magnanimo dignas ubi praside voces  
 Ediderat, paret dictis Neptunia pubes.  
 Ocius hi remis, & contendere laceris,  
 Vel alii, laxosque citi explicuere rudentes.  
 Fervere cuncta mari, & verri vada carula cernas  
 Armigeris conspersa viris. nec segnius ille  
 Imperat, & socios fugientem instigat in hostem.  
 Iamq; pavens, pallensque metu circumdatur Indus,  
 Et dives bellare timet. quamque anxia res sint,  
 Discit, opes, magnique gravis custodia census.  
 At contra spoliis immanibus acrior instat,  
 Et quantum causa distat, vicinior armis  
 Belga premit, ratibusque rates hostilibus arctat.  
 Præda sit Hispanus, confertaque scrinia vecors,  
 Deserit. ærias scandunt Marvortia puppes  
 Agmina. non aliter, quam densa grandinis imber  
 Fecundis incumbit agris; olidumque cadaver  
 Invadit rostrata cohors; aut acta per auras  
 Hyblaos mellita tegunt examina montes.  
 Quis tibi tunc, Havana, dolor? cum littora circum  
 Erraret tua Nassovius exercitus armis,  
 Inque tuis Batavum fremuerunt classica terris,  
 Et pavida Auriacas classes videre Matanca.  
 Exiit locuples gazis regalibus Astur,  
 Et letum transfertur onus. portantur Iberi  
 Regis opes pelago, & tantis Dux Heinius ausis  
 In patriam spolia ampla refert. augusta vehuntur  
 Pondera, & Arctoïis fato servata triumphis  
 Belgica inoffenso subeunt navalia cursu.  
 Sic nobis mereatur Iber. sic India nostra est,

Ignor-



Ignorata diu terris. quæcunque per orbem  
 Possidet Hesperidum rector, quoque possidet hostis,  
 Soli nec immensi domina est Castella peculi.  
 Quicquid in hoc reperit Vespuci industria mundo,  
 Inventum tibi, Belga, scias. quæ regna Columbo,  
 Iam populo patuere tuo. quæ prælia gessit  
 Cantaber, hæc nostros etiam confecit in usus.  
 En cœunt gemini bellis felicibus orbes,  
 Et quæ flammiferi surgit fax inclytæ Phœbi,  
 Quaque ruit, fractisque bibit feruoribus undas.  
 Dissociat natura duos, victricibus armis  
 Confociat victor populus, dominisque sub iisdem  
 Auriacas duplici suspendit cardine lauros.  
 Credite posteritas. quæ vix trepidantibus olim  
 Principibus parvâ poterat se sede tueri,  
 Terra, procul missis diffundit jura colonis,  
 Et cunctis quatit arma locis, nec limite certo  
 Omne audet calcare solum. vagus advena mundi  
 Hac habitat tellure, salo nutritus & undis,  
 Partiturque suos Nerei cum conjuge fasces.  
 In ratibus vis summa Ducum est, sceptrumq; geren-  
 Robur habent. parvâ ratibus crevistis Athena, (tes  
 Totaque se fluidis defendit Gracia lignis,  
 Vecta mari magno. cur vertice proxima caelo  
 Alta Tyrus Sidonque fuit? potuere carinæ  
 Imperio monstrare viam. dum navigat ingens  
 Carthago, trabibusque natat, dat jussa Saguntæ,  
 Gadibus, & Libycis Trinacria parvit armis.  
 Tuque aded nunquam Superis tam visa fuisses  
 Roma potens, Latii nisi formidata carinis  
 Ostia barbaricos aquilas misisset in Afros,  
 Aut Pelusiaci bellacæ littoræ Nili.  
 Nec Batavus virtute minor jam clarior exit  
 Gentibus, & quovis armat sub sidere puppes.  
 Adspice, Belga, virum, tibi nunc ostenditur anchor,  
 Totus ovans; Curibus parvis, & paupere Portu  
Missus

Missus in imperium magnum. cui nobile virtus  
 Stemma dabit, seroque feret praecoxia seculo  
 Fama memor. nondum bellorum in vultibus ira  
 Subsedere Duci, nondum spoliantis Iberum  
 Deseruit rabies. dicas majora minari,  
 Et facinus versare novum. fiducia rerum  
 Magnanimo sub corde sedet. spectacula, triumphos  
 Dissimulat; tua vota capit. nec gaudia tantum,  
 Quam facti momenta probat, sperat aequae nobis  
 Otis, & Hesperiae domitos hac clade furores.  
 Si magnum, vicisse, putas; sine cordibus hostem,  
 Hoc majus, vicisse, reor. discessit in altus  
 Cantaber, & nullo nostrorum sanguine Regem  
 Imbellis placavit Iber. Nos solus Olympus,  
 Oceanique furor, Boreaque exercuit ira,  
 Et docuit plus posse Deos. Sic nempe decebat,  
 Quae dederant, aliquo discrimine dona parari,  
 Grandiaque admixto frenari vota periclo.

At vos Battavia proceres, civesque, duorum  
 Nomina magna Ducum fastis inscribite vestris.  
 Qui prius Herculeas audaci Marte columnas,  
 Et subitis Calpen, Abyla vidente, favillis  
 Terruit: & quem nunc spoliis spectatis onustum  
 Materiam belli gravidis vectare carinis.  
 Heemskerki manes & magni pectoris umbra  
 Audiat hoc. venit praecleari funeris ultor  
 Heinius, & cunctis factum memorabile terris  
 Continuat virtute nova. Dux alter in undis  
 Castra rapit, rapit alter opes. hic pabula Marti  
 Eripit, ille rates. alium Bellona secundat,  
 Huic ultra Fortuna favet, sortisque serena  
 Gratia. post lituos alius laurosque superstes  
 Involvit se laude sua: post busta triumphat  
 Alter, & in media statuit tibi morte trophaum,  
 Belgica, diverso geminis decernitur orbe:  
 Dumque alter veterem sibi subdit, at ille repertum,  
 Terra-



Terrarum pars nulla vacat. Dux magne Bataurum,  
 Ingredere auspiciis lætas felicibus urbes,  
 Et cœlo famulante rediit. per mœnia clamor  
 Tollitur, Ecce venit; portasque effusa per omnes  
 Agmina patricio cumulant plebeja favore  
 Gaudia. permiscet senibus se densa iuventus,  
 Virque puerque tuis gestit plausisse triumphis.  
 O quantum mutata tuo res nostra regressu!  
 Ut patria priscus rediit vigor, urbibus agris  
 Vita, calorque novus! quanta est spes addita Belgis!  
 Talis vere novo, pigra post tedia bruma,  
 Vis animis membrisque redit, cum celsior acres  
 Ducit equos, noctisque fugat fastidia Titan.  
 Ipsa triumphatum ante oculos victoria Batim,  
 Captivumque Tagum, & preciosa monilia Regum,  
 Poculaque, & pateras, fulgensq; in torquibus aurum,  
 Exhibet. incusat fatales India merces  
 Atque iterum sua dona timet, metuitque perire  
 His ipsis afflicta bonis. Hispania nigrum  
 Syrma trahit, ploratque sua dispendia terra,  
 Iustaque Bataurico subduci robor a bello.  
 Testibus his totum facinus vulgatur in orbem:  
 Grataque posteritas dicet, Te vindice, Belgi  
 Emicuisse decus. tantis securior ausis  
 Tempora rostrata cingit tibi Belga corona,  
 Heroumque libens titulos & nomina donat.  
 Nec desunt studiis Superi. Tibi sidera servat  
 Iuppiter; & qua jam rediisti victor in Argo,  
 Ut videant Batauri, gelida vicinior Arcto,  
 Clara coruscanti semper fulgebit in auro.

## VESALIA CAPTA,

Duce facti fortissimo Heroe

OTTONE GENTIO,

Domino van DYDEN,

XIX Aug. ann. CIO IOC XXIX.

**Q**uam pavidos inopina juvant, quam gaudia  
 mæstos  
 Insperata movent animos, minuitq; dolorem  
 Improvisa boni facies. sic pulpita postquam,  
 Et personato squallent proscenii lætæ,  
 Et turbata stupet proprios orchestra furores,  
 Funeraque, & nullam crudelis fabula finem  
 Sortitur: Deus, ecce, Deus delapsus ab alto  
 Cernitur, & tragicos absolvit machina motus.  
 Sic vagus æquoreis Tiphys jactatus in undis,  
 Quem sua destituit puppis, nudumque carinæ  
 Remigio sociisque latus, dum mentis & omnis  
 Consilii melioris inops, cedensque periclo,  
 Forte salutarem, quam fors vel gratia Divinam  
 Advolvit, prensat tabulam, fluctusque per ipsos  
 Enatat: ingentes securo in litore casus  
 Admiratur ovans, mediaque in morte saluti  
 Præsidium roburque capit. Tu dilue lætus  
 Lætitiæ jam, Belgæ, tuos, tumidaque triumphum  
 Hesperia, & sterilis miseranda incendia terra,  
 Et quos infelix queritur Vela via campos  
 Austriacis patuisse aquilis, clademque Sicambrum  
 Successu solare novo. victoria damnis  
 Obstrepit, & patriæ reparat dispendia pernox  
 Auriacus. Tibi victa suos Vesalia ci ves  
 Devovet, & pulso nobis placatur Ibero,  
 Ac patrio sventens se ulciscitur Isala Rheno.

Ille



Illa graves portarum obices, & vincula laxat  
 Ferrea, nec ducibus metuit parere Batavis.  
 Quin gaudet se lata capi, graviſque belli  
 Vim patitur, creditque ſibi tunc otia ferri,  
 Dum circum Bellona furit, murisque ſub iſſis  
 Arietat, armatumque equitem penetrabilibus infert.

Hoc precio graſſetur Iber, camposque patentes  
 Poſſideat, talem nobis dum debeat urbem,  
 Et regni momenta ſui. viduata colonis  
 Rura premat, laxiſque ferox ſe jaſctet arenis,  
 Et late prædetur eques: dum fortis caſtris  
 Oppida, & Hiſpano munitas mœnibus arces  
 Subducat fortunæ duci. Brabantia plaudat,  
 Et jam ſe viſiſſe putet, dum gaudia ploret  
 Imperio damnoſa ſuo. procul audeat ad nos  
 Intrepidum proferre gradum, dum negligat amens  
 Inſultantem alibi Auriacum. longinqua ſequatur,  
 Dum faciat ſibe pondè famem. ſpe proxima fronti  
 Devoret, at tergo inſtantem ſic ſentiat hoſtem.  
 Quod facimus, quam grande cano! dum luctus &  
 Occupat Vnanimis tanto discrimine terras, (horror  
 Veliferumque bibit bellax Germaniæ Fleuum,  
 Et duplicis ci cum Rheni ſe cornua jaſctat  
 Cantaber, & raptas Pacata per aquora gazas  
 Rurſum animo votisque capit, nutritque ſuperbus  
 Stultitiæ fomenta ſua; jam victus & excors  
 Indecori dat terga fuga, diſperſaque ſigna  
 Colligit, & timidis repetit ſua caſtra manipulis.  
 Haud aliter Latias Pœnus dux terruit arces,  
 Extremumque ſibi victis Capitoliæ Cannis  
 Promiſere diem: tales tremuiſtis Athenæ,  
 Cum ferus iratam Medus tranſcenderet Hellen,  
 Totaque barbaricis arderet Græciæ flammis,  
 Cecropidumque læres: rurſus ſe maſcula longo  
 Solvit Roma potens luctu, cum territus Afer  
 Aſpiceret Libyco graſſantem littore magnam

Scipiadem, & retrò amissas remearet ad urbes  
 Hannibal, & Trebiam Cannasque odisset, & Alpes.  
 Ille ferox populus, toti qui præsui orbi,  
 Quem dominum gentes nimirum sensere subacta,  
 Isala cui domitas trabibus constraverat undas,  
 Quo fugiat, vix esse videt. quin sedibus arctis  
 Obsessi discrimen habet, dum debita verse  
 Præcipiant alimenta vices. ô quanta malorum  
 Agmina circumstant pavidum! granaria, messes,  
 Æra, rates, strictis rigidas mucronibus hastas,  
 Pilaque pugnantumque se faces, & quicquid in hostem  
 Bellatrix doctrinæ parat, stipendia, currus,  
 Signaque, capiti vosque duces, glomerata tenemus.  
 Quam discit bellæ miser, quam vulnera sentit  
 Eugeniæ funesta suæ, quam vellet eanti  
 Longius amotum ratiùs succurrere Scaldim,  
 Aut Ambivaritos inter Tungrosque locuri  
 Castra suos! periit grandis fiducia cæpti.  
 Ad veteres fines, Turnhoutæ ad maxime fessos  
 Solvat equos, scribatque sue solatia Sylva.  
 Exitio, vicisse, fuit: venere phalanges,  
 Ut fugerent: dicit querulâ conviri ripâ  
 Romulidum Drusique labor: vidisse Sicambros,  
 Prò, pudor est: ludit lusum successibus anceps  
 Diva sumum; bellique minax se vertit in hostem  
 Alex. nostrorum stimulos virtutibus error  
 Subdidit, & præsens extorsit summa periculum.  
 At trepidans humeris clypeum vix sustinet agris  
 Hostis, & astricta pudibundos casside vultus  
 Abdit, & ingentes animos formidine frangit,  
 Et multum subita deplorat fata ruina.  
 Armorum secunda domus, palatia Marti  
 Et belli devota Deo, Cererisque penates  
 Iam nobis Bata voque patent. & quicquid in annos  
 Lemnos, & arisonis Curetum fecerat antris  
 Mulciber, accedit spoliis, gaudetque Pyragmon



Nassovio tantos famulari posse labores.  
 Mutata est scena facies. en patria letum  
 Exerit os, & se nimium timuisse fatetur.  
 Ibat mœsta Pales, nec jam, velut antè solebat,  
 Sylvestrem tenui Musam cantabat avena ;  
 Non herbas pecori, non raptis Thestylis agnis  
 Lac dabat, aut vitreas vicini ad fluminis undas  
 Ducebat Melibœus oves, armenta que tuto  
 Pascebat petulans Corydon. ausfugerat Ægle,  
 Mœstaque Hamadryadum percussas turba per urbes  
 Non secura satis culpabat commoda ruris.  
 At nunc lanigera tali rumore cohortes  
 Marsatios colles & nota pascua vallis  
 Certatim repetunt. Damœtas, Thyrsis, & Ægon,  
 Casareos postquam sors improvisa fugavit  
 Geldorum tellure duces, assuetaque Dravo  
 Agmina, & hostiles terris avertere pradas :  
 Conscia lætitiæ magnis præcordia curis  
 Expediunt ; latumque choro Pæana canentes,  
 Carminibus gemitus lacrymosaque gaudia miscent.  
 Prospera sed quantum nostris spes addita Belgis,  
 Tantum exempta Tago est, tantum decessit Ibero.  
 Iam fluvios transisse piget ; jam prædæ, villas,  
 Et circum rabidis fumantia culmina flammis,  
 Totque ira monumenta sua post terga relinquit ;  
 Nec nova prædari cupiens, nec parta reservans,  
 Hoc metuit, ne militiæ delicta ferocis  
 Intra septa luat. post se, post flumina retro  
 Et victas urbes, & victas conspicit arces,  
 Sequæ velut clausum circo breviorè teneri.

Grande ducis Liguris spoliùm, circumdata vallis  
 Mœnia, Cantabrici studiis asperrima belli,  
 Tot nuper defensa viris, quæ Lupia lambit  
 Proximus, & lato Rhenus pater alluit abveo,  
 Odrysi que potens domus, in qua Regis & arma  
 Et currus fuit, aversi cœu turbine facti,

Vincitur, & fausto Divum moderamine, nostris  
 Additur imperius, dominumque immutat, & hora  
 Momento cessat magno parere Philippo.

Qualia Nassovio miracula parturit ather.

Rumpe omnes, Hispanae, moras, elabere praecipis;  
 Non ultra tibi nostra patent, si prospera quicquam

Indulset fortuna tibi, si in viscera Belgi,

In gremium servare dedit, si portio terra,

Si cessit pars ista soli, jam bella paramus

Fluctibus, effusis Tethyn laxamus habenis,

Et qua flumen opem negat, objectavimus aequor.

Non uno remeare modo te cogimus. imus

Aggeribus contra. glebis pugnamus & undis.

Nec satis hoc. claudit jugulum Vesalia castris,

Et prohibet jam victa cibos. inopique famemque

Imperat, & rabiem, Vos o, vos vivite belli

Fulmina praestres anima, atque equanda Camillis:

Nomina. tu Batavum geris fortissime Dydi,

Quique ferox justis vincis bellator in armis

Volpade, dignamque isto cognomine praedam

Eripis Hesperiae stabulis. vos Fama loquetur

Per populos, vestris debet virtutibus atas

Postera. vos, magno patriam turbante tumultu,

Divinam tribuistis opem. vos obsita licet

Libertas, passisque dolens afflicta capillis

Relligio, Pietasque colent, & tempora circum

Suspendent murale decus. Vos urbibus, agris,

Triptolemo, Cereisque, Deis solatia fertis;

Aurisci libratis onus, clarique labores

Principis, & belli molem, motusque levatis.

Magne Deus, tibi thura damus, tibi concinit hy-

Belgica. sic res est. solium te praeside tantum (rimos

Respondit voto facinus. te vindice portas

Fregimus, in muro stetimus, conscendimus urbem;

Vicimus, intulimusque adversis agmina signis.

Te duce non equitem gressus, peditemque sefellit



Noctis iter. per te framea valere, globique,  
 Machinaque; & pavidis miles custodibus acer  
 Instat: Austriacæ fiducia languit aula,  
 Et sua securo nocuit victoria Ibero.  
 Sis clemens, facilisque dii: felicia tollant  
 Nassovii vexilla duces: Tu numine dextro,  
 Quos gerimus, decora titulis victricibus enses,  
 Hostiles averte manus, obsessa reclude  
 Oppida, & attonitum qui nunc famulantibus astris,  
 Fulminat ad Mosam, longi post tadia belli,  
 Battavicas victor redeat Fredericus in urbes.

## De Obsidione

## S I L V Æ - D V C I S

liber unus,

Ad PRINCIPEM AVRIACVM.

**E**Xcessit fors nostra modum. suprema tenemus,  
 Quæ fuerat sperare nefas. Mavortius ipsum  
 Perrupit Phlegethonta furor, rursusque potentem  
 Contudimus ferro Eugeniæ. fiducia quicquid  
 Iussit, & ingentis felix audacia cœpti,  
 Fecimus; egregiasque Duci victoria curas  
 Explevit, solumque hoc uno Belgæ triumpho  
 Stat satur, & veteres audet contemnere lauros.  
 Militat Auriacus patriæ, preciumque laboris  
 Grande refert, famamque ipsis jam terminat astris.  
 Succedunt spoliis urbes, & victa fatiscunt  
 Oppida. post fractum miserandis cladibus Indum,  
 Hic jam plorat Iber, propiusque & bella Batavum,  
 Et sua damna videt. non jam sua brachia Cancer  
 Contrahit, aut Tropici spectat dispendia Titan.  
 Non pater Oceanus, non tot spoliata suorum  
 Exuviis jam Cuba tremit. non Mexica fumant  
 Tran-

Transstr. vel extrema Zephyrus damnatur arenâ.  
 Non Tethys exata dolet. post æquora tellus  
 Subditur, & pavidis inscendent agmina portis,  
 Mæstaque Nassovitis trepidat Brabantia castris.  
 Sic terras durique reas arcessimus undas  
 Imperii, veteresque in nos ulciscimur iras,  
 Barbaricisque, Albane, neces, odiisque litamus,  
 Sat memores, Rex magne, tibi. sic spreta tiris  
 Regna sibi pacem poscunt, gladioque minacis  
 Hesperia furias redimunt. his supplicat armis,  
 Et victrix veni in belli fortuna precatur.

Littore Dardanio in igni dum mœnia Troja  
 Verberat, & Phrygiis insultat turribus ultric  
 Græcia, & iratas acuit vindicta Mycenæ,  
 In partes abiere Dii: casamque secutus  
 Quisque suam populumque fuit. pars Ilium optat  
 Stare loco, & Danaum jaculata est classibus ignem,  
 Pars genus Assaraci Priamique evertere gentem  
 Sæva parat; pugnantque suo sub numine iussa  
 Europæque Asiæque acies; trahiturque Deorum  
 Luctibus in decimum Bellonæ volubilis annum.  
 At nobis cœlum omne favet, pariterque secundis  
 Numina conspirant animis, & sedere lato  
 In Regem cœlere poli. Tu pabula Marti,  
 Bellator Neptune, rapis, diæque superbis  
 Exiis Austriacos optibus. tu Mulciber enses  
 Frangis, & in viso framæas obtundis Ibero;  
 Armorumque minas & diri pulveris ictus  
 Eludis. tu corda gravi formidine Mavors  
 Corripis, exanimasque Duces. tu lenta Philippi  
 Iussa refers, regumque procul responsa moraris  
 Atlantis Tegeæ nepos. qui lethifer annus  
 Ire solet, lethoque virum tot corpora sternit,  
 Mitescit meliore Deo, placataque nobis  
 Sidera damnat am Phœbus direxit in urbem.  
 At tibi, tot Superos inter, Tritonia Pallas,



Debetur tantum facinus. tu provida belli  
 Consiliis, & tantarum moderamine rerum  
 Instruis Auriacum, tu dōctis mœnia vallis  
 Cingere, per medias Vestam reptare paludes,  
 Et fluvios frenare doces: attollere montes,  
 Telluris laxare vias: ipsosque furentis  
 Irruere in Diris thalamos, & tramite cœco  
 Scrutari secreta Erebi, patefacta ciere  
 Tartara, sulphureasque domos. Tu pandere vatem  
 Cuncta finas, causasque & prima evolvere rerum  
 Consilia, & clari memoranda exorsa laboris.  
 Tuque adeo, seu jam fracta bellacia Sylva  
 Mœnia restauras victor, captivæque solvis  
 Flumina, belligeramque immergis fluctibus urbem:  
 Seu te Casareis mœrens sub fascibus armat  
 Isala, & afflicto reddis sua rura Sicambro,  
 Carminibus, Frederice, fave. cui sidera cœlum,  
 Mars gladios, Bellonæ manus, Tritonia mentem  
 Commodat, atque ipsi Manes famulantur Averni,  
 Pieridum quoque templa patent, vatumque Ducum  
 Certatim frondent circum tua tempora lauri. ( que  
 Est, ubi sidereos inter sublimior ignes  
 Aurea flammiferis aperit palatia valvis  
 Iuppiter, heroumque animas & celsa reponit  
 Nomina, quæ clavis abierunt bella trophæis.  
 Totaque sub galeis sudans exercuit atas.  
 Illic monstrorum dominos, victorque Medusa,  
 Regnatorque Asia Macedo, Libyæque tremendi  
 Scipiada, Decique, & Martia fulmina, Drusi,  
 Ingentesque habitant Pauli. si sera re volvas  
 Secula, Borbonicos illic, & sancta Colini  
 Ora ducis, cunctosque inter spectabis euntem  
 Terribilem spoliis, populosque & victa trahentem  
 Oppida Mauritium: pro libertate cadentes  
 Nassovios; quoscumque recens vel prisca sonora  
 Vexit fama tubæ. quoties suffragia Divum  
 Sollicitat.

Sollicitat Superum rector, mundi que labores  
 Expendit, num bella velit, num mitia terris  
 Tempora, non alia coeli regione Deorum  
 Consiliis rebusque vacat. huc vesta per altum  
 Ire parat rabido bellatrix Belgica vultu,  
 Belgica, concordēs socians in fœdera gentes:  
 Non pacis vestita habitu, non mollis olive  
 Dona ferens, cultuque comas inflexa decoro.  
 At furor, audacesque minæ, & Mavortius horror  
 Prælia spirantem fremitu comitantur anhelō.  
 It sudor per membra Dea, pars una lacertos  
 Nudatamque aperit mammam; pars altera nodo  
 Fulmineam nectit summa cervice macharam.  
 Incutiunt terrorem oculi, rutilantque coruscis  
 Ignibus. impavidum pugnae audacia vultum  
 Asperat, & veluti ritus imitata Minervæ,  
 Abscondit galeâ frontem, genibusque trementem,  
 Quam tenet, arguis vibrat stridoribus hastam.  
 Objicitur Soli clypeus, pavidosque lacescit  
 Solis equos. illi pugna, certamina, cades,  
 Oppida scripta manu, & patriæ crudelia patris  
 Funera, prostratus generosa cæde Varaxius,  
 Captivique duces inerant, Morinûmque per aquor  
 Exanimis fugiebat Iber, fugientibus instat  
 Belga, cruentatas lambit Neptunus arenas,  
 It juxta Mendosa dolens. Tartessia fumant  
 Carbasa, turrigeræque rates. stat territa Calpe,  
 Alcidaque labor. nec longè Grolla recentes  
 Exhibet are notas, vacuasque à mercibus alnos  
 Occasus, pauperque suis demergitur undis.  
 Talis in angusto Divorum mascula cœtu  
 Appulit. incomptis stabat Rupella capillis,  
 Et frustra sua fata querens, Richelique labores,  
 Lilia sub manibus, velut indignata, gerebat.  
 Cæsa catenatum ducens Germania Cimbrum  
 Alebat, & ultrices secum dum colligit iras,



Circumspēctat opem, magno se fassa minorem  
 Casare. diuisis infelix Mantua sceptris  
 Pressa diu dominum populo poscebat & urbi.  
 Venerat & triplici crines implexa coronā  
 Albion, & fesso procrans fœdera Regi,  
 In male discordem diuisis regalibus aulam  
 Detonuit, Caroli pro maiestate locuta.  
 Quas inter tales edebat Belgica voces  
 Ad solūm conversa lovis: Si, maxime rector,  
 Hac mea non lauis meruerunt surgere regna  
 Auguriis, Batavas si nondum despicias arces,  
 Et medios inter bellorum emergere fluctus  
 Iam dudum potui: nec de me sceptra Philippi  
 Occiduis suffulta opibus fixere trophæum:  
 Advenio supplex, non ut depugnet ad Ortum  
 Auricus, Gangemque ultra viduicia tollat  
 Signa, vel in gemino figat tentoria mundo.  
 Vicinus hic, scripsi extremis mandata Moluccis,  
 Per terras Solemque audax utrumque cucurri,  
 Et dominam gentem toto circumtulit orbe  
 Nassovii fortuna mei, Zephyrique miscantem  
 Sedibus armatis vexi trans vasta carinis  
 Æquora, transivi Thulen, ipsumque reliqui  
 Post mea terga diem, tantum nunc mœnia Sylva  
 Vinci posse precor, nostris laus ista triumphis  
 Restat adhuc; nec me cupidam spes altera belli  
 Erigit, illa ferox miseris infesta Sicambriis,  
 Iam Vahali Mosæque gravis, funesta Batavis,  
 Incubat una mihi, & lateri lethalis inheret.  
 Illa meas vastat segetes, deservit in arva  
 Vulneribus servanda meis, victumque famemque  
 Hesperio librat fastus, gaudetque diurnas  
 Nocturnis cumulare neces. pars tertia Belgii  
 Unius fit præda loci, quin undique stagnis  
 Tutæ suis, sparsasque inter securæ paludes  
 Militat, atque suæ suspendit fata ruina.

Quid iuvat Eoos mihi se submittere fasces,  
 Si nocet illa domi? leges prescribere Gangi?  
 Hic mihi iussa dari. quid vestigalia regum  
 Poscimus? hic proprias redimunt araria messes.  
 An præbere cibos tanti est? alimenta que l'itè  
 Distentas portare rates? si Geldria Sylva  
 Pascitur arbitrio? vastissima cerula transtris  
 Metiri? hic arctis claudi vestigia portis.  
 Libertas concessa alibi est: hic unius urbis  
 Servitio deformis ago, vulgique fatigor  
 Fletibus. infestas Latio Carthaginis arces  
 Divisit Libycum spatium ingentibus aquor:  
 At me pro nimium sociis consistere terris  
 Di cupitis. celsas Hispania transilit Alpes,  
 In Romam cum bella parat, Brennumque ferocem,  
 Et Senonum furias tarde sensere Quirites:  
 Hac præceps, inopina meis cervicibus instat,  
 Nec lentè necitura venit. cur dura tot annos  
 Arma potens gessi? stravi tot pontibus amnes?  
 Cornibus infractis Rhenum prætere cœgi?  
 Sustinui muris Martem? noctesque cruentas,  
 Armataeque hyemes, & ferrea secula sensi?  
 Æmula si nostris perstant hæc oppida regnis.  
 Di, quorum auxiliis crevi, succurrite Belgis;  
 Exorate Iovem: tuque impavidissime Mavors,  
 Seu jam Sarmatici moderaris prælia Regis,  
 Sive Italis afflas bellorum incendia terris,  
 Allobrogumque ducem cognato jungis Ibero;  
 Huc omnes converte minas. si Martia cessit  
 Breda tuo pridem Liguri, domuitque potentem  
 Paupertas inhonora gula, si debita culpa  
 Sors fuit illa mea; nunc versis inclyta fatis  
 Sylva ruat, præscumque abole, Gradive, pudorem:  
 Disjice ferratos obices, & sedibus imis  
 Fundamenta quate. occumbat victricibus armis  
 Bellipotens. nec enim jejuno pabula ventri



Ereptum venio, dapibusque imponere legem.  
 Non precor, ut fallax equitem submittat Hohenlo  
 Mœnibus. insidiis major fraudesque dolosque  
 Elusit, superanda manu. non vendita posco  
 Oppida, vel cives precio. mihi victor Olynthi  
 Displicet, atque emptæ, falsis custodibus, urbes,  
 Et mixtum sceleri lacrum. quid magne moraris  
 Iuppiter, his ipsis Fredericum immittere portis?  
 Tolli stagna peto: fugiant subducta Deorum  
 Æquora consiliis: excurrant longius amnes:  
 Plus urat Titana calor: quæ vomeris i vit,  
 Castrorum nunc limes est; mundique solitis  
 Legibus, in celsas assurgant pondera turrets,  
 Permutetque suas Faunus cum Najade sedes.  
 Plura perorantem placido Saturnius ore  
 Excipit. at voces, aternaque verba Tonantis  
 Implicuere suis Parcarum stamina fusis:

Nec te Breda diu, nec te patiemur inultam,  
 Belgica. Cantabrics librandæ potentia regni,  
 Signandusque modus sceptro. diuisa potestas  
 Imperii mundo melior. glomerata sub uno  
 Plurima rege ruunt. durat moderata, fatiscit  
 Ardua maiestas solii. plus numina curant,  
 Qui victi vicere Duces. obnoxia cœlo  
 Regna putat, quisquis regnorum parte carebit.  
 Tu, Dea, pugnacem victrix penetrabis in urbem;  
 Inueniet virtus veniam. quin præscia Clotho  
 Bellorum duplicat lauros, spoliandaque binis  
 Urbibus attoniti pallebit regia Mauri.

Quæ ventura brevi, quæ comprobet exitus orbi,  
 Fatorum secreta loquor. licet undique fundat  
 Castra Tagus, iunctis Germania tota feratur  
 Auxiliis, Rhenus translatus sentiat Istrum,  
 Illyricas citat Romana potentia turmas,  
 Undique Barbarici conspirent agmina Dravi,  
 Pacatusque domi circum te sæviat Albis,

Incassum, regina, tuos remorabitur ausus.  
 Vos animis juncta, conspirantesque sorores  
 In bellum properate, juvet pars agra labantem,  
 Dis inopem. sociate novis araria curis,  
 Armaque communi pro libertate resumptis  
 Vertite in Eugeniam studiis. Iam longius Alpes  
 Territat, atque alio lauros molitur in orbe  
 Dux Ligurum: jam rapta tenet stipendia dives  
 Amstela. quis tanti flectat moderamina belli,  
 Consultant dubii Patres. suspensa potentum  
 Consiliis nocet aula sibi, discorsque laborat.  
 Et tandem lentis veniet Brabantia castris.  
 En tibi Lemniacis desudant ara caminis,  
 Nec vigilem Steropes patitur segnescere Bromien.  
 Spirant igni vomiti folles, incudibus ipse  
 Intonat armorum faber, & fornacibus instans  
 Tela tuis aptat ducibus, galeasque globosque,  
 Pilaque funerea sive faces, tormenta, secures.  
 Scutaque laxata format tibi Mulciber Ætnâ.  
 Tu Pavor hostiles frena formidine curru.  
 Tu Labor ingentes operas, Industria moles  
 Festina fac stare manu. Berecynthia turres  
 Concute, & impulsis fastigia de jace muris.  
 Singula conjunctis concurrant numina votis.

Dixit: at huic subito tumuerunt pectora motu  
 In pugnas, toti sive novum bibit ossibus ignem.  
 Nec latuit Mavortis amor. diffunditur ipsos  
 In vultus atque ora furor. de casside pendens  
 Erexit se crista magis, conusque refulsit  
 Splendidior, dypeique micans effervuit orbis,  
 Inque genis rubor admissio pallore refedit,  
 Massageta veluti cum lactea pocula miscent  
 Sanguine, vel candens ebur interstinguitur ostro.  
 Acclives jam Phœbus equos annique juventam  
 Vexerat ad Geminos, pugnacia sidera, fratres,  
 Et sua bellanti debebat lumina Tauro:



Reddita cum terris, celerique per oppida gressus  
 Vecta cruentatos porrexit gentibus enses,  
 Laxavitque viam bellis, ac fervida dictis  
 Incitat Auriacum: Bataurum fortissime ductor,  
 Quid cessas parere Deo? defensasque patri  
 Regna novis auges studiis? & pectore totum  
 Excutis Odrysiis? tibi vasta potentia Belgi,  
 Et rerum commissus apex. tibi credita fratris  
 Sceptra tui, nostraque potens exercitus ora.  
 Iamque tuis crevit Belgarum gloria curis,  
 Et Salii cessere Duci. jam fracta feroces  
 Submisit tibi Grolla manus. divisit habenas  
 Barbaries Eoa suas, domitoque carinis  
 Vespere, regales donavit America gazas.  
 At majus tibi fata parant. tuus atbera jam mox  
 Lambert honos. fraterna armis audacibus ausa  
 Transgredere, & tanto quasitos sanguine fasces,  
 Quos pugna, quos mille ducum peperere labores,  
 Quos longis hac nostra fides contexuit annis,  
 In tuto, Frederice, loca. cadat invida terris  
 Sylva meis, pacemque velis non ante pacisci.  
 Hanc lauris annecte tuis, his debitus ultor  
 Inferis, Fili, patrios ulciscere manes.  
 Reptasti per castra puer, totiesque cruore  
 Immaduit prætecta ferox, interque triumphos  
 Telaque crevisti juvenis. jam frena capeffens,  
 Intrepidus ferri, per prisca exempla tuorum  
 Circumfer generosum animum. procede secundis  
 Auguribus, regat audaces Bellona curules,  
 Disponat medius miles tentoria campis,  
 Beliger annus eat. post tot mea damna neceque  
 Plena triumphato redeat vindicta Philippo.  
 Hoc pietas polluta rogat, tumultusque Loysæ  
 Matris, & infandis Francorum prodita mensis  
 Collinia fortuna domus, memoresque meorum  
 Mauriui cineres, venerandaque funera Belgis.

Talibus

Talibus ille Dea monitis accensus in hostem  
 Tota mente ruit, sed enim momenta laborum,  
 Quæ maneant nostras inopina pericula terras,  
 Quæ bellum sustentet ope, quæ castra locari  
 Sede queant, quæ bellacem spes erigat urbem,  
 Expendit, versatque novi diso imina coepti.  
 Succrescit Martis rabies, praesugia laudum  
 Exacuunt pugna stimulos. jamque impiger ardet  
 In densas se ferre acies, & praelia coram  
 Sustentare manu, castris praescribere leges,  
 Et iussis animare tubas, disponere vallos,  
 Sistere praecipites glebis surgentibus undas,  
 Et circum positos lacerare ligonibus agros.  
 Continuo turbata quies; Bata vnamque per urbes  
 Bella tonant, sociæque cient Maevortia gentes  
 Agmina, & imbellis votis proscribitur aestas.  
 Convenere Duces, sumptisque insignibus aere  
 In vultus rediere suos. hi terga fatigant,  
 Et spumantis equi fodiunt calcaribus armos;  
 Hic cataphracta phalanx, equiti tutela, pedestri  
 Lege coit. pars excussa se glande tuetur,  
 Pars tremebunda quatit rigidis hastilia rostris.  
 Hic praet eratam portans ad bella bipennem.  
 Hic acri mucrone ferit. se ferreus ille  
 Illuso thorace tegit. sed corpora nudus  
 Plurimus à sola sperat virtute trophaum.  
 Ingenio constant obitus, miseri que feroci  
 Arte cadunt, ferroque mori tam simplice dudum  
 Displicuit. formas damnosæ industria lethi  
 Multiplicat, preciumque ipsis mors captat ab armis.  
 Iam fundit Groninga viros, Frisusque manipulos  
 Instruit, & patrias abituris commodat iras.  
 Marsacia venere manus: quasque armiger excit  
 Isala, & intonso gaudentes crine Sicambri,  
 Quique bibunt Rhenum Batavi, Chauciq; minores,  
 Quasque procellosis in fluctibus, at here duro,



Asperat audaces Toxandrum terra cohortes.  
 Nec varios linguis populos, junctosque sub uno  
 Principe Musa sile. nostro notissima Marti  
 Robora, conveniunt, spreta formidine, Galli;  
 Inde Caledonio permixta Britannia Scoto,  
 Allobrogumque acies, immansuetique Cherusci;  
 Quaeque, gravis quondam vinci, Germania laudi  
 Deficit una sua, nec se vexata probavit,  
 Vltima pacato nobiscum militat Albi.

Hos inter cuneos praclari sideris instar  
 Emicuit Ductoris apex, notusque refulsit  
 Auriacus, bellique moram damnantia movit  
 Pleno castra gradu, nec jam suprema timentem  
 Funera neglectam Superis admovit ad urbem.  
 Procubat horrendus madidis Gradivus in agris  
 Ilicet, & tenui secernit stramine caelum.  
 Exuvias sibi quisque rapit, crescuntque penates  
 In numerum, & nullo radiantia tecta pyropo  
 Paupertas animosa colit. contemtor alga  
 Heroas dominosque caput, nec dispere forma  
 Vivitur, aut petulans distinguit limina luxus.  
 Aestivum perferre jubar, contendere sueti  
 Frigoribus, passim recubant; & paupere mensa  
 Placatur non docta fames, fessosque relaxant  
 Fabricii Curiique daptes, vel qualia ruri  
 Fercula disposuit tepido Serranus aratro.  
 Iam Rhenus per utrumque, latus, jam Mosam secundis  
 Nassovio famulatur aquis, & tergora praebent  
 Pontibus, & fluida transmittunt castra carina.  
 Incumbunt fluviis sylva. numerosaque Tempe.  
 Hercyniisque nemus, glomerataque robora Pindi  
 Mille natant ratibus. veluti cum straverat Hellen  
 Barbarus, & transtris solidato gurgite Tethys  
 Obrigit, claudunt gravida lethalia puppes  
 Pondera & Aelios lassantia tympana fratres,  
 Quaeque ferunt trepidis furibunda incendia tectis.

Et totum Martoris opus. Describitur ingens  
 Area, virtutis spacium fatale, laborum  
 Circulus, & claro causas concludit honorum  
 Tramite. stat morti limes, stat linea vita  
 Iugeribus demensa suis, idemque cubile  
 Et tumulos trux campus habet : somnique necisque  
 Culcitra, semideum bellatorumque palæstra,  
 Orbita militia, tantis servanda triumphis,  
 Vel nobis, vel, Ibere, tibi latura pudorem,  
 Porrigitur, celebrisque stupet molimina belli.  
 Crescunt in cumulum colles, vallesque profundas  
 Equavere jugis. capiunt stagnantia sulcos  
 Rura, superjectis cœunt castrensia glebis  
 Mœnia, cinguntur tumultis immanibus undæ,  
 Atque undis tumuli. mutat cum Tethye tellus  
 Mœnia, & antiquis migrant è sedibus ambæ.  
 Assurgunt elementa, petunt declivia, pendent  
 Ponderibus librata suis. suspensa tenentur,  
 Quæ noceant depressa : iterum depressa tenentur,  
 Quæ noceant suspensa. fodit, secat, obstruit, aufert.  
 Laxat græva manus. sursum jactantur arena,  
 Ordibusque novis resident. hic linea rectum  
 Ducit opus, poscunt alibi munimina gyros.  
 Hic cornuta jacent, & diro forfice vires  
 Conduplicant inimica suas : hic currit in orbem  
 Machina, Phœbææ formam mentita sororis.  
 Munit tuta metus. quærit prudentia laudem,  
 Dum longè ventura timet, dubiisque movetur  
 Casibus, & varias bellorum prospicit artes,  
 Quicquid & incautis queat evenisse, veretur.  
 At tollens apicem medius urbs ferrea stagnis  
 Tot circum castella videt, metuendaque tantis  
 Cingitur excubiis. cernit delubra Deorum,  
 Sacratasque fores, densisque minacia portis  
 Culmina, subnixasque jugis ac collibus arces  
 Vallari, atque ipsis indici bella procellis.

Non



Non jam Romulidum grandes mirabitur ausus  
 Posteritas, non seua tuas Allesta turres,  
 Et que Dyrrachium magnæ cinxere corona,  
 Non ditis fatum Capua. minus esse putabit  
 Fama Tyrum, stratumque immensis molibus aquor.  
 Aut quod cum tumida bellum Carthagine gessit  
 Scipiades, cedunt Batauo vallante Platæa,  
 Massilia vilescit honos. non alta Saguntos,  
 Quod commendet, habet. non qui sua viscera Xerxi  
 Transadigi permisit Athos, vastoque recepit  
 Æquora tota sinu. non duris belliger Hæmus  
 Peruis Odrysiis. mortales omnia dextra,  
 Et nostra potuere manus. hæc æxia solos  
 Iurabis cinxisse Deos, pactoque potentem  
 Descendisse Iovem precio. cur Dommala turget?  
 Subsidunt maria? & sulcati navibus agri,  
 Naiadumque domus, & tecta paludibus antra,  
 Demersaque patent valles? cur proximus urbi  
 Subducit se Mosa magis, quantumque necesse est,  
 Infestas castigat aquas? cur militat æther,  
 Et conjurati ponunt sua flamina venti?  
 Di peragunt incepta Daci, & communibus urbem  
 Invadunt studiis. cælum, mare, sidera, tellus  
 Damnaverè ream pariter. servanda triumphis  
 Henrici laus ista fuit. nec, vincere fratrem  
 Hanc etiam, visum Superis. celeberrima laudum  
 Argumenta cano, varique exempla laboris,  
 Militiaque graves operas, excussa potentum  
 Scrinia, & his raptum pugnant in partibus aurum.  
 Nempe procul victa peregrino in litore gazæ  
 Hic iterum nocere Tago, proprii que Philippus  
 Vincitur exuvii. damno est nimis esse potenti,  
 Divitiæque premunt dominum. terraque marique  
 In se versa sui fatalia pondera regni  
 Sentit, & exuto tot clades imputat Indo,  
 In victæque diu labentia moenia Sylva.

Admiranda liquor. totos Eous & Æthon  
 Absorpsere lacus, & quæ sub vere Napææ  
 Ambrosias lavere comas, sese arduus infert,  
 Prataque depascit sonipes. quæ sæpius æstas  
 Imbribus Arctois maduit, pluviasque solebat  
 Sidere sub nostro tempestatesque ciere,  
 Ferbuit, & longo latrantem Sirion astu,  
 Ardentesque focos Cancræ, rabidumque Leonis  
 Limen, & Astrææ succendit Virginis astrum.  
 Expendunt exacta senes, nec talibus unquam  
 Commemorant nobis ivisse caloribus annam.  
 Sic facilis mores, tanto molimine rerum,  
 Invertit Natura suos. non pocula largè  
 Fudit Hyas, taurique madens in tergore nimbis  
 Alcione damnosa fuit; ceu jussa, procellas  
 Continuit, sicque Ducum juvare labores  
 Pleiades, & Batavo jam tunc placatus Orion.  
 Qui licet in cælo rutilans humentia latè  
 Cingula & imbriferum dstringat Martius enses,  
 Ut vidit fluidos Belgarum sparsa per agros  
 Agmina, & adversas studio reptare per undas:  
 Æolios clemens fremitus, solitosque furores,  
 Bellantique graves populo compefcuit iras.  
 Nasso vius, dum tuta vagis minimina castris  
 Adspicit, & validis secludi mœnibus hostem,  
 Signa movet, dictisque suos instigat euntes  
 Talibus: Hesperiam mecum domitura Juventus,  
 Tempus adest. si quid quondam meruistis in armis  
 Belligero sub fratre, meis præstate parati  
 Imperiis. urso patriam defendite bello.  
 Audeat hoc mecum facinus, quem causa ferocem,  
 Non furor, esse facit. non vili fama paratur  
 Pulvere. Cantabrici caput insuperabile regni,  
 Austriaci jugulum petimus, roburque potentis  
 Eugenæ. Quid sola queat fiducia ferri,  
 Ostentate mihi. non vos per frigora brumæ



Lenta traham, gelidique ferent incommoda soles.  
 Non rigidas calcare nives, cornuque minacem  
 Exspectare Caprum cupio. victoria præceps  
 Poscitur, & nostros passura propinquior enses  
 Aut ruet in vestris, aut stabit Sylva lacertis.  
 Nec vos, Pannoniam quamvis concusserit omnem,  
 Terreat aut Nemetum domitor, vel rector Iberi.  
 Aggeribus passim circumvallata tuemur  
 Castra, superfusos fluviis præcinximus illis,  
 Et pariter terra, pariter defendimur undâ.  
 Ite recepturi, Mavors quam possidet, urbem.  
 Hispano collecta manus sibi congrua captat  
 Tempora, conatusque suos & cepta moratur.  
 Credite, suspensus Batavum jam respicit orbis;  
 Regum vota favent. spectat ferus Adria longè  
 E speculis. dubitat Tamesis, quid Belgica possit,  
 Formidat graviora Tagus, plus augurat Ister.  
 Mundi cura sumus. nec vobis degener adsto  
 Ductor. inaccessas unâ penetrabimus undas,  
 Ibimus in terra gramium, cæcosque meatus  
 Ingrediar, consors famæ, consorsque malorum.  
 Qua miles statione cades, occumbere juxtâ  
 Auriacus poterit. non me discrimina vobis  
 Dissimilem casusque dabunt. me pondera rerum  
 Distinguent, non ausa, Ducem. quæ jussa probabo,  
 Exequar imparvidus. vestris fortuna periclis  
 Æquabit, ceu neutra, meum. Si stagna, lacusque,  
 Si mihi tempestas urbem, si proxima cælo  
 Tot castella negant, Superûm dementia victrix  
 Cuncta dabit, jungentque meo se fata labori.  
 Talia ubi peditum turma, nunc mixtus equestri  
 Dicta dedit, studiis animos audacibus implet,  
 Accenditque mori promptos, belloque, viaque  
 Instruit. horrendo strepuerunt classica cantu,  
 Et jussæ cecinere tubæ. simul impete diro  
 Æra crepant. stabant arcæ, præ ludia pugna

*A*sp<sup>er</sup>a. sic, Libycis tutela penatibus, altis  
*E*minuit trux Byrsa jugis. huc omnibus ardor  
*I*re per ambages, & longa exorsa viarum  
*C*ircumferre gradum. qualis per viscera terræ  
*F*osfor in occultos ductat vestigia flexus,  
*O*bliquatque sinus. Tu me per tela, per enses,  
*P*er cineres, aciesque Ducum, per funera, pugnas,  
*S*ecurum, Bellona, rape, & furiali pande  
*P*rælia, suppositosque cavis penetralibus ignes  
*E*t lethi secreta aperi. Iam sanguine ferrum  
*I*rrubuit, grandesque calent pugnantibus ira.  
*H*aret in ambiguo Mavors, nec certus in alta  
*N*ube quibus dubitat facilem se præbeat armis.  
*P*andimus abstrusos aditus, Plutonia rumpit  
*C*laustra labor, sensimque truces convellimus arces.  
*P*rogedimur fossis. dextrâ lævâque sub ipsa  
*S*tamus humo. disrupta ruunt fastigia flammis,  
*E*t referat munita fragor, robusta revellit,  
*S*umma quatit belli rabies. nec segnius instat  
*F*ortis Iber, patriasque domos & tecta Deorum  
*A*fferit, & nullo satiantur vulnere dextra.  
*T*um Stheneli Turnique cadunt. hic Pandaron, ille  
*D*ejicit adversum Bitian, Rhatumque, Abarimque.  
*V*ulnerat Ortygium Coeneus, prosternitur Astur,  
*E*t præceps animi Volscens. si nomina mutes,  
*A*dspicias illic Troas Rutulosque feroces  
*P*ermiscere manus, densisque occurrere turmis,  
*A*lteraque Hesperia defendi Pergama dextrâ:  
*I*nsultare Phryges, Danaos circumdare muros,  
*E*t propius, castis gemina custodibus arcis,  
*F*erre pedem. si quando duces ad versa vocarent,  
*P*ro nobis etiam Mnestheus, acerque Serestus  
*P*ugnare vere: fuit, qui fata extrema secutus  
*E*uryalus calidum vomuit de pectore flumen,  
*M*agnanimamque animam tepidis abscondit arenis.  
*I*pse Gubernator, claro de sanguine Schetti,

Tunc



Tunc etiam patriæ pro libertate locutus  
 Creditur: & vigili dum prospicit omnia mente,  
 Aspera consiliis moderans, nec tristibus impar,  
 Pugnantium furias, atque intervalla nocendi,  
 Vincendique modum laceratis fletit habenis.  
 Nassovius, quanquam magnas sub pectore curas  
 Versat, & inumeros pernox se fundit in artus,  
 Nil lethi mortisque memor, per saxa, per ignes,  
 Sulphureosque globos, inter tot busta suorum,  
 Seminiceque viros, & circumstantia pila,  
 Fumantes terrarum aditus & lurida tabo  
 Regna subit, gratoque aspersus pulvere belli,  
 Non his delicias studiis, non præferat aule  
 Gaudia. quin totus fruitur, dum dispicit hostem,  
 Et desperatis transmittit lumina rimis.  
 Ille, ubi barbarico libratur machina pulsu,  
 Adstat orans, operasque novis successibus urget,  
 Quæ sint excubius, quæ sint loca commoda vallis,  
 Quæ ruat è portis acies: quo robore tuta,  
 Præsidioque suis noceat, quot vinea repat  
 Passibus; & tragica furialia munia scena  
 Vnius sunt cura viri; magnusque decoro  
 Militat exemplo ductor. stant prælia famâ,  
 Nec vitæ numerat spacium, vel supputat annos,  
 Cui sua perpetuas despondet gloria lauros,  
 Et cælo cognatus honos. quo vivit in orbe  
 Celsa potestatum species, hoc iudice pugnat.  
 Sic Ducis ad spectu cunctæ stupuere cohortes,  
 Æmulaque audaci promovit signa Bithanno  
 Galliæ, cum secum junxisse pericula vidit  
 Auricum, tantoque sui stetit obside fati.  
 Vt Leo, Marmaricis quem nutrit Africa campis,  
 Cum subit atra fames, catulis comitantiibus, antro  
 Exit, inaccessos quo vis sub sidere montes  
 Permeat, & lethi contemtor opacæ ferarum  
 Ipse prior lustrat. patriis animosior ausis

Erigitur sibi, prædaque ferocius instat.  
 Interea adversum quatiens irata flagellum  
 Tiphone, totis concussis viribus orbis  
 Arma movet, Batimque furens Istrumque receptat  
 Auxilio, traditque truces hostilibus armis  
 Reliquias. missis descendit Nervius audax  
 Advaticis, longisque armati Lingones hastis,  
 Et quondam fortes Vbii, Tungraque phalanges,  
 Membraque qui Morini gaudent durare procellis.  
 Hic astris inferre minas, fractoque laborant  
 Aggere vexata dudum succurrere Sylva,  
 Et ruptas animis spirantes grandibus Alpes,  
 Eminus adsultant vallibus. vix classica p:imos  
 Excierant vigiles, Batavom cum Ductor anhelos  
 Adventat subvectus equo, lorisque solutis  
 Virtutis quoque frena sua famaue relaxans  
 Consilio flectit pugnam, festinaque cunctis  
 Instruit arma locis, & quæ vocat hostis & usus  
 Infert cornipedem. quo deficit aggere miles,  
 Vititur auxiliis. hostes Dux inter & urbem  
 Pugnat, & à tergo clausos, à fronte lacest  
 Suspetias Regum: distinctaque cura triumphos  
 Conglomerat Batavo. Nec jam cognata feroces  
 Nomina conciliant proceres. nec sanguinis horror  
 Nassovios placare duces, commissaque magnis  
 Bella potest odiis. una de stirpe creatos  
 Mars dirimit, geminosque ingens distare potentes  
 Causa facit. Sed non Henrici castra fuere  
 Henrici superanda manu. Tu Domnala testis  
 Tela virum, galeasque, & Martia corpora versas,  
 Hispanique dolos, & tanti cladibus emptum  
 Eludis facinus: quodque illa poposcera umbra,  
 Multa Brimulceos placat tibi victima manes.  
 Destituit spes ista Ducem, primusque resedit  
 Impetus. haud aliter, quam cum de montibus altis  
 Gurgite præcipiti scopulis illiditur unda,

Atque



Atque in se violenta redit, spaciisque repulsa  
 Pluribus, hac illac multo mansuetior exit.  
 Mox ubi fulmineis patuere impulsibus arces,  
 Nudatumque latus miseranda apparuit urbis,  
 Et jam semirutis montes, avulsaque fumant  
 Moenia, & abruptis se nostra ferocia claustris  
 Explicuit, rapuitque istam gens amula laudem :  
 Tum sic Tisiphone, diris intexta colubris  
 Casariem, quassansque faces : bella altera, restant  
 Altera bella Tago. quam vis spes prima fefellit,  
 Plus superest. aliis Belgi satiabere poenis,  
 Hesperia. en, tutum aggeribus re vocabimus hostem.  
 Quod coepi, peragetur opus. quid dextera segnis  
 In ferrum lethale ruis ? paterisque periculum  
 Gliscere ? quis torpor socii ? Phlegethonta movere,  
 Successus dum summa negant. hoc Filia Regis.  
 Hoc Rex ipse jubet. nec nobis altera rector  
 Tarpeius mandata dedit. convellere regnum  
 Auriaci, atque ipso in gremio consistere terra,  
 Consilium est. tacuit, foedosque a fronte cerastas  
 Dum manibus furibunda rapit, projecit in amnem.  
 Atque ait : Hoc vindicta loco mihi poscitur. illac  
 Ite viri. madeat primis insultibus horrens  
 Isala, confossosque Duces truncataque membra  
 Hauriat. ut dixit, peditum simul advocat alas.  
 Ipsa praet, cuneosque equitum transvectat, & atros  
 Undique Marsacius immittit finibus ignes.  
 Irrupere aquila, & vastis se jaetat in agris  
 Caesar ; & hinc Elevi fluctus, hinc proxima Rheno  
 Pannonius lustrat quadrupes, metasque nocendi  
 Praescribi sibi posse dolet. percussa Sicambrum  
 Incusat regio, nec custodita superbis  
 Fit spoliis ducibus. fugiunt Faunusque, Ceresque,  
 Et tu cura Pales pecoris ; lateque juvenci  
 Semineces ructant, & sparsa mopalibus tabo  
 Spirantes adolent epulas. impleverat urbes

Terror, & audaces aliàs invaserat aulas.  
 Famaque nigrantes agitans formidine pennas  
 Vnanimes belli tremefecit murmure gentes.  
 At non Nassovii virtus ductoris eodem  
 Fracta metu. dubios casus, incertaque rerum,  
 Instabilesque vices Martis praeceperat Heros.  
 Nec mora se partes alacrem diffundit in omnes,  
 Vna salus, roburque suis. vicina tuetur  
 Praesidiis, pavidis Rhenum circumtonat agris,  
 Inde latus munit Vahali. Prudentia solum  
 Tunc pugnare timet, patriæ nec credita ferro  
 Libertas. peragit placide sedata potestas,  
 Quod vis inconsulta nequit, rabiemque fatigat  
 Circumspecta quies. post te, Thrasimene, morantem  
 Laudamus Fabium, dilataque proelia profunt.  
 Suspice Belgæ Deum. medio discrimine rerum.  
 Oïa dant Superi, Divinæ clementia victrix  
 Pro te bella gerit. cedunt terrorque, pavorque,  
 Et cunctis sua forma redit. Vesalia latus  
 Restituit tibi capta dies. En adspice versam  
 Ut trahat in speciem fugientis Cantaber hastam.  
 Hei mihi qualis abit, quantum mutatus ab illo,  
 Qui venit, ut sumptâ redimat sua tempora mitrâ,  
 Et debellatis figat tentoria rostris!  
 Adspice, quàm raras in pristina regna cohortes.  
 Attonitus referat, totos qui insederat annes  
 Milite. quàm spoliis Cimbrorum exutus & auro  
 Æris egens abeat, qui voti prodigus ampla  
 Hauserat urbis opes. turmis truncatus & armis  
 Exeda legit retrò vestigia, qui modo plenas  
 Explicuit campis acies. timet omnia serò,  
 Qui timuit nihil, & nimium secura ruinam  
 Fata trahunt. quantis, per te, Frederice, tenebris  
 Eruiimur. tua nos tanta caligine rerum  
 Irradiat toto vigilans industria regno.  
 Laud scœus ac tumidum cum surgere Nerea cernit



Navita, & Æoliis turgescunt aquora flabris,  
 Iamque ratim subeunt fluctus: ille impiger Arcton  
 Respicit, & quamam decimis se subtrahat undis  
 Arte notat, fallitque truci ludibria ponti.  
 Tu quoque non parvum tantis, Casimire, triumphis  
 Adjungis cumulum. tibi prisca Batavia debet  
 Asserti spacia ampla soli. transire paratos  
 Aggeribus prohibes, objectoque obice sistis  
 Barbariem. mordent fluviorum irata catenas  
 Agmina, & in sterili damnant jejunia terra.  
 Stabat adhuc Sylva facies, formasque necendi  
 Invenit, & veluti flexus se torquet in omnes  
 Anguis, & adversus venientem sibilat hostem,  
 Irrequieta furit. generosum suscitatur ignem  
 Cana Fides, veterisque juvat fiducia belli  
 Magnanimam. jam Regis amor, promissaque magna  
 Eugenia subeunt, jurataque verba Philippo.  
 Obvia castra locat, strictos dat exantibus enses,  
 Egreditur, vocat ad pugnas, hortamine fortes  
 Praevenit, & nusquam timidus expectat horror.  
 Urbis ad Occiduos aditus, cervicibus arctis,  
 Planities non magna jacet. nam caetera stagnis  
 Fluminibusque natant. hoc totus tramine Mavors  
 Sudat, & oppositis acuit certamina vallis.  
 Conciderant arces. iterum munimina surgunt,  
 Protruduntque operas opera. cum cornua frangis,  
 Lunaris te forma ferit. cum vincitur illa,  
 Septa struit transversa labor. superata vetustas  
 Desinat Herculeos istis conferre labores.  
 Hic iterum se Lerna movet, secundaque colla  
 Parturit, inque dies glebosa repullulat Hydra.  
 Repimus armati sensim, metimur honores  
 Passibus, & totam non vult se parvula vinci  
 Aera. multiplicat tellus divisa triumphos,  
 Annumeratque Duci. circum seges horrida ferri,  
 Pugnace sive micant dextra, nec limite longo

Etibus alternis pugnant. cum vocibus arma  
 Permutata volunt, atque intervalla loquendi:  
 Excipit armorum rabies, contermina miles  
 Tecta locat, geminaeque nocent confinia parti.  
 Fatali stat quisque loco, nec cedit inultus,  
 Permixtosque agitant sociatis gressibus armos.  
 Vulnera vulneribus redimunt, sternuntque caduntque.  
 Inque vices redeunt mortes. huic sava cruorem  
 Ora bibunt, sanieque horrescunt livida cervix.  
 Illi sanguinea venerando in corpore grumam  
 Canicies aspersa rubet. trahit ille labantem,  
 Purpuream vomit ille animam. portantur in hastis,  
 Exuvia, libratque exanguis corpora miles,  
 Frustraque lethiferis querit Libitina cavernis.  
 Cerno Thyestæa crudelia fercula mensæ,  
 Cerno Lycæonios artus, Busiridis aras,  
 Cerno sacra Phrygum, sibi quas placanda poposcit  
 Caucasica ferales obitus, furialia Thracum  
 Orgia, Schilleos tumulos. quid gloria ducis,  
 Quid rapis herouam sobolem? morituræque jamjam  
 Nomina? proh quanto meruisti sanguine vinci  
 Urbis cognata polo. non te stipendia tantum,  
 Senalesque anima; sed quas arma verat ardor,  
 Non emptæ domuere manus, de vota que laudi  
 Pectora semideum. sed quis fragor intonat aures?  
 Annæ Gigantea congesta cacumina dextra  
 Enceladique ruunt? an maxima sibruiit urbis  
 Mars pater? & diris Corybantiæ flatibus ara  
 Excuiit? alta labant, marosque irata resolvit  
 Lachina, perque domos, tonitrus imitata Deorum  
 Excit, & immanni turres disrumpit hiatu.  
 Est genus armorum, quo non violentius ullam  
 Vel Phlegethō, vel Lemnos habet. coit unus in orbem;  
 Tiranda sed mole, globus, cui prima venter  
 Tela capit: latitant permixto sulphure ferri  
 Mundera, & occultas servant in funera causas.

Hanc



Hunc ubi serpentis vis imperiosa favilla  
 Attigit, obliquo se tollit in aëra motu;  
 Flammi vomamque trahit caudam: mox lapsus ab  
 Horrendum sonat, & magno sua viscera nisu (alto  
 Rumpit, & ingenti involvit vicina ruinâ.  
 Quos ubi nocturnos flectens Latonia currus  
 Vidit, & ipsa Deum circum delubra rotari,  
 Creditur attonitis retro cessisse quadrigis.  
 His quoque pugnatum. tandem se vinea fossis  
 Ingerit, & cæcis supposti mœnibus ignes  
 Extremus venere labor. disrupta patefcunt  
 Oppida, & incertam spondent suprema salutem.

Exitium tunc Sylva timens, cladesque suorum,  
 Et nudum perfossa latus, postquam irrita Bergi  
 Cœpta videt, totamque imis a sedibus urbem  
 Corruere, atque arcta muros indagine cingi,  
 Tales sollicito profudit pectore voces:

Quam nihil imperiis tutum, quam cuncta revellat,  
 Quæ steterant, Fortuna procaax, Regumque superbis  
 Insultet malefida bonis, devicta docebo.  
 Illa ego Brabantum decus in violabile regni,  
 Quæ bis Mauritium, Mosâ indignante, fugavi,  
 Debebor fratri spoliū. quæ Martia sprevi  
 Bellorumque minas, subnixaque fraudibus arma,  
 Inque meos usus agrorum commoda verti,  
 Totque mihi populos solo terrore subegi,  
 Ludibrium sum, Belgæ, tibi, vesana potentum  
 Fabula, & infidæ exemplum memorabile fortis.  
 Hei mihi quod prisca vires, quod concidit ille  
 Indormit & virtutis honos, trepidataque dextra  
 Fama mea? quæ trans fluvios spaciōsa vagabar,  
 Aggeribus captiva premor. cui robur in undis  
 Omne fuit, jam sicca tremo; solitasque cadenti  
 Immutant elementa vices. adamantina forti  
 Castra jacent superata manu: præcordia fossor  
 Ipsa tenet: calco tumulos & busta meorum,

Quò me cunque feram. si tantas, maxime rector,  
 Promerui poenas, si parcus imbuat aras  
 Religio neglecta mihi; tua fulmina fontem  
 Dejiciant, Batavis quam me servare triumphis  
 Opprobrium crudele velis. da secula Pyrrha;  
 Supplicio leviore fruatur. num templa Deosque  
 Respicias? aeterno fumantes thure penates,  
 Mitratumque patrem, sacra tot nomina turba,  
 Vestalesque tuas? num tot mihi culta per annos.  
 Migrabit veneranda Fides? mandataque magni  
 Praesulis, & Roma potero dediscere leges?  
 Hoc debes mihi Breda mali; vindictaque de me.  
 Clade tua petitur. Patrem quoque funere nostro  
 Expiat Auriacus. longi dispendia belli  
 Sera luam, clarisque accedam fortè trophais  
 Ultima. Quam memini, me, cum tentoria figi  
 Adspicerem, & positis hostes consistere signis,  
 Illuisse Duci! Turres attollite, dixi,  
 Immensos siccate lacus, advolvite sylvas,  
 Sistite praecipites fluvios. imponitis Ossæ  
 Pelion, excelsam manibus rescinditis athram  
 Incassum. cunctos obices & vincula rumpam.  
 Mille patent nobis aditus. penetrabimus illac,  
 Aut illac. dabitur meliori per via causæ  
 Semita, nec vili succumbam Martia sulco.  
 Iam Phæthontæis dicebam Belgica curis  
 Regna regi, & stolidæ committi frena juventæ.  
 Nunc & Aloidas geminos super astra negatas  
 Affectare vias: bimari nunc ludere in Isthmo  
 Romulidas. cæco raptari turbine, quisquis  
 Adspiret Sylva spolius. regalibus ibam  
 Altior auxiliis. suffulta potentia sceptris,  
 Et gemini Titanis opes, Isterque Tagusque,  
 Scaldis, & armatis veniens Germania castris,  
 Subdiderant animo stimulos. nunc omnia retrò  
 Versa ruunt; veniamque simul vitamque precari  
 L Cogor,



Cogor, & in vis& fasces submittere terra.  
 Heu, dedi jam Sylva potes, jam fracta fatiscis,  
 Haec Aenis inconcussa cadis. flos ille potentis  
 Occidis Europa, & victam te Marte fateris.  
 Attamen est aliquid, quod te non degener hostis  
 Occupat. illa tuis restant solatia fatis,  
 Si cadis, Auriaci dextrâ cadis. inde, reflexis  
 Ad victorem oculis, inquit : Cape, maxime Princeps,  
 Imperii nova jura mei, atque extorta Philippo  
 Aënia Belgarum cunctis præpone triumphis.  
 His diebus siluere tuba, pugnaque resedit  
 Impetus, & positis Mavors deseruit armis.  
 Verticibus recidunt galea, clypei que lacertis ;  
 Hastâ jacet, laxant lata thoraca catena ;  
 Non ultra adversus cervicibus imminet ensis ;  
 Seva vel oppositos lacerat catapulta penates.  
 Castra vacant, veteresque abscedunt partibus ira.  
 Iam quater æstivum Phœbe reparaverat orbem,  
 Radebantque cœcos Titaniam lumina Lances :  
 Cum leges mansueta capit, Batavoque coactum.  
 Subdit Sylva caput. fesso lux prævia Marti,  
 Laurigerosque ciens felix Aurora jugales,  
 Ingentem nobis consummavere laborem.  
 Panduntur portæ, Dominisque Potentibus arces  
 Nassovioque patent. miscet clementiæ dextras,  
 Et simul itus amor. torquet sua gaudia civis,  
 Durædolet, & plausus contraria vota sequuntur.  
 Spectatrix venere cohors, & lata juvenus ;  
 Tardâ gradique senes arvis ac moenibus adsunt  
 Undique. commendant etiam jam bella puella,  
 Et graditur per tela Venus, studiisque fatetur  
 Disparibus sua bella geri. non lit tora quondam  
 Isthmia, non tantis fremuit concursibus Elis,  
 Cum celeres Hieronis equos, currusque stuperet  
 Græcia, vitricesque rotas agnosceret Argos.  
 Omnibus idem ardor, longo qui tramite currunt.

Gramineos calcare foros, sinuataque vivo  
 Cespite metiri spatia. hic in milite vultus  
 Intrepidus gressumque notat. probat ille superba  
 Molis opus. vastos alii mirantur hiatus  
 Murorum, nostrique juvant spectacula belli.

O quam latus adest, qui nunc illustrior exit  
 Gentibus, & victor populus quem consecrat annus  
 Quamvis. Auriacas semper comitata secures  
 Laureia bellatrix fuerit, totiesque triumphos  
 Et domitas urbes dypeis inscripserat aetas;  
 Hic tamen ante omnes toti fulgentior orbi  
 Emicat, & victa praefert sua tempora Sylva.  
 Ad facinus Mars ipse stupet, nec viribus ultra  
 In victum quicquam esse dolet. nunc per via ferro  
 Sidera, nunc ipsos Superum nitare penates,  
 Securumque nihil Belga pugnante fatetur.  
 Fortius haud unquam, nunquam violentius itum  
 In latus Hesperia, simili nec clade ferocem  
 Fregimus aurora dominum. fortuna labori  
 Annuit, ingenio robur, fiducia coepto.

Quam Superis, Frederice, places. tibi sidera formae  
 Iuppiter, & totus facilem se accommodat aether.  
 Quam populis, Henrice, places. araris cives  
 Pandimus unanimis. tibi, fortis nomina, Belga  
 In lintres fregere nemus. tibi mille ruebant  
 Per fluvios plena cuneis & frondibus alni.  
 Submersa sedere rates, per stagna, per undas  
 Ivimus impavidi. confudimus aequora terris,  
 Terrasque aequoribus. Tu, Ductor magne, secundis  
 Conspectis auspiciis bellum, gladioque coerces  
 Luxuriam fati. patriis virtutibus addis  
 Plus audacem animum. Fratris successibus olim  
 Clarus eras, nunc ipse tuis; & sanguine parta  
 Crebra paludatos ambit tibi laureae fascis.  
 Quod gaudent Batavi, Batavis quod secula currant  
 Aurea, vicinum Vahalis quod nescit Iberum,



Nostra quod imbellem miretur Belgica Mosam,  
 Debet quisque tibi. dubius formidine rebus  
 Inceptum damnare caves. constantia casum  
 Risit, & ancipitem spre vit prudentia lusum.  
 Vincere num Bredam tanti est? ibi tempora longas  
 Traxerunt dilata hyemes: hic vincere brumâ  
 Vinci penè fuit. partas ibi cespite grandi  
 Impensa mutamus opes. non stagna lacusque  
 Circumfusa nocent Liguri. non viribus ullis  
 Vicit, at imbelles jugulos ingloria fregit  
 Supplicio, non Marte, fames. Tu fossor in undis  
 Munimenta locas, immanique aggere fluctus,  
 Neptunumque domas. Tu totos abluis agros  
 Æolus; & ventos tempestateque secundas  
 Ad tua jussa vocas. idem tu miles in ense  
 Insurgis; subigisque trucis Marvortia Sylva  
 Robora, dum plenas indulgent horrea messes.  
 Certavere diis Superi, qui vinceret illam.  
 Certavere Duces: donec decreta Deorum  
 Excipis, & cœli dirimis certamina victor.  
 Sæpius Alciden stupui, seu stringeret angues  
 Trux puer, aut sævi lassaret terga juveni:  
 Sive Cleonæi discerperet ora leonis,  
 Subderet Antæum lucta, Stymphalidas arcu.  
 Plura tuæ petuere manus. plus proderit orbi  
 Brabantim domitor. soli gravis hydra paludis  
 Vixit, in Arcadia partem vastator abibat  
 Sævus aper, crudi Thracas Diomedis imago  
 Terruit. hæ multis nocuerunt sedibus arces,  
 Vna nec hoc monstrum vallis, non una pavebat  
 Insula. per Batavos vicinaque rura Sicambrum  
 Ibat, & adversas lacerabat dente Salinas.  
 Mersit Scylla rates. sed & hoc: armata Chimææ  
 Ignibus ira fuit: vomuère incendia Sylva.  
 Bellerophon tu noster ades. tu densa rotantem  
 Brachia Geryonem, raptorisque atria Caci,

Latrantemque domas, victis custodibus, aulam.  
 It gradibus fortuna suis. prae ludia fama  
 Grolla dedit, dites vexerunt nomina gazae  
 Latius, admovit grandis Vesalia caelo,  
 Ultima pugnantem virtus permiscuit astris.  
 Maeste novis, Princeps, titulis. En ardua pennis  
 Ipsa duos circum volitat Victoriae currus,  
 Frena tenet Mavors, agilesque in praelia lentè  
 Ducit equos. circum galeas disponit, & enses,  
 Scutaque, sanguineaesque levans. Bellona macheras.  
 Dextrum Cura latus, laevum Prudentia claudit.  
 Stat Labor, attritosque gerit post terga ligones.  
 At Timor, & validis Formido innexa catenis  
 Pone subit, laceratque suos crudelius artus  
 Livor, & insanum furis discerpit Iberum.  
 Vna salutantum vox est. confundimus omnes  
 Vota renascentis patriae. clamoribus urbes,  
 Compita, rura sonant. studiis concordibus aulae,  
 Curia, templa favent. victo sic clarus ab Indo  
 Thyrsigeris rediit sub vectus Lyncibus Evan,  
 Et debellato domitor Tirynthius orbe.  
 Sic Latium, sic Roma suis spectabilis olim  
 Occurrit Ducibus, tunc cum Capitolia Paulus  
 Scanderet, & vincitum spectarent rostra Jugurtham.  
 Adspicis, ut belli Proceres, & in aere micantes  
 Adsultent te circum equites? petulansque superbis  
 Passibus incedat sonipes? crebroque peractum  
 Hinnitu testetur opus? Tibi concrepat arma  
 Miles, & in lusus bellorum serena vertit.  
 Ordine discurrit, vibrantur cominus hasta,  
 Nunc stat tota phalanx, geminis nunc scissa catervis  
 Obvia procedit. fugiunt, iterumque reflexo  
 Agmine restaurant pugnam. pars altera victrix  
 Militat Auriaco, pars haec mentitur Iberum.  
 Isti, ubi in excelsis picturatisque columnis  
 Armina suspendant vates: ubi picta Leonis



*Adspēctes Batavi clauso pomœria septo.*  
*Ille coruscantes adstricto fasce sagittas*  
*Vngue tenet, Bredaque novis admurmurat iris,*  
*Et pavidam caudâ perstringit verbere Lingam.*  
*Floribus ornantur Satyri, Fauniquè bicornes*  
*Exiliunt, nectit festas Galatea coronas,*  
*Victoremque rudi sequitur modulamine Phyllis.*  
*Qua clypeos nuper calcatis sumserat agris,*  
*Triptolemo ridente, Ceres, iam pristina rursus*  
*Rura colit, gladiosque suis occultat aratris.*  
*At procul aquoreis pugnans Neptunus in undis,*  
*Acrior ad famam, transtris hostilibus instat,*  
*Atque omnes Tritona jubet deferre per oras :*  
*Ire per Hesperium pelagus, terroribus aulam,*  
*Et Siculos implere Deos : narrare potenti*  
*Borbonio , Tamesisque patri : mox longius actum*  
*Ire per Ionios fluctus, ubi militat acer*  
*Adria, & Ausonii librat discrimina belli.*  
*Ivit & Arctoum qui nuncia ferret in orbem,*  
*Qui fractum erigeret Cimbrum, Sueomumq; tiras,*  
*Et latis Gothicum recrearet vocibus ostrum.*

*Fortunate Ducum, magni, Frederice, parentis*  
*Gloria, cui titulos frater transcripsit, & enses,*  
*Indue te patria meritis, laurosque triumphans*  
*Continua. placidam Libertas aurea frontem*  
*Explicet : Vnanimè societ concordia terras,*  
*Te monstrante viam : faciles dent rostra secures :*  
*Sit fœcunda domus : patrios exsurgat in ausus*  
*Filius, & teneri cupiant è casside vultus*  
*Adspēctare tua bellacia moenia Sylva.*

## T R I V M P H V S

super

## CAPTA OLINDA,

Pernambuci urbe , Brasiliæ Metropoli.

**I**Nvenit spes nostra viam. patuere Philippi  
 Imperia, Hesperidumque domus ; & Vespere ab  
 Affulsit Batavis lux optatissima terris : (ipso  
 Quaque cadunt rutilique ruunt Hyperionis ignes,  
 Belgarum se tollit honos. Ah, ipsa laborat  
 Gloriz. non unus nobis quoque sufficit orbis,  
 Quærimus audaces alium. confundere mundos,  
 Et procul adverso divisos cardine Soles  
 Pars mundi tantilla potest. nos vincimus ipsi,  
 Et causis majora damus, famamque fidemque  
 Transcendit nostrum facinus. tu cepta parentum  
 Successusque patrum veniens miraberis atas.  
 Necdum etenim furor Hesperie, sævique dolores,  
 Et debellat & magnis ululatibus urbes,  
 In fontesque rogi procerum, flammaque piorum  
 Exciderant animis. istis ex ossibus ultor  
 Nascitur, & seros acuit vindicta nepotes.  
 Concutitur fortuna Tagi, convellimus arces,  
 Vincimus indomitas urbes, spolia vimus aquor,  
 Regales partimur opes, abradimus usque  
 Austriaci titulis aliquid, sequimurque potentem,  
 Quæ præit, Aurora dominum. si terreat Ortum,  
 Et sua longinquis figat vexilla Moluccis ;  
 Regnamus juxta socii, medioque natamus  
 Oceano, jactatque suum Batta via nomen,  
 Et bellum Ternata gerit. Si Sole perustus  
 Afer, & in Libycas Nigris spatiatus arenas  
 Littoraque & populos victori cedit Ibero :  
 Imus in adversum ratibus victricibus hostem,



Carbasque hac ipsâ defigimus invida glebâ,  
 Et commune solum nobis, commune profundum  
 Credimus, & paribus mercamur finibus aurum.  
 Quâ Persas Arabasque domat, calidoque sub axe  
 Feruida Erythraeis dominatur fluctibus Ormus,  
 Objicit arma furor, totoque occurrimus Indo.  
 Sin satur Europe Princeps, Asiæque potentis  
 Ebrius imperio rector Plus cogitat ultra,  
 Occiduoque infert aquilas & nomina mundo:  
 Ponè subit Borea populus, tranquillaque sulcans  
 Æquora pacificis etiam depugnat in undis;  
 Aut inventa secat freta, vel vicinibus Austro  
 Invenit, aut nostris Chilen ardere favillis  
 Adspicit, aut celsa trepidare palatia Lima,  
 Proregumque domos, timidique abstrusa metalli  
 Viscera, & immensis turbari Mexica damnis.  
 Lasciat regna sitis lucri. spe militat istâ  
 Quilibet. utilitas fines metitur honesti.  
 Quaque datur, Batava Mavortia pectora pubis  
 Sternunt ense viam. certant fortuna, laborque;  
 Alternantque suas ratio atque audacia partes.  
 Nunc belli rabies, nunc est prudentia laudi,  
 Nunc malè compositos ausus fors ipsa secundat.  
 Nunc nocet Oceano Nereus, nunc Æolus Austris  
 Afferat infestas hiemes, classeque moratur.  
 Morbida jam fluidas vexant contagia turres,  
 Et languent squallore Duces, irataque membris  
 Ignavas virtus queritur vilescere dextras,  
 Nec Marti constare viros. per densa malorum  
 Agmina, per varios casus, per saxa, per undas  
 Scrutamur, qua parte nocens mortalibus aurum  
 Pullulet, & dites designet fama recessus,  
 Ac scelerum prudens abdat fomenta Creator.  
 En Tartesiaci majestas fulgida sceptri,  
 Et siculus subsidet apex. dispendia rursum  
 Et clades Olysiippo suas, damnataque fato

Occasum

Occasum Castella dolet. post subruta Sylva  
 Mœnia, & attoniti tot propugnacula Rheni,  
 Externo Mars orbe furit. nec terra, nec aquor  
 Otia dant, Rex magne, tibi. devovimus omne  
 Terrarum pugnis spatium, cunctisque paramus  
 Prælia sideribus. spectata, stant littore toto  
 Carbasa Belgarum, & peregrinas mordet arenas  
 Anchora. Nassovias exponunt panda cohortes  
 Corpora, bellacesque viros penetratibus edunt  
 Distenta castris alni. sic ultima mundi  
 Discant Auriacas admittere regna secures.  
 Et jam Mosæ pater, jam nunc vetus accola Rheni  
 Barbaricos potant fluvios, & di vite portu  
 Brasilia fixere rates. bellator Olindam  
 Belgæ tenet, geminasque rapit pavitantibus arces.  
 Pugnant Arctoa Phœbo spectante phalanges,  
 Flumina Hyperboreas vèctant ferventia lintres,  
 Insuetos fugit unda viros, & sanguine nostro  
 Fumantes tinguntur aquæ. ferale cadaver  
 Ignota procumbit humo. novus advena, quæ vix  
 Constiterat tellure, jacet. quin rupibus altis  
 Stans aliquis, vultus alios agnoscit & ora,  
 Miraturque suis Batarvos considerare terris,  
 Et streperis patrium lituis intendere carmen.  
 Adstant indigetes, & si quos terra recepit,  
 Vel dedit ipsa, Duces. horrent appellere puppes.  
 Adventare acies pelago, tormenta parari,  
 Torvaque Arausiæ impleri tympana bombis,  
 Et ferro nova regna peti. Nos Sole sub ipso  
 Cernimus ardentem capiti Phætona minari,  
 Verticibusque instare rotas. miramur, ut aquis  
 Penè secet cum nocte diem Latonius horis,  
 Nec septemgeminis surgant de more Triones.  
 Nunc umbras nemorum rectas, nunc ire sinistras  
 Adspicimus, tepidasque hiemes, bis jugiter annum  
 Messæ coronari. monstrat Neptunia proles



Nunquam visa prius mutari sidera cœli.  
 Thuribulumque notat, Grajæque aplustria puppis,  
 Inque suis variè sinuosum partibus Hydrum.

Huc postquam oppositis classem flexisset ab Afris  
 Rector, & ignavum superasset puppibus æquor,  
 Mœnia conspiciens tantis servata triumphis,  
 Ad socios tali fertur mox voce locutus :

O socii, seu me partes rectoris habere,  
 Seu vobis comitem cupitis, quacunque paratus  
 Lege adsum. bellum paribus commune periculis  
 Aggrediar ; patiarque meis, discrimine nullo,  
 Me quoque signari monitis. quam cernitis urbem,  
 Credite materiam laudis, famæque perennis  
 Argumenta dari. nostris hæc Pergama dextris  
 Expugnanda manent. hæc mecum mœnia lati  
 Scandite, nec tantis desit fiducia cœptis.  
 Hoc nuper stetimus mundo, cum turgida gazas  
 Evomeret Matança suas, cum territus Astur  
 Argenti vacuas Cuba de littore puppes  
 Cerneret, & totos vectaret Belgica montes.  
 Hic malè servatam nuper possedimus urbem,  
 Hoc arsere rates palægo. præmissa futuri,  
 Dant exempla fidem. quisquis contemserit hostem.  
 Iam vicisse putet. quondam Milesia fortes  
 Terra tulit. fuerit toties Hispania victrix,  
 Iam timet, & quod custodit, stat concolor auro.  
 Successus si fata negant, hæc terra sepulchrum  
 Præbebit tumultosque viris, vel corpora Trion  
 Littoreis subducet aquis. remeare negatum  
 Ad veteres Belgi fines. hic vivere victos  
 Prò pudor, hic servare genus miserabile pœna.  
 Si fugiis, negat unda fugam : si montibus abdi  
 Et nemorum cupiis latebris, his barbarus antris  
 Iste latet, vivo distendens viscera pastu.  
 Nec patitur res nostra moram, per singula lethum  
 Impendet momenta, duces excitaque cunctis

Latè signa locis aderunt, afflataque pauci  
 Prascribunt alimentâ dies. si bella nequibunt,  
 Vincet fœda famas miseros. non horrea nobis,  
 Aut fera Eleusinas collogit America menses.  
 Deserimur terrâ, pelago. spes omnis in armis,  
 Et virtus sua quemque manet. qui fortiter hostem,  
 Securus feriet. morti vicinior omnis,  
 Qui timet, & lethi causas formido ministrat.  
 Hic domus, hic cunctis patria est. quos struxit Ibe.  
 Transcribet brevis hora lares. victoria justis (rus,  
 Nuncupat heredem titulis. quæ surripit hosti,  
 Præmia justa putat. non hoc raptoris iniqui;  
 Militis officium est. veteres migrare colonos  
 Bellonæ lex præscia fuit. fecere Quirites,  
 Et clarum genus Æneadum. mihi cana senectus  
 Quamvis tela neget validis torquere lacertis,  
 Primus iter pedes ingrediar. cum dextra fatiscet.  
 Pugnabo monitis. O quantæ Iuppiter urbis  
 Hoc libras momenta die. si numina prosint,  
 Hac fati modus in dextra est. Sic Ductor euntes  
 Incitat, & colles ultra progressus & amnem,  
 Ista iterat, patriæque decus, præciumque laboris,  
 Spem Bataurum miscet dictis. cum nulla furentem  
 Vis tenuit populum, tantoque à principe quisque  
 Incaluit, sumpsitque animos. Non saxa retardant,  
 Non fluvii. cedunt cuneis fugientibus hostes,  
 Vincuntur delubra manu, furor efferus instat,  
 Urbs capitur, ceduntque altæ pignantibus arces.  
 Non aliter quàm cum cæco rex Æolus antro  
 Luctantes ventos tempestatesque relaxat  
 Iussibus, & clausos tenebroso carcere fratres  
 Solvit, & Ionio patitur sævire profundo.  
 Illi indignantes, quæ sors dedit obviam, saxis  
 Impingunt rabiem, structus ad sidera tollunt,  
 Tensaque percussis discerpunt lintea nautis.  
 At contra furis immanibus invidus ardor



Occupat obsessam Hesperiam. victoribus urbem  
 Dum nequit, eripuit pradam, fœtosque penates  
 Meribus; & propriis damnans congesta favillis  
 Scrinia, vota Tagi nostrumque intercipit amens  
 Livor, & iratis donat sua munera flammis.

Ergo iterum extremis lauros suspendimus oris;  
 Rursus ovans alibi Belgæ est, & dissita longe  
 Imperia ignoto victor sibi vendicat orbe.  
 Cœlum aliud Solemque videt; Zonaque rubentis  
 Hospes agit peregrè; & quæ flammea dividit axem  
 Linea, cum magno partitur regna Philippo.  
 Si propius noceant Morini, ratibusque minentur;  
 Et nobis Duynkerka patet: regalis Olinda  
 Occiduum vasta mundum pradabitur ora;  
 Classibus instabit Siculi rectoris, & auro.  
 Hac raptas servabit opes. hæc regia clavis  
 Ditescet regum spoliis. hæc altera surget  
 Carthago, Hesperiam contrà & Tartessia longe  
 Ostia. Nassovios currus & Principis arma  
 Hic metuet vesanus Iber. Iamque oppida Sanctis  
 Nominibus devota rapi, tot flumina subidi  
 Auguror, & pavidis Plutam palletere ripis;  
 Compesci castris Ienerum, servire Maragnon,  
 Patagonumque domos, & crudo barbarâ victu  
 Corpora civili sensim mansuescere cultu,  
 Annuaque excelsis extundi sacchara cannis.

## T R O P H Æ V M A R A V S I O N E N S E ;

Sive in interceptam, ad Scaldis ostia, Hispanorum classem,

### P O Ë M A T I O N .

**C**ontinuat nostras Superum clementia lauros,  
 Rursus viator ovat populus; domitiq; trium-  
 phans Hosti-

Hostibus, exuri spoliis exsultat Iberi,  
 Et formidatum cernit pallefcere Scaldin,  
 Hesperiosque duces; atque infelicis Eliza  
 Transtra rapi, & toto palantes flumine puppes,  
 Belligerasque rates & castra natantia mergi.  
 Sic belli Fortuna moras, & longa resarcit  
 Otia, cunctantemque diu Victoria cingit  
 Auriacum. qua segnis ut, sine motibus, astat,  
 Illustri se sine probat, Martique trophæum  
 Figit, & ignavi dispendia corrigit anni.  
 Constitimus Morinam terris, tot navibus equor  
 Stravimus; hostiles late calcavimus agros,  
 Terruimus famam populos. timuere potentes,  
 Et quondam dites Bruga. quin conscia culpa  
 Nos etiam potuit longè Duynkerka timere.  
 At tum cura Deum coeptis & pronior aether  
 Defuit, & pulchram Flandrorum vincere gentem  
 Immeritum visum Superis. nunc numine lævo  
 In Scaldin flexere minas. ubi Martia turres  
 Tollit, & Albanam stat formidabilis arce  
 Andoverpa potens. illic generosa Philippi  
 Progenies, regum soboles, jam dedita cælo,  
 Nec minus & lituus Princeps intenta tubisque,  
 Tales magnanimo profudit pectore voces:  
 Illa ego, quam niveis toties Fortuna quadrigis  
 Vexit & innumeris auxit Bellona triumphis,  
 Qua sceptris parere meis devicta cœgi  
 Oppida, bellicis fregi Marvortia Breda  
 Mœnia, & in mediis suspendi signa Sicambrum  
 Visceribus, per tot fluvios, urbesque cucurri,  
 Et Fleum Vahalimque cavis thoracibus hausi,  
 Victa cadam Batavo? vel nunc imbellis habebor  
 Femina? si solius fraudata est viribus atas,  
 Non tamen hac animis est exarmata senectus,  
 Consiliiisque animus. veteris mihi flamma juvena,  
 Et belli nova cura subit. non impiger ultra



Oppida Nassovius, me milite, vincet inultus,  
 Et pariter terrâ, pariter superabimur unda.  
 Cessit Sylva Duci, cessit Vesalia doctis  
 Fraudibus, atque alio tristes sub Sole Matanca  
 Ereptas dolere rates. accessit Olinda  
 Cladibus, & gemino decessit gloria mundo.  
 Non alias adversa magis constrinxit in arctum  
 Res Bellona meas. num dedignantibus astris  
 Bella gero? num Martis amor plus gliscit in hoste,  
 Deslituitque meos? ubi nunc vis efferâ Ibera  
 Gentis, & heu, nostra metuenda potentia dextra,  
 Et tanta lux prisca domus? num regia nutant  
 Imperia, & nobis aliquod male numen amicum est?  
 Non ita Di patrû faciant, manesque meorum,  
 Degener ut credar magno prognata parente  
 Filia, & Austriaca titulis indigna tiarâ.  
 Imus in adversos hostes; nec deside cura  
 Eugenia marcescet honos. hac induet arma  
 Canicies, preciumque meis Mars sumet ab annis.  
 Rumpe omnes, Isabella, moras, totque inter & hostes  
 Et terras, luat illa, suis qua tuta procellis,  
 Suaviter hunc belli gaudet spectare laborem,  
 Et fruitur, securâ mali; consultaque pacis  
 Despicit, & nostris nutrit sua commoda damnis.  
 Hac pacem mihi victa dabit. discentque propinquo  
 Marte fatigata tandem mansuescere gentes,  
 Et pacata loqui. VValachrum divulsi Batavis  
 Natio, crudeles bellorum leniet iras.  
 Hic vos, ô socii, temerata sumite pœnas  
 Principis, hic vi&ta pridem depellite Sylva  
 Dedecus & tantum gladius abolete pudorem.  
 Cernite. quas circum Tethys colit horrida, terrâ  
 Argumenta ferent laudum. sit quaque furoris  
 Materies & causa mei. quamcunque tenebo,  
 Sentiet una sibi nasci discrimina Berga,  
 Bellacesque peti tantis ambagibus irbes.

Sic ait, instigatque Duces, bellique potentes  
 Instruit. assurgit vano Brabantia fastu,  
 Et tumidas jaectant populi suffragia voces,  
 Eventusque notant, & gratum partibus omen.  
 Accelerant mandata alii, permissaque sylvis  
 Æra sonant. grandes aptantur navibus orni,  
 Et totos sorbent nascentia carbasa lucos.  
 Spirant bella trabes; & qua dissecta patefcunt  
 Robora, sanguineis ducuntur fila lituris,  
 Vel percussa gemunt, cladis prasaga futura.  
 Illic murali reboantia corpora pulsu  
 Cymba vehit, terretque suo trux machina vultu,  
 Sulphureas claudens immami ventre favillas.  
 Parte alia aratas capiunt aplystria glandes,  
 Telaque, funereasque faces, thoracas abenos,  
 Et quascurque furor, mensque ingeniosa recentes  
 Invenit exitu causas, formasque nocendi.  
 Adventare Duces cernas, milesque cruentum,  
 Qua graditur, sibi signat iter. pugnacia sevis  
 Pectora flagrabant studiis, & classica votis  
 Præcipiunt, ardentque adversa laceffere regna.  
 Qualis aper, fulvusque Leo, cum tempora circum  
 Luxuriant rutilantque coma, jamque obvia prensat  
 Vnguibus, & cupidis spumant sub denibus ora;  
 Antra fugit, pigrosque specus, & monte relicto  
 Optat in oblata morsus desigere præda.  
 Cærulea tum forte domo, viroque cubili  
 Extulit os pelagi restor, cui plurima mentum  
 Et circum fluidos velaverat alga capillos,  
 Eque humeris multa surgebat arundine vertex.  
 Utque oculis dassem bellatricesque triremes  
 Vidit, & insano coeptum molimine bellum,  
 Spumiferos alto ructans è gutture fluctus,  
 Risit, & En alter Phæthon jam navigat, inquit,  
 Et male qui rexit patrios auriga jugales,  
 Præfcitur jam nauta rati. quam lata meorum



Præda venit manibus; quam mox vesania pœnas  
 Inconsulta dabit, dum centum vecta per altum  
 Remigibus sperat Toxandrum appellere terras,  
 Et totis junctas animis diu vellere gentes.

Hic clades, Hispanæ, tuas, tumulosque tuorum  
 Adspicias, hic busta vago circumflua ponto,  
 Et deploratæ lugebis fata ruina.

Sic fatus lævis implevit pectora curis,  
 Ipsaque funesta iuvit primordia pugna.

Ibat ovens animis, bellique accensus amore  
 Nassovia de stirpe aliquis, fama que sititor.  
 Improbus, attonitas remis audacibus undas  
 Fregit, & Oceano puppes fugiente secutus  
 Tethyos alternæ infidas trajecit arenas.

At contra Aurixco vigilans traducere noctes,  
 Explorare vada, & mersis imponere terras  
 Præsidium tunc cura fuit. nunc undique fines  
 Tutari; nunc arma armis, ratibusque feroces  
 Objectare rates, & quo vocat usus & unda,  
 Neptuno famulante, sequi. dum cominus hostem  
 Occupat, & junctis crudescunt prælia dextris.  
 Tum densa cœiere acies, & iudice ferro  
 Bellantum fortuna stetit. maduere cruore  
 Transtra, fori, & fuso rubuerunt sanguine fluctus.  
 Puppibus incurrunt prora, securaque rostra  
 Illidunt lateri. pugnant, sine mente, carina,  
 Ponderibusque nocent. fragili sua gloria ligno est.  
 Et concussa bibunt multam rimosa paludem  
 Carbasa, & abducto segnes hasere profundo.  
 Accendit Bellona viros, ensisque manusque  
 Incaluit. veteres acuit pugnantibus iras  
 Libertatis amor. nescit non vincere, quisquis  
 Desperat victus veniam. cui triste paratur  
 Servitium, fatis potius, quam cesserit hosti.  
 Certavere duces, & toto plurima bello  
 Emicuit procerum virtus. hic milite puppes.

Instruit, acceleratque rates; qua deficit, urget.  
 Hic curvos servare sinus, hic pandere vela  
 Hic revocare jubet: peragit prudentia partes,  
 Bellatrixque manus. donec vallante corona,  
 Et geminis hostile agmen concluditur alis.  
 Quid referam? pugna faciem, Syrtesque repletas  
 Stragibus, & caeco cumulatas gurgite mortes?  
 An fluvii refluos aestus? tardaſque carinas  
 Occultis haſiſſe vadis? an flamina juſſis  
 Conjurata Deum regalem exſcindere claſſem?  
 Singula miratur victor. miratur & illud,  
 Pro nobis pugnaſſe Deos, pelagusque, polumque,  
 Nos fatiſ, hoſtemque manu. ſpes irrita cepti  
 Mergitur, armataque acies, revolutaque tela  
 Auctori nocuere ſuo. Rhamnusia fallax  
 Intorſit, vertitque rotam. premit illa ruentem  
 In ſua fata ducem, diſperſas diſjicit alnos,  
 Diſjectaſque fugat. nunquam fluitantia late  
 Largius Arctoos pavere cadavera piſces.  
 Corporibus premitur Scaldis, obſtructaque paſſim  
 Oſtia conclusas remorantur fluminis undas,  
 Ne poſſint remeare vaga. gens nautica, fati  
 Prodigia, diſtrictis odium mucronibus explet,  
 Et lethum praefert ſpoliis, juguloſque cadentum  
 Pro mercede petit. quotquot furor iſte pepercit,  
 Victorum ſtrinxere manus. mirabile viſu.  
 Illa cohors noſtris minitans incendia portis,  
 Battaviaque alta famulas cervice repoſcens  
 Supplex ante pedes, tanti jam neſcia factus  
 Ponit ſigna libens. cujus properantia ſero  
 Vela die, tumidaſque minas timuere feroces  
 Toxandri, ſua vela fuga, pavidoſque rudentes  
 Deſtinat, exuviasque mari tranſcribit & hoſti.  
 Hic clavi, tranſenna alibi, caſiſque phaſeli  
 Remigibus per ſumma natant. hic lintea ruptis  
 Fumibus inſternunt fluvios. retinacula ſpernit

Ancho-



*Anchora, & antennis jactantur suppara fractis.  
It mœstum portis agmen. pars nuda trahentes  
Corpora, pars vani damnans exorsa laboris,  
Aversoſque Deos. quos spes erexerat ingens,  
Demissa ceruice gemunt. ſpectantur inermes  
Dux, miles, totaſque trahunt ergaſtula turmas.*

*Tales Romulei, trepida Carthagine, portus  
In Libyam miſere rates, cum tranſtra ducemque  
Illuſtris caperet Xantippo vindice Byrsa.  
Sic credam pugnaffe Tyrum, cum nauibus arces  
Cingeret, & tumidis iuuenis Pellæus in undis  
Fluëlibus immerſa muros conuelleret urbis.  
Sic Perſam tumuiſſe ferunt, cum ſterneret Hellen.  
Sic Perſam periſſe ferunt, cum parvula magnum  
Regnatorem Aſia vix dum ſubduceret alnus,  
Et victrix totum ſorpiſſet Græcia Medum.  
Hic quoque Thermopylas, hic providus arcta viarum  
Obſidet Auriacus. Salamis hic altera fauces  
Stringit & exili Xerxen intercipit alveo.  
Alia ferales Latii reminiſcere clades,  
Dic caſus Thraſimene tuos, vos dicite Cannæ  
Duſtoris Pœni rabiem. non diſpare fato  
Pugnat Iber. captiua, duces & ſigna tenentur,  
Armaque cum ſociis, & cum vectore carina.  
Partiri neſcit Batauius. capit omnia victor,  
Materieſque mali multos congeſta per annos,  
Deſeritur pelago. Martiſ ſcelerata ſupellex  
Vndique colligitur, cumulataque plauſtra metallo.  
Æraque, qua Corybas diros fabricavit in uſus,  
Et Lemni ſudantis opes, Steropiſque labores.  
Iam timeas, Brabante, Deos, tot fidere roſtris  
Deſine, molirique rates, inſtare procellis,  
Et ſuperimpoſitis inſternere flumina ſylvis.  
Victrix cauſa Diis placuit. ſi victa probatur  
Eugenia, cauſa partes & vindice diſtant.  
Noſtra tamen melior. quorum victoria velox*

Auspiciis effecta Dei est. quid classe lacesis,  
 Inque suo demens audes vexare profundo,  
 Indigenas Nerei, populos? queis pontus & aquor  
 Sunt natale solum, Castor cum fratre Penates,  
 Lar Triton, quibus unda situm castigat, & omnis  
 Vita procellosa traducitur Amphitrite.

Luna quibus pro Sole micat, pro luce tenebra,  
 Horridus imparidum flabris exasperat ævum  
 Æolus, & gelida indurant præcordia noctes.  
 Terra tua est. laxos aciem dispone per agros,  
 Hæc belli sit meta tui. sors una Batavum,  
 Neptuno propiore frui, facilesque profundi  
 Explorare vias. ista se jactat arena  
 Belgæ meus, nostris hæc area panditur armis.  
 Hic documenta damus, quantum Neptunia possit,  
 Prompta manu, soboles. nescis? non longa revolve  
 Tempora, cum fluidas ultrix Hispania turres  
 Conderet, & multa Tartessus puppe nataret,  
 Fœdaque deberet toto ludibris ponto.

Vel cum Cantabricas bellatrix Horna carinæ  
 Subderet, & captus gemeret sua vincula ductor.  
 Tu mea, tu raptas vidisti Antverpia puppes,  
 Cum victrix Vlissinga, tuis sub mœnibus audax,  
 Feralem raperet præadam. flere cadentem  
 In ratibus Ligurem Morini, captasque triremes  
 Et debellati fatalia damna Philippi.

At Tu, summe Ducum, patria virtutis imago,  
 Ingenti nec fratre minor, tutela tuorum,  
 Illustris Frederice, tuæ præconia terra  
 Collige, & has lato voces concede pœta.  
 Egredieris fama spatium, laudumque theatrum  
 Imples Marte tuo. cœli convexa coercet  
 Limitibus natura suis. tu sidera transis,  
 Et Superos bellator adis, qua Perseæ magnum  
 Inter & Alciden sidus venerabile fati  
 Servant fata tuis. vasto stat terminus orbi,

Non



Non tibi. Romuleos aequant tua bella triumphos,  
 Quæque tuis semper comes est Victoria castris  
 Annuit, & gestit tecum Fortuna pacisci.  
 Te Duce decurrunt nostris felicia rebus  
 Tempora, signanturque notis victoricibus anni.  
 Iam pater Oceanus, jam flumina victa trophaum,  
 Iam viæ præbent urbes. cum militat ather,  
 Dissentire cavent undæ. cum militat unda,  
 Iuxta terra favet. si Ver applaudit amicum,  
 In partes trahitur placatis mensibus ætas.  
 Quique gravis morbos Autumnus parturit, uni  
 Auriaco gravis esse timet. cum cerneret ipse  
 Scaldis Arausiacas undis innare phalanges,  
 Pro te, pro Batavis jam tunc oracula fudit,  
 Faustaque de gemina fremuit tibi carmina ripæ.  
 Sis precor assidue felix, Mariique senectam,  
 Et senis Augusti numeræ. sit Belgica concors  
 Te ductore. truces terris averte Philippos.  
 Cingat sæpe tuos bellatrix laurea currus,  
 Istaque venturi stupeant exempla nepotes.

T R I V M P H V S  
F E D E R A T I B E L G I I,

Super debellatis ad Mosam urbibus,

V E N L O A, S T R A L A, R V R M V N D A,  
T R A I E C T O, &c. pluribusque ad  
Scaldin victis Castellis.

**I**T Batavo Fortuna comes, rursusque Potentes  
 Dat fama Bellona Patres. sub Principe lati  
 Vincimus, & gaudent sibi successisse triumpho.  
 Omnis in extremum virtus Marortia Mosam  
 Veritur, & veteres belli vindicta Sicambros

Poscit.

Poscit, & haud uni jam nunc gravis incubat urbi.  
 Talis in Ausonias victor dum fulminat arces  
 Hannibal, & Trebia geminant dispendia Cannæ,  
 Tot Pæno patuere urbes, totumque ruenti  
 In pradam cessit Latium. quin oppida latè  
 Sidonio cernas sub bellatore pacisci.  
 Ipsa Croton portas, Lacedæmoniumque Tarentum,  
 Et trepidans Atella aperit. nec subdere colla  
 Sublimen puduit Capuam. se Samnis, & acer  
 Brutius, & versis mox dedit Appulus armis.  
 Stabat Roma stupens, & tantæ conscia cladis  
 Defuit una sibi. nec te, Brabantia, Romæ  
 Dissimilem jam credit Iber. lenta agmina ductas  
 Degener, & seris ordibus prælia castris,  
 Dum cataphracta tuos circumdant agmina muros,  
 Concussa que ruunt, concussis urbibus, urbes.

Sic tibi, sic magna Mævors pater esse locutus  
 Dicitur Eugenia, sic incussasse morantem :  
 Quam mæ discordi jam numine regna tuentur  
 Au iacus, geminoque graves sub sole Philippi.  
 Languit Asvorum domitor, tituli que pudorem  
 Incutiunt Asia domino. quos supputat orbes,  
 Alter habet, grandisque labat fortuna peculi.  
 Stat quo vis jam Belgæ loco. jam victor ubique est,  
 Quem constat vicisse domi. jam vincere spectas,  
 Atque iterum superare domi ; quem gloria belli  
 Præcinxit non una foris. jam puppibus audax  
 Imperat Oceano, & lituis navalibus æquor  
 Personat immensum, formidatumque tridentem  
 Neptuno trux nauta rapit. jam flumina stringit  
 Legibus, attonitoque extorquet littora Scaldi.  
 Nil sinit intactum Auriacus. non ferrea Sylva  
 Mœnia, & assuetas sceptris regalibus arces  
 Perdomuisse satis. pronis fiducia fati  
 Occurrit ; quantumque sibi pròmittit, ab armis  
 Impetrat, & quavis lauros suspendit arenâ.

Non



Non virtus, non dextra Ducem, non provida fallit  
 Sedulitas, patet ipsa dolo Vesalia, nec se  
 Totâ nocte regit. divulso cardine pandit  
 Clausura Sinon, portasque potens intercipit astus.  
 Ille rates raptæque tibi compendia classis  
 Vertit in autores, & per tua currere doctus  
 Ostia, debellat fluvios; & abînea laxans  
 Castra, Gigantæa paulatim adremigat urbi.  
 Sic stabulis pecorique gravis Massylus in horas  
 Crescit, & indomito debellat dente ferarum  
 Antra leo, semperque novas despumat in iras.  
 Vnius Hesperia cecidit decus. otia Batin,  
 Et mala pugnacem jam damnat inertia gentem.  
 Non cupit à segni tractari Principe regni  
 Publica majestas. animo quod deficit, ipsi  
 Deficit imperio. quantum virtutibus audit  
 Inferior, sit sorte minor. formidine surgunt,  
 Et gliscunt adversa metu. cum plebe labascit  
 Cura patrum, torpetque omnis, ceu femina, rector.  
 Non ducis Albani rabiem, tinctasque cruore  
 Barbarico laudabo manus. laudabimus arma  
 Belligerasque manus, Siculo tot reddita regi  
 Oppida, & exutos castris ac mœnibus hostes.  
 Quantus eram, Transalpinum cum duceret agmen  
 Farnesius. cum quisque notis vitricibus annus  
 Curreret, & nostros signarent prospera fastos  
 Prælia. cum supplex excussos Belgicæ fasces,  
 Et spretas iterum Morini coluere iuras.  
 Nec te, magne Ligur, tacitum, aut tua facta silebit  
 Fama memor. tu diviso fera cornua Rheno  
 Fregisti, & valida signasti fœdera Breda.  
 Tu dare Germanis leges, tu cogere Nicrum  
 Cunctando poteras, & vaftris fallere pactis  
 Teutona. quot mediis Liparæ fornacibus ara  
 Sudavere tibi; subito cum nescia vinci,  
 Placaret sola victorem Ostenda ruinâ.

At tu sceptriferam Brabantia segnis inuris  
 Castellam maculis, aeternaque probra potenti  
 Admisces populo. priscæ, vah torpida, famæ  
 Diva dees, clidesque tuas circumspicis excors.  
 Militiæ quondam titulis, procerumque vigebas  
 Consiliis, septumque tuæ inviolabile terræ  
 Afferuit dudum Genuas. nunc agra labantes  
 Vix clypeos hastasque trahis, laxataque sponte  
 Labitur, & tremulo subsidit vertice cassis.  
 Non una ratione peris. te plurimus error  
 Arguit, evincitque ream. cum Spinola ductor  
 Mittitur Insubribus? quo non felicior alter  
 Flectere vel belli poterat vel pacis habenas.  
 Scilicet ut tali infelix viduata magistro,  
 Ignaro dubioque diu rectore perires.  
 Æmula cur vexat tumidam vesania Calpen,  
 Cantabricosque duces? cur fastus livor inanes  
 Immiscet populis? ut cum sua castra movebit  
 Impiger Auriacus, ducant consulta moraque  
 Devotam cælo Eugeniæ. succurritur Istro,  
 Ut pereat Scaldis. defendunt arma Mosellam,  
 Ut nova neglectum maneant discrimina Mosam.  
 Et Batavis cedat detonsa Sicambria signis.  
 Non minor Austriaco, & Romani pondere belli  
 Causa tua est. fatis geminæ communibus aulæ  
 Surgitis, occiditis fatis communibus amba.  
 Poscit Casar operam. sed non ut proxima nutent  
 Imperia, & vacuas hostis custodibus urbes  
 Insideat. nimium propria securæ salutis,  
 Damna aliena cæves. socios improvida curas,  
 Immemor ipsa tui. gaudes te perdere demens,  
 Dammodo cognatis conslet reverentiæ sceptris.  
 Quin tua dum tacitis flagrat dissensibus aulæ,  
 Et foribus gravis ambitio est, dum luxus Iberas  
 Sorbet opes, & nostra vorant stipendia mensæ,  
 Expensæque leves; incassum araria miles



Sollicitat, gratisque negat pugnare cohortes.  
 Heu nimium faciles lassis diffidere rebus.  
 Invertit mox sc&va fidem, & proscribit honestum  
 Pauperies, dominumque suum fastidit egenam,  
 Nec crimen jejuna timet. tunc irrita belli  
 Sacramenta putat, meritis cum pr&mia desunt,  
 Raraque bellaces implent sestertia dextras.  
 En agros hostilis eques, damnataque fatis  
 Rura tenet. mediis grassans exercitus haret  
 Visceribus, quassatque facem. spumantia circum  
 Cornipedum te fr&na sonant, umbraque minaci.  
 Et spisso totos involvunt pulvere campos,  
 Dedecoris monumenta tui. cur arma, diesque  
 Projicis, & timid& sequeris compendia vitæ?  
 Et sordes ignava domi? succumbit inermis  
 Venloa, nec Martis perfert Rurmund& laborem,  
 Stral&que victorem patitur. nunc nobile luget  
 Trajectum, bifid&que urbem cinxere coron&,  
 Ut possis mox tota capi. Tu ingloria pergis  
 Spes damnare tuas, & deplorata fatiscis.  
 Iamque Duces infensa tuos, sperataque longe  
 Rhaticolas ultra Pyren&osque recessus  
 Consilia incusas, alienaque crimina culpas.  
 Quod si non alios populo, Regique, tibi que  
 Impendes animos; restat ferale troph&um,  
 Quod superest restatque tui. Bruxella timebit,  
 Horrebunt Grudii, & concusso cardine regni  
 Dediscet veteres Antverpia dives habenas,  
 Mutabunt dominum Brug&, & languentibus armis  
 Vltimus Auriacos sperabit Nervius enses.  
 H&c metus, h&c Parca, sceptrique volubile pondus  
 Subjiciunt animo. veniet labentibus annis  
 Iste dies, nec me incassum monuisse quereris.  
 H&c ubi pacat& Mavors infrenduit atrox  
 Eugenia; subit ira Dea, priscusque recurSAT  
 Gentis honos, grand&esque subent assurgere cur&

Decrepitam. simul arma capit viresque iuventa  
 Canities angusta. manu quin ipsa trabalem  
 Hastam intorsit agens; & vertice Brabantino  
 Marti signa dedit. subitis Dux advolat alis,  
 Et formidatas aquilas, subductaque Nicro  
 Castra trahit, castrisque locat Gonzala propinquis.  
 Plurimus admissis sonipes calcaribus ardet,  
 Naribus ignescens patulis. quin arva pedestres  
 Consternunt cunei. redeunt animique, minaque,  
 Votaque. disposita ad leges & iussa severi  
 Ordinis incedunt turmae. propiusque monentur  
 Instaurare vias, tempusque optare nocendi.  
 At Bataurum ductor stipantibus undique vallis  
 Haret & obsessam clarus bellator in urbem  
 Detonat, & densis palantem dimovet hostem  
 Aggeribus, rabiemque jugis immanibus arcet,  
 Ac circumfusâ securus militat undâ.  
 Non aliter spinas intra revolutus echinus  
 Bella gerit. vel tuta suo fera tigris in antro  
 Ridet oberrantum conamina mille ferarum.  
 Tantum opus accelerant dextrae. stat terrea moles,  
 Titanum qualis fuerat labor. ordine longo  
 In circos glomeratur humus, sinuataque viro  
 Cespite praeipiti surgunt fastigia divo.  
 Ambit terra viros. terram spaciosi coronant  
 Cingula Naiadum. circumdatur orbibus orbis,  
 Et tanto constat bellatrix scena paratis.  
 Nox erat, & rutilos tenebris involverat ignes  
 Vix Phœbum praegressa soror, sed languida quamvis,  
 Non tamen armorum vacuas incedere turmas  
 Passa fuit. truculenta cient insomnia Batin  
 Frequentemque Tagum. strictos quin ocyus enses  
 Expedit, & violenta movet certamina pernox.  
 Irruit in vallos alacer, munimina flammis  
 Rumpit, & audaci castrensia mœniæ cœpto  
 Verberat, & valido torquens reboantia nisu

M

Fulmina,



Fulmina, non una perfundit cade maniptos.  
 Nec minus in vigilans sub Dictatore Britavo  
 Belgica, tela quatit; nocturna que tempora gaudet  
 Plus servire sibi. disiectis Cantaber armis  
 Sternitur, & latis expandit corpora campis,  
 Dum curat sic velle mori. funesta ruenti  
 Imponit Libitina modum, pugnæque quietem  
 Imperat, & sola furibundum morte relaxat.  
 Ut scopulis illisa ratis, quam nubifer Eurus  
 Versat, & immites trudent in littora Cauri,  
 Frangitur, & tumido desevit naufraga ponto.  
 Bellantum pars magna jacet. super ipsa cadentum  
 Colla premunt gressus alii, numerumque priorum  
 Auget posterior. calcant cognata jacentes  
 Agmina, & in cumulum congesta cada vera surgunt,  
 Nec sparsis cecidisse licet. Sic sæpius alas,  
 Adversa que acies, vicina que castra cruentus  
 Implicuit furor. at nobis prosperrima lenes  
 Prælia confecere Dii, prævidæque phalanges  
 Abscessere retrò, trepidæque in terga reductos  
 Abduxere gradus. ut latus vallibus imis,  
 Cum cervam venator agit, cursuque fatigat,  
 Illa fugit, silvisque timens sese abdit opacis.  
 Tum Gallus, Scotusque ferox, avidumque Britannus  
 Assilit in ferrum miles. per vulnera quisque  
 Hostem certa notat. cœuntibus undique telis,  
 Occumbunt sine lege duces. mors ipsa triumphus  
 Creditur, & præsens commendat gloria lethum.  
 In medios ruit ira globos, seseque periclis  
 Ingerit, & nulli gliscens saturata cruore  
 Martia læudatis audacia crescit in armis.  
 Quippe animis Mavors Deus insidet. acrius urgent,  
 Qua pugna vis sæva rapit. quem jussus inire  
 Quisque locum, victor tenuit, vel corpore texit.  
 Dux Iber, ut nullo perrumpi robore vallos  
 Sensit, & infansis tentari prælia signis,

Fluminibus certare parat, bellumque profundo  
 Efferus indicit Mosæ. mortalibus impar  
 Aggreditur Gonzala Deos. consternitur unda  
 Lintribus, armigerosque exponunt carbasa nautas,  
 Ipse gubernator tremulos, jam jamque cadentes  
 In ripas agit, & rapidum dimittit in amnem  
 Nequicquam, fluvioque suos immergere tentat.  
 Tum nova se lethi facies & luridus horror  
 Obtulit, exanguesque metus, vultuque cruento  
 Proxima Mors. adsunt occultis ensibus acres,  
 Adversa que manus Batauum, cymbasq; carinasque  
 Et fastidit & jam tum telluris amantes,  
 Sorpsit Mosæ viros. explet aque fluctibus ora  
 Hauserunt totum streperis singultibus amnem.  
 Texit subsidens fugientium corpora tellus,  
 Et limo defixa pedum vestigia vanis  
 Gressibus elusit. nutans sub cespite putri  
 Ille labat; ripamque natans dum prensitat alter,  
 Fallitur, atque una sese mersere ruina.  
 Hunc alius madidum cupidis amplectitur ulnis,  
 Emersumque vado generosa morte trucidat.  
 Hos illatus aquis, & multo vulnere fractos  
 Cogit equus medio remeantes gurgite mergi.  
 Quosque necant unda, dubia ne morte perirent,  
 Tela super glomerata necant. pariterq; sepulchrum  
 Mobile precipites donant sub gurgite lymphæ.  
 Talis erat facies, Trebiam cum Roma lacusque  
 erberet, Trasimene, tuos; cum scuta nefastus,  
 Castraque & Ausonias devolveret Allia parmas.  
 Ipse suis animosus aquis turgentia membra  
 Explicuit tum Mosæ pater, plenisque tumescens  
 Forticibus, grandi se laxius extulit ab veo,  
 Et possit nocuisse magis. sed percitus irâ  
 Instur, ut innumeris conspergi cadibus undas  
 Vidit, & Hesperio rubicundas sanguine: Mosæ  
 Ripiam tibi nomen, ait, Trebiamque vocabo,



Indignumque mea posthac decurrere ripa.  
 Impediam cursus veteres, fontemque recludam,  
 Quo te primum aperis. solves mihi, perfide, pœnas,  
 Et si fata sinent, per Gallica rura vagantem  
 Proximus abducat Rhenus. quid sava minaris,  
 Et regnis inimica meis? cur castra recusas  
 Regis, nec pateris nostras impune phalanges  
 Ire vadis, equitemque vetas transire reducta  
 Hinc illinc tellure patens? tunc ille senescens  
 Attollens caput & diâis insensus amaris,  
 Hoc quodcunque genus vindicta reddimus, inquit,  
 Reddimus Austriaco, toties qui vincula nobis  
 Strinxit, & insontes vetuit traducere merces  
 In Tungros Batavosque. alio me vindice tutam  
 Dî capiunt. nescit Dominos jam Mosa superbos.  
 Cum Vahali sociamus aquas, cum Principe dextras  
 Iungimus. Hesperia non ultra iussa moramur.  
 Ut noceam Regi, campis incumbo propinquis,  
 Et geminum plus laxo latus. mea terga carinis  
 Sernito, quas perdam, non his tua pinus & alni  
 Fluminibus, cymbaque natant. nec margine nostro  
 Stet sonipes tuus, in viso quacunque ferocem  
 Indicat hinnitui Batini, aut horrida prodit  
 Stagna Tagi, raptoque jubar intexitur auro.  
 Iam partes hic Mosa sequor. iam neuter haberi  
 Desino, jam dubii titulis exolvam amici.  
 Perdere, vel per di mihi mens. obsessa salutem  
 Mœnia, & hæc aliam spondet victoria sortem.  
 Interea lacrymis miserorum & sanguine pastus  
 Saxonicus grassator adest, cui livida tabo  
 Cassis, terribili que horrebat Gorgone scutum.  
 Hic alia cædes, alius furor. itur in ictus,  
 Et flammis lux fera micat. perterrita Phœbe  
 Obstupuit, piceaque tegi caligine cœlum  
 Indignata, suas studius mortalibus iras  
 Miscuit, & toto defendit robore Belgam.

Nam simul ac lituos Mavors, hastataque diras  
 Inflasset nova castra tubas, illa acris in hostem  
 Pro nobis tum Diva stetit. disiectaque ferro  
 Agmina, rapta virum spolia, informesque dicavit  
 Exuvias, Gradive, tibi. cumulat a superstans  
 Corpora, truncatosque adversis ensibus enses,  
 Et fractas calcans membris spirantibus hastas,  
 Sanguinea sibi strage litat. vestigia retro  
 Vrgentes sequitur. sed enim languentia gressum  
 Arma pedesque negant timidis. huic haret in altum  
 Ad cadem sublata manus, feriensque feritur.  
 In media ruit ille fuga, nec tela fatiscens  
 Sustinet, immorsisque cadens superincubat armis.  
 Confundunt tenebra cuneos, seque ipsa vicissim  
 Signa premunt. errant incerto vulnere dextra,  
 Et numero turbâque nocent. trieterica non hac  
 Lux venit, Germane, tibi. non orgia Bacchi  
 Adspicis, & pleno Bacchum spumare falerno,  
 Imbellem ad sonitum. non hic raptanda supellex  
 Occurrit, conjunxque suo viduata marito,  
 Invocuaque nurus. mediis in cadibus haeres  
 Eger, hians, fessusque jaces. nec jam amplius ira  
 Assurgunt. tantum distentis aëra buccis  
 Pellis, & exerta lambis tua vulnera lingua.  
 Sic fama stat meta tua, nomenque flagellat,  
 Et cristam melior miles. circumspice colles,  
 Seminecesque artus & mille cada vera moestus  
 Collige. sic discas Batavos in bella venire,  
 Sic pugnare viros. has lasso solvimus Albi  
 Inferias, totidemque nefas ulciscimur umbris.

Dux Patria, quanquam multo se milite septum  
 Vidit, & Advaticas circum crebrescere turmas,  
 Non tamen abstinuit coeptis. quin acrius urbi,  
 Instat, & oppositis infert hostilia vallis  
 Agmina, sulphureasque domos molitur, & arcibus  
 Ubruit arva viis, caligantesque profunda



Telluris thalamos, nigri penetrantia Divis  
 Sollicitat, terrasque ingeni fossor hiatu  
 Solvit, & excelsa Vestam confundit Olympo.  
 Saucia sublatis densantur nubila sulcis,  
 Et strident motu Zephyri. dumque icta reposcit  
 Gleba locum, vivos operit, clauditque sepulcro.  
 Sic ubi in Ætnæo sessus se commovet an thro  
 Enceladus, magno resonant vicina boatu,  
 Et piceos ructant concussa cacumina fumos.  
 Lucent Ioniis sublimes fluctibus ignes,  
 Lapsaque Trinacrios insternunt pondera campos.  
 Quas ibi tum strages, quas victrix dextera cades  
 Ediderit, quos flamma viros, quos straverit ensis,  
 In fastos Bellona refer. tibi cernere coram,  
 Et gladios vibrare datum. Sed fata suorum  
 Auriacus tumulto propius dum spectat ab alto,  
 Iamque animi plenos, jam, fracto robore, & ipsa  
 Cade fatiscentes, tensis ad sidera palmis,  
 Di, quibus imperium est, inquit, si numina rector  
 Vestra pius colui, si me moderante sacerdos  
 Supplicibus placide populis oracula pandit,  
 Tot vobis delubra patent: assuesce vocari,  
 Magne Deus, nostrisque favens allabere votis.  
 Non veni patrios ferro populare penates,  
 Non aris inferre faces, avertere pacem  
 Gentibus, & lentis impendere secula bellis.  
 Libertas asserta mihi est. his queritur armis  
 Certa salus ac vita meis. instamus Ibero,  
 Et pugnare juvat, ne sit pugnare necesse  
 Amplius. irarum finem, longique furoris  
 Hic donet Batavis limes. mihi pareat oro,  
 Quam coram premimus, quam circumcinximus ur.  
 Tu mihi, tu pugna Princeps, tu rite secundas (bém.  
 Augurium, & vario positum discrimine servas.  
 Auspiciis sunt gesta tuis, que gessimus antè.  
 Quod Sylva cecidere tuum est, te vindice Grollam.

Et Salios superare datum. tu spicula & hastas  
 Tu gladios pugnanti acuis. tu tempora donas  
 Commoda, tu vanis ludis conxibus hostem,  
 Atque animos aptas armis, armisque cohortes.  
 Iamque mihi prono famulari sidera cælo,  
 Iam terras fluviosque cupis. succurre roganti:  
 Si mihi Trajectum nolint submittere fata,  
 Me rape Trajecto. felicior illa ruentis  
 Sors fuerit, quam mixta meo fortuna pudori.  
 Armata fama ducem, quasitaque gloria bello,  
 Pro stimulo est. non hinc victo remeare licebit.  
 Victori dabitur. mecum tua causa laborat,  
 Hac perstat defensa manu. qui militat ensis,  
 Militat hic idem Superis. hic asserit aras,  
 Rostra, focos. ipsis regni cum finibus exit  
 Latior & pietas, & qua pietate virescit  
 Religio. per te patrios explere labores,  
 At simili virtute, velim. tibi debeat orbis  
 Excidium Hesperia debellatosque Philippos.  
 Pro te, summe pater, mundi quæscunque per oras  
 Ibimus, & nullo sub sidere dura timentes,  
 Solstitio Gades, brumâ vexabimus Istri  
 Pyrenesque Deos, tostisque sub ignibus Indum.  
 Non erimus patriæ indecores. hoc sanguine Belgas  
 Vindicat Auriacus. vitam si impendimus hosti,  
 Civibus asserimus. nostro placet emptâ periculo  
 Belgica. qua Regi rapimus jam mœnia blandis  
 Subdimus imperiis. cupio parere beatos,  
 Non miseros servire mihi. sub legibus isdem  
 Vivitur, officioque pari. clementia cunctis  
 Annuit, & victos ipsis victoribus æquat.  
 Nunc hostes urbemque inter conclusus utrinque  
 Bella gero, cingor geminis, & cingimus una.  
 Hinc Tartessiacæ renovant certamina partes.  
 Hinc aquilas, hinc signa movet contraria Caesar.  
 Hac arcet manus. hac objectis rupibus instat.



*Has inter titubans errat Victoria curas.*

*Ecquid Arausiada, rector supreme, moraris  
Ferratos portarum obices, & pandere claustra,  
Et tandem hac ipsa muros diffringere dextrâ?*

*Sic superos, sic ille Deos affatus, in atris  
Proximus assedit latebris. ubi mœnia miles  
Perforat, & tenebras inter tumultosque suorum  
Quarit iter. iurat audaces presentis Turmi.*

*Quos sic alloquitur: validis incumbite dextris  
O socii, hostilem manibus diffindite terram.*

*Hic domus, hic patria est. hic tecto vivimus uno,*

*Fortè uno moriemur, ait. hæc aula paratur*

*Et vobis pariterque mihi. jam pristina sordent*

*Atria, & aurato fulgentia testa pyropo.*

*Hæc secreta placent, his nunc augustius antris*

*Degitur. hos ipsos sceptris præstare ligones*

*Iuro equidem. has sordes rutilo pensabimus auro.*

*Vestraque qui fœdat jam pulvis corpora, fama*

*Argumenta dabit. nos iussis vincimus urbem,*

*Vos operis. nos consilio, vos robore saxa*

*Frangitis, erutisque viri, & convellit altis*

*Sedibus. hæc postrema dies, hæc vespera laurum*

*Nassovio, patriæque feret. sub mœnibus hisce*

*Tot nati cecidere Ducum. communia magnis*

*Funera funeribus, vestrasque adjungitis umbras*

*Heroum tumulis, & sorte occumbitis una.*

*Hic simul exequias inter, cineresque rogosque*

*Differimus, litisque caput sit parvula terra*

*Portio, & exiles acunt certamina sulci.*

*Hic partes faciunt gleba. de pulvere rixa est*

*Nobilis. hanc celeri causam decidite ferro.*

*Quâ foditis, quicquid foditis, quocunque meatu*

*Ibitis, illa via est vita, lucrique necisve*

*Omnibus, illa via est fama vivacis & ævi.*

*Hæc ubi dicta dedit Princeps Maxvortius, omnem*

*Vertit in obsessos aciem, torisque fatigat*

Viribus, immani donec se mœnia pandunt  
 Verbere & occultæ lacerant munimina flamma.  
 Pendent semirutæ turres, lacerataque fractos  
 Oppida denudant artus, lapsuque sub uno  
 Per via fulmineo dantur vestigia Marti.  
 Illicet oratum pacem stationibus altis  
 Adsunt exanimæ, & fœdera blanda precantur  
 Diffusæ crines & apertæ pectora matres.  
 It clamor trepidis per propugnacula muris.  
 Nec grave Nassoio est, facili sub lege pacisci.  
 Et cives meruisse sibi. mirantur amari,  
 Quos ferri damnassee queat male sana libido.  
 Ergo ubi ter variam Phœbe reparaverat orbem,  
 Et Cancris chelas & adusti terga Leonis  
 Emensus fuerat Titan, asperrima bello  
 Inflexit regina genu, dominosque Potentes  
 Et nostrum veneratur ebur. Brabantia nudum  
 Deplorat latus, & veluti se indagine cinctam  
 Adspicit infelix. hic currus, arma, facesque,  
 Tela, coruscantes clypeos, hastilia, peltas,  
 Fulmineosque globos, atque omnia Martis haberi.  
 Nuncia lætitiæ totum se fama per orbem  
 Explicat, & sociis mandat nova gaudia terris.  
 Battavia ante omnes. niveis quæ vecta quadrigis,  
 In quibus Auriaci pugnas signaverat auro  
 Docta manus, spoliisque ipsos distinxerat axes,  
 Principis ad limen vehitur, patriæque parenti  
 Pronior assurgit. constans Prudentiæ currum  
 Laudato temone regit. Formido, Pavorque,  
 Seque vorans Livor, ferratis terga catenis  
 Innexi subeunt. generosa Sicambriæ crines  
 Spargit, & apponi gaudet tot finibus urbes,  
 Et Mosæ propiore frui. dispendiæ Scaldis,  
 Toxandri sua lucra putant, plenisque theatris  
 Suspendunt mediis superatas fluctibus arces.  
 Hinc Frisius Saxo, gens nescia cedere ferro,



Aptat se pompa, & populi suffragia plausi  
 Colligit, atque alium Alciden, & Thesea magnum  
 In Batavo rectore stupet. sed gaudia justus  
 Castigat dolor, & venerandi funeris horror,  
 Et manes; Erneste, tui. Quia proxima Rheno  
 Adspexit Chauco tellus mitrata minores,  
 Pellæ relegit miracula plurima dextra,  
 Nec dispar facinus. quin vinctum compede Mosam  
 Comparat Euphrati, fortem cum Tigride Rhenum,  
 Strymona cum Vahali, captamque remotius urbem  
 Persepolin, celsamque Tyrum aut Chalcedona dicit.  
 Isala, quem nuper densis legionibus hostis  
 Straverat, & latis grassans spoliaverat agris,  
 De ferare vetat. mutari fata, Deosque  
 Gradivumque patrem, nostris qui praesidet oris,  
 Non uno constare gradu. timuisse fatetur  
 Se quoque; nunc timidam meliori sorte timeri.  
 At Groninga potens tantarum conscia rerum,  
 Sic ait: ô quam nunc facies mutata meorum est,  
 Hoc Duce, Romuleo populum qui vindicat ausu.  
 Non jam regnanti fasces submittere Elizæ,  
 Aut alibi cupiat demissus Belga precari.  
 Reddunt amissas vires, & robora fortes  
 Nassovii, & fines ultra statuere trophaum.  
 Has inter voces aliquis de sanguine vatum  
 Ista triumphali fremuit praconia cantu:  
 Tu mihi, tu seri, Princeps, virtutibus ævi  
 Materiam pandis, fraternaque nomina factis  
 Irradias, Frederice, tuis. te Sequana Pyrrhum,  
 Te Martem jactat Tamesis, te maximus ille  
 Regnator Boreæ, Gothico sublimior ostro;  
 Nunc sua per Viadrû, nunc raptans signa per Albim,  
 Nunc Istrû, Rhenumq; bibens, nunc feruida Moeno  
 Frenâ lavans, tantorum operum consorte superbit.  
 In geminos divisa Duces se gloria belli  
 Explicat & geminis donat victoribus orbem;

Quem

Quem complent jam Marte duo. Germania duplex  
 Militat. Arctoum vocat ad sua federa regem  
 Altera, Nassaviis se mancipat altera iussis.  
 Ambo animis fortes, ambos & classica & inter  
 Horrida belligeras aluerunt castra phalanges.  
 Ambo coruscantes clypeos, & spicula docti  
 Intrepida vibrare manu. pugnaque vel ipsos  
 Immiscete Duces. ambo per signa, per enses  
 Reptarunt pueri, & conspersos pulvere vultus  
 Deterfere suis. patriæ conjuncta saluti  
 Ambos causa movet, pressaque injuria gentis,  
 Austriacique graves. ambos vindicta parentum,  
 Ereptusque animis Deus & delubra laceffunt.  
 Tempus erit, Gustave, tuas cum dicere laudes,  
 Sarmaticaque acies, & fractum Teutona totus  
 Aggrediar. tunc alipedes in praelia Finnos,  
 Lappionasque tuos, & quos tibi fundit ab altis  
 Verticibus trux Savo viros, domitumque Borussum,  
 Imbellemque canam contusis cornibus Istum.

Iam mihi Tu salve, magnum patris incrementū,  
 Casaræ stirpis soboles, cui mascula Cattus  
 Stemmata dinumerat, maternaque nomina grandi  
 Collinio; Druidumque illustri sanguine ducit  
 Nascendi series. Tu nunc spaciosior exi  
 In Famam, famaque tubam clangoribus imple,  
 Successuque novo. tibi se bellaciz debent  
 Flumina. te Rhenus, te jam veneratur orantem  
 Mosa pater, cunctasque tuis accommodat urbes  
 Imperiis. audit semotus jussa Sicamber,  
 Plaudit Eburonum tellus, & amabile Tungri  
 Ferre jugum discunt. quæ circum proxima sudant  
 Marmoræ, credibile est totis conatibus uni  
 Plus sudare tibi. quin te vincente propinqui  
 Sanius adspargunt languentia corpora fontes.  
 Condrusi montes, Romanaque saxa Namurræ  
 Te poscunt dominum. plenus tibi Sambra quietas.



Spondet aquas. pandet sacros Ardvenna recessus,  
 Et totum in pontes franget nemus. atria Phœbi,  
 Et Grudias uni submittet Dela Camœnas.  
 Quantum profueris, quas debella veris arces,  
 Attonitis aspecta oculis. hic pabula Marti,  
 Hic ferrum dis vena vomit. thoracas ahenos,  
 Loricæ, galeasque labor, robustaque formant  
 Brachia. non alibi Lipara est. hic altera Lemnos.  
 Exercet fabros. hæc nudus rura Pyracmon,  
 Hæc Brontes Steropesque colunt. uberrima belli  
 Materies illic terra penetrabilibus altè  
 Abditur, & solido firmantur regna metallo.  
 Scipiadas inter regnatoresque Camillos  
 Nomen habes. in te Fabios, magnosque renasci  
 Cernimus Æmilios. surgit tua, Brute, potestas,  
 Fabriciique fides, & quicquid Claudia gessit  
 Gens in victa manu, nunc te spectantur in uno.  
 At pater Auriacus, quam latus ab athere cernit  
 His natum vicisse locis, fixisse trophæum,  
 Quondam ubi Nassovios trux Alba fefellerat ausus.  
 Qua dum composita repetit jam mente beatus,  
 Vindicta fruitur, natoque ultore triumphat.  
 Te canimus, Dux magne, tuo Parnasia late  
 Numine templa sonant. per te, fortissime Ductor,  
 Scandimus Aonios colles, & fonte rigamur  
 Castalio. quanto fati sublimior Heros  
 Tolleris, audaci sequimur tua prælia cantu.  
 Hæc tenus Oceanum, fluviosque & subdere terras  
 Concessum, Frederice, tibi. nunc sidera Virgo,  
 Et Trajectensis submittit Lucifer ignes,  
 Et cohibet, te Sole, faces. Insignia victor  
 Adspice, quidque tibi protendant fata sagaci  
 Volve animo. si plus socio cœlestia Phœbo  
 Astra valent, hæc Stella tuo moderamine vires  
 Diffundet generosa suas. prænuncia regni  
 Sidera sunt. hæc ipsa tibi famulantia spondent

Laxius

*Laxius imperium Patribus, cum sidera nutant,  
 Nutant regna aliis. & nunc labentia Regum  
 Deterior fors sceptrâ videt, retroque referri  
 Hesperiam. majus moveo. Tibi sidera servat  
 Iuppiter, & cœli victorem parte locabit,  
 Stellarum cui cedit honos, cui lumina mundi  
 Æthereique ruunt radiis languentibus ignes.  
 Arripe fortunam, conspirantesque verere  
 In tua vota Deos. nuper tibi fervidus arsit  
 Cynthius, & madidos exsiccans Sirius agros.  
 Nunc pluvia laxum praecludunt hostibus amnem  
 Pleiades, atque frequens obstacula parturit imber.  
 Obsequitur natura tibi, litesque vicissim  
 Componunt elementa suas. auctura verendum  
 Sors incerta decus, certa tibi lege ministrat.  
 Annuat ingenium sorti, roburque secundat  
 Ingenium, vigili firmantur robora sensu,  
 Et cunctos matura regit Prudentia casus.  
 Non sic, cum domitiis rediit Semeleius Indis,  
 Lydorum strepuere lares. non letior olim  
 Extulit os Tiberis, cum victrix laurea Crassum  
 Cingeret, aut Persen raperent in vincula Pauli.  
 Nonne audis ex plebe sonos, hac verba referri?  
 Hic ille Auriacus, quo res moderante reluxit  
 In Batavis securâ salus. hic maximus ille  
 Antistes patria, cui se debere fatetur  
 Belgica, & unanimes decernit lata triumphos.  
 Hoc Duce libertas populis mansuetior exstat,  
 Non audent peccare mali: non obfuit ulli  
 Esse bono: nunquam civi solatia desunt:  
 Nil licet invidia: non obruit ambitus artes:  
 Stringit inoffensas vindex Astraâ secures:  
 Luxuriant vates: sua nec mandata Senatus  
 Pertinet: innocuus constat reverentia templis:  
 Aureaque Vnanimis decurrunt secula Belgæ.*



## RHENO-BERCA CAPTA,

Federatorum Ordinum auspiciis, Duce belli  
Illustrissimo, & Invictis. Principe,

FREDERICO HENRICO,

Arausionensium Principe, &c.

**H**Æremus rursus Batavi Belgæq; nec arma  
Omnibus, aut pax alma placet. cupit ille  
cruentum

Fulminei Mavortis opus; cupit ille serenæ  
Pace cruentatos mutari falcibus enses.  
Omnis in ancipiti patria est. pars utraque donat  
Votis verba suis, causasque interjicit illis.  
Hic Tarteſsiaca grandes exaggerat aule  
Et Siculi rectoris opes; & mobile cœcæ  
Ingenium moreſque Deæ: quam nesciat uno  
Mars alius constare loco: quam nostra laborent  
Et longo lachryment attrita araria censu.  
Alter fucat & molimina subdola pacis,  
Suppositosque timet studiis fallacibus hydros.  
Nec Martem cessare cupit; dum Marte juvatur,  
Dum dissentit Iber, dum magnas inter habetur  
Pauper opes; vario regalia castra vagantur  
Principe, dum geminus nobis acciditur Indus,  
Et promissa sibi sperat stipendia miles  
Nequicquam; dum Finnis ovat, tot mœnibus Ister  
Exiit, cunctisque ruit victoria campis,  
Ipsaque prudenti arident Capitolia Gallo.

At vigil Auriacus, tanta dum pondera molis  
Vnanimis volvunt Patres, stat certus cundi  
Quo belli fortuna vocat, quo classica totum  
Invitant rapiuntque Ducem; nec fluctuat anceps.  
Quippe animo patrius vigor incubat. otia nescit

Mens

Mens cognata palo, solers instare labori,  
 Successus urgere suos, captare nocendi  
 Tempora. Te, veteris domitor fortissime Galli,  
 Nasso vius virtute refert. se pectore in isto  
 Impiger agnoscit Macedo, gentisque Libyssa  
 Ductor Agenoreus. quibus ipso à limite vitæ  
 Omnis sub dypeis bellatrix transit atas.  
 Has animas vis major agit. sublimior aura  
 Adflat semideos & rebus nata gerundis  
 Pectora, nec claras patitur segnescere mentes.  
 Vna triumphatrix animosi gloria lethi  
 Accendit veget atque duces. non pulvere fessos  
 Tardant Phœbai radiis flagrantibus ignes,  
 Non revocant insani imbres, cœlique ruina,  
 Non labor aut duris paupertas obviam castris.  
 Nū grave pugnanti est. dicas regnare potentes  
 Cum Iove, & adversis animos opponere fatis.

Ver erat, & rigidam cœli clementia brumam  
 Truferat in Tannin. jam Sol Ledæa tenebat  
 Sidera, vicino subducens lumina Tauro.  
 Arma capit Bata vum pubes, & plena furoris  
 Neptuni soboles alias exsurgit in iras,  
 Ingentisque animo repetens lacerata Philippi  
 Imperia, aterna pulsat proscenia fama,  
 Et precium exactis gestit conferre triumphis.  
 Tu, qua sæva jaces Vbius contermina priscis  
 Berca, catenati pradatrix improba Rheni,  
 Posterioris, & forti quondam regnata Quirino  
 Auriacis audax opponis mœnia castris.  
 Stant turres, labor Ausonius, celsoque minantur  
 Vertice, defendunt terrestres oppida clivi,  
 Et valida cingunt dorsis immanibus arces.  
 In fluviis castella natant. pretenditur urbi  
 Non unum Mavortis opus, densisque suorum  
 Tingitur excubiis & crebro fulminat ictu.  
 Talis in hostilem sublimis Alesia Romanam

Incon-



Inconcuſſa ſtetit, tales pugnaſſe Platæas  
 Fama fuit, cum Sparta ſuum circumdaret agmen  
 Stipitibus. ſic Byrſa truces Didonia vallos  
 Obtendit Latio, pugnantem Thala Metellum  
 Detinuit, Mariumque ferox munimine Capſa.  
 At contra in bellum terra victricis alumni  
 Ibant, nec reditura omnis ſelecta juventus,  
 Qua Martem inſcribit genti, atque inſigne ſuperbum  
 Armat terribiles in regum colla Leones.  
 Adſunt Battavia populi, validuſque Sicamber,  
 Et Moſa potator, & inſuperabile bello  
 Equoreum genus, & mediis habitator in undis:  
 Quique Caledonio ſe durus in equore lavit  
 Scotus, & indutus gentilia lina Britannus,  
 Gallorumque manus, braccataque corpora Rhati,  
 Et procul Hercyniis Germanus miſſus ab oris.  
 Stat ſonipes, camposque novis hinnitibus implet,  
 Atque jubatorum phaleras diſſolvit equorum  
 Acer eques; nec jam curat ſubſtringere loro  
 Manantes cervice jubas, vel ephippia poſcit  
 Auratis diſtincta notis, ſpumantia frenis  
 Ora placent, crudique feris calcaribus armi  
 Et galea minitantis apex, & miſſile telum,  
 Et mox abdendi jugulis hoſtilibus enſes.  
 Sic Poenum inceſſiſſe putem, cum cinctâ doleret  
 Excelſo quondam conſurgens colle Sagunthus.  
 Quam circum Libya populi & ſtipata premebant  
 Agmina, & incaſſum bellæ cingebat Iberus,  
 Magnanimam claudens ſinuatis flexibus urbem.  
 Ipa ſuis animoſa malis, patribuſque Latinis  
 Infelix fidei cuſtos, dum ſigna manuſque  
 Expeſtat ſocias, ſiccatas ſanguine venas  
 Vrit & aternis arſit victura favillis.  
 Inſtant audaces Belgæ, ſoſſiſque viſque  
 Adrepunt taciti. terrarum involvitur ordo,  
 Et mutant elementa vices, dum tramite flexo

Abdita bellaces sternunt vestigia talpa.  
 Occubere duces ferro, queis præmia belli  
 Invidit fati rabies. quæ proxima laudi  
 It via, fit letho propior. fiducia gressum  
 Promovet ulterius, perferre facillima mortem,  
 Et securâ rogi, quoties audacia pulchris  
 Nūitur officis; patriæque ferocia causam  
 Promovet & fines intra pugnatur honesti.

Audiit insolitum belli sub gurgite murmur  
 Rhenus, & attonitum vitreis caput extulit undis.  
 Illi de summo pendens barba hispida mento  
 Horrebat; bisidoque fluens divisa meatu,  
 Canitie veneranda fuit. mox totus aquosis  
 Cinctus arundinibus, muscoque revinctus & alga,  
 Vt vidit positis pugnam incrudescere castris,  
 Alternoque virum pensari damna cruore,  
 Sub pedibus trepidare solum, nigrantibus astra  
 Vorticibus flammisque tegi, semiusta cadentum  
 Corpora suppositis socios portare lacertis.  
 Hæc inter miseranda ducum certamina, voces  
 Aurisco Patriæque senex infrenduit istas:

Maxime Tartessi domitor, quo vindice rerum  
 Ipsa sibi tandem possit Bellona timere;  
 Discant Scipiada, discant producere vallos  
 Iulidæ Drusique, meas celebrata per undas  
 Nomina: qua validi fregisti roboræ Mosæ,  
 Hos muros subverte manu, portasque feroces  
 Armis rumpe tuis. en propugnacula nutant,  
 Iamque omen fecere Dii. locus iste propinquo  
 Incubat imperio, & toties mea flumina sævis  
 Iussibus, & fœtas inimica cœrcuit alnos.  
 Illa per extremos missis prædonibus ivit  
 Marsacios, vinxitque tuum pater Isala civem.  
 Bruclerus hanc Saliique procul timuere, nec usquam  
 Per mea securus perrexerit rura viator.  
 Imprecor arma armis. damnant te, Berca, ruinâ

Vltio



Vltiores spero. vultus tibi torva cruentos  
 Eumenis obvertit, totamque à sedibus urbem  
 Convellit, crebrisque aperit tua moenia telis.  
 Huic agendum succumbe Duci. quæ saepe tot hostes,  
 Tot circum positas sensisti obsessa phalanges,  
 Conciliare mihi. nemini, cum Cantaber illâ  
 Vi staret humo; memini, cum vitus Iberus  
 Cederet. atque iterum captas conscenderet arces  
 Impavidus Ligur. in partes nunc scriberis istas,  
 Nunc alias. magnis Ducibus seruis arena,  
 Nec constas vincenda tibi. possessor in orbem  
 Comment, inque vices alternant numina fasces.  
 Non equidem Divum titulis caelestibus horrens  
 Eugenia tibi Fossa potest præbere salutem.  
 Nassorio pars una patet, qua Venloa regis  
 Dedit jam iussa sui. latus, ecce, laborat  
 Oppositum. cessa nobis Hispanæ, minari;  
 Vicinumque meo confundere flumine flumen,  
 Et miscere Deos. isto lufistis in Isthmo  
 Incauta mentes, & toti fabula mundo  
 Facta est sedulitas intempesteria nocendi.  
 Quot longè castella jacent, tumulique minaces,  
 Et custodia profugo jam milie gleba,  
 Accedunt spoliis. fruitur fossore Philippo  
 Nassovius, vallosque tenet, quos fecerat alter.  
 Iamdudum armata gentes & classica regnis  
 Insonuere meis. Nemetum diffusa per agros  
 Ipsa Palatinis Hispania collibus atrox  
 Consedit, fusoque alibi rubuere cruore  
 Vangiones. priscis veneranda Moguntia sacris  
 Irasci sibi posse Deos & numina sensit.  
 At nunc tranquilla currunt mansuetius undæ,  
 Atque alius passim rerum mihi nascitur ordo.  
 Accepit dominum Nicer, & Cantabrica fregit  
 Vlrici vexilla manu; Sueconumque sub armis  
 Maurorum cessit soboles, ac reddita Phœbo

Extorres ad se vocat Heidelberg a Camanas.  
 Tu quoque, qui nobis animos, laurosque, decusque  
 Restituis, Frederice, cui Marvortia semper  
 Indomito vis igne calet, quem fama per altas  
 Calicolum veſtat ſedes, rebusque ſecundis (bem  
 Involvit Superum favor : hanc quam cingimus ur-  
 Redde mihi & victam reliquis attexe trophis.  
 Sic tibi paccato decurret flumine Moſa,  
 Et Vahalis, mea progenies. ſic, hoſte remoto,  
 Continuas Vbiſ Belgarum regna vetuſtis.  
 At vos belligera, quibus inter tela globosque  
 Contigit oppetere, & pulchra ſuccumbere morte,  
 Ite, decus terrarum, anima ; camposque tenete  
 Elyſios, placidasque domos habitate piorum.  
 Illic & Decios inter, fortesque Camillos  
 Tercentum immixti Fabiſ errate, creberque  
 Manibus occurſet Paulus. conjungite dextras  
 Miltiadi, & coram magni Philopamenis ora  
 Et Nicias ſpectate, & quotquot Roma cadentes  
 Vidit, & aſſerta civili ſanguine Theba.  
 Per vos nudatis Libertas tracta capillis  
 Oſtentat generoſa caput. Reſpublica veſtra  
 Stat deſenſa manu, veſtris aſſerta lacertis  
 Incumbit tumulis lachrymans, teſtataque Divos  
 Spondet perpetua flagrantem lampada fama.  
 Hoc aliquis certe patriis projectus ab oris  
 Optabit cecidiſſe loco ; fixiſſe trophaum,  
 Alter ubi Æacida telo jacet Hector, & alter  
 Sarpèdon, ubi tot noſtris demerſa ſub undis  
 Extremos repetunt ſpirantia corpora Catthos,  
 Aut Flevi ſorbentur aquis, vel in aquora tendunt,  
 Helia qua laxos expendunt oſtia fluctus.  
 Queis vero belli melior fortuna pepercit,  
 Audite ô gentes. belli cognoſcite cauſas,  
 Nec ſcleri donate manus. vos commoda recto,  
 Non lucris poſtferte fidem. terrore modeſto



Frangite præcipites animos, animisque morantes  
 Castigate metus. à clara pauperis umbra  
 Discite Fabrii patriam defendere gratis,  
 Et Curii laudare dapes. aduersa Sicinm  
 Vulnera degeneris doceant contemnere pugnx  
 Opprobrium. vindex fugientes occupat ensis,  
 Stantibus avertit virtus. taciturna probatur,  
 Propositi que tenax vana est fiducia lingua.  
 Discite iustitiam, & strictis insistite iussis  
 Imperiisque Ducum. victis compescite dextras  
 Hostilibus & tutæ ne spernite federa pacis.  
 Displiceat promissor Iber. tunc credite lenem,  
 Cum timet, & facilem vobis, cum succubat armis.  
 Hoc Batavus sociique monent, quos legibus aquis  
 Iunxit in abrupta concordia longa catena.

Vix ea dicta dedit, Rhenus, rigidumque sub alveo  
 Abdidit os, cum Berca sui terrore pericli  
 Fracta stetit, spectansque opera interrupta, minasque  
 Murorum ingentes, & collucentia flammis  
 Oppida, surreptas cœptis audacibus arces,  
 Hesperiasque alia nugari parte phalanges;  
 Annuit Auriaco, & dominos venerata potentes:  
 Nascentem auspiciis felicibus inchoat annum.

## P O E M A T I O N

I N

DVCATVM LIMBURGICVM,

additum Federatorum imperio, armis &  
 Virtute Illustrissimi Principis

FREDERICI HENRICI,

Arausionensium Principis, &c.

**P**ost urbes jam regna ruunt. post oppida totis  
 Limburgum famulatur agris, & vindice ferro  
 Longius Auriacis radiat sors nostra triumphis.

Vix

Vix debellata Mosam mitescere ripa  
 Vidimus, & valido contundi cornua Tungro,  
 Altaque Nassovia convelli Pergama dextra;  
 Hesperios trepidare duces, Batumque superbum  
 Credere, quam præstet querulis Concordia terris;  
 Ut Batavum solo felicius ordine virtus  
 Pugnet, & Austriacas frangat discordia partes;  
 Quæque solet dubiis rebus comes ire potentum  
 Suspiciosa fides, & regum credulus error:

Cum pater Auriacus, (nec enim cessare ruentem  
 Sivit amor patria) tantis successibus acer  
 Institit, & claras sceptris regalibus arces,  
 Et formidato titulum subduxit Ibero.  
 Nos fecit Fortuna Duces. invadimus armis  
 Iam Comitibus, jam Regis opes. ut nomine distent,  
 Imperio Belgæ fasces confundimus uno.

Hactenus unanimi septem viguere Sorores  
 Et bellum gessere manu. secura sub isto  
 Libertas stabas numero. Tu magne Sicamber  
 Totus in adversum contorto crine Philippum  
 Torsisti tua tela ferox; Tuque intimi Rheni  
 Accola, qui gemino spatiosam gurgite Tethyn  
 Neptunumque bibis, Catthis illisus arenis,  
 Sprevisi mandata Tagi, dominumque potentem  
 Iam cogis meliora loqui. qui Martius undis  
 Innatat, & patula circumdatur Amphitrite,  
 Signa per oppositos duxit victricis mundos  
 Toxander, geminoque potens apparuit Indo.  
 Pugnavere graves Frisii, mitrataque juxta  
 Oppida, sacrorumque satur surrexit in hostem  
 Civis, & immitem excussit cervicibus Albam.  
 Ifala pacato junxit sua federa Vidro,  
 Atque eadem potuit devicta causa placere  
 Multorum, Groninga, tibi. tot sedibus hostes  
 Excivit, Rex magne, tuos afflictâ piorum  
 Relligio, & spretas lachrymans Respublica leges.



Ha vicere manus. istis ductoribus in te  
 Vltrices toties acuit Bellona phalanges.  
 Adspice, quem nostris sentis fremdere Leonem  
 In ratibus, celsisque truce[m] praludere rostris.  
 Quot tenet exerto glomeratas ungue sagittas,  
 Tot dominos regnator habet. nunc additur illis  
 Alter, & octavos postulant subsellia Patres.

Crescimus, & parvis diffusa potentia coeptis  
 Conatus stupet ipsa suos. penè ebria votis  
 Deficit, & metuit cursus fortuna secundos,  
 Diffiditque sibi. quò non virtute vagamur ?  
 Quò Patria se tollit honos ? an emula Roma  
 Gens sumus ? & cupiunt aliquid concedere Divi,  
 Quod sperare vetant ? qui pastoralia Tybris  
 Mœnia, & exiguo surgentes cespite portas  
 Vidit, & angustis didicit subsistere rebus ;  
 Qui Senonum furias sævique incendia Brenni  
 Pertulit, ut posset bellis majora mereri ;  
 Crustumino Vejoseque domat, Rutulosque Faliscis  
 Addit & Ausonias serpit bellator in urbes.  
 Eliscit cura Ducum, totumque Quiritibus orbem  
 Latius expandunt Superi, crescensque potestas  
 Iura triumphatis voluit præscribere Medis.  
 Sic aucta spes Grajugenum. sic Pella superbam  
 Hellada, & augustis junxit Babylona trophais,  
 Thessalique extremis fremuerunt classica Bactris.  
 Qui primum timidis hæserè paludibus, exin  
 Sceptra per Adriaci vastissima littora pœni,  
 Euganei fudere sinus, Cyprumque Rhodumque  
 Et cunas tenuere Iovis. Nos, nescia frangi,  
 Paupertas fecit dominos, & conscia redi  
 Memnonios ultra fines protrusit egestas.  
 Ivimus & pressi nunc huc, nunc fleximus illuc,  
 Atque humiles aliis animos ereximus ausis.  
 Non aliter, quàm cum Boreas immanior igni  
 Incubat. ille leves intendit flamine motus,

Et vicina vorat flammisque sequacibus instat.  
 Quod deerat, supplevit Iber. libavimus amplas  
 Occidui rectoris opes, spatiusque sub arctis  
 Assueti regnare, vagi per carula Nerei  
 Æquora digressi parvas res auximus armis,  
 Oceano monstrante viam. nunc, Marte secundo,  
 Hic terras, Hispanæ, tuas partimur & urbes.  
 Dos regnatricis Mariæ, qua jure nepotum  
 Cæsarea quondam coit sub conjugè, Belgis  
 Burgundo genitore sata, diuisa tenetur.  
 Scribimur hæredes armis. devolvitur ad nos  
 Portio, sed belli studiis. tibi sanguinis ortus  
 Continuat tam grande bonum. nos gratia Divinam  
 Participes Maro, sive facit. tu stemmata patrum,  
 Tu genus & longo numeras patrimonia censu,  
 Nos agros finesque tuos virtute meremur.  
 Audi posteritas Batava miracula gentis,  
 Et facinus, quod sera probes. si Dardana quondam  
 Fortiter Argolicos remorata est Troja furores,  
 Nec voluit subito vinci: si longa Saganthum  
 Bella domant, tardi Mutinam fregere labores,  
 Et lentis cecidit præfracta Numantia castris:  
 Nafforio pauca donant nova mœnia lucas,  
 Et pulchri jus omne soli. Vos oppida Reges  
 Vincite, vos ternis tandem diffringite muros  
 Messibus. est aliquid Morinum percurrere portus,  
 Aut fastidioso Bredam cessisse labori.  
 Subditur hæc nutu regio. stat culmine celso  
 Arx invicta, potens, Capitoli immobile saxum  
 Quale fuit, vel qua suamet fastigia Petra  
 Horruit. & quamvis dura se rupe tuetur,  
 Dat victas mansueta manus. sic Dacia capta  
 Accessis Trajane tibi, gnarusque sagittæ  
 Pannonius, Dravusque & torvi barbaræ Savi  
 Gens, durata malis. sic summo chara Tonanti  
 Surrexit Iudæa Tito. vix pulvere campi

Et



Et circumfuso fumabant milite colles,  
 Et feruit catapulta domos; mansuescere corda  
 Sensimus, & certa concedi pignora pacis,  
 Obsidibusque fidem stringi. Tunc ipsa serenos  
 Limburgum explicuit vultus, grandisque senecta  
 Virginis os habitumque gerens, his ora resoluit  
 Vocibus, Auriacumque decens affatur orantem:

Quos tibi submitto, Princeps in victis; penates,  
 Hi sunt, quos priscis junxit Brabantia sceptris,  
 Armorumque mina forti rapuere Sicambro.  
 Iura Ducis Caesar dedit, & pralustribus ire  
 Sublimem voluit titulis. Lotharingica sensu  
 Imperia, & nostro manans ex ordine primum  
 Ostendit diadema Tago. non vile capeffis  
 Nomen, in illustres victor transmitteris oras.  
 Quamquam omnis, quicumque tuis decurritur annis  
 Auspiciis, faustum dederit successibus omen,  
 Sitque tua toties laurus circumdata fronti:  
 Hac tamen ante omnes lux exoptatior, actus  
 Irradiat, Frederice, tuos. Tunc clarus orbi  
 Flammiferi lucet lampas pulcherrima Phœbi,  
 Cum cœli suprema tenet, Cancroque paratur  
 Solstitium, atque humiles declinant sidera terras.  
 Haud aliter Batavi sidus venerabile regni  
 Hac fulges statione magis. quanto altior astris  
 Inferor, atque meus brumam glaciemque nivesque  
 Servat apex, nixaque jugis immanibus ades:  
 Tantum se nostro tua tollit colle potestas  
 Celsius, & summa radit fastigia laudis.  
 Hic Druidum vicina vides, Gallusque fluentem  
 Stringit lege comam. latus insuperabile claudit  
 Iuliacum, Spadaque rigant confinia fontes.  
 Ferrea Eburonum soboles viresque animumque  
 Subdit, & umbriferæ præbent solatia silvæ,  
 Ardvenna nemus, & viridanti Fannia luco  
 Nobilis, attonitisque adolent altaria Fannis.

Triptolemus foetis Cererem profundit aristis,  
 Pan ovium custos plus me, quam Menala, curat,  
 Luxuriant passim Satyri, & lasciva Napeæ  
 Numina, fontanis turgescunt flumina rivis,  
 Lata susurrantes saliunt per gramina limpha,  
 Mobilibusque rigant circum pomaria guttis.  
 Hic Bajæ spectis Italis agnosce, locosque  
 Fortunatorum nemorum sedesque beatas.  
 Me jaculis Dictynna ferox cursuque pererrat,  
 Iesunisque canes in apricis collibus errant,  
 Spesque suas prensant oculis. me Phasidos ales,  
 Argoa primum quæ deportata carina est,  
 Nutrit, & auribus distinguens tempora plumis,  
 Præbet honoratis lætissima fercula mensis.  
 Fundunt effossi durissima marmora montes,  
 Ut discam quoque dura pati. quæ fabricat enses  
 Vena mihi vario currit distincta metallo,  
 Et quæ fulgenti distinguat jaspide pectus,  
 Aut rubicunda notis tingat flaventibus ara.  
 Belgi sumen habes. tales tibi Iuppiter agros  
 Destinât, & sanis totum beat athera flabris.  
 Me cape consortem, Princeps. en federis adsum  
 Pars, forsân postrema, tui. dum fata sinebant,  
 Regalem colui Eugeniâ. nunc turbine rerum  
 Custodita minus dominum cum milite mæsto.  
 Tu, precor, excelsas habita tranquillior arces;  
 Neve meas violet belli vis effera portas.  
 Da requiem, civisque tuis amplexibus abde,  
 Infestosque meis propulsa rupibus hostes.  
 Dum tua sum, tutare Deam. servator honesti  
 Hos moderare lares. armis si succubat impar  
 Sors mea, tu rara vincas pietate triumphos.  
 Bis vicit, quicumque suos dum perdomat hostes,  
 Demissa se mente domat. Dis proximus ille est,  
 Qui cælo debere putat: qui castra coercet  
 Legibus & placidis informat moribus urbes.



Quam late bellator abis, quoque fama vagatur  
 Iustitia fideique tua. non fessa relanguet  
 Officii virtus. media inter tela facesque  
 Castigas Martis rabiem. pugnare paratus  
 Parcere vis, bellique levas probitate furorem.  
 Accipe me, civesque meos. tibi flumina subdo,  
 Oppidaque & votis famulantia rura secundis.

Vt dixit, plausum Virgo dedit. inde per omnes  
 Auditur sonitus colles, Corybantia qualem  
 Cymbala dant, quoties festo Berecynthia curru  
 Invehitur. crinemque rotant gaudente Lyæo  
 Menades & festo resonat clamore Cytharon.  
 Ilicet accensi fundunt nova sulphura campi,  
 Plus omnis re virescit ager, plus saxa renident,  
 Vberaque insolito distendunt pascua lacte.  
 Quique rigat terras piscoso VVasius alveo.  
 Lactiæ dat signa sua, Mosamque propinquo  
 Largius amne bibit, Batavumque audacior arma.  
 Loricæ galeasque vehit. Sic desinit annus,  
 Et tanta imbriferi gaudent appendice menses.

## VENVS BRITANNICA,

Sive in Nuptias Celsissimi Principis,

D. G V I L I E L M I,

Arausiorum Principis, &c. Cum  
 Serenissima Principe

D. M A R I A,

Serenissimi, Potentissimique Magnæ Britan-  
 niæ, &c. Regis CAROLI I Filia  
 Primogenita.

**H** Vnc primum, Guilielme, mihi concede laborē,  
 Dum Sponsum te sceptrâ creant, teneræque  
 juventa

Augustos regina Paphi decernit amores ;  
 Amplexusque tuos & vix jam conscia rerum  
 Oscula, & arsueros flammis regalibus ignes,  
 Veraque Nassorii suspendit gaudia lecti.  
 Dat myrtum, sed non thalamis inspargit amantum ;  
 Infantesque Rosas, nulla qua cuspide laedant ;  
 Malaque Arausiaca decerpit ab arbore, sed qua  
 Ipsa sibi vellent minus immatura videri.  
 Sic iuvenis quondam Cyprini dilexit Adonis,  
 Cum nondum pharetratus erat, nec tenderet arcum,  
 Nec jaculis saeviret Amor, nec montibus altis  
 Parvulus attonita praemeret vestigia damae,  
 Diana Faunisque comes. sic pulcher Iubus  
 Nascitur, & magna servatur pronubus Alba,  
 Imberbis licet, & nondum custode remoto  
 In se ventura servaret semina Roma,  
 Tarpeiosque patres, tantique exordia regni.  
 Tempora patent portaque Deum, coelique sacerdos  
 Verba praestit juranda Tibi. sed templa Dione  
 Claudit adhuc, Venerisque puer ; dum mascula to-  
 Expectat natura virum. regalibus infers (tum  
 Federibus promissa thori; das federis arrham  
 Conjugiique fidem. sed dulcem conjugis usum  
 Nescit Hymen. blando cuncti sub nomine tecum  
 Ludimus, & Sponsi festiva vocabula latus  
 Ingeminat Tamesis verbisque effeminat aulam.  
 Non es, quod mox esse voles. sis jure maritus,  
 At nondum officii explēs. tibi rector Iernes  
 Donat in uxorem, qua nondum ducitur uxor.  
 Nubitur & nondum nupta est. tua dicitur esse  
 Interea, dum Virgo manet. plus lege ligaris,  
 Quam consorte thori. necit consensus utrumque,  
 Quos dirimit cortina duos. spes nulla cubili est,  
 Quod socio nondum igne calet. non lumina praefert,  
 Non thalamos Hymeneus adit. non Phosphorus Oe-  
 Deserit aut vestros tenebris involvit amores, (tam



*Absconditque diem. Mariam cum respicis, aqua  
 Voce iuvas; certisque beas Celsissimus ostrum  
 Pollicitis, & sola tua præbidia flamma  
 Ostendis, primique doces elementa furoris.  
 Cum grandis te Virgo videt, quàm vellet adulto  
 Posse loqui, quæ nescit adhuc. suspirat amanti  
 Purpura & infirmis veneranda irascitur annis  
 Virginitas. & cur passim sibi tanta paretur  
 Scena, stupet. cunctas jam fastidire puellas  
 Incipit & sensim vultu præferre maritam.*

*Magne Heros, toties lauros & præliis scripsi  
 Patris, & armorum tot victis mœnibus artes,  
 Nunc stratū castris Vahalim, nunc compede victos  
 Et Mosam Rhenumque Deos, tremefactaque Scaldis  
 Littora dispersosque Duces. interritus ivi  
 Per medias Belgarum acies, fossasque globosque;  
 In vallis, sine cade, steti. perripimus arces.  
 Sum factus, sine fraude, Sinon: mea tympana Phœbi  
 Percussit furor & tantarum publica rerum  
 Nuncia Musa fuit. regali incendia classi  
 Nuper & Hesperiiis immisit puppibus ignem,  
 Audaci Mavorte pater. tunc buccina facti  
 Ingentes cecini Batavum per regna triumphos,  
 Et formidatam Aonides mersere Terefam.  
 His alias, Guilielme, faces, nec noxia vibras  
 Fulmina littoribus, nec te grandæva profundi  
 Diva pavet, trepidatque tuis Nereia flammis  
 Filia Nereidesque Dea. quin equore in ipso  
 Fluctibus adspurgunt venientem & mollibus unum  
 Floribus & verna Tethys totum induit algâ.  
 Et cantus iterant illos, quos tempore Pelei  
 In Thetidis thalamo Aemoniæ cecinere puella,  
 Totaque divina recitavit Phœbia marita.  
 Tum pelago periere rates. tibi salva paratur  
 Conjugio devota ratis. tunc sanguine Duna  
 Irriduit. nunc Sponsa rubet sentitque pudoris*

Auspicia, & teneris nascens se prodit in annis,  
 At nondum sibi notus, amor. tunc montibus altis  
 Constitit & subitis stupefacta Britannia late  
 Ignibus, attonitum gaudens damnavit Iberum.  
 Nunc eadem, dū transtra videt Bataurūmq; carinas,  
 Auriacumque suum & Sponsi venientis honorem,  
 Plaudit, & optatis disponi sidera poscit  
 Sedibus & prono Sponsis praludit Olympo.  
 Tunc genitor Regum terror fuit, aspera belli  
 Tempestas & turbo maris. nunc mitior audis  
 Regis amor Mariæque tus. tunc premia pugnae  
 Captiva cessere rates & cognita Bati  
 Nomina bellacesque viri mitissima nunc te  
 Adspicit & tibi donatur generosa virago,  
 Libertatis amans titulo. neſtisque marito  
 Intemerata caret, neque vult divulſa vocari.  
 Princeps digne Inventutis, capit Anglia magni  
 Incrementa Ducis, Sponsique in imagine cernit  
 Formari non falsa virum. Augustissime surgis  
 Majorum fulgore, tuoque attingis Adolphos  
 Sanguine, Caesireasque aquilas, & fulmina belli  
 Nassovios, Chalonumque domos, fortisque Renati  
 stemmata, & in victos Asia per regna Robertos,  
 Valravosque patres, & vim Mavortis, Othones.  
 Natales vehit Haga tuos, Comitumque potentum  
 Cornicibus capis illustris primordia vite,  
 Et decus hoc inferis cunis, quas horrida Tethys  
 Alluit & tumidis ferit implacabilis undis.  
 Non lasciva Paphos patriæ est mollisque Cytharon,  
 Non Amathus, non Ida levis Cyprusq; Gnidosque,  
 sed Martis domus & studiis asperrima belli  
 Terra potens, duos jam dedignata Philippos.  
 Hoc nasci te fata loco voluere, serenum  
 Libertas ubi pressa caput victricibus armis  
 extulit & pulso civem servavit Ibero.  
 Adstitit ad cunas Lachesis, praesagaque dixit :



Ista rotant Fabium cunabula. totus in illis  
 Vultibus haret avus. patruique hac fronte notatur  
 Martia majestas, & non concessa cadentis  
 Colinii constansque fides; fiducia patris  
 Impavidumque malis pectus. facundia, qualis  
 Amelia genitricis, erit. mens cauta Loysa.  
 Tum cunas taciturna Rosis conspersit. at illas  
 Miratur, nescitque parens his federa Regum  
 Signari & Maria portendi vincla Britanna.  
 Inter tela puer crescit; cinctusque sarissis,  
 Innocuis adflans rutilos vagitibus enses;  
 Et prensas hastile manu, galeaque tenellum  
 Abscondis caput & bellorum exordia tentas.  
 Ipse pater juvenum turmas totasque cohortes  
 Conscribit, Guilielme, tibi, parilemque juventam  
 Ductor agis, formaque Ducis precedis ephēbis.  
 Sic pueros inter Thraces propē Strymonis amnem  
 Ipse pater Mavors ibat, Rhodopenque ferocem  
 Excit ad pugnas. talis Chironis alumnus  
 Inter Iasonidas bellatoresque praeivit  
 Pirithoos, juvenisque suo cum Castore Pollux  
 Militiae documenta dedit. sic parvulus olim  
 Armavit patrias, sed subridente Philippo,  
 Pellaeus persape manus, vel germen Eperi,  
 Imberbesque ferox Macetas. cum victa parenti  
 Oppida disruptasque adferrent nuncia portas,  
 Successu meliore doles; atque omnia patri  
 Cedere, virtutisque tuae nil grande relinqui,  
 Conquereris tecum tacitus, ceu navita fluctus  
 Cum secat, & docto moderatur carbasa motu,  
 Quae sedet ad proram soboles, sibi talia credi  
 Vellet & annoso jam tunc succurrere patri.  
 Nec minus egregiis nascentes di vidis annos  
 Artibus, & quantum magnis Sapiētia robur  
 Mentibus, & celsis stimulos heroibus addat,  
 Ut formet doctrina Ducem, quae munia paci,

Quas gladiis belloque moras, quos suggerat ausus,  
 Discis, & exemplis florens grandibus ævum  
 Instruis. in cunctis dicat Prudentia seclis  
 Fortuna præcepta tua: Pietate probari  
 Sceptra, nec hæc unquam magis inconcussa teneri,  
 Quam Superum cœlique metu: plus surgere gentes,  
 Sub rectoro pio, & domino parere libentes,  
 Cui cura est, parere Deo: tunc omnia quemque  
 Ferre, suis postquam constat re verentia sacris,  
 Nec quititur recti tenor & laudabile regnis  
 Iustitia Themidisque forum: nec figere leges,  
 Quas non ipse facis: populis hæc sola juberi,  
 Quæ ratio probitasque jubent: feritatis iniquum  
 Nomen & in-visi damnari frenas tyranni:  
 Et faciles potius leges & jussa placere.  
 Armis abstinuisse bonos: sed & illa reposci,  
 Cum tutis minus esse licet, rabiesque quietis  
 Incubat & stricto grassatur barbara ferro.  
 Ulterius tunc jura foris differre potentes,  
 Cum, nulli possessa, vacant: aliena cavere,  
 Communi sed lege frui: civilia cautè  
 De vitari odia & tacitis fomenta negari  
 Dissidiis, pacemque suis præstare serenam.  
 Esse datos populo reges, & regibus illos;  
 Officiisque duos jungi: violenta timeri  
 Principibus quassamque ratem: nil fædus aulis  
 Gliscere, adulantum studiis: luxuque vorari  
 Immensas regnantis opes; deforme, sinistris  
 Cladibus irasci, nec frangi mæscula duris  
 Pectora, sed contra fortes audentius ipsis  
 Infractos se offerre malis, & posse dolores  
 Condere & ex ipso solatia poscere læctu.  
 Hoc etiam didicisse studes; araria fidis  
 Commisisse viris: his nervis castra valere,  
 Et pugnare tuos: Patrum consulta vereri,  
 Et meliora sequi: magnas in Nestore verti



Imperii partes, & consultoris egerere  
 Regnatorem animum; nec tam sibi fidere semper,  
 Quam fidis Procerum monitis & vocibus aquis.  
 Se prestare Titum, veri Ducis esse; Numaque  
 Iungere Trajano: nunquam dimittere tristem,  
 Qui rectoris eget, nec fastidire querentes:  
 Trudere Avaritiam lucrique cupidine fervens  
 Pectus, & eximiis, crebris hortatibus, usque  
 Ingeniis aperire viam; precibusque tueri.  
 Nil regale magis, nil convenientius ostro,  
 Quam servasse fidem, nec solvere federa falso.  
 Fama grande decus, pulchrumque jubentibus esse  
 A vitis revocare gradum, civique praire  
 Mortales virtute Deos, cum mentis honesta  
 Gloria sax trabeas inter fascesque refulget.

Mox antiqua legens, arcanis regna revolvi  
 Motibus, & tacitis tolli diademata causis  
 Miraris, summosque apices & culmina mundi  
 Majores calcare Ioves & tollere parvos.  
 Sic celsam cecidisse Tyrum, eecidisse superbum  
 Ilium & has ipsas, quas prisca Semiramis arces  
 Condidit, & veteres, nudum nunc nomen, Athenas  
 Et detestata Ausoniis Carthaginis alta  
 Moeni, & attritam longis Lacedaemona bellis.  
 Cum relegis septem subnixam montibus urbem,  
 Et nondum nota populis primordia Roma,  
 Hanc armis crevisse putas, fortisque Quirini  
 Auspiciis totum cessisse nepotibus orbem,  
 Et terras alias extremaque nomina Gades.  
 Hic tibi cum Bruto patris communis amorem  
 Esse voles, Curioque probas mensaque minoris  
 Convivas celebres, & qui Dictator aratro  
 Poscitur, ingentemque animam reducisque Camilli  
 Signa & honorati videlicet rostra Duilli.  
 Nil tibi cum Gracchis studium est. in Casare primam  
 Displicet impietas, hinc regni insana libido,

Et ceptum Rubicone nefas. Cicerone perempto,  
 Despicis Augusti laudes, Capreaeque Tiberi,  
 Et Caligae foedum facinus Claudique furorem,  
 Atque illaudati caedes flammisque Neronis.  
 Praetexta placuere doli, vocesque Papyri,  
 Scipiadesque patris vindex, immotaque virtus.  
 Attilii, regemque arcens in flumine Cocles.  
 In Grajis quam multa stupes. hic Thesea clarum,  
 Hic Niciam, tibi Sparta gravem; pugnasque ferocis  
 Eumenis & Sicula validum tellure Dionem.  
 In Persa plus regis opes, quam militis arma,  
 Et currus falcesque facis. Venerabile Cyri  
 Imperium Dariumque colis, rigidumque tribunal  
 Cambysis, fratresque magos Xerxenque pererras  
 Lector, & à primis hauris oracula Medis.

Omnis ab Assyrio majestas Principe venit  
 In populos, primusque suis è finibus audax  
 Exiit, infidae feralis victima nupta.  
 Hac terrent portenta ducem, juvenisque fateris  
 Femineæ cruda ausa manus, stimulosque furori  
 Subdere, quæ rabidum dementat purpura sexum.

Mox in Belgarum fastos & tempora raptus,  
 In Batavis quam pulchra notas: adamabile genti  
 Esse tua, priscis majorum moribus urbes  
 Et gentes & rura regi: Comitumque Ducumque  
 Legibus adstringi titulos, indultaque nullo  
 Iure rapi: leni flecti præcordia motu:  
 Irasci feritate, & libertatis amori  
 Devovisse animas, ipsam pro Principe vitam,  
 Proque focus arisque Deum decernere ferro.

Omne tibi seclum discenti panditur. atas  
 Qualibet Auriacum format, dignisque regentum  
 Inserit ordinibus. Latiæ facundia lingua  
 Hoc ipso docet ore loqui, quo digna locutus  
 Arpinas Crispusque fuit. tibi verba disertus  
 Suggestit & Druidum Ligeris sermonibus implet,



Et Teuto sua sensa aperit, vocesque ministras  
 Arioviste tuas. tenera solertia dextra  
 Pugnaces versat gladios, pugnamque capessit  
 Legibus, & doctè jocularès ponderat ictus,  
 Luminaque aduersum defixa obvertit in hostem,  
 Et gradibus numeroque ferit ladtique, caretque  
 Ladtier, & veris præcedunt ludicra bellis  
 Prælia, & oppositos in imagine sternis Iberos.  
 Quin spumantis equi fodiens calcaribus armos,  
 Antevolas, Guilielme, Notos, frenoque coërces  
 Cyllaron & facili ducis per compita flexu.  
 Nec non & foliis acies depingis in ipsis,  
 Et vallos & castra locas, & construis arces,  
 Et qua parte ruant quassata glandibus urbes,  
 Et qua parte suis tutæ stent mœnibus urbes,  
 Observas, fragilique moves certamina charta.  
 Talibus instructum monitis & Pallade tota,  
 Nassorivæ florem, regina Britannia, gentis  
 Excipe & augustis promissa cubilia tedis  
 Illustra, Mariamque atavis è regibus ortam  
 Iunge Duci, Batavumque tuis annecte tiaris.  
 Hic locus, hæc patria est, quam bellatricis Elizæ  
 Asseruit jurata fides, metuendaque Bati  
 Femina ab iratis voluit servare Philippis,  
 Tutarique manu. stetimus, regnante Stuardo,  
 Federibus, regique patri debere fatemur.  
 Nunc Caroli socias jungit clementia terras,  
 Hoc sponsore novo. tanti velut obside lecti,  
 Cum Tamesi loquitur Vahalis, se Mosæ Tuadæ  
 Exhibet & Sabrina suo dat basia Rheno.  
 Quos populos junxere rates, commercia, concurs  
 Relligio, propiore ligat Cythereia nexu,  
 Et thalamis vult esse pares. præsit, ecce, proclator  
 Auriacus, scribitque suis sponsalia Belgis,  
 Quæ fas quemque sequi. quamvis mare laxius Ha-  
 Et pater Oceanus vastis discriminet undis, (gam,  
 Tra-

Tranat amor, pelagusque suis, en, transvolat alis,  
 Velaque distendit, flabris quæ lenibus Hymen,  
 Et placido Æolii propellunt turbine fratres.  
 Viderat Arctois in fluctibus Amphitrite  
 Nasso vias properare rates, & præscia fati  
 Extulit os pelago, & felicibus, inclyte, dixit,  
 Auspiciis procede puer. Tibi digna parantur  
 Conjugia & regum claro dignare cubili,  
 Indue regales animos, & sanguinis alti  
 Iam consors, æqua paribus virtutibus illum,  
 Augustisque triplex diffunde nepotibus ostrum.  
 Cum summa Cœli Titan regione vagatur,  
 Cunctaque sublimi radios è vertice fundunt  
 Sidera, plus meliusque micant. Tu vectus in altum  
 Terrarumque Diis mixtus, fulgentior exis,  
 Spesque tuas auges, & quæ fortuna Batavis  
 Vitræ concepta solo est, te vindice surgit.  
 Vix ea fata fuit: cum certior omina Nereus  
 Addidit & cladem Hesperia funestaque vates  
 Tempora Tartessoque vices prænunciat augur.  
 Ipse ratem trudens facilis per murmura ponti,  
 Littore in Albionis salvam stetit. ilicet omnes  
 Intonuerè cavæ sonitumque dedere caverna,  
 Lataque de pandis strepuere tonitrua passim  
 Ventribus, & festos vomuere anfractibus ignes.  
 Non aliter quam cum Siculis trux Ætna caminis  
 Saxa, faces, cineresque procul jaculatur, inhorret  
 Trinacris ingentique tremunt vicina boatu.  
 Tunc placidis stravit Tamesis sua flumina ripis,  
 Accepitque pius generum, Rutupinæque circum  
 Mœnia præsensere Ducem. se fudit in unum  
 Anglia, & in tanto dissolvit gaudia Sponso.  
 Nam placuit vultus populis, erectaque morum  
 Simplicitas, pulchrisque innata modestia membris,  
 Ingenii vigor & lux circumfusa paterni  
 Nominis Auriacæque jubar venerabile terra.



Talis in Emathias Peleus cum posceret urbes  
 Tethyos immensa neptim, Phthiatica Tempe,  
 Argivæque domus, Larissæque nobilis, omnis  
 Deseritur latè Scyros. cupit obvius ire  
 Thessalus atque novos regi gratatur amores.  
 Et licet in Geminis Sol currat & occupet annum,  
 Passim rura vacant, non fessus taurus aratro  
 Ingemit, aut scissis vomer splendet arenis:  
 Aut nunc curat oves Damon, vel lana Britanno  
 Tingitur, aut coctis fumant fastigia pannis.  
 Laxantur solitis Caroli palatia curis,  
 Sollicitæque dies festiva intervenit Aula,  
 Et gaudet regina parens, sobolisque maritum  
 Adspicit & patrem paucis expectat aristis.  
 Rex scepro, quod fortè manu sublime tenebat,  
 Attingit geniale caput, pelagique ratisque  
 Tadia sperata pepulit præsentia Sponsa.  
 Illa verecundas inter formosa puellas,  
 Iamque genas non maturo depicta pudore,  
 Atria magnificâ verrebat splendida pallâ,  
 Virgineos induta habitus. sed casia vittam  
 Vincula stringebant; demissaque pilea frontem  
 Et strophium mites aliquâ velabat ocellos.  
 Qualis Sicaniæ flores lætura per Hyblam  
 Inter cœlicolas ivit pulcherrima divas  
 Persephone, nondum plenis Dea nubilis annis.  
 Hanc simul ac cupido conspexit lumine Princeps,  
 Hæsit & occultis potuit caluisse favillis.  
 Hunc simul ac timido conspexit lumine virgo  
 Regis, plus illum jam tunc potuisset amare,  
 Si mollis plus Sponsa foret. tamen arsit & aula  
 Vocibus, hoc, quicquid Sponsa est, se credidit esse.  
 Et nunc antè aras Superùm pia vota sacerdos  
 Nuncupat & sacris firmat connubia verbis,  
 Agnoscitque Deus thalamos. Tunc Angliæ pictam  
 Lata trahens humero chlamydem, cui classis Iberæ

Disiectas pelago puppes, flentemque Medinam  
 Attonitosque Tagi dominos innevit Arachne,  
 Pugnacesque Rosas quondam, cum candida rubra  
 Oppositis iret studiis; sic ora resolvit:

O dilecte Deo Princeps, quem Martia tellus  
 Auriaco duri genuit Trionis ad undas,  
 Battavia columen, proavum clarissime famam,  
 Cum Maria me junge tibi. tibi nubimus ista in  
 Conjuge. nec tantos livor divellat amantes,  
 Nec nisi serena dies. Fidei manus illa tuetur  
 (Et simul exertam porrexit in aethera dextram)  
 Et regni momenta mei. tu tempore duro  
 Huic gladios, Dux, stringe tuos, hic omnia vicit,  
 Qui Superum pro jure stetit. defensor Olympi  
 Has terras pacatus habet. Belgis que placebis,  
 Belgarum cum sacra probas, & civibus una  
 Afferitur Pietas & mens obnoxia caelo.  
 Quos cives privata ligat tua causa, ligabit  
 Publica. nec volet hoc Anglus, quod velle Batavis  
 Non volet, aut nolit Batavis, quod mavelit Anglus.  
 Intemerata meis tecum concordia terris  
 Gliscat & hoc nostro tollantur in omine tede.

Tum gravis & surgens animis ingertibus, insit  
 Nympha Caledonia: mea sunt, nunc dicta sorori.  
 Communis mihi causa tua est. qui pronior aether  
 Adspicit haud una munitos Orcaede Scotos,  
 Has tibi magne faces Ductor, faustisque secundet  
 Auguriis promissa thori. cum fecerit atas  
 Te matura virum, & poteris risisse cubili,  
 Nascatur vobis, expertis formidinis, alter  
 Mauriius, quem tunc Morinus vel territa Calpe  
 Horreat, & cujus metuant incendia Gades,  
 Signaque nunc Oriens Titan, nunc Vesper adoret.  
 Ille per Occiduos fluctus, in Mexica puppes  
 Oppida vel ditem mittat sua carbasa Cuscum,  
 Auriferamque Peru. vel Scotica praetervectus



Littora semotos undis glacialibus Indos  
 Quarat & extremos hoc tangat tramite Sinas.  
 Interea veri crescant ambobus amores,  
 Et sperata prius festinet lumina vobis  
 Hesperus auratæque Venus qua præsidet aula.  
 Vota favens vobis Tethys mea scripta corallis  
 Mittit, & assiduam belli mea regna ministrant  
 Materiem, nostroque tuis dant robora castris  
 Milite. quàm cupiat vestro frondosa Caledon  
 Delicias conferre thoro. quàm Grampius optet  
 Pronos ferre lacus & totos piscibus amnes  
 Porgere. Vos gelida procul amplectuntur Ebuda,  
 Et juvenes nuptis extendunt Hebrides annos.

Tertia tunc cœpit fari regalis Ierne,  
 Insons una mali, tristisque ignara veneni:  
 Vivite, ait, grandes animæ, & qua gratia Divum  
 Me beat, irradiet vestras uberrimæ terras.  
 Sit cœlum sine labe calens, sine frigore duro  
 Bruma tepens. tellus se luxuriantibus herbis  
 Explicet, & cunctis abscedant toxica Belgis.  
 Nascere progenies, quam se Fredericus in unam  
 Transfundat totum genitor. Tunc altera spes est,  
 Vinci alias iterum Sylvas & mœnia posse,  
 Occiduasque alibi Auriacis heroibus urbes,  
 Memnoniasque patere domos. Vehet illius arma  
 Taprobane, ditesque agnoscent signa Molucca,  
 Nassoviumque suis Mariamque inscribet in oris  
 Indus & accipient hæc ipsa vocabula Iava.  
 Nos cygnos aquilisque damus, ceu symbola celsæ  
 Sortis, & in festis largimur fercula mensis,  
 Atque ipsam pro dote Palem. fontesque lacusque  
 Fundunt Principibus latices; & Duris & acer  
 Ausoba Liberiusque senex certansque Boando  
 Argita, vos placidas vellent vestare per undas,  
 Charaque postremus venerari nomina Senus.

Finierant. tunc insolitis sua brachia miscunt

Ne xibus;

Nexibus, & digitis ter conscia numina signant,  
 Ter manibus quatunt tedas, fixasque coronis  
 Concussero Rosas, permixtaque lilia matris  
 Regina nituere magis, ter purpura coccum  
 Quaeque bibit, micuit rutilum sub crinibus aurum,  
 Et melior triplici majestas addita regno est.

Nuncia conjugii celeri jam Fama volatu  
 Ivit in oppositum Tamesi trans aquora Belgam,  
 Victoremque diu populum. clamoribus urbes  
 Patritius resonant. gavisaeque Curia lites  
 Abrumpit, nescitque reos. sua munia differt  
 Civis & athereis implet delubra sacerdos  
 Officiis & grata Deo praconia solvit,  
 Tantarumque pius causas & semina rerum  
 Altius arcessit. Mariae vox blandula cunctis  
 Ore natat. Mariae placet appellatio cunctis  
 Matribus. haud alio signantur nomine partus.  
 Guilielmi Mariaeque levi depicta tabella  
 Ora gerunt. hac in thalamis spectacula prostant,  
 Illa domos species, haec atria, tecta, columnas,  
 Hac & Arausiacos decorat pictura penates.  
 Cum veniet Regum soboles, cum litore nostro  
 Stabit & in Batava ponet vestigia terra,  
 Assurgent illi Vnanimis ex ordine septem  
 Applaudentque Deae, valida quae spicula claudunt  
 Concordes septena manu. quas vindice ferro  
 Afferit Auriacus solique opponit Ibero.

Ultima, quae patriam excellens Hollandia Sponso,  
 Et lucis primum genitrix indulgit honorem,  
 Hac dixisse cupit: Batavum celsissime gentis,  
 Cuncta mihi faciles Superi & quacunque poposci  
 Concessere. meis Patris cunabula Delphis,  
 Tunc puerum, complexa fui, cum sanguine diro  
 Tingeret afflictam latro temerarius aulam,  
 Atque expers tutoris eram. Tu nasceris infans  
 In gremio venerando meo, te fovimus ulnis,



Tu mihi spes generis dudum bellique fuisti,  
 Solaque nunc super-es. sed quàm mihi sidera rident,  
 Quod tuus à Regum jam crescat sanguine sanguis,  
 Quod pulchro Mariæ speretur germine germen,  
 Quod soboli speretur avus, quem Gallica fratrem  
 Sceptra vocant; patrum quod fortis Cimbria regem.  
 Det tibi, quod Mediceæ suam clarissima neptim  
 Elocet; illa trium mater celeberrima Regum;  
 Quod te Sponsa colat, magnis hinc cineta Britannis,  
 Inde Caledoniis; quod trux mansuescat Iverna  
 Ad soceri mandata tui. Quò te ardua raptat  
 Nassovia lux prisca domus virtusque tuorum,  
 Fui cura vebit. Fortunassime, si me  
 Vis nuptæ dare dona tuæ: concordia Belgî,  
 Totque Fides Batavum & gentis cultura Stuartæ,  
 Obsequiisque studens animus premititur uni.  
 Non peregrina mihi, poterit mihi nata vocari.  
 Expungam patriæ titulos & jura cubili,  
 Quaque Britanna fuit, fas est jam dicere Belgam.  
 Auriaci thorus est. patriam si vendicat ille  
 Battaviam, tu Sponsa tuo cum Principe mutæ  
 Nominaque & populos. & dum servaris amori,  
 Servaris quoque tota meo. dulcissima, quot Te  
 Plausibus excipiet Vahalis, Rhenique bicornis  
 Accola, quot cinget venientem classibus aquor,  
 Quot tibi de summa suspendet puppe corollas  
 Navita, quàm multa velatus arundine Mosa  
 Ducet in optatos Caroli venerabile portus  
 Depositum, Mariamque vehent cervicibus omnes.  
 At postquam Auriacos intrabis læta penates,  
 Et Tartessiæ inimica palatia sceptris,  
 Ibis in amplexus, toties quos horruit atrox  
 Cantaber & dextram tangès, cui libera debent  
 Colla mei cives. oculos spectabis Ibero  
 Terribiles, ensesque meæ securæ salutis  
 Præsidia & centum fulgentia tectæ trophæis,

Fornicibusque inserta Ducum vexilla, carisque  
 Suspensas alte vitas laquearibus hastas.  
 Ibis in Amelia amplexus, matrisque futura  
 Oscula & in tanta gaudebis Principe Princeps.  
 Quod si Toxandrum tumidis allaberis oris,  
 Ecce, procellosis emergens sevens ab undis,  
 Non sava te fronte Leo spectabit, & unam  
 Mulcebit, propriasque Ducem deducet in urbes.  
 Se Vlissinga tibi, pulsataque fluctibus altis  
 Cives Vera suos summittet, & illa propinquo  
 Quassa mari castella. tua pars digna Sicamber  
 Dotis erit, crinesque suos torquet in orbem  
 Bellator, vestrisque regi post busta parentis  
 Imperiis iussisque volet. Tibi sacrat habenas  
 Mitra suas, & jam rectorem scripsit ephenum,  
 Qui tuus est: dicit prestans Groninga magistram,  
 Isula reatricem; & celsis Zutphania muris  
 Tutam, suam vestris subdet sub fascibus urbem.  
 Cum venies, hic Breda tua est, & Martia rupes  
 Geertrudis, Lingaeque domus, bellisque superstes  
 Meursia. debetur frenis Diesthemia taniis,  
 Et Grimberga potens & pronis Gravia portis,  
 Et Bura & Maria nomen venerata, Sichemum.  
 Cum venies, formidatas exercitus alas  
 Pandet, & hinc equites inter peditesque Camilla  
 Stabis ovans. flectet densus se in cornua miles,  
 Militiamque iocum faciet. concurreret & hostem  
 Finget adesse sibi. teneram vexilla maritam  
 Involvent, cernesque tuo jurata marito  
 Castra, Duces, lituos, & quam metuenda supellex  
 Mavortis. quantis acer sese afferat armis  
 Libertatis amor. cernes, quas Rottera turres  
 Attollat; quam se mansuetis Leida Camoenis  
 Crediderit; quam se geminum diffundat in orbem  
 Amstela, quam late spargant pomœrii civem,  
 Ut silvis trabibusque natent fastigia densis,

Et



Et quo vis glomerentur opes è cardine, quo vis  
 Axe petat pavidum mercator callidus aurum.  
 Cum venies, saltus supplex umbrasque recludet  
 Haga suas, Zephyrisque rotas currusque ciebit  
 Lenibus, & celsò nutantes vertice quercus  
 Pro te sternet humi. Faunus, dum fortè per umbram  
 Diffugiet, vestros hic cantillabit amores,  
 Et venatrices arcesset Delia turbas,  
 Quas Dux una reges. celeris vestigia cerva  
 Ponè premes, trudesque vagas in retta damas.  
 Tota tibi fuero Phocisque & Thessala Tempe  
 Et Præneste Delm. Soboles augusta, perenna,  
 Exori tre istis vindex ex ossibus alter,  
 Qui face Cantabricos ferroque sequare colonos,  
 Tartesique graves dominos. Par grande triumphæ,  
 Euboicique precor transcendite pulveris annos.

Quæ cum dixisset generosa Bataria, sensit  
 Communes Europa faces. sua commoda quisque  
 Supputat & censet multis nupsisse Stuartam.  
 Terra Palatinis lugens in collibus, optet,  
 Iam profugo, rectore frui, Bavaroque regendi  
 Indixisse moram. tot fracta Alemannia bellis  
 Suspirat; regnisque suis hoc federe robur  
 Addi posse putat. bellatrix Gallia vellet,  
 Austriaco irasci Carolos. sociosque, Britannum  
 Et Batarum, indomitis obvertere rostra Philippis.  
 Excussit modo frena Tagus, sed poscit ab isto  
 Præsidium viresque thoro. quin Adria longè  
 Castellæ videt è specula ridetque laborem.  
 Ipse meis columen terris artemque parari  
 Belgia reor, magnumque minus jam posse timeri  
 Hesperia dominum. Quæ nec sua gaudia gentes  
 Communerant? quid non Batarum speramus amantes?

Magne Britannorum rector, qui sancta verenda  
 Nomina pacis amas: cujus vindicta nec hostis  
 Sanguine tinxit ebur: cujus veneranda Tonanti

Maje-

*Majestas populoque vacat ; cum tempora sceptris  
Acta tuis memoras ; hunc, quē nunc parturit ather,  
Signa mente diem. septem Tibi filia gentes  
Alligat & cunctis Fidei defensor amaris.  
Nupta Duci est, dimitte pater. stant littore classes.  
Nupta Duci est, dimitte duos. hoc Belyica poscit.  
Nupta Duci est, Regina fave. quos junxit Olympus,  
Ne toto prudens Genitrix distingue profundo.*

## A V R I A C V S

## TRIVMPHANS,

Sive in victam Potentissimi Hispaniarum Re-  
gis in Freto Britannico, Classem,  
P O E M A T I O N.

**S**iste gradum, Frederice. tui fastigia fati  
Nescit mens demissa sequi. licet alite penna  
Erigar, atque ipsis capiam sub nubibus abdi,  
Altius erigeris, Princeps ; Superūque penates  
Semideūque domos pulsas. quin vecta per altum  
Subducit se Fama mihi ; & sublimior astris  
Gloria languentem ridet secura poetam.  
Nec me Castalios in singula ducere fontes,  
Tam cumulant se multa, sinis. Tux bella sequutus,  
Et lituos & castra sui. sub moenibus ipsis,  
Sub portis, Dux magne, steti, & victricia tecum  
Signa per adversas duxit cataphracta cohortes.  
Calliope & mediis defixit in urbibus histam.

Mox nova Borbonias scripsere exordia laudes.  
Et crevit sub Rege labor. dum Lilia tollunt  
Nassovium & pronis capit incrementa tiaris  
Aurica virtutis honos ; se miscet honori  
Testis & Amstelica fundunt praeconia Nymphae.  
Non plausus tibi, summe Ducum, non publica deerant

Præ-



Præmia & illustres, te bellatore, triumpho,  
 Aut quicquid communis amor, Belgique Potentes  
 Excellens tribuere tibi. consensimus omnes,  
 Et patria vox una fuit. laudavimus arma  
 Successusque tuos & totum clara per orbem  
 Belligera tot gesta manus. Nescivimus unum,  
 Nomine quo tantum felix Respublica dignè  
 Compellet vocitetque Ducem. Dum fluctuat orbis  
 Arbiter, & Batavi nescit cognomina Martis,  
 Distinctumque decus: tandem Tu Gallia nomen  
 Mittis & Arctoo precium largiris Achilli,  
 Et Celsum cognata vocas. qualem esse priores  
 Credidimus, talem nobis tu prima fateris.  
 Erigimur cuncti titulo. surgitque potestas  
 Alius, & celsam sentit se Belgica dici,  
 In rectore suo. quantum Dux ipse verenda  
 Majestatis habes, tantum sibi vindicat illa,  
 Alteraque alterius sese splendore tuetur.  
 Sic astris Dictynna suis venerabile lumen  
 Commodat ethereique micant illustrius ignes,  
 Phœbæa facis adspectu. cum nomina Magni  
 Pompeio pia Roma dares; patriæque Parentem  
 Diceret Augustum Tiberis; non dignior unquam  
 Romulidum celebres involvit gloria cives.

Nunc, quem terra Ducem fecit, quem Gallia celsis  
 Inferit ordinibus, talem victricibus armis  
 Æquora continuant. Tibi grandis filia Nerei  
 Fluctibus adspersit caput, & Marvortia totum  
 Oceanum in pugnas aperit. sic altera Martis  
 Excelsum te forma facit, mutataque laudis  
 Causa placet. dum disjecta per cerula puppes,  
 Rostrataque tua radiant in fronte corona.  
 Post urbes, domitæque ingentia mœnia Bredæ,  
 Et debellatum præfracto milite Mosam,  
 Inde catenati concussa cubilia Rheni,  
 Conficiunt tibi nomen aqua; pelagique marisque

Te statuit fortuna Deum. quem sub Iove summo  
 Armata in Hesperias bellatrix dextera classes.  
 O Superis dilecte Pater, cui fundit ab alto  
 Veliferas Mavors acies, puppesque trucesque  
 Accelerat Bellona rates; cui carcere missi  
 Lenius Æolii spirant in classica fratres;  
 Te lauris involve novis, famæque superstes  
 Longum vive tue. Iam formidata residunt  
 Carbasa, desavit rabies bellacis Iberi,  
 Detinuit Castella ferox. metuendaque Calpe  
 Horret, & attonitus luget dispendia Vesper.  
 Tot silvæ periere Tago, tot roborâ Bati,  
 Tot quercus sorpsere faces, tot ab ignibus Arctos  
 Arsit & in gelidis incendia fecimus undis;  
 Fumantesque trabes, exustaque transtra, forique  
 Æquoreas flammis exsiccare procellas,  
 Naxadumque domos. conflagrâvere penates,  
 Ennosigæ, tui. caluitque à fornice tanto  
 Tethys, & accensis serpsere fluctibus ignes  
 In thalamos, Neptune, tuos. stupet horrida Triton  
 Bella senex, conchaque vagum circumsonat æquor,  
 Committitque Duces. toto jaçantur Iberum  
 Regis opes pelago. quassataque scrinia, gaze,  
 Argenti que graves loculi, discrimine magno,  
 Spem Batavis fecere sui. preciosa supellex  
 Credebât se posse râpi. sensere metalla  
 In ponto non esse fidem, dubicque teneri  
 Divitias, quas fluctus agit. tunc omnia Belgam  
 Spèrnere, cum tinnit latis impulsibus aurum,  
 Et spoliis calet aris amor. Proh; æquora, terras,  
 Atque ipsum Phlegethonta furor pervadit habendi.  
 Concutimus portas Erebi, Plutonis adimus  
 Atria, nec fulva deterret Cerberus offâ.  
 Audaces in prædam animos. Trux ventilet ignes  
 Tisiphone, quatitque suos irata colubros;  
 Provehimur, quo lucra vocant. didicere Batavi



Inter tela mori, vel vincere. sanguine pingunt,  
 Quas avidi scrutantur, opes. vult proxima morti  
 Esse manus, ditis qua messis poscitur Indi,  
 Et fortes fors ista facit. fiducia segnes  
 Erigit, & raras regina Pecunia puppes  
 Cantabricis cogit proras obvertere proris.

Græjùm prisca tumet Pagæsis puppibus atas,  
 Argolicosque Duces & lectæ nomina pubis  
 Nuncupat, & magnis foetæ raptoribus alni  
 In Colchos posuere minas. gravis Aulide classis  
 Laomedontææ fato servata ruina,  
 Ivit in Ægeos fluctus & Pergama summis  
 Evertit fabricata Diis. cinguntur Athenæ,  
 Armataque timens mox Persida bajulat Hellas,  
 Cum pontus pons unus erat, trabibusque revinctis  
 Sterneret immensam Medorum purpura Tethyn.  
 Quid Tyron & multo metuendam remige dicam  
 Sidona, navigeramque Pharon, Nilique recessus,  
 Et portus, Cleopatra, tuos? Vrbs amula Romæ,  
 Contudit Ausonium, Xantippo præside, fastum,  
 Et toties Latius intendit rostra carinis.  
 Cum tua Agenoræ virtus, Dux Regule, genti  
 Monstraret. sic posse pati pro ciue Quiritem,  
 Nec titubare fidem duris. Hæc nostra marinos  
 Terrent secla Deos, superatque audacia, quicquid  
 Ausa fuit Fortuna mari. concedere non vult  
 Posteritas, jam major avis. discitque sub ipsa  
 Colchide pallescens rimari in montibus aurum,  
 Aut ratibus vectum rapere, & subducere sceptris,  
 Quo solo plus sceptra valent. maria omnia transtris  
 Insedit bellator Iber. per Memnonis oras  
 Militat. & qua fessus equos lavat equore Titan,  
 Navita stat; regumque potens cervicibus unus  
 Incubat. in geminos excurrunt carbasæ Soles;  
 Dum mundum vult esse suum, solusque potiri  
 Tot terris, quas quisquis amat. Nos parvula mundi

Portio, nos Borea sub sidere nata propago,  
 Et toto secreta mari, tot classibus, eheu,  
 Impetimur, luimusque patrum delicta priorum,  
 Si patria delinquit amor, defensaque ferro  
 Libertas peccare potest. ruit acris ab Austro  
 Tempestas, frendensque odiis Hispania longis,  
 In nos castra vomit. veteris dispendia cœpti  
 Exciderant animo, laceraque per aquora puppes,  
 Quas in Pleumostas Syrtes & littora Ierna  
 Illisit gravis ira Deum, cum fortis Elisa  
 Vinceret, ingentisque esset Dux femina cœpti.  
 Altera Callaicus nunc Hydra repullulat oris,  
 Alteraque Hesperia fundunt tabulata Corona.  
 Vexatosque Deos iterum vexare Philippus  
 Audet & infidis classem committere ventis.  
 Regna natant, ratibusque fluunt contracta superbis  
 Imperia, & valida jactantur fluctibus arces,  
 Belligeræque domus. turrita palatia cernas  
 Porticibus spaciosa suis. innare revulsas  
 Cycladas, & totos errare per aquora montes.  
 Hæc ubi conspexit nemorum fastigia Phœbe,  
 Horruiet & terris dum proxima vertitur, irâ  
 In Regem conversa Tagi est. metuûque futuris  
 Accendi se posse focis. Titania lampas  
 Fumantes avertit equos. cœpitque timere,  
 Queis Phaethontais flagravit ab ignibus æther,  
 Ipsa ducum vectrix Argo, mirata carinas  
 Desuper, his ipsis longè se fassa minorem est,  
 Submisitque ratem Regi. non illa Pelasgis  
 Arma fuere meis, dixit. non barbara tellus,  
 Æatesque senex tanto conamine victus  
 Phryxæam concessit ovem. castella minantur  
 Sideribus vicina suis. se lignea vertunt  
 Pondera, tardigradisque incedunt motibus aula,  
 Et pandi repunt ventres. funesta supellex,  
 Tela, globi, tormenta latent, & fulminis atram.



Materiem sulphurque truces vexere caverna.  
 Hic Astur, potorque Ananis stipendiâ parvo  
 Ære meret, veterisque cupit pugnare Pyrenes  
 Accola. districtos acuit fera Bilbilis enses,  
 Quosque domo Carete, & quos Minionis in arvis  
 Nutrit ac rigidis fovit Gallacia ripis.  
 Cantaber hic, vitâ impatiens sine Marte, comesque  
 Celtiber, inque foris Balearicus ambulat altis.  
 Spes magnas sibi quisque facit, Regisque tuetur  
 Virtutem splendore suam. sibi quilibet ostri  
 Majestate placet, milesque in imagine falsa est.  
 Dividimur, spoliisque tuis, Hispanæ, patemus,  
 At nondum capti Phryges. omnis præda Philippo  
 Battavia est. cedunt dominis ingentibus undæ,  
 Et famulæ gentes sumus, & sine Rege rebelles.  
 Sed video tot transtra rapi, Morinosque coactos  
 Dedecori trepidare fugâ: captivæ teneri  
 Carbasa & in Tamefis Batin pallefcere ripa,  
 Ac medias inter bellum crudescere arenas.  
 Æquora laxantur pugna, Tethysque recludit  
 Augustas irata fores. furialia Mavors  
 Sidera & infestas acies impellit Orion  
 Ensifer, atque aliam credit Salamina reposci.  
 Quamq; ratem velit ille sequi, quam mergere ponto,  
 Cui flammis instare, aut qua statione morari,  
 Imperat Oceani rector. sua Mulciber arma,  
 Ignitasque trabes, propriisque ardentia flammis  
 Tela parat, Siculisque incudibus æra laborat,  
 Fulmineisque pilis crudeles asperat ausus,  
 Brontesque Steropesque. illæsa casside munis  
 Trompiada, Vulcane, caput. qui pectore forti,  
 Dum fera pugnaces accendunt classica partes,  
 Talibus alloquitur socios, stimulosque furori  
 Subdit & ultrices monitis exarscit at iras,  
 Nec segnes pugnare jubet: Generosa juvenus,  
 Rector ait, mecum gelidas traducere noctes

Sueta mari, Caurosque inter Boreamque Notumque  
 Excubiis optare diem; nunc illa refulsit.  
 Lux votis sperata meis, qua sentiet hostis.  
 Quid valeat modico virtus, fatique necisque  
 Contemptor praesens animus. stant littore puppes,  
 Atque ignara suae sortis validissima rident  
 Corpora, securoque jacent abdomina fasti.  
 Spernimur exiles. sed enim, quid parvula possit  
 Saepe manus, pressisque ingens fiducia Belgae,  
 Exemplo monstrata viri. dispendia moles  
 Ipsa dabit, poteritque suis imbellis haberi  
 Viribus. it certo comes haec structura periclo,  
 Et damnam sibi forma feret. sint abiete crasso  
 Intextae grandes costae. penetrabimus illas  
 Ignibus, & discent silva flagrare minaces,  
 Quasque globi nequeunt, mergent incendia puppes.  
 Telum flamma dabit, liquefactaque sulphura ventus  
 Differet, & vivens absument transtra bitumen.  
 Instabit raris una rati, facibusque perire  
 Eliget, ut damnis pereat majoribus hostis,  
 Et lucro sit noxa minor. succensa favillis  
 Ipsa suis trux in tumidas grassabitur alnos,  
 Belgarumque ferox cineres confundet Iberis.  
 Ite Duces, properate rates, distendite vela  
 Ocyus. hic sedes belli est. haec Tethyos aula  
 Arctior, haec nostros statio diffundet honores.  
 Hic locus aequorea spectet miracula pugnae.  
 Ductor ero milesque idem. sociusque laborum,  
 Non solum Dux esse volo. discrimine ferrum  
 Vobiscum distingo pari. stant littore cives,  
 Per terras carpent a volant, in montibus altis  
 Albion adspectat, quid dextera possit & audax  
 Vis animi, pronisque juvant nova praelia votis.  
 Victorem sperate Deum. sine Numine vinci  
 Hesperium diadema nequit. feliciter audet,  
 Qui Superum sibi spondet opem. clementia caeli



Invictas dabit esse manus. bellacibus esse  
 Expedi: ignavis pudor est. Nos respicit orbis,  
 Regum cura sumas. magnis successibus æquus  
 Annuit, hinc rector Tamesis, dominusq; Garumna,  
 Et quid Belgæ tanta dabit indole dignum  
 Expectat Gothus & septem regina Trionum.  
 In nos missa venit certo servanda triumpho  
 Classis, & his ipsis stat formidabilis undis,  
 Arctoi formido maris. transacta potestas,  
 Majorumque fides paribus vos excitat ausis.  
 Tot domita subeant puppes, eversa que ponto  
 Carbasa, submersaque rates. sub Vespere vicit  
 Heynius. Herculeas Heemskerki fama columnas  
 Personat. Aurora thalamos Solisque cubile  
 Invasere patres nostri. regalis Elizæ  
 Fluctibus his Siculi risit molimina sceptri.  
 Vincula Bossusi nostris. subrepta que Scaldi  
 Classica Mattiacasque rates. periere tremes  
 Ad Salsam, Frederice, tue. si vincitur Astur  
 Exemplis, etiam nostro vincatur oportet.  
 Nolim degeneres animos audire nepotum,  
 Nec dignam proavis sobolem. cum sanguine virtus  
 Transeat. exaquet veteres victoria lauros,  
 Dum fama pila, dum totius fabula mundi,  
 Dum patria tutela sumus. Sic ille locutus,  
 Expectasse putat longum, mediosque per hostes  
 Accensus propiore Deo, propriaque salutis  
 Immemor, & celsi metuendus puppe magister,  
 Hostica fulmineum direxi in agmina cursum.  
 Mane erat, & vixdum Titan patefecerat orbis  
 Illustrem fulgore diem; cum classica nostras  
 Excivere rates. pacato Duna profundo  
 Stabat, & Arctoi Tamesino è litore blande  
 In mare spirabant Boreæ. tranquillior unda  
 Oportuna fuit pugna. & cessantibus Austris,  
 Vtraque spectanti patuit fortuna Britanno.

Anchora jacta subit puppes. disiecta rudentum  
 Fila gemunt, velisque tumens obruitur aquor.  
 Hinc Bata vim classes, illinc venere Philippi,  
 Crebraque vicinas ferit ballista carinas.  
 Eminet hostiles inter Pratoria, clamo  
 Missa Tago, centumque vomens incendia portis,  
 Sæva Mimallonis tonuit per littora bombis.  
 Non tuba, non litui, non exaudita cadentum  
 Vox fuit. oppressit strepitus catapulta virorum,  
 Barbaricique sonis tremefactus inhorruit æther.

Tum Ducis imperio rostris non obvia rostra,  
 Sed lateri latus acre fuit. displosaque longis  
 Machina ab ordinibus visa est damnosior esse.  
 Non tetigit puppis puppem, pluresque cohesit  
 Altera in alterius. nec jam bellantibus usu  
 Vincus erat. multo potior ne milite celsus  
 Cantaber attereret Belgam. sed vecta per orbem  
 Crebra fatigatum sensim diffrexit Iberum  
 Navis. & accessu propior, rursusque recessu  
 Longior, immensas repetito verbere moles  
 Solvit, & in medio luctantes aquore merfit,  
 Sic ubi turba canum magno minor ire molosso  
 Obvia vult; cinctumque iteratis moribus hoste:  
 Lancinat, accurrensque nocet, leditque recursu  
 Sæpius: ille ferox quamvis majorque tumultu,  
 Multo dente perit, languetque & vincitur excors.  
 Nos habiles pugnare & circumfletere gyros,  
 Illi tarda trahunt infido corpora clavo,  
 Nec se mota movent. non junctis pugna lacertis  
 Crudescit. sed longinquo glans ferrea jactu  
 Perforat attonitum latus & sese horrida costis  
 Ingerit & fœdo nexus deturpat hiatu.  
 Tunc aliquis celsæ residens in vertice puppis,  
 Labitur exanimis, circum se susa resorbens  
 Æquora. disrupta non unus parte carinæ  
 Leditur. audaci dum dextra aplustre revellit



Alter, subjecto debens sua pondera ponto,  
 Vulnerat Oceanum lapsu. torrentur ab igne  
 Pugnaces animæ, miserandaque funera fiunt  
 Busta sibi tristesque rogi. tabulaeque foresque  
 Verberat antennaeque cruor. vindicta natantes  
 Prosequitur, rabiesque ipsis accensa sub undis  
 Nondum parcere vult miseris. tunc sanguine littus  
 Irrubuit. tepidoque senex sub gurgite Nereus  
 Incaluit. sensitque focos flammaeque parari  
 Insueto sibi. mille fluunt refluentque procellis  
 Corpora, ludibrium pelagi, mergendaque jam mox  
 Expectant turpes generosa cadauera phoca.

Dicite vos Nymphæ Tamefis vicinaque Cantû  
 Numina, (nam vos hac vidisse & scire putandum)  
 Quanta clade dolens exarserit Amphitrite,  
 Tunc cum summa Ducis pietas pro Rege, Teresa,  
 Pro se, non concussa, stetit; nobisque potenter  
 Refluit & claris famam Lopezius ausis  
 Extulit. ardentes illum cinxere carinae,  
 Amplexæque ratem tabulis flagrantibus ignes  
 Ingessere suos, quos cæca industria ventre  
 Abdiderat, doctusque labor. nam pinguibus illa  
 Affixa tedis, & diro sulphure mixta,  
 Tot flammis alimenta dabant. jamque altera navis  
 Mersa erat Oceano pars. altera fulminat audax  
 In Batavum, dumque igne perit, se ulciscitur igne.  
 Stabat signifera in puppi truncatus Achilles,  
 Et voluit pugnare lacer. manus altera raptæ est,  
 Et non totus homo (virtutem agnoscimus hostis)  
 Totus miles erat. Superùm Rex Iupiter aulæ,  
 Et cælo donare Ducem decreverat omnis  
 Turba Deum. sed grandem animã Neptunus aqua-  
 Cœtibus annumerat. quin magnũ Protea juxta (rũ  
 Collocat, ut timido cladem exprobraret Occuendo,  
 Objiceretque moras. Hic dum lachrymosa suorum  
 Fata videt, fractasque trabes disruptæque classis

Mem.

*Membra, fugam molitur iners, sanctamq; Teresam  
Deserit, & Fero sese subducit amicum.*

*Qui pugna satur & belli, dum robore in hostem  
Se probat Occasu Phoebe & lampadis, eheu,  
Occidit & nostro spoliū se donat Atrida.*

*Arsit & Andrae Pratoria, nomine prestans  
Et virtute virum. quam crebris ictibus Heros  
Trompius & multa patefactam impleverat unda.  
Cetera pars cecis fugiens se illisit arenis,  
Sed facibus pradaque patens. protruditur una  
Littus in aduersum & tanti fit nuncia casus  
Regibus. excepit profugam miserata Britannis  
Terra ratem. Et sceptri se religione tuentur,  
Quas regale suis numen seruauerat oris.*

*Iamq; Deos, Sanctosq; omnes, venerandaq; Pa-  
Nomina, Pellæosque duces disjecerat audax (trum  
Dux Batauūm, captamq; trahens post terga Deorū  
Progeniem, Macetamq; & magna vocabula, Reges,  
Fortunas, Aquilasque & Iberūm sacra Iacobos,  
Victor oians rediit spoliis insignis opimis,  
Nec jam terribiles defixit portibus arces.  
Tum sacra Neptuno peragit, taurumque nitentem  
Immolat. & Vesta piceos, queis vicerat, ignes.  
Mavorti sacrat tabulas. habet Æolus hircum,  
Thura Iovis delabra, globos Fortuna rotasque.  
Undique concurrunt populi, civisque triumphat  
Latior & festis collucent ignibus urbes.  
Victori se quisque probat. ruit actus in unum.  
Trompiadem plebejus amor. stant moenibus altis  
Et maris asserti partes sermone sequuntur  
Hinc patres matresque pari: Victricia laudant  
Tempora; tam parvis magnas cessisse carinas,  
Ingeminant: ausumque Duce[m], quod scire nepotes  
Expediet; quod, sera licet, mirabitur etas.  
Affuisse diem, patriæ quo reddita lux est,  
Libertas pelago, faciles mercantibus unda.*



Quid mihi Pelias puppes generosa vetustas  
 Objicis, & nantes Grajum per cerula nautas?  
 Hic Grajos, celebremque suis Heroibus Argo  
 Cepimus. hic alio sub Iasone nostra triumphat  
 Grecia. pro viâ Tagus est nunc Phaside. victus  
 Batis in Euxino est, hac Colchide rector Iberus.  
 Argolicos clara coisse sub Aulide narrat  
 Fama Duces, diteseque mari pugnas Mycenas,  
 Inque bonas i visse feram Lacedæmona Athenas.  
 Hic maris alterius fauces, hic altera surgunt  
 Pergam, debellanda manu. sunt Pergama puppes  
 Æquoreis fabricata Diis, sunt Duna Mycenæ.  
 Vidit in expertum Salamis succumbere Persam.  
 Vidit in expertum pelagi succumbere regem  
 Albion & laceris conspergi littora transtris.  
 Tu quoque non parvum bellatrix Roma triumphū,  
 Flebile cum timida gereres Carthagine bellum,  
 Navalesque refers, Pœno indignante, coronas.  
 Te Catuli celebrisque vehunt memoranda Duilli  
 Prælia, & audaces, Scylla latrante, triremes.  
 Læstra Neoptolemi, Lucullo principe, classe  
 Exiit, & Nicia rapuit vexilla Gylippus.  
 Præstitimus majora duces, numeroque Philippum  
 Dispare concidit Batavi fortuna Duilli.

Quàm caelo, Frederice, places, quam sidere lato  
 Plurima Nassoviam circumdat laurea frontem.  
 Hanc Salii meruere tibi, devictaque Grolla,  
 Oppida, & impleta numero remige Thelæ.  
 Captivæque rates. centum circumdata vallis  
 Sylva potens, totasque bibens in victa paludes,  
 Acclamat tibi, Celse pater. te moenia forti  
 Capta dolo ruptisque patens Vesalia portis,  
 Victorem sub vexit humo, atque abscondidit astris.  
 Quod florent Batavi, quod sint securi Sicambro  
 Otia, vicinum Frisius quod nesciat hostem,  
 Ipse quod imbellem VValachus contemnat Iberum,  
 Et

Et placido rursus se misceat Isala Rheno,  
 Cura summa tua est. dudum trans aquora longe  
 Attigit Eoos belli reverentia fines,  
 Perculit Occiduos. laudes noverere Cherusci,  
 Teutoniceque domus, & quae sub Principe pulso  
 Clara Palatinis strepuerunt collibus arma.  
 O quoties longis moerens Germania bellis,  
 Optavit te posse frui, te vindice vinci,  
 Sub signis pugnare tuis, quae belliger ivit  
 Moenus & exuvias crudelibus horruit Albis,  
 Totaque pacatum straverunt castra Visurgim.  
 Nunc alius, Dux magne, labor te trudit in aquor,  
 Et consummatas recitant tibi classica laudes.  
 Quale in Alexandro decus est. te praeside rerum  
 Captus Alexander nostrum singultit ad Yam.  
 Quantus in adversas acies fortissimus ivit  
 Hozius, infelix sacra tutela Teresa.  
 Victus & hic. strepuit diris clangoribus Orpheus.  
 Orphea tu dira domitum testudine mergis  
 Oceano. pugnaci Aquila Tu rostra refringis,  
 Infamemque fugas Famam. tu signa Iacobo  
 Praestitibusque Diis rapis, & demittere vela  
 Cogis adoratos venerando nomina Petros.  
 Vive meis, Princeps, studiis. praconia si quid  
 Nostra valent, tu Miltiades dicere Cimonque,  
 Tu Lysander eris. mecum suffragia confert  
 Mundus. in extremam vadunt tua nomina Thulen,  
 Adria subscribit titulis. non dissidet Arctos,  
 Non Sueonum favor, & Sueoni pacatus Iapex.  
 Applaudis, Lodovice, Duci. quin nostra decoris  
 Fulcis regna patrociniis, & sceptrum verendis  
 Indulges facilis Patribus; nec lilia Belgis  
 Avertis speciosus tuis. te vindice totam  
 Inus in Hesperiam, geminique avertimus orbis  
 Terribilem terris dominum. dum jungimus arma,  
 Nostra timet, qui nulla timet. dum Sequana Rheno  
 O 4 Annuat.



Annuit, & Vahalim Rhodanus, Mosamq; Garum-  
 In partes bellumque rapit; perterita Calpe (na,  
 Palluit & pavidis Tartessus inhorruit undis.  
 Quis pueri latus Auræici fulgente metallo  
 Induit? & tenero patriæ virtutis Iulo  
 Spem facit, & capulis donat radiantibus ensem,  
 Crescentemque Ducum studiis accendit ephebum?  
 Hoc munus, Rex magne, tuum est. En, Martia pro-  
 Ambulat, & pulchri miratur pondera ferri (les  
 Et circumfuso ludens accenditur auro,  
 Atque animos à Rege capit. sub imagine belli  
 Imberbes armat generosa pueritia turmas.  
 Et pater intrepida miratus signa juventa,  
 Laurigeros inter præformat castra triumphos.  
 Magne Heros, effusa aulis Te personat Echo,  
 Excelsum silva, celsum delubra loquuntur,  
 Prosperaque Aoniæ recitant præsigna rupes.  
 Quas laudes à vate capis, tua maxima virtus  
 Dissimulat, quantumque aliis sublimior audis,  
 Demissa te mente domas. paterisque modestus  
 Augustas in te sceptrorum surgere voces.  
 Nec solum te bella juvant, vel tela, vel enses,  
 Aut crudo misti commendant sanguine manes,  
 Sed tranquilla magis. regnent sine lege potentes,  
 Et sceleri dent iura mali. Tu Principis illa  
 Prima putas, dare jussa sibi, lentamque furori  
 Indixisse moram. mites tibi Gratia vultus  
 Componit, gaudesque tuis Dux talis haberi,  
 Qualem tu privatus ames: morosa timeri  
 Sceptræ volunt, tua blanda coli. dum diligis omnes,  
 Diligeris cunctis pariter. Tu voce cohortes  
 Mansueta trabeasque regis. nec jurâ tueris,  
 Quæ non ipse probas. scribis dictamina recti.  
 Et populo dominoque tibi. Sic Principis omnes  
 Vivimus exemplo cives. sub milite tanto  
 Vincimus, & toto belli documentæ profundo

*Magna damus. nescit claudi liberrima Nerei  
Regia, Neptunique lares. Tu vineta redudis  
Æquora & Hispanis metuendum classibus hostem  
Objicis, & nobis etiam vis ista patere.  
Cunctorum dos una mare est. qua fluctuat, illac  
Navis eat. nulla est tanti custodia census.  
Et dominum si littus habet, negat aquor & unda.  
Hæc populum Frederice doces. hæc asseris armis,  
His causis bellator ovas. dum Duna Britanno  
Portus erit, Gallumque freto sejunget alumnus  
Saxonis, & Canti se promontoria pandent:  
Dum Sandvicha tui Doverumque æterna laboris  
Testis erit, cladisque sua vicina videbit  
Dedecores Duynkerka sinus: dum miles Iberus  
Reliquias cernet Batavom atque immitis Achillei,  
Dum sua Cantabrice flectent hæc vela carina,  
Sera triumphato plaudet tibi Fama Philippo.*

## I N N U P T I A S

Illustrissimi Principis,

ENNONIS LODOVICI,

Chaucorum, sive Frisiae Orientalis Comi-  
tis, &c. Cum Celsissima Principe

HENRIETTA CATHARINA,

Celsissimi Auransionensium  
Principis filia.

**M**ixerat nuper thalamos & federa regnans  
Albion, & Regum purpura nupta Duci est.  
Fixerat in tenera Auriacus tunc basia Nymphæ.  
Basia, sed vires mox habitura suas.  
Cum vero puer Idalius prelusit amori,  
Et Venus Ascanium noluit esse virum.

O s

Vidimus



*Vidimus augusti solum simulachra furoris.*

*Tot. aq.ue amatorum ludicra scena fuit.*

*Auduit hoc Chæuci illustris regnator Iūlus,*

*Et simili voluit conditione dari.*

*Traditur Auriaca. nec se quoque sentit amari.*

*Et Sponsi titulo parvulus Hector orat.*

*Ignecarent tede. vacuus sine compare lectus*

*Sternitur. ignar a vix rubuere gena.*

*Stat Perseus, nondum phætra metuendus & arcu.*

*Stat Telamon, sed cui Mars suus arma negat.*

*Pan gregis est, prætaque nequit gaudere capella.*

*Tiphys, at in nullis carbasa figit aquis.*

*Iupiter est populique pater, sed fulminis experts.*

*Cynthius, innocuo quem videt ore Soror.*

*Stat Castor, nondum fodiens calcaribus armos.*

*Stat Pollux, lacta nescius ipse sua.*

*Contiguas habitant terras, h.c Belgica Thisbe,*

*Pyramus hic, Amasis qui dominatur agris.*

*Longe sed armorum paries quid amantibus obstas ?*

*Et nimium Sponsis gaudia sera facis ?*

*Inversa est fortuna thori. junguntur amantes.*

*Nec tamen hos etas jungit iniqua duos.*

*Plus sociant se regna, Ducum quam corpora. robur*

*Belga capit, nullum languida Cypris habet.*

*Ludimus in magnis. At fabula seria rerum est.*

*Cur ? Paphias urget publica causa faces.*

*Si minor est Cithærea, vigil Prudentia regnis*

*Prospicit, & Dominos educit Aula sibi.*

*Quanta Patres Batavi vobis munimina surgunt.*

*Quanta prærat Patria fulcra benigna Paphus.*

*Sponsas Hesperius nunc objicit hostibus. undis*

*Edita, vult pelagi demeruisse Deos.*

*Elocat Auriacus sobolem & dum stemma genusque*

*Explicat, invidios Vos Populumque facit.*

*Quem generum vocat Imperii Dux affecta vestri est.*

*Ilia communis Sponsa salutis erit.*

Non nubis sibi, sed sociis hæc vincula terris  
 Consecrat. has uno claudit amatoque thoro.  
 Hæc diem signa, quo nos defendis amando.  
 Seu Tamesi, Iada seu speciosa proco.  
 Tuque pater Frederice, tuis annecte triumphis  
 Regna, Cupidinea qua peperere manus.  
 Quos hostes virtute domas, connubia terrent.  
 In sobole partes nos adamantis obis.  
 Castra tuus format miles. quæ nubere possunt  
 Filiola, nobis altera castra locant.  
 Quæque Duces, cingent Batarvos amplexibus ulna.  
 Tutaque basiolis septa Leonis erunt.  
 Iam gaude secura Patrum Respublica, pro qua  
 Militat Auriacus, sapè procatur Amor.

## G R A T V L A T I O,

Ad Celsissimum Principem

## G V I L I E L M V M,

Arausionens. Principis Filium, &c. Cum cæsis  
 aliquot captisque Hispanorum, CANTELMO  
 DVCE, copiis equestribus pedestribus-  
 que, victor ad suos rediret.

**P**Vgnasti Pellæ puer. nunc noster Achilles  
 Pugnat & adversos acer bellator in hostes  
 Irruit & teneram crudo Mavorte juventam  
 Asperat, Advaticosque adspersit sanguine campos.  
 Summa loquar Batarvi. Dux nondum egressus  
 ephæbis

Se stricto gerit ense virum, totasque cohortes  
 Pone premit, timidæque fugat prætexta phalanges,  
 Et Tariesiacas animosa pueritia barbæ  
 Terret & attonito galeas convellit Ibero.  
 Grande rudimentum laudati militis atas



Prima dedit. frustra jam bellatoris adulta  
 Pingitur effigies. nobis nascentis Iuli  
 Sufficit ad bellum facies. per tela, per enses  
 It gener ingentis Caroli, & regalibus orbi  
 Illustris thalamis, jam bellatricibus armis  
 Surgit & augusta donat Marvortis nupta  
 Præmia, captivosque Duces & signa triumphans  
 Ostentat Princeps Maria. Cithærea cubili  
 Hactenus, optatisque Ducem complexibus istum  
 Arcuit & scii suspendit gaudia lecti:  
 Sed partes Bellona suas prævertit & hosti  
 Objicit intrepidum. felicitis gloria pugna  
 Conjugis officium ante venit, Patriaque colendus  
 Miles abit, nondum uxori compertus amator.  
 Navita, cum tumidi sulcat spatia horrida ponti,  
 Et tempestat es sapiens moderatur & undas,  
 Nascentem secum sobolem surgentibus infert  
 Fluctibus & pelagi motus & Tethyos iras  
 Ferre docet: nunc Parrhasia nocturna tueri  
 Signa plaga, nunc vela vagis obvertere ventis,  
 Nunc decima vitare minas roburque procellæ.  
 Haud aliter pater Auriacus, cum finibus hostem  
 Arcet & Austriacæ fastigia concutit aula,  
 Et Morinum pavidis ponit tentoria terris,  
 Consortem tantorum operum bellique laborum  
 Ascanium vult esse suum. Ceu parvulus olim  
 Ivit Honorides, Hebrum victurus & Istrum,  
 Cum genitore comes. juvenisque horrentibus Afvis  
 Concussit Libyam Stilico, Geticisque triumphis  
 Clariuit & rigidi turbavit castra Geloni.

Non ultra metuendus Iber, dum junior Hector  
 Arma capit. tandem Batavum cunabula Scaldi  
 Objicienda reor. veteresque exsurgit in iras  
 Alcides puer & jugulos constringet iniqui  
 Vesperis & poterit Iuno Castella dolere.

Opprobrium, Cantelma, tuis & damna Philippo  
 Impro-

Improvisa paras. nuper per rura, per agros  
 Ad Vaholim ripasque Mosæ cataphracta trahebas  
 Agmina & erecti terrebas regna Sicambri.  
 Taxandris novus horror eras. timuere Salina,  
 Martiaque attonitos excibat fama colonos:  
 Nunc reduci Fortuna gravis secura malorum  
 Castra premit, magnaq; equitem sub mœnibus urbis  
 Occupat & prima victorem luce salutat  
 Nassovium; trepidisque infert discrimina castris.  
 Nec tua degeneres minuunt præconia dextra.  
 Dum cadis, Auriaci dextrâ cadis. ille paternis  
 Et proavum claris crescens virtutibus ultor  
 Pressa libertatis adest; totque immolat hostes  
 Inferias Gradive tibi. qua casside vultum  
 Induit imberbem, Hispani delicta furoris  
 Castigat, cademque nepos solatur avitam.  
 Hæc Brugas nescire tuas, nescire remotam  
 Parthenopem expediet, cujus de gente verendum  
 Stemma trahis dignisque satius natalibus exis.  
 Hæc audi, Francisce Melos, Superosque sinistras  
 Continuare vices, debellatæque Theone,  
 Post Gallos lætis Batavos successibus omen  
 Accipere, & sibi jam Patriâ pugnare parentes,  
 Nassoviumque Patrem. Te, ductor Borgia, credas  
 Posse capi, Batavumque ducem non triste parare,  
 Servitium, sed dona tibi. non traderis hosti,  
 Sed veluti comi captus donaris amico.  
 Vinceris officiis pariter belloque. nec armis  
 Auriaco superasse satis. laus summa triumphis est,  
 Cum quis confessos animo sibi subjugat hostes.  
 Ipse pater Scaldis tantæ dum nuncia cladis  
 Audiit infamemque fugam, gemitusque metusque  
 Andoverpa tuos, visasque è turribus altis  
 Commissas pignantum acies, aususque tenelli  
 Principis & cautæ illecebras fraudesque juventa,  
 Creditur hæc vatum præsaga voce locutus:



Parte mei languens doleo, pars altera gaudet.  
 Quaque per Advaticas labor inæstissimus urbes,  
 Fata queror. quæ Mattiacis permisceor undis,  
 Difficiles absolve Deos. Brabantia quanti  
 Nunc splendoris egēs, postquam se Spinola curis  
 Exolvit, pro Rege, tuis. hinc omnia retrò  
 In pejus ruere & patriæ sublapsa referri  
 Visa salus, erepta truci bellacæ Tungro  
 Oppida, & infessi nocituris genibus amnes,  
 Expulsique patres odius, contempta tuorum  
 Nobilitas, procerumque fides, subducta Philippo  
 Atrebatum, caesa Gallo victore cohortes.  
 Et nunc castra Neoptolemus, peditumque equitumq;  
 Signa fugat, densisque meos circumvenit alis  
 Belliger, & summis audax lanugo pudorem  
 Incutit heroum titulis, pacemque cruentus  
 Imperat, & grandes militur tyro tumultus.

At qua Mattiacus concordibus abdor in undis,  
 Et me pacato Ziviza adspicit ocello,  
 Inceptis, Guilielme, tuis, pulchrisque benignus  
 Erigor auspiciis. fortunatissime Princeps,  
 Digne Britannorum thalamis Regumque cubili,  
 Adspice stantes populos. spes quilibet audet  
 Ulterius proferre suas. ut prima fuere,  
 Exoptant ventura tibi. Victoria praeceps  
 Pompejos, Dux celsæ, refert. his vicit in armis,  
 Et formidatis felix Octavius armis  
 Ivit in imperium magnum. Quam tolleris altè  
 Exemplis, quoties sibeunt laudata Renati  
 Nomina & Otthonum generosa vocabula subdunt  
 Virtutum stimulos, quique Engelbertus in hostem  
 Acer iit; Flandroque gravis Galloque potenti,  
 Casare sub magno, incubuit. si sera revolvās,  
 Inter avos patruosque, & Martis fulmina, centum  
 Nassorios miles graderis. ne cede priorum  
 Laudibus, & te animo repetentem gesta tuorum,

Excitet aternis Genitor, Guilielme, trophais.  
 Illa senex cecinit Scaldis, merfusque sub alveo  
 Najadas augustis hac ipsa intexere stratis  
 Iussit & Auriaca formam depingere pugna.  
 Vidimus admissi vates & fecimus ipsi.  
 Cernere erat roseis Auroram surgere bigis,  
 Et celerem tardare diem. perfusa tenebris  
 Lux exilis erat; cœcique per avia gressus  
 Captabant fraudi latebras. fugientia cernas  
 Agmina capripedis Fauni, pavidasque timori.  
 Querere secessum Dryades. hic collibus altis  
 Spectat eques versatque sui discrimina cepti.  
 Hic abdunt silva peditem. sua lumina Phœbe  
 Frangit & armatas abscondit conscia turmas.  
 Parte alia ad versis crudescunt praelia signis,  
 Et pugnant glomerata acies. huic dextera telum  
 Ingerit in nexum galea. hic thorace sub imo  
 Molle latus ratione ferit. ruit alter & ictus  
 Mordet humum. pingi videas, ubi tela caballos  
 Sessoresque suos sternunt; ubi pondere lapsi  
 Corporis arma labant, contractique ensibus enses.  
 Et galeis dejectus apex. ubi missus opacis  
 Saltibus incautos pedes occupet. hic sua ductor  
 Hispanus vexilla levat, gentemque minacem  
 Objicit Auriaco. qui denso milite cinctus  
 It ducibus Dux ipse comes. de casside crista  
 Luxurians tricolor nostri prosperrima fati  
 Signa quatit. veteres, Mavortia carmina, cantus  
 Elingues recitant luui. pars sanguine fuso  
 Tingitur & post fata rubet. pars pallet & excors  
 Semi animis cadit. illa fugam meditatatur, & horrens  
 Exemplo tot signa trahit. circumvenit illos  
 Pars melior nostri, damnataque corpora ferro,  
 Aut captiva luxant. alibi, cessantibus armis,  
 Latior Auriacus spoliis insignis opimis,  
 Ad sua castra redit victor, Patrique suisque

Osten.



*Ostendit captas duro Mavorte cohortes,  
Hesperiosque duces. non longè Antverpia stabat,  
Nutantesque metu tollebat in aëra turres.  
Hoc metuens, ne quas Gallorum corpora portas,  
Civis fusa manu, quondam clausere, suorum  
Exuviis propriaque infames strage paterent.*

*Hoc donum, Guilielme, tibi tot numina Scaldis  
Vnanimesque ferunt Diva. per singula Princeps  
Duc oculos. Vatisque tui si carmina seri  
Absument rodentque dies, monumenta Deorum  
Non peritura cape. & quam non abolere vetustas,  
Non poterit fati rabies, non livor & ira,  
Adspice pralustrem, Cantelmo iudice, pugnam.*

## LAVRVS FLANDRICA.

*Sive in expugnationem validissimi Flandriæ  
Propugnaculi, quod Cataractam ( vulgò  
Sassam) Gandavensem vocant, auspiciis Po-  
tentissimorum Federati Belgii Ordinum  
ductu armisque Celsissimi Principis*

F R E D E R I C I H E N R I C I,

*Arausionensium Principis, Comitis  
Nassaviæ, &c.*

## P O E M A T I O N.

**F***Rederice, cum his seculis celebrandum  
Terrisque nomen, sospitator afflicti  
Cum Patre Belgi, Fratris adstes invicti,  
Inter sarissas nate & arma, crebrasque  
Cades tuorum; quem Battava Libertas  
Tot praliantem laureis coronavit,  
Toties quadrigis vexit & triumphantem  
Vox una mille civium salutavit;*

*Me teste, Salus conscius tua fama est.*

*Me teste, Sylvam subruis per accessus*

*Homini negatos & lignonibus subdis*

*Castella fossor. militant tibi noctes,*

*Vesaliamque bellicosque Trajectus*

*Mosa, labori subjecis Camœnarum.*

*Me teste, Breda, dos avita majorum,*

*Non fraudulentâ puppe, non fame dura,*

*Sed Marte aperto victa cessit audaci.*

*Te per profundos cœruli maris fluctus*

*Fui secutus, classibusque permixtus*

*Submersi Iberas victor. adstiti vates,*

*Cum per Matancæ littus auream Cuba*

*Vomeret saburrâ, & creditum fuit terris,*

*In Occidente posse Colchidem vinci.*

*Sic parte mundi qualibet trophæorum*

*Monumenta Fama gloriaque suspendi,*

*Hastasque & enses cassidesque victrices*

*Classes ratesque nuncupavimus Phœbo.*

*Iam, Flandre, restas, tuque terra florentis*

*Ocelle Belgæ, quam suis fecat Scaldis*

*Bellator undis, Ganda grandis illustrat,*

*Quondam tuorum Ganda Principum sedes,*

*Brugæ celebrem reddidere mercatores,*

*Formidolosus Principis sui carcer.*

*Antiqua Morinûm regna, stamus in vestra*

*Tellure Battavi, stamus ensibus strictis,*

*Stamus cruenti, quamque non queunt vota*

*Placare nobis & sororians nomen,*

*Et illa quondam in Cantabros fides concors,*

*Vi Federati Martis imus invasum.*

*Trophæa Regis purpuræque Francorum*

*Cient volentes, Liliisque succedit*

*Furor Leonum sanguinisque Iberorum*

*Potator avidus Belgæ. Scilicet famâ*

*Audi vit arma Gastonis, tot Heroum,*

*Quos*



Quos bellicosi Martis ardor exciuit,  
 Tumultuantis grande fulmen Europa,  
 Et militantis clara nomen i orchestra.  
 Patuere nuper Brisacensium porta,  
 Rhemique fractum robur. Atrebas supplex,  
 Rupeſque frustra se tuentis Heſdini,  
 Et illa, Fama cymbalum, alta Perpenna,  
 Ceſſere Gallo. Tuque viſta poſtremum  
 Grevelinga, dextrum Flandria latus nudas,  
 Novaque ſceptris pandis aream laudis.

Lodovice ſequimur, & velut laceſſiti  
 Armis tuorum, tollimus facem belli,  
 Latusque fortes incubamus in levum;  
 Morinumque caſtris mutuis fatigamus.

Iacet in reſſu flexibusque terrarum  
 Cataracta Ganda, Civitatis aſſertrix,  
 Tutela gentis Vvaſi aque telluris,  
 Furentis in nos limen acre Bellona.  
 Hinc fluctus illam Neræusque pracingit.  
 Hinc Veſta foſſis arcibusque præmunit.  
 Inviſta vallis, mœnibus minax celiſis,  
 Pulchrum recentis Principis rudimentum,  
 Patriæque ludus Martius ſenectutis.  
 Hac fracta noſtro paret Imperatori,  
 Docuitque vinci poſſe, quicquid inviſtum eſt.  
 Oppoſta dextra dextra, milii miles,  
 Et aggeri agger, cornibus ſuum cornu,  
 Latebra latebris, horrido tribunali  
 Aliud tribunal, flebilique baliſta  
 Baliſta, crebro fulmini obvium fulmen,  
 Glandesque dira glandibus, duci ductor.  
 Hic dimicatum eſt, Phœbe, lucibus totis.  
 Hic dimicatum eſt noctibus tuis, Phœbe.  
 Arena arenis, gleba reſtitit glebis.  
 Ligo ligones, haſta truſit haſtatos,  
 Vltorque in enſes enſis ivit adverſos.

Non hinc pepercit fabricator armorum  
 Vulcanus igni, non tonitruis Brontes.  
 Vomuit Pyracmon nitra, sulphur & flammam,  
 Fumasque fumum involvit & jubar Solis  
 Furatus orbi est. adstuit serox Clotho  
 Fossis in ipsis, syllabosque conscripsit  
 Tot savienti ab hoste vulneratorum,  
 Tot gloriosa morte funeratorum.  
 Pluto penates subruui tenebrarum  
 Vt sensit, ipsis Inferis novum terras  
 Parare bellum credidit. flagellorum  
 Intendit istius trux Megara fossori.  
 Acresque morsus Cerberus minabatur,  
 Latratibusque coeca regna concivit.  
 Mirata Tethys hic suas aquas sisti,  
 Illic refundi, ludus, inquit, humana  
 Licentia sum facta, nec mei compos.  
 Qui subdit urbes Dux, coercet invitam,  
 Et subdit aquor, arbiter mei regni,  
 Partesque nostri Belga juris usurpat.  
 Quid attinet, tot di vidi Deos inter  
 Imperia mundi? miles ista confundit  
 Fredericus, & jam sevit in domos Vesta,  
 Nunc fluctibus dat jura & imperat nobis.  
 Tonantis aula, quae per aetheris tractus  
 Tonat, vagisque nubibus faces torquet,  
 Clamavit, haec miracula posse mortales,  
 Aliisque rursus se videre Typhonas,  
 Tityos renasci Caesaresque Tarpeios,  
 Salmonesque fulminare sub caelis.  
 Vis juvit artem, industriamque spes laudum,  
 Et fata pedibus pressit ambitus lucri.  
 Hic in paludes, in profunda terrarum,  
 In regna Ditis, inter imbrum lapsus,  
 Inter cadentum corpora & neces mille,  
 Traxit salutis prodigam sua turbam.



Paciscitur mors ipsa cum laborante,  
 Et are redimit corpus & manus parvo.  
 Commune pactum est, plurimumque mercedes  
 Aufert uerstes, & quibus furor belli  
 Pepercit & fors ipsa, duplicant sortem.  
 Ibant cohortes rarius reuersura.  
 Quos uidit Eos, abstulit ruens Vesper.  
 Quos Vesper, Eos prima uidit extinguit.  
 Iam basulans cadaver, ipse effertur.  
 Feriens feritur, ictibusque concurrunt  
 Ictus utrinque. quisque labitur cæco  
 Autore facti. magna pars cadit gratis,  
 Abitque inulta. preliatur Euclides,  
 Et arte pugnat, angulisque uallorum  
 Infert labores, & latus carvet pandum,  
 Ne machinis fatalibus suos mactet.  
 Ad lineas pugnatur, inque transversas  
 Turni feruntur. hic Phrygem necat Graius,  
 Iber Sicambrium, nunc Sicamber Hispanum,  
 Flandrum cruentus Celta, Nervium Celta.  
 Quos Principum non una causa distinguit,  
 Confundit unâ mors ferociens glebâ.  
 Metimur arctis passibus uias lethi,  
 Et queis honori, adrepimus simul morti.  
 Libitina nomen saepe mutat heredum,  
 Ducumque titulos, postulata uiuorum.  
 Iam factus hares, ilicet fit exhæres.  
 Iam Dux creatus signiferque, non est Dux,  
 Aquilasque eadem qua manu capit, ponit.  
 Semiruta uidit hospes arcium tecta,  
 Minasque grandes, fabricasque pendentes  
 Fastigiorum, machinisque subuersa  
 Tot cæpta rerum, vineasque pontesque  
 Arundinesque, fulcra molis humana.  
 Talis ruentis Ilii fuit uultus,  
 Et Pergamorum, turribus fatigatis,

Tales Platæa, porticusque Didonis,  
 Arces Corinthi, verticesque Pyrei,  
 Numantiæque scena jam fatifcentis.  
 Quò vis furorque gloria Duces raptas!  
 Et sueta nil timere pectora Heroum!  
 Se quisque primum devovere vult fati,  
 Aliisque crudæ præripit vicem pugna.  
 Hæc imperantis gratia est, in adversos  
 Tumulos & hostes & pericla præmitti.  
 Pugnasse vile est; majus, immori ferro.  
 Nec mors honori est, sola per placet præceps,  
 Horisque prævenisse fata, quanti vis.  
 Tanti est, loquentis ore posse laudari,  
 Et otium superstitum fefellisse  
 Sermone nostri, laudibusque, quas nescis.  
 Nec castra solum trivitt hosticus miles,  
 Pugnatum Olympo est, Æolisque nimbisque.  
 Nocuere menses. ipsa Aquario Libra  
 Surripuit Vrnæ, & imbribus procellisque  
 Castella, fossas, militemque inundavit.  
 Calcata pedibus unda, & in viis turmæ  
 Vigiles natarunt, ordineque bellantes  
 Se semimerfos obtulere Mævorti.  
 Maduere fessa corpora, & suos usus  
 Sclopeta nesciere, & ignium fraudes,  
 Lapsaque ab alto lachrymabiles moles,  
 Multaque grassans clade barbarum pondus.  
 Spectabat excors Dux Iberus obsessos,  
 Fluviique custos pravus & suæ gentis,  
 Inusitados stupuit impetus Belga,  
 Morasque nullas improbosque conatus.  
 Et consili expers, quos severus obsessor  
 Et fata damnant, liberare desperat.  
 Sic victa nondum, exuta mœnibus nondum,  
 Custode querulo Sassa dedita est nobis,  
 Decusque raptum Flandriæ gemiscenti.



Quæ fixa vultu, totque cladibus incens,  
 Et Sequana victoris ægra fulgore,  
 Iam fata Regis undequaque concussi:  
 Nunc invidorum studia scæva rectorum  
 Opesque fractas; jam reciprocæ sceptris  
 Sortem vicesque; jam petenda longinquis  
 Consilia terris, impotenter incusat,  
 Damniq; causas vellet esse solamen.

At læta lætos Federata Majestas,  
 Implicuit altis frontibus triumphantum,  
 Patrisque Filiique. Principum currus  
 Traxere ovantes, vindicata Libertas,  
 Constantiæque robur & vigil Cura,  
 Fidesque tot sororibus sacrosancta.  
 Sic Scipionum, Patris & simul Fili,  
 Patuere turba tot Quiritium, vultus.  
 Cum Filii pro patre dextra pugnaret.  
 Pro Filio se sisteret pater miles.  
 Qui mersus undis belliger Leo surgit,  
 Gævisus undis altius jubas tollit.  
 Et ungue eodem, quo tenet Philippinas,  
 Sisyamque & agris imminens Isendicum,  
 Has prendit Arces. Nereï domus prisca,  
 Mattiaca tellus, vota nuncupat Divæ  
 Securitati. Fama distulit veri  
 Portenta latè, & omne litus implevit,  
 Quo Celta, quo Britannus, & querens Cimber,  
 Et Suecus acer Cantaberque depugnant.  
 Sed VVasiorum rura fertiles glebis,  
 Messesque opimas, & tributa victori  
 Duci obtulere. maximus Gigantæam  
 Invasit urbem terror, & mæa dulces  
 Patriæ recessus. Ganda, qui tuus civis,  
 Iam nunc procaces pavidus exiit linguas.  
 Si nos sefellit sæpius labor tantus,  
 Peracta res est. Ecce, transit vestri

*Rubiconis amnem Dux Batavus & latum  
 Portendit omen. Tu celebrior gaude hoc  
 Tutore Flander, fratribusque in insuete  
 Adsuesce nobis, Cantabrisque desuesce.  
 Agnosce socios. sat letavimus duri  
 Regis furori, victimisque nostrorum  
 Domini ferocis expiata vindicta est.  
 Veni vacate, nec meis refragare  
 Dilecte votis. prima gloria est victi,  
 Se nosse victum. consilium sibi caute,  
 Armis minores; nec suprema conari,  
 Fas est timentem. lege transigi tutum,  
 Crudele ferro. multa victor indulget  
 Nondum subactis. Pacis offero dextram,  
 Bellumve. quod vis, elige. hoc caput rerum est.*

## MAVRITIVS REDVX,

Sive Gratulatio ad Excellentissimum  
 & Illustrissimum Comitem,

I. MAVRITIVM,

Comitem Nassaviæ, Cattimeliboci ac Dietziæ,  
 Bilsteinii Dominum, Brasiliæ Terra Mari-  
 que Præfectum, &c. Cum ex Orbe A-  
 mericano in Europæum sospes  
 appulisset.

**N**Assovius trans aquor adest, reducemq; salutat  
 Belga Ducem. nondum Phœbo fervente perustus  
 Se prisco candore probat, patriique coloris  
 Et juxta veteris servat vestigia recti.  
 Iverat Occiduum missus bellator in Orbem,  
 Et terras, Sol fesse, tuas. non visa ruenti  
 In laudes Europa satis, famæque suorum  
 Pars mundi concussa prior. quærendus in orbe  
 Barbarico fuit hostis Iber, vincique sub ipso

Vespe-



Vespere regnatorem Asia dominosque Philippos,  
 Dis visum Superis. hic opportuna trophæas  
 Ingens se tellus aperit, diffusaque vastis  
 Regna plagis nudisque truces cultoribus agri.  
 Hic alios hominum mores miramur & urbes,  
 Corporaque humanis foede distenta medullis,  
 Infamesque dapes & qualia fercula fratri  
 Coxit & immanes Atreus detrusit in artus.  
 Hac belli laus summa vivis, in viscera victos  
 Condere & in viscos discerpere dentibus hostes,  
 Ne toti noceant, vel ab ipsa morte resurgant.  
 Hic alium Castella olim conspexit Olympum,  
 Dissimilesque facies. oculis disparuit Arctos,  
 Et ferus Alcides. nusquam sua signa Bootes  
 Sustulit aut strictum Perseus se tor sit in ense.  
 Phyllyriden stupuit, quique altius exit in Austrum  
 Indus & ara Deum. geminis solamen ab umbris  
 Terra capit, quas nunc dextras, nunc ire sinistras  
 Adspicit. hybernis quoties nos noctibus acre  
 Calcamus sine Sole gelu, Titania lampas  
 Æstuat & fuscas exurit fervida frontes.  
 Non illic ripa Vahalis Rhenique bicornis  
 Ambulat, aut Ligerim Scythicumq; ad spectat Ara-  
 Incola. Amazonia generosa vocabula gentis (xem  
 Indunt nomen aquis, & qui per rura Maragnon  
 Longa ruit nitidasque argenteus evomit undas  
 Plata patens. vix obliquis se sidera condunt  
 Flexibus & parvo distant discrimine luces.

Non his, vasta licet, Romana potentia terris  
 Intulit audaces aquilas. non cepit Olindam  
 Gracia. non illis allatus psittacus oris (bas,  
 Reddidit aut Spartam aut Cadmi fundamenta The-  
 Aut te Miltiade, aut tua victor nomina, Thefeu.  
 Hesperie fors ista fuit, servataque Bati  
 Gloria rectorique Tagi. se barbarus illi  
 Tradidit & serò dominis adsuevit Iberis.

Nos etiam, quorum virtus Mavortia nescit  
 Stare loco, Plusque, exemplis regalibus, Ultra  
 Vadit & ingentem grandis fiducia Tethyn  
 Trajicit, infernas mox perruptura paludes,  
 Ivimus, & lauros illis suspendimus oris.  
 Sic fruimur raptis, & qua quondam regna fuere  
 Capta Tago, nostris spoliis cessere Batavis.  
 Mansuetas hic Belgæ domos & mitia tecta  
 Possidet. Auriacis titulis expungimus Indos,  
 Hispanosque duces. longe migramus & ipsi  
 Oceano inducit peregrinos Belgicæ cives,  
 Ædificatque foris. mutat cum gente colonus  
 Sidera, in auriferas diffundit nuntia valles,  
 Ipsaque pallentis penetrabilia concutit auri,  
 Et terret secreta Erebi. sua sacchara nostras  
 Latatur tractare manus dulcissima tellus;  
 Mattiacosque illic & respirare Sicambros;  
 Sævus ubi crudis habitator vixit ab extis,  
 Horrendæque artus hominum secure secures.

Maxime Dux, hæc terra tuis servata triumphis,  
 Imperiisque fuit. dudum sub Principe Celso  
 Miles eras, nostrique adspersus pulvere belli.  
 Publica magnanimus juvisti commoda cæptis,  
 Cum validam Tartessiacis è faucibus Arcem  
 Eriperes, Rhenique domos & claustra Batavis  
 Assereres, vestra facinus memorabile dextra.  
 Tunc latus immensum mundi, quod nesciit ævum  
 Omne, tibi in meriti precium spatiumque futuri  
 Cessit, & intrepidi successor magne Columbi,  
 Vespucii sectatus iter, cum Sole stetisti.  
 Hic sibi Natura longissima linea metam  
 Fixit: anhelantes isto sub cardine Phœbi  
 Adspectamus equos. nec latius exit honorum  
 Regnorumque fames & vis peregrina sciendi.  
 Constitit extremis in Gadibus ilia potentis  
 Alcmena soboles & finire Columnæ



Imperium. Latius etiam rectoribus olim  
 Ultima suffecit Thule. Tibi trans mare magnum,  
 Atlantisque vagos fluctus & Nerea vastum  
 Surrexere nova gentes, dominumque ducemque  
 Agnovere truces populi. sua Numina cuncti  
 Devovere tibi, & nudati membra lacertos  
 Exerere tuis iussis, & tela pharetris  
 Depromsere suis. pluma lusere per armos,  
 Et picturato gratati corpore, vobis

„ Iuravere fidem. nec enim gens nescia justis est,

„ Ipsaque barbaries aliquid presentis honesti.

„ Natura se lege probant, inscriptaque menti

„ Cœlitus officii versant distamina, quamvis

„ Obruta se condant multa caligine virtus.

Quot circum regnis, tot linguis cultus abisti,

Nec dispar morum ratio discrevit amorem

Obsequiumque tui. te suspexere feroces

Indomitique animis turba & mitescere sub te

Efferat vis potuit facilique adsuescere vitæ.

Excussa manibus clava, & lethalibus arma

Cotibus & rigidi damnato in corpore funes.

„ Sic natum male, mansueta sub lege renasci

„ Possit hominem, jam certa fides. per strata viarum

Ambulat, & nostro sub sidere barbarus exit,

Et priscum discit velatus membra pudorem.

Eheu, quanta viris feritas & nescia luxus

Vita rudis, quales agresti lumine vultus,

Quam pertusa genas facies, quam mollis flexu

Brachia, præcipitque per avia pulsat humum pes

Turbine, seu celeris sequitur vestigia cervi,

Seu mediis velox leporem sectatur in agris.

Quam gnari torquent jaculum, doctique ferire

Obvia, non vanis prosternunt ictibus hostem.

Hoc memini. Batavo solventem è littore cunctos

Contra te maris esse Deos, Zephyrosque Notosque

Disjecisse rates, irataque numina sorti

Invidisse

*Invidisse tua. quid enim? tunc altera Iuno  
 In Belgas inimica stetit. te Iuppiter ire  
 Ænea fato voluit, perque aspera rerum  
 Per casus pelagi varios, longinqua tueri  
 Littora & in terris aliis Latioque reponi,  
 Arcton in Occasum portare deosque penates.  
 Alter eras tum Scipiades, qui subruit Afrum,  
 Trans mare. nec fuit hac solius gloria Pceni:  
 Tu nobis Hanno victuris classibus orbes  
 Accessisse novos ausus, glebisque focisque  
 In patriis habuisse, duci plus vile putasti.  
 Eudoxo deserta Pharos Memphisque superba  
 Et contempta fuit Lathyri domus hospita regis.  
 Scandit Erythraeum pelagus, ratibusque profundum  
 Emensus, tandem Hesperius stetit exul in oris.  
 Hac Nicia fortuna fuit, Crajique Canones  
 Per fluctus abiere foras. fors ista Lysandrum  
 „ Extulit & Roma dominos. virtute probantur  
 „ Et pelago grandes animæ. discrimina fortes  
 „ Nos faciunt, nec parva timet, cui spernitur æquor.  
 Sed veluti saluus, post mille pericula, tandem  
 Constitit ad Tiberim Ductor Trojanus, & æquos  
 Expertus sensit Superos, stas littore sospes,  
 Brasiliaque domos jamque hospita saxa subisti,  
 Vallatamque urbem scopulis, habitataque nuper  
 Hispanis loca, & illustris fastigia regni.  
 Victor in adventus es. primusque à Principe vinci  
 Se doluit Baniola ferox. fugere phalanges,  
 Et Calvi sua cesserunt araria Portus.  
 Fortunatè Comes, memorandi nominis hæres,  
 Hæc Tropici videre geri. quæ fascia Phœbo  
 Hic illic desinit iter, tua facta sub isdem  
 Limitibus claudi voluit, Cancroque Caproque  
 Hoc belli finivit opus. cum victa Peneda est,  
 Creditur ipse tibi Chiron acuisse sagittas,  
 Et juruisse Ducem. scutum porrexit Orion,*



Indigetes toto cum littore pelleret audax  
 Dexterâ, & antiquis se maxima Pernambucum  
 Fascibus exueret, tanto securâ magistro.  
 Nec visum sœvire tibi. clementia gentis  
 Dos aeterna tua est. cunctis spes certa salutis  
 Ex æquo vitæque datur, placidisque vagantes  
 Legibus atque ipsum in vitas placatus Iberum.  
 Nec satis hoc. munis urbem terraque marique,  
 Præcludisque aditus hosti, dum nubibus imbres  
 Nimborum extundit pater, accessusque viarum  
 Laxat & angusto saluant in gramine Fauni.  
 Vix firmata tuis fuerat Respublica curis,  
 Accepitque suas regio placidissima leges;  
 Mittis in oppositum bellacia classica Nigrim,  
 Et latè subvis conspersum littus arenis.  
 Æthiopum statio est, quales Acheronte sub imo  
 Degeneres vadunt Genii. jacet edita vallis  
 Mina potens, dudum Austriacis infessa Philippis,  
 Vnica mercantis tremor & formido Batavi.  
 Cepisti atque tuis accessit clara trophais.  
 Deerat adhuc rostratus honor, domitisque corona  
 Classibus, extremis cum te pars hostica fatis  
 Et vicina suis terrerent mœnia transtris,  
 Sanctorumque chorus. tu per spatiosa vagantes  
 Æquora, fatalesque minas & bella ferentes  
 Mersisti & multo damnasti funere fortes  
 Baticolas, fastumque Tagi. risere serena  
 Nereides, fœvitque tibi mare, sidera, venit.  
 Qua sibi suppositas ferit ardens linea gentes,  
 Immensamque secat spatiis equalibus æthram,  
 Terra jacet, totoque natat circumflua ponto.  
 Morborum succique ferax rorisque beati,  
 Quem canna dulces generant. Sic arca laudum  
 Panditur, hac vestras tellus admisit habenas,  
 Et dis Angolæ cultor, sparsique per oras  
 Oceani nigri indigena, candensque ministrat

Hic ebur, hic fulvum mercanti porrigit aurum,  
 Venalesque animas precio transcribit iniquo.  
 „ Cur bona libertas homini subduceris? & cur  
 „ Vis servum natura pati? coelestis imago est,  
 „ Quisquis homo est, natusque sibi vim respuit in-  
 „ Mortales aequis generamur legibus omnes, (sons.  
 „ Iure pari, mox dissimiles injuria fecit,  
 „ Et belli furor & rabies insana nocendi.  
 Pacificos etiam fluctus Chilenque remotam  
 Auspiciis tetigere tuis gens nostra, vique  
 Ignota patuere maris, compendia ponti,  
 Quaesitumque fuit, quod non invenimus, aurum.  
 Magne Comes, stitit una tuos pax obviam cursus,  
 Et Lusitanis veniens Concordia terris,  
 Suspendit Mavortis opus; framaeque tubasque  
 Et bellatrices passim compefcuit iras,  
 Ipsaque paciferam Bellona ostendit olivam.  
 Non moriture Ducum, prisca venerabile germen  
 Sanguinis, ignotum nobis jam note per Orbem,  
 Ad Batavos veteremque redi, fortissime, mundum.  
 Non effœta tua laudis mea Belgica, causas,  
 Quaeis merearis, habet. restant praeclara laborum  
 Argumenta domi. pandit tibi Flandria laxos  
 Mox vincenda sinus. hic nondum fecimus armis  
 Otia. fervet amor belli, paribusque Philippi  
 Regna fatigamus studiis. Tu barbara sperne  
 Verba, Magajates, & qui sibi lurida formant  
 Tela, Tabajarres, & pictos membra Tapujas,  
 Patagones, & Canibales, pastumque cruore  
 Humano deforme genus; duosque Caëtas  
 Tupiguas & Amixocoros servosque Pirivos,  
 Et Tupinaquorum populos. dedisce parumper  
 Ista loqui, Germane, & vocibus utere nostris.  
 Et Batavos Frisiosque sona, mitemque Sicambrum,  
 Mattiacos Morinosque & quos sovet Isala cives.  
 Fulminat in Morinis cognati sanguinis Heros,



*Auriacus, sternitque viam, qua possit adiri  
Ganda vel angustis Antverpia digna triumphis.  
Adsis, magnanimoque humeros suppone labori.*

*Vosque aded, Patria Patres, quibus inclita belli  
Gloria surgit ab Occasu, tot Vespere in ipso  
Emeruit celebres vigilans industria lauros,  
Hesperiaque accidit opes; defendite magnis  
Cœpta animis, Siculumque istis avertite Regem  
Finibus, auriferamque Peru Cuscumque Quitumq;  
Et pulchros longè Potosi convellite montes.  
Hac finem bellis regio dabit. illa potentis  
Imperii suffulcit opes & roborat tellus.  
Obruite hunc orbis dominum, quo pugnat Iberus,  
Orbe alio. geminos in se committite mundos,  
Et caput Hispanum Occiduis demergite terris,  
Ut Phæbo labente labet. qui viribus in nos  
Accrescit gliscitque novis, hinc pabula Marti  
Sufficit, & strictos aeternum nutrit in enses.  
Mercedem pugnis subducite. vadat Iäson  
Alter & in claros deducat carbasa portus,  
In Belum Panamamque & diem invadite fortes  
Colchida, & effossis Indum spoliante metallis.  
Ite Patres, monstrabo viam per Amazonis undas.  
Hoc duce, Perruvio toti fulgebitis auro.*

In Grollam à Principe  
FREDERICO HENRICO  
obsessam & victam.

**Q**ua toties de me meruit fortuna triumphum,  
Hoc iterum spectat castra Batava loco.  
Materies sum clara Ducum; laudumque palæstra  
Austriacos inter luctor & Auriacos.  
Et simul impatiens pacis, dominique prioris,  
Ut vincar vincor; muniore, ut peream.

Quid,

*Quid, Frederice, truces immittis tui ribus ignes,  
Sulphureisque quatis moenia nostra globis?  
Do tibi victa manus. nobis si infamiae vinci est,  
Auspicium famae Grolla futura tua est.*

In aduentum Principis  
**FREDERICI HENRICI**

sub vesperam, post superatam  
Grollam.

**D**um nova Batauico tibi parata est laurea bello,  
Excipit & reducem patriae laeta Ducem,  
Vesper erat, Phoebusque suos jam miserat ignes,  
Aetheraeque polo delituerunt faces.  
Phosphorus indoluit tantis decreta triumphis  
Publica subiecta gaudia nube tegi:  
Ipsaque tum tenero succrescens Cynthia cornu,  
Optabat fratris lumine posse frui.  
Tota tamen festis collucent compita flammis,  
Quemque negat coelum, dat tibi Belga diem.  
Fac etiam nullo tenebras splendore fugari;  
Sat Batauis noctes, Te veniente, micant.

De eodem PRINCIPE ad ISALAM.

**I**sala, qui magno debes tua flumina Druso,  
Isala, Romani grande laboris opus;  
Redde Ducem Batauis, cuius victricibus armis  
Tutus inoffensis exspatiaris agris.  
Vtraque securis calcatur ripa colonis,  
Et procul à patriae finibus haeret Iber.  
Quem tibi pugnantem socii concedimus, illo  
Pacato liceat jam modo posse frui.



## EPISTOLA AMELIÆ

Ad

FREDERICVM HENRICVM,

maritum, audacius sub ipsis SYLVÆ-DV-  
CIS mœnibus militantem.

*S*I vacat, & nullus circum tentoria miles  
 Inflat Arausiæ classica rauca sonis:  
 Nec medios inter cuneos fossasque globosque  
 Efferus, & multa cade cruentus ovas:  
 Has lege sollicita, mihi fas ita scribere, voces  
 Conjugis, Amelia tristia verba tua.  
 Arma, jube, sileant. nec, dum tibi nostra leguntur,  
 Verberet obsessas machina sæva domos.  
 Ipsa, puerque tuus, blandissima nomina, pugna  
 Fortè breuem poterunt promeruisse moram.  
 Hæc ego dum scribo, tabulis dum littera currit,  
 Vaguit ad moeam parvæ Loysa manum.  
 Auriacusque, tua recubans in parte cubilis,  
 Invocat, absentem quem videt esse, patrem.  
 Et nunc ille meis, nunc hærens illa laceratis,  
 Multa ferunt matri basia, nulla tibi.  
 Aspice, quam primâ numeras distare secundam,  
 Linea stat foedâ commaculata notâ.  
 Hic mihi scribenti subito puer impete trusit  
 Audacis tremulam patris amore manum.  
 Quas tamen adspersas tabulæ circumspicias undas,  
 Flumina sunt oculis præcipitata meis.  
 His tibi, magne Ducum, lacrymis, hoc rore litamus,  
 Hæc sunt militia præmia missa tua.  
 Segnior his forsan medios aspersus in hostes  
 Ibis, & impavidum negliget armacaput.  
 Quid Frederice ruis? jam te per tela, per enses

Audio

*Audis vicino mœnibus ire gradu.*  
 Totque inter casus, dubiique pericula Martis,  
 Hostica nocturno tangere castra pede.  
 Si tibi conjugii nomen venerabile, cur me  
 Conjuge vis, eheu, posse carere meo?  
 Si placet Ameliæ quicquam, si vultus & ora,  
 Pallidulam tanto cur facis esse metu?  
 Se tibi lata placent facilis responsa marita,  
 Cur cupis his ipsis me titubare malis?  
 Si mihi vernantis lumenque decorque juventa est,  
 Desine sic rugas accelerare meas.  
 Squallida jam luces, jam squallida transigo noctes,  
 Duraque sum, dum tu dura vir arma geris.  
 Non mihi cesaries compta est, velut ante solebat,  
 Ordinibusque nitet vitta decora suis.  
 Non saturata placet Tyrio mihi murice palla,  
 Quæque meos decorat fimbria pulchra sinus.  
 Omnia negligimus, vestes, famulasque domumque,  
 Dumque tui cura est maxima, nulla mei est.  
 Conveniunt matres, & , dum tibi militat æther,  
 Illustri cupiunt corpora veste tegi.  
 Scilicet ingrediar medias securo per urbes,  
 Pro patria pernox tu fera bella geras?  
 Et mea fulgentes decorabunt tempora gemmæ?  
 Dum tua bellatrix tempora cassis habet?  
 Vel manus ista comam pettet? tua diriget enses?  
 Et fracto curis Principe, mollis ero?  
 Quin potius belli tristes imitata labores,  
 Nolo nimis dispar cultibus esse tibi.  
 Incedo discincta, dolens, sine viribus uxor,  
 Fortè etiam, tibi dum scribimus, orba viro.  
 Nec me divitiæ, nec me decor afficit aula.  
 Hoc juvat, Auriaco conjuge posse frui.  
 Iam tibi Pene'ope, jam sum, sine conjuge, Phyllis;  
 Et, velut Hippolyto Phadra, misella queror.  
 Increpat Oenone Paridem lasciva procacem;



Hac mea bellacem pagina mœsta Ducem.  
 Exprobrat Hypsiphyle Æsonida, Sichæia Troia;  
 Longè aliud conjux quod tua damnet, habet.  
 Flebilis absentem Hermionè deponit Orestem;  
 Hoc quoque, sed prohibent invida bella, velim.  
 Obscrat & repetit multis Ariadna querelis  
 Thèsea; te peterem, ni magnis arma petas.  
 Vna tot è Danaïs conjux miserata maritum est;  
 Tu, Frederice, tibi parce, miserta mei.  
 Tyndaris ista suos Paridem celabat amores.  
 Non ego. quid timeam, clamat apertus amor.  
 Vt caveat fluctus, Sestos transcribit Abydo.  
 Longius abscedas mœnibus, Haga rogat.  
 Dum possum suadere tibi, suasisse juvabit.  
 Dumque licet, cupio consuluisse viro.  
 Vt te non possum, possum metuenda videre.  
 Sæpè piæ voces conjugis omen habent.  
 Castra, duces, litui, flamma, certamina, fossa,  
 Singula sunt damnis verba tremenda suis.  
 Horret, & ingenti trepidat formidine pectus.  
 Nec mea sum, cum tu desinis esse tuus.  
 Desinis esse tuus, cum Princeps bella capeffis.  
 Si titulo gaudes Principis, arma jube.  
 Non pugnare Duces, sed sunt dare jussa parati.  
 Militis hæud partes, imperitantis habes.  
 Tota salus patriæ Ducis est, non militis illa est.  
 Hic leve, sed pondus grandius alter habet.  
 Non unum te tela petunt, mittuntur in omnes;  
 Vulnere communi Dux populusque cadunt.  
 Vulnere quæ tua sunt, etiam sunt illa Loysa,  
 Sunt etiam Ameliæ, Nassovique tui.  
 Quod si magnanimas succendit gloria curas,  
 Non minor hæc vivi; quàm morientis erit.  
 Sunt juvenes bello insignes, & fortibus armis,  
 Parent imperio castra Ducesque tuo,  
 Audaces aptant gladios ad jussa Britanni,  
 Quosque

Quosque suos, Galli, raptat in arma furor.  
 Stant coram intrepidi, Mavortia nomina, Scoti,  
 Stat coram impavido pectore Belga tuus.  
 Sunt etiam toto braccati corpore Rhati,  
 Et transalpinis agmina missa jugis.  
 Hi tacitos subeant vallos, hi moenibus instent.  
 Et formidatis stentque cadantque locis.  
 Sæpè Duce[m] fortuna premit, magis aqua minori;  
 Quosque rapit, nulla cum ratione rapit.  
 Parce tibi. alterius facilis jaçtura sepulchri est.  
 Rarior Auriaco nomine ductor adest.  
 Sufficiant miseranda tua tot funera gentis,  
 Et tot Nassovius Belgica clara rogis.  
 Solvimus inferias Regi. sat sanguine in illo  
 Hesperii luimus subruta scepra soli.  
 Te patriæ superesse tua, sobolique, mihi que  
 Convenit, & solos progenuisse Duces.  
 Sin exempla movent, domitor Carthaginis alta  
 Militis officium noluit esse suum.  
 Imperio decus omne stetit. plus militat ille,  
 Consilio quisquis provida bella gerit,  
 Hectoreis toties conjux cur obstiit ausis?  
 Cum ferus Argolicas perderet igne rates.  
 Credidit hoc solo defensam vindice Trojam,  
 Credidit hoc uno Pergama stare viro.  
 Quàm vereor, Princeps, ne, te moriente marito,  
 Objiciat casus Laodameia suos.  
 Quàm velit hoc Vesper, quàm regia tota Philippi  
 Gaudeat, & nostris rideat una malis.  
 Non ego Nassovium, mox ut non esset, amavi,  
 Aut viduo peream nupta relicta thoro.  
 Speravi thalamos, ut conjux conjugis essem.  
 Ne, precor, has partes dissociasse velis.  
 Quàm male bellantum studiis, sociantur amantum,  
 Et pugnax sorti laurea juncta mea est.  
 Principis esse velim, non duri militis uxor.



Postremum hoc titulis exime, sospes ero.  
 Nunc metus atque aliis haret formido medullis,  
 Multaque dum timeo, plurima fingit amor.  
 Et forsam meus errat amor, patriaque nocebo  
 Femina, mandatis imperiosa meus.  
 Nil moror. unius mihi credita cura mariti est.  
 Omnia sunt domino damna minora meo.  
 Quid mihi privatis urbs expugnanda periculis.  
 Proderit? & tanto pignore victus Iber?  
 Si prosis aliis, uni mihi Sylva nocebis.  
 Non Batauvus tanti, totaque Sylva mihi est.  
 Vincere te cupio, cupio plus vivere. nolim  
 Auriacum Decius, Attiliusque parem.  
 Scipiadem potius, potius te Nestora vellem.  
 Non mihi Pelides, Priamidesque places.  
 Pugnavit Telamone satus, sed suavit Vlysses;  
 Præmia suadentis sola fuere viri.  
 Si furit, & rutilis princeps Gustavus in armis  
 Militat, & Daci tergora pone premit:  
 Hic Boreæ propior, cæloque animatur & undit  
 Acrius, & totum possidet Vrsa Ducem.  
 Plus mites Batavi. rigida te longius Arcto,  
 Longius immitti sidere Delpha dedit.  
 Et tuus imperiis genitor laudatur, & armis.  
 Bella sed imperio rexit & arma suo.  
 En, tua tuta jacent aliis munimina vallis.  
 Hic eques, hic sequitur Martia signa pedes.  
 Hic tormenta crepant, illic in viscera terra  
 Itur, & infestas exigit alter aquas.  
 Hic haret statione alius, procul excubat alter,  
 Hic cadit, hic hostem vulnerat, ille fugat.  
 Omnia dum sunt, dum belli cuncta geruntur,  
 Sit satis, hoc nutu Principis omne geri.  
 Quæ vincunt alii, tua sunt. tu moenia victor  
 Subruis, & tantum conficis autor opus.  
 Tu ruis in jugulos absens, tu tota revellis

Flumina, tu iussis stagna lacusque domas.  
 Omnia debemus capiti. Tu desine cœcas,  
 Hæc lachrymans scribo, du Fort inire vias,  
 Aut ego, quod solum superest, per tela, per ignes,  
 Castra per, & cuneos irrequieta ferar.  
 Insequar Auriacum. nec tunc procul ire vetabo.  
 Si volet, ipsa inter tela, licebit, eat.  
 Tunc moriar, quia sede meus morietur, & hostis  
 Munus erit, post te, me feruisse simul.  
 Forsan & ex uno geminos succumbere telo,  
 Gratia fortuna vel rationis erit.  
 Una thori faciès, una est concordia, tandem  
 Fata velint uno nos perisse modo.

In recuperationem Arcis Schenckianæ.  
 Arx loquitur.

**N**E tanti vicisse puta mea mœnia fallax  
 Cantaber, & geminos detinuisse Deos,  
 Hinc Vahalin Rhenumq; patrem. quibus horrida nu-  
 Tincta Ducum multo sanguine barba fuit. (per  
 Hesperio cessi male custodia Philippo,  
 Et mea pars laudis credita culpa tua.  
 Iam Bataros fines & spe majora tenebas,  
 Et quæ non licuit pergere, visa via est.  
 Captivos ut Belgæ Deos absolveret, ipsos  
 Victores tellus clausit & unda suos.  
 Regnant & proprio detenti carcere pugnant.  
 Vnaque sum fama, funeris una domus.  
 Quod spatium vivis dederam, morientibus urna est.  
 Et tumulus simul & Martis arena fui.  
 Dic Scaldi, dic fama Tago: Virtute tueri,  
 Quæ potuit casu vincere, nescit Iber.

In receptam violento Marte Bredam.

**S**Vm ludus, Fortuna, tuus, sum Martis arena,  
 Et bellatorum clara palestra Ducum.



*Nassovius ter victa meis, ter victa Philippis,  
 Tot spoliis belli partibus una fui,  
 Cessimus Attidis, cessi non cauta Sinoni,  
 Et precium fama iudice grande tuli.  
 Nunc porta patuere dolis, nunc occupor armis,  
 Nunc viridis, nunc me torrida gleba capit.  
 Iam me Belga Tyrum dicit, Ligur esse Sagunthum,  
 Arma, fames fatis incubuere meis.  
 Fingite vincendi formas, qui vincitis urbes,  
 Excute Mars ausus ingeniose tuos.  
 Cunctis victa modis, posthac invicta super sum.  
 Nam pudor est uno bis perisse modo.*

In Infantem Principem, natum Celsissimo  
 Aurastiorum Principi, statim post vi-  
 ctam Hispanorum classem.

**D** *Vm Tibi Cantabrica cedunt, Frederice, carina,  
 Et patriae partes Trompius acer agit;  
 Dum formidat & flagrant in puppibus alni,  
 Et miser Arctoïs mergitur Astur aquis:  
 Aula parit, gaudesque novo de Principe Princeps,  
 Et comes it Marti lata marita suo.  
 Parturit Auriacum generosa puerpera. nec se  
 Battavia genitrix magna deesse cupit.  
 Sic bellatori plaudit Bellona marito.  
 Sic favet Amelia Iuno benigna sua.  
 Officiis patriam Princeps devincit, & uxor.  
 Et momenta Ducum lectus & ensis habet.  
 Horret Iber, metuuntque truces utrumque Philippi,  
 Iamque Ducem visiti, jam timuere Patrem.  
 Pugnando superaris Iber. superaris amando,  
 Et tumidum frangunt arma thorisque Tagum.  
 Mox periere rates. at qui nunc nascitur infans,  
 Venturis alter classibus hostis erit.*

## In victam Gennapii Arcem.

**G**ennepa, quæ vallis altè munitis & undis,  
 Et geminos inter stas animosa Deos.  
 Quæ Mosa Nirsaque tuas circumdata turres,  
 Spennis Arausiaci tela globosque Ducis,  
 Qualis anhelantem præfracta Numantia Romam,  
 Aut Maceta sprevit Petra superba minas:  
 Iam ruis & fractis Frederico viribus impar,  
 Hac etiam gaudes succubuisse manu.  
 Quæ mala raptoris nocuisti regia Caci,  
 Finitimis circum pestis & hostis agris,  
 Iam patria tutela mea est murusque Sicambrum  
 Dicoris & Vahali conciliata places.  
 Austriaco subducta fidem cum Principe mutas,  
 Et tibi placati signa Leonis amas.  
 Quam bene bella gerit Batavus, quam præside cælo  
 Fortuna librat fata vicesque sua.  
 Post urbes arces capimus. dum summa moramur,  
 Hoc etiam laudi est, utiliora capi.

In geminas Belli portas, Æram & Gen-  
 nepam, illam à Rege, hanc ab Au-  
 riaco victam.

**G**ennepa Nassovio, Lodovico vincitur Æra.  
 Hoc Regis, magni Principis illud opus.  
 Dissimilem duplex habet hac victoria finem.  
 Et patitur variis hostis ab hoste malis.  
 Ne noceat Batavum terris, jam Gennepa nostra est.  
 Ut Morinum noceat finibus Æra patet.  
 En geminas belli portas. quarum altera Gallo,  
 Pandit, at Hispanis altera claudit iter.



## IN SPECTACULA

Exhibita

## AMSTELODAMI

In adventum Serenissimæ Reginæ  
 MARIÆ DE MEDICIS,  
 Galliarum Reginæ.

In spectaculum Nuptiarum Henrici I V,  
 & Mariæ de Medicis.

**E**N, bellatori nubit Medicea marito.  
 Et Princeps Italiam nobile fedus adit.  
 Et rutilus juxta fulgens Henricus in armis,  
 Hac sibi sceptrorum spem genitrice facit.  
 Hercules hic faciem videas, hic Pallada, quorum  
 Hac regnis mentem commodat, ille manum.

In spectaculum Berecynthiæ matris Deorum.  
 Amstelodamum loquitur.

**Q**Valis per Phrygias quondam Berecynthia por-  
 vecta fuit, partu tot celebrata Deum. (tas  
 Ingredere auspiciis nostram felicibus Urbem,  
 Atque oculos per me fer, Medicea, tuos.  
 Quos portus, quæ tecta vides, turresque, ratesque,  
 Templaque, fortunæ sunt monumenta mea.  
 Per terras fluctusque vagor, sua munera mundus  
 Mittit, & hic precio prostat uterque suo.  
 Casaream felix, abavo donante, coronam,  
 Et decus à vestro sanguine grande tuli.  
 Ad Te præteriri redeat nunc gratia facti,  
 Et non immemorem, maxima Neptis, habe.  
 Sic placui defensa tuo Regina marito,  
 Sic nato de Te Rege beata fruor.  
 Si majus genuisse Deos, Regesque, Ducesque,  
 Iam Matri liceat tot placuisse Deum.

In

## In Domum Societatis Indiæ Orientalis.

**F**ecit iter Fortuna mari, pervenit ad Indos,  
 Et procul Eoo fixit in orbe pedem.  
 Memnoniæ patuere domus, patuere Moluccæ,  
 Regnaque federibus tot sociata novis.  
 In thalamos Aurora tuos jam classibus itum est,  
 Et Bataros alibi, tectaque nostra vides.  
 Non satis est vicisse domi, cum Sole vagamur.  
 Et tanto volupe est vincere testa foris.  
 Sint vestra merces Indi, sumus horrea Belgæ.  
 Quas Oriens fruges parturit, Arctos habet.  
 Servat hyems fructus, quos torrida coxerat æstas,  
 Et calidum gaudet mandere bruma piper.  
 Mittunt thura Arabes, permutant serica Persæ.  
 Et spatiosa suas Iava ministrat opes.  
 Parthica distentas onerant velamina puppes,  
 Poclaque Sinarum carbasa plena vomunt.  
 Ostia quot fundit Ganges, tot navigat unus  
 Amstela, & externo sub Iove bella gerit.  
 Lucra sinus omnes nobis atque aquora pandunt.  
 Inveniunt quovis littore lucra viam.  
 Hesperio cum Rege solum parimur & undas,  
 Et formidati frangimus arma Tagi.  
 Qui dubitas, castella, domos, arcesque tuere,  
 Atque alio patriam crede sub axe dari.  
 Sic aliis aliis populis di venditur orbis,  
 Totaque se vendens machina, rursus emit.  
 Quæque ferax longe spatiis immanibus Eos  
 Colligit, in Bataris continet una Domus.

In Ferculum Orientalium mercium  
Reginæ Matri paratum.

**V**idit, & insolitas mirata est Regia mensas  
 Mater, & Eoas attigit ore dapes.



Stabant antè oculos messes, quas miserat Indus,  
 Quas dederant Persa, quas preciosus Arabs.  
 Delibat Medicea suis fragrantia cannis  
 Cinnama, & externo fercula missa solo.  
 Adspicit Aurora segetem, thus, balsama, myrrham;  
 Et spaciis Superùm munera stare suis.  
 Hæc oculis placuere magis, magis illa palato,  
 Gustus, odor partes hic obiere suas.  
 Talia non posuit Thetidi convivis Peleus,  
 Non epulis istis accubere Ioves.  
 Non hæc adspexit Latium, cum victor ab hoste  
 Romulidùm intraret mœnia Caesar ovans.  
 Tunc aliquis dixit secum: quæ fercula ΚΟΣΜΟΣ  
 Hic parat, hæc C O S M I filia grandis edit.

In Neptuni, Mercurii, & Virginis Amstelodamensis aquis innatantium

S C H E M A.

**N**eptunus ille, quem videtis fluctibus  
 Tolle se vera fronte, canis horridum,  
 Scævum tridenti, maximi Deum maris,  
 Cujus marina monstra currus ductitant,  
 Hinc inde lusitante Najadum choro:  
 Et ille puppi celsus eminens nepos  
 Atlantis, artis arbiter mercantium,  
 Fandi peritus, emptor idem & venditor,  
 Nunc sortis author optima, nunc pessima,  
 Anceps favendi: Quæque Virgo pulchrior  
 Vultu decenti flectit obvium genæ:  
 Gratantur omnes Galliarum Numini,  
 Pronisque votis Principi se devorvent.  
 Neptunus offert cœrulas Ponti vias,  
 Facilesque fluctus, strata ventis aquora,  
 Quæ filiorum sceptrâ jus exporrigunt,

Gallus.

*Gallus, Britannus, præpotensque Cantaber.  
Tegeaus iste priscus interpretes Deum,  
Vrbem Parenti Liliisque consecrat.  
At Amstelis virago Neptuno suo,  
Cyllenioque nixa, mercantes Deos  
Subdit corusca Principi, hanc ipsam Deo.*

## I N N V P T I A S

Francisci de Medicis, Magni Etruriæ Du-  
cis, & Iohannæ Austriacæ Ferdinandi  
Imperatoris Filiæ.

**A**ustriacæ vultus, & te, Francisce, Theatro  
Sistimus, & Batavis fœdera prisca damus.  
His nati rexere Duces, Mediceæque latè  
Lumina conjugii emicuerere novis.  
Hæc inter Maria est, raro quæ munere Divum,  
Non nisi per Regum nomina Mater abit.  
Hoc demum est peperisse; Orbi donasse tiaras.  
Sic sua stant regnis roboræ, sic thalamis.

In donationem Coronæ.

**A**msstela, qui latè terris mercaris & undis,  
Iamque aliis adfers, jam tibi lucra refers:  
Amstela, qui nostri fulsisti pondera belli,  
Cum mihi plus uno surgeret hoste labor:  
Sen Venetus gravis esse mihi, seu Flandria vellet,  
Et Dominum Bruga detinere suum:  
Accipe Casaream, regni diadema, Coronam,  
Accipe virtutis præmia digna tua.  
Hæc sub vos inter radiet spectanda Leones.  
Posteritas isto pergat honore frui.  
Classibus imperitas pelago. tua, nostra Corona est,  
Nostra solo late fulgida, vestra salo.



In Spectacula Orbis Gallici sub Henrico 111  
laceri, sub Henrico 1 v restituti.

**G** Allia dum lacerum bellis civilibus Orbem  
Adspicit, & regni vincula rupta sui,  
Commissofque Duces, ad verso fque ensibus enses,  
Et fossum Regi proditione latus:  
Ingemit excussos tantis cervicibus axes,  
Dimotosque sua de statione polos.  
Sic afflicta Iovem precibus, Divamque laceffit  
Numina, & ex alto lorida poscit opem.  
Stant juxta Pomona, Ceres, Liberque, Venusque,  
Quasque Deas belli vis malefana premit.  
Condolet atrata Superum clementia turba,  
Dumque cupit Gallis consuluisse suis:  
Borbonium lapsis Druidum succurrere rebus  
Poscit, & his humeris pondera tanta geri.  
Succurrit Regi Pallas Sapientia, Mavors  
Auxiliatrices commodat ipse manus.  
His Ducibus dum bella gerit, dum mitigat hostes,  
Integra speratâ Galli i pace coit:  
Et valida Mundum fulcit cer vice Navarrus,  
Seque polos aptè restituisse videt.  
Tunc regno sua parta quies, tunc rura, penateis,  
Templa, foci, vultus exseruere novos.  
Pax rediit, scandit neglectum Astra cubile,  
Et reduces priscâ sede steterè Dii.  
Hoc Spectacula docent. ubi fracti conditor Orbis,  
Alcidæ Henricus nomen onusque gerit.

In natum Galliarum Delphinum eodem die  
& horâ, quâ Amstelodamo discessit Avia

M A R I A D E M E D I C I S.

**Q** Valia in atherco succedunt sidera Olympo,  
Alteraque exurgunt, altera lapsa cadunt:  
Per-

*Perque vices radians stellis variantibus ather,  
 Nunc hoc, nunc illo mutat in orbe faces :  
 Talis ab Amsteliis dum se Fax Itala terris  
 Subtrahit, atque suum flectit ab Vrbe iubar :  
 Ecce procul Druidum in terris Phœbeia surgunt  
 Lumina, & heredem dissita regna vident.  
 Vna eademque dies Regalem lampada vidit  
 Nascer, una aliam vidit abire dies.  
 Amstela sic abitu doluit, sed Franciâ partu ;  
 Totaque Delphino Gallia leta fuit.  
 Vive nepos Mariæ, & quæ jam tibi Lilia crescunt,  
 Prospera sint Gallis, prospera sint Batarvis.*

## EPIGRAMMATA

inscripta

SPECTACVLIS,

In Adventum Sereniss. Magnæ Britannia,  
 Franciæ, & Hiberniæ

REGINÆ,

Amstelodami exhibitis.

I.

Nuptiæ THETIDIS &amp; PELEI,

ALIVS NASCETVR

ACHILLES.

**E**N, Thetis Æmonii properans ad limina Pelei,  
 Thessalicas celebris sponsa pererrat aquas.  
 Et Maria Auriaci vadens ad limina Sponsi,  
 Sponsa per Arctoas Regia fertur aquas.  
 O utinam his etiam thalamis nascatur Achilles,  
 Et similes gignat nupta Britanna Duces.

Adspi.



*Adspicit hanc Thetidem Maria, & dum suspicit il-  
Communem Patriæ spem cupit esse suam. (lam,*

## I I.

Fedus inter Adolphum Nassovium Impe-  
ratorem & Edovardum Britannia  
Regem.

G E N V S A L T O A S A N -  
G V I N E, D I V V M.

**H**ic est, Romani Imperii Regnator, Adolphus.  
Nassova quem populis terra domusque dedit.  
Regna Britannorum clero cum Casare pangunt  
Federa, & à Tamesi postulat Ister opem.  
Nassovius Edovarde faves. sed percitus ira  
Austriacus tanta est hostis amicitia.  
Res similes patimur Batavi. dum federe eodem  
Auriaci fulget gloria, frendet Iber.

## I I I.

Nuptiæ Reinaldi Nassovii Geldriæ Ducis,  
& Leonoræ Filia Edovardi secundi  
Britannia Regis.

D I S G E N I T A E T G E N I -  
T V R A D E O S.

**S**Ceptriferos quicumque thoros veneraris, & illas  
Suspicias Auriaci, maxime Belga, faces;  
Hæc adsperta oculis annalibus eruta priscis  
Federa, Nassovia splendida vincla domus.  
Reinaldo Leonora datur, sed Filia Regis.  
Et Tamesis Sponsam Sponse Sicamber adis.  
Hanc venerare domum Belga, Augustoque penates,  
Illa domus Regum, Casaris illa domus.

I V. Nup-

## I V.

Nuptiæ Iacobi II Scotorum Regis &  
 Mariæ Egmondanæ è Nassovia  
 Domo.

GENEROS TETHYS EMIT  
 OMNIBVS VNDIS.

**H**anc quoq; Nassovia genitricem de stirpe Caledon  
 Accipit, & Maria conjugem Scotus orat.  
 Nomina nominibus præeunt, & numine dextro,  
 Tunc etiam pelago veſtus abibat amor.  
 Tum procul externis nupsit Dux femina sceptris.  
 Nunc nubunt magno Regia sceptrum Duci.  
 Exulta ſecura Patrum Reſpublica; quam ſi  
 Regis bella premunt, Filia Regis amat.

## V.

## A R I O N.

ETIAM SERVAMVR IN  
 VNDIS.

**D**um mediis, nautarum odiis, demerſus Arior  
 Fluctibus; incertum per mare ſperat iter;  
 Supponit miſero Delphinus corpora vati,  
 Et dulcis cithara captus amore vehit.  
 Non aliter duro damnatus Belgæ Philippo,  
 Auriaco fretus Principe ſalvus abit.  
 Seria ſpectaſtis Batavi. nunc ludicra rerum  
 Cernite. nec pigeat ſic meminiffe Ducis.

## VI. AN:



V I.

## A N D R O M E D A.

PVLCHRÆ PRO LIBER-  
TATIS AMORE.

**A**lligat Andromedam saxis furor. altior illam  
 Æthereo Perseus liberat unus equo.  
 Belgica Libertas duris innexa catenis,  
 Sanguineo patuit præda futura Tago.  
 Non pateris Frederice Pater, sed missus ab alto  
 Illa neci Batavum dedita monstra domas.  
 Quam tua nunc nostra miscetur gloria fame,  
 Cujus nostra fuit mixta salute salus.


FINIS LIBRI SECUNDI.

C. BAR-

C. B A R L Æ I  
P O E M A T V M  
H E R O I C O R V M  
L I B E R I I I.

Varii Argumenti.





## VENVS BATAVA,

Sive in nuptias Nobilissimi &  
Generosi Domini

IOANNIS à MATHENESSE,

D. Mathenesse, &c. Et Nobilissimæ Vir-  
ginis ac Dominae,

WILHELMINÆ IVDITH

P I E C K,

## E P I T H A L A M I V M.

**V**iderat intrepido stipatū milite Martē  
Hesperios terrere Deos, iterumq; cieri  
Bella Venus: toto diffundi carbases  
Rhenō,  
Turrigerasque rates, & bellatricis  
rostra,

In Ligurum directa Ducem. Si conjugis, inquit,  
Arms mei placuisse queunt; nec classica Belgas,  
Tympanaque audaces terrent horrentia Catthos,  
Si fervet Marvortis opus, si fama paratur  
Cadibus, & crudo nascentes sanguine lauri:  
Me credat quoque terra Deam, nec languida nobis  
Otia & ignavas objectent secla sagittas.  
Sunt arcus pharetraque mihi, sunt tela, facesque,  
Queis noster quoque pugnat Amor, queis mite puella  
Ingenium, & victa submitunt colla cohortes,  
Succumbit soror ipsa Iovis. dum pralia surgunt,  
Et Venerem sua bella manent, dum saxit in arces,  
Et vesans suos repetit Bellona furores,  
In Batavis Citherea furit, perituraque bello  
Nomina & ingentes reparant mea basia clades.  
Occidat hic aliquis Telamon, mihi nascitur alter:  
Si perit Automedon, redeunt vitalia per me



Pignora : si rapitur discerptus curribus Hector,  
 Astyanacta dabo : surgit pro Memnone proles  
 Altera : tercentum Fabius pereuntibus, unus  
 Vaguit in cunis nostris conatibus ultor.

Quod Bataxi vicere, meum est : me credite Batim  
 Et Gangem spoliasse manu : mihi subditur Indus ;  
 Nec sine me rutilum distingat Martia ferrum  
 Dextera, nec duos ad pugnam armabit alumnos  
 Odrysus, bellique duces. mihi gignitur uni  
 In thalamis bellator homo : mihi corda manusque  
 Et celeres pugnare pedes, mihi mascula primum  
 Formatur natura virum : lectique duello  
 Mars ingens orditur opus, nostroque labori  
 Auspiciis, atque sui debet certaminis ortum.

Dixerat : & veteres alis subvecta Sicambros  
 Diva petit : nivea cingebant tempora vitta,  
 Pallaque discincto corpus velabat amictu,  
 Purpureis intexta rosas : spirabat odores  
 Cestus, Erythraeo fragrant murice planta,  
 Collaque Hydaspeis fulgebant candida gemmis,  
 Ut posses novisse Deam. certissima cæli  
 Majestas documenta dabat, Superumque notari  
 Et decor & facies poterant. hoc promissa cultu  
 Dardaniam Sparta, Seston sociavit Abydo,  
 Scyria magnanimum virgo pellexit Achillem,  
 Victaque succubuit Pholoë. quasunque volatu  
 Transiit aut terras aut flumina, Cypridis æstu  
 Incalvere fera, gelidisque accensæ sub undis  
 Agmina senserunt Venerem. complexibus ulmi  
 Arctius impliciti molles hæere corymbi,  
 Arboribusque hedera. frondes genitalis opacas  
 Explicuit platanus, lauroque intersita myrtus,  
 Palmaque vicina porrexit brachia palma.  
 Quodlibet arsit amans, propriosque Erycina furores  
 Omnibus imparita fuit. non oscula concha,  
 Non sua lascivus neglexit murmura turtur,

Aligerumque genus. sic totus amoribus ather  
 Ferbuit, & poterat solo natura renasci  
 Afflatu propiore Dea. Sed Geldrica postquam  
 Imperia & celsa tetigit confinia Bura,  
 Hic bellis fomenta meis, dignamque furori  
 Materiam quaramus, ait. Gens una Sicambrium  
 Auriacum Veneremque simul sua stringere tela  
 Adspiciat, bellumque sequi. chorus omnis Amorum  
 Advolat, & manibus teneras strinxere sagittas  
 Circumfusa cohors. Iamque omnia limina lustrant  
 Semideum, Procerumque domos; quæ mollia flecti  
 Pectora, quaque gravem virgo ejuravit amorem;  
 Quæ dubias suspensa faces in corde volutans,  
 Quod speret, damnare queat, fugiatque quod optet;  
 Et nolit, quod amasse velit; quæ saucia cecum  
 Vulnus alat venis, & quos præsenferat ignes,  
 Mascula dissimulet. Cunctas venerabilis inter  
 Pieckia caluibus placuit, potuitque probari  
 Excelsæ fortuna domus, castæque decorus  
 Virginitatis honos, & tot superabile divis  
 Ingenium, atque ipsi penè amula forma Dione.  
 Illa thori impatiens (primos vix Phosphorus ignes  
 Extulerat, longeque dies distabat ab ortu)  
 Fœmineum tractabat opus, pepulumque fluentem  
 Aurata nescibat acu. Iam compta nitebat  
 Casarides, viridem substrinxerat aurea vestem  
 Fibula, Sidoniaque sinus industria palla  
 Abdiderat. stupet ipsa Venus studiumq; manusque,  
 Et timidam tali Nympham sermone salutat:  
 Quid fallis malesana diem? quam fallere noxas  
 Fas erat, & Paphio tenebras disperdere lido.  
 Palladis hic sordet Veneri labor; altera, crede,  
 Iam ducenda tibi nostræ suat stammina vitæ,  
 Et proavum fundenda domus. tibi sera nepotum  
 Progenies debere cupit, signantque maritam  
 Sidera. Quid vacuo ducis suspiria lecto,



Et deserta gemis? toto quam Iuppiter auro  
 Perpluat, & veteri cupiat preponere Leda.  
 Quin discis servire mihi; sunt mitia nobis  
 Imperia, & magna se libertate tuetur  
 Servitii fors blanda mei. nimis anxiosa res est  
 Virginitas, gaudetque rapi: sauciata marito  
 Tutius uxor amat: nulla est custodia forma,  
 Quam thalami cortina tegit: nescitque pudere,  
 Cui pudor est sprevisse virum. permittit amori  
 Multa thorus, tantumque salax in cœlibe vita est.  
 Iam risus innumpta meos, arcanaque nescis  
 Gaudia; & intrepidi quæ sit fiducia lecti,  
 In quo nupta jacet: nescis, quibus artibus orbem  
 Continuet Natura sibi: quo jure parentis  
 Assignet sibi quisque decus: quæ munia matris  
 Iam tandem sciuisse juvat. vilescit, amica  
 Quicquid prole caret, quicquid sua subtrahit ævo  
 Nomina, spemque sui fati involvit iisdem.  
 Penelope, quamvis sapiens, concessit amanti:  
 Andromache Trojana fuit, tamen oscula fixit  
 Casside in Hæctorea: nostris flagravat Amazon  
 Ignibus; & rari quantumvis plena pudoris,  
 Expetiit Flaccilla virum: Cornelia donat  
 Scipiadas, Romanamque nurus auxere Sabina.  
 At quanta tibi virgo faces, ô quanta parantur  
 Conjugia? Ecce tuos prestans Mathenesius ignes  
 Hauriet, & tanto servaris Sponsa cubili.  
 Illum Palladius juvenem deduxit in artes  
 Magnanimus genitor; ne quem respublica tandem  
 Posceret, & Batavi spectarent ora Senatus,  
 Clamaret doctrinæ reum, trabeasque pueret  
 Vix vulgo distare rudi. virtutibus annos  
 Ante venit; duris animum Constantia firmat  
 Temporibus; spernit populi Prudentia motus,  
 Dum patria pia jura probat. generosaque quamvis  
 Nobilitas longo derivet stemmata censu,

Ardua que illustres decoret fortuna penates,  
 Mens submissa manet : facili perfusa se vero  
 Lata verecundos adspersit gratia mores,  
 Priscaque simplicitas, atque isto sanguine dignus  
 Candor, & ingenuo depicta modestia vultu.  
 Vix ea dicta dedit : tacitas sub pectore flammis  
 Excitat, & blandum venis instillat amorem  
 Alma Venus. spolia illa mei sunt ampla laboris,  
 Aliger, inquit, Amor. nunc, qua secunda Batauis  
 Arva colit, fessusque suas immergit arenis  
 Rhenus aquas, placidusque excelsas alluit arces  
 Doesa, viam slectamus, ait. quò fulgida postquam  
 Atria & angusti subiit penetralia tecti,  
 Insignes Procerum vultus laudat aque Cypris  
 Adspicit ora virum, suspensa que lumine lato  
 Heroum simulachra legit : qui clarus Athenis  
 Cattigenum mandata dedit ; quo vindice frontem  
 Barbaricos inter strepitus & murmura belli  
 Explicuit Phœbea cohors, cui Belgica concors  
 Imperii surgentis onus nostrasque curules  
 Credidit, & dubios commisit patria casus ;  
 Et qui Cantabricos eludens Doussa furores  
 Fati iura domat ; sed non bellacis qualis  
 Carbasæ & ingenti rapuit vexilla Philippo :  
 Quique senex Batauum Dux Duvenvordius a quor  
 Classibus asseruit, totique minacia ponto  
 Iussa dedit, potuitque truce sibi subdere Tethyn.  
 Hos ubi per vultus solertia lumina duxit,  
 Tum regina Paphi : magni clarissima patris  
 Progenies, quâ sola manet spes fulta nepotum ;  
 Te propter Paphias arces Cyprumque reliqui,  
 Id aliumque nemus. geniales pronuba tedas  
 Ipsa puerque meus ferimus. quid lenta moraris  
 Vota ? nec attentæ Veneri solennia solvis  
 Iura thori ? posco sobolem, ne stemmate in isto  
 Destituat rector Batauos. patria que tibi que



Iam Cithærea vacat. nec solum blanda voluptas  
 Et peritura mihi petitur. respublica natos  
 Exigit, & regni qui librent pondera, Belgas,  
 Vna, Deum monitis, nunc ardet amoribus absens  
 Pieckia, tota tuis absens in vultibus errat,  
 Atque exul jam facta sui est. suspiria Rheno  
 Conscia transmittit Vahalis, dudumque moratur  
 Mens curis intenta meis. non dignior ulla  
 Te poterit meruisse virum, si gratia formæ  
 Queritur, exuperat longè reverentia morum:  
 Si census aquare velis, rarissima longè  
 Vincet opes pietas: si tanta virginis ortus,  
 Et claros arcessis avos, præconia poscet  
 Ingenitius majora pudor. si sidera mutet  
 Iuppiter, hæc mediis virgo radiabit in astris.

Dixerat: ille Dea le vibis violabile telis  
 Pectus, & insolita laxat præcordia flamma,  
 Imbibiturque effusus amor. Iam pristina sordet  
 Vita viro, curæque graves, & dura faceffunt  
 Otia, nec fremitus aut colla superba moratur  
 Quadrupedantis equi. non jam venabula torquet  
 Venator, lustratque vagos indagine saltus,  
 Latrantesque adigit per inhospita rura molossos,  
 Totque canum explorat genios: quis cursibus Eurum  
 Ante volet, quis nare sagax vestigia doctè  
 Cæca notet. non jam delapsum nubibus agmen  
 Inclusisse plagis gaudet, cœlique cohortes  
 Vult prædam servasse sibi. largitur amori  
 Omnia, se spoliū prædamque cupidinis esse  
 Sentit amans. quin jam tardos procedere Soles  
 Autumat, & calidos promissa virginis ignes  
 Differri spes ægra putat. si vesper Olympum  
 Claudat, & athereos properans Aurora jugales  
 Allevet, antè oculos dominæ versatur imago.  
 Antè oculos nova nupta subit. sic viستا fatiscit  
 Nobilitas, figitque suas in virgine curas.

Latior

Latior interea leuium gens omnis amorum  
 Advolat, & primo testatur gaudia plausu,  
 Coniugii prasaga novi. pars flammea Sponsa,  
 Pars telas ignesque parat: pars myrtea gaudens  
 Tegmina circumdat capiti: pars nectare lumen  
 Irrigat, & mediis fragrantia cinnama tectis,  
 Persarumque addelet lucos, & missa Sabais  
 Balsuma. Pastanis aliquis vel Adonidis hortis  
 Narcissum, violamque & purpureum chrysanthum  
 Advehit, & donum festis solemnibus adfert.  
 At puer Idalius genialia fulcra Cupido  
 Apparat, & thalamis velamina pulchra futuris,  
 Barbaricasque insternit opes: non talia Marti  
 Straverat ipsa Venus, tunc cum Liparejus amantes  
 Falleret, & doctis captiva cubilia vinculis  
 Spectarent cupida ora Deum. qua veller a Seres,  
 Quos cultus fert dives Arabs; gemmisque coruscis  
 Et picturato distinctas murice vestes,  
 Deposuit largitor Hymen. non Gratia lecto  
 Absuit, & geminas texens Aglaja coronas  
 Implicuit natos Zephyri spiramine flores,  
 Non tactos Borea, rabidique caloribus Euri,  
 Perpetuo sed vere novos. At praschia fati  
 Iuno vetat steriles istis rorescere noctes  
 Sedibus, & quicquid secundi fallere posset  
 Spes uteri, toto dominans proscribit Olympo.  
 Iamque aderat festiva dies, poscensque maritum  
 Emicuit lux alma polo. disperberat omnes  
 Ipse pater Divum nebulas, quo clarius orbem  
 Virgineus collustret apex, Solemque lacestat  
 Vultus, & in rutilo majestas fulgeat auro.  
 Iunxerat una domus geminos, flammaque calebant  
 Iam propiore duo: veluti post frigora brumæ  
 Inealuit terra gremium, laxataque Phœbo  
 In Venerem natura ruit. sociantur in uno  
 Vota viri sponsaque thoro. Vix ille pudoris



Frena sui retinet ; vix illa arcana caloris  
 Dissimulat fomenta sui. sic nutrit amorem  
 Alterius vicinus amor, quin ignis ab igni  
 Pabula lata capit. flammaque incendia flamma  
 Ventilat, & proprius dum sperant pignora bustis,  
 Vitales cessere faces. ferventia cernas  
 Atria, conscriptos longis discumbere mensis  
 Battavia proceres, & nobilitatis avite,  
 Nomina magna, deos. primava gloria pubis,  
 Stant juvenum spectantq; chori, quam fulgeat inter  
 Cognatas hic Sponsa nurus ; quantum ille decorus  
 Emicet, & nullo diffundat lumina fastu.  
 Ut thalami patuere fores, & conscia lecti  
 Virginitas timuit, qua mox sperare maritam  
 Fas fuerit ; placido generosa Batavia gressu  
 Ingreditur : juxta musco velatus & alga  
 Latior adstabat Rhenus, Doesamque trahebat,  
 Et Zilam, famulos. dextram capit illa puella,  
 Inde viri, firmansque sua connubia voce,  
 Sic insit veneranda parens : Di coepta secudent  
 Federa, & aeterno connectat pectora nexu  
 Intemerata fides ; etiam post funera mentes  
 Iungat amor, dirimique vetet. non sulva metalli  
 Pondera, non Pelopis gazas, non jugera Crassi,  
 Quaeque dedit fortuna, precor. Mathenesia vobis  
 Succrescat foecunda domus : sudate nepotes ;  
 Ut credat Citheraa suos : agnoscat alumnos  
 Omniparens natura novos : hoc sanguine surgant,  
 Qui terris dent jura meis, securaque praestent  
 Imperia, & lapsis norint succurrere rebus.  
 Alter avus nobis redeat, quo sospite sospes,  
 Et legum tutela fui, quo Præsida nuper  
 Ad Batavos spretis Pallas migravit Athenis.  
 Dixerat ore gravi. Tum Iuppiter omina firmans  
 Mitius intonuit, caelique à parte serena  
 Maximus in thalamo splendor cum lumine fulsit.

## I N E Q V V M

Nobilissimi ac generosissimi Viri,  
D. G O D E F R I D I  
de H A E S T R E C H T,

## P O E M A T I O N.

**S**Tat sonipes, dominique ferox subselia portans  
Obsequium gravitate premit, famulumq; labore  
Dissimulat fremitu. decorant generosa coman-  
Colla juba, quas in varios solertia nodos (tes  
Strinxerat, & multo mulier distinxerat auro.  
Tum coni plus fulget apex, & vertice summo  
Ornamenta micant, phalerataque tempora perflat  
Adversi vis sava Noti. miratur honores  
Ipse suos quadrupes, tardoque superbia gressu,  
Quam calcat, fastidit humum. ferit ungula pandit  
Altius in se tracta femur: ceruice recurva  
Obliquat sibi fastus iter; non prona debiscunt  
Ora, nec indecori quassantur tergora motu.

Desine magnanimum quondam generater equo-  
Ostentare tuos Agragas: non Thessala tellus, (rum  
Quem componat, habet. sordent, quos Bilbilis alta,  
Quos Arcas celsaque dabunt fastigia Nisa,  
Aut celeres in bella Scythæ. non Isthmia talem  
Compita & Elæo currentem carcere vidit  
Gracia, cum celeres sese effudere quadrigæ,  
Palmasque precipites accenderet amula currus,  
Et stantes sublime duces. Hierone triumphans  
Littus Olympiadum seros memoratur in annos,  
Et clarum Therone fuit, Pelopisque nepotes  
Victrices vexere rotæ. Tu testis honorum  
Vivis adhuc Alphæ pater; tu Psummidis abulis  
Palladia sub fronde caput: tu fessa caballis



Corpora lavisti toties, spumamque lupatis  
 Abluis, & calidæ propinas flumina Pisa.  
 Pythius Archesila doctis applaudit habenis,  
 Xenocratemque stupet; nec magnum clara Mega-  
 Fama silet, curruque ruunt Alcæone nati. (clem  
 Scilicet illa tuis victriciâ tempora frenis  
 Invidit, Godefride, dies; nec Olympia tantum  
 Conspexit generosa decus: seu colligat ungues  
 Ad numeros, libretque gradum: si ve auribus adstet  
 Attonitus, feriatque solum temeraria crurum  
 Mobilitas, grandique tremat sub pondere tellus:  
 Seu monitis attendat heri: seu flectat in orbem  
 Corpora; seu laxo transverberet æera loro,  
 Arvaque quadrupedante pererrat inania cursu.  
 Huic Hiero cessisset ovans, & prisca Pelasgum  
 Gloria, cessisset spatius Pherenicus in amplis,  
 Ipsaque Pisam decerperet Elis olivam.

Hic bellator equus mediis in vallibus hostem  
 Hincitu vocet, & cuneis sese arduus ipsis  
 Inferat, hic lituos, hic cornua rauca tubasque  
 Audiat intrepidus; perq; agmina perque phalanges  
 Sternat iter, peditemque truci ceruice superbus  
 Dissipet, & nudâ stratum conculcet arenâ.  
 Talis in adversos sumptis insignibus Æthon  
 Ibat ovans Rutilos: tales calcaribus armos  
 Penthesilea fodis, medios cum virgo per enses  
 Et Danaum per castra ruis, generosior ille  
 Magnanimam veçtet Thamyrin, Volscamq; Camil-  
 Aut erepta iterum repetentem signa Camillu. (lam,  
 Hoc quoque virtutum latitant sub pectore formæ,  
 Et laudum generosus amor; servansque decori  
 Insipiens natura sui est. hanc præmia recti  
 Et promissa movent. venienti grata magistro.  
 Vox matutinum fremitu Titana salutat.  
 Et tremula modò calce favet. capit illa furoris  
 Argumentâ sui, justâque accenditur irâ,

Et contempta dolet. rursus laudata superba  
Majestatis habet speciem, frontemque serena  
Pandit, & heroo testatur gaudia gressu.

Hæc mihi Apollineum pleno de fonte liquorem  
Excudit: hæc sacrum mihi percussit ungula montem,  
Nec vatem sitiisse cupit. Iam fabula facta est  
Pegasus, & celsum tranans Heliconæ volatu  
Bellerophon, natæque istis sub calcibus undæ.  
Tu mihi Bellerophon; tuus est, qui sufficit undas  
Pegasus, & toto vatum me proluvit alveo.  
Quid magno terra gremium Neptune tridenti  
Percutis? & primos imis de manibus excis  
Cornipedes? hunc aquoreis vicinior oris  
Belga dedit; ravidumque suis virtutibus aquor  
Induit, & belli spumantes indidit iras.  
Non huic frena truces Lapithæ Numidæque dedere,  
Celtiberumque manus; non defensoribus istis  
Tempus eget. spernit phaleras alienaque Rhenus  
Nomina, nec Siculus format calcaria Brontes.  
Ipse tibi Batauvus tanta redimicula frontis  
Præbet, & excelso tumidas in vertice cristas,  
Fulgentemque gravi succinctam pectore zonam,  
Textaque in extremos velamina pendula talos.  
Si spatium fors terra neget, sessore magistro  
Molliter ille gradum glomeret: si lata patefcunt  
Iugera, & ingentes trepident calcaribus armi,  
Vnâ Eurumque Notumque & nubifugos Aquilones  
Antevolet, Caurosque leves post terga relinquat,  
Sideraque, & pleno redeuntia flumina ponto.  
Ille vel illæsa Cereis trans summa volaret  
Culmina, vel lati tranet spatia in via Rheni:  
Aut Vahalim, aut dubio fallentem gurgite Mosam,  
Hoc in Amyclæâ si quondam vectus arenâ  
Tyndarides foret: haud propriis bellator Aphidnis  
Lurida Cecropio cecidisset victima bello.  
Sunt alii, quorum Latii meminere poetæ;



Calæicus Lampon, & pulchro concolor albo  
 Astur Panchates, & nigra fronte Pelorus,  
 Et Tagus, & Pholoë, & cursu velocior Iris,  
 Aschetus, Æthion, Styrias, Phariusque Podarces,  
 Et quos Thebanis genitrix effuderat Herpe  
 Nobilis, & soboles Sicoris bellacis Ilerda:  
 Vel, quem Trojanum Mezentius urget in hostem,  
 Rhebus, & Adrasto celebris vocalis Arion;  
 Et gemini Mavortis equi, mensorque dierum  
 Cum rutilo Pyroënte Phlegon, & fervidus Æthon,  
 Et Stygius Nycteus, & clari Xanthus Achilles,  
 Plutonisque notâ varîe distinctus Alastor.  
 Hunc timeant cuncti, timeat concurrere soli  
 Quilibet. hic veteris laudes præstringere seclî  
 Gestiat. hic docilis freni sessoribus aurem  
 Commodat; hic rectum servabit doctior axem,  
 Quaque voles, sinuabit iter. Tu scande superbos  
 Excellens Godefride toros, & ephippia tanto  
 Turgescant supposita viro. non vilia noster  
 Pondera vectat equus. tellus, mare, sidera, coelum,  
 Nobilitas, virtus, domino portantur in uno.  
 Terrarum doctrina tua est: tibi regna locosque  
 Nossè datum. quantum Occiduis Sol distat ab ortu,  
 Belgicæque Auroræ thalæmis, à Gadibus Arctos  
 Vtraque, Lappionumque solum. Tu vasta deorum  
 Atria, flammantes aternis ignibus orbes  
 Emensus radio, Solis Lunaque labores,  
 Mercurii Martisque vias, Veneremque, Iovemque,  
 Tardigradique senis lentos sublimior axes,  
 Et pitaratam didicisti per vigil æthram.  
 Tu pelagi curvos flexus, Tiphynque Batavum  
 Expedias. tibi, quas doctâ depinxit arenâ  
 Dextrâ Syracusii senis, aut vis Attica, formas,  
 Ingenio famulans aperit labor. omnia pernox  
 Vidit & ignavis animus succensuit horis.

Has portat phaleratus opes; hac bajulat Æthon

SACRA

Sacra tuus, tantumque decus dum gestat in armis,  
 Alius insurgit quadrupes, dominicq; quod unum est,  
 Virtutis putat esse sua. Tu tergore in isto  
 Sapius aethereos, per amica silentia noctis,  
 Spectasti studiosus equos: ubi Pegasus alas  
 Explicet, & gelida depromat tela pharetra  
 Phillyrides: equitesque istos miratus & arma,  
 Vidisti, tibi quos seruet natura penates,  
 Quam pandant tibi fata domum; quã praeius iuit  
 Insignis pietate pater; cui stemmata, sanguis,  
 Nec tanti fuit illustri spectata theatro  
 Gloria, quam patria & veterum custodia legum,  
 Et pacis venerandus amor, praelataque Marti  
 Tranquilla sors lata toga: quã despicit orbem,  
 Qui nomen tibi scripsit, avus, laudabile Belgis  
 Nomen, & aeterna meritis praeconia fama.  
 Vive Heros; stimulosque tuis virtutibus adde.  
 Adde decus decori. subeant nascentia fratris  
 Incrementa tui, magni cui pondera belli  
 Dux Ligurum, atque suas partitur Spinola curas.  
 Quique mihi faciles aditus, & mollia fandi  
 Tempora concedis, nec vilia nomina spernis,  
 Accipe laudatum, sessor generose, caballum.

## P R A E F A T I O

In Epicedium sequens, ad Suecorum  
Gentem.

**G**ens invicta malis, nec tot fatiata trium-  
 phis,  
 Quos meruit Regis Martia dextra tui:  
 Gens Batavis sociata meis, cape foederis ar-  
 rham,  
 Quam tibi plangenti nuncupat ore dolor.  
 Quem lugens afflicta virum, lugemus eundem;  
 Et populos fati fors manet una duos.

Ex



Extulit hunc Sueonum tellus; nunc extulit  
Haga:

Extulit illa decus nominis, ista rogam.  
Illa vices fandi dederat, dedit ista silendi:  
Et, quæ non dederat præmia, sæva rapit.  
Illa sibi prisca repetens insignia famæ,  
Nos solum exuvias mortis habere sinit.  
Quantum clara levi distat fortuna sepulchro,  
Officiis distant; Tu, Batavusque, suis.  
At nunc Belga canet, quos tu veneraris, honores,  
Et tecum tumulo talia verba dabit:  
Quem peregrina suis secrevit purpura Catthis,  
Hic jacet, Arctoi nobile Regis opus.

I N O B I T V M  
I A N I R V T G E R S I I ,

Serenissimi Suecorum Regis Gustavi, apud  
Foederatos Ordines, Legati.

**Q**ua faciles, Fortuna, Deos, & numina mundi  
Experta es satis aqua tibi, sceptrique favores,  
Hunc luge jam mæsta virum, quem gratia divum  
Sacraque regali venerata est purpura vultu,  
Et letum dilexit ebur, cui munia fandi  
Sarmaticis tribuit Facundia mersa pruinis,  
Eloquiique vices, & de tot gentibus unum  
Pro se posse loqui bellatrix credidit Arctos.  
Omnis Hyperboreis collectus montibus humor  
Liquitur, & totum in lachrymas, jam conscia mortis  
Rutgersi venerande tua, tantique doloris,  
Absorbet natura gelu: sua lumina condit  
Parrhasis, & Scythico se vellet in aqore mergi,  
Indignata tuos obitus, qui castra Bootes  
Regia, & aratas spectavit nocte phalangas,  
Victricesque acies, & victi foedera Moschi,

Et

Et stratum clypeis Dunam, sua sidera mœrens,  
 Et vigiles atrâ involvit caligine flammâs.  
 Ipse suos Gustavus equos, bellique secundos  
 Successus remoratur ovans, tantoque furori  
 Dat veniam, & domitis jam saltem parcere terris,  
 Officium regale putat. qua casside Corus  
 Diffregit duras hiemes, pluviasque, nivesque,  
 Stat lacrymans, guttisque humectat grandibus ora,  
 Ac manes vocat incassum, reverentia regni,  
 Ipsaque majestas aliqua succumbit amori,  
 Nec lugens rex esse potest. Ignoscite Divi,  
 Si sceptris indigna loquor. miserescere fatis.  
 Et pietas in rege placet; nec nomina spernunt  
 Humanas angusta vices, hominemque potentum  
 Mentiri mens celsa valet. plorare suorum  
 Dis geniti potuere rogos, & servus Achilles,  
 Et pater Æneas, & qui fumantia latè  
 Pergama victori Priamus concessit Atrida,  
 Iam mihi cernuntur Phœbi delubra cieri  
 Sedibus, & tristes Helicon arcessere questus.  
 Vultus Pegasidum pallent, & languida mœstis  
 Vix tollunt sua colla jugis, Cirrhaque remugit  
 Limen, & attonita torpescens Gorgone Pallas.  
 Illa Iovis fugiens oculos solatia luctus  
 Despicit, & presso lachrymarum fonte, resedit  
 In Batavis, Superosque truces, celeresque sororum  
 Execrata colos, vicinum planctibus aquor  
 Verberat, ac tales exorsa est præsica voces:  
 Maxima jam pridem terrarum nomina fato  
 Damnavit vis summa Deum, regumque minata  
 Turribus invictas mortali robore dextrâs  
 Perdomuit, ruptisque evoluit tempora pennis.  
 Tum clari periere Duces, infractaque bello  
 Pectora; quæ Vesper timuit, quibus occidit Eos,  
 Armaque captivus toties submisit Iberus.  
 At Martem dolor ille manet. tot fulmina belli.

Hespe-



Hesperioque recens tepidos à sanguine manes  
 Luxerit Odrysius ; cui duri ad Strymonis undam  
 Barbaricus puero cunabula præbuit Hamus,  
 Threiciaque ni ves. me me placidissima tangunt  
 Funera, nec dira pollutum cæde cadaver.  
 Exuvias Doctrina tuas, victur aque chartis  
 Busta queror, queror extinctas, piæ numina, Musas,  
 Thymbræique patris cineres, ac muta deserti  
 Ora viri, calco totam sub marmore Suadam,  
 Et Charitum fatale solum, tumulumque potentis  
 Eloquii, ac celebrem magnis virtutibus urnam.  
 Illi prima rudes generosa modestia mores  
 Et nondum domitos ferventis pectoris æstus  
 Flexit ad obsequium : nec quid puerile licere  
 Credidit ista sibi curis gravioribus atas.  
 Mascula doctorum sapuit sub voce Inventus  
 Pierius gaudens studiis. lasciva Vacuna  
 Atria, Circaæ spernuntur pocula turba,  
 Dum laudum decurrit iter, Phocæaque scandit  
 Culmina. tunc sacro labiis arentibus æstu  
 Castalii latices & vatium exhausta fuerunt  
 Flumina, & in mediæ se proluit Hippocrene.  
 Iam Scaurus, rigidusque Caper, durusque Palamon,  
 Et tristis ferule sceptrum, plagæque sonantes,  
 Et matutino subsellis rauca tumultu  
 Terruerant animum. patuit, qui rostra fatigat,  
 Orator Fabius. nec segnius hauserat olim  
 Atlantis præcepta sui Tirynthius heros,  
 Aut citharæ cantus Chiron persuasit Achilli  
 Thessalico permixtus equo. Tu maxime Vossi,  
 Cui sua Romulidum pandit secreta vetustas,  
 Ausoniosque duces, effataque tempora mundi  
 Reddit sera dies, & Grajùm pulpita pulsans  
 Socraticas aperit celebris facundia portas ;  
 Expedias tanta felicia cæpta iuventa,  
 Ingeniique expande decus. tu prima peritus

Rexisti

Rexisti vitæ spatia, & per acerba laborum  
 Duxisti docilem leni moderamine mentem.  
 Te præeunte puer modulos, & nobile Flacci  
 Ad numeros saltavit epos, grandique Maronis  
 Insonuit sua metra tuba. tu mite Terenti  
 Eloquium, stricto seravorum scommata socco,  
 Plautinosque sales, & amabilis orsa Menandri,  
 Exulis, heu, fontes elegos, Thespique perunctum  
 Scire facis. tumido gradiens persona cothurno  
 Dat tragicos spectare modos, & cruda Thyestis  
 Fercula, quæque sibi furatur fecibus ora  
 Dardania regina domus. sed fata neque  
 Bilbilici lenire joci, lenire Catulli  
 Passer, & illini potuit fera Lesbia cantu.  
 Horrida ridentis damnatur pagina Persi,  
 Et placet, immitti Latium qui lavit aceto,  
 Vexatus rauci scriptor Theseide Codri.  
 Nunc super Argolica pugnatum pellice bellum;  
 Et conturbatas Phrygio raptore Mycenæ;  
 Nunc Lyrico modulata seni, nunc rura pererrat  
 Dorica: nunc rapidis victorum raptæ quadrigis  
 Pindaricæ commenta lyra; veterumque Deorum  
 Progeniem: quos Ascræ dies, quos gratior hymnos  
 Callimachus, lætoque canat modulamine Sappho.  
 Vt Romam Cicero, timidus orator Athenas  
 Erigat, & Macetum regi responsa remittat:  
 Quæ Crispi sint sensa brevis: Cornelia quantum  
 Vis valeat dubios regnorum expendere casus,  
 Sejanique vices, & quali regna parentur  
 Ingenio, qualique iterum rectore fatiscant,  
 Vnius sit cura viri. nec prisca Cleanthes  
 Atria, mellistuosque negat cognoscere sensus  
 Phædrus, & arguto respondens ore Philebus.  
 Romanos rerum dominos, gentisque togatæ  
 Prima rudimenta, ac crescentis mœnia Romæ,  
 Excussos solio reges, mox libera Bruti

Impe-



Imperia, & vario gestum sub Consule bellum  
 Hunc charta docuere graves. At mascula Curti  
 Exposuit Pellæ victricia tela papyrus,  
 Eoasque ætes, epotaque flumina Medo,  
 Et nimis ingrato passum sub rege Philotam.  
 Quæque sibi proprias evolunt tempora voces,  
 Et genii simulachra sui: quos balba locuta est  
 Potitiis Carmenta sonos: quid Musa vetustum  
 Lucilii fremat, & quid verrucosa loquantur  
 Carmina Pacuvii, Calabrumque in montibus ortus  
 Ennius: ut medium detergat sordibus ævum  
 Augustus, foedamque fuget Romanus Apollo  
 Barbaricam, linguaque decus, pacemque Qui, ino  
 Restituat; donec Latio sua Vandalus ora  
 Miscuit, & Gothica stribligine sorduit Auson,  
 Et poterat jam Roma sibi non Roma videri.  
 Pythagora monitus, doctæque silentia turba,  
 Et tantum sapuisse sibi, sprevisse nepotes,  
 Credidit esse nefas. gaudet mens fata futuris  
 Ignotas aperire vias, verique reperta  
 Non privata putat. solum laudabile dicit,  
 Quod commune facit. Criticas in bella cohortes,  
 Grammaticasq; tribus, tristesq; ob puncta magistros  
 Provocat, & longum libros diffundit in ævum,  
 Et sensus veterum, & labentia nomina seculo  
 Vindicat, atque alta mersum caligine verum  
 Eruit, ac querulâ socios exercet arenâ.  
 Iulide, magni soboles augusta parentis,  
 Verone sublimis apex, qui rapta tuorum  
 Ornasti clavis Musarum sceptrâ triumphis;  
 Temporaque & causas Grajùm digesta per annos,  
 Abramidumque dies, desuetaque seclâ dedisti,  
 Hæc audilamenta pater. tibi sæpe dolores,  
 Longaque decrepiti fastidia leniit ævi.  
 Tu juveni famæ stimulos, alimenta que laudum,  
 Tu studiis fomenta dabas, magnumque putabas

Hunc

Hunc curis genuisse tuis. Rutger sius omnis,  
 Omnis in ore fuit Rutger sius. Ille labores  
 Aspersis docte salibus, sortisque levabat  
 Fata tua, durasque vices. non Thracius Orpheus  
 Suavius immitem cantu deliniit Hebrum,  
 Aut celeres blando remoratus pectine silvas,  
 Detinuit Rhodopen. Nec te quoque passus inultam est  
 Scoppia gens, qui mendaci jejunia lingua  
 Et Latias redimis diris latratibus offas;  
 Scaligerosque duces, tantaeque exordia gentis,  
 Illustres heroum animas, neque cognita nuper  
 Nomina, venali esuriens sermone laceffis.  
 Hæc inter dum cuncta viro delubra patefcunt  
 Pieridum, & totum spirant præcordia Phæbum;  
 Casareas Astræa fores, edicta Quiritum,  
 Et Byzantini reteggit suffragia regni:  
 Quo fundus sit jure meus: qua subdolos hæres  
 Lege cadat: cur læsa fides vadimonia poscat:  
 Quo vitio solvatur hymen: quæ fœdera Cypris  
 Horreat, & quali damnet perjuriam voce  
 Rhemnia lex. magnis applaudit Gallia ceptis,  
 Atque aliquam meritis mercem latura laborum,  
 Pura mente favet. Themidos sacraria mystam  
 Ingeminant, titulisque decus famulantibus augent.  
 Nec tamen ancipites illi sub judice causa  
 Præcidere diem; nec matutina molestus  
 Tempora consultor rapuit; non vocibus emptis  
 Curia felices lassavit mobilis aures.  
 Non querulas chartas, non testamenta resignans.  
 Distendit mala turba togam; nec dextra rotavit  
 Carminis horrendi folia, & jam puberis ævi  
 Sollicitas de dote preces. procul illa laborum,  
 Fortunante virum, pepulit fastidia felix  
 Sæcia, & invisis expunxit nomina rostris.  
 O quantum imperiis secreti numinis addit  
 Doctrina venerandus amor, quantamque repperdit  
 Musa-



Musarum fortuna vicem. Iam regia laudes  
 Audit, & angustum feriunt praecordia limen,  
 Et terras, Scythosinque, tuas. spectabilis ostro  
 Belgarum populis Princeps responsa daturus  
 Maluit esse suum. longè sua praemia sperat,  
 Quem puduit lituisse domi. procul ibinas, inquit,  
 Quo sortis vocat aura mea. quem patria discors  
 Negligit, Arctos habe. sequimur te, maxime Regum,  
 Et supplex tua sceptrâ colo. quasunque per oras  
 Me tua iussa vehent, vel tempestate furentem  
 Nerea, vel duro concretum frigore Volgam;  
 Lappionumque truces vultus, & seva ferarum  
 Pellibus ora feram. glacialia sidera spernam,  
 Dum sidus sit mite tuum. sic deserit arces  
 Battavicas, caelumque suum, Zephyrisque secundis  
 Frangit Hyperboreas remis properantibus undas,  
 Et varias portans Sueonum mandata per oras,  
 Sarmatici latus sulcat vada caerulea ponti.  
 Nec tamen aut placidos in visa superbia mores,  
 Aut crescens subvertit honos. non gratia regum  
 Dissimilem facit esse sui. fastigia laudum  
 Deprimit obsequiis, & quanto major habetur,  
 Officiis studet esse minor. virtutibus ornat  
 Oratoris opus. domino secreta potentum,  
 Et tacitos aperit motus: in foedera reges  
 Advocat; externi pandit commercia mundi:  
 Nunc sociam deposcit opem, nunc regia spondet  
 Arma laboranti patria; nec vana suorum  
 Vota precesque sinit. quicquid sperare jubetur,  
 Mox tenet, & surdas expugnat per vigil aulas.  
 Iam Taciti consulta probat. jam noscitur usu  
 Tullius; imperii varios se fundit in actus  
 Crispus, & Annaei monitus, exempla que Livii,  
 Ac veterum nostro spectat sub sidere scenas.  
 Dicenti nunc verba Liger, nunc commodat ora,  
 Qui Vahalim Meruamq; bibit, Rhenumq; bicornem,

Et qui Teutonicas medius secat Albis arenas,  
 Finnumque maris populi; nec dignius unquam  
 Roma triumphantes meminit dixisse Quirites.  
 Fare, precor, talem si te genuisse ni vos  
 Iactas Savo jugis? non hac tibi nomina debet  
 Belgica. depositum Batavus tibi credidit ingens,  
 Et voluit te posse frui. Iam grande reposcit  
 Pignus amicitiae; & tecum dum commoda regni  
 Dividit, hos solum cineres, hac propria Belgis  
 Funeris ossa putat. satis est audisse loquentem,  
 Orantem stupuisse satis. sic profuit orbi,  
 Sic tibi; seu pavidos cum vidit Austria Bojos  
 Exiit, & trepida miles bacchatur in urbe;  
 Seu cum Cattigenum proceres ad mitia fleat  
 Auxilia, & sociis firmat tuae foedera frenis.  
 Me luctus lachrymaeque manent. tibi prisca fatiscit  
 Gloria. Tota trahit ferales Botnia taxos,  
 Dumque rogam simulat, (nam servat Belgae cada-  
 Vndique funereas alis de montibus ornos, (ver  
 Fraxineaesque trabes, piceas, & maesta cupressi  
 Robora devolvit, laucesque & thurea dona  
 Affundit cineri, dicitque novissima verba:  
 Ille per Elysios latus spatiaabitur agros,  
 Quaque suis errant doctorum sedibus umbrae,  
 Et Phoebos sacrata cohors, manesque disertis,  
 Iuliamdem quaret, vigilesque hebetantia sensus  
 Exutus jam membra, anima miscere reperta  
 Se cupiet, sortisque sua felicia multum  
 Fata recenset, regalis munera dextra,  
 Et numen, Gustave, tuum. mox obvius ibit,  
 Non jam vota fovens, facilis contextor Iambi  
 Baudius, & quali gravitate affatus Elisam est,  
 Terrarumque Deos, lucis egressus opacis,  
 Ibit in amplexus, reliquisque aversus ab umbris  
 Huic uni vadet socius. veneranda Thuanus  
 Draferet, Druidumque volet cognoscere motus,

*Iuncta*



Iunctaque Lidigeris Brittonum fœdera sceptris.  
 Felices gaudete anima, quas serâ nepotum  
 Fama uehet, memorique suum decus asseret & vo.  
 At questus audite meos. Rutgersius hosce,  
 Audiat hos absens gemitus. postque inclyta Regum  
 Funera, & Auriaci ploratos carmine manes,  
 Nunc etiam nostri cupiat pars esse doloris.  
 Tuque aded, quem tota suum sibi vendicat Hellas,  
 Et Latium, ac pura Permessus proluit undâ,  
 Heynsiade, venerare rogam; diuisaque luge  
 Pectora, & iratis Parcas ulciscere Musis.

Dixerat: ast illam Batavum de litore turbo  
 Ocyus abripuit. qualis mandata Tonantis  
 Exequitur, levibusque volat Cyllenius alis,  
 Proscinditque Notos. non hanc remorantur euntem  
 Nubila, non venti, tempestatumque procella.  
 Iam Frisios, Chaucoque, & prætervecta Cheruscos,  
 Quosque rigat regum indignatus castra Visurgis,  
 Et refluxis pater Albis aquis, Cimbrosque feroces,  
 Codanique sinus populos, quâ Riga profundo  
 Imminet, & mediis posuit tentoria castris  
 Rector Hyperboreus, Dea constitit. Ille ubi sensit  
 Palladis ac divum monitus, afflataque cœlo  
 Pectora, secum animo volvit, quis posthuma rerum  
 Pondera sustineat, Batavis quis sedibus alter  
 Fulciat Arctoum facundis vocibus orbem.

## P R Æ F A T I O

In Epithalamium sequens ad Sponsum.

**C**Um glacialis Hyems Sponsam sociasset  
 amanti,

Scripsimus hæc mediis carmina frigoribus.  
 Penè mihi nocuit Cypris dilata poetæ;  
 Dum genitum brumâ, vere poëma legis.  
 Adspicis, ut gelidos referant exordia menses,

Hybernasque bibant ultima verba nives?  
 Tunc mihi tu Sponsus, tunc dicebaris amasse,  
 Faverat & votis pronuba Iuno suis.  
 Et mea, nescio quo Phœbi commota furore,  
 Adfuit in thalamos Musa vocata tuos.  
 Si tibi displicuit tardans Hymeneus amores,  
 Et mihi difficiles, crede, fuere moræ.  
 Nunc operæ periere meæ, periere Camœnæ,  
 Temporibusque minus convenienter eunt.  
 Peccamus gemini, nimiū tu lentus amando es,  
 Sum nimis in thalamos officiosus ego.

IN NVPTIAS  
 CONSTANTINI HVGENII

Equitis, Illustrissimo Principi Auriaco  
 à Secretis.

**C**lara Parethonii sileat miracula Nili.  
 Memphis, & irriguo fecundas gurgite terras.  
 Egelidos alibi latices, concretaque duro  
 Saxa gelu, & solo mutatas frigore quercus  
 Desine mirari Latium, coctasque sub ipsis  
 Vorticibus Iudæa dapes. liquefacta Lyxum  
 Castiget glacies, rabidi sub sidere Cancri,  
 Et rigidas hyemes æstas, ac munera brumæ  
 Imbibat humenti Procyon contrarius Vrnæ.  
 Nil Constantino nobis jam conjuge mirum.  
 O cœli terraque vices: dum flumina passim  
 Stricta rigent, Batavoque calor proscribitur orbe,  
 Ille calet, primosque dies effeminat anni.  
 Vos, quibus arcani rerum patuere recessus,  
 Dicite, cur fervens Astra & virginis astrum  
 Displicuit thalamis, Venerisque caloribus apti  
 Tyndaridæ? cur non mores edoctus amantum  
 Eligitur petulans Aries, matrumque ubactor

R

Magna



Magnanimus? cur astra placent glacialia Sponsis,  
 Et juvenis gestator aqua, Piscesque supremi?  
 An dilecta Iovi soboles melioribus uri  
 Corda monet flammis? aliosque exuscitat ignes  
 Iliacus puer? an medio plus frigore seruet,  
 Secretum quodcumque latet? centrumque repulsus  
 Ardor habet, partesque calor secessit in imas?  
 An tibi, quæ spatius noctes ingentibus horæ  
 Extendunt, iam Sponse placent? Lucemque tenebris  
 Postponit pudibunda Venus? ne gaudia turbet  
 Phosphorus, & celeres properans Aurora quadrigas.  
 An veluti media rabiem Leander in Helle  
 Fregit amans, cupidique faces restinxit amoris:  
 Tu quoque frigoribus flammæ moderaris, & ignes,  
 Quamque adamas, sapienter amas? primosque fra-  
 Prudenti ratione domas? nec leta iuventa (rores  
 Robora lascivo cupis indulgere labori?  
 Scilicet illa sua tenerorum lusor amorum  
 Dictavit præcepta Scholæ. discrimina Cypris  
 Inconsulta creat, Pæpæque licentiæ matris  
 Officium sub lege facit. sua tempora constant  
 Conjugibus, sapiensque morâ sufflaminat ætus,  
 Crebraque mox rediens amat intervalla Cupido.  
 Viderat hic Batavo tantos feliciter ausus  
 Successisse Duci, dominisque potentibus aulam  
 Crescere, spesque novo populi rectore renasci,  
 Cum pharetratus ait: Iam te quoque tollere tedas  
 Hugeni meæ vota volunt: qui iussa capeffis  
 Principis, huic etiam studiis famulantibus adsit  
 Obsequiosus amor: tales dum gignere cœptat  
 Nassorio natura Deos, tu pignora tantis  
 Officiosa Diis genera, decorisque paterni  
 Hæredes, famulosque Ducum protrude nepotes.  
 Non didicisse meas artes, cunctosque Diones  
 Decantasse dolos satis est. Parnassia per te  
 Templâ sonant, scriptusque tuo sub pollice sæpè

Indoluit contemptus Hymen. nunc exue vatis  
 Ingenium, partesque novas ordire mariti:  
 Lataque te videat venientem à limine longè  
 Virgo procum, tarda s'que moras objectet amanti,  
 Et facilem cupiat sibi subrisisse poetam.  
 Est genitrix Erycina mihi: ju venisque puerque  
 Nuncupor. at quam vis teneris imberbis in annis,  
 Frango corda virum. sunt hæc excussa Tonanti  
 Fulmina sæva manu; rabidi sub imagine Tauri  
 Virginem Agenoream rapui, sub imagine Cygnæ  
 Leda Iovi sociata fuit, Satyrusque misellam  
 Antiopen, pluvius Danzen, aquilæque fefelli  
 Asterien. vis nostra tua de gente trophæa?  
 Vis domitos vates, & victas conjugè lauros?  
 Ecce Deus vatium juga per Peneia duram  
 Insequitur Daphnen, flagratque poetica Sappho,  
 Æstuat Alceus: Clarior dilecta poetæ  
 Feruida Lyda furit; docti lyra languet Horati,  
 Lydia cum Flaccum recreat: cantata Cutillo  
 Lesbica cantari meruit, famamque redemit  
 Basilius lasciva suis: adamata Corinna est,  
 Et spoliū tantæ rapuisti Naso puellæ,  
 Illicitis audax thalamis. placuisse Tibullo  
 Sulpiiæ potuere genæ, risusque Nera,  
 Et Nemesis sine libe pudor. vis altera seclī,  
 Et populi documenta tui, dilectaque Phœbo  
 Nomina; sidereos Hyados qui scripsit ocellos,  
 Vritur in Morinis: Naugerius arsit Hyellam,  
 Castilio Hippolyten: red in mentem Cotta Lycorim,  
 Strozæ furit, cessit Batavo sua Rossa poetæ:  
 Grotius erectos animos submisit amorī:  
 Quique mihi toties genialia carmina dicit,  
 Barbi foribus bis ter suspensū corona est.  
 Sunt tibi communes istis cum vatis undæ  
 Castalidum, sunt & communia numina Musi,  
 Communes hederæ: sint & communia vobis



Iura thori, facibusque suis praluceat Hymen,  
 Nec foliis marcescat amor. plus nupta puella,  
 Quam cantata iuvat: stimulosque ferocius urget  
 In thalamos admissa Venus. qua pagina prurit  
 Lusibus, in vanâ fingit sibi gaudia scenâ,  
 Et frustra tua vota fovet; velut ille fugaces  
 Tantalus optat aquas, & seva fercula mensa  
 Appetit, & vacuo sectatur gutture pomum.

Dixerat hac facundus Amor, monitisque Deorum  
 Constantes cessere animi, tedaſque perosum  
 Pectus inoffensos altè jam concipit ignes,  
 Admittitque Deum venis, Hugenius ardet,  
 Clamabam, fietque pater. sedet ille, noſaque  
 Incubat in curas, & priscas negligit artes,  
 Et gaudet minus esse gravis. venerabilis aula  
 Excuitur facies, gravitas subsidit amori,  
 Hunc proprii mores, mores sua verba sequuntur.  
 Nil nisi molle sonat, placidum, sociale, remissum,  
 Nulla sede manet. pendent oblita magistri  
 Barbita muta thoro, nec tacta pollice chorda  
 Dediscunt resonare melos, delapsaque tecto  
 Securos fidibus subtextit aranea casset.  
 Scandit equum; laxo sonipes vestigia freno  
 Lenta legit, dominique piger parere recusat  
 Mitibus imperiis. illum sperata voluptas,  
 Attentumque tenent speciosa virginis ora,  
 Et vultus, quos fingit amans. Si tempora Musis  
 Commodat, in molles elegos deflectit amantum,  
 Totque poetarum libris decerpit amator  
 Nasonis titulum, quaritque in amoribus artem.  
 Cum legit astuti fraudes & carmen Aconti,  
 Cydippen hac arte petat: jam carcere clausam  
 Poscat Hypermnestram: jam terret Iasonis uxor,  
 Exemplumque timet: jam Laodameja labantem  
 Erigit, exemplumque probat. jam rursus amare  
 Desinat, exemplo Canaces; nisi lecta modesta

Littera

Littera Penelopes tam casta conjugis illi  
 Spem faceret. fidei miratur nobile pignus  
 Hermionen; iterumque furens quid femina possit,  
 In Didone stupet, fatisque ruentis Elisa  
 Ingemit. at charam non sic ego Phyllida spernam.  
 Demophoon iratus ait. tu Sesta puella,  
 Quaque ab Abydena tibi littera mittitur urbe,  
 Tota placet. quacunque domi sunt obvia, sordent,  
 Meque etiam peregrina iuvant. absentis amica  
 Acrius est studium, & raro conspecta furores  
 Exacuit. vos Haganæ secedite matres,  
 Vicinaque nurus: mihi queritur altera Sestos,  
 Altera Abydos erit. terra sejungar? an unda?  
 Unda nocet, nocuit Leandro fluctus & aquor.  
 Sufficiant mihi tuta meæ discrimina terra.

Vrbs jacet in Batavis, totum celebrata per orbem,  
 Dives opum, legumque potens: si Pergama jactant  
 Autores antiqua Deos, hæc mœnia Divûm  
 Dic quoq; struata manus. Venetos miramur in undis  
 Oceanoque domos, atque emergentia stare  
 Saxa mari: sed & illa cavas fulcire paludes  
 Tecta vides, mollique exurgere culmina limo,  
 Et vastam nivi sylvis ingentibus urbem.  
 Hic sua Neptunus tumidarum rector aquarum  
 Regna tenet, totique minax dat jura profundo.  
 Hic aperit portus, Gangisque, & divitis Indi,  
 Hostilisque Tagi spoliis exultat opimis.  
 Hic Arabes, durique Getæ, Cimbrique feroces,  
 Et Persæ molles, & fertilis accola Nili,  
 Totque Afrûm populi, & braccati corpore toto  
 Lappiones, hospesque Padi, poterque Suevi,  
 In commune forum cœunt. hic venditur orbis.  
 Hic emitur, mercesque suas extrudit & adfert  
 Mercator vagus, & longinquæ munera terræ  
 Vectat opes pelago. præses Cyllenius urbi  
 Imperat, & multo locuples splendet in auro:



Huc ubi corripuit gressum, & surgentia passim  
 Tot cœlo delubra videt: nova mœnia condi,  
 Fervere strata viris; distentas mercibus alnos,  
 Turritosque apices; & victam compede Tethyn,  
 Amsteliosque lacus. Non hæc mihi, dixit, amantur,  
 Spesque meas implent. luxum damnate coloni;  
 Hos ego nunc una proscribam virgine fastus.  
 Dum loquitur, Barlæa venit, (seu casus eunti  
 Obtulit hæc, seu fata pios moderantur amores,  
 Et thalamis Deus author adest) non turgida gressu,  
 Demissis pudibunda oculis. adsperserat illi  
 Blandum aliquid Cytherea favens, moresq; pudicos  
 Finxerat Euphrosyne. placidi reverentiæ vultus  
 Fecerat invidiam formæ. capit ille secundi  
 Augurium geniale thori, & læta ora pererrans  
 Virtutum simulachra videt Charitumque labores,  
 Ingeniique notam, secumque hæc talia fatur:  
 Te sequar Amstelie gentis decus, inque tuis nunc  
 Fixa pedum ponam pressis vestigia plantis,  
 Atque umbra spatia ista tua relegamque, premam-  
 Ne capidis oculis, ne quæ elabar is amanti. (que,  
 Tu patrios cynosura lares, tu limina monstra,  
 Mox adenda mihi, primos cum Vesperus ignes  
 Extulerit, Phabeque meos testabitur ignes.  
 Successus doctrina juvat mellitaque tanti  
 Suada viri, variumque sibi facundia schema  
 Fabricat, & gaudet sic persuasisse puellæ.  
 Dixisti: Sum, virgo, tuus. nihil illa regeffit.  
 Dixisti: Sum, virgo, tuus. subrisit amanter.  
 Ter dicis: Sum, virgo, tuus. penè annuit illa.  
 Moxque iterum dicis: Solve hunc mihi virgo dolo-  
 Et vitæ me redde mea. suspensa labascit (rem,  
 Virginitas, & victa ruit constantia verbo:  
 Sum tua: me sponsum, te sponsum eliminat Hymen.  
 Felices anima; quali socianda marito  
 Ingredieris Barlæa domum, pudentaque scandis

Aonilum vestra decus. tu conjuge in isto  
 Pierin, & cunctas aufers pro dote Camœnas,  
 Ipsaque Thymbræum donant sponsali Phœbum.  
 Qua propior Ducibus facies? quis gratior aula?  
 Quanta salutantum foribus præaludit in ipsis  
 Turba petax; cui Nassoræ responsa benignus  
 Et rescripta ferat. Iam te venerabitur Haga,  
 Nomina laudabunt vates: jam clara poëta  
 Vxor eris, decorisque sui dat jura Britannus.  
 Nec tu Sponsa minor propriis insignibus annos  
 Illustras, sexumque tuum. sit Portia fortis,  
 Sit Cassandra sagax, venturi præscia Manto,  
 Doctaque Papinû conjux, celebresque Corinna,  
 Te nostro pietas spectabilis eximet ævo.  
 Latior interea vicina per oppida tædas  
 Fama vehit, glacieque rigens pater Amstela Teja  
 Nunciat, ille mari, lateque patentibus undis.  
 Non Tamesin Galatea, nec hoc nescire Garumnæ  
 Cymothœo voluit. Tyrrhena per aquora Triton  
 Insonuit thalamos conchâ quascunque per oras  
 Pierides vexere virum, communibus omnes  
 Applaudunt animis, votisque faventibus adsunt.  
 Quod si Vere novo, & Zephyris perflantibus orbem,  
 Fœdera junxissent Superi; viridantibus Haga  
 Annueret foliis, cantat aque porticus umbrâ  
 Par calidum gelidâ tegetet, tiliisque superbas  
 Glandiferoque cavas agitaret vertice quercus.  
 Nunc, quod sola potest, pulchrâ vestita pruinâ  
 Candet, & oppositos recreat candore penates.  
 Et licet in vîso rigeat sub frigore cælum,  
 Vult aliquâ prodesse tamen. nova sidera nuptis  
 Parturit, hybernasque faces extrudit Olympus,  
 Innumerisque micat flammis æstate negatis.  
 At te felicitis præsagia prospera lecti  
 Constantine juvent, & cuss te Sponsa maritum  
 Mox faciet, postetque isto de patre nepotes,



*Amplexus inter faciles, risusque jocosque,  
Intempestivum poteris risisse poetam.*

## P H A L E V C V S

ad Sponsum.

**Q**uot tu carminibus canis puellas :  
 Quot laudas Batavum Batavus urbes :  
 Quot taxat tuus ordines character :  
 Quot pulsas fidibus chelyn canoris :  
 Quot terras populosque permeasti :  
 Quot linguis loqueris diserte vates :  
 Quot pernox numeras faces amator :  
 Quot te candiduli colunt sodales :  
 Quot tu candidulos colis sodales :  
 Quot leges veneraris Vlpianas :  
 Quot signas tabulas petacis aula :  
 Et quot basia perlegis Catulli :  
 Tot jam basiolis bea maritam ;  
 Tot te basiolis beet marita.  
 Et post millia basiationum,  
 Post tot murmura, post leves ocellos,  
 Post flexus, helicesque brachiorum,  
 Fac, quod fas sinit haud negasse Sponsam,  
 Vni dicere sit pudor poetæ.

## PROPEMPTICON,

Ad Nobilissimos & Generosissimos Dominos,

D. IOANNEM GEORGIVM,

&

D. WENCESLAVM GIGAN,

Fratres, quum relicta Batavorum Academia  
Silesiam repeterent.

**M**agne maris Nereu domitor, qui gurgite vasto  
 Battavicus gelidam secludis finibus Arcton,  
 Et

Et procul offensi victrices Casaris iras,  
 Et debellatum spectas è fluctibus Albim :  
 Tuque, per aquoream pandens tua littora Tethyn,  
 Terra potens, mediumque bibens Germania Rhenū,  
 Sumite depositum, Batavis quod reddimus oris,  
 Nec vestros violate deos. compescite Martem,  
 Et strictos geminis avertite fratribus enses,  
 Si veniam meruit pietas, si nescia fraudum  
 Pectora religio est manibus temerasse profanis.  
 Non nostrum est, quod fertis, onus, sed nomina vobis  
 Et patria sperata sua, quibus otia tellus,  
 Et conjurati spondent sua commoda venti.  
 Sat pelago trux sævit hyems, & bella minantes  
 Disjecit Iovis ira rates. hac pacis alumnos  
 Cymba vehit, solumque ferunt pia carbasa Phabum.  
 Cadibus Europa maduit caput, efferus ensis  
 Vangionum tristes maculavit sanguine terras,  
 Et Bojos fato domitos. sua damna triumphans  
 Austriacus dolet, & victrix fortuna suorum  
 Morte cadit, propriosque obitus ulciscitur ultrix.  
 Hoc regum trahit ira nefas, sceptrique furores  
 Insons turbaluit. sed vos jam parcite dextra,  
 Assuetæque malis anima, tinctæque recenti  
 Cæde manus, donec tantum Silesia pignus  
 Possideat, Viadrusque suas exponat in oras.  
 Ambulat innocuus candor, generosaque mentis  
 Simplicitas, doctosque agitans prudentia sensus.  
 Nec sapiens, qua vulgus amat. nil castra morantur  
 Aonides, neuterque suâ cum Pallade Apollo est.  
 Præsidium doctrina petit, nec noxia cuiquam  
 Nobilitas faciles poscit per compita gressus.  
 Ciganei proceres patriis considerare terris,  
 Et reduces adolere parant altaria donis.  
 Magna loquar, migrant celebris charissima Leydæ  
 Corculæ, & externa clarissima nomina gentis,  
 Et Batavæ telluris honos, agnoscite Belgæ,



Quas dudum servastis, opes, quas Odera vobis  
 Credidit, & nostris formandos misit Athenis.  
 Scilicet est aliquid peregrinos visere Soles,  
 Nec tantum sapuisse domi. mens libera querit  
 Exilia, atque foris positum miratur honestum.  
 Illa Deum sedes, Superumque invita penates  
 Mortali mutavit humo, mox corpore rursus,  
 Carceribusque abitura suis. cur horreat orbis  
 Particulae mutare alia? cur semper in uno  
 Stare loco, patriaque velit se affigere gleba?  
 Undique, qua geminos tollit, vel deprimit axes  
 Natura mundi que labor, quaque incubat undis  
 Fornicibus domus alta suis, virtutibus ingens  
 Porrigitur spatium, nec fervens cura sciendi  
 Sistitur, ulteriusque cupit furor iste vagari.  
 India bis geniti redimunt tempora Bacchi,  
 Argolicæque duces, & Graeae nomina terra  
 Thessalicus pellexit ager. Tirynthius olim  
 Hospes in extremis consedit Gadibus heros,  
 Alcmena matrisque satur, defossa metalli  
 Pondera in ignoto Batavum solertia mundo  
 Quarit, & immensum circumfert vela per orbem.  
 Non Ithacum tenuere lares, geminosque Mycenæ  
 Atridas, abiit Latio dimissa Iuventus,  
 Cecropidumque stetit tandem novus advena portis.  
 At vos Hercyniis vicinas saltibus arces  
 Liquestis fortes anima, Belgæque videndi  
 Causa fuit magno libertas Principe tuta,  
 Nec victa regionis amor, sacrataque Musis  
 Lumina, & in mediis nascens sapientia bellis.  
 Non hic fallacis scelerata insania secli  
 Aspersit labem generi, non improba Siren,  
 Nec Circe potuit castas inflectere mentes,  
 Aut scelerum suadere modos. dulcissima vita  
 Otia Romana rapuerunt tempora chartæ,  
 Et modo surgentis Roma, modo fata cadentis,

Quin ubi majores mens volveret ardua curas,  
 Socratica dulcis Sophia latuistis in umbrâ,  
 Aut Themidos sacro didicistis jura recessu,  
 Et veterum nostro versastis sidere leges.  
 Nunc Patria vos cura vocat, blandique penates,  
 Bellorumque immune solum. jam grande laborum  
 Terra parens designat onus, subductaque Marti  
 Imperia, & claros offert respublica fasces.

Illustres virtute vii, nec sanguinis ortu  
 Degeneres, proavum nulli splendore secundi,  
 Felici remeate gradu. nos prospera vobis  
 Vota damus, fremituque afflamus vela faventi.  
 Cymothoë placidis calcans vada cœrula plantis  
 Sternit aquas, toto subsidunt æquora ponto,  
 Assiliensque rati proram levis alluit unda.  
 Et, quia sacra Deis fratrum concordia, fulgent  
 Placatos inter Pollux cum Castore fluctus.  
 Ipse etiam Æolio dimissus carcere sentit  
 Iussa Deam, laxatque sinus, & vela secundus  
 Auster, & à puppi surgens comitatur euntes.  
 Et jam lata novos recipit Silesia vultus,  
 Et dominos vehit Elsa suos, jam Nissa fluente  
 Luxurians sociâ gaudens lasciivit in urbe,  
 Aggeribusque excussus abit. jam Ciga triumphans  
 Civiles vestro damnat sub nomine rixas.  
 Illic consiliis populos, & legibus urbes  
 Flectite, ad exemplum moderantem cuncta Deorum,  
 Seu pacem fortuna dabit, seu barbarus hostis  
 Inferet Hungaricis funestum sinibus ignem,  
 Et turbata quies districtos porriget enses.  
 Illic Aurisci magna ornamenta Lycei,  
 Et seris vistora etiam memorabitis annis.  
 Nomina. ut, Ausonia decus immortale loquela,  
 Vindicet æternos Batavis Cuneus honores,  
 Et Latii genium, & præcas promittat Athenas.  
 Illic Barlæi faciles in carmina Musas,



*Vt Vos si facunda mihi narrabitis ora.  
 Mox ubi festa dies hilari decurret Iaccho.  
 Augustos inter procercs, cognataque vobis  
 Stemmata, Battavica referetis robora terra,  
 Hinc pelago cinctos populos, hinc milite tutum  
 Aut Mosa Vahalique latus : duo fulmina belli  
 Nassavios : pulsum obsessis à mœnibus hostem :  
 Occiduis nuper victos in partibus Indos :  
 Et tandem capta obsidium memorabile Bradæ.*

Ad Nobilissimum Virum

D. CONSTANTINUM  
 HUGENIUM,

Equitem, Febre correptum.

**D***I* quibus imperiū est vitæ, Batavūmq; salutis,  
 Tuque Deo prognate puer, quo vindice rursus  
 Ostendit laceros latis mortalibus artus  
 Hippolytus, tantosque potens medicina dolores  
 Leniit, & vanos obitus risere quadrigæ:  
 Incolumè hoc servate caput, quo sospite gaudent  
 Aonides, hederamque comis, laurumque capillis  
 Implicuere Deæ; cuius Parnassia late  
 Carminibus delubra sonant: nec sola disertos  
 Addidit gens nostra modos; cui Gallus & ipsa  
 Mancipat Ausonias Cypris festiva Camœnas:  
 Nec generosa suos vati subtraxit honores  
 Albion, & Latia permiscens verba loquelæ  
 Vandalus indomitos juvenum dictavit amores.  
 Quid mihi fatales Lachesis, festina nocendi,  
 Precipitas irata colos? cur stamina velox,  
 Dignæque perpetuâ florentia fata juventâ  
 Mortiferis adflas odiis, & sidera morbis  
 Et totum vesana malis adspergis Olympum,

In charos violenta lares. arcessite manes  
 Numina, & infesti pateant tot febris hostes,  
 Et sedli secura cohors, quibus otia Soles,  
 Virtutumque trahunt lentas fastidia laces.  
 Hi pereant, queis vita perit : queis fama vacillans  
 Ægrotat, marcetque levis flos integer ævi,  
 Nec patria sapuisse placet. cur corpora constant,  
 Queis anima vis celsa labat, vi visque fatiscit,  
 Et moritur pars magna sui ? sat juris in illos  
 Mors habet : hi tremulo discent vestigia gressu,  
 Quos sanos vixisse pudet. vos nobile pignus,  
 Vos Batavis servate virum, quo Belgica vate  
 Gaudet, & aternis inscripsit nomina fastis  
 Cattus, & antiqua reparat dispendia lingua.  
 Hos vetuit sua Musa mori, fatique triumphis  
 Eximit, & cœli donat clementia seculo.  
 His nascens Aurora jubar, primosque jugales  
 Commodat, his facilis pandit sua lumina Titan,  
 Et vigiles demulcet equos : his provida seros  
 Continuat natura dies ; inimica fugantur  
 Sidera ; mansuetis famulatur nubibus æther :  
 Morbidaque avertunt memores contagia Musa.  
 Phœbe pater, totum medico cui sufficit Hæmum,  
 Odrysiumque nemus, Patarcaque rura ministrat  
 Terra parens, ægri cessas memor esse pœta ?  
 Nec te docta chelys, totumque audita per orbem,  
 Trans Ligerim, Rhodanumque, Alpinaque culmina,  
 Oxonios, tetigisse potest ? cur nostra moraris (colles  
 Vota Deus ? tu consilio fulcire ruentem,  
 Tu sanare potes. tu mitia sidera nosti ;  
 Totque soli cœlique vices ; qua tempora Luna  
 Designet fatale jubar : quo lumine prosit  
 Signifer, & quali Stygiis revocentur ab oris  
 Pallentes virtute anima. non Lemnia tellus,  
 Aut Creta te gleba latet : non divitis Indi  
 Balsama, non pingues succi, quibus ipsa sororum



Pensa trahas, ducaque tuo sub pollice fufum.  
 Respice quàm latis frondet sub saltibus Haga,  
 Et gelidam præbet turbis spatiantibus umbram,  
 Quam meus afflicto languens Hugenius artus,  
 Affectamque anima sedem, atque ignava tuetur  
 Membra dolens. blandum capiti circunde papaver,  
 Succurrat Panacea favens. ne turbida Morphæus  
 Objectet simulacra vagus: ne vanus inani  
 Phantafus illudat specie, vel fæva Phobetor  
 Ora ferat: lenes restaurent robor a somni,  
 Et medicis valeat serpens Epidaurius herbis.  
 Redde virum nobis, reddas tibi, redde Deorum  
 Concilio, Bataurumque duci. tu vota fecunda.  
 Interea absentem mærens affabor amicam.

Heu Patriæ spes magna jaces, pigroque cubili  
 Languidulum demergis onus; nec gratia vultus  
 Præfina, nec solitam generosa modestiæ frontem  
 Explicat: immites urunt præcordia febres,  
 Distendit fera flamma caput, vicinaque menti  
 Lancinat æthereis cognatam sedibus arcem.  
 Hei mihi qualis eras, cum circumfusa loquentem  
 Curia, cum lati spectarent ora clientes,  
 Dictaret responsa Themis: tibi plauderet aula,  
 Gauderent te rostra viro. Iam dextera languet,  
 Cui toties descriptus amor, Vene: esque, jocique,  
 Et quicquid Cytherea probat, fallaxque iuventa  
 Ingenium: quæ laudet amans, quæque oderit idem:  
 Quæ cupiat, nolitque furens. vis tanta resedit,  
 Nec vatem sinit esse calor. peiorque furorem  
 Obtundit, Phœbumque furor, flamma altera flammâ,  
 Faxque facem. non labra siti tibi torrida fontes  
 Castalii, Ciri hæque liquor, sed pharmaca mille  
 Simplicibus decocta rigant. nunc altera potas  
 Flumina, nunc tetricus tibi fastidit a Machaon  
 Ferula parat, dubiisque docet dediscere cœnas,  
 Aut Curii præscribit olus: vel quale sub ipso

*Fabricius consulque bibit Serranus aratro.  
Iam vegeti mutant gressus : nec limina calcas  
Auriaco calcata duci. jam Principis haerent  
Et Domini rescripta tui. suspensa canorum  
Iam damnat testudo melos, fidibusque remissis  
Tristia languenti resonat lamenta magistro.*

*Adspice mortalis fugientia secula vita :*

*En fragile est, quodcunque sumus: dum vivimus, in-  
Mille modos lethique vices versamur, & unus, (ter  
Vel levis, ad mortem nobis suffecerit error.*

*Non tituli, gentisque decus, non tacta Deorum  
Colla manu, aut Tyrio saturat & murice vestes,  
Non totam complexa Themis, non ebria Phœbo  
Pectora ab agroto deducant corpore febres.*

*Diffugiunt gens nata mori, pariterque serenum  
Ordinur cum morte diem : quâ vescimur aurâ*

*Fati causa latet, secretaque semina lentos*

*Constantine fovent obitus : sua funera secum*

*Circumfert moriturus homo : suspiria, tusses,*

*Et luctus, fomenta malis, & prava prabent*

*Instantis documenta rogi. Mens sola Deorum*

*Expectat securâ domos, & conscia cœli,*

*Quas optat, meditatur opes, nec noxia tabo*

*Sidera, nec diris minitantem afflatibus æthram,*

*Astrorumque timet vultus : capit illa laboris*

*Lenimenta sui, & magni promissa parentis*

*Versat, & ingentem volvit sub pectore Christum.*

*Hæc subeant animo voces, hæc sensa superstes,*

*Hosce tuo languens monitus concede dolori.*

Ad Apollinem, pro restitutâ Constantino

Hugenio valetudine,

CARMEN VOTIVUM.

**P**hœbe pater, cujus triplici sub numine numen  
Et Claros & Tenedos cœluit : cui carmina cordi  
Et



Et jaculis armata manus, vitrixque labantes  
 Instaurat medicina dies, ac languida motus  
 Debet vita suos, ereptaque nomina letho:  
 Iam grati tibi thura damus, Rhenique sub ipsis  
 Finibus accensis fumant altaria donis,  
 Et Batavum tibi flagrat ager; dum leta renidet  
 Auxilio natura tuo, & properantia sistens  
 Stamina, fatales hoc saltem in corpore lucas  
 Despiciat, & magno producit lumina vati.  
 Agricola lectis Cereri de rure maniplis  
 Sacra ferunt, placat Bacchum caper omnibus aris,  
 Odrysium taurus, magno centena parantur  
 Busta Iovi, Tri vi que truces delinuit iras  
 Cervæ cadens. Tibi nos priscos mactamus honores,  
 Taurumque, & raptas calidâ de matre bidentes,  
 Quosque sacrat tibi Persis equos. mihi Pegasus alter  
 Fundit aquas, aperitque sacri fastigia montis  
 Vngula, quo totos despumet pagina fontes  
 In laudes Thymbræ tuas. tu carminis audis  
 Vota mei, sospesque tuis Hugenius herbis  
 Rursus inoffenso ducit vestigia gressu,  
 Iamque redux à morte valet, Musisque renasci  
 Incipit, & lentas cantu proscribere febres.  
 Qualis ubi æstivas insana Canicula messes  
 Verberat, inflexo nutant Cereali collo  
 Pondera, & arentes succumbunt ignibus agri:  
 Tum melior postquam aura diem, secundaq; longas  
 Dispulit unda faces, redeunt sua robora culmis,  
 Vita satis; & qua poterat periisse videri,  
 Spes dominum ridiviva levat. non sola vetustas,  
 Maonidesque pater, vel sacris nobilis hymnis  
 Callimachus tua facta canet; tibi tempora dicent  
 Votivum quoq; nostra melos, tibi scribimus hymnum  
 In Batavis, tanguntque pios tua numina Belgas.  
 Plus Deus Hippolyto sanas, quem ludicra vatum  
 Discerptum commenta stupent, superisque renatum

Mendaces cecinere tuba. plorata reducit  
 Funera, & extinctum falsis Epidaurius herbis  
 Excitat Androgeum, & Troja sub mœnibus altis  
 Ficta Philoetæ sanavit crura Machaon.  
 Cedat Philyrides, Amythaoniusque Melampus,  
 Et Grajis qui præstat opem Podalirius agris.  
 Tu cunctis plus Phœbe juvas, disruptaque penè  
 Federa tot vatum reparas. sanantur in isto  
 Corpore Pierides: afflictaque brachia læta  
 Permiserunt Charites. animâ Barlaam in illâ  
 Sospes abit, vivitque iterum: communis utrique est  
 Vna salus, commune decus: languescimus iisdem  
 Deficimusque malis: rursumque juvamus iisdem  
 Erigimurque bonis. hæc fors redamantis amici est,  
 Hic Pyladem testatur amor, de vincit Orestem,  
 Pirithoumque fides. En quanto patria plausu  
 Lætiæ dat signa sua. venerabilis aula  
 Gaudia dissimulat Princeps. dulcissima mater  
 Non morbi spatia ampla dolens, sed cuncta salutis  
 Expendit momenta tua. non Curia fratris  
 Tardari tristatur iter. generosa sorores  
 Lumina detergunt lachrymis, nec fletibus ultra  
 Ora rigant, lætaque queant placuisse puella,  
 Dum solitus redit ore rubor; castique lepores,  
 Blandaque sperantes facundia flectit amantes.  
 Pandite vos Heliconæ viri, cantusque cietæ  
 Turba pœtarum; nec tu celebrata Camœnis  
 Anna soror suspende lyram: licet ista maritus  
 Ociosa & ingratis forsân fastidiat artes.  
 Oscula tantisper, tantisper basia differ,  
 Neglectusque tuâ jam saltem parvulus aulâ  
 Lusitet Ascanius, donec solennia Phœbo  
 Carmina & incolumi suspendas vota pœtæ.  
 Traxerat Eurydicen Stygiis Rhodopeius Orpheus  
 Sedibus, unanimi Thrace cum barbara plausu  
 Accinuit reduci. nec, cum pallentibus umbris

Exit



Exiit audaci Theseus juratus amico,  
 Et tremere Styx atra duos, sua gaudia pressit  
 Gracia, at in violo suspendit ferta sodali.  
 Nunc etiam sua jura neci, Diti que triumphum  
 Abstulit illa dies, spoliūque invidit Averno;  
 Quā novus, & fractos reparans Hugenius artus  
 Ambulat, & solitiis lassat palatia curis,  
 Aut turbata suis accommodat organa cannis,  
 Aut doctum modulatur epos, vel sidera spectat  
 Æqua sibi, Superūque domos metitur, & ortus  
 Flammarumque citos obitus, vel verba disertus,  
 Et sua in innūmeras diffundit nomina gentes,  
 Linguarum fandique potens. Quid maxima cessas  
 Gloria Toxandrum, Batavi vox prima Senatus,  
 Grande decus vatum, Cæsi? si femina, virgo,  
 Si Memphis lasciva suos suggestit amores,  
 Si matres meruere cani, & sua munia per te  
 Præclara didicere nurus, docilisque reperta est  
 Battavia, asserto potius jam barbata vati,  
 Et Clario concede Deo. jam littora Nerei,  
 Naiadumque chori, vicinaque numina Fauni  
 Exiliunt, recubansque aliquis sub tegmine fagi  
 Extinctum nondum crudeli funere Daphnim  
 Ingeminat calamis Corydon, vel gutture Phyllis.  
 Quæque viri forsan thalamos Galatea subilit,  
 Sic garvifa canit: Vos hoc venerabile Belgis  
 Depositum servate Dii: si sidera poscant  
 Indigetem, serò Superos & limina Divūm  
 Adspiciat patrio proles contermina cælo.  
 Spem faciat sobolis, venturorumque nepotum,  
 Quem totum peruisse nefas, nec clarior orbis  
 Incola languenti prorsus sua subtrahat ævo  
 Nomina. quæ paribus patrem virtutibus æquet,  
 Progenies tantos decoret victura penates.

## LAUDATIO HORTVLI,

Siti in agro Leydensi, extrà portam Rhe-  
noburgicam, intrà primum ab urbe  
lapidem.

**H**ortule, Apollineos toties cui rustica cantus  
Pieris ingeminat, foliisque instillat amorem  
Carminis, & lenes resonant arbusta Camœ-  
Hortule, qui fessa toties solatia menti (na:  
Sufficis, & tetricas curis levioribus horas  
Delinire soles, & post abrupta laborum  
Ad secreta vocas, Zephyris perflantibus orbem,  
Fecundos jam pande sinus, almæque parentis  
Depositum, messemque avido promitte colono.  
Cessit hyems, cessere trucidæ fastidiæ brumæ,  
Sideraque in faciles nimium crudelia Belgas.  
Occidit effusa glacialis Aquarius urna,  
Nec Pisces cum Sole meant; Læta pererrat  
Astra Phlegon, laxisque dies expandit habenis,  
Et matutinam vocat ad mulètralia Nisam  
Purpureis Aurora genis. fumantia tauris  
Tergora lassat ager, discissaque vomere tellus  
Solvitur, & cupidis admittit semina sulcis.  
Sic terris sua vita redivit, cœloque parente  
Concipiunt animas, naturaque facta laborat,  
Et varium molitur opus. me conscia veris  
Vis agitat, pigrumque jubet secedere mundo,  
Afflatum propiore Deo. nova gliſcit ab imo  
Pectore Musarum rabies, eademque pœtam  
Tempeſtas annumque facit. cœlique calore  
Pierides & Vesta calent. juvat ire per horti  
Delicias laudesque mei, positisque coronis,  
Nec jam Daphnea redimitus tempora lauro,  
Fraxinea tenerum carmen meditabor in umbra.

Hor-



Hortule, non ego te gelidâ regione Trionum,  
 Arcadiaque jugis, vel duri ad Strymonis undas  
 Quæsierim, Scythicoque solo, quâ verberat Arctos  
 Proxima frigentes populos, frenoque coerces  
 Nereides immane gelu, noctemve diemve  
 Continuat cæli facies, & rectior orbis  
 Machina pariri nescit cum luce tenebras.  
 Nec te Sole, rubens torrensque caloribus Indum  
 Zona tenet, non ustus Arabs, non indigus undæ  
 Afer, & ardenti tellus vicina Canopo.  
 Te, cum vasta suis terrarum corpora quondam  
 Digereret Deus ipse locis, divisaque sedes  
 Acciperent elementa suas, Solem inter & Arcton  
 Conditor in Batavis posuit; ne fervidus Æthon  
 Vreret, & siccas radiis elideret herbas,  
 Aut frigus tardaret iners. tibi temperat æstum  
 Frigoribus natura favens. Tu languida Rheni  
 Flumina, Teutonicisque ruentem sedibus amnem  
 Siftis, & hic nullo metuendum vortice lambis.  
 Hunc sitiens æstate bibis; tibi pocula lato  
 Sufficit, & tremulis stagnans allabatur undis.  
 Hic Latia steterunt aquila, sua castra Quiritum  
 Te circum posuere duces. te, missus in orbem  
 Saxo Britannorum, Tamesinaque littora, pressit.  
 Engisto ductore redux. admurmurat undis  
 Oceanus, propiorque suas ad volvit arenas  
 Thetis, & albentes circumdat carula colles.  
 Hortule Hamadryadum requies, Fauniq; voluptas,  
 Et Pani dilectæ Deo, Corydonis amores,  
 Delicium pueris, statio secunda puellis,  
 Quam te læta Pales prætis viridantibus ambit  
 Undique, quam lævis succrescunt gramina campis,  
 Et circum tibi ridet ager. quam plurima passim  
 Pascua tondet ovis, distentaque cernitur Io,  
 Sed dudum neglecta Iovi. spatiosa vagantur  
 Flexipedes per præta boves, armenta que feruens

Taurus inquit, reparatque sua dispendia gentis,  
 Hic, quibus in tenera jam ludunt cornua fronte,  
 Imbelles spectes vitulos, mollesque iuvenas,  
 Errantesque procul tenera sine matre bidentes.  
 His permixtus equus campo sese arduus infert,  
 Impatiens freni, & multum spumantis habena,  
 Lanigerasque inter pecudes generosa profusis  
 Immergit sua colla iugis, bellique furores  
 Concipit, & nondum conspecto irascitur hoste.  
 Undique caruleum spatioso fornice cœlum  
 Incubat, & superùm sublimes explicat arces,  
 Flammiferumque globum Solis, Lunamque Deosque  
 Objicit, & vario labentia sidera motu.  
 Nulla oculos sistunt silva, non lumina montes,  
 Laxa patent spatia, & vasti pars altera mundi.  
 Non aliter Latius Circa cacumina surgunt  
 Littoribus, Bajaque nitent; ubi tramite longo  
 Tyrrhenos ultra fluctus, Siculumque profundum,  
 Imminet adversis aether declivior Afris,  
 Italaque oppositum tellus ad spectat Atlantem.

Plus illum tu Leida beas, laudesque tuorum  
 Pars sentit tantilla tui. Tu mitia Musis  
 Oïa das, spreta que novos Libethride lympha  
 Diffluit in latices. mediis non Pallas Athenis  
 Queritur, Aonia Cirrham liquere sorores,  
 Ipsa Claros Phœbum Delosque antiqua requirit.  
 Hic habitant vates, hic numina docta serenos  
 Doctrinae posuere lares. nova nascitur in te  
 Græcia, Cecropidaeque novi. nunc altera Belgis  
 Ausonia est. in te Latialis Roma renasci  
 Incipit. hic varias industria parturit artes:  
 Dicitur jura Themis, distinguit crimina recto  
 Religio, & lentis remoratur stamina fuis  
 Parcarum Medicina potens. sua viscera pandit  
 Et cæcos natura sinus, verique recessus,  
 Ancipitesque aperit rerum Sapiencia causas.

Hæc



Hæc fundi laus prima mei est, hæc sorte superbit,  
 Et sibi vicina præconia vendicat urbis  
 Tot Musis illustre solum. sit milite fortis  
 Hesperia pugnacis ager: sit Gallia Baccho  
 Nobilis; illustret candenti marmore regum  
 Tecta Ligur: ni veum peregrinis India regnis  
 Mittat ebur: fundant molles sua thura Sabæi:  
 Hæc loca venturis doctorum gloria seclis  
 Consecrat, & totum diffundit fama per orbem.

Dic mihi purpurei gratissima filia Veris  
 Flora, quibus tenerum nuper conseveris hortum  
 Floribus, & quales pingant virgulta colores.  
 Arboreos tu Faune senex edisserere fetus,  
 Dicite lasciva Barlæi rura Napææ,  
 Dicite, Hamadryades, agrestia numina, Divæ,  
 Roscida disparibus nascentia germina formis.  
 Assurgant patulis argentea lilia labris,  
 Quæ violent candore nivem, vel odoribus Hyblam.  
 Hæc inter croceo pubescunt altera vultu,  
 Quæ vincant fulgore diem, Solisque laceasant  
 Lumen, & Assyrio rutilantem murice pallam.  
 Sunt violæ molles; sunt, quas clementior aera  
 Educet, at nullo nocituri vulnere dentes;  
 Et crocus auricomans; & gloria veris adulti  
 Crinita per colla rosæ, quas Cypris Adoni  
 Inspergat studiosa suo, rapiendaque jamjam  
 Legerat in Siculis gradiens Proserpina campis.  
 Hic quoque, Threiciis ad nos transmissus ab oris,  
 Flos viret, imperiique decus regale Coronæ  
 Sceptrorumque notant facies. hæc luminæ pascit  
 Tulparum venerandus honor, preciumque coloris  
 Mirantur tam grande sui. stat margine quedam  
 Discolor, hæc variæ folium vibice flagellat,  
 Sanguineis hæc tincta notis, hæc cærulea fundo est,  
 Hæc umbone rubet, fulvumque intermicat illi,  
 Illi purpureum. totos facundia fontes

Laxat,

Laxat, & hac ipsa Bataurus jam cernit in herba  
 Stultitiae documenta sua, curaque virili  
 Indignas telluris opes. appenditur auro  
 Immitis spoliū Borea, brumaeque rigentis  
 Opprobrium, & centum pignus violabile causis.  
 Non Veneri sacra myrti, seroque comantes  
 Narcissi, nardique deest fragrantis arista,  
 Et cum luteolo rutilanti a fraga hyacintho,  
 Cecropiumque thymum. crispas de sentibus uvas  
 Pendentes late videas, totoque rubentes  
 Cortice, & è teneris tot pendula corpora ramis.  
 Hic eii in ventres minuens lactuca tumescens,  
 Et molles malua, cichoreaue frigida laxis  
 Succrescunt spatium: fabrorum prandia betae  
 Hic sapiunt, & quae betis se jungere gaudent  
 Ventosa stant lege faba. quas expetat ipse  
 Pythagoras, solasque suis commendet alumnis.  
 Parte alia intertis erecto stipite pisces  
 Floret ager: juxta grauidam qui nascitur albo,  
 In ventrem cucumis, praegnantisque cucurbita serpit.  
 Delia satidicas cessent attollere lauros  
 Littora, Caesareos qua cingantserta capillos,  
 Hinc, Romae, petas. hic versa amplectere Daphnem  
 Phoebe pater, causumque tui mirare furoris.  
 Et, tu Bacche, meis Acheloi pocula misce  
 Vitis, & plenis latices extunde racemis.  
 En succo vineta tument, suppositaque botros  
 Testa levant, petiturque mea vindemia cura.  
 Hac circum lenta salices, tiliaque sequaces,  
 Et nux juncta vi e spatiosis frondibus umbram  
 Explicat, & pandoprotrudunt frigora dorso,  
 Oceaniue gravem nocituram frugibus auram.  
 Et latus immitis Borea, multumque rigentem  
 Hiberno sub patre Iovem. dispendia caeli  
 Corrigimus Batavi studio, sylvasque procellis  
 Objicimus, doctique truces eludimus Exros.

His



Hic recubans magni miror fundamenta mundi,  
 Autoremque Deum : quot se sapientia formis  
 Pandat, & unde suas arcessant singula causas.  
 Quæ vis cuncta agitet, quæ tot distincta figuris  
 Corpora, & æstivos pingat solertia flores.  
 Cur huic caruleus, cur sit color aureus illi :  
 Hic bulbo, teneris alius radicibus agris  
 Hareat ; in mediâ cur crescant colchica brumâ,  
 Anticipet ver helleborus ; funesta furentem  
 Expectent aconita Canem : cur flexus ab ortu  
 Tendat in occasum, medio declivis ab axe  
 Phœbæa comes ille facis : cur præpete fato  
 Vna dies natos hos cernat, & una peremptos.  
 Antè oculos stat cura Deum, & venerabile cunctis  
 Numen inest foliis : stant circumfusa Deorum  
 Munera : jam digitis pressas, jam lumine spectas  
 Ingenii cœlestis opus : jam proxima gustat  
 Artificem natura suum. latet ipsa sub herbis  
 Majestas Superum, & mediis spectatur in arvis.  
 Quod si manè diem roseis Matuta quadrigis  
 Vectet, & humanos opera ad consuetâ labores  
 Invitet Thaumantis Eos, concentibus æther,  
 Et circum resonant aribus virgulta canoris.  
 Triste gemit socia viduatus compare turtur ;  
 Passere vernat ager, qualis tibi Lesbia primos  
 Impetiit petulans digitos : perstringit hirundo  
 Agrestes lasciva lacus, & vertice in alto  
 Insiliunt ramis imitantes omnia pica.  
 Tu quoque, quæ medio pendes sublimis inani,  
 Nuncia veris arvis, pulchrâ sub casside cantus,  
 Et dulces iteras modulos, ni carmina turbet  
 Turdus edax, picusque loquax, & aquaticus anser.  
 At non Ismariæ patitur clementia Divum  
 Pellicis ore frui, (nec enim datis omnia Divi)  
 Quæ scelus infandum Terei, dirumque sororis  
 Ploret torva nefas ; gelidi non Phœsidis ales

Cernitur, aut Numidum glocitans gallina per agros.  
 In quorum sibi locum ranaeque loquaces,  
 Vespaque. & estiva facundia rana cicada.  
 Huc vocalis olor nitidis argenteus alis  
 Advolat, & totum cantu circumstrepit hortum,  
 Forte memor Leda, quærens, quam fallat, amator,  
 Hesperidum celebrant hortos præconia vatum,  
 Pomaque sopito male custodita Draconi:  
 Thessala laudantur Tempe: Baiæque tepentes,  
 Et quæ frugiferis Phæacum Autumnus habebat.  
 Iugera culta locis: Helicon, & Adonidis horti,  
 Et quos sublimi suspendit in ære diæves  
 Assyrii, & magnis cantata Semiramis ausis.  
 Audiât Æna parens florum: sit fertilis Hybla,  
 Spiret thuriferis Panchæa pinguis arenis:  
 Despiciant Siculos Pastana res iriæc impos.  
 Hæc mea cantatis præstant viridaria fundis;  
 Hæc Dryades, Dryadumque domus, villaque coro-  
 Et prope inoffensis VVarmunda tuetur ocellis, (nant  
 Virginibusque sacer quondam locus, & scelerata  
 Tempa Deum subversa manu, quæ proxima Rheno  
 Arx stetit, & veteres posuere cubilia Catthi.  
 Illic rura jacent emptis celebrata caballis;  
 Nec procul à facili cantata Thæide sedes:  
 Frondibus Endelgesta latens, & flebilis, eben,  
 Ruderibus domus alta suis. spectamus iniqui  
 Temporis invidiam, & veteris vestigia belli  
 Posteritas agnoscit inops. mare, flumina, terras,  
 Oppida, tecta, lucus, celsoque minantia cælo  
 Culmina semideum tandem invidiosa vetustas  
 Destruis, & prisci laudes mala deprimis ævi.  
 Hortule, jam servet calidissima Solibus æstas,  
 Et subit ardentem lampas Phœbea Leonem,  
 Virgineos subitura sinus, & sidera Libra.  
 Da fruAus, da fraga mihi, da mitia poma,  
 Iamque rubens cerasum, mox autumnalia prunæ.



410 C. B A R L Æ I

*Et pyra, & implexis pendentiâ vina racemis.  
Hac colui mercede rudem: sperataque de te  
Spes hac sola fuit. nam postquam gratior orbi  
Triptolemius pingui glandem mutavit aristâ,  
Crevit cura gula, peperitque licentia luxum,  
Tota nec in mensas suffecit terra superbas.  
Da requiem fesso; postquam lassata Sophorum  
Vox mea voce fuit, postquam strepere penates  
Murmure Socratico, & querula certamine turba.  
Sic tibi sit nullo nociturus Sirius astus:  
Lenius insurgant Cauri: non strangulet herbas  
Agricolis in visa filix: non semina durum  
Elidat perimatque gelu; non grandine florum  
Colla labent: semper modicis destillet Olympus  
Imbribus in Vestæ gremium: sic sidera donet  
Iuppiter aqua tibi, & venientes proroget annos.*

## IN RECTORATVM,

Sive

PRÆFECTVRAM ACADEMICAM

Clarissimi Viri

PETRI CVNÆI,

Iurisprudentiæ in Batavorum Academia  
Professoris celeberrimi.

**Q**uis Deus Auriaci clarissima sceptrâ Lycæi,  
Et tantum tibi credit onus? nū Delphica fasces  
Assignant responsa novos, & præscia fati  
Destinat imperiis tacito corina recessu?  
An, velut Eoas Medo concessit habenas,  
Infringuit tibi latus equus, fallaxque caballus  
Augustum monstravit iter: vel fixa parenti  
Oscula Palladis sacrorum nomina regnis?  
Num bello tibi partus honos, vel vindice dextrâ

Hos

Hos titulos fortuna dedit ? num fascibus hæres  
 Succedis , pro avumque capis moderamina rector ?  
 Præficeris Phœbi laribus, dominumque salutat  
 Te supplex doctrina suum ; nec iussa minorum  
 Exequeris protrita Deum. quin iudice regnas  
 Nassovio, tantique Ducis mandata capeffis.  
 Scilicet assertor patriæ, terrorque Philippi,  
 Neptunum Vestamque domans, dum classibus aquor,  
 Vindicat, & aubii librat discrimina belli,  
 Pieridum procurat opus, Martique ministrans  
 Expendit momenta scholæ : quo præside in uno  
 Battavia stet tuta salus, nec fada triumphet  
 Barbaries, placidasque ferox exterminet artes  
 Odrysius, rudibusque ruat facundia castris.  
 Insedit labor iste Ducem : geminisque Batavi  
 Vincimus auspiciis ; & dum manus altera ferrum,  
 Altera Cecropiæ versat consulta Minervæ,  
 Arcetur malesanus Iber, securaque tollit  
 Pileæ, & armorum captat solatia Belgæ.  
 Hæc Pandionia Musis patuistis Athenæ,  
 Doctorum secunda domus ; subversa Cleanthis  
 Atria, Socraticique læres. mox præca potentes  
 Eloquio rostris donavit Roma Quirites,  
 Et Latii laus ista fuit. migrastis & illinc  
 Aonides, sociæque vagus cum Pallade Phœbus  
 Constitit in Batavis , profugas ubi Leida Camœnæ  
 Excipiens, placida tutas in sede locavit.  
 Sunt regnis studiisque vices, pariterque turules  
 Et Musas fors cæca premit. tibi læta secures  
 Iam desert Schola nostra suas, eademque potestas  
 Bis concessa viro, bis laudatura regentem,  
 Evchit, & dominum claris præfecit habenis.  
 Te rectorē ferunt per amœnos Phocidis agros  
 Castalios undasse lacus : gavisæ sororum  
 Atria felices tali moderamine fastis  
 Inscriptisse dies. tu doctæ jurgia pubis



Frangere, tu fluctus, tempestateſque futuras  
 Evitare, ſagax, facili ſermone mederi,  
 Tritonumque minas poterat componere diſtis.  
 Ac velut aequoreis prudens Palinurus in undis  
 Aſſidet intrepidus clivo, torquetque curvam,  
 Et decimis ſubducit aquis: ſeu fervida qualis  
 Laxat anhelanti moderator colla caballo  
 Automedon, calida nunc contrahis ora juventa,  
 Nunc ſapiens laxas. nunc ſpernitur ira tacendo,  
 Et rabiem mora parva domat: nunc efferus horret  
 Iuſſa furor, vultuſque timent reſponſa ſeveri  
 Alcinoi, Lapithæque truces. ſi ſidera tentet  
 Enceladus, ſuperiſque Iovem detrudere regnis  
 Titanum fera corda parent, jamque ipſa vacillet  
 Maieſtas augeta Deum, trepidique Senatus  
 Regia, fulmineo audacem Typhœa telo  
 Dejicis, & natos cœlum reſcindere fratres.  
 Non alium Latæ gradientem clarius arces  
 Conſpexere ducem, quoties capitoliæ conſul  
 Scanderet, & rigida tremere ante ora ſecures.  
 Te quoque Apollinei generoſa inſignia regni,  
 Sceptra beant, decoriſque micat regalis imago  
 Æmula. ſunt Phœbo trabes, ſubſellia, faſces,  
 Quique Deum teſtetur, honos. tu pileæ donas  
 Emeritis: tu ſudatis das præmia curis  
 Arbitet, & claris præcium decernis alumnis,  
 Palladiæ tot jura togæ. tu juiſſa Senatus  
 Tranquillâ ratione regis, tantique ſuperbum  
 Nominis officium, maieſtatemque verendam  
 Diſſimulas, vultuque præmis tua ſceptra modeſto.  
 Advolat ad tanta totus præconiæ famæ  
 Orbis, & in Bæta vo naſcentes littore Muſas  
 Quævis terra colit. veniunt, qui muſtea Celta  
 Poela bibunt, quos mittit Arar, rapiduſque Garum.  
 Voli vo'uſque Liger. piæti venere Britanni, (na,  
 Quosque ſerox longis abigit Germania bellis,

Pannonius, poterque Padi, Dacusque, Gothusque,  
 Vandalus, & nobis jam mitia nomina Cimbri.  
 Dat dextram, juratque fidem vicina Sicambrium  
 Progenies, Fisiique, & qui ferus innatat undis  
 Toxander. pacemque tuus sub legibus obtant.  
 Ipsa Palatina majestas debita terra  
 Proles celsa Ducum, sub te jam praside captat  
 Otia, & imbelles praeclaris artibus annos  
 Mancipat Heroum soboles. his pulpita turgent  
 Vultibus, Aoniique lares: haec purpura fasces  
 Irradiat veneranda tuos. sic regia sceptris  
 Parent sceptris tuis, mandataque praelegis ostro.  
 Ecquis Thespiadas tali rectore sorores  
 Respuat? aut quando studis meliora patebunt  
 Secula? quis vecors adeo, qui jungere tecum  
 Verba neget? cui victricem facundia palmam  
 Destinatur, & priscos Hellas transcripsit honores.  
 Nam velut immensas lampas Phoebeia terras  
 Illustrat, pariterque fovet, lumenque coruscum  
 Vilitate probat, titulis illustribus addis  
 Doctrina documenta tua: quas dirigis artes,  
 Ipse doces, sociasque tuis tot commoda curis.  
 Nonne vides quantis Academia lata triumphis  
 Emicet, & pleno doctorum fama theatro  
 Prostet ovans, lambatque altum invidiosa cacumen  
 Gloria? Iam clarus Themidos delubra sacerdos  
 Ingreditur, querulique aperit spectante corona  
 Iura fori, laurosque refert. Iam seستا Galeni  
 Vadit iter laudum, & Coosolemnia jurat  
 Verba Deo. jam quadrijugo Sapiencia curris  
 Invehitur, vocisque tuae suffragia sperat  
 Terrarum, pelagique sagax scrutator, & aethra.  
 Quique saluiferum terris commendat Olympum,  
 Aethereosque sonos, & magni nomina Christi,  
 Sub tua signa venit. nunquam majore Lycæum  
 Proventu Batavis tot docta pignora mentis



Edidit. in cunctas messis tua funditur urbes.  
 Excipit hunc trabeata domus, rostrisque disertum  
 Praeficit, ille levis castigat crimina vulgi,  
 Inque adytis, Superum ante aras, oracula pandit  
 Et caeli destillat opes. solatia morbis  
 Blanda Mæchæonia præbet silentia dextra.  
 Auspiciis hæc cuncta tuis, hæc voce reguntur,  
 Iudiciisque vigent, despectaque rursus Apollo  
 Signa levat. mox fatorum currentibus annis  
 Palladios iterum spondent tibi sidera fasces.

## O P E R V M

Clariss. Doctissimique Viri,  
 D. GERARDI IOANNIS  
 VOSSII,

Heydelbergensis, Eloquentiæ, Chronologiæ,  
 ac linguæ Græcæ apud Batavos  
 Professoris celeberrimi,

## P A N E G Y R I S.

**F**elices Nemetum populi, tuque optime Nicri  
 Accola, cui placidas veteri de sede Camœnas  
 Dispulit Austriacæ furor implacabilis aula,  
 Casareaque cians aquilas & nixus Iberum  
 Intrepidâ virtute Ligur; tot damna, vicesque  
 Imperii, & profugum mutato Principe Phœbum  
 Hoc uno solare viro: quem matre cadentem  
 Ipse tuo fovit puerum Thymbræus in antro,  
 Vangionumque Dea. Iam desine tristior atros  
 Sollicitare dies, & quæ tibi secula currunt  
 Dura queri. sparsa rursus cœtere sorores,  
 Et reduces mens ista capit. Permissus & omnis  
 Hac Helicon sub fronte latet, sociataque curas  
 Conglomerat doctrina suas, & fundit ab uno

Pectore

Pectore Romane quicquid facundia lingua  
 Grande loqui, aut Grajum potuit sapuisse vetustas.  
 Quo Batavus se jaetet, habet: quo Gallus alumno  
 Surgat, & aeternis inscribant nomina fastis  
 Hostiles Grudii. Latius celebrata Carmentis  
 Sciligeri Verona timet, magnoque superbum  
 Casare nomen habet. memores tibi Vossius annos  
 Scribit, & ingentis pandes proscenia fama,  
 Clara Palatina reparat dispendia terra.

Ostentare suos Memphis studiosa labores,  
 Et Pelusiaca potuit signare papyro  
 Arcanas veneranda notas, lituitque sub umbris  
 Pallas, & Isiaca stupuit sacraria lena.  
 Cum Memphi jam Persa silet, veterisque Minerva  
 Ignorat Chaldaeus opes, nec barbaras artes  
 Medus, & Eos surgens Aurora magistros,  
 Brachmasque coit: tepuit Sapia, servens  
 Quam late spatietur Arabs, & nescia veri  
 Incubuit prisco gravis ignorantia mundo.  
 Cecropidum vixere lares, & docta Cleantis  
 Porticus, & dulci sapiens vicinus Hymetto.  
 Desipit & Latium, numerosque Oenotria tellus  
 Pythagora meminisse nequit, Druidumque loquaces  
 Conticuere scholae. Tu prima Batavia Musas  
 Colligis, & fracta tabulas ac frustra carina  
 Naufragio subduta tenes. Tu cincta profundo,  
 Armorumque inter strepitus, lituosque tubasque,  
 Tranquillum meditaris opus, criticumque tribunal  
 Eritis, & Latiae restauras jura loquela.  
 Adspice Leida virum, quo iudice victa fatiscit  
 Barbaries, mordetque suas irata catenas:  
 Quique renascenti germana vocabula seculo  
 Sufficit. hic ille est Phœbei censor honoris,  
 Pegasidum vindex, tot rerum scriptor, & ævi.  
 Quid dignum memorare suo primæva vetustas  
 Possit Atlantiada? qui culti vocibus oris



Pallentes nigris animas emancipat umbris,  
 Tutaturque reos, vel tristi mersit Averno  
 Damnatum sub lege caput, cum dura clienti  
 Intonuit mediis victrix facundia rostris,  
 Persuasitque Deus causas. Mentitur in illo  
 Fabula; nos alias, Vossi, te Rhetore, leges  
 Accipimus, doctumque forum. quibus artibus astris  
 Invehat Augustum, vel magni Casaris arma,  
 Scipiadasque orator ovans: qua voce furores  
 Increpitet Catilina tuos: Syllamque ferocem,  
 Et Senonum furias, sævique incendia Brenni.  
 Aut qua Suada togam clypeis, qua classica possit  
 Ignavis præferre togis; Asiaque potentis  
 Pompejo decernat onus; qua proxima morti  
 Colla levet, flectantque leves responsi Quirites,  
 Et victo trépidas eludant iudice scælas.  
 Hac Lysias, Siculusque Corax, hæc Antipho quondam  
 Accidit præcepta schola. vidèrè priores  
 Vile rudimentum, & tenera cunabula lingue  
 Versavit tum Stoa gravis: mox aucta Lyceo  
 Gloria, dicendique labor: fluxere disertis  
 Hermagoras, Grajusque Molon, & conditor artis  
 Hermogenes, Phalereusque loquens, & pagina Tulli,  
 Et Fabii clamantis opus, lususque Theonis.  
 Tu veterum cæca nitidam caligine lucem  
 Elicis, & scriptor præscos irrumpis in annos;  
 Eloquiique decus, turbataque nomina rerum.  
 Et sandi formas, collapsaque jura reponis.  
 Tu Latium, vocesque suas formare Pelasgos,  
 Argivosque doces: geminis exordia pandis  
 Gentibus, & tantorum aperis elementa laborum.  
 Quemque legat primum titubans industria callem,  
 Descendique viam. faciles Scaurosque Caprosque  
 Ire facis, curisque tuis respirat Apollo,  
 Et nova Palladium solantur commoda gentem.  
 Cedite Grammatici, magno quibus ilia fastu

Incon-

Inconsulta tument, delapsaque littera sede  
 Sufficit ad bellum, vel iniquum comma minaces  
 Exacuit calamos, & tanti scena paratur  
 Nominis. hoc cunctas absoluite iudice lites,  
 Et vestros sedet melior censura tumultus.  
 Hic dictator erit. fasces submitte tandem  
 Invidiosa cohors: dum vecta poemata plaustris.  
 Et tragicum castigat epos, veterumque cothurnos.  
 Mœstaque Medea detergit fecibus ora.  
 Hippolyti properant alio temone quadriga,  
 Et Troas purgata nitet: sua vita Iocasta  
 Redditur, & Latio clamat sermone Thyestes.  
 Adspectatque diem pulsus orchestra tenebris.  
 Quilibet huic nota est propriis insignibus atas,  
 Seclorumque patent facies, distinctaque magnis  
 Nomina temporibus, seu cum puerile loquendi  
 Robur erat, traxitque rudem doctrina iuventam,  
 Scipiadumque grauis totum se inuolueret armis  
 Ennius, & tenui Plautus vestigia socco  
 Figeret, & vates Satira lutulentior iret:  
 Seu cum crevit honos lingua, scabrosque fugavit  
 Majestas Romana sonos, & adulta Catulli  
 Capt a lepore fuit: seu cum labentibus annis,  
 Quo Latium, fato cecidit, Romaeque senectâ  
 Symmachus Ausonias offendit durior aures.  
 Ingeniis diuersa placent: huic abdita pandit  
 Abstrusos natura sinus: hic floribus artes.  
 Irradiat: lapsas alius restaurat Athenas:  
 Ille Cleanthea neglecta palatia turba:  
 Hic in Aristippi solum praecepta relapsus  
 Socraticas evolvit opes: hic scribere fastos  
 Ad famam satis esse putat. Sed cuncta coëret  
 Vossius, atque omnes fecundo pectore Musas  
 Parturit, & latè titulos arcessit honorum  
 Immortale caput. non te veneranda silebo  
 Relligio, veterumque fides, & sanctius ævum,



Huic perspecta viro. quantis erroribus acta  
 Christigenum steterint acies, quo castra Pelagi  
 Vindice tuta diu fuerint : quibus occidat armis  
 Contemptrix natura Deum, delapsaque caelo  
 Gratia subnixos claris doctoribus Afros  
 Traxerit in partes, & grato foedere perstet  
 Libertas, Superumque favor ; ne crimina Divis  
 Imputet impietas, restique ignara voluntas  
 Audeat audaces vultus opponere caelo ;  
 Ille docet, totumque pius propugnat Olympum.  
 Ac veluti tacito subterlabentia cursu  
 Flumina diffundit Nereus, hic gignit Orontem,  
 Hic septemgemino turgentem gurgite Nilum,  
 Non tamen ipse minor, nec divitis indigus unda  
 Usque fluit, terrasque ingentibus ingerit aquor,  
 Atque alias largitur aquae : sic ille perenni  
 Haerit fonte libros, & claris secula ditat  
 Muneribus, semperque novis, quae donet, abundat.  
 Dumque sibi varia contextit fronde coronam  
 Mens assueti operi, per mille volumina solers  
 Ambulat, atque suos aliquid seponit in usus.  
 Sic ubi Graecorum calamos, & prodiit docto  
 Enumerat monumenta solo, momentaque scriptor,  
 Et rerum summas aperit, nunc abditus a vo  
 Anteit Olympiadum palmas, jam Persica radit  
 Tempora, & Herodoto multum narrante superbit,  
 Nec dulci Xenophonte minus. jam fides Daretis  
 Pagina mentitur senium, iam Diityos horret  
 Fabula : Pelleis vates arcessitur annis  
 Chærilis : hinc Phariis scriptus sub regibus orbis,  
 Ausoniæque Ducem fastus signata papyrus.  
 Conveniunt doctorum opera, Chaldaeus & Assur,  
 Phœnicum labor, & calidi secreta Canopi,  
 Atque Arabum tabula. & victuri industria Persa.  
 Seraque grandiloquis turgens authoribus Hellas.  
 At non una tuas, doctor celeberrime, laudes

Terra capit, parti Latio dicantur honores,  
 Gestaque Romulidum, & magnorum fata Quiritū.  
 Non ego, si lymphamadeam Permesside, vastos,  
 Ire per annales, digestaque tempora possim,  
 Tantorumque queam titulos memorare laborum,  
 Victorisque dies populi. Iam Roma renasci  
 Incipit, atque sua legit incunabula gentis,  
 Historique gradus numerat. spectate Batavi  
 Terrarum Belgique Deos, cantataque quondam  
 Bella Latinorum, magnique exordia regni,  
 Abdita Poniiscum foliis: vestigia Navi  
 Pone premit Calabrum vates, & carmine docto  
 Instruit armatas acies. Pistoribus Afer  
 Militat, & primi studiis asperrima belli  
 Carthago, Italiam contra. scripserunt Catones,  
 Odrysiique rudis tunc formaverunt juventam;  
 Accepitque furor legem, rabiesque docentis  
 Admisit præcepta viri. mox maxima Scauri  
 Fama fuit, Syllaque labor, Catulique Sisennaque,  
 Et clari Varronis opus. sua prælia dicitat  
 Caesar, & ingenti fortem minimine Gallum  
 Exiit. agnosco trabeas, augustaque late  
 Nomina, & Amathibus diffusis poemata campis,  
 Et magni lituos Silli, contractaque Crispi  
 Verba, gravem monitis Tacitum. tu Flore disertum  
 Os aperis, vati propior. tu grandia Livi  
 Orsa legis mediasque ferum deducis in Alpes  
 Hannibalem, Pharioque necas sub Principe Poenum.  
 Nec Messala latet, doctique Rabirius oris,  
 Non Tubero, Macetumque audacia prælia narrant  
 Curtius. imperio donec languente fatiscens  
 Victricem melius meminit se Roma locutam.

Hac scribis, pariterque doces, tantique per orbem  
 Imperii fastos celebras. veneratur honores  
 Belga tuos; poscitque sibi tam grande Britannus  
 Depositum. spatiosa tua Germaniæ fama



Annuit. Euganeas tangunt tua nomina sedes ;  
 It cælo sublime decus. te Rhenus & Albis  
 Suspicit ; in Druidum doctas illaberis urbes,  
 Et cupiant te posse frui. si Gallia plorat  
 Turnebos, Latium Alciatos, dispendia fati  
 Tanta levas. toto mœstas Helicone sorores  
 Barbarie pulsa recreas. tibi tempora debent  
 Et rerum memores anni : luceſque renata,  
 Et lingua Latialis honos : te ſera loquetur  
 Poſteritas, te clara vehent præconia vatum,  
 Iſtaque venturi relegent monumenta nepotes.

## I N O B I T V M

Clariffimi Viri, & Mathematici  
 incomparabilis,

## WILLEBRORDI SNELLI.

**Q**ua nova ſidereos abſcondunt nubila vultus ?  
 Cur facies mutata poli eſt ? mundi ne fatiſcit  
 Machina ? & athereis orientia ſigna maniplis  
 Fatales metuunt obitus ? num priſtina cœlum  
 Improbitas facit eſſe reum ? rurſumque rebellis  
 Terra fuit, Tityuſque ferox iraiſcitur aſtris ?  
 Stellarum cur languet honos ? retroque jugales  
 Phœbus, & attonitos perterrita Cynthia curruſ  
 Raptat, & ardentes trepidant formidine flamma ?  
 Palleſcunt cuncti Snelli cum manibus ignes,  
 Et Superi ſua damna dolent : Atlante remoto  
 Aſtra timent. primi Borea ſub parte Triones  
 Permiſcent pelago lachrymas : vicina Bootes  
 Plauſtra fugit, pavidoque Helices cuſtodia pernox  
 Negligitur, radiuſque Draco levioribus ardet.  
 Ipſa Ariadna ſuos capiti ſubducatur honores,  
 Gnoſiaque Arctox decedat ſtella Corona,  
 Sed vetat Arctophylax. mediis Ophiuchus in aſtris  
 Cen-

Contrahit ingentes humeros, & segnius Anguem  
 Continet hic illic manibus: mœrore solutus  
 Scorpius in visâ condempnat vulnere cauda.  
 Excutit exuvias, & victi terga Leonis  
 Engonasis, turbatque Lyræ modulamina Vultur.  
 Mœret Olor, cantatque melos jam flebile, quale  
 Ad vada Meandri fatis instantibus olim  
 Præcinuit lugubre sibi. Tuque optime recti  
 Arbiter; & Themidis custos sanctissime Cepheu,  
 Stamina Parcarum repetas, ni numina summi  
 Plus timeas veneranda Iovis. planctura decoras  
 Tendit Cassiopeja manus, nec fulgida longè  
 Andromede excussa plorat nova funera pallâ.  
 Non solitus vultu candor nitet, emicat ore  
 Antiqui luctus facies, cum brachia monstro  
 Panderet, & rigida vincirent membra catena.  
 Adstat Equus, guttisque humectat grandibus ora  
 Pegasus, & juxta lachrymantem Persea spectat.  
 Frenet Erichtonius, nec lugens amplius hircum  
 Ferre potest humeris. obtusa cuspide Telum  
 Labitur, Antinoumque, Aquila dolor improbus urget.  
 Iamque suis iterum vellet Delphinus in undis  
 Mergier, & spatio majore Triangulus optet  
 Posse capi, vniatque poli sors ista figuram.  
 Ast Aries cunctos inter venerabilis ignes,  
 Sede sua loc ut indigetem: quâ circulus alti  
 Solstitii mediam populis disternat æthram,  
 Ingentesque habitant aninta, cum Cesare magnus  
 Sosigenes, stellisque suis permixtus Aratus,  
 Alphonfusque senex, & Cimbrum maxima Tycho  
 Gloria. tota trucidis mugit vicinia Tauri,  
 Pleiadesque latent, & cum suspiria fundunt  
 Elefram soror Alcynoe, Meropemque Celeno,  
 Taygetam Asterope & Majam solatur amice.  
 Quin Geminos dolor unus habet, subit ille Leonem,  
 Chelarumque minæ fracto jam robore languent.



Virginei squallent habitus, & longius Arcton  
 Spica fugit, bustumque viri: divortia munda  
 Libra facit, trutinamque equalia pondera jammunc  
 Despicit. at tensum Arcitenens dum surgit ad arcū.  
 Intentat telam Lachesi. nat alibi iste  
 Principis Augusti celebris Caper ingemit umbra,  
 Et sua percussus Ganymedes pocula fundit,  
 Piscibus Oceano mersis. dic cetera nobis  
 Vranie, quosque Auster habet declivior ignes.  
 Hic timidum videas nimboſi Orionis ense,  
 Lapsaque scuta manu: fugiunt Procyonque, Lepuſq;  
 Quique furens urit sitientes Sirius agros:  
 Hinc Cratera ferens Corvo diſcerpitur Hydra  
 Acrivus. ecce pius Chiron, præceptor Achillis,  
 Fortius ad verſum (dolor huic exasperat iras)  
 Transadigit mucrone Lupum. Iamque omne laevo  
 Thuribulum tristes ratibus denunciât Austros,  
 Velaque & extenſos rumpit ferale rudentes.  
 Est etiam ſub ventre Capri ſemotus ab Arcto  
 Piscis, & effuſas jam largius imbibit undas,  
 Tristitia documenta ſæ. Titanivus ales  
 Hunc iterum flammisque ſuis atque igne renuſci,  
 Et veteres redâdi, ſeculis redeuntibus, annos  
 Gaudet. At totum terret clangoribus orbem  
 Infauſti Palamedis avis. Nereia Piſtrix  
 Andromedam trepidare vetat, ſociatque Tauro  
 Illaſum ſinit eſſe bovem. Phæihonta ſuperbum  
 Fleverat Eridanus; nunc, qui ratione magiſtrâ  
 Flammiferos direxit equos, cœlique meatus  
 Noverat, has ipſas late deſtetur ad undas.  
 Non rota præſcriptos Ixionis occupat orbis:  
 Tardius Argolica ſubeunt a pluſtria puppis,  
 Laſaque languidulis Argo ſtat pallida remis.  
 Tiphys abeſt, docuitque ipſum qui tendere vela  
 Tiphyn, & incautis monſtravit ſidera nautis,  
 Heu, fuit, atque ultra Batavam non dirigit Argo.

Hæc Superos fortuna manet, nec nesciit istos,  
 Quà radio vastum descripsit gentibus orbem,  
 Inferior Natura obitus: dumque atria plangunt  
 Attica, Cecropidumque scholæ, præclara Canopo  
 Memphis, Arabs, paribusque Afer felicior horis,  
 Quaque levat fessos Phœbi Carteja jugales,  
 Occidua Gades, Atlantiæque recessus,  
 In Batavis longo stupuit Facundia luctu.

## In ejusdem obitum.

Sidera quæ pernox aternaque lumina mundi,  
 Et didicit totum mens studiosa Iovem,  
 Iam propius visura Deos, Divùmque penates,  
 Odrysios sub se Mercuriosque videt:  
 Stellarumque alios vultus miratur, & ignes;  
 Totaque spectanti machina facta nova est.  
 Non dolet ingrato fœdari vespere cœlum,  
 Præcipitemque alto labier axe diem.  
 Oceano nusquam mergi, vel surgere Solem  
 Adspicit, aut tantum delituisse jubar.  
 Quin stupet ipsa suos nusquam se cernere Belgas,  
 Cunctaque sub puncto regna coire brevi.  
 Non illic rabido fervens Canis astuat ore,  
 Aut nocet in visa Parrhæsis ursa gelis.  
 Non dextrum ferit umbra latus, non ulla sinistrum;  
 Omnia spectantur sidera, nulla latent.  
 Non hic Eoa Atlantides absconduntur,  
 Humidaque Autumnos Pleiæas orta facit.  
 Non levis effusas occultat Aquarius undas,  
 Aut latitant istis Gnosia fœta locis.  
 Astra meant pariter, nec Tauro Scorpius exit  
 Rectior, aut Cancro lentius Ægoceros.  
 Cynthia sub pedibus magno cum fratre quadrigas  
 Fleat, & hic rectum Signifer urget iter.  
 Nusquam stat librata dies, nec splendida nocti

Lumi-



*Lumina Phryxai velleris aequat ovis.  
Sic discit perisse sibi, quas scripserat, artes  
Snellius, atque alius legibus ire Deos.  
Sed veri satur ipse Dei jam vultibus, artem,  
Quam docuit, tanti dediticisse putat.*

Amplissimo, doctissimoque viro  
D. MATTHIÆ OVERBEQVIO,  
Hamburgi ad Albim moranti.

**A**lbi pater, cujus latè per littora miles  
Vandalus, & Cimbrum posuit tentoria rector,  
Saxonicamque ciet vicina per oppida gentem;  
Si tibi pugnacis placuit vetus accola Rheni,  
Et Batarvos bellator amas, si noxia non sunt  
Federa nostra tibi, & causis certamus isdem;  
Quem servas, mihi redde virum. tibi pignus amicum  
Creditor, & docta decus hand ignobile Leidæ.  
Dum procul à patria peregrino fertur in orbe  
Dux Ithacus, castaque dolet se vota morari  
Conjugis, excelso Pallas Tritonia tandem  
Supplicat una Iovi. reddi sibi Thesea ventis  
Cressa puella petit. tardisque obmurmurat undis  
Phyllis, & absentem plorando carmine mœrens  
Demophoonta vocat. lenes in carbasa Cauros,  
Et faciles fluctus magno Venusina Maroni  
Musa vovet, precibusque Deos, geminosque fatigat  
Tyndaridas. hic noster amor mihi queritur absens,  
Hunc seræ poscunt, hunc poscunt mane querela.  
Vos precor, Hansatici currus, celeresque quadrigæ,  
Vos precor, Hansatica puppes, alnique, ratesque,  
Accelerate virum. qui currus vexerit, illum  
Curribus anteferam Solis, Venerisque Iovisque,  
Quaque vehunt te, Iuno, rotis. qua puppe redibit,  
Illa meis vivet, ceu quondam nobilis Argo,

Carminibus celebrata raris. non Æolus illi  
 Iratis insurget aquis, infestaque Thetys  
 Illidet trepidam scopulis. æterna Favoni  
 Oria, placatasque sibi per seniet undas.

O, mea si Superis consors fortuna teneret  
 Frenâ poli, subito vastum Iovis armiger ales  
 Hoc raperet, per inane, caput: vel grande per æquor,  
 Qualis Agenoream Tyrio de litore Sponsam  
 Abstulit, in nostras securum transvehat oras  
 Taurus, & Europa plus dignum virgine nobis  
 Portet onus! quin Dedaleas mea fingeret alas  
 Dexterâ, & hinc humeris illas, hinc figeret armis,  
 Præcipite que darem Zephyros. sic præpete cursu,  
 Vatis ad imperium, coelos tranaret & auras  
 Pierii dux ille chori, & sublimior iret,  
 Virtutum quâ vergit iter, suffultaque laudum  
 Fama patrocínio magnis enavigat ausis.  
 Tu, qui iussa Deum celerâ trans æquora motu,  
 Plutonisque domos, coelique palatia desers,  
 Atlantis Tegeæ nepos, talaria plantis  
 Indue, Teutonicamque celer delabere in urbem,  
 Atq; hac verba refer: Quid in his, vir maxime, terris  
 Protrahis egregios Soles? cur sidera brumæ  
 Sideribus vicina placent? Germania discors,  
 Rixantesque Ducum populi, commissaque magna  
 Balthica signa Aquila, atque Albi contrarius Ister?  
 Siccine te Batavæ subiere oblivæ terræ,  
 Auriacæque scholæ? sic clarâ Palladis urbem  
 Dememinisse potes? nec te dilecta tuorum  
 Nomina, magnificique lares, Sophiæque serenum  
 Numen, & æncipii tanguit resonantia vero  
 Pulpita? crede, tui dudum possessor amoris,  
 Perpetuusque comes lateri, cui sæpè solebas  
 Pectoris arcanos motus, tacitosque fateri  
 Alterno sermone sonos, jam solus inerrat  
 Hic illic Barbaeus agris, ceu raptus Orestis



Si Pylades foret, aut Theseus solvisset amico  
Vincula Pirithoo, vel charo spectus Achilli  
Castra Menecides parvidis lustraret Achivis.

Dixerit hæc Atlantides, facundaque pandat  
Ora prior. Iam tu, Iunonis nuncia magna,  
Nimbo cincta latus, propera Thaumantias Iris,  
Femineasque ordine preces. dic quali a pigro  
Oenone dixit Paridi, vel Sestos Abydo,  
Dei mira viro. castæ suspiria narra  
Conjugis; ut lenta ignorent sua gaudia noctes,  
Nesciat officium thalamus. dic multa perire  
Oscula, dic vanâ amplexus sub imagine fingi,  
Et Veneris languere faces; velut orba colono  
Officium dediscit humus: dic mæsta vagari  
Pignora, & Ascantium, foribus dum ludit in ipsis,  
Incusare moras, & lentum poscere patrem.  
Si minus hæc moveant, pendentis ab ubere matris  
Innocuos risus Agathæ, frontemque genasque  
Objice. dic spatius flores marcescere cunctis,  
Nec foliis decus esse suam, vix colla papaver  
Tollere: candidulum vultus mutare ligustrum,  
Fraga mori, nullum violis constare colorem,  
Aurea nec solito gaudere rosaria cultu,  
Liliaque è calathis altè flaccescere canis,  
Dic genus aligerum, nullo jam Praside, magnis  
Inter se committi odiis, crebrescere pugnas,  
Nec ferri peregrina domi, pipire palumbes,  
Tot modulos cessare aviam: Pandione natam  
Pristina fata queri: non lasci vire columbas,  
Nec spem ventura sobolis promittere missas  
Phaside Barbarico volucres: Meleagrides abdi  
Gallinas, laxisque Afras vestigia pennis  
Ducere tarda satis: dominoque absente, nec agris  
Latitiam, solitosque animos constare caballis,  
Interea, dum nostra Deos arcessit Olympo  
Pagina, lene tibi sternant, Vir magne, profundum

*Najades, & faciles veniant ad carbasæ venti.  
Scande ratem, properat Tiphys, quæ surgit ab Ortu  
Ducet ad optatam jam te levis aura Creûsam.*

## I N N V P T I A S

Nobilissimi, & Magnifici Viri,  
ADRIANI BLYENBURGII,  
Civitatis Dordrechtanæ Prætoris, secundum  
Sponsi; Et Castissimæ, lectissimæq; Virginis,  
SARÆ ROVERIÆ, Sponsæ.

**C**onjuge mitescit prator, rigidaque secures  
Imbelli cessere thoro; Themidisque severæ  
Vultus, & admissis subridet Curia Sponsæ.  
Nec, velut antè, reis fatalia scribit amator  
Nomina, funereosque dies; sed Cypride plenus  
Dat miseris veniam, & faciles persentit amores.  
Blanda, Dionæis passim permixta puellis,  
Circumstat jam turba virum, mutataque tanti  
Scena fori est. tetricum petulans Erycina tribunal  
Occupat: amoto septeno iudice causas  
Dicit Amor: ternæ pulso lictore sorores  
Anteferunt geniale iubar; facibusque ministrat  
Officiosa Paphos. nec, sacri conscia juris,  
Intentat strictos jugulis peccantibus enses,  
Castigatque Astræa nefas. non fascibus horrent  
Rostra, nec horrendas edunt Capitolia voces.  
Flammea cum peplus, & tinctum murice cestum,  
Cingulaque Idalia Veneris, tunicaeque fluentes  
Contrectat metuenda manus, crinesque beatæ  
Virginis, & teneros frontis percurrit honores.  
Non poenas delicta luunt, scelerique paratur  
Supplicium, tristicique rigent spectacula theatro;  
Non spoliis ferale refert, duosque suorum

Ferre



Ferre potest fontum gemitus, dum sanguinis hæres  
 Quæritur, & facilem promittunt tempora sponsam.  
 Sic, ubi Iunonis gremio se maximus abdit  
 Iuppiter, aut Tyrias inter mugire iuvenças  
 Cogitur, & mediis Eur opam vectat in undis,  
 Majestas veneranda latet, grandemque Dione  
 Abscondit lasciva Deum, non fulmina Lemnos  
 Fabricat, aut hominum vitis irascitur æther;  
 Cuncta Panomphæo laxantur jura Tonanti,  
 Nec terras Iovis horror agit. sic arma gravesque  
 Deposuit Mavors clypeos, vultusque minaces,  
 Dardana cum tali sub bellatore sacerdos  
 Feminæum pateretur opus. nec crimina Minos  
 Scrutatus vitæque fuit, cum lata severum  
 Pasiphææ complexa virum, solenne mariti  
 Pæsceret officium, & socialis præmia læti.

Vix Batavum terris istos accenderat ignes  
 Idalius puer, & Roveri de stemmate prolem  
 In thalamos ducebat Hymen: cum protinus undis  
 Extulit os pelagi rector, (seu proximus Hagæ  
 Percepit secreta thori, seu foederis index  
 Mæva fuit, seu cuncta Deos præscire putandum)  
 Et Dordrechtanam conchâ circumtonat urbem.  
 Illicet Æolii compresso murmure fratres  
 Tranquillo siluere mari: visoque tridente  
 Cuncta repurgato fugerunt nubila cælo,  
 Nigrantæque globos, obscuraque sidera claro  
 Mutavit natura die: quæ carbasa latè  
 Sulcabant vitreos audaci remige fluctus,  
 Quæque suis hæserè vadis. illi hispida mento  
 Barba fuit, viridisque caput distinxerat alga,  
 Et tremula squoreas aspersit cauda sorores.  
 Venit & ipse senex Vahalis, Mosamque secutus  
 Lingam Mæva trahens, placido sed gurgite Linga  
 Lenior obliquis Vahalis se miscuit undis.  
 Circum Nereides, circum sedere bifformes

Glaucus, & Arctoo subuectus pisce Palæmon,  
 Inque novos semper Proteus mutabilis artus.  
 Ut pater Oceanus vultum, frontemque serenus  
 Explicuit, qualis socia cum conjugè quondam  
 Latus ad Æmonii properavit fercula Pelei,  
 Talia dispositis fremuit præ sagia mensis:  
 Non tristes tibi Sponse dies, non tristi & Sponse  
 Verba loquar, blandis etiam me amplexibus ambit  
 Æquore & regina domus, & frigida quamvis  
 Regna colam, gelidosque lares, sum gnarus amorum,  
 Incaluitque meis vitalis flamma medullis.  
 Quam memini, cum laxatis fera Thetys habenis  
 Hos circum popularet agros, & federe rupto  
 Nescirent elementa fidem, Vestaque patenti  
 Turgidus iratis Nereus incumberet undis!  
 Omnis Hamadryadum fugit chorus, arvaque latè  
 Deseruit miseranda Pales, & pastor Alexis,  
 Et mersis ovibus Corydon. vestigiæ rerum  
 Cernimus. avulsæ sunt istæ à mœnibus arces,  
 Quæ pelagi cinguntur aquis. en saxa, minaque  
 Murorum ingentes, aquataque culmina cælo.  
 Hanc proceres tenere domum, Mervæque potentes,  
 Iugeraque incurvo Batauvus scindebat aratro,  
 Condebant salices dumosaque prata capellæ,  
 Omnia campus erant, nunc omnia pontus & aquor.  
 Iam furor iste mihi, iam præscia relanguit ira,  
 Iam pacem tibi Belgæ damus, iam claustra procellas  
 Arctæ tenent, sensimque meo se gurgite tellus  
 Exerit, & veteris reparat dispendia sedi.  
 Corrigitur clades thalamo, fatale resarcit  
 Diluvium Lucina thoro, & melioribus astris  
 Proscribit Cytheræ metum. quibus occidit oris  
 Battaviæ pars magna mea, nova gaudia cœlum  
 Concipit, & nostra firmat connubia voce.  
 Felices, Blyburge, dies, nec iniqua tuorum  
 Fata, nec indignos tali genitore nepotes



Te Superi spectare volent. venerabile Belgis  
 Parturiet tibi mater onus : quæ pignora fundet,  
 Adspiciet trabeata pater. puer auctus in arctum  
 Virtutis se trudet iter, crescensque per artes  
 Ingenium & magno duces sua pectora motu.  
 Consulet hic populis, jurisque gravissimus auctor,  
 Et Themidis custos, majestatisque Batava,  
 Accipiet patris exemplum, quod sumet ab illo  
 Filius, & pariter titulis studiisque Minerva  
 Splendida con. inuo numerabitur ordine proles.  
 Nec ventura minus maternos filia mores  
 Imbibet, & famam poterit pietate mereri.  
 Virginitas sine labe fluet, permixta nitebit  
 Forma pudicitia, referet plus dote bonorum,  
 Qui quis amator erit ; qui basia figet in illi,  
 Pandora continget opes. atque omne stupebit  
 Feminea probitatis opus. non illa repellet  
 Dura procum, non blanda volet, sed tota parentum  
 Hauriet insolitos tantis auctoribus ignes.

Vix ea factus erat senior, cum dicere plura  
 Donantem gremio complectitur Amphirite,  
 Basiolis intenta suis. praeludia Sponsis  
 Ista paramus, ait. discas nova conjugis uxor  
 Talis sollicito solatia ferre marito,  
 Et similes furor insolitus despumet amores.  
 Felix, quæ viduum conscendis nupta cubile,  
 Et tepidos ab amore thoros. in Cypridis artes  
 Molliter erudienda jaces. tibi gnarus amandi,  
 Quæ facias, prescribet amans. non oscula figet  
 Dura nimis, non blanda nimis, non Vespere primo  
 Crebra nimis, non rara nimis, verum omne Dionæ  
 Officium docta peraget solertia lege.  
 Cesserit ille pudor, cupidi qui gaudia læti  
 Tardat inexpertis, & spes eludit amantum,  
 Et metuit, quod poscit, iners : trepidatque petita  
 Virginitate frui, latet adoperta tenebris

Quæret anhelantem secura audacia Saram.  
 Ac velut insolitis trepidantem cernimus undis  
 Tiphyn, & ignotis luctatur fluctibus excors  
 Navità, nec timidis paret rectoribus Argo,  
 Sic rudis horret Hymen, metuit certamina miles  
 Nunquam visa prius, belli que pericula sentit  
 Territus. hæud aliter primos amor exerit ignes,  
 Et friget pudibunda Venus, vixque egra medetur  
 Ipsa sibi, thalamique audet secreta fateri.  
 Hoc etiam Paphias moderari conjuge curas  
 Et discas flagrare minus. sed robur adultum  
 Decerpes secunda thoro, magnumque putabis  
 Ad suevisse viro. primas insania tedas  
 Arguit; hæ sola possunt ratione probari.  
 Antiquum quodcunque placet, preciumque vetustas  
 Grande refert; cunctis novitas invisa Batavis;  
 Nec nisi trita juvant. noto se calle viator  
 Expedit: indoctam fugiunt consulta juventam;  
 Perque suos usus artem rimatus amandi est  
 Infelix vates. hic hic sapuisse mariis  
 Proderit, & gravibus documenta petuntur ab annis,  
 Optimaque in thalamos manant exempla secundos.  
 Naufragus amissâ jactat sua fata carinâ,  
 Et victam pelagi rabiem, Boreæque furores  
 Deputat in lucro. viduatus compare conjunx  
 Sæpe suos memorat casus, & mente revolvit,  
 Prospera quæ fuerint, quæ nubila tempora nuptis.  
 Romanis rerum Dominis, gentique togatæ  
 Mox alia placere nurus, facibusque potentum  
 Egregia rediere vices. Iustina Severa,  
 Fausta Minervina, successit Galla Placilla,  
 Quoque Creüsa prior, jacuit Lavinia lecto.  
 Elia cui primum, mox Messalina marito  
 ungitur. Augusto peperit Scribonia. nec tri  
 via protritatos fastidis Casaris ignes.  
 Ipsi ego, ni Superis immortalique Deorum

Con-



Conjugio fruerer, tales Neptunia conjux.  
 Auderem sperare faces. te lata coronant  
 Pignora, te matrem soboles jam nata salutat,  
 Et non facta parens alieno jure superbis.  
 Non tibi primitia teneri libantur amoris,  
 At messis matura tua est. non fallet amicam  
 His sacris operata manus, risuque, jocique,  
 Verbaque, cognosces veteris vestigia flammæ,  
 Inque tuos clarus thalamos descendet amator.

Dixerat hæc regina maris, plausuque secundo  
 Assensere senes, Triton, & lucida Phorci  
 Canices; verum Batavum per littora sparsi  
 Nereidum risere chori, repetitaque spernens  
 Fœdera, non tacto capiam concurrere Sponso,  
 Clam ut Leucothoë petulans, submissius inquit  
 Cymothoë Spathaleque procax. mox gurgite surgens  
 Latior, & musco spumantia pectora tergens,  
 Bellator loquitur Vahalis: Duo numina cæli  
 Terrarum jam sceptrâ tenent, in-vistaque mundo  
 Iura ferox sociâ scribit cum pellice Mavors.  
 Me, Rhenumque patrem scelerata compede viinxit  
 Odrysius, nec Mosa suis mea carbasa vestat  
 In Tungros diffusus aquis. tibi vincula ne sit  
 Lascivus, Blyburge, puer, geminosque catenis,  
 Te pharetratus amor, me belliger urget Iberus.  
 Servit, quisquis amat, sed mitia gaudia spondet  
 Servitio Cythereæ suo. perit omnis amanti  
 Libertas, meliorque redit; sit juris amator  
 Alterius, discitque suum, dum discit & illud.  
 At tu, quæ Batavi suffragia prima Senatus  
 Vrbs antiqua legis, pulcraque insigni præfers  
 Virginis, & præscâ patriam virtute tueris;  
 Adspice, quam clari cœant in fœdera cives,  
 Quæ nova dotetur conjux, quo sanguine speret  
 Progeniem jam Belga sibi. sociantur in unum  
 Blyburgi Roverique domus, respublica quorum

Imperiis secura viget, trabeaque potestas  
 Emicat, & fasces stringit pratura verendos.  
 Ille decus quondam juvenum, & florentis imago  
 Battavia, generisque sui, diffudit in omnes.  
 Doctrina sua sensa gradus, interque juventa  
 Vagitus, tenerum ratio subtilis alummum  
 Grandævo dedit ore loqui. mens ardua fulsit  
 A pueris, potuitque senum consulta morari  
 Iudicio. jam tunc gemini solertia juris,  
 Et probitas, & cura vigil, prudensque loquendi  
 Gratia cunctorum tabulas promisit honorum.  
 Nunc hæc ipsa tenet, quæ tunc gavisa spondit  
 Patria, nunc rigida radixant post terga secures,  
 Et defert sua sceptrâ Themis, nunc facta nocentum  
 Excutit, & scelerum formas expendit ad unguem.  
 Pensat justitiâ crimen, pœnasque relaxat  
 Supplicibus. dum punit, amat, lenique severos  
 Edulcat sermone patres; quos causa nocentes  
 Arguit, & spretâ damnant oracula legis,  
 Quam cupiunt non esse reos! dum funera poscit,  
 Parca probat. non sava placent edicta Draconis;  
 Spartanusque rigor. placidos clementiæ mores  
 Suggestit, & cunctos facilis se fundit in actus.  
 Hunc amat, & metuit, quisquis peccare veretur,  
 Et quisquis peccare potest. Prudentia factis  
 Grandis inest, dictisque fides, & Suada, suique,  
 Sed sine felle, lepor. jures candore Bataurum.  
 Hoste caret, nullique gravis devincit amicos  
 Obsequio: nescit turpi livore moveri,  
 Irascique diu. sociat concordia, quicquid  
 Dissidet in nobis. gaudent hoc vindice Musæ,  
 Languentesque scholæ, neglectaque numina vatam;  
 Nec sua præclaræ desperant præmia mentes.  
 Optime justitiæ custos, legumque benigne  
 Arbitrator, amplexu, qua nunc dotabere, Sponsum  
 Accipe, virginemque novis decerpe pudorem



Basilis. iam tempus adest, quo debita victus  
 Gaudia sperat amor, lentasque incusat & odit  
 Impatiens Erycina moras. tibi ducitur uxor,  
 Quæ thalamos pietate beat: virtutibus ornat,  
 Quas illis impendit, opes. cui nubilus ætas  
 Feminea plus forte sapit, vultumque venustas  
 Format, & insigni gravitas persusa decoro.  
 Ludite iam gemini, Venerisque licentia tardas  
 Ire sinat tenebras, geniales segnius ignes  
 Occuliet Phœbea soror, procul atra facestant  
 Nubila, decurrant venientes molliter anni,  
 Nec vobis alias decernant sidera tedas.

Sic pater Oceanus, sic dixerat Amphitrite,  
 Dixerat & Vahalis, dicturus & ipse fuisset  
 Merva, sed, ut dixit Vahalis, ruit Oceano nox,  
 Dumque procellosi merguntur in æquore Divi,  
 Pendula cantatos tortina abscondit amantes.

## V E N U S    A' N A Δ Y O M E' N H,

Sive Epithalamium in nuptias Generosissimi,  
 Fortissimi, Doctissimique Viri,

L A V R E N T I I R E A E L,

Equitis, rerum Indicarum nuper ad Orientem  
 Præfæcti, & ad Daniæ Regem Legati.

**Q**ualis de patrio surgens Venus alma profundo  
 Extollit geniale caput, spumansque, madensq;  
 Æstuat, & mediis Liparæ fornacibus ardet  
 Basia speranti mox surripuisse marito:  
 Talis Hyperboreis vixdum subducte procellis  
 In Batavis bellator amas, & damna, Reali,  
 Naufraga, & ingentes solaris conjuge casus.  
 Nec, velut ante, Deum furius, in littore, rerum  
 Indigus, & grandi positus discrimine, sola

Involvis

Involvis virtute Ducem ; sociisque, ratiq̄ue  
 Ingemis, & nudo versas in corpore Belgam,  
 Tunc etiam patri e memorem. sed lumine læto  
 Mutant fata vices ; tempestat esque, minasque  
 Æquoris, & tumidum placari Nerea cerno,  
 Amstelis dum lenis aquis se miscet, & ipsis  
 Fluctibus advolvit Paphios uxorius ignes.  
 Non Batavum jam iussa procul, gelidaq; sub Arcto  
 Auriaci mandata aperis, non Cimbrica tangis  
 Sceptra manu, regumque pavens palatia scandis,  
 Vexatasque Ducum bella ferilibus aulas  
 Sollicitas. totum flammis & amoribus insons  
 Absorbet Cytherea virum. sibi mancipat unum  
 Obsequio regina Paphi, faciendaque mandat  
 Femina. quam prona veneraris fronte tiaram,  
 Illius est. quas cernis opes, subsellia, fastum,  
 Atria, sunt magna Veneris. non aurea collo  
 Pondera, non angusta humeris donaria Princeps  
 Alligat, atque suum testantur reyna favorem :  
 At puero servire Deo, capti voque ferre  
 Corda tuam est, tactaque semel sufferre puella  
 Ingenium, & totum gremio submittere Martem.

Iam, Batavum gavisa malis, Fortuna carinas  
 Fregerat, & reducem Cimbris illiserat oris :  
 Illic transtra, fori, mediis dispersa jacebant  
 Fluctibus, hic lacerâ puppis compage saburra,  
 Rostra alibi, tabulæque, & circumfusa natabant  
 Quassa membra ratis : nondum satiata furorem  
 Explerat vis sua Deum. te longius Ister  
 Pannonios inter populos, & regna tenebat,  
 Capti voque gravis ducebat tempora Cesar :  
 Cum Cytherea, tuos tandem miserata labores,  
 Sic insit commota Iovi : Quid, maxime rector,  
 Humanis pateris nequicquam illudere rebus,  
 Quæ vaga per cunctos nullo discrimine fertur,  
 Instabilem, coecamque Deam ? cur omnia natu



Versat, & insana virtus Rhar-nusidis ira  
 Succubat? & proprias nescit prudentia partes?  
 Dum late sors ista furit, consultaque turbat,  
 Ingenio lasciva suo. Si crederis orbis  
 Esse pater, totumque tuo moderamine mundum  
 Flectis, & ex alto mortalia facta tueris;  
 Ne ratio sit sorte minor, nec casibus anceps  
 Pendeat, & dubio vadat sapientia motu.  
 Cur maris & terra fasces, cur omnia fallax  
 Arbitrio fortuna regat? nec livida magnis  
 Parcere nominibus discet, poteritque jocari,  
 Cum volet, atque audax regum responsa morari?  
 En, ubi Parrhasio tumidum devolvitur axe  
 Æquor, & Arctoïis rector Christiernus in undis  
 Arma quatit, celebrem egregiis virtutibus ausa est  
 Naufragio damnare virum. tibi nota Batavum  
 Nomina, quos inter titulis illustris & armis,  
 Grande decus Phœbi, generosa Realibus ora  
 Explicat, & patria se plus debere fatetur.  
 Hunc eadem Austriaca sors implacabilis aula  
 Alligat, & lentis remoratur vocibus Istri  
 Arbitr. hic pigros queritur sibi currere soles,  
 Et sisti virtutis iter, damnisque suorum  
 Misceri sua damnâ dolet: flaccescere priscos  
 Pectoris impavidi motus: tenebrisque laborum  
 Materiem fama que premi, cumuloque malorum  
 Obrutus hos sola casus ratione refellit.  
 Quam memini, cum tela Duci Gradivus, & arma  
 Porrigeret, clypeosque illi formaret & enses  
 Mulciber, & dites inter Bellona Moluccas,  
 Intrepidum ferri, lava nec dira timentem  
 Fulgura, victricis pugna inflammaret amore!  
 Quam memini Eoum late duxisse per orbem  
 Auriaci vexilla sui, mandata dedisse  
 Gentibus, ac vario latrantem gurgije Gangen,  
 Et formidatos placidis sub fascibus Indos,

Et Solis rexisse domum. mens docta per omnes  
 Imperii micuit partes, populique feroces  
 Non armis bellique minis sua regna, sed acri  
 Ingenio sensere regi; gladioque maritans  
 Pagina Palladiaque artes fecere potentem.  
 Illum etiam, extremis Tamesis dum Gadibus atrox  
 Instat, & Hesperia trepidant penetrata terra,  
 Vidimus Herculeis ferrum ostentasse columnis,  
 Et Caroli mandata sequi, jam iussa suorum  
 Vandatici per regna soli, parvidisque ferebat  
 Urbibus, & Gothici librabat pondera belli.  
 Huic thalamos jam, magne Pater, lectique paramus  
 Gaudia, si partes in tanto vindece dudum  
 Implevit Fortuna suas, si noxia tantis  
 Cladibus una fuit; discat meliora Dionem  
 Principibus conferre viris. non illud abibit  
 Pectus inaccessum Veneri. mox liber amores  
 Sentiet, & nostris mollescent corda sagittis.  
 Sic ubi Dardanium Siculis exercuit undis  
 Æneam regina Deum, sociosque, ratesque,  
 Reliquias Danaum, cæcis illisit arenis,  
 Solamen Cytherea sui, Lavinia curas  
 Diluit, & Phrygius tepidis amplexibus heros  
 Hesit, & adversos aquarunt basia casus.  
 Sic quoque post fluctus, tumidi que pericula pontè  
 Medeam Pagasæus amat, claroque Crensa  
 Conjugio pertexit iter. cum barbara Memphis  
 Ætiacæ gemeret feralia funera pugna,  
 Et Pelusiæcis pugnans Antonius undis  
 Viveret, excepit profugum regina maritum,  
 Et Phario pepulit belli discrimina sistro.  
 Totaque post Troiam victrix jam Græcia per me  
 Arsit, & Argolicos sperata conjugis œstro  
 Fregi sola Duces. alius Briseide ductor  
 Incaluit, cessit spoliū Cassandra potenti,  
 Phyllide Demophoon, lentoque potitur Vlysse



Penelope. cunctis pelagi post tædia feci  
 Otia, & imbelli damnata ferocia lecto est.  
 Hinc dicor Venus orta mari. quia, quisquis in undis  
 Navigat, acer amat. stimulat prævisa voluptas  
 Fortius, & quem non licet insanire furorem,  
 Exacuit conclusus amor. quin ipsa calentes  
 Parturit unda faces, quantumque remotior igne est,  
 Æstuat illa magis. veluti, cum frigidus ather  
 Et gelida cingunt fumantia corpora nubes,  
 Fulgurat, & celeres extrudunt frigora flammæ:  
 Sic Batavus jam noster amet, captivæque dudum  
 Numina, & aquoreis fato servata procellis  
 Conjugio, pater alme, beæ. fac Moria charos  
 Currat in amplexus, dilataque gaudia conjux  
 Acceleret: tu namque soles miscere sereno  
 Nubila, tu mœstis socias solatia rebus.  
 Ipsa faces subdam geminis. bis discet amare  
 Illa, potens matrona viri, rerumque peritis  
 Irruet in thalamos oculis, veteremque labellis  
 Vim dabit, atque iterum poterit formosa placere.  
 Ille supercilio, adversos quo terruit hostes,  
 Auroræque graves dominos, adsperset amicum, &  
 Molle aliquid, cupietque illi non miles haberi,  
 Sed placidus, sed lenis amans. certamina, cades,  
 Et Martis dediscet opus, saturataque Iberum  
 Sanguine Acidalius accendam pectora flammis.  
 Annue, quæque peto, totis connubia votis,  
 Perfice. non magna Veneris sors invida coeptis  
 Obstrepit, aut Paphia violet decreta magistræ.  
 Dixerat illa Venus, tremulis cum Iuppiter astris  
 Annuit, & jussus Legatum emancipat Ister,  
 Belga videt, reducemque suis amplectitur ulnis  
 Vxor, & accensis fumant penetrantia tædis.  
 Sic latos tibi fata dies, sic fausta, Reali,  
 Tempora conficiunt Superi. non deserit ather,  
 Quos patria commendat amor. non gratia cœli

Destituit cœlo genitos, animasque capaces  
 Mortis, & æternæ captantes præmia famæ.  
 Crede equidem, nec te pietas suprema fefellit,  
 Nec sceptris solum illa placet. facundia Divam  
 Pro te verba facit. potuit tibi tanta mereri  
 Æneidum genitrix, & magni filia Nerei.  
 Quàm grata rediere vices, quàm nulla marito  
 Æquora, quàm nullis obstant Borealia nimbis  
 Sidera, quàm placidos Virgo tibi porrigit ignes,  
 Angustasque tuis plus jam fervoribus ardet!  
 Plaudunt cuncta tibi, ni veiletantur Amores,  
 Quique iboros juvenis dudum jam spreverat, audes  
 Exempli sperare tuo, nec sera putare  
 Gaudia, quæ seris prudentiæ carpit ab annis.  
 Fulgida quæ variis texuntur stamina formis  
 Irritant fulgore diem. tibi quicquid ab Ortu  
 Misit Eos, vultu jam nunc meliore renidet.  
 Splendet gemma magis, ni veisque monilia baccis  
 Conjugis irradiant manibus. per eburnea colla  
 Lucet, at occultis minus est virtutibus aurum.  
 Iam tibi, quæ facilis sensit moderamina freni,  
 India vota facit. credas hæc regna moveri,  
 Et fati gaudere tuis. tibi sacrat odoras  
 Banda nuces, meliusque piper misere Moluccæ.  
 Bangalæ donat ebur, dites dant vascula Sina,  
 Cinnama largitur Ceylon, sua thura Sabæus,  
 Seres fila parant: fundunt opobalsama Sponsis  
 Proni Arabes; Persæque, & divitis accola Gangis,  
 Quæ placeant, tibi dona ferunt. quæ candida nuptis  
 Lux nitet, hostilem poterit placare Malaccam,  
 Et belli meruisse moram. sed proximus Arcto  
 Amstela, blandenti strepitu, levibusque susurris  
 Pulsat honoratos, genialia tecta, penates,  
 Ominibusque favet. quæ te Doctrina per omnes  
 Deduxi. spaciosa gradus, Phœbumque, Themimq;  
 Miscevit, & facili patescit jura pœtæ.



*Stridet Apollineo Barlae tibia cantu.*

Tu, qui bella ferox alium longinqua per orbem  
Gessisti, nunc illa cave. quam vincis amando,  
Dedisces pugnare magis. quantum arma repesces,  
Addisces adamare minus: cui tempora circum  
Cassis, & excelsa fulserunt vertice crista,  
Pilea bellaci praefer ci vilis lauro.

Et clypeos postpone toga. cui dextera ferrum  
Strinxit, & Hispanum gladiis ultricibus haesit,  
In molles descende sinus, & flammea Sponsa  
Dispute, ut ad verso pateant lata ora marito.  
Non fragili te crede rati, jam tutior illa  
Vxor erit. si vela placent, si carbasia, venti,  
Vela parabit Amor, distendet vela Cupido.  
Ille dabit Zephiros, clavum moderabitur ille.  
Ille per obscura tranquilla silentia noctis  
Longè aliud monstrabit iter, quod mascula Bruto  
Porcia, monstravit que suo Cornelia Graccho.

Et tu, conjugio conjux dignata superbo,  
Magnanimos conscende thoros, & vincula nocte,  
Qualia blanda suo strinxit Citherea Marti.  
Quotque tuus dicet sese tranasse procellas,  
Quot terra spectasse sinus, quot sidera noctu,  
Quot formidatum ratibus vexasse Philippum,  
Oscula tu totidem numerata, tot mutua rursus  
Oscula delibare jube; numerumque malorum  
Basia, & admotis transcendant murmura labris.  
Sin referet, qua sorte trucis per tempora bruma  
Vandalicos inter scopulos, Cimbrumque Charybdes  
Haesit; & aequoreis madidum caput abdidit undis:  
Tu portum praebe facilem, totumque sub ulnis  
Abde virum, madidumque abstergas, Moria, cor-  
pus.

Ad Illustrissimum

## DOMINICVM MOLINVM.

Patricium & Senatorem Venetum, Querela, de  
Poëmatum meorum libello, cum ob fila feri-  
ca contagii suspectus, in Lazoretta apud Ve-  
netos detineretur.

**P**Arve liber, magnam Venetum dum tendis ad  
urbem,  
Illustres subiture lares, & docta Molini  
Atria, & Adriacis immersas fluctibus arces;  
Quæ miserum te fata manent? quæ dura moratur  
Susceptum Rhamnusia iter? nec conscia fraudum  
Carmina, & insontes damnant edicta Camœnas?  
Sit satis; infidis oneratas mercibus alnos  
Illyricos mersisse sinus. absorbeat atrox  
Insanas Neptunus opes, dignamque furori  
Materiam putet esse suo. fera militis ora,  
Assuetasque manus sceleri, dextraeque rapaces  
Sors in visa premat: placido tibi pagina versis  
Currit, & in nullas armata est Belgica cades  
Calliope. nec dira meæ præ sagia chartæ  
Aut omen ferale canunt. quid nescia pravi  
Numina Pegasidum, quid tot meruere sorores,  
Progenies dilecta Iovi? dignataque cælo  
Nomina? cur sanis non parcunt morbida saltem  
Limina Virginibus? cur quas Parnassia rupes  
Educat, & purâ Permessus proluit undâ,  
Includit Lazoretta Deas. non turbida pestis,  
Aut mala cælestes adflant contagia mentes.  
Quique suis fixit seruum Pythona sagittis,  
Telique in Argolicas torsit funesta phalanges.  
Dat Musis veniam Phœbus. pater ipse medendâ,  
Quo ð scripsi, dictavit epos. quin Phocidos omnes



Castaliosque bibi litices, epotaque nobis  
 Omnia, qua foedas abstergunt flumina sordes.  
 Ista canes rabies, hic lethifer occupat æstus  
 Palantes per prata boves, hominumque per artus  
 Transudat violenta lues. si carmina pestis  
 Corripit, in versus miracula parturit orbis,  
 Plusque Dii nocuisse volunt. perterrita quondam  
 Semivirum stupuit soboles Minoja juvenum,  
 Aut lapidum pluvias Latium, tinctosque rubenti  
 Sanguine Romulidum puteos: aut triste gementes  
 Tarpeja de rupe lupos. plus Adria jamnunc,  
 Plus Venetus, plus illa timet, qua cingitur undis,  
 Vrbs, Divum fabricata manu. timet illa poeta  
 Carr en, & occulta nocituram tabe papyrus.  
 Heu pudor! adversam populus qui terruit Hellen,  
 Cesareasque aquilas, & tot vittricia late  
 Signa tulit, vastoque patens dat jura profundo.  
 Quem leges longisque probant exercita sectæ  
 Imperii decreta sui, fascesque vetusti,  
 Aonidum jam dona pavet, causamque timoris  
 A foliis chartisque capit. quam fulmina belli,  
 Nec circum tumidis terrent irata procellis  
 Æquora, ad imbelles trepidat gens Martia cantus.  
 Parve liber, mea cura liber: cur vincula mem-  
 Implicui preciosa tuis? cur corpora bysso, (bris  
 Assyriosque tibi strinxi male cautus honores?  
 Ah, nocui, dum pulcher abis: & veste sub ista  
 Crederis infestum populis abscondere virus,  
 Et taciti fomenta mali. si nudus abisses,  
 Securus poteras claros subisse penates,  
 Et magni pia tecta patris, venerandaque jam jam  
 Fortè meas placidè tetigisset dextera Musas.  
 Non aliter propria sentit dispendia forma  
 Hospes, & illustri quisquis spectandus amictus  
 Alpinas calcare nives, & inhospita tentat  
 Pyrenes juga; qua socio latrone viator

Nudus adit, sola tunc paupertate beatus.  
 Nunc atrum te limen habet, formidinis aula,  
 Et funesta domus, pavido quam pectore luctus  
 Exanimésque habitant anima, morbique fluentes,  
 Et dolor, & quicquid damnat malesina tenebris  
 Suspicio, rabidique premunt fastidia cœli.  
 Hic aliquis tibi thura adolet, myrrhamque, crocumq;  
 Balsamaque, & spissâ totus caligine fumas,  
 Infectumque scelus medicis exuritur herbis.  
 Qualibus Ætæm Colchis scelerata recoxit,  
 Hippolyteque diem lacerosque salutifer artus  
 Restituit Phœbi puer; aut juvenescere possis  
 Aurora, Tithone, tuæ: vel pristina Circe  
 Corpora, & annosum reparet Cytherea Phaonem:  
 Impurum sic lustrat opus, vitiumque vetustas  
 Expiat, & vivo purgat delubra Deorum  
 Sulphure, & accensis solennia pocula radis:  
 Aut salsas adspersit aquas: vel ab ubere matris  
 Raptat anhelantem calido sub sanguine porcum.  
 Quod si Romano Venetus mea pignora ritus  
 Expurgare volet, foliisque avertere pestem:  
 Eja age, ad Eoi conversus lumina Solis,  
 Expediat fruges calathis, sal torreat igne,  
 Et liquidas modo libet aquas, cepamque rubentem  
 Porrigat, & tostis crines admisceat ovis:  
 Terque meum circa felix eat hostia librum,  
 Spargens rore levi, & ramo viridantis oliva.  
 Sic nitidus, sic purus erit, sic criminis expers  
 E tenebris tantis iterum donabitur astris.

Parve liber, charis nimium semote Batavis,  
 Nec domino jam tute tuo, sine labe libelle,  
 Hosne ego te genui in casus? ut sordida laudes  
 Depreciet Lazoretta tuas? & ludicra damnent  
 Fila reum? ut sordes inter, mercesque dolosas  
 Deliteas, cœlique luas innoxie culpam?  
 Ah querere, & magno referas mea verba Molino



Et loquere hac : Non hic solum, venerande Senator,  
 Me tangit dolor, aut nostras infamia Musas  
 Deterit. ex Regem, majestatemque Britannam,  
 En, Carolum Lazorettæ tenet. captiva tenentur  
 Nomina; Nassovii, & tanta præconia gentis  
 Claustra premunt, Myliique decus; quo vindice solo  
 Audent ecce mea trans saxa Alpina Camœnæ  
 Ferre gradum. graviora queror. damnata tenentur  
 Numina, Pierides, & vatum fautor Apollo,  
 Quæque meis plausit studiis Tritonia Pallas.  
 Dique, Deæque latent, vanaque piacula pestis  
 Exercent superos? quamnam hac vesana jocandi  
 Savitia est? etiam sacros fortunæ pœtas  
 Vexat? & innocuas audax bacchatur in artes?  
 Vnum hoc, Aonii cœtus celeberrime vindex,  
 Hac passus jam fata, precor. Da cernere vultus  
 Posse tuos, & cum lustratus carcere solvar,  
 Perlege, sed facilis, purgatam à peste pœsin.

## Ad eundem.

**P** Alladii dux magne chori, quo vindice Musa  
 Clarius in terris exeruere caput:  
 Cur in visa meum purgat Lazorettæ libellum?  
 Et nocet insoni suspiciosa domus?  
 Si vitium, si crimen habet, si barbaræ vox est  
 Vatis, & ingenium simplicitate cadit:  
 Nil fumi flammæque juvant; non thura, vel herba  
 Versibus abstergent horrida verba meis:  
 Ne veniat, qua lustret anus mea carmina, vel qua  
 Præferat indignâ sulphur & ova manu.  
 Tu solus lustrator eris, tu, dôte Senator,  
 Percurras oculis pignora nostra tuis.  
 Omnia decedent subito contagia, postquam  
 Illa tua fuerint taSta, Molinè, manu.

## PROPEMPTICON

Ad nobilissimum, amplissimum, doctissimumque virum,

D. FOPPIVM AB AISSEMA;

Equitem, Ill. Ord. Generalium apud Hanseaticas urbes Delegatum, cum Hagâ Leidam transiens Germaniam repeteret.

**D**Vm Bataros, vir magne, tuos, spoliisque triumphans  
 Hesperius illustre solum, prædaq; recenti (phans  
 Et debellato felices Vespere terras  
 Deseris, & patriis iterum subduceris oris:  
 Nec jam te magni dudum expectata Senatus  
 Consilia & lentis remoratur vocibus Aula:  
 Auguriis, votisque sequor; facilesque Camæna  
 Quæ properas, socio subeant vestigia gressu.  
 Quippe nefas & turpe reor, sine vate poetam  
 Desertas calcare vias, sine teste laborum  
 Ferre gradum, summoque decus venerabile Phœbe  
 Tandem etiam nostro non inclarescere cantu.  
 Dicite Pierides, tenerumque arcessite carmen,  
 Vestraque qui toties subii delubra sacerdos,  
 Ei medio merui textas Helicone coronas,  
 Tollite me Superi. cupio per regna, per undas  
 Ire comes, reducemque sequi; & discrimina terra,  
 Tantaque Palladio solari tædix lusu;  
 Dum longum molitur iter, iussisque Batarum  
 Incluta per veteres transfert sua nomina Chaucos.  
 Aissema, bellacemque parat superare Visurgim.  
 En tibi transacta nequicquam ignara iuventa  
 Ingeminat jam Leida, Vale. tua, maxime Foppi,  
 Colligit haud uno præconia iudice Pallas,  
 Inque tuas gestit plaudens Academia laudes



Doctorum sociasse sonos. te sensit alumnum  
 Rhœnus, & Aonios inter celeberrime coctus  
 Tot titulis sublimis eras : cum gloria pigra  
 Intrepidum te ferret humo : facundia præcox  
 Venturos patriæ juvenem formaret in usus :  
 Di Jaret consulta Themis : curamque virilem  
 Suaderent exempla tibi : cum gnara futuri  
 Mascula primævis Prudentia luxit in annis.  
 Nec minus, Auriacos, Mavortia fulmina, jactans  
 Haga Duces, tibi vota facit, Belgique Potentum  
 Auspicio jam quisque favet. dum Nestor, & al: er  
 Ceu Cineas, responsa capis, momentaque belli,  
 Grandiaque Hansaticas desers mandata per urbes.  
 Ipse procellosis jam pridem sævior undis,  
 Componit tibi Flevus aquas. obnoxius æther  
 Frigora, & immites cœli clementia Cauros  
 Temperat, invisumque gelu castigat Olympus.  
 Terra omnis pelagusque patent, nec segnis eunti  
 Emollit natura vias. si vasta viator  
 Æquora, & Arctos sulcabis remige fluctus,  
 Spirantes aderunt Zephyri, & tranquillior Auster  
 Carbasa speratum tutò propellet in Albim.  
 Sin Frisia loca grata tua, patriosque penates  
 Oceani securus adis ; Amasisque lavabis  
 Vorticibus defessus equos, populosque videbis,  
 Et circumfusus passim trepidantia castris  
 Oppida ; sæva aliis, strictos Bellona recondet  
 Et gladios, & tela tibi. te neuter Apollo  
 Vindicat ; Austriacasque aquilas, Istrique furores  
 Pierides placare queunt. innoxia Maris  
 Causa tua est. insons mediis legatus in agris,  
 Di cujus violare timent ac fallere jura,  
 Ingredieris. veniam belli doctrina meretur,  
 Si vel causa neget. procul hoc à pignore miles  
 Hostiles averte manus, neu pessima charo  
 Insultes Fortuna viro. ne gaudia tristis

Polluat hora mihi. in superos, divosque redundat,  
 In Musas, Phœbique caput, Charitesque, Theminq;  
 Damnorum quodcumque dabis. si leseris, en, sunt  
 Arma mihi, culpamque feris ulciscar Iambis,  
 Et tua mordaces proscindunt numina chartæ.

Hac inter, vir summe, tui meminisse poetæ  
 Ne pigeat, rapidisque rotis subvectus, & altis  
 Curribus, hæc tecum reputa. & quem dura suorum  
 Iussa premunt, tu lenis ama; nostrisque remotus  
 Sedibus, in mediis Batavos qui laudat Athenis,  
 Barlcum plus crede tuum, Cimbrosque per ipsos  
 Mitiæ nascenti dona suffragia vati.

Quod superest, reddam soboli; doctasque per artes  
 Ingenium, & Sophia ducam juvenile per hortos  
 Pectus, & Ausoniis tingam præcordia lymphis.

Tu pavidas Cimbrum terras, & scepra disertus  
 Erige, tu Gothica Belgas Cimbrosque tiara  
 Consocia, tu certa favens regalibus adde  
 Robora consiliis. sic te Christiernus amicum,  
 Sic victor Gustavus amet. sic longa viarum  
 Decurras sospes spatia, & desuetus amator,  
 (Ut non illepidum credas scripsisse poetam)  
 Latior in chara amplexus descende Creusæ.

In Amplissimi, Doctissimi que Viri,

ROCHI HONERDI,

Supremæ Curiaæ Consiliarii, Tragoediam  
 sacram, quæ inscribitur

MOSES NOMOCLASTES.

**L** Egiferi vatis furias, percussa que tanto  
 Pectora flagitio, & scelerata crimina turba,  
 Funeraque, & grandes æterni numinis iras,  
 Undæntemque reo desertum sanguine Sinam,  
 Dum tragicis, Honerde, sonis, ac vultibus aptas:  
 Obstupui Batavum Latia sub veste Sophoclem,

Et



Euripidemque mea rursum de gente renasci.

Desinat Argolica carmen ferale puella,  
Et personatum populo ostentare Thyesten  
Gracia, vel tumidâ Elestram producere scenâ,  
Hectoraque, Ajacemque, Duces. nec sola Latino  
Se putet ore loqui vilem Cisseis ob hircum.  
In Bataris orchestra tremit, quassatque cothurnus  
Pulpita, & atratis depictus fecibus ora,  
Iratum tonat ore Deum; Mosenque, Ducesque  
Belga, nec in fictis loquitur lachrymosa tragædis.

In rabiem impietas, & cæco concita motu  
Relligio primæva ruit. præfertur Olympo  
Stulta Pharos, laudesque Dei sibi corniger Apis  
Poscit, & insanum plebes veneratur Osyrim.  
Quæ pelusiæcis jam pridem mugit aris,  
Se credit jam vacca Dexam: quod gesserat aurum,  
Iudeus pro numine habet: quod fecerat ipse,  
Et cuperet fregisse, colit; cœlique creator  
Fit dextra pereuntis opus. concluditur ære  
Majestas spaciola poli. Nec jam ipsa furori  
Imposuit mens sancta modum. se vindicat ultrix,  
Atque aliquâ peccat pietas. franguntur honesti  
Vocibus insignes tabula, pereuntque salutis  
Federa, & humani monumenta æterna laboris.  
Legum verba cadunt, & magno prævia Christo  
Ex alto doctrina ruit, mutandaque tandem  
Pacta docent, fideique probant præcepta ruina.]

Interea insanos miserandis cadibus ausus  
Expiat, & jugulos ultori commodat ensi  
Isacides, discitque sua deliria vitæ  
Absentem spectasse Deum; numenque veretur,  
Quod pœnâ se tale probat. Memphitica nec jam  
Saxa vocat, fractæque colit secreta juventa.

Hæc canis, & strepera curis interseris aula,  
Aonii Dux magne chori, placidumque tribunal  
Fari mæsta doces, & sacris induis iris

*Pectus, & attonitum socias cum iudice Theſpin.  
 Poſt Thamarā das iſta legi. quæ femina fundit  
 Verba furens, ſcis eſſe minus. plus pulpita ſurgunt  
 Hebræo percuffa Duci. ſi filia regis  
 Æſtuat, in ſexu vitium eſt. cum legifer ipſe  
 Intonat, & rabido pulſat proſcena grefſu,  
 Auditor tacitiſque ſtupent ſubſellia linguis.*

Ad doctiſſimam virginem,  
 ANNAM MARIAM  
 à SCHVVRMAN S.  
 Trajecti in Batavis habitantem.

**Q***uæ tibi Diva parens generis? nū docta Batavis  
 Te peperit Carment a tuis? tituloſq; virorum,  
 Doctrinæque decus debet natura puella?  
 Scandis Apollineos colles virguncula. priſcā  
 Excidimus jam laude viri. vileſcimus ultrā,  
 Feminaque ingenio noſtros tranſcendis honores.  
 Mirabor magis? an rerum portenta dolebo?  
 Num dicam peccaſſe Iovem? vel maſcula miris  
 Inverti ſimulacra modis? Sempronia nobis  
 Altera, & Arctoo melior ſub ſidere Sappho  
 Naſcitur, atque novam protrudit Pallada terris  
 Iuppiter, & veteres mulier ſcrutatur Athenas.  
 Non Latium, non Roma ſatis, non ſufficit uno  
 Ore loqui, minor eſt ſimplex faciundia votis  
 Virginis. Argolicas etiam (proh numina) voces  
 Anna legit, ſociatque ſuum cum Cecrope Belgam.  
 Si mirum antiquæ committi ſcripta Corinnæ,  
 Hæc etiam, quod ſcribat, habet. ſi conſcia rerum  
 Prodidit exactis Manto ſua carmina ſeclis,  
 Egregiumque aliquid grandes cecinere Sibylla,  
 Et Mariæ mens iſta poteſt. ſociata marito  
 Polla fuit, juvitque ſui commenta pœtæ.  
 Nec minus illa virum ſtudiis ſuccurrere poſſet,*



In socios admissa thoros. quid Belgica jactas  
 Belligeraeque rates, & magno Principe fultas  
 Imperii crescentis opes? quid didita famâ  
 Prælia? barbaricis oneratas mercibus alnos,  
 Totque novis passim laxatas mœnibus urbes?  
 Hic majora stæpe. rarum Batta via nomen  
 Conficit una tibi. præstat facunda virago  
 Tot titulis, fastusque leves virtutibus anteit.  
 Nec precium jam sexus habet. cum virgine, docti,  
 Consummes animos geritis. vilissima nostri  
 Portio nostra manet. solis discernimur, eheu,  
 Corporibus, geniumque viris confundit & artes,  
 Et, qua nos sapimus, vir dici parte meretur.

Quid dignum te, Virgo loquar? veneranda pudori  
 It juxta doctrina tuo, castissima mores  
 Vita probat. doctam submissa modestia mentem  
 Flectit, & ingenuos decorat reverentia vultus.  
 Quis thalamos, formosa, tuos conscendet amator?  
 Ridebis cui sponsa viro? cui nupta marito?  
 In Batarvis si Phœbus amet, te conjuge Daphnen  
 Negligat, & tali cupiat se jungere Diva.  
 Dos tua tot fuerint artes, prudentia, virtus.  
 Dos tua tot fuerint lingua, tua gratia, candor,  
 Simplicitas, & quicquid amant sciuisse Camœnæ.

Anna, (fatebor enim) non me tua nomina tantum  
 Afficiunt, vatemque trahunt; sed quicquid in ista  
 Virginitate que at summum flexisse Tonantem,  
 Suspiciamus, Musisque placens me tangit honestas.  
 Scribimus hæc, loquimurque tibi. si dicere coram  
 Cogerer, haberent forsân suspensa poetæ  
 Verba, nec ad solitas fluerent mea carmina leges.  
 Sin minus illa placent, & si magis oscula vester  
 Sexus amat, nos illa domi debere putabis.  
 Invenies alium, si te hic fastidit Alexis.

Ad  
IACOBVM VOLMARIVM,  
Philosophiæ Magistrum,  
CARMEN IUVENILĒ.

**Q**uid pulvis Cavea? victumq; saburra cruorem  
 Prisca bibens? quid Casarei spectacula circi,  
 Et circumductis Daphne suspensa theatris?  
 Quam laudis mala materies, tristisque palæstra  
 Turpe patrocinium, pensataque crimina recto,  
 Insque datum sceleri? quid honorum prodiga Mem-  
 Et Mausoleum conjunx mirata sepulcrum, (phis,  
 Quam lapidi decus, aut fragili dat premia ligno;  
 Posthuma quæ stupeat demireturque propago.  
 Usque adeo vili natum de cespite nomen  
 Vivax fama vehit, vanisque excita trophæis  
 Dextra tubam memoresque emit post fata nepotes;  
 In saxo quærens titulos, in pulvere vitam,  
 Nomen in exequiis. Quin tu Tiberina labores  
 Adspice Roma tuos, Latiis decerne triumphis  
 Currusque tumidasque rotas; da carmine festo  
 Militis ora fremant, dominaeque secuta curules  
 Turba triumphantes Capitoli ad limina sistat  
 Scipiadas: videlis patrem ter clamet Achivis  
 Æmilium, patriæque ferocem funere Syllam  
 Aspiciat, tutata reum. Quin gaudeat unus,  
 Cædis Casareæque, & nominis ultor Iulii,  
 Iungere magnanimos primo temone leones.  
 Indignum meriti spacium, cui sanguine, raptò,  
 Cæde, latrociniisque & acerbi fulmine Martis,  
 Tot matrum lacrymis, & famineo ululatu,  
 Constat honos, fasces, trabea, monumenta, corona.  
 An tanti pomum fuit, aut prælata Diones  
 Filia, Tyndaridumve soror, Cassandra prophetans,  
 Anna soror, regina furens, conjunxque Tonantis

In-



Invida? num tanti foribus dimissus eburnis  
 Omnis ab irato furor eruētatus Achille?  
 Posteritas ut & illa ferat; victuraque semper  
 Figat in aternis vatum mendacia fastis?  
 Scilicet ante venit vera virtutis honorem  
 Fabulaque & vitium; fucato splendida vultu  
 Post tumultum, & cineres, & longi secula tractus,  
 Emicat improbitas, magni mentita poetæ  
 Ingenio, tenebrisque alii damnanda silenti  
 Narrantem decimo sobolem sibi sufficit ævo.  
 Non ita Palladius laudum fastigia miles,  
 Aut trabeam fascesque capit: non purpura Phœbi,  
 Augustoque umbrosa virens in limine laurus,  
 Non hederæ, & seros diductum nomen in annos,  
 Degeneri virtute datur: melioribus ausis  
 Doctrina succrescit honos, vitæque meretur  
 Præmia, qui vitam seclis fugientibus adfert,  
 Pieridumque instaurat opes: cui tota recessus  
 Cyrrha suos, sensusque aperit grandæva vetustas.  
 Talis ades, quem Leyda pios attollere vultus  
 Aspicit, & celsa decus ostentare curuli,  
 Volmaria de stirpe Puer, cui regia pridem  
 Victori dominos fixit Sapiencia fasces,  
 Doctæque Sidonias suspendunt limina vestes.  
 Non tibi mendacis secunda licentia vatis,  
 Non precium recidiva dabunt, non funeris atra  
 Solvet ab invidia, & pallentis dente senectæ  
 Pulverei sudoris opus, veterisque palæstra  
 Dura rudimenta, aut magna congesta parentis  
 Ossa, rudis terræ soboles, despectæque laudum  
 Materies, sed Socraticis mens dedita curis,  
 Quæque Stagiræi tectæ insidiosa Lycæi  
 Pressit, & humanos prorsus desueta labores,  
 Vidit in obscuræ gremium subtile Minervæ.  
 Non tibi plebejo sudatum pulvere nomen,  
 Non senium, non fama datur; verum ardua rerum,

Et

Et nulli, aut certè paucis tentata priorum  
 Lustrasti spacia; immensorum plena laborum  
 Area prima tua pandit tentoria laudis.  
 Te gravior valido pressit Sapientia nisu,  
 Ipsa Cleantes denudans ilia turba,  
 Ingenio monstrante viam. tibi vasta sophorum  
 Atria, Cecropie miranda arcana senecta,  
 Rixantesque choros, & non placabile Grajùm  
 Agmen, & ancipites ostendit diua catervas;  
 Quicquid in antiquis contendit Pallas Athenis,  
 Inventum quodcumque tuo schola prisca recessu  
 Prodidit. hæc magni dedit aspeflare Platonis  
 Communes rerum facies, abstractaque mundo  
 Formarum genera, æthereos agitata per orbes.  
 Illa tibi Samia veneranda silentia turba,  
 Migrantesque animas, nec dilanianda ferarum  
 Tergora, & innocue præscripsit pabula mensa.  
 Iamque atas prior, & sapiens abstrusa vetustas,  
 Cunctaque difficilis patuerunt ostia sedi;  
 Cum per Avernoen, facilisque inventa Iavelli,  
 Per gravis Alphonsi folium, per inhospita Scoti  
 Tecta, per Occami latebras, decreta Pereri,  
 Occultosque sinus Thoma mens ignea rupit.  
 Non latuit Fonseca pater, non docta Toleti  
 Pagina, non dubios versans Mirandula sensus.  
 Trivisti Gabrielis opus, quæ sita Lovani,  
 Et Cajetani Scholion; perque abdita Suxra  
 Scripta, laboranti tantum perspecta cerebro,  
 Perque theses Durande tuas, sinuosaque dicta  
 Ægidii, Bedamque senem, perque omnia raptus;  
 Immensum Sophia tranasti sedulus aquor.  
 Quælia terrenum fugiunt molimina vulgus,  
 Vix hominis sortita modum. sibi congrua poscit  
 Limina, nec crassis animorum nascitur atrius,  
 Sed genium res ista cupit. mens illa deorum est,  
 Semideisque immixtus agit, quicumque sagaci



Ingenio natura obices & claustra relaxans,  
 Tantarum potis est causas evolvere rerum.  
 Hic terram, sed ut exul, habet. secretaque mundo  
 Pectora fert, quin solum anima est, dum simplice mo-  
 Spirituum puros meditando conficit actus. (tu  
 Obstupere viri, & totus (sacer ordo) Senatus,  
 Palladiâ cum gente, novam miratus honorum  
 Materiam, quoties rationum umbone coruscans  
 In varios docto te ferres ordine gyros,  
 Hostiles acies emissaque tela retundens.  
 Ipsa inimica phalanx tanto se fassa minorem  
 Principe, de vietas aquilas, inhonoraque signa  
 Ante pedes posuit. neque enim victoria major,  
 Quam qua confessos animo quoque subjugat hostes.  
 Tale tenes meriti spatium, cui curia Patrum,  
 Et Procerum veteres hodie vox justa triumphos  
 Aptat orans, cui posthabita Tritonia Cyrrha  
 Servit, & antiquo decernit pilea ritu.  
 Iustior hac laudum seges est, hoc pulvere currat,  
 Quisquis ab ignavo seni um defendere mundo  
 Tentat, & aeterna captat solatia fama.

Quare age, magnorum testis præclara laborum  
 Aspice Leyda virum, juvenem quem dixerit atas,  
 Mens grandæva virum; quem vult natura minorem.  
 Majorem grandæva suis industria curis.  
 Aspice, totus adest oculis, dum tempora tristis  
 Præteriere mora, Pallasque exporgere frontem  
 Nostra venit, postquam attonito delubra Senatus  
 Muta diis, solitis iterum reserata loquuntur  
 Vocibus, & sacri pandunt oracula vates.  
 Lætitiâ da signa tua, gratisque verenda  
 Imperiis, lachrymasque pia miserata Minerva,  
 Iura simul sceptrumque refer, venerare clientem,  
 Qui novus incedit Sophiâ per templa sacerdos.  
 Exere jam dignos tanta certamine laudis  
 Læta choros, quantumque tuis facundia pollet

Ingeniis, expande decus. Stat certa merenti  
 Mercedis mensura, juvant præcognita quemque.  
 Præmia, & egregius gliscit Sapiencia donis.  
 Illa suis licet aucta bonis vix extera curet  
 Iudicia, & strepitus vulgi, facilesque susurros,  
 Magnificasque trabes, & honoris negligat arcem;  
 Usque tamen socios tacite sibi poscit honores,  
 Et pompæ plaususque aliquid, gratique favoris,  
 Et strepitus patitur, quamvis non præmia tantum,  
 Quam curas, studiumque suum & se digna moretur.  
 At tu Pegaseas tandem conscende curules,  
 Quò laudum se tollit apex; da cernere doctum,  
 Sed socia virtute, caput; tibi nomina tandem,  
 Principibus concessa viris, & debita claris  
 Ingeniis, tarda famulis inuisa Vacana,  
 Transcribit senior venerando Snellius actu.  
 Iam votis mensura tuis, quas itaque dantur  
 Munera, dum plenis prostat tua fama theatris  
 Æternum latura decus. nunc undique laudum  
 Cingeris agminibus. jam te meruisse videmus,  
 Dum plausus titulosque refers. jam dextera concors,  
 Iam placida prætexta toga, jam pilea præscum  
 Digna decus, digitisque auratum insigne coruscans,  
 Et celsæ sedis facies, tactumque volumen  
 Debita nascenti decernunt jura Magistro.  
 Ecce novos Phæbo pubes dilecta triumphos,  
 Et tantum comitatur opus, tibi plena Lycæi  
 Atria densatis fervent de vota catervis.  
 Applaudit simul æqua cohors, gratoque coronas  
 Et currus tibi corde parat. defertur amicus,  
 Concordi sed voce, favor. tibi gratia Patrum  
 Festit ovans, gaudet sacra cum gente Senator,  
 Votaque Picridum cumulant plebeja favorem.  
 Iam Leydæ communis amor, jam maximus audis  
 Antistes Sophiæ, de te miracula quisque  
 Colligit, inque animis plausu meliore superbis.



Scilicet hoc meritis præclari nominis addit  
 Annexus pietatis honor, tantamque rependit  
 Relligio tibi culta vicem, dum criminis insons  
 Virtutis pura veneraris mente tribunal.  
 Euge, movent tua facta Deos, Parnasia lato  
 Murmure templa sonant; & te nascente magistro,  
 Undique Pegasæ Phœbus stipante caterva,  
 Carmina festa fremit; tremulis quæ fluctibus inter  
 Luxurians fluidos Aganippe concitat amnes.  
 Pallas Cyrrha thalamum tibi sternit in aula.  
 Calliope viridis contexit brachia Daphnes.  
 Melpomene tibi lata boam, sed concinit illi  
 Dulcior Euterpe modulis. te cœlica vellet  
 Vranie celsa cœli regione locare,  
 Sed Iovis illud erat. quin laudis conscia Parca,  
 Non rumpenda tibi promittit stamina Clotho.  
 Nec satis hoc. nimis arcta tuis sunt nostra triumphis  
 Regna, nec ingentes meitur Belgica laudes.  
 Trans pelagi spatium curris, dum nuncia rerum  
 Fama Britannorum velox se accingit ad urbem,  
 Natura famulante Deæ, quæ vincita resolvens  
 Clausura maris, portus aperit, quò libera puppis  
 Possit cloriferas effundere nomen in undas.  
 Tuque mihi, titulis gravis, & famæ ubere pregnantis  
 Salve progenies, seris quæ debita seclis  
 Batta vicis ponis laudum spectacula tuarum  
 Porticibus. latere tuis mens splendida curis,  
 Quæ dominum mercede beant; dum basia jungunt  
 Hinc labor, hinc meritas texens Astra coronas.  
 Sed dum per magnos graderis spectandus honores,  
 Vnum te Pietas & cœli filia poscit  
 Relligio. sacros studiis invade penates,  
 Ipsum ordire Deum, pateant secreta Tonantis  
 Abramidum, priscique patres oracula loquuti.  
 Cui tantum Natura patet, donataque cœlo,  
 Tota salutarens mens imbibat enthea sensus.

*Sic te, quem gravior fecit doctrina magistrum,  
Religio perfecta beet, sic nobile lucrum  
Christiadum Pietas celsa te inscribat Olympo.*

Ad Nobilissimum Virum,

D. GERARDVM THIBAVTIVM,

Libros suos de Gladii usu edere parantem.

**H** Athenus indoctis Bataui pugnavimus armis,  
Et simplex Bellona fuit; quum vindice nullo  
Tota salus celeres nimium procedere mortes  
Indoluit, vitamque truci committere Marti,  
Et bellatrices exhorruit anxia dextras.  
Pugnantum laus vilis erat, robustaque solum  
Plus poterat nocuisse manus, fortesque lacerti,  
Fixaque fatali heroum vestigia campo.  
Perdomuit vis una viros, & gloria victrix  
Natura, non artis, erat. Sic nescia legum  
Gracia privatas gladiis ulciscitur iras,  
Priamidesque ferox venienti occurrit Achilli,  
Et falsis Patrocli animam deposcit ab armis.  
Nec Latium prisicque magis sapuere Quirites,  
Romulidumque pater; tunc, cum crudelibus ausis  
Armaret geminos vesana superbia fratres,  
Æmulaque ingentis caderet pars altera Roma.  
Ignari nostrorum operum pugnare Sabini,  
Et vinci potuere patres, & freta duello  
Agmina: nec tales credam vibrasse macharas  
Albanos, Tullique duces: cum fœdere sancto  
Rixantes populos victor conjungeret ensis.  
Quid juvat è fragili pendentia retia filo  
Artificem rexisse manum? qua verberare vano  
Currentem totâ juvenem derisit arenâ?  
Vos Threcum infames sicæ, falcesque supina,  
Parmaque, nec faciles avertere vulnera pelta,  
Et Myrmillonum pugna, rudibusque superbi

V

Cedite



Cedite victores ; quos quondam Martia circis  
 Et circumductis includit Roma theatris.  
 Nunc alius manet arma labor, delapsaque cxlo  
 Decrepitum felix industria perficit orbem,  
 Nec notum molitur opus. sublimior ensem  
 Cura rotat, neque jam valida vis effera dextra,  
 Sed sapiens doctrina ferit, succumbitur arti,  
 Cum cadimus, solaque hostem ratione necamus.  
 Ipsa novos ausus, & tanti pondera veri  
 Miratur natura parens, quæ rara Thibanti  
 Sedulitas nostro pandit mirabilis ævo.  
 Ipse sibi vitæ spatium mortisque futura  
 Scribit homo, & proprio metitur corpore ferrum.  
 Ars circo depicta jacet, similique figurâ  
 Ingentis terra faciem, diuümque penates,  
 Et nostrum consummat opus. signatur in illo  
 Littera; quò tutos possis desigere gressus,  
 Et lethi vitare vias : ubi vulnera cauta  
 Infigant funesta manus : ubi deperget iustus  
 Semita, & hostiles spernat secunda furores.  
 Arca parua patet, totus quam suspicit orbis,  
 Ignorata diu terris. hic abdita sensus  
 Occultat doctrina suos, generosaque pandit  
 Dogmata, & humana miracula plurima mentis.  
 Quo gladio se munit, habet momenta salutis,  
 Pugnandique gradus. non ulla licentia ferri est,  
 Nec, quæ velle potest, libertas tuta vagatur.  
 Lex motus immota regit. stant certa nocendi  
 Tempora, nec frustra mucro mucronibus instat,  
 Aut gladius gladio premitur. jam vincere tactu,  
 Iam visu superare potes. nunc parvula tollit,  
 Nunc servat mensura virum. nunc occupat hostem,  
 Nunc fugit arte suam. nunc linea rectior ensem,  
 Nunc obliqua capit. nunc hoc; nunc eligit illud.  
 Anxia dextra latus ; totoque sequacia circo  
 Brachia versat ovans. Procul hinc fortuna faceffe.  
 Bello-

Bellorum Martisque comes. pugnare parati  
 Ad numeros stabili tentamus praelia norma.  
 Hac mundum, Belgasque tuos, & regna Thibanti  
 Nostra doces. stupuit tanta molimina mentis.  
 Auriacus: stupuere duces, devotaque bello  
 Nomina Nassavii; queis cum committere dextram  
 Et pugnare datum. sic qua prostraverat hostem  
 Sæpe manus, vir magne, tuas exercuit artes;  
 Victricesque tibi concessit præmia palma.  
 Iam tua Casarem grassatur fama per aulam,  
 Et reges tibi vota ferunt. Germania supplex  
 Expectata tui poscit monumenta laboris.  
 Nos quoque, quos tantis dudum virtutibus aquas,  
 Et nescire nefas credis tam grande salutis  
 Præsidium, pariter magnis applaudimus ausis:  
 Quemque tuis cultum studiis & voce dedisti,  
 Laudatum pariter grati tibi reddimus enses.

## QVERELA LVCRETIÆ

A Sexto Tarquinio violatæ, ad Collatinum,  
 patrem & amicos.

Qvod sum passa nefas, tibi, quos sum passa do-  
 lores,  
 Collatine, querar. non jam Lucretia credor  
 Esse tui conjunx thalami, dum rapta pudoris  
 Præmia Sextus habet, gremiumque invasit amator.  
 Improbus, & nostro detestit gloria læto.  
 Si scelus est hæc ipsa pati, ferroque coactam  
 Cedere flagitio, dicat me fama nocentem,  
 Me Latium peccasse puta. si crimen habetur  
 Armatas sensisse manus, timuisse tyrannum,  
 Dic fontem, dic, Roma, ream. si sola voluntas  
 Arguitur, culpaque caret violenta voluptas,  
 Absolver, te teste, pudor. mihi corpore læso.  
 Mens superest illæsa, nec hoc à pectore præscus:



Conjugii defluxit amor, mutataque casti  
 Causa thori est. non Tarquinio dilecta rependi  
 Officium; miseræque mihi non gestus amanti,  
 Sed facinus damnantis erat; non brachia vecors  
 Injecit cupidæ rabies. adspeximus hostem.  
 Et placui infelix, cui displicuisse volebam.  
 Gracia Pergamei luxit raptoris amores,  
 Ægyptique nefas, Agamemnoniumque cubile:  
 Me Latiæ lugete nurus. sunt altera vobis  
 Pergama, Romanusque Paris, nec crimine tanto  
 Troja nocens solum est. serpunt exempla potentum.  
 Improbitalisque etiam nostram descendit in urbem.  
 Heu quid agam? neque enim stupro violata pudicis  
 Matribus annumerer: nec, cum sim nescia culpa,  
 Damnari matrona queo. licet esse marita,  
 Intacta non esse licet: sociavit adulter  
 Corpora, non animos: rapuit vis sola pudorem.  
 Non ratio; constansque mei reverentiæ lecti est.  
 Ne dubita, Romane. mei mox certa pudoris  
 Argumenta dabo, nec in hæc ego fata superstes  
 Esse diu cupiam. quod si bona fama vacillat,  
 Morte luam scelus alterius, proprioque piabo  
 Funere. non erit, ut digito Lucretia monstrer,  
 Non ego ludibrium nurius debebo Latinis,  
 Nec quod suspicio fallax sibi fingat, habebit.  
 Omnia magnanimâ solvam discrimina dextrâ.  
 Me robusta manus, violentaque Principis arma  
 Implicuere malis: rursum violenta potestas  
 Eximet, & stricto tot rumpam incommoda ferro.  
 Non erimus patriæ indecores, exempla que de me  
 Nulla petet mulier sceleris. non semine regum  
 Progeniem tibi Roma dabo, aut invita tyrannos  
 Producam genitrix. forsân sperata Quirino  
 Libertas per me dabitur. sceptrique facesset  
 Terror, & inuisi scelerata potentia regni.  
 Quin pia posteritas iratæ nobile factum

Coniugis, & iusti refert documenta furoris,  
 Et, si non patiens, saltem sic fortis habebor.  
 Fraternali primi maduerunt sanguine iuri:  
 Successit funesta soror, sponsique cadentis  
 Victimam. femineum rursus Tiberina cruorem  
 Terra bibat, discatque meo jam qualibet ausu  
 Illicitas odisse faces, & sancta putare  
 Vota pudicitia, & socialis vincula dextra.  
 Tu genitor cape tela manu, tu Brute viriles  
 Vtricesque animos & grandes indue curas,  
 Vindictaque ferox studium. nunc tempora cessent  
 Stultitia simulata tua. cui femina vinci  
 Imbellis potuit, timeat concurrere vobis  
 Dextra viris. hæc sola meis solatia facis  
 Collatine feras. pœnas persolvat adulter,  
 Nec veniam donet spreto clementia recto.  
 Peccantem celeres Metium rapuere quadriga,  
 Et mansit sua pœna reum, spretoque Deorum  
 Morte luit. fœdæ quondam perjuriam matris,  
 Et spreto patris thalamos, vetitosque hymenæos  
 Ense Thyestiadæ clarus fuit ultus Orestes.  
 Viximus insontes; titulo moriemur in illo:  
 Me pudet amisso vitam servasse pudore.

## O R A T I O

M V T I I S C Æ V O L Æ

Ad

P O R S E N A M C L V S I N V M

regem, postquam pro rege scribam  
 obruncasset.

**A**dspecte, quem juvenem solum fortuna fefellit.  
 Bellorum jam iure reum. Rex, adspice solo  
 Has fontes errore manus. si Scævola pœnas

V 3

Debeat,



Debeat, absolvet Romanum patria civem,  
 Ipsaque posteritas. pesii, quem sensimus hostem,  
 Et Capitolinis inimicum sedibus hostis  
 Aggressus virtute fui. cur abnuis ather?  
 Cur, Superi, fuisse pudet? num sceptrum tuetur  
 Rex hominum, Divumq; pater? regumque verenda  
 Majestas dilecta Iovi est? num fata triumphis  
 Incolumem superesse volunt? num nostra ferocem  
 Terreunt exempla ducem? aut gravioribus ultra  
 Servaris Porsenna malis? quodcumque placebit,  
 Erratum ratione fuit. tamen, audiat ather,  
 Hanc doleo peccasse manum. consultaque Divum  
 Detestor diversa meis. Etruria specta  
 Romana virtutis opus, tantique laboris  
 Auspicium, Latineque animos mirare juventa,  
 Non deerit coeptis alius, longo ordine post me  
 Regis in exitium festinat & alter, & alter,  
 Deque tua cunctis speratur cade triumphus.  
 Castra vacent bello, latus per jugera miles  
 Ambulet. haud petimus vili de sanguine laudem,  
 Nec locus est pugnae. juratum in viscera regis,  
 In jugulos Porsenna tuos. unum omnia contra  
 Tela Latinorum. solum regale tribunal  
 Arma notant, condetque tuo se pectore ferrum.  
 Vestibulum ante ipsum, primoque in limine sicam  
 Sica premit, mixtusque tuis Romanus inerrat  
 Militibus, tua circumstat tentoria, regem  
 Qui feriat. te posci unum, tua corpora quari,  
 Te signari oculis video. fit funeris hora  
 Qualibet hora tui, momentaque singula clara  
 Partitur jam Roma neci. tu mania cingis,  
 Intentasque famem populi: sed gnara nocendi  
 Dextera circumstat pavidum, & cervicibus ensis  
 Inminet. in media fulgent diademata fronte,  
 Sed spoliis sperata meis: qua purpura cocco  
 Ista rubet, bibit illa tuum funesta cruorem:

Quodque

Quodque geris sceptrum, fatalis polluet ictus.  
 Hoc fato Rex esse potes, semperque, quod unus  
 Extimeas jugulandus, erit. Iam sciviat in me,  
 Cui vacat esse truci. spernunt Romana dolores  
 Pectora; nec, regum quisquis percussor habetur,  
 Supplicium timuisse potest. mihi fortia, crede,  
 Conari & perferre datum. nec gloria dispar  
 Vel mortis, vel cadis erit. suspiria, plangitibus,  
 Et gemitus odisse, virum est. mens conscia recti,  
 Libertatis amor, patriæ tutelæ salutis,  
 Infractos subdunt animos, & premia fama  
 Proscribere metum. quam cernitis, ara, focusque,  
 Testis erunt, quantis sese constantia factis  
 Explicet. en flammis ultricibus uritur illa  
 Romanis minus æqua manus, qua dextra fefellit  
 Me dominum, Por-senna, tuis jam tota favillis  
 Arsit, & hanc nosser poenam mihi debuit error.

## ORATIO VETVRIÆ,

Ad

C. N. MARTIVM CORIOLANVM  
 filium, armis patriam impetentem.

**Q**uo malefane ruis? patri cę, haud tale merenti  
 Hostiles infers acies, & tela Latinis,  
 Infestosque tuis intentas mœnibus enses?  
 Quid Latium, quid Roma in te committere tantum,  
 Quid cives potuere? tua est Volumnia conjux,  
 Quam ferro scelerate petis; tua pignora, Marti,  
 Natorumque feris jugulos, ultorque malorum  
 In mea victricem convertis viscera dextram.  
 Usque adeone tuo concedis frena furori?  
 Nec cessas certare odiis? tantumne licebit  
 Invidiæ? patriæque tibi venerabile nomen  
 Sub pedibus, cœn vile, jacet? jam filius hostis

V 4

Esse



Esse cupis, materque tui cum conjugē belli  
 Materies feralis ero? quas eripis urbes,  
 Eripis & nobis, & quos grassaris in agros,  
 Hos credam quoque jure meos. quæ mœnia perdis;  
 Sunt matris, sobolisque tua. periere Novella,  
 Corioli, Satricumque potens, Trebiumque, Pedumque,  
 Et Labici, supplexque tuis Pollustria castris;  
 Meque tuosque malis demens involvis iisdem.  
 Sit plebes Romana nocens, proscripserit illa  
 Insignem virtute ducem. non illa probare  
 Innocentia potuere nurus. damnavimus uno  
 Ore nefas. fontes incusent jura tribunos,  
 Hi belli decreta luant. ego mater iniquas  
 Sum nati miserata vices, lachrymisque peregi  
 Officium, verbisque fui solata dolorem.  
 Hostibus immixta, conjunx, sobolesque, parensque  
 Vivimus, & nostro petitur vindicta periclo.  
 Ex a quo furor iste nocet. complexibus hisce  
 Cur harere cupis? quæ me complectitur hostem  
 Dexterâ? nec genitrix nocituris eximor armis.  
 Hac facies irata mihi est: quæ basia figis,  
 Das inimica mihi. nunc omne hostile putandum est,  
 In Romam dum castra movent, dum classica matrem  
 Sollicitant, tenerosque cient tua bella nepotes.  
 Hac ego, quam genui peperique Veturia, jamjam  
 Abducar captiva manu: devicta triumpho  
 Destinor: ante tuas incedam vinceta phalanges.  
 Brachia numella; qui te gessere, lacertos  
 Vincula constringent: quæ sapius ubera flenti  
 Porrexerit puero, nunc improbus hauriet ensis.  
 In cunas rabies, propriosque insana penates  
 Arma ruent, & quos habitasti mitior olim,  
 Evertet tua dextra lares. deposcitur insons  
 Ad poenam puer, & culpâ mactabimur unâ.  
 Hos ego te in casus, & in hæc te fata Quiritum  
 Progeni? ut nostro natus de sanguine Romam

Perderet, & Volscis crescentem traderet urbem?  
 Heu tanti sum causa mali. sum, Romule, nomen  
 Imperio fatale tuo. jam nascitur ex me,  
 Cui vix nata suam debebit Roma ruinam.  
 Cur turpi me morte mori, cur crimine tanto  
 Coriolane cupis? generique adnectis & umbris  
 Opprobrium tam grande meis. miserabilis, exul  
 Esse velim: solum, per te periisse, scelestum est,  
 Conduplicat tua causa malum: mihi cerneris idem  
 Hostis, & extorris patria. fors utraque matrem,  
 At magis illa premit. res scilicet altera sati est,  
 Arbitrii res una tui. depone feroces,  
 Et nobis placare, minas. quin adspicis illa  
 Romulidum constructa manu, & jam didita fama  
 Maxima, Marvortisque domos, veterumque celebres  
 Reliquias Danaum, atque nova fastigia Troja.  
 Si non illa movent, saltem miserere parentis,  
 Natorumque, pater. pudor est, tibi, conjuge serua.  
 Deque triumphatâ promitti matre triumphum.  
 Irarum decerne modum. male bella ministrat  
 Impetus. humanis etiam succenset Olympus  
 Criminibus, sed thura Deos, sed vota, precesque,  
 Sed flectunt lamenta Iovem. num patre rogante  
 Hectoris exuvii atrox ignovit Achilles?  
 Quamque prius rapuit Priamo Tirynihus urbem  
 Reddidit, ultricesque Deos placavit Orestes?  
 Quod si nec gemitus, mea nec suspiria frangunt  
 Precipites animos, tibi si contemnitur uxor,  
 Roma, Deumque locus, tot nomina blanda tuorum,  
 Insulaque, & Patrum referentes iussa Quirites;  
 Impete maternos jugulos, in conjuge ferrum  
 Abde ferox, sobolem patriis à maxnibus arce:  
 Saviat in socios cognata potentia cives:  
 Rideat hoc Volscus, Vesensque, & iniqua Falisci  
 Nomina: crudeles placeant Samnitibus ira:  
 Solaque Romano succumbat Roma furori.



## O R A T I O C A T I L I N Æ,

Milites suos ad pugnam cum Antonio  
hortantis.

**H**oc stamus, *Fortuna, loco; nec patria segnem  
Experiere Ducem. pressi servare Quirites  
Si cupiant, mihi bella magis, tentandaque ferro  
Libertas, ac fama placent. plus deside vita  
Clarescet morientis honos. si dura secundos  
Successus mihi fata negant, at fortibus ausis  
Et coeptis illustris ero. spes sola triumphi  
Audacem intrepidumque facit. non Consulis enses,  
Non metuit mandata Patrum, qui ficta Senatus  
Nomina, qui cunctis trabeas Latiasque curules  
Deberi ratione putant. cur tota Catonem  
Roma tremat? cur Ausonia terrisque superbus  
Arpinas mandata dabit? cur horreat orbis  
Pisonem, Catulique, & ditis jugera Crassi?  
Hoc plures, Romane, sumus. cur tanta potestas  
Paucorum, cur tota manet? nos sanguine eodem  
Æneadum stirps clara dedit. non Romulus illis,  
Non solis Mavors pater est, nos semine ab illo  
Fluximus, & veterum titulos servamus avorum.  
Cur aliis diti turgescant scrinia censu?  
Paupertas nos saxa premat? stipendia gentis  
Penditis, hi rapiunt. dant vestigalia reges,  
Dat populus, nos ara gravant, alienaque perdunt  
Nomina. nos, tetrico passi sermone repulsas,  
Iudiciis debemus opes. illustribus illi  
Imperis totum stringunt sub fascibus orbem;  
Obsequii nos cura manet, famulique laboris  
Deprimit officium. nostris Respublica jussis  
Cur parere neget? cur me, cur, patria, cives  
Despicis hos, tantisque indignos credis habenis?  
Ludibrium tibi Roma sumus, contemptaque turba*  
Negli-

Negligimur. praerunt aliis ante ora secures,  
 Hos grandis pratura beat: locupletior istos  
 Illustrat quaestura patres: rapit ille sacrorum  
 Iura sibi, & circum pendentibus infusa vittis  
 Circumdat gemmata caput: fastigia laudum  
 Terrarum dictator habet: timet ipse tribunos  
 Consul, & emeritas aquilas emancipat alter.  
 Nos numerus sumus, & viles contemnimur umbræ  
 Degeneresque animæ. Pariis exstructa columnis  
 Limina conspicitis passim: nos paupere tecto  
 Claudimur. ingentes sternunt sesteria montes,  
 In fluctus jam luxus abit; rabiemque profundi,  
 Oceanumque patrem Romana superbia vindis  
 Alligat. En caelo sublimia saxa minantur,  
 Stultiæque petunt Superos. nos indigna rerum  
 Pauperies, atque aris inops affligit egestas,  
 Et scelerata famas. num vos hac sorte novercans  
 Progenit natura parens? hac vivere tristes  
 Conditione cupit? ferro decreta Deorum  
 Rumpite, praescribat fati industria legem;  
 Et quales nos esse volunt, non esse velimus.  
 Audaces fors ipsa juvat, quin imperat astris  
 Sedulitas, & cura vigil. jam desinit esse,  
 Cui dolet esse; miser. patimur; servimus inertes.  
 Maesti animis, subeat tanti fiducia regni,  
 Et Latii decus, & potiunda gloria Roma.  
 Vos patria tangat pietas, & dulcis amæna  
 Libertatis amor; multi spes erigat auri  
 Languentes animos. leges calcate timendas;  
 Quemque sua rapiant generosa in prælia causa,  
 Sed potior merces. hæc belli præmia prostent  
 Ante oculos, in igni vobis angusta Senatus  
 Nomina, & hos ipsos Tulli promittite fasces.  
 Dux, milesve siem, nullo discrimine habebō.  
 Dicite me socium; tanti collega laboris  
 Aggrediar clarum facinus, flammisque penates,



Ense viros, dominosque ulciscar Roma superbos :  
 Aut signate ducem. patria devota saluti  
 Bellatrix est illa manus. qui militat ensis,  
 Militat hic vobis. hic Divum vindicat aras  
 Perdendoque dabit vitam; per funera, cades,  
 Ad magnas grassatur opes, avidusque cruoris  
 Sanguine restituet patriam. jam tecta, penates,  
 Rostra, lares, nostraque ruant Capitolia dextra.  
 Nobilitas in visa cadat, feriantque curules  
 Tela, nec à claris revocetur fascibus ensis.  
 Libera mutato gaudet sic Roma renasci  
 Consule, sic pulso dabitur pax tuta Senatu.  
 Ire viri, Latiusque truces occurrite castris,  
 Victores sperate Deos. jam fortibus esse  
 Expedi, ignavis noceat. jam parcere cives  
 Civibus hora vetat. veniam clementia victrix,  
 Sed post bella, dabit. primas audacia partes  
 Effrenisque furor teneat. discrimina, poenas,  
 Exitium, mortes timeant, quos arguit atrox  
 Causa reos. quotquot metuunt, jam proxima mori  
 Regna tenent, solisque timor pars certa pericli est.  
 Nec spes ulla fuga est. gemino circumdamur hoste,  
 Stant sterili mea castra loco, fastigia circum  
 Aeria attollunt Alpes. hinc signa Metellus  
 Gallica, parte alia adversis Antonius armis  
 Bella movet. stricto sternenda est semita ferro,  
 Visque viam inveniet. certa momenta salutis,  
 Qui pugnabit, habet. quod si moriemur, inultos  
 Turpe mori. cernat populi ferale cadaver  
 Roma sui, madeatque suo quoque sanguine, quisquis  
 Hunc bibet, & belli ploret dispendia victor,  
 Vindictaque furor manes descendat ad ipsos.

## I N N V P T I A S

Amplissimi, doctissimique Viri,  
**P E T R I C. H O O F T,**  
 Poëta Batavi, ac in Tragico dramate  
 summi, secundum Sponsi.

**H** Actenus à tragico Vates celeberrime cantu  
 Idalium meditaris opus; grandemq; cothurnū  
 Exuis, & Paphis dissolis tempora curis.  
 Iamque truces iras, & saxi crimina Velsi,  
 Vltioresque Deos, caligantesque profunda  
 Tisiphones thalamos, excitaque sedibus imis  
 Numina; confossumque Ducem, tantoque piandum  
 Funere flagitium, tot tristis nomina scene  
 Dedit tibi Musa loqui; tenerumque Diones  
 Ingenium, moresque procans addiscit amantum.  
 Ad soccum defleat Amor, cupidisque maritam  
 Occupat officis; nec jam tua fecibus ora  
 Dedecoras, vultusque tuos abscondis in illis:  
 Sed cunctis noscendus ades, pulchroque decorus  
 Corpore fragrantem thalamis inspergis odores.  
 Non fuis per colla comis, verbi que severis  
 Machildem prabes populo. stant lege capilli,  
 Comaque casaries, & lata frontis honores,  
 Pellacesque oculi, vocesque in amoribus apta,  
 Atque inter molles luceni i lumina risus  
 Efformant geniale caput, Sponsumque loquuntur.  
 Non Thespis tibi verba gravis, mæstumque tragædo  
 Distat epos, sed blanda suos Cytherea lepores  
 Suggest, & festo resonant proscenia cantu.  
 Flebilis orchestra facies & pulpita lato  
 Mutantur funesta thoro: nec vestra loquacem  
 Admittit cortina chorum: quin fabula solū  
 Astores capit ista duos, longeque remotus



Hac scena spectator abest. sic omne tenebris  
 Officium moderatur Hymen, positoque pudore,  
 Iam tibi, jam Sponsa sociandos dividit actus.

Dum loquor, ecce gravi regina Tragædia gressu  
 Ingreditur, foribusque meis sese altior infert,  
 Sed priscos exuta habitus: non longa trahebant  
 Sarmata funerea vestes, piceasque rotabat  
 Dextra faces, qualis furias recitavit Orestis,  
 Aut Hecubam fari docuit, dirumque Thyesten.  
 Utque per Aonios spatiantem suaviter hortos  
 Me videt, atque aliquam capiti pratendere laurum,  
 Nec vatium aversum studiis, Bata vique poetæ  
 Ludere per thalamos, totamque arcessere Cyprum:  
 Et nostrum, Barlæ, tuis intexere Camænis  
 Carmen, ait; Clarios à me pater Amstelæ fontes  
 Accipiat, Pimplamque suis permisceat undis.

Diximus Ægypti facinus, spretamque Pelasgo  
 Colchida, & ingenti Troas subnixæ cothurno  
 Per me bis raptam fuit execrata Lacenam.  
 Dicta mihi Phædra rabies, incestaque mater  
 Hippolyti, fideiisque stuprum menti tabellis.  
 Hoc dedimus sceleri precium, fama que nepotum  
 Vivit adhuc crudelis amor, fædosque Hymæaros  
 Fundunt perpetua ventura in secula charta.  
 Iam libet in castum deducere carmina lectum,  
 Et vatem canere meum; scena que magistrum,  
 Grandiloquamque suis animam donare Bata vis.  
 Undique jam festis collucet atria tedis,  
 Et picturatis fulgent spatiosa tapetis:  
 Molle lyra blandumque sonant, dum suscitât ignes  
 Sponsus, & ad veteres subridet Sponsa labores.  
 Illa maritali, tunicas distincta, cubili,  
 Et voti jam certa jacet, pietoque sub ostro  
 Tota latet, nisi quæ roseis formosa labellis  
 Ora micant, spectantque virum. non ulla beatos  
 Stringunt vincula pedes, nec gemmea fersa cubantis

Colla gravant. fluidas laxavit fibula vestes,  
 Ut sic virginitas possit deprensa timere.  
 Nec timor omnis abest illi, sed docta timorem  
 Castigat matrem suum, discitque pudere  
 Cum ratione pudor. lachrymas non fundit inertes,  
 Non simulat bis nupta metum, sed lenis amari  
 Se patitur, lætisque licet reverentia cordi  
 Insidiat, placet illa tamen, peiturque voluptas,  
 Qua neque Scipiadum matres, sponsamque Catonis,  
 Andromachæque thorum, majestatemque Deorum  
 Dedecuit, quamque ipsa Iovi non exprobrat uxor.  
 Hippomenes illam si sic spectasset amator,  
 Optasset se posse frui, pernixque virago  
 Languidius dilecta foret: Briseida Achilles  
 Sperneret, infidis fugeret Leander ab undis,  
 Nec quicquam chara Patroclus in Iphide pulchrum  
 Esse putet, Thisbenque suos dimittat amator,  
 Nec Phœbus Daphnen, nec Gnosida Bacchus amaret.  
 Stant ternæ circum Charites, natasque sub Ida  
 Adspargunt thalamo violas, costumque, rosasque,  
 Cinnamamque, & quidquid messes misere Sabææ,  
 Almaque odoriferis donavit flatibus Eos.  
 Gestibus Euphrosyne blandis irritat amorem,  
 Et pulchras resoluta comas, nudata papillas,  
 Lene salit. juxta modulis cœlestibus Ægle  
 Furta canit Paridis, Batava jam Phyllidis ignes,  
 Auricæque faces, vel qualis nuper ab hoste  
 Ille redux, victi spoliis insignis Iberi,  
 Obvia ab Ameliæ decerpserit oscula labris.  
 Tertia Pasithee dextris innexa sororum  
 Conjugibus sua fata canit: secundaque lecti  
 Otiæ, nec mœstis temerandos solibus annos.  
 Parte alia lentis deducit stamina fufis  
 Præscia fatorum Lachesis: catusque per istos  
 Omnis Pieridum currit chorus, ipsaque dum se  
 Melpomene multum Sponso debere fatetur,

Inge-



Ingeminat geniale melos, facundaque narrat :  
 Heleonora quibus possit contendere donis,  
 Amstelias progressa nurus, qua gratia vocis,  
 Quantus in ore lepos, qua circumfusa facultas  
 Ingenio, quales formet prudentia mores,  
 Quam thalami veneranda fides : ut nescia fuci  
 Candida simplicitas cunctos intermicet actus.  
 Ipsa leves manibus stringit Cytherea sagittas,  
 Telusque, queis vatum potuit lassisse maritas.  
 Hanc circum pennata cohors, atque omnis amorum  
 Turba volat, gratisque onerat connubia donis.  
 Pars offert festiva jocos : pars altera risus,  
 Et doctos in amore oculos : pars blanda Secundi  
 Basia : pars magno cantatas Casare quondam  
 Mellifluas largitur Apes : pars carmina Catzi,  
 Pars bellatoris modulos, lususque Reali  
 Antè pedes posuit : pars desudata ministrat  
 Otia Constantis Batavi. jacet illa, stupetque  
 Munera tot Divum, atque oculos ad singula confert.

At tu, grande decus patria, cui sidera transit  
 Ardua vis animi : cui nil facundia tritum  
 Aut loquitur vulgare, tuis qui verba Batavis  
 Præformas, farique doces ; qui proximus undis,  
 Oceanique inter strepitus & regna, cothurnum  
 Induis, & tragico metiris pulpita gressu,  
 Ad laudes assurge tuas. si Graja Sophoclem  
 Terra tulit, tu Belgarum proscenia genti  
 Sternis, & equoreis præbes spectacula terris.  
 Tu, sibi quem vellet jam Gallia mæsta renasci,  
 Henricum doctè celebras, tu prælia scribis,  
 Iam belli, jam pacis opus, tantique verendum  
 Principis imperium, clarosque edisseris ausus.  
 Nunc aliud tibi dictat amor, nunc conjugis Hymen  
 Exigit officium. detergis fecibus, ora  
 Myrtus amica tegit. veteres, Vir magne, furores  
 Concipe, Vesper adest ; dilataque gaudia rursus

*Aspiciis ordire novis ; exercita mox te  
Sentiât esse virum conjunx : titulisque parentum  
Illustret secunda domum. sic vita duorum,  
Istaque, sed leto, tibi plaudat fabula, sine.*

## PROPEMPTICON,

Ad Ornatissimum, præstantissimum-  
que Iuvenem,

IOANNEM SCHOTERBOS,

Convictorem meum, cum Britan-  
niam adiret.

**S**iccine Batta vicâ charissima corcula terra,  
Et natale solum, nec fastidita tuorum  
Nomina, maternosque lares, & littus amicuna  
Deseris ? & toto divisos orbe Britannos  
Belgarum securus adis ? vocat aquor euntem,  
Naiadumque chorus vitreis te vectat in undis,  
Sedibus avulsum patriis. & nobile pignus  
Excipit infidâ fragilis fortuna carinâ.  
Hic medios inter fluctus, dum regna Deorum  
Adspicis, & celso rutilantes fornice flammâs,  
Non ultrâ arboreis viridantem frondibus Hagam,  
Sed maria ampla vides : non magni Principis arces,  
Sed formidatos inimico in littore portus,  
Hostileisque rates Morenum, & ferali cernis  
Classica : non inter tumidos Academia fluctus  
Apparet ; non illa domus, quâ sæpè solebas  
Sobria con-victor partiri prandia mecum,  
Nec multum dubiis obsonia poscere mensis.  
Antè tuos oculos grandes jam corpora Phocæ,  
Aut pistrinx squamosa movet, vel turgida spectas  
Carbasa, quasque suis oneravit mercibus Eos,  
Aut redolens Aurora rates. pro matre salutas  
Nerea, & absentes quoties subiere sorores,

Spectan-



Spectantur tremulis Nympha Oceanitides undis,  
 Et Thetidis lasciva cohors. jamque aquore in ipso  
 Miraris magni miracula plurima mundi ;  
 Ut reflux Neptunus aquis subsidat, & amplas  
 Distendat vis cœca sinus : cur pocula Triton  
 Salsa bibat : quo Luna regat moderamine fluctus,  
 Et sibi præscriptas metuat transcendere metas  
 Ingentis rector pelagi : quo numine in Arcton  
 Dirigat incertas virtus magnetica puppes :  
 Vnde fluant ipsum terrentia flamina Tiphyn,  
 Et redeant toto tranquilla silentia ponto,  
 Alcyonumque dies, illic flammantia noctu  
 Sidera, & errantes æterna lege tueris,  
 Demerso jam Sole, Deos : ut magnus in orbem  
 Orbis est, proprioque aduersum lentius axe  
 Corpora nitantur septem. cur cornua languens  
 Vertat in occasum, mox crescens vertat in ortum  
 Cynthia : quid rutilos maculis deturpet honores :  
 Nunc totos spissa involvat caligine vultus,  
 Astraque retrogrado faciat procedere gressu.

Hæc ubi perpendes tacitus : mihi dicta revolves,  
 Et prælecta tibi veteris suffragia seculi,  
 Et Graja decreta scholæ. tunc forte subibit  
 Barlæi vox rauca tui, clamataque nostris  
 Dogmata porticibus, doctique oracla Lycæi.  
 Mox ubi te Celtas inter littusque Britannum  
 Aura feret, Batavis quondam celebrata triumphis  
 Æquora, & Hesperius inimicis classibus undas,  
 Et debellatum Belgis mirare Philippum.  
 Hic mersa periere rates : hic vesta carinis  
 Batice castra jacent : hic bellatrix rostra,  
 Veliferasque arces, tot transtra minantia cœlo  
 Disjecit gravis ira Deum, portusque remugit  
 Iccius, & vasti tremuerunt regna profundi.  
 Tunc patris fortuna tua, casusque tuorum,  
 Primaque felicitis subeant molimina belli,

Armaque, quæ nostris pepererunt otia Musis.  
 At postquam fessam funda verit anchora puppim,  
 Et certus telluris eris ; Tamesina viator  
 Oppida & insignem sceptris regalibus urbem  
 Latus adi, regumque domos atque atria spectata,  
 Et mihi cantatas Caroli venerare tiaras.  
 Suspice Picridum columen, quo dante, beatum  
 Aurea jam pridem lassarunt pondera vatem,  
 Et lauro potiora tuli, cunctaque canenti  
 SorDESCUNT hederæ, & doctorum premia, frondes.  
 Hic sua Romulidum posuit tentoria ductor,  
 Et bellatrices aquilas ; sensitque Quiritum  
 Imperia & Latios generosa Britannia fasces.  
 Illic permixtam peregrino Saxone gentem  
 Adspicies, pulchroque precul candore nitentem  
 Albionæ, & forti contermina littora Scoto :  
 Oxonios etiam colles, montanaque circum  
 Pascua, regalesque scholas, & docta videbis  
 Limina Pegasidum, nec non, custode remoto,  
 Lanigeros errare greges ; ut viscera terra  
 Subruat, & pallens scrutetur dextera stannum.  
 Sic novus externis hærens in sedibus hospes  
 Et mores hominum, & populorum crimina disces :  
 Quid factum factu, quid cum ratione sequendum,  
 Quid magis expediat, quid possit inutile credi,  
 Optimaque in patrios referes exempla penates.  
 Grande decus Iuvenum, propera felicibus Euris,  
 Et longum, dilecte, vale. tibi vota secundet  
 Æolus, & faciles impellant carbasa venti.  
 Ille tibi frenet Cauros, Austrosque cætenis  
 Stringat, & Arctoïis Zephyros emancipet undis.  
 Nulla tuam vel Scylla ratem, vel cæca Charybdæ  
 Sorbeat, aut diræ sidus ferale Latenz  
 Fulgeat. iratum placabunt verba Tonantem,  
 Maternaque preces, & si quid carmina possunt,  
 Illa etiam cœli poterunt lenire furorem.



*Si minus illa juvant, saltem secura per aquor  
 Inveniet doctrina viam, perspectaque Divis  
 Ipsa tibi tua jam probitas, laudataque virtus  
 Sternet iter. cœlum, tellus, mare, ventus, eunti  
 Cuncta favent, facilisque tibi se commodat æther.  
 Hoc unum primumque precor, seu portus habebit  
 Incolumem, Tamesisque suas te ducet in urbes,  
 Seu procul à patria tumidis jaſtaberis undis,  
 Seu quadrupes te tollet humo, seu tergoſe furas  
 Tectus eas, feriantque tuas calcæria calces,  
 Seu sitias, seu pocla bibas, seu Vespera fessum  
 Excipiat, vigileſque tibi matuta caballos  
 Aptat; ut absentis (nec enim labor iste gravabit)  
 Digneris meminisse mei, nec vilis amici  
 Ingenuos memori verſes in pectore vultus.*

Ad

WINANDVM RVTGERSIVM,

Philosophiæ laurea donatum.

CARMEN IUVENILE.

**V***ltima Palladii sumunt exordia fasces,  
 Cum trabeis crescunt tituli, rursusq; triumphans  
 Ardua Pierios lassat Sapiencia colles.  
 Et jam Pegaseo late veneranda Senatu  
 Doctrina delubra patent, foribusque Minerva  
 Incluta victrices suspendit Leida coronas.  
 Tuque ô, qui patrium claris virtutibus orbem  
 Illustras, tantos inter spectande triumphos,  
 Rutgerſi, procedis evans, ac judice Phœbo  
 Proveheris, signasque novis insignibus annum.  
 At non indecorem claris te, magne, Sophorum  
 Inferis ordinibus; nec te veniente dolebit  
 Auriaca regina scholæ; per grandia rerum,  
 Per clausos natura obices; per quicquid ubique*

Scire

Scire potest mens docta, vel ignorare recusat,  
 Vadis ier laudum, & vastas diffusa per artes  
 Irrequieta suos virtus exuscitat ignes.  
 Prima tibi gravibus trita est discursibus ætas,  
 Et sapuit de matre recens. tibi contulit idem  
 Ingenium vitamque dies. presaga futuri  
 Ardua mens, vix passa parem, festinaque laudum,  
 Impatiensque mora, socias vigil antè cohortes  
 Veritit ovans. semper Pallas perspecta priores  
 Urget, & à tergo venientum despicit agmen.  
 Mox ubi firmarunt pleni præcordia sensus,  
 Agnovit natura suum, complexa ministrum  
 Excundo matrona sinu; mundi que labores,  
 Hinc varios anima genios, hinc fertile terra  
 Ingenium, tot rerum obitus, tempusque locumque,  
 Materis que informis opus, miranda Deorum  
 Atria, & aurato rutilantia sidera vultu  
 Prodidit, & magno dominum dignata theatro  
 Abdita tantarum patefecit semina rerum:  
 Quis celsi convexa poli, quis limina Divum  
 Sustineat versare manu: cur cornua Phœbe  
 Mutet, & auricomi velox vestigia fratris  
 Ponè premat: nunc ipsa prior contendat in ortum:  
 Nunc societ dirimatque faces, medioque recedat  
 Æthere: corporibus qua sint elementa caducis:  
 Quam distet natura Deum; qua cognita monstrent  
 Angelicos documenta choros: quam discrepet orbe  
 Angulus, & pulchro vitium secedat honesto.  
 Non ita iudicio Minos commissa se vero  
 Factaque fortunaque animarum & crimina discit,  
 Nec vitæ pars ulla perit: sed tempora curis  
 Cuncta vacant diuisa suis. quos otia perdunt,  
 Non credis fluxisse dies. si prævia Solis  
 Nuncia purpureo Pallantias exit amictu,  
 Tot mundi secreta legis; si vesper Olympum  
 Induat, emerito subducens lumina mundo,



Te tuus urit amor, vulgoque ereptus, & umbris,  
 Adspicis aternis habitatas mentibus arces.  
 Iamque tibi fessam firmaverat anchora puppim,  
 Cum titulis decorandus ades, generosaque spre vit  
 Privatos doctrina lares, testisque laborum  
 Leida fuit: cum jam trepidum gavisam Sophistam  
 Risit, & exactis clamavit pilia curis.  
 Palladii stupuere senes, attentaque Phœbi  
 Conticuit domus, & sancti delibra Senatus.  
 Tam celer ingentes explevit cursus honores.  
 Currus Pegasei strident, Sophique curules  
 Approperant, gestitque novo jam vindice Pallas,  
 Ingenii mirata decus, tantique superbum  
 Pectoris officium, doctaque exorsa juventæ.  
 Quare age Socraticos inter celeberrima cœtus,  
 Scande triumphalis culmen venerabile sella,  
 Edita mens, proceresque inter spectanda togatos  
 Iura superba tene. genis donata Sophorum  
 Principibus, magnis animum nunc ludibus exple  
 Victor, & aternas capta tua premia lauros.  
 Panduntur laudum portæ, tibi buccina mugit  
 Pegasidum, festoque fremit tibi carmine vates,  
 Nec tanto dubitat plausum conferre triumpho.  
 Ante tuos currus doctæ septem ordine diuæ,  
 Quarum barbaricas solertia despicit artes,  
 Incedunt, gratoque ducem sermone salutant.  
 Prima Palæmonios ostendens virgo labores  
 Ingressitur, calathisque effundit liliæ plenis,  
 Phocæis allata jugis. hanc pone sequuta,  
 Amplificam pandens chlamydem, Facundia palmam  
 Explicat, & suavi solvit præconia voce.  
 Mox contracta subit Ratio. quartumque Galeni  
 Ridet opus, tanto destructum præside diuæ.  
 Hinc quæ discreti disponit munia quanti  
 Ad numeros deæ vota facit, Pyliamque senectam  
 Suppetat, & seros excurrrens nomen in annos.

Quam

Quam radio totum describens gentibus orbem  
 Insequitur regina, tuoque expandit honores,  
 Et vastum laudis spacium. tibi sidera sexto  
 Ordine & ipsa Deum designat tecta virago.  
 Ultima dulcisonis victori concinit hymnis.  
 Felix, cui tanta praconia ferre caterua,  
 Et precium caeleste datur, cui docta dearum  
 Agmina, & Aonia despondent vota puella.  
 Nec tamen immodicus proprii jaetator honoris.  
 Aspectandus ades. generosa modestia laudem  
 Dissimulat, titulosque sibi mens candida demit,  
 Quos pudibunda capit. non se meruisse fatetur  
 Quisquis adhuc nescire putat, geminosque triumphos  
 Victor agit, quicumque suos dum perdomat hostes,  
 Demissa se mente domat, lauroque togâque  
 Fit minor, & tumidos calcit bis victor honores.  
 At tu Battavica quae surgis gloria gentis,  
 Emeritus mundi studiis, castrisque Minerva,  
 Thura Deo laudesque refer; persolve Tonanti,  
 Qui novus intrabis Christi delubra sacerdos,  
 Vota precesque tuas. jam te caelestia poscant,  
 Et sancti vates, & prima sensu loquelæ,  
 Ipsaque Relligio. sophia descende theatris.  
 Sat mundo terraque datum: desueta prophanis  
 Vna Palaestinos mens sacrosancta prophetas  
 Imbibat, & magnum destillet ab aethere Christum.

## I N O B I T V M

Laudatissimæ matronæ

MARIÆ DE IONGHE,

Vxoris amplissimi præstantissimique viri

LUDOVICI KINSCHOTII.

Conjugis extincta cineres, raptumque cubili  
 Pondus, & irriguis madida ploribus urnam  
 Dum



Dum quereris, Kinschote, tuis dissolvor in undis,  
 Et mea ferales humectant carmina gutta.  
 In foribus fumant taxi, nigrumque reducit  
 Immittis Libitina diem. stat triste feretrum,  
 Plutonisque domos, & quo propellimur umbra.  
 Laxat terra sinus. atratis limina squallent  
 Porticibus, partesque dolor se fundit in omnes,  
 Et mediis lacrymant etiam tibi marmora tectis.

Conjuxit Cytherea duos, divellit amantes  
 Parca ferox, visumque ista de conjugis summis  
 Disseniire Diis. rapit inclementia Fati,  
 Quam thalamo donarat Hymen, tenerosq; per annos  
 Occursat Veneri Lachesis, tedaque recentes  
 Præluxere rogo. vix nomen dulce mariti,  
 Vix notum tibi dulce patris; vix blanda Diones  
 Oïa, & insolitos lectus per senserat ignes,  
 Cum frigus lethale subit, sociamque thorumque  
 Corripit, & primos mors interturbat amores.  
 Qualis in Hesperidum cum pulcher amaracus horto  
 Occidit, & rosei pallent ante ora colores,  
 Avulsum cum virgo rapit, vel sævior Eurus  
 Discutit infestis vernantia culmina nimbis:  
 Talis erat Mariæ vultus, cum posceret illam  
 Iuppiter, & pulcrum secuit Proserpina cinem.  
 Scaldiacæ flebant matres, ubi Iunio primos  
 Extulerat mundo claris natalibus ortus,  
 Atque alibi sensere mori. circumflua cunis  
 Nereidum genitrix tanti quoque conscia luctus  
 Ad tumulum festina stetit; fluctusque propinquos  
 Et totum in lacrymas fudit mare. flebat & ipse  
 Scaldis, & aquoreis moestum caput abdidit undis.  
 At Zirizæa pia spectans lamenta sororis,  
 Iam Superos, jam fata dolens ad versa vocabat,  
 Et circumfusis spargens suspiria campis,  
 Tristia tingebat lymphis rorantibus ora.  
 Quin etiam Fauni & Dryades, Haganaque circum  
 Numi-

Numina, ut ereptam senserunt Phyllida terris,  
 Quam toties Pan est, toties veneratus Apollo,  
 Et quam Mattiaca toties cecinere Camœna,  
 In latebras fugere suas. at pastor Iolas,  
 Ille thori corsors, nec jam solamen amantis,  
 Ibat egens animi. veluti cum pignora plorat,  
 Et raptos foetus densâ Philomela sub umbrâ,  
 Aut velut aëria turtur suspirat in ulmo,  
 Cum viduos luget thalamos, nec compare gaudet  
 Solus, & invisæ queritur dispendia lucis.  
 Nec minus & Charites illam flevere sorores:  
 Nam Charitum fuit unus amor. flevere Cupido,  
 Et Venus, ac fractis damnarunt spicula nervis,  
 Et lecti genialis opus. flevere Naxæ,  
 Flevit Hamadryadum chorus, & quæ vidit euntem  
 Silvarum pater, aut per pascua rura vagantem,  
 Tristior ex ipsis sonuit convallibus Echo.  
 Deliciæ tot matrum, & magno nata parente  
 Filia, dilectas inter speciosa sorores,  
 Fatorum jam lege cadit, nec dulcior vitæ.  
 Gaudia, nec solito semet concedit amanti.  
 Quæ roseæ rubuere genæ, jam pallida mortis.  
 Insedit facies, & quæ vigil intia læto  
 Lumina consuerant nuper placuisse marito,  
 Clausa latent. nec lingua suas facundæ per artes  
 Flexanimas iterat, Kinschoto iudice, voces,  
 Aut loquitur præcepta domus, famulisque modestæ.  
 Imperat, aut curas alacris se vertit in omnes.

Fare age, non talem jactes Zelandia terris  
 Te genuisse tuis? virtutum pectore cuius  
 Credidimus coisse choros, totamque recondi  
 Pallada, fœmineumque decus. si gratia formæ  
 Queritur, emicuit major reverentia morum,  
 Et vita non fictus honos. si candida laudi est  
 Simplicitas, vicit longè prudentia, sexu  
 Digna suo. placida generosa modestia menti;



Eloquioque lepos, & mellitissima fandi  
 Suada fuit, Paphioque pudor se miscuit igni  
 Egregius, thalamoque fides infracta reluxit.

At tu jam lacrymas inter luctusque tuorum,  
 Kinschoi venerande, tui dispendia lecti  
 Consiliis solare pius. si marcuit ille  
 Flosculus, & tenero conjux contabuit avo ;  
 At nunc Elysios campos, sedesque pererrat  
 Æthereas, ubi perpetuâ jam plena juvenitâ  
 Vivit, & aeterno juvenescens Iunia Christo,  
 Non unquam moritura viret ; nec languida spectat  
 Membra fatifcenti robur subducere vitæ.  
 Interea tumulo violas, hederamque, circumque,  
 Purpureasque rosas, & suave rubentem hyacinthi,  
 Cinnamamque adsparges, ut gratos ventus odores  
 Excitet, & possit sic arridere sepulcrum.

Eminentissimo Cardinali

R I C H E L I O,

cum Hymnum in Christum ipsi offerrem.

**M**agne Heros, illustre tuis decus addite terris,  
 Ingentis columen Regni, firmumque tixæ  
 Robur, & Augusta Præsul venerabilis Aula :  
 Dum mea semideùm turres, & limina Regum  
 Calliope pudibunda subit, nec longius audet  
 Ferre gradum, pavidaque tremunt ad Lilia Musa ;  
 Indulge tua verba mihi, cupiasque Poëtæ  
 Paulisper non esse gravis ; dum sceptræ, deosque  
 Alloquor, & dignas solis facundia voces  
 Nescit, in expertæ donet tua gratia lingua  
 Eloquium, timidaque juvæ sermone Camœnas.

Non hic Argolicis minitantem incendia castris  
 Hæctora, Priamidasque leges, non flebile fatum  
 Andromaches, Phrygiasque murus, non subruta Regū  
 Impe-

Imperia, aut veteris miseranda incendia Byrsæ ;  
 Nos canimus majora, Deum, & servantis Iesu  
 Natales, obitusque & magni encomia Christi,  
 Terrarumque illustre caput, quo vindice mundo  
 Parta salus, cœloque Decus, victique fuere  
 Et Phlegethon, Erebiq; furor, turbataque Ditis  
 Atria, Tartareæque domus. Si docta vetustas  
 Callimacho modulante, Iovem, dominumq; trifulcî  
 Fulminis, & profugum cecinit mentita Tonantem ;  
 Si Phœbus, vectusque suis à Lyncibus Euan,  
 Si mollis Regina Paphi, interpretæque Deorum  
 Egregio sub vate tument : si concinit Hymnos  
 Mœonii mens alta senis, vatumque furores  
 Numina sunt, & tanta refert præconia mendax  
 Relligio ; Regem potius te, Christe, canemus,  
 Nos potius memorare tui primordia partus  
 Conveniet, miseræque vices, clarumque triumphis  
 Nomen, & æthereos inter venerabile cœtus.

Ecce per immensas supplex Ecclesia terras,  
 Ad Cunas, seu prona ruit, præsepe salutat  
 Principis, & sancta veneratur pondera Matris,  
 Et visum sub carne Deum. non altera Vatem  
 Vis agitat, pigrumque jubet se tollere mundo,  
 Atque inter sacra solennia gaudia turba  
 Privatos miscere sonos, procul ite profani,  
 Nulla quibus grandi fulta est fiducia Christo ;  
 Nec sat agit credenda fides, fruiturque futuro.  
 Hunc pietas, hunc nixa bonis cœlestibus hymnum  
 Corda legant. Tuque ante alios, quem purpura, vir-  
 Relligio, doctrina, labor, prudentia cunctis . (tuis,  
 Segregat, & magni suffulcit gratia Regis,  
 Borbonique favor, Richeli, ne carmina sperne  
 Ingenti sacrata Deo, possitque mereri  
 Materies veniam Vati, dictusque Redemptor  
 Palladium commendet opus. Si longa quietæ  
 Bella tuæ tulerint jamdudum incommoda menti,



Hic pacis consulta leges. Si Martius horror,  
 Tympanaque, & rauco resonantia classica cantus:  
 Turbarunt studiosam animam, solatia curis  
 Inuenies hic certa tuis. Si mihi semper  
 Iussa probas, victaque cupis miserescere gentis,  
 Exemplo Tibi Christus erit, qui parcere mundo,  
 Et miseris voluit clemens ignoscere terris.  
 Sin procul à regni studius semotus & aula  
 Emeritum Superis animum, coeloque redonas,  
 Et jam pendentis subeunt suspiria Christi,  
 Iam nullus morientis honos, jam sordida tabo  
 Vulnera, & innocuo conspersum sanguine corpus,  
 Liuentesque manus, & quod latus hauserat hasta,  
 Perfossique pedes, & prono languida vultu  
 Colla, & in excelso minitantes vertice spina:  
 Hic eadem, Dux summe, leges. hic tota malorum  
 Scena patet, tantosque obitus edisserit author.

Excipe, sed facilis, Druidum clarissime gentis,  
 Hoc opus, & placidus nostris allabere votis:  
 Fac mea regales contingant carmina dextras,  
 Fac oculis sint visa piis quibus adspicit æquus  
 Sidera, & hunc ipsum spectat Lodoicus Iesum:  
 Sic faueant Tibi scèptra, diu, sic annuat æther  
 Conciliis, sic tuta tuis fragrantia curis  
 Lilia Gallorum populis, Batavisque supersint.

## I N N V P T I A S

Amplissimi Viri

## THEODORI GRAEF:

**I** Te graves ferro clypei, galæque, ducesque,  
 Et quicquid, Bellona, probas. Tu seve facesse  
 Mars pater, & Paphius furialia praliæ bellis,  
 Et facibus secerne faces, atque ignibus ignes,  
 Non ego jam Sylva muros, non subruta flammis

Tot circum castella canam, non matribus arma  
 Detestata pius, crudaque incendia pugna.  
 Molle melos Cithereæ cupit, levibusque Camœnis  
 Dicit Cypris amat; grandesque exosa cothurnos  
 Gaudet Acidalio thalamos percurrere focco.  
 Ille mihi quondam Sophiæ deductus in hortos  
 Virginis os tenerum, & blanda promissa puellæ  
 Cogitat, insolitoque furens incanduit astu.  
 Tu celere in flammis juvenem Sapiencia dictis,  
 Consilioque iura, vellem prudenter amari,  
 Quam jam Sponsus amat. vellem sapienter amari,  
 Cui debet se Sponsa, virum. sine lege maritum  
 In thalamos inferre faces, insania lecti est.  
 Vestigant secreta Duces, bellique labores,  
 Ut noceant prævisa minus, discrimina Nerei  
 Narvita, & in coeco scrutatur saxa profundo,  
 Ne noceant occulta rati. tu pectore, Gravi,  
 Dum Cyprum, totamque Paphum, Gnydiq; recondis  
 Arma Dei; primoque ferox incumbis amori;  
 Barlaï præcepta tui, monitusque suaves  
 Accipe. Iamque gravis credas commenta Lycei  
 Insani e tibi, tetricos mitescere vultus  
 Doctorum, & rigida dici convitia barba,  
 Graiaque Romanis impleri pallia nugis.  
 Formant cuncta virum, docent maritum  
 Cœlum, sidera, terra, pontus, aër,  
 Occultumque aliquid thoro loquuntur.  
 Saturnus gravis incubat cubili,  
 Emollitque senem serenior  
 Vultu Cypris, amior puellis.  
 Promittunt sobolem, negantque stellas,  
 Promittunt facilem, negantque Sponsam,  
 At non ista, minantiumque duos  
 Moratur sapiens Deum labores.  
 Astris imperat, applicatque lecto  
 Totum Zodiacum sagax amator.



Et quibus ratio faces ministrat,  
 Mens exercita, masculumque pectus,  
 Cœlum, sidera, terra, pontus, aër,  
 Totum prospera donat Vniuersum.  
 Hæc dum remisso disputamus otio;  
 Foris sub ipsis præliatur Alpibus,  
 Et signa tollit præpotentium furor.  
 Domi triumphos, fracta Rheno cornua,  
 Mosamque victum, fataque indomabilis  
 Miramur urbis. ire retro Casarem,  
 Aquilas fugari, latiorems Mar facum  
 Frontem receptis explicare finibus.

In Batauis, tu noster, amas, primusque tuorum  
 Ordinis, Theodore, virum. dulcissima res est  
 Coniugium, conjuxque tibi. post bella, neceque  
 Tranquillum meditaris opus. dispendia mundi  
 Tanta cupis sarcire pater, belloque cadentes,  
 Pro patria, reparare animas: proferre nepotum  
 Nomina. Virginitas, & Virginitatis honores  
 Sordent cuncta tibi. pudor est, sine conjuge, primos  
 Effluxisse dies, pigram traxisse iuventam,  
 Et magni genuisse nihil. Nunc verba mariti  
 Ingeminat Bickera tibi, mutataque de te  
 Adsuescit matrona loqui. sic Portia fecit,  
 Cum sua in ingenti defigeret oscula Bruto.  
 Nec sapuit Drusilla magis, prudensque Serena  
 Pectus, & Augusto recubans Vipsania lecto.

I N N V P T I A S  
S E C V N D A S,

Amplissimi Viri,

D. LVDOVICI à KINSCHOT;

Et Nobilissimæ Virginis,

D. CATHARINÆ HESSELT

à D I N T E R.

**K** Inschoti, si vestra Deos jam gaudia tangunt.  
 Si totus tibi sudat Amor, si tela Cupido,  
 Et pharetras arcusque parat, pronisq; Dione  
 Militat officiis; & jam genialia fulgent  
 Limina, & accensis collucent atria tedis;  
 Egregiasque domos Procerum, mensasque trabesque  
 Barbarica insternunt vestes; si porrigit Hebe  
 Pocula, ludit Hymen, festos Lucina penates  
 Permeat, atque iterum votis adsuescit amantis:  
 Fas erit, hos inter Divos & numina, Phœbum  
 Accinuisse tibi, propiusque accedere vatem.  
 Sic ubi Neptuno se miscuit Amphitrite,  
 Aut pulchra Thetidis thalamum conscendit amator,  
 Emat hinc columen Peleus; cecinisse poëtas  
 Fama fuit, cecinisse Deos; totumque cubile,  
 Et Larisscos Musis strepuisse recessus.

Expetitur nova Virgo tibi, cui plena tumescit  
 Virginitas, vultusque nives candore laceffit,  
 Ut credas sic esse Deam. vix matris amica  
 Bl indula decessit gremio, metuensque futuris.  
 Adspēctat tremebunda virum, flentemque puella.  
 Et rerum gnaræ matres solantur euntem.  
 Non tibi Scipiadium genitrix, non in scula Bruti  
 Porcia, vel grandi placuit Cornelia mater  
 Nixa supercilio. poscis rorantia labris



Oscula, turgidulos oculos, viridemque juventam,  
Lacteolasque genas, & frondescente capillo  
Pubescens caput; & quicquid juvenile, tenellum  
Inflammaré solet secretos pectoris ignes.

Sic Thisben adamasse putem, sic junior Hero  
Arfit Abydenum. teneram Briseida Achilles,  
Phyllida Demophoon. quamvis Mavortia tantis  
Mens Ducibus, clypeoque manus, gladioque rigeret  
Dextra ferox: juvit tamen, arridente maritâ,  
Carpere diductâ paulum sub casside vernans  
Basiolum, & rigidas hirsuto in corpore setas.  
Emollire sua levi lanugine Sponsa.

Multa licet sit cura viris, prudentia rerum  
Major, & ingentes animus se tollat in actus,  
Asperet ingenium gravitas: in virgine bellâ  
Diffluimus cuncti. nescit Sapiencia semet,  
Dum poscit sua jura Venus. quin ipse verendâ  
Majestatis apex, & formidabilis Aula  
Desipit, & tetricos dediscit Curia mores,  
Itur in amplexus quoties, & Cypride plena  
Lascivire graves cogit virguncula Patres.  
Non illic loculos scriptor, non scriinia censes,  
Et ditata suo Belgarum araria fisco,  
Aut Batarum digesta tuis sestertia chartis  
Colligis, & tumidas enarrat pagina gazas.  
Quin potius vibrare faces, & ducere ludo  
Tempora, & insuetâ circumdare flammea nupta,  
Cura tibi est, legemque novo præscribere amori.  
Nunc frontis spectare decus, nunc murmurâ blandis  
Permiscere jocis, nunc stringere brachia nexu,  
Nunc dare præcipiti docta intervalla furori.  
Iam neque grandævâ Themidis consulta moraris,  
Nec Decios, Paulosque tuos, quaque ordine longo  
Casare & populis quondam jussere cathedra.  
Vendicat una virum conjunx. mens omnis in illa  
Fixa manet. qua jura sagax industria norat,

Imperitans elidit amor. mutantur amanti  
 Pandet & salibus; decretaque concipit audax  
 Diva Paphi, mollisque tibi poppysmata lecti  
 Precipit, & quidquid titubans fiducia Sponsura  
 Vult facere, & sperat nondum satirata voluptas.  
 Nec tibi jam Mus & studium. cui carmina cordi  
 Pieridumque artes fuerant & nobilis otii,  
 Plus Paphia placuere nurus. cui tota penates  
 Cyrrha suos, sacrumque favens Heliconia reclusit,  
 Et Parnasseos aditus Thymbræus Apollo,  
 Nunc pueri delubra Dei, Cyprumque, Gnidumque.  
 Idaliumque nemus colis & Cythereia Tempe.

Et jam bis, Ludovice, furis, bis fœdera jungis,  
 Bis tibi succumbit victus pudor, & veneranda  
 Virginitas bis tacta manu. quam pronus adorat  
 Orbis, & invicta gaudent rapuisse tiara.  
 Bis thalami secreta subis. bis maximus audis  
 Fœmine & gentis domitor, nomenque paternum  
 Promittunt iterum Superi. Fortissime patrum,  
 Fecundaque domus germen, nec vana Diones  
 Gloria, Kinschoti: patriis virtutibus adde,  
 In plures fudisse genus. tibi pronuba Iuno  
 Servit, & ignavis famulantia sidera pellit  
 Matribus, & sterilis damnat contagia coeli.  
 Adspice, te propter crescunt feliciter herbae,  
 Et, quas Haga fovet, frondes, tiliæque salaces  
 Luxuriant magis, & languentes vertice quercus  
 Annosos tollunt apices. te conjuge, passim  
 Vineæ pampineis ulmum amplexata corymbis  
 Arctius hæret amans. Terris se latior æstas  
 Exerit, atque tuis Cancer fervoribus ardens  
 Promittit faciles, Geminis cedentibus, ignes.  
 Te circum densis volitat gens omnis amorum  
 Agminibus, jaculisque cohors armata trifulcis  
 Te, sociamque petunt. sentit Catharina medullis  
 Insolitos æstus, & adhuc ignara laborum



Non audet sua vota loqui. cum conjugis ora  
 Adspicit, & vultus, quales concesserat Ida  
 Formoso quondam Paridi, confessa rubenti  
 Ore fuit culpam, & longas sub pectore coepit  
 Incusare moras, lentosque incessere soles.

Sapius ut fluidos digessit pectine crines,  
 Impexi fluxere diu crinesque comaeque.  
 Sapius ut niveâ circumdare tempora vittâ  
 Instituit, niveas neglexit dextera vittas.

Sola virum volvens animo, sortemque futuram,  
 Cogitat hac pernox, & gaudet mente procari.

Quam distant Belgæ studiis, quam dispare cura  
 Vivitur, atque aliis Patriæ succurrimus armis.  
 Vos molles animæ tepidis heretis in ulnis,  
 Dum meus in Morinis dura sub casside sudat  
 Atriacus. Vos humidulis exanguia tuto  
 Prælia basiolis geritis: dum classica nostras  
 Rauca cient acies, & sparsos sanguine campos  
 Bellator calcat Batauvus. dum corpora Mavors  
 Sternit humi, quassatque faces furialis Enyo,  
 Redditis hæc iterum mundo, vesterque resarcit  
 Belli damna labor. Vos, Cypridis areæ, claudit  
 Lectulus, atque illis validus se jactat amator  
 Finibus. Odrysi magnum capit orbita, laudum  
 Æmula, Nassovium. Quantis actoribus Orbi  
 Scena datur. quam diversis orchestra resultat  
 Plausibus. hic fortem populo se ostentat Achillem,  
 Hic Davum festivus agit, vel amoribus aptum  
 Priamidem. sic despimus, quos vivimus, annis,  
 Et personato debemur fabula mundo.

## A D A M S T E L A M.

**A** Mstela, qui totum circumfers vela per orbem,

Magne remotarum follicitor opum:

Cui

Cui sociæ vadunt gemino cum Sole carinæ,  
 Cunctaque sub quovis fidere lucra patent :  
 Quas tibi nascentes uni sacramus Athénas,  
 Accipe, Pieriæ munera prima Scholæ.  
 Sictuus & merces, & diligat accola Musas,  
 Atque aliquod precium Palladis esse putet.  
 Una manus gazas, manus altera ponderet artes.  
 Et magno assurgat Plutus Aristoteli,  
 Quaq; Pelops dis tecta locat, locet atria Pallas,  
 Socraticoque tibi gestiat ore loqui.  
 Hoc mecum si velle cupis, te iudice, disces,  
 Cum Cræfos opibus viceris, esse Numa.

## A T H E N Æ V M,

Sive in Illustris Amstelodamensium Scholæ  
 Inaugurationem Poëmation, ad ejsdem  
 Reipublicæ Senatun.

**P** Restantes Bataavorum animæ, devota Camœnis  
 Pectora semideùm, magnam quos Fama per ur-  
 laetat, & agnatis virtus sua destinat astris, (beni  
 Et cepti presentis honos, reserataque Belgis  
 Atria Pegasidum, & tantarum exordia rerum :  
 Vos ego per populos, Parnasseosque recessus,  
 Per Phœbi delubra feram. trans aquora, terras,  
 Memnoniosque ultra fines, Solemque cadentem,  
 Auritamque viris Malabar, & littora Banda,  
 Quaque ferox in nos enses distinxit Iáva,  
 Nomina vestra veham vates. cum puppibus ibunt  
 Nuncia, nascentesque Scholæ. quin audiet Arctos,  
 Oppositumque Vrsis mundi latus, athere nostro  
 Surgere desertis facunda cacumina Musis:  
 Nescit stare loco Batavus. nec limite claudi  
 Angusto gens ista potest. successibus instat  
 Irrequieta suis; laudumque exuscitat ignes,



Et majus generosa movet. sociavimus Indum  
 Europæ, dextrasque procul junxere Moluccæ,  
 Miscuimus Vahali Gangem, Rhenumque bicornem  
 Fluctibus ingentis Plata. quin vela Maragnon  
 Miratus peregrina fuit. post terga relictos  
 Vidimus ire dies, Austrum Boreamque secuti  
 Extra anni Solisque vias. sic axe sub omni  
 Puppibus Amstelii seruet mare. tollit Olinda  
 Signa, pares aquilas, & castra minantia castris.  
 Et formidatis instans inimica tiaris,  
 Hesperias affligit opes. — dejecta patefcunt  
 Oppida, & in-victis infert victricia portis  
 Nassovius vexilla labor. terraque marique  
 Latius Auriaco decurrunt Principe fines.  
 At Martis laus ista fuit. nunc, omine lato,  
 Maxima Phœbæ surgit reverentia genti,  
 Et Pallas sibi regna parat. non classica turbant  
 Pierios vicina choros, nec bella morantur  
 Tranquilla rationis opus. nos inter & arma  
 Et lituos, rabiemque & sparsos sanguine campos,  
 Exstruimus Phœbo muros, Pataræque, Claronque,  
 Et Tenedon aliam, atque alias molimur Athenas.

Hætenus intentam lucro Cyllenius urbem  
 Rexerat, & multo locuples ditaverat auro,  
 Iam fora, jam ditis turgebant scrinia Pluti.  
 Divitiis, Pelopæque illic, Croësosque, Midæque  
 Cernere erat, longoque habitantes ordine Crassos.  
 Non urbs; orbis erat. vasti brevis area mundi,  
 Carcer opum, fulva custos fidissima gleba,  
 Regia Tantalidum, Syllæ domus, altera Colchis,  
 In qua fuscus Arabs Cimbro, fortisque Sabæo  
 Occursabat Iber; Gallo contrarius Afer  
 Ibat, & inflexum prono gravis ore Britannum  
 Persa salutabat. cui fertilis omnia tellus,  
 Omnia vendebat laxi fortuna profundi.  
 Utque solet magnis comes ire licentia rebus,

Divitia secum fastum, fastusque traherat  
Luxuriam, & poterant cives peccasse videri :

Cum sic Pallas ait : Non has mihi, Iupiter, arces  
Invidisse velis. nec tantam spreta per urbem  
Negligar una Deum. sunt hic suæ limina Marti.  
Has habitat Bellona domos. in littore toto  
Plurima belligeris horrent navalia transtris,  
Inque undis tot castra natant, & multa nocendi  
Materies, bellique labor. Mavortius ignes  
Ya vomit, positasque alio sub cardine late  
Fulminat in terras. quassatoremque tridentis  
Neptunum gens ista colit. mercantibus illic  
Atlantis dat jura nepos, lucroque ministrat  
Ingenium, fraudesque suas. granaria passim  
Triptolemo Cererique patent ; totumque Borussum,  
Et secunda trucis seponunt jugera Daci.  
Ipse etiam Eois subvectus lyncibus Evan  
Tollit adorandum populis caput, utraque vendit  
Pocula, qua latis Druidum vindemia proelis  
Colligit, Hesperiusque Tagus despumat arenis.  
Quin etiam delubra mihi, Phœbeaque surgunt  
Atria, & Amstelii fundunt oracula portus,  
Exultantque, habitante Dea ? si Martia pubes  
Hac didicit bellare manu, si subdere Thetyn ;  
Ceruleosque Deos potuit, lateque patenti  
Scribere jura mari, longinquas vincere terras ;  
Si, quam lava gerit, toties hanc egida torsit  
In latus Hesperium : placidis mitescere Musis  
Discat, & ingenuas partiri civibus artes.

Non mihi jam solitos sapiens Chaldaus honores  
Exhibet, aut mediis hærens Babylonius astris  
Natura scrutatur opus. doctissima Memphis  
Balbutit, nescitque sui secreta Canopi,  
Aut Pelusiæ intorta volumina formis.  
Iamque Pharum scivisse pudet. jam nescia rerum  
Barbaries foedo populi præcordia cœno



Obruat, & septemgemino ignorantia Nilo  
 Incubat, Inachiaque latent arcana iuventa.  
 Cecropidum periere lares, & docta Cleanthis  
 Atria, degenerique silet Stagira Pelasgo.  
 Nec jam rixantem praelustris Stoa Melissum,  
 Aut atomos Leucippe tuas, magnumque laceffit  
 Parmenidem, non ille, negans se scire, superbis  
 Insultat patribus Pyrrho, verumque revellit,  
 Ancipiti ratione potens. tot regna locosque  
 Torpor habet, spissisque involvit corda tenebris.  
 Tu mihi decrepiti tandem dispendia secli  
 Belgica, tu Graja repara subsellia turba,  
 Et cupias hac ipsa loqui, qua Gracia solers  
 Scripsit, & Ionia discepta vere cathedra,  
 Vel Samos Italica decidit dogmata secta.  
 Non ita Tarpejo Latu se colle potestas  
 Extulit, audacem victrix cum Roma Iugurtham  
 Stringeret, & Libycas Tiberis sorberet arenas,  
 Aut debellata ruerent fastigia Byrsa:  
 Quam cum se mediis pollens Facundia rostris  
 Exeruit, flexitque truces doctrina secures,  
 Et trepidi docto vigerunt consule fasces.  
 Tu quoque qua Siculas generosa Neapolis undas  
 Prospectas, regina maris, me praeside claris  
 Artibus instruxti populos, nec dulcia spernens  
 Otia, Pierio fudisti pectore verba  
 Gentibus. Aonii Capuam vexere labores,  
 Massiliaque decus. docui, mercante Corintho,  
 Et docui, mercante Rhodo. vivacia Thebis  
 Nomina sunt, centumque ruunt praeconia portis,  
 Pindaricis subvecta sonis. venalis Athenis,  
 Non uno doctore, fui; preciumque decoris  
 Ingeniis non vile stetit. circumflua ponto  
 Vrbs Venetum, tumidos placida Tritonide fluctus  
 Placat, & Euganeis Cirrhaea cacumina jungit  
 Rupibus. omne meis resonat de vocibus aequor,

Totque patent studiis urbes. nunc Amstela nobis  
 Edificet, salsiſque Aganippen miſceat undis  
 Ya pater. cerno facili manſueſcere cultu  
 Immitem Tritona, & duri navita Nerei  
 A nobis praecepta capit, medioque natantes  
 Najades Oceano magni conſulta Platonis,  
 Caſt alio ceu fonte, bibunt, & pocula ſava  
 Thetyos; & queruli caſtigant murmura ponti:  
 Scilicet immenſum populus diffuſus in orbem,  
 Hunc diſcet luſtrare domi, partesque per omnes  
 Verſabit ſtudioſum animum: quibus horreat ather  
 Sideribus, quibus inſanos ferventior ignes  
 Explicet, aut faciles moderentur frigora flamma.  
 Cur dederit nautis uſum magnetis Amulphois,  
 Errantesque trahat longinqua per aquora puppes  
 Abdita vis; Soliſque domos, Eoaque tantis  
 Declinet convexa odiis: quo teſte, remotum  
 Monſtret Hyperboreis adeundum fluctibus Indum  
 Parrhaſis, & Scythica ſocient commercia terra.  
 Quae caelum ruat omne via: qua linea Phœbum  
 Siſtat; ubi athera volvantur lentius arces:  
 Aut magis impulſo properent temone jugales;  
 Quae Phœben minuant cauſa, totoque coronent  
 Lumine; cur pleno ſe portibus Amphitrite  
 Infundat tumefaeta ſinu, ſenſimque recedat;  
 Scrutari juvat, & cunctarum evolvere rerum  
 Principia, & tacitis naſcentia corpora cauſis.  
 Hic partus Natura ſuos, cunctaſque recludet  
 Fecunda telluris opes; ubi pingua ſtillent;  
 Balsama, thuriſeris fragret Panchaia glebis,  
 Aut ubi perpetuis pallens radicibus aurum  
 Pullulet, & veterum pateat mercantibus Ophir.  
 Qua ſtannum diſ vena vomat; quibus æra repoſcat  
 Clamoſus latebris Corybas, vel montibus ornos  
 Sarmata præcipitet, duris que bipennibus illex  
 Ita cadat. quo vitiferos ſub ſidere colles

Bacchus



Bacchus amet, gr̄avidasque Ceres protrudat aristas.  
 Sic sapiet mihi Belga magis, Sophiæque sacer dos  
 Tot rerum mercator erit. digesta patebunt  
 Omnia doctorum studiis, & divite cornu  
 Fundet Apollineas aliquis luculentius artes  
 Namque velut toti facies illustrior orbi est,  
 Cum Titan suprema tenet, summoque refulget  
 Vertice, & informes prorsus cessere tenebræ:  
 Sic ubi magnificis sese Sapiencia tectis  
 Intulit, & nostras reddunt pallatia voces,  
 Majestas plus fulget opum, coctumque sub ipsis  
 Montibus irradiat civis illustrius aurum.  
 Ipsa peregrinos lasciva pecunia mores  
 Dedicuisse volet. poterit moderata placere,  
 Et lucri minor esse fames. succrescet honestum  
 Pectoribus, relique tenax industria nolet  
 Esse suum, quicquid solerti fraude paratur.  
 Qui sapiet, plus dives erit. qui nesciet, amplas  
 Inter opes credetur inops. qui plurima votis  
 Precipient, & multa petent; caruisse petitis  
 Supplicium voti referent. sibi vendicat orbem,  
 Quisquis mente capit, coelum, terrasque Deosque  
 Dum sciuisse potest sapiens, sua cuncta putabit.  
 Quæ possessa nocent, vel custodire nequibit,  
 Optabit minus, & partis ratione fruetur.  
 Ille trucem patulisque inhiantem faucibus auro  
 Trudet avaritiam, & vim castigabit habendi.  
 Non ultra tumidos vesana superbia census  
 Iactabit, securam mali; sed gnara futuri;  
 Divitias doctrina reget. non prodiga lute  
 Sortis, & effrenis patrimonia tota vorabit  
 Luxuries, dubiæque terent sestertia cœnæ,  
 Virtuti comes utilitas & moribus ibit.  
 Fenora religio, usuras moderabitur equi  
 Regula, nec pulchro se junget lucra decoro.  
 Contrahet innocuus candor. sine crimine vendet

*Simplicitas. non seua rigor vadimonia poscet,  
 Aut faciet mora parua reum. nec credula multum  
 Accerfet sibi damna fides. non omnia prudens  
 Emptor emet, veteres statuas, laquearia, cippos,  
 Et quicquid Damasippus amat. si militet ether  
 Mitiaque Æolii promittant aquora fratres,  
 Fortunam cautus metuet; nec vota forebit  
 Inconsulta furens animus. cum turbidus Auster  
 Incubat Oceano, & Neptunia concutit arua,  
 Audaces frenabit opes, tutumque putabit  
 Æquoreos timuisse Deos, suspensaque ventis  
 Commoda, & infidi toties ludibria ponti.  
 Mox ubi barbaricas opulenta Perside gazas,  
 Aut garrisa uehent optatas carbasa messes,  
 Aut Gothico transmissa solo, vel diuitis Afri  
 Munera, vel gelidi feruentia vellera Moschi:  
 Decidet lucro pietas, & triste leuabit  
 Paupertatis onus, Superisque fauentibus aucta  
 Dividet in miseros geminata premia sortis.  
 Sic per me sanctos urbs augustissima mores  
 Induet, & poterit sociis uirtute placere.  
 Ipsa suis animosa malis Fiducia fortem  
 Eriget, & segnes proscribet prouida longè  
 Cura metus, frangetque nouo temeraria motu  
 Pectora. non ciues vexabit coeca proteruos  
 Ambitio, & fallax mendaci gloria fuco.  
 Ille satis precii, & fautorum semper habebit,  
 Qui rectè faciet. commercia spernet honorum,  
 Atque emptas Astraa togas. injuria nulli,  
 Sed cunctis erit equa Themis, legesque sequetur,  
 Quas scripsit natura sibi, fixitque medullis  
 Communis recti ratio. nec iniqua potenti  
 Confundet jus omne manu, uel lenta nefando  
 Concedet veniam sceleri. cum pulpita passim,  
 Socraticæque meis resonabunt uocibus umbra,  
 Muniet afflictas constans Patientia mentes,*



Et perferre volet, quicquid nos ferre necesse est :  
 Obfirmare animum duris, nil pendere vulgi  
 Iudicia, aut fluxa damna & compendia vita.  
 Nobilitas solum claris censebitur ausis,  
 Et quantum meritis, tantum decedet honori.  
 Nullus erit generis splendor, vel gloria gentis,  
 Cum coram populo male vivitur. improba Siren,  
 Quaeque virum Cypris pulcros effeminat annos,  
 Moenibus his aberit. spernet moderata voluptas,  
 Quicquid dulce nocet. permixtaque turba malorum  
 Temperiem letis rebus dabit. otia pernox  
 Sedulitas redimet. neque Centauræ movebit  
 Bella puer Semeles, rabidisque furoribus actæ  
 Moenades, aut nullo grassantes vindice Baccha.  
 Vindicta dabit ira modum, lenisque potestas  
 Hoc peraget, quod sava nequit. Clementia caelo  
 Æquabit Proceres ; & talis rector haberi,  
 Qualem optet civis, cupiet. conspectior orbi  
 Vita ducis populis se fortius ingerit ipsis,  
 Exemploque docet. veluti cum Phosphorus astris  
 Præradiat, totum sequitur tranquillius agmen,  
 Sidereaque faces gyro volvuntur eodem.  
 Aut velut agrestes inter speciosi sorores  
 Exercet Dictynna choros, & prævia monstrat,  
 Quos ducet regina gradus. illa ordine longo  
 Ad domina solos flectunt vestigia gressus,  
 Et peccare cavent, & non audire vocantem.

Nec minus hic res Ausonias, populique potentis ;  
 Et non ignavo scriptos sub consule fastos,  
 Terrarumque Deos, & formidata triumphis  
 Nomina, Romanosque duces edisseret alter.  
 Quantum ab Hebraeis seclorum fluxerit ordo  
 Temporibus, quantis distent ab origine mundi  
 Heroum vita spatius & sceptrâ potentum.  
 Ut veteres Phœbe mutatis vultibus annos  
 Condiderit, magno donec sub Casare fratri

Cesserit instabilis, meliusque cucurrerit ævum.

Quin & Davidici narrari incendia templi,  
Subversasq; domos Superum, & veneranda Tonan-  
Atria, vastantem Assyrium, raptosque penates (tis  
Isacidum, captosque lares mirabitur Ya.

Qualis Olympiacis Grajùm sub sidere currat  
Æra rotis: prima surgenti in mœnia Romæ  
Audiet, & pulso celebres diademate fascies,  
Atque iterum æterno sub Diatatore laborans  
Imperium: seris Latium miserabile bellis,  
Hunnorumque Ducis furias, & perdere quicquid  
Vandalus, & Gothicæ potuerunt lambere flamma.

Quam fragili stent sceptrâ loco: quam crebra ruinam  
Regna trahant: regumque ferox cervicibus instet  
Hæredum furor, aut discors virtute potestas.

Quam sit nulla fides sociis. quam præstet amari,

Quam cives terrere metu: quam mobilis aula  
Gratia: quam fallax dubiæ cultura tixæ.

Vt desperatos ultrix fortuna tyrannos  
Pone premat, septosque gravi formidine cogat  
Ancipites inter gladios, & toxica, fati  
Expectare diem, crudoque occumbere letho.

Ecce renascentes meliori fenore Musas  
Excipit argenti locuples possessor, & illa  
Sueta manus pelagi spoliis auroque gravari,  
Versat Aristotelem, grandisque volumina Livii  
Ponderat, & Tacito multum doctore superbit.  
Invenit hic, quas non geminis à Solibus Indus  
Donet opes; non dives Arabs, non accola Gangis  
Sufficiant. hic illa patent arcana regentum,  
Doctæque Casareas enarrat pagina fraudes,  
Et vafræ consultæ togæ, bellicæ labores.

Irriget Ægyptum glebis redolentibus uber  
Nilus, in immensam Tanais Maotida merces  
Fundat, ab occasu fulvum Guianæ metallum  
Distribuat populis, nitidumque Aurora ministret

Gen-



*Gentibus Arctois ebur, & candentem elephantum.*  
*Hæc quoq; cum vendet meus Amstela, flumine largo*  
*Ingeniis quod vendat, habet. quin, præside Phœbo,*  
*Pandet iter magnis virtutibus; æmula postquam*  
*Gloria laudatos accendet mentibus ignes,*  
*Et fame studium & vitæ melioris amorem.*

*Tuque aded, quæ jam toti das jura profundo,*  
*Urbs cognata polo, bellacis terror Iberi,*  
*Et Belgî florentis apex, tutela bonorum,*  
*Immortale caput, cœptis illustribus aude*  
*Tollere humo, & totam Batavis promittere Cirrhæ.*  
*Quamvis Dalmatico surgant tibi culmina saxo,*  
*Et varium niteat speciosa per atria marmor,*  
*Illic pulchra tuos spectent laquearia cogi*  
*Lucillos, centumque ruant sub pontibus unda;*  
*Majus opus jam Diva moves, majorque videri*  
*Tot socias inter poteris regina sorores.*  
*Hospite me, spondent æternam secula famam,*  
*Et tua perpetuis scribentur nomina fastis.*  
*En tibi Daphnea textam de fronde coronam*  
*Cæsareis miscent Phœbæia numina sertis,*  
*Vt credant magis esse suam. Iam doctior urbe*  
*Auditur passim strepitus, Sophiæque susurris*  
*Aonidum delubra sonant. nunc ipsa curules*  
*Melpomene, laudumque faces attollit honesti*  
*Ambitio, celerique movet vestigia gressu.*

*Talia fatidico postquam Tritonia Pallas*  
*Dixerat ore, suas donavit civibus artes,*  
*Excussitque Deam. suspensaque splenduit agis*  
*Ante fores, jussusque alibi pallefcere Livor,*  
*Fœdaque Barbaries. donec, mandante Senatu,*  
*Amstelia doctis strepuerunt vocibus arces.*

L A C H R Y M Æ,  
I N O B I T V M

Amplissimi, doctissimique viri

I A C O B I vander S T R A T E N,  
Hamburgi ad Albim, post Sponsalia,  
placidâ morte extincti.

**T**ristes conjugii tabula, præfigaque mortis  
 Fœdera, languentes vicino funere tedæ  
 Ite procul. tuque ô lux intempesta Camænis.  
 Æternum damnare meis, nec liuida fastos  
 Irradia, nostrique fluas mensura laboris.  
 Te cum fata volent in visâ lege reverti,  
 Involvant totam tenebra, & caligine mergant.  
 Ceu priscum factura Chaos. pervertere rerum  
 Cur timeat natura vices? quæ gaudia turbat,  
 Et mundi domino jam nunc illudit Amori.  
 Divellit Libitina duos, junctosque potenter  
 Disgregat, & socias scindunt divortia mentes.  
 Succedunt thalamis tumuli; sperataque lecti  
 Otia castigant lachryma. stat præfica ligens,  
 Quo steterat Cithærea gradu. quæ candida nuper  
 Atria promissa juveni fulsere marito,  
 Atratis circum videas squallentia testis,  
 Totaque virgineo resonant penetralia planctu.  
 Sic Venus exanimem mœrens conspexit Adonim,  
 Quemque suis puerum amplecti speraverat ulnis,  
 Amplexa est inopina rogum; terigitque cadaver,  
 Pallidulasque genas, quas arrisisse Dione  
 Maluerat festiva sibi. sic territa Thisbe  
 Incidit in juvenem, gelidæ cui mortis imago  
 Mollibus Idæium membris excusserat ignem.  
 Sic rigidam juxta Thracen lacrymabilis Hero  
 Deterisit niveæ Leandri lumina vitta.

Saxoniæ



Saxonia ferale solum, tuque invade nobis  
 Albi pater, qui bellantem nunc surgis in Istrum,  
 Teutonicoque tuos perfundis sanguine campos:  
 Quid mansuetam animam tot bellatricibus umbris  
 Permisces? Phœbique decus, devotaque Musis  
 Nomina crudeles inter, sævissime, dextras  
 Inferias vis ire tibi? si tota furenti  
 Castra ruunt, placantque tuas tot cadibus iras  
 Ultiores Regum Superi; cur quæso furori  
 Debetur mens ista tuo? quam mihiior aura  
 Extulit & mediis Pallas nutritivæ Athenis,  
 Iamque optet superesse sibi. quid nobile raptas  
 Deposuit? grandisque animæ possessor iniquis  
 Sedibus, & cineres alieno in littore condit,  
 Te tantum meditante nefas? quem nuper amavi,  
 Dum meus in castos Pylades transfret amores,  
 Nunc odiis, iris nunc exercebere nostris.  
 Te postulat jam Belgæ reum. tibi, federe juncta,  
 Certatim iratæ dicunt convicia Musa.  
 Vates arma parant, & tot nocuisse querela  
 Peccanti poterunt. non jam tua flumina posthac,  
 Noxiaque in Batavas decurrant ostia terras.  
 Horrida damnatos fluctus absorbeat Arctos,  
 Aut in Parrhasias alio defleat pruinæ,  
 Cimbrorumque immitte latus. quin funeris ultrix  
 Naiadum genitrix, & damni conscia fontes  
 Occludat natura tuos. sis mercibus impar,  
 Et tua nascentes hebetent vestigia Syrtes.

Hac mihi dilecti dicant solatia manes,  
 Hac cogis, Stratene, loqui. pars maxima nostræ,  
 Quid me, quid moriture fugis? sine, funera jungam  
 Funeribus. tumuloque simul claudamur in uno,  
 Quos junxit secreta fides. tunc forsitan amanti  
 Signa darem propior. forsitan vicinior umbra  
 Te posset propiore frui. sub pulvere forsitan  
 Posses ipse tuum propius novisse poetam.

Nunc licet Oceano & vastis secludar arenis,  
 Atque interfusa Nereus obmurmuret unda,  
 Alloquor absentem. peregrino sidere questus  
 Audiat & nostris trepidet singultibus urna.

(es,

Vrna domus Musarum, & Apollinis urna sepulcrū  
 Vrna domus virtutis eris. tu, squallida quamvis,  
 Exuvias pietatis habes. menti que pudica  
 Hospita & infausi carcer diceris Amoris.  
 Vrna domus Charitum, toti, proh! flebile Cirrhe  
 Nomen acerba tenes. cui primo à limine vita  
 Aonia pariter se sacravere sorores,  
 Et dixit doctrina suum. permixta pudori  
 Mascula primævis Prudentia luxit in annis,  
 Et niveos pinxit probitas innoxia mores.  
 Quicquid Socratico manavit pectore, quicquid  
 Docta tenebrosa docuit sub nube vetustas,  
 Excussum quodcumque tuo schola prisca recessu,  
 Casarea voces, veterum decreta Quiritum,  
 Verbaque sacratas populis scribentia leges,  
 Quosque suos latè pandit Sapientia sensus,  
 Hoc latuere viro. norat sapuisse silendo,  
 Nec, nisi lege, loqui. fastus calcabat inanes,  
 Magnas inter opes humilis. non prodiga Circe,  
 Quæ juvenum fœdo dissolvit pectora luxu,  
 Non levis Ambitio, aut furor inconsultus agendæ  
 Hic sedes fixere suas. sed proxima cælo  
 Religio curas patrio donabat Olympo,  
 Incubuitque Deus menti. sub moribus insons  
 Emicuit pietas, & blanda gratia vita.  
 Non animo Livor diros innexuit hydros.  
 Transit Avaritiam, seclique afflata veneno  
 Crimina. fucata poppysmata subdola lingua  
 Oderat, & solum potuit sincera placere  
 Simplicitas. socios inter venerabilis ibat,  
 Cunctorum communis amor. nec spernere doctus,  
 Nec sperni. facilis paribus, cultorque priorum.

Elo.



Eloquium, sed mite, fuit. sedataque multum  
Vis animi, & tetricas sermo qui duceret aures.

Disce orbis, meliora mori. dispendia fati  
Sentimus Batavi, tantoque in funere causam  
Luget Musa suam. tumulo se Phœbus in isto  
Abdit, & ipsa suo Pallas Tritonia busto  
Occulitur, plorantque pios tot numina manes.  
Magne virum, tibi nunc lentas subtristior undas  
Spara trahit, querulaque ferit tua pradia lympha,  
Pradia quæ pulchris Heemstedia vestit agris,  
Iam domino viduata suo. quin undique sylvis  
Languor inest, marcentque agris viridaria plantis,  
Arboribusque comæ pendent, & pendula terram  
Prona vident, tecumque volunt tellure recondi:  
At genitrix veneranda, cui solimen amantii,  
Cui tu delictum; ac generis spes una fuisti,  
Permiscet cineri lachrymas, ut sicca doloris  
Argumenta bibat tellus. ceu Daulias ales  
Threicium deplorat Iryn. nec Grevia planctu  
Abstinet; & thalamis præscindi gaudia castis  
Conqueritur, Superisque suos nunc exprobrat ignes.  
Ipse ego, dum immitti longè semotus ab Albi;  
Hac loquor: ingemuit socia cum matre Cupido,  
Eractaque disruptâ sonuerunt tela pharetrâ.

## S C H A G A,

Sive Epithalamium, in Nuptias  
Nobilissimi Domini,

D. GVILIELMI van SCHAGEN,  
Domini Burchorniaë, &c. Et Nobilissimæ  
Virginis, ac Dominaë

ANNÆ van MATHENES.

**V**os Batavum magni Iuvenes, vos splendida pa-  
trum  
Progenies, claris quæ cum virtutibus adfers

Majo-

Majorum genus & stantes in curribus alte  
 Terrarum dominos & a vitæ nomina stirpis :  
 Huc omnes conferte gradum. Vos alma Dione,  
 Vos dominus compellat Amor, poscitque tributum.  
 Lascivas quatiens Puer insuperabilis alas.  
 Iste Puer, cui dextra faces, cui ventilat ignes  
 Imperiosa manus, pharetraque & tela superbis  
 Dependent humeris & scævus tenditur arcus ;  
 Vos vocat ad leges thalami, Venerisque vetusta  
 Nobilitate tumens, vestro de sanguine semen  
 Exigit & similes Heroum gente nepotes.  
 Non hic bellorum vobis injungere motus ;  
 Aut Martis mandata cupit, non fulgidus ensis.  
 Porrigitur, mordenisque ferox spumantia frena  
 Ad pugnam phaleratus equus. non casside torva  
 Nunc opus, aut vultu, qualem Mævortius hosti  
 Exhibet Auricus, forti que ostentat Ibero.  
 Mite supercilium, blandi poscuntur ocelli,  
 Purpureeque genæ, radiansque in crinibus aurum,  
 Et scintillantes precioso lumine gemmæ,  
 Fulgentemque trahens virgo pulcherrima pallam.  
 Flammea pro gladiis, pro scutis lenia Cypris  
 Arma feret, molles pandent tentoria lecti,  
 Et pro lethiferis feruebunt oscula telis.  
 Murmura pro lituis, & pro clangore tubarum  
 Verba susurrabit timida gratissima Sponse  
 Non ultra pudibundus amor. quæ cuncta Cupido  
 Dum parat, his verbis mores orditur amantum.  
 Et cupit egregias hæc non nescire puellas :  
 Mira mihi puero mens est, mirabile terris  
 Ingenium Superisque simul. sum fabula vatum,  
 Et cunctas in re rabies Parnassia vires  
 Explicat, & nequeunt satis insanire poeta.  
 Si n' tale solum queris. si stemma genusque,  
 Nascor matre Dea. sua quæ cunabula debet  
 Fluviis Oceanoque patri. sic frigida Teihys :



Me genuit, spumæque mihi primordia præbent.  
 Flammifero, gelidisque exurgo fervidus undis.  
 Et licet exili videant me corpore Nymphæ,  
 Oraque non ulla lanugine vestiat atas;  
 Sape tamen summum potui flexisse Tonantem,  
 Et torsisse Deos & numina vincere numen.  
 Fingor olor, niveis quia plus cervicibus hæret,  
 Quisquis amat. fingor taurus, vectorque timentis  
 Europæ, quia virgineum meus acer in agmen  
 Occulto ruit igne furor. nunc aureus imber  
 In gremium Danaës guttis delabor amicis,  
 Et flecti facilem precio propello pudorem.  
 Cum volo, me fallax aquila sub imagine raptat  
 Iuppiter, ut segnes sapiens explodat air antes.  
 Nunc mihi mansueta monstrant exempla columbæ.  
 Nunc Libycas credor rabie exaquare leænas.  
 Iam sum dura silex, jam cera mollior uida.  
 Iam sequitur me capra, & jam sequor ipse capellam.  
 Iam nive frigidior, jam toto ardentior Ætna.  
 Sum tortor, pictorque idem, sum textor, & auceps,  
 Venator vagus, & mediis nauclerus in undis.  
 Me flentem Anacreon, cecinit me Smyrna jocantem,  
 Sperantem facit ille, facit magis ille timentem.  
 Hanc amo, & hanc odi; nec possum dicere, quare.  
 Sape dolor merorque subit, rursumque voluptas  
 Et deploratam titillant gaudia mentem.  
 Per me crudeles violenta tragedia voces  
 Tollit, & incedit le vibus comoedia soccis.  
 Nunc oculis captus, nunc ipso oculatior Argo  
 Suspitor infelix quid vis. sum dulcior Hyblæ  
 Muneribus Siculisque favis, & amarior ipso  
 Felle. graves nostris subsidunt ignibus iræ,  
 Et flammam mea flamma necat. dumque omnia  
 Humani generis domitor fortissimus, eheu, (vinco  
 Succumbo mihi met, solumque extinguor amando.  
 Cætera vel terra spatium, vel in aëre sedes,

Vel Superum posuere locis. mihi terra nec aquor  
 Terminat imperium, nec vastus sufficit ather.  
 Omnis me natura capit. cum Sole vagamur.  
 Quaque cadit surgitque, meis accensa favillis  
 Grata Cupidineis serpunt incendia flabris.  
 Sum lusus, sum cura Deum. mihi mille nocetur,  
 Consultiturque modis. potior, cum vota debiscunt  
 Votorum plenus, frustror. tabescere cernas  
 Languidulos artus; & me moderante salutis  
 Et vitæ reddi pulchrè florentis honorem.  
 Omnia sum. variis in me contraria causis  
 Conveniunt. nulla est, quæ non sit congrua nobis  
 Materies, totusque patet pro carmine mundus.  
 Me Satyri, me rura colunt. mihi triste sacerdos  
 Exiit os; quin illa facit, quæ conjugis olim  
 In gremio fecere Numa. mihi splendida seruit  
 Nobilitas, grandesque animas ad nostrâ vocamus  
 Signa, nec illustres patimur frigere penates.

Finierat pharetratus Amor. propiusq; volentem  
 De te, Schaga, loqui, thalamosq; & federe junctas  
 Enarrare domos, Venus interpellat Amorem,  
 Atque alias mandata jubet deferre per oras

Nos, Guilielme, Dei voces abruptaque Divum  
 Verba exultantes sequimur, primoque cubili  
 Accinimus; dum fervet Hymen, teaque relucent,  
 Et tua non solitum meditatur Sponsa laborem.  
 Nobilium sanguis, patria victricis alumne,  
 Et magno soboles non inficianda parenti,  
 Conjugio jam disce frui; proavumque vetustos  
 In natis expande lares. insignia fulgent,  
 Et tibi magnanimiti radiant ante ora leones.  
 Est aliquod meriti spatium, quod patria donat,  
 Natalesque loci. toto sed vertice virtus  
 Altior incedens, titulos illustrat avorum,  
 Quos dedit illa prior. populo bis nobilis audis,  
 Qui generi pariterque tibi præfulgida debes



Nomina, & heroum laudes. virtute mereis.  
 Quam Batauim te fama vehit, sceptrisq; Batauim  
 Clara domus. quantis; Iuuenis; deducere alte  
 Principis. quot semideos ex ordine censes,  
 Et numeras per secla tibi. si proxima spectes.  
 Tempora, consiliis celebres & fortibus armis  
 Et toties pressa pro Libertate loquentes,  
 Ingentes veneraris avos. spectabilis ipse  
 Inter tot. Proceres & nostri lumina regni;  
 Incedit genitor. gravitas quem mascula mixto  
 Commendat candore suis; & nescia fraudis  
 Integritas; patriaque vacans prudentia rebus.  
 Et pulchras late gradiens Doctrina per artes.  
 Necte dissimilem tantis majoribus orbi  
 Edidit insignis genitrix, qua moribus avum  
 Provoct, & raris sexum virtutibus anteit,  
 Et priscum pietate genus. qua cuncta tuorum  
 Dum versas exempla, tua primordia stirpis  
 Non ficta probitate refers, generosaque mentis  
 Semina Belgarum crescens impendis honori.

Et Tu, qua Paphis nunc undique cingeris, Anna,  
 Virginibus, vacui tandem fastidia lecti  
 Admisso solare viro. Mathenesia, celsos  
 Multiplica secunda patres, patruosque redona  
 Battauiam. conscende thorum, nec tempora differ  
 Commoda: sic quondam magni palatia Pelei  
 Intravit nuptura Thetis. sic Scyria virgo  
 Bellacem innocuis furis accendit Achillem,  
 Nec timuit casta Hectoreis amplexibus abdi  
 Andromache fugit que virum Sempronia mater.  
 Hæret in atherea Titan jam Virgine. forte,  
 Ut doceat faciendos viros. plus æstuat Æthon,  
 Ut tibi vitales gliscant sub pectore flamma.  
 Te nubente novo circum tua limina motu.  
 Quilibet arbor amat, sociant sua brachia quercus,  
 Insontes neetunt lambentia rostra palumbes,

Garrit.

Garrit anas, causasque sui jam nescit amoris,  
 Feruida que excelsis plus u'itur ardea ramis,  
 Et tecum veteres natura resuscitat ignes.  
 At Frisios inter tollens sublime minores  
 Schaga caput, Comitum quondam venerabile donum,  
 His thalamis audet dominos sperare futuros,  
 Ut possit securam regi. Burchorni i gaudet,  
 Auctaque femineis multum mitescit habenis.  
 Ut Domina placuisse queat. qua proxima pulsant  
 Littora Naiades, & Catthos verberat undis  
 Oceani restor, concha Tritonide uobis  
 Carmina festa fremunt. toti sunt gaudia Rheno,  
 Quosque trahit secum niueos per flumina cygnos,  
 Argutum melos ingeminant En, rustici Phyllis  
 Cum Corydone suo vestris ab amoribus ardent  
 Acris, atque leues iterant ad pleetra choreas,  
 Et vario festas contexunt flore coronas.  
 Creditur in plaustris resonare poemata Thyrsis,  
 Et personatus populo spectante joculari  
 Actor, & in scena lepidum ostentare Menalcam.  
 Sive truces ludat Thisben, sive aquore mersum  
 Monstret Abydenum, ac delapsam rupibus Hero,  
 Aut captam tentet rhythmis includere Trojam.  
 Ipsa, renascentis nutrix celeberrima Phœbi,  
 Leida fauet, faustisque iuvat genialia festa  
 Auguriis. quin ille, suis qui classibus atrox  
 Rursus in Occasum properat, meus Amstela, longè  
 Annuit, & nostri transmittit signa favoris.  
 Insignes animæ, quas lato federe junxit  
 Illibata fides, centum placate furorem  
 Basiolis, nec defessi superaddite centum,  
 Post centum dat mille, & post hæc millia rursum  
 Altera mille, malus numeret ne basia liuor,  
 Aut tot basiolum confundite basia in unum,  
 Millia sic fient unum, sic unica mille.



A M O R S A P I E N S,  
 Sive in Nuptias Amplissimi Viri  
 D. CORNELII GRAEF;  
 Et Eximiæ Virginis  
 GEERTRVDIS OVERLANDERS.

**A** mstela, qui mediis locuples mercaris in un-  
 dis,

Et populis partiris opes; ac munera Divum  
 Tot congesta plagis unam transfundis in urbem;  
 Amstela, qui pelagi spoliis, terraque superbis  
 Exuviis, vacuoque arcessis ab aere lucrum;  
 Cui rerum fecunda suos Natura labores  
 Vendit & humanas acuens solertia dextras;  
 Amstela bellator, cujus flagrasse favillis  
 Vidimus attonitam Chilen, Potosique recessus  
 Et totam tremuisse Peru, cui scepra Moluccæ,  
 Nec Regi servata suo submitit Olinda:

Indue jam molles animos, & mitior audi,  
 Festivus qua dicat Amor. spes lata metalli  
 Concedat paulum Veneri, ratibusque quietem  
 Belligeris largire precor. dic, stare carinas,  
 Nec piperi nunc esse locum. Iam vendere tempus  
 Basia, jam ted a precio majore relucet,  
 Et thalamus venale forum est. oculosque genaſque  
 Verbaque amatori quondam recitata Catoni,  
 Dulcesque illecebras & casti signa pudoris,  
 Spiculaque & pharetras, & blandi nomina vultus  
 Distrabet innocuus socia cum matre Cupido.

Et meus egregios tandem meditatur amores  
 Gravius, & tacitas generoso in pectore flammæ  
 Ventilat, & prima sperat se nocte maritum.  
 Forte moram gravitate Venus lentosque Hymenæos

Corriget acer amor. forsam neglecta rependet  
 Gaudia vis animi major, teneraque puella  
 Vota magis tuto Sponsus solabitur æstro :  
 Aut risus primique inter poppysmata lecti  
 Amplexusque suos sapiet ; thalamisque decorum  
 Inferet & leges nobis prescribet amandi.  
 Sic ubi se Danaum castris subduxerat acer  
 Pelides, Martique truces suspenderat orbes  
 Fatalis clypei, Phrygiæ audacior arces  
 Impulit & solo quasi vit in Hestore ludem.  
 Myrmidonum ductans jussis sapientibus agmen.

Ludimus huminum genus ; & dū sidera voluit  
 Iupiter, & variis radiat sub vultibus æther,  
 In varios una lusus vitæque labores  
 Cum superis rapimur. versit se maxima mundi  
 Machina, & ingentem miscet Sapiencia rebus  
 Stultitiam, frangitque aliquo sua seria ludo.  
 Desipit, Eoa quisquis de gente lapillos  
 Colligit, & tumidum mox sorbet naufragus æquor,  
 Securus tutusque domi. mala pondera, gemmæ  
 Submergunt dominum citius. tu desipis audax  
 Miles, & hunc vitæ paucis divendis honorem  
 Assibus, & stolidis impendis regibus arma.  
 Quin rigidos inter panes bis coctæque demens  
 Crusta cadis, mordesque ignotam nudus arenam.  
 Desipit Heroum soboles, titulumque superba  
 Nobilitatis emit, quam virtus nesciæ fuci  
 Debebat meruisse sibi. qui celsa frequentas  
 Atria, adulator, magnis discrimina quaris  
 Porticibus totaque miser rideris ab aula.  
 Tu quoque, qui calidæ scrutaris cominus Ætne  
 Pabula, terribilesque focos abstrusaque rerum  
 Principia & mundi causas deducis ab alto,  
 Desipis, & stulta dictas incerta cathedra,  
 Ignarusque tui geminos edisseris axes.  
 Est qui ventosa venatur murmura plebis,



Et jejuna levi pascit praeordia fumo  
 Narratur, vanisque forum sermonibus implet,  
 Et Finnos Gotthosque crepat. cui causa laborat,  
 Facundas redimit voces, pauperque patronum  
 Adspicit & vacuis oculis sua rura revisit.  
 Ille cui infido pendet spes omnis ab hamo,  
 Dum sedet aeternumque sedet, quam desipit excors,  
 Quam patiens capta solatur prandia perca,  
 Pisciculi que jecur, non tacta bile, trucidat.  
 Et tu qui cursu princeps Venator anhele  
 Per campos gradieris, pavida vestigia dame  
 Ponere legis, currisque, fugis, refugisque, misellus  
 Quo lepus aut te cerva vocat. cum Principe vilis  
 Bestia decurrit, sequiturque insana priorem  
 Majestas angusta feram. nugamur ubique,  
 Et stolidi sine lege sumus. Lunaque Menippus  
 Quisquilias nostras recitat. clamemus, amici:  
 Te facimus, mens stulta, Deam, terrisque locamus.  
 Has inter curas & vasti ludicra mundi  
 Solus Amor Cyprisque sapit, tollitque serenum,  
 Stultitia ringente, caput. non desipit ille,  
 Quisquis in optat & gremium descendit amica,  
 Et Sponsa placuisse studet. Sapientia Gravi,  
 Iudice me solum castis elucet in ulnis,  
 Atque unum praeter cuncti insanimus Amorem.  
 Hoc sine delirant alii, vel languida lactu  
 Membra trahunt, tædet cæli convexa tueri,  
 Tactus hebet, nulla recreantur virgine vultus,  
 Mensa filet, frigent omnes sine conjugè nervi,  
 Deficimus miseri, nescit sua gaudia lectus;  
 Ignavosque lares vacuosque perire penates  
 Ocyus adspicimus, mortique simillima vita est.  
 Ipsa Deum socio gaudet Sapientia lecto,  
 Et senior Saturnus amat. cum compare ludit  
 Mulciber, & doctam genuit qui Pallada grandis  
 Iupiter, in multum querula Iunone lepores

Invenit & Paphius castigat fulmina curis,  
 Nerea formosum complectitur Amphitrite,  
 Inclyta Neptunum Tethys. cœlestibus ut jam  
 Turgeat exemplis thalamus. non illa Pelasgos  
 Dedecuit sors Ista senes, magnique Platonis  
 Atria, quo quondam Graji stupere magistro.  
 Qui male compositis mores dictavit Athenis,  
 Xantippen propius tetigit, legesque severas  
 Dogmataque umbrosos inter discussa recessus  
 Diluit amplexu. nec qui vesana Quiritum  
 Crimina perstrinxit censor, fastidiit udum  
 Basylum facileque sibi producere noctes.  
 Quam sapit, imperio totum qui subdidit orbem,  
 Rector Amor. cui regales diademata prona  
 Subdunt fronte apices, qui sævi dura leonis  
 Corda domat, mollitque suis adamantina verbis  
 Pectora & Eurydicen Stygius revocavit ab undis.  
 Iam loquitur facundus amor, vocesque disertas  
 Virginibus recitat. per mille pericula solers  
 Impavidum molitur iter, fortique dolores  
 Mente premit. jam sacra pius delubra frequentat,  
 Et totum sonat ore Deum. jam munera larga  
 Distribuit lucrosa manu: blandissima fatur  
 Comis amor, festivus amor, quàm tempora captat  
 Commoda & in varias una pro virgine formas  
 Se torquet versutus amor. nunc tristior illi  
 Frons contracta riget, nunc exporrecta jecatur.  
 Flet, ridet; vigilansque omni sua lumina parte  
 Circumfert. sperat, metuit. non odit, & odit  
 Cum ratione tamen. sic cuncti Cypride in una  
 Virtutum coiere chori, & vestitus honesto  
 Fulget amor. dudum sapiens ab amoribus arsit  
 Phœbus; & in sola sapiunt Cithereide Vates,  
 Vates, cura Deum. spernit Sapiencia fraudes,  
 Spernet amor. tacita per amica silentia noctis,  
 Virget opus nulloque sagax se teste tuetur.



Heu quantum nescis Sapiens. quam plurima tecum  
 Ignorat quoque cæcus amor. quam gaudet amari  
 Vir sapiens & lenis amor; metuantque timeri  
 Nec cui vis placuisse student. quam suaviter idem  
 Dormit amor, sapiensque. trucidat nec curat Iberi  
 Bella, nec Arctoo pessundata moenia Moscho.  
 Tempora componit sapiens ventura priori.  
 Facit illud amans; nec scit se posse, quod olim.  
 Prospera fert Sapiens modice, nec frangitur arctis.  
 Sic generosus Amor post prima damna repulsa  
 Ambulat, & credit nondum sapuisse puellam.  
 Semper amat Sapiens medio tutissimus ire;  
 Nec medio deflectit amor. moderata probatur  
 Ambobus prudensque quies. Sapientia terris  
 Præsidet, & fasces domino partitur Amori.

Hac tibi dum fluidum Geertrudis donat ocellum,  
 Sponse loquor, thalamiisque tuis felicia noster  
 Omnia scribit amor, dum sedus amabile lecti  
 Patrii junxere domus, flammaque jugales  
 Expectant gemina dignos à stirpe nepotes.  
 Adspice, quam niteat non ficta modestia Sponsa,  
 Purpureis intexta genis. quam Gratia triplex  
 Ornet honoratam formoso in corpore mentem.  
 Vincit ebur morum candor. quæ virginis, ipsa  
 Forma pudicitia est. alia nec fronte Dione,  
 Aut Pallas pingi cupiat. Tuque, optime Gravi,  
 In laudes assurge tuas & grande decoris  
 Artibus ingenium irradia, partesque per omnes  
 Circumfer studiosum animum. sciat Amstela Patri,  
 Et pariter debere tibi. si mollia jam jam  
 Aptaque conjugibus loqueris; mox grata loqueris  
 Civibus, & felix maturas Curia voces  
 Audiet atque tuis florens Respublica curis.  
 Vivite felices & tanta sorte beati  
 Crescite in invidiam sati. differte senectam  
 Longius & seros perdurent oscula in annos.

*Sic faueat Venus, & uestris virtutibus auctus  
A uobis discat duplum sapuisse Cupida.*

IN LIBROS  
POEMATVM MORALIVM;

Nobilissimi Viri

D. IACOBI CATSII

Eq. & Reip. Dordracenæ Syndici.

**S**vmme Virum, cuius tetricos facundia Belgas  
Mulcet, & attonitos locuples doctrina penitus  
Detinet & pulchro populos informat honesto :

Inserere virtutem titulis, totque inter honores  
Fulgeat una tuis Probitas asserta Camœnis,  
Et Regum ingenuo despectet munera vultu.  
Nos tibi debemus patres. tibi fausta precatur  
Femina, & in docili recitat tua dogmata lecto  
Officiosa parens, & leges discit amandi  
Impatiens rectoris amor. tibi filia mores  
Devovet, & cuius nequit arridere marito  
Imperii attenda tuis. Tu Protea nobis  
Reddis & in varias versans Emblemata formas,  
Nunc alias voces, alias in carmine partes  
Induis, & nostra raperis per devia vita,  
Peccandique modos. Te praeceptore superbit  
Scena pudicitia, & matura zona puella,  
Flammeaque & cupido rutilantes limine tædæ.

Creditur immitem mellitis vocibus Hamum  
Threicius flexisse pater, rigidamque survi  
Barbariem domuisse lyra. tunc horrida cultus  
Imbibit & potuit facili mitescere cantu  
Improbitas, Thracesque suos emolliit Orpheus.  
Nos Rhodope Thracesq; sumus. quorū effera, Catzi,  
Corda domas, quibus admissus praeordia circum  
Ludis & effrenes animi compescis habenas



In sibus & calida moderaris vota iuventa.  
 Tu, velut Amphion Thebana conditor arcis,  
 Saxa moves modulis placida testudinis, & nos  
 Eloquii torrente rapis. Tu monstra malorum  
 Impiger Alcides subigis; certusque Deorum  
 Interpres Stygiis animas arcessis ab undis  
 Afflatus propiore Deo. te vindice recti  
 Iam Bata vos peccare pudet, Cyprisque fatetur  
 Se sapere, & le vibus volitans Puer improbus alis  
 Corrugat geniale caput, quassatque pharetram  
 Segnius. ac quicquid quondam Cornelia mater  
 Gracchorum potuitque loqui Semproniam grandis,  
 Aut quæ magnanimo respondit verba Catoni  
 Porcia, vel Lali genitrix, edisserit orbi.

Quam stupui, cum bella sibi secreta pararet  
 Isacides, totumque suis circumdaret armis  
 Relligio cataphracta virum. se dissidet ipso,  
 Obloquiturque sibi. tollunt hinc signa voluptas,  
 Hinc ratio. recitantque uni diuersa cupido  
 Et metus. innocua suadet contraria menti  
 Luxuries, prædulce malum. duo numina distant  
 Partibus, & geminis pugnant sensusque Deusque  
 Imperiis duplicisque Boni ostentatur imago.  
 At quia sancta probat, nocituraque gaudia damnat,  
 Eligit ista pius; nec solùm pallia litem,  
 Sed pietas dirimit. quid turpe, quid utile, quid non,  
 Expedi, & valido mille argumenta pudori  
 Sufficit. interea tanti Dux femina facti  
 Spreta jacet tacitisque odiis alimenta ministrat,  
 Et dolet elapsam virtutem amplexibus esse.  
 Vates magne, furens mulier si temnere Divos  
 Iuratamque fidem thalamo Memphitica conjunx  
 Ausu fuit, proprioque illudit mæcha marito:  
 Stat juvenis crimenque fugit, dominamque scelusque  
 Arguit, & monitis axilas prudentibus implet.  
 Pythagoræ voces Sami que edicta magistri,

Et

Et promulgatas taciturno iudice leges  
 Audiit indocti pubes studiosa Tarenti,  
 Informesque scholæ Calabrum, Samnisque Crotonis,  
 Aureæque Italicis sonuerunt carmina portis.  
 Nec minus incultas sapiens instruxit Athenas  
 Exemplo dictisque senex, & nectar Hymetti  
 Miscuit officio civis. cum tecta domosque  
 Privatosque lares Sapia serâ subiret,  
 Æthereis subduâta plagis. veneranda Theognis  
 Trinacriis præcepta dedit, Siculumque recoxit  
 Formavitque rudem. placuit generosa monentis  
 Suada Syri Mimique lepor. Nos omnia per te  
 Discimus & post tot credit se seclâ renasci  
 Simplicitas, tangensque animos reverentia Divum,  
 Et vitæ melioris honos moresque severi.  
 Dic age, Toxandrum soboles, quo numine soli  
 Concessum tibi tanta loqui? quæ Pallade pectus  
 Grande tumet? nescitque furor cessare canendi  
 Quæ terris prodesse queant? non sidera demens  
 Metiris Phœbique iubar, nec inutilis hæres  
 Arcturumque Hyadasque inter Lunaque labores,  
 Errantesque Deos. non vanis linea chartis  
 Pingitur, aut sectis circumvallata figuris.  
 Picta placet potius virtus & sculpta decori  
 Effigies. quin ipsa patens ad dogmata laxos  
 Expandit natura sinus. nos simia, taurus,  
 Nos arbor piscisque docent. nos vitis amare,  
 Atque aliquid fugisse cupit. nunc garrula nobis  
 Servit avis. nunc rana suis facunda sub undis  
 Vitæ monstrat iter. nunc nobis vacca magistra est.  
 Dux canis. hortantur lapides, objurgat amantem  
 Concha tuum. fædo quæ pendet aranea tecto,  
 Et lenes alibi præbent documenta columba.  
 Imperitat ventri Pharia regnator arena,  
 Mus gremio, cupidos Libycus leo velat ocellos,  
 Chaoniaque tibi dictant oracula quercus.



Dum ludit puer, incauti vesania mundi  
 Detegitur, quantisque rotet se passibus orbis  
 Tot scelerum fraudumque pater, te vate, patescit.  
 Sic oculis coram fulgens spectatur honestum,  
 Sic manibus palpatur idem. Sic personat aures  
 Egregium recti murmur. distincta tabellis  
 Regula vivendi legitur, normasque decori  
 Sedulitas numerat. semperque industria sensus  
 Invenit & quovis struitur sententia casu.

Neve foret Bata vltim populis incultior Auson,  
 Romanas sociat verborum opulentia voces,  
 Atque tuo recreant animos modulamine Celta,  
 Quique Ararim Ligerimque bibunt, Rhodanumque  
 loquendo

Anticipant, longisque trahunt idiomata braccis.  
 Ipse tuum patria miratur currere lingua  
 Thuscus epos; captusque tua dulcedine Musa  
 Crudelis masuescit Iber, nativaque verba  
 Diligit & tumida gnomas imperiit amice.  
 Adspicit & titulos Tamesis veloxque Tueda,  
 Et triplici donat succincta poemata sceptro,  
 Regali jam tacta manu. Tuus illa, Britanne,  
 Scribit eques, Phœbique magis quam splendet amictus  
 Nobilitas, nostrique decus sublime Senatus.  
 Ex alio rursum surgit labor. altera laudi  
 Materies campusque patet. sua fata recenset  
 Priscus Hymen, thalamique iuvat memorare labores  
 Mnemosynen, soccoque gravem miscere cothurnum.  
 Qualis in adversam frendens Tryphosa Iocystam  
 Detonet, & raptu quærat crudele pudori  
 Supplicium, mox Belgæ leget. quam splendida pos-  
 cat

Virgo Cratem, possitque etiam vel gibbus amari  
 Et laceri sapientis honos & fibula simplex  
 Et series neglecta togæ, caper. itaque tristi  
 Forma supercilio & Cynica fors horrida barba.

Nec te, prime pater, tacitum aut primæ via silebit  
 Federa & insolitis claræ natalibus Evam;  
 Non sacrosancti connubiæ mystica Sponsi,  
 Æthereæque faces, atque ipsi nubile cœlo  
 Christiadum prælustre genus. narrantur amores  
 Abramidum, clarique thoris regalibus ignes.  
 Et spretæ fortunæ Lææ, tedæque sororis,  
 Et mox virginibus vacuæ Siloensibus urbes.  
 Tempora cuncta patent vari. distinguitur ævo  
 Res ac cura suo, & nobis imitabile passim  
 Invenit, & grandes majorum ponderat ausus.

Nobile Dordrechtum, si quid tibi conflua laudis  
 Flumina ferre putas; celsis si mascula portis  
 Præsudet & fasces ostentat virgo vetustos;  
 Si Merua jactas Dominos: si primæ sorores  
 Inter verba facis: si vestigalibus angis  
 Et Rhenum Mosamque Deos: si fluctibus usque  
 Emergis melior: plus, hoc monitore, superbi,  
 Huic assurge viro: qui jam tibi consulit uni,  
 Iam Batavis, patriæque suis suffragia fulcit  
 Consiliis fortesque animos opponit Ibero.  
 Format lege domos, & sævos exigit hostes  
 Invidiam fastumque & fœdi gaudia luxus,  
 Otia lascivamque gulam, & malesana Lyæi  
 Orgia; & immensis rimantem faucibus aurum  
 Pellit Avaritiam. sic condis, maxime Cæsi,  
 Oppida, sic meliora facis; stabulumque repurgas  
 Sordibus, Antæosque necas, Hydrasque, bovesque,  
 Quin ipsum Phlegethonta domas, Cacumq; rapacē,  
 Et crudi Diomedæis equos. Stymphalidas arte  
 Dejicis & rabidos prosternis carmine Nessos.

Virtutum venerande pater, sanctissime legum  
 Arbiter, hæc audi facilis: qui corrigis orbem,  
 Orbis vota cape; & monitorum præmia credas  
 Optima, nos parere tibi: concedere jussis  
 Crimina; tot passim scelerum pallefcere vultus:



*Peccari minus : insanas resipiscere matres,  
Audacesque nurus : melius sentire puellas,  
Persuadere patres : percussa que fulmine lingua  
Secla verecundas Belgis promittere nuptas.*

## I N N U P T I A S S E C V N D A S

Amplissimi viri,

D. FREDERICI ALEWINE;

Et Præstantissimæ, laudatissimæque  
Dominae

E V Æ B I C K E R Æ.

**C***Ur noceat bis adire Paphum, bis templa Diones?  
Bis molles adamasse Deos? si femina res est  
Optima, cur pudor est iterum arrisisse marito,  
Nec simplex voluisse bonum? repetita probantur,  
Quæ bona sunt, vacuique gravis possessio lecti est.  
Quem privat consorte Deus, cui dulce cubili  
Pondus abest, laterisque comes dulcissima cessit,  
Sperat amans aliam, veterisque incendia flammæ  
Sentit, & assueto nova pabula querit amori.  
Ante oculos stant prima thori, stant basia, risus,  
Et, quibus ante, viri rursus complexibus arcte  
Abdimur, & memorem recreat Venus altera men-  
Hoc Grajæ fecere nurus, patresque togati (tem.  
In thalamos venere iterum. post funera, prolis  
Spes alias Erycina facit, gaudet que renasci  
Post cineres redi-vivus Amor; viduoque potentes  
Accendit sub corde faces. plus urget egestas  
Felices olim, & saturis afflictius instat  
Atra famas, cœlique favor bis plaudit amanti.  
Vindicat occasum lampas Phœbæa, novoque  
Lumine demersa reparat dispendia flammæ,  
Et Sponsus vult esse recens, populisque videri*

Latior

Latioꝛ & sponsam radiis circumdare terram.

Hæc socio jam Sole facis, Frederice, tuisque  
 Fax angusta præsit facibus. post busta prioris  
 Conjugis, optatos thalamis dulcissima gressus  
 Infert Eva tuis. & se Bickera secundis  
 De voræ officii, & consors gaudet haberi  
 Altera, & extinctas tedis succendere tedas.  
 Optima, (si qua fides vati) tibi Virginis astrum  
 Tempora promittit tanta prosperrima nuptæ,  
 Præque tuis lætas foribus de fronde coronas  
 Nescit & egregia spondet tibi nomina matris.  
 Amstela, dum magnis merces acceptat Eoas  
 Portibus, & Iaponum gazas & divitis Indi  
 Persarumque ostentat opes, & quicquid Hydraspes,  
 Quicquid Erythræa mittunt trans æquora terra,  
 Hæc sua jam vestris permiscet gaudia votis,  
 Et Sponsis favet Ya novis. dum munera Cyprus  
 Donat, in his ipsis veteres abscondit amores  
 Mercibus, & patrias acuit fervoribus herbas.  
 Ipsa procellosos desueta Bamastræa fluctus,  
 Sacrat agros domino, & qua jam pulcherrima condit  
 Prædia, ventura servat complexibus Eva.

Duxerat haud uno pridem de fratre triumphum  
 Diva Gnidi, dignisque omnes sociaverat aqua  
 Fascibus, & magna soceros de vinxerat Urbis;  
 Cum sortis memor illa tuæ, Bickera, medullis  
 Hæsit, & insolitos generosa penatibus ignes  
 Intulit, & votis strinxit tibi vincla secundis.  
 Quam meminî, cum prima favens connubia vates,  
 Ignotasque faces canerem, cum nescia rerum  
 Virginitas tenerum excussit vexata pudorem,  
 Et voluit didicisse virum. tunc omnia dixi,  
 Quæ Sponsam glomerata beant formamq; genusq;  
 Et niveos mores & blanda vocis honorem,  
 Quæque puellares pingebat Gratia vultus.  
 Nunc Tibi virtutes alias & grandis honesti



Adscribam titulos, & quod civile decorum  
 Dicitur, informatque lares & tecta verendis  
 Legibus, & recti famulis praecepta ministrat.  
 Exemplo tua iussa doces. scis omne parentis  
 Officium, nondum ipsa parens. lenire maritum,  
 Alloquio recreare gravem, compescere motus,  
 Et placidas rigidis voces inspergere dictis,  
 Muneris omne tui est. exacta modestia laudes  
 Dissimulat, dicique vetas, quod crederis esse.  
 Pralucet vitæ pietas. hanc ordine iusto  
 Ponè subit probitas. loquitur facundia, quicquid  
 Vxorem dixisse decet. tacuisse tacenda,  
 Matrona prudentis ais. vis omnia ferre,  
 Quæ non odit amor. damnas inimica cubili  
 Iurgia, vel quicquid persuadet amanti excors  
 Suspicio, soloque virum candore mereris.  
 Fulget simplicitas in te, & sapientia longè  
 Stultitiam laudata fugat. tua protegis uxor  
 Consiliis, partisque frui sine crimine gaudes.  
 Cumque verecundos malesana superbia mores  
 Inquinet, in rebus vitium solenne secundis,  
 Tu victrix erecta tui, minor esse laboras.  
 Et dum læva tibi toties fortuna timetur,  
 Æqua mente bonam perfers tolerasque nocentem.  
 Nec minus ingenio lepidum quodcunque placensque  
 It comes, atque hilari prodit se fronte venustas,  
 Et Sponsam te Suada probat. sic splendida conjux  
 Amstelias inter (cuncta subscribe matres)  
 Priamæ nurus graderis, ineq; auferis iudice palmam.  
 Tu talis, Frederice, Deo consortia debes  
 Conjugis, & quos nunc felix ordiris amores:  
 A Superis cœloque capis. dant velleræ Seres,  
 Tibi Arabes, fundunt molles unguenta Sabæi,  
 Nobilis Eo legitur de littore gemma.  
 Munus Sponsa Deum est. solis delabitur astris  
 Virtutum locuples mulier. Tu pignus Olympi,

Depositumque ingens cupidis amplecteris ulnis,  
 Fortunata virum. Iam qua veneranda juventa  
 Dictavi praecepta tua, cum saepe docentem  
 Audires, morumque Tibi mandata loquentem,  
 Exerce, fructumque mei tua nupta laboris  
 Sentiat, & praesta, me praeceptore, maritum.  
 Sis facilis comisque idem, sis aequis amanti,  
 Et pars prima domus. non vult bona spernier uxor,  
 Non vult Diva coli. consortem quisquis adorat,  
 Serviet. alternis placide diuisa potestas  
 Tuta manet, felixque domus tranquillior audit.  
 Officii, quod Sponsa volet sat florida, fas est  
 Te meminisse tui. quamvis dilata petantur  
 Oscula, crede moras pensari posse lubenti  
 Obsequio, castisque thori conatibus ævi  
 Damna resarciri. nil distent basia primis.  
 Res eadem vobis agitur. si pignora nuper  
 Sperastis, sperare licet nunc altera nuptis.  
 Quid non audet amor, toties expertus amorem?  
 Quid non tentat amor, toties devotus amori?  
 Quid non praestat amor, toties accensus amore?  
 Interea, longis dum fervent gaudia mensis,  
 Dique Deaque omnes vetis communibus adsunt,  
 Et donis Sponsos onerant. sua tela Cupido  
 Exacuit donatque viro. vim Cypris inurit  
 Basiolis, sterileque jubet secedere noctes,  
 Fecundatque sinum Sponsa. rex Iupiter auro  
 Perpluit & thalamos illustri dote coronat.  
 Et quae perpetuis juvenescit amoribus Hebe,  
 Proscribit longe senium. vultusque serenat  
 Amborum, validaque refert primæva juventa  
 Tempora. pralucet cunctis dux Lucifer astris,  
 Immittitque thoro radios. dat pronuba Iuno  
 Spem sobolis. donat leporem pharetrata Diana,  
 Sol Gallum, passerque novi fit rector amoris.  
 Dat fruges divina Ceres, sua vina Lyæus,

Mars



Mars currus, agrisque Pales benedicit amantum.

Ast ego, qui cupidus toties genitrix lælis  
 Verba loquor, mediisq; inter nondum uror amantes,  
 Decrepitæ vobis strepitus vocesque Camæna  
 Sacro libens. vivat Patriæ, Musisque suisque  
 Et vigeat Bickera domus. sub Consule nostro  
 Nubitur in melius. quo se rectore tuetur  
 Amstela, quo floret dives sub præside civis,  
 Exertatque caput pronò Respublica cælo;  
 His etiam Paphi gliscunt sub fascibus ignes.

Nobilissimo Viro

D. A D R I A N O P A V W.

Eq. & rationum ararii Hollandiæ Senatoris.

**M** Axime Vir, cujus toties fuit ore locutus  
 Amstela, qui docti flexisti frena Senatus,  
 Auriacæ tutela Scholæ, tot cura Sororum;  
 Cuius ad externas abiit facundia gentes,  
 Et patriæ pro jure stetit; nunc publica prudens  
 Fulcit sollicitis Batavorum araria curis:  
 En, Baccho jam plenus agor, Phœbumque lateffit  
 Rhenus & abscedunt veteres de pectore cura,  
 Vt tandem tibi læta loquar. quin ecce disertum,  
 Quem mittis, facit ipse liquor; totoque Lyæo,  
 Dum mergor sapidisque undis, quas pampinus uvis  
 Extudit, Aonia veniunt ad vota sorores,  
 Et versus mihi sponte fluunt. Iam prisca faceffat  
 Fabula, percusso Parnassi vertice largè  
 Castalios fluxisse lacus. Hæc ungula vatum est,  
 Hic Perseus, feriensque bona sacraria mentis  
 Pegasus. hoc quoties quateretur mascula thyrse  
 Calliope senis & Trojam scribentis Homeri,  
 Altius intonuit vates, totusque furore  
 Atridam sævumque iris implevit Achillem.  
 Hoc quoties biberet Calabrum de fonte pœta,

Incaluit Phœbi rabies & fulmina belli  
 Scipiadæ, cladem Libyæ Fabiumque morantem  
 Acris & victi cecinit perjuræ Pœni.  
 Quàm Elacco placuere cadi testæque Falernæ,  
 Quàm siccis, ait, esse Deos. Musasque Deasque  
 Difficiles, quàm facundis sacundior ipse  
 Extollit latices. quàm tunc latissima Dido  
 Vina bibit, cum Trojanum, Carthaginiæ altæ  
 Mœnibus, Æneam exciperet, Bittæque bibaci  
 Traderet increpitans, Bittas cum servidus hausit  
 Spumantem pateram, & pleno se mersit in auro.

Certat disparibus, Paruui, Semleius Evana  
 Ingeniis, nostroque parat diversa palato  
 Vina potens Liber. Latro dat Cœcuba, Celtis  
 Pallidulum, Græcoque calens, rarique saporis  
 Pannoniis, Cyproque furens, sed vile ministrat  
 Pictonibus. mihi tu facilis lectissima mittis  
 Poela, quibus Rex ipse Deum mitescere possit,  
 Et Iuno placare Iovem, fulmenque marito  
 Extorssisse suo. non hac mihi barbarus Ister  
 Dôna tulit Batisque ferox. in collibus illam,  
 Rhene, tuis genuit felix vindemia messem.  
 Non hac fullo bibit, non hoc vespillo liquore,  
 Grammaticusque madet, tali se mitra Lyao  
 Imbuit. hunc centum devota Moguntia templis  
 Haurit, adorandos fasces regumque Ducumque  
 Irrigat & cuncto solvit palatia luctu.

Vt me perdis, amor vatum, qui Celtica dudum  
 Vina bibi, jam (quæ facies gratissima rerum)  
 Cogor in angusta Rheni considerare ripa,  
 Deliacumq; haurire merum, quod Bacchara prestans  
 Mist & in nostros ignara recondidit usus.

Non hac solum oculis, non solis vina labellis  
 Accipio generosa meis. quin naribus illa  
 Attentis doctisque bibo. color illa saporque  
 Et pergrata meis laudat fragrantia mensis.



Hac qui vina bibet mecum, debet amorē  
 Ista tuo.quotiesque bibam, hac sunt munera Pauvri,  
 Eloquar, adspersit tali me rore Senator,  
 Et cupit his nostras lymphis ridere Camænas.  
 Optime, quid referam? primum tibi lata datorē  
 Calliope tollit cyathum, laticesque beatos  
 Nuncupat. Vnanimis adspersent altera Patres  
 Pocula & assertos dicent carchesia Belgas.  
 Tertia in Auriacos vis despumabit Iacchi,  
 Nassoriosque bibet, venerandaque nomina mensis.  
 Quarta bibet grandes Regum, sine lite, salutes,  
 Seu Gallum Cimbrumq; volēs, Suecumq; Britannia  
 Iungere & ingentes paterā confundere causas.  
 Vltima per lepidos rabies properabit amicos,  
 Inque mea tandem cadulus decurret amica.

## I N N V P T I A S

Illustris Viri

IOHANNIS POLYANDRI  
à KERCKHOVEN,

Heenvlietæ Domini, & Saltuum Hollandiæ  
præfetti, tunc ad Serenissimum Magnæ  
Britanniæ Regem Legati, &c.

Et Illustrissimæ

CATHARINÆ WOTTONIÆ,

Baronis à Wotton Filiæ majoris natu,

Baronis Stanhopii Viduæ.

**A** Mstela quos primū juveni monstravit amores,  
 Nunc iterat viduo Tamesis. sub Regibus uxor  
 Donatur, Polyandre, tibi. vacuumque cubile  
 Implet adorandum flammis genialibus ostrum.  
 Te triplex diadema colit. te rector Iernæs,

Qui

Qui Scoto dat iussa pater, sceptrisque coercet  
 Orcadas & nostro divisos orbe Britannos,  
 Oceani regnator, amat. non unius aula  
 Tuta patrocinio, magnis fortuna tiaris  
 Nixa tua est; grandique capis sub iudice Sponsam.

Nos Te irans vastum pelagus fluctusq; parentes,  
 Neptunique domos, utrenque palatia Nerei,  
 Bellaces Batavi sequimur. dum suscitatur ignes  
 Illustris Wottona tuos; dum nubilis ardet  
 Albion, & niveis arriident littora passim  
 Rupibus, & tanto thalami candore notantur:  
 Vritur ipse tui vates & testis amoris,  
 Et tecum Barlaeus amat. sed dispare flamma  
 Exarsere faces. stimulos mihi subdit Apollo,  
 Sed mollis Cithæra tibi. mihi gliscit ab imo  
 Pectore Musarum rabies, eademque poetam  
 Tempestas annumque facit. Tibi proleser annua  
 Inchoat & tedis Arias fulgentibus ornat,  
 Et toto te Vere beat. cum Sole vagaris  
 Altius, atque inter titulos succrescis amator.  
 Et Patria quem tollit honos, nunc ipsa Dione  
 Majorem cupit esse sibi. Nos surgimus in te,  
 Et capit incrementa calor meus. imus in altum,  
 Phœbeosque apices bijugique cacumina montis  
 Sublati prensamus humo: Pataramque Clarenque  
 Tymbraique patris doctas conscendimus arces,  
 Ut totus tibi, Sponse, vacem; nostrique favoris  
 Candida sublimem veneretur gratia lectum.  
 Non aliter quam cum magni Iovis armiger ales  
 Tollitur, & celsis Phœben propè verberat alas.  
 Tollitur Idæus puer & miratur honores  
 Ipse suos, tantæque stibet fastigia sortis.  
 Aonii resonant colles Phœbique remugit  
 Regia, Palladiosque aperit cortina recessus,  
 Dum vestros cortina silex abscondit amores,  
 Et par dulce lates. dum vos sudatis in ulnis

Basia,



Basia, primitiasque thori pulcherrima mater  
 Accipit: En, vates aliis conspergimus undis  
 Conjugii nova rura tui. Tibi fundit amoenos  
 Musarum de fonte jocos Permessus & alte  
 Mergit Acidaliam Phocæo in flumine spumam.  
 Qui Latia gentis dominos & fulmina belli  
 Civiles Drusosque tulit; jam pronuba Rhenus  
 Scribit vota tibi. concordæ Leidæ Camænas  
 Nuncupat, & Batavum concussa Britannia cantu.  
 Ad modulos & pleetra suos irritat olores.  
 Vatribus his nunc Ya tuus se jungit & audet  
 Ponere sequi, salsaque licet dulcissima tingant  
 Flumina Nereides, promisso vestra susurro.  
 Tecta ferit, penetratque levi palatii rimâ,  
 Et cupit hoc etiam mensis disperdere carmen:

Magne virum, qui stemma tuum proavosque genusque  
 Nobilibus deducis avis: quem Ganda vetustis  
 Fascibus, & priscus per splendida nomina Flander  
 Inseruit patriæ patribus: nunc altera necis  
 Vincula, & externos Erycina domestica vultus  
 Adspicit atque alio quæris sub sidere Sponsam.  
 Trans mare totus amas. nec te vel frigidæ Tethys,  
 Vel gelidæ remorantur aquæ. trahit ultima Thale,  
 Idaliaque faces mediis accendit in undis  
 Caruleus Triton; Panopæaque navibus illis,  
 Quæis veheris, viridem petulans circumjicit algam,  
 Et tremula impellit properantia curvasa cauda.  
 Sic alius, veluti Seston qui tendit Abydo,  
 E Batavis Leander abis: nec Thesea solum  
 Per fluctus protrudit amor, cum missus Athenis  
 Iret ad Hippolyten, neque Phædræam Gnozia tellus.  
 Servaret securo. etiam dant Thesea Belgæ,  
 Atque alias, verum causa meliore, Mycenas  
 Invisis sine fraude, Paris. vebit alter Iason  
 Argolicis procul à terris occurris amator  
 Hypsiphyæ. Quod fata trahunt, raptamur amantes.  
 Et

Et vis est secreta thoro. qua maxima regnis  
 Majestas divina præest, moderatur amores,  
 Et restor Deus in thalamo est. ignara futuri  
 Invenit in sylvis, in rupibus, invenit inter  
 Exequias tepidosque rogos, trans æquora, nuptam  
 Nescia mens, solique Deo debere fatetur.  
 Principis instrueris jussis; sed jussa Tonantis  
 Incauto Lucina aperit. Legatus habetis,  
 Et sis ipse tui. nec, d. m. communis amatur  
 Causa Ducis, privata deest. dum regia necdis  
 Federa, federibus magnis innecteris ipse,  
 Et duplici nos sorte beas. fit germen amoris  
 Auriaci, tuus, & merces optata laboris.  
 Das patria, quam quisq; colet. quam solus amabis,  
 Das tibi. præludunt teneris tua gaudia flammis,  
 Et jam sponsus ovans venienti occurrere Sponso  
 Ad ripas & transtra paras. VVotonia tecum  
 Ambulat & Belgæ gaudet comes ire marito,  
 Teque suis gestit conjux præferre Britannis.  
 Nescit amor populos. nullum generosa Dione  
 Discrimen Cyprisque facit. placet omnibus oris,  
 Qua placet. & causas odii nec sufficit æther,  
 Nec tellus insonsq; locus. cum Thrace suescit  
 Itala, cum pulchra se misceat Hellade durus  
 Dalmata. non sprevit Phrygiam Briseida Grajus,  
 Et Gothus in media pepigit connubia Roma.  
 Batis in amplexus Rhodanus, Tagus i vit in aulam  
 Sequana dare, tuam. jungunt validissima terras  
 Oscula, quas Mavors dirimit. Tu Belgæ Britan-  
 Kerchovi securus ama. si limite distat, (nam,  
 Si patria, tu stringe duos. jungantur in unum  
 Corporibus, tota non jam tellure diremti.  
 Non aliter Romanus amat; quam Cantaber, una  
 Vis Francum Cimbrumque acuit. si secula distant  
 Moribus, at nullum dissentit amoribus ævum.  
 Adspice, quam cupidus Te nunc adspedlet ocellis,  
 Z. Claræ



Clara domo fulgensque suis natalibus uxor,  
 Virtutum veneranda parens. quam colligit in se  
 Argumenta pudicitia, formamque decori  
 Ostentat Catharina tibi. te cernere coram  
 Se præbet pietas, nec fidei vultus honesti,  
 Et qua sollicitis Prudentia lucet in annis;  
 Gratiaque & nullo splendescens forma parata.

Felix sorte tua. Tibi primi prospera læti  
 Gaudia continuant Superi: rursusque beatis,  
 At Veneris casta gnaris, absconderis ulnis.  
 Quam sapias, & vitæ solers proscribis inertis  
 Otia & ignavas thalamis avertere noctes  
 Exemplo meliore doces. Tibi latius ardet  
 Luciferi jam stella, & bis sul videt amantem.  
 Et quamvis viduo, ferales discutit ignes,  
 Promittitque Deos faciles. Sic tramina recti  
 Multa capis. comisque tuis lenisque poetis  
 Pleetra mores vatum, totoque Helicone rigaris.  
 Vixisti nulli gravis. & qua vexit in Aula  
 Splendores Fortuna, eadem te fassa minorem est.  
 Nec sprevisse Boni studium, nec surgere fastus.  
 Fronis semper privata manet. licet annuat æquus  
 Auriacus, titulisque novos Celsissimus addat,  
 Nomina sola tibi servas; sed commoda cunctis  
 Distribuis, tantisque audis successibus idem.

Ille tibi saltus Bataviam dispersaque Tempe  
 Credidit. in mediis magnis Venator arenis  
 Ingredieris Triviaque legis mandata Diana.  
 Quæ captura feris, quæ tempestitiva salutis  
 Tempora, quis numero modus & venantibus arma.  
 Ille tuis, ubi Mosa maris vomit ostia, nuper  
 Subdidit imperiis agri Puttensis habenas,  
 Et fascis, Geerulietæ, tuos, & proxima Vornæ  
 Mania, nobilibus semper regnata Dynastis.  
 Ille Tibi faciles aditus & mollia fandi  
 Tempora concedit, curasque imperit amicum.

Iam belli, jam pacis opus. Legatus ad hostem  
Mitteris, atque humeros patrio supponis Olympo.  
Et nunc pro nati thalamo, pro Principe nostro  
Verba facis, studiisque tuis spondetur iusto  
Filia regnantis Caroli. sic Anglia nobis  
Iungeris, & geminis firmantur federa pactis.

Iam, VVottona, veni. terra bellacis alummana  
Te faciet, quem nupta tenes. spectaberis aulis  
Hic etiam, poteritque tuo pro Rege videri  
Auriacus, magni Dux oppugnator Iberi.  
Quin, VVottona, venis. poteris sic nupta placere  
Amelia, & facilis nostris assuescere sensim  
Principibus, vatesque tuos ante ora tueri.  
En, dominos Hecnolieta suos expectat, & arces.  
Purgat lata tibi. qui Te veſtabit in alio  
Navita, cum Vorna portus terrasque subibit,  
Ostendet, qua rura reges. cum littora tanges,  
Stabis humo, cui jura dabis. radetque exrina  
Imperio vicina tuo, turresque videbis,  
Quas ingressa coles. O quot te Faunus amator  
Et letæ Dryades venientem & noctivagus Pan  
Frondibus ornabunt. Nymphaque sub ilicis umbra,  
Vet modo sub patula deponent tegmine fagi,  
Vel celsis dominam tollent in collibus. unde  
Desertos poteris longè spectare Britannos,  
Tunc etiam Catharina tuos. sua figit in agris  
Signa lepus, gestitque truci mox prada molosso,  
Te spectante, dari. Corydon cum Phyllide saltus  
Inchoat, & festis resonant arbusta Camœnis.  
Quin lasciva volet Dryope arridere Menalce,  
Leucothoen Daphnis, Nisamq; adamare Marullis,  
Aglajam Cephalus, lepidam Syringa Palamon.

At Senior, cui Nassovii Regina Lycei  
Septima scepra dedit; cujus veneranda Tonantis  
Canities delibra quatit; cui firma senectus  
Fulcit inoffensam, pacata Numine, mentem;



*Prospera prælostri loquitur præsagia natæ.  
Et totam te mente capit. nisi fallor, in albo  
Verice cygnæos immutas Sponsa capillos,  
Et novæ grandævis juvenescit vulvibus Hebe.*

## P R O P E M P T I C O N ,

Ad Amplissimum virum ,  
I A C O B V M vander B V R C H , I . V . D .  
Potentissimorum Federati Belgii Ordd. res,  
Augustæ Eburonum , hoc est,  
L E O D I I agentem.

**I** Vngimur in terris focii, sejungimur illis ;  
Quemque suo fidam Pyladi fors unit Orestem,  
Thesea Pirithoo, mox vastis dividit undis,  
Et dirimit fortuna duos. divulsa vagantur  
Corpora, & hic Merœon, alter transcendit Orontem,  
Alter ad Arctos & pigros navigat axes,  
Alter amat medium Solem, vel torrida mundi  
Regna, vel Occidui preciosa cubilia Phœbi,  
Aut Serum extremos populos. distinguit amicos  
Orbis indivulsus amor. mare, littora, montes  
Transit, & oppositis quamvis se sepâret astris,  
In puncto coit & centro nos jungit in uno.

Tu mihi Eburonum, Vir conjunctissime, terris  
Sisteris, & Patriæ defers mandata potenti  
Et nota Latio geni, cum signa Quiritum  
Sterneret Ambiorix, & juxta fraude Sabinum  
Exueret Cottamque Duces. disjungimur à Te  
Montibus, & quamvis longè semotus, amantem  
Insequitur te nostra Fides. En, ambulat unâ  
Inter Cyclopum pueros, follesque fabrosque  
Fornacesque tuus vates. liquefacta caminis  
Æra videt procul, & sonitus incudibus absens  
Excipit & tantis se fingit ab ignibus iri,

Et tangi meliore Deo. quæ flamma metallis  
 Incubat & d'iris Martem thoracibus indit,  
 Quæque fices formant gladios, tormenta, secures,  
 Hastarumque truces apices; ad carmina, Musas,  
 Et modulos & plectra cient, minuuntque tumultus,  
 Phœbaa sub voce, suos. dum in armora celsis  
 Verticibus frangunt dextra, dum saxa figurant,  
 Tornat aque novâ spe stantur imagine quercus,  
 Ardua Pieridum scando fastigia, & omnis  
 Sudat in Aonio elinguis facundia clivo.  
 Pro saxis plus molle loquar, pro forcipe & armis,  
 Pro galeis, imbelles melos. conubimur ipsi  
 Vel Brontis Steropisque manu formare pœtam.

Quam tua nunc alius decurrunt tempora curis.  
 Nec, Burchi, mihi dole vacas. quam nobilis otii  
 Et vitæ meminisse juvat. cum Leida loquenti  
 Plauderet & magnis opponeret ora magistris,  
 Teque suis juvenem Sapientia conderet ulnis.  
 Tunc per Natura latebras, cœlique marisque  
 Terrarumque sinus latis successibus ibas.  
 Tunc tibi multiplicis veri cognoscere causas  
 Cura fuit, pulchrasque animum diffundere in artes,  
 Scrutarique scholas Grajâ. quam Stoa Lycæo  
 Discrepet & tetricis faciles Zenonibus artes.  
 Quantus Anaxagoras, quam sacrosancta Platoni  
 Sensa fluant, quæ sint Cynicæ sat mascula sectæ  
 Dogmata, & ancipitis sinuosa volumina turbe,  
 Et placitum, Chryssippe, tuum. Tunc redditus orbi,  
 Virtutum didicisse choros & munera recti  
 Regnantumque modos formâsque & dissona regnis  
 Iura, fuit studium, atque hominis spectasse decorum.  
 Tunc placidis juvit præstans donasse Camœnis  
 Ingenium, Phœbumque ex ipsa arcessere Cirrha,  
 Et sacros utum latices & Phocidis omnes  
 Concussisse Deos, & centum lecta puellis,  
 Erectis toties sacrasse pœmata Belgis,



Tunc tibi Casareos iussus, legesque potentum,  
 Verbaque jam populis, jam disceptata Tribunis,  
 Dictavit veneranda Themis, coctusque togati  
 Miscuit ordinibus. stabas pro jure sacerdos  
 Astreæ gravis antistes, civilis honesti  
 Arbitr. inque Ducum vixisti providus aulis,  
 Et tua nobilium testis doctrina refulsit,  
 Et castigatis mansueta palatia fecit  
 Moribus, Heroumque sagax secreta notavit.

Nunc Patriæ Patribusq; vacas nunc publica scri-  
 Nec tuus es minus Aonidum jã sacra moraris, (bis,  
 Pro cunctis dum verba facis. cum principe Phœbo  
 Suetus saepe loqui, Phœbum, Musasque Deasque  
 Negligis, & magni loqueris rectoribus orbis,  
 Affarisque duces populi. Respublica, reges,  
 Regnorumque vices & castra minantia castris,  
 Bellorum pacisque modi, turbata ruentis  
 Europa facies, commissaque culmina rerum,  
 Iam tua sunt. tibi materiam funestaque præbet  
 Argumenta furens mundus, concussaque longis  
 Litibus imperia & diffracto federe gentes.  
 Scripsisti, quid nupta velit, quid virgo, puerque,  
 Mella poetarum & verstantis pabula mentis.  
 Nunc Sueones astosque animis in prælia Finnos,  
 Adversumque Istri dominum, Bavarique potentis  
 Signa notas. quam sint Aquilis vicina Leonum  
 Classica, Nassovique Duces. quid Gallia tentet,  
 Num tuus à Franco Tungrus discedat & Istro  
 Annuat, armorum causas, motusque latentes  
 Vestigas, patriæque caves dispendia terra.  
 Discedis, propiusque juvas. hæc regna relinquis.  
 Nec minus officii prodes. dimitteris, ut nos,  
 Ut Belgas plus civis ames. rediturus abisti,  
 Et titulo meliore redux servaris amicis.

Hac Batavi nos lege sumus. prodesse parati  
 Deserimus patriæ fines & dulcia rura.

Hunc

Hunc Indus vel Moschus habet, trans aquora missi  
 Vadimus, in mediis sedem defigimus Afris,  
 Vel longè Rhenus statio est, aut Sequana Belgis.  
 Sed cunctos amor unus agit, tutandaque late  
 Natalis fortuna soli. sic mercibus, auro,  
 Sic Cerere & Baccho, sic sacro thure beati  
 Credimur. atque istos inter praeclis agendo.

Hæc tibi ab Amstelii, Burchi suavissime, ripis  
 Accinimus. spatius ubi se Cyllenius amplis  
 Explicat, & vasti vendit vaga munera mundi,  
 Oceanique vias aperit, tot puppibus orbem,  
 Classibus ignotos populos, portusque sinusque,  
 Et nunquam lustrata prius. Te pulchra Leodi  
 Arva tenent. ubi monticolas industria gentes  
 Exercet ferrique labor, multisque Deorum  
 Cingeris excubiis. ubi te Mussonius Abbas  
 Excipiet doctisque trahet sermonibus horas,  
 Consiliis annisque gravis. Tibi sanctior ordo  
 Occurret, sacraque inter tot Palladis ades,  
 Invenies vulgi indignas garrilibus aures,  
 Secretasque malis animas; qua mollia fandi  
 Otia congressusque dabunt, & fessa laborum  
 Tempora dulciloquis cupient lenire Camænis.

Nos Tibi gratamur pariter, votisque tuorum  
 Ingerimus quoque nostra. tuo subscribit honori:  
 Myrdani pater imperii, qui pectore pleno  
 Defluit historica felix opulenta vena,  
 Et jamjam Batavi memoranda exordia belli  
 Parturit & tanta scribit molimina scena,  
 Iratosque Patres, & nomina dura, Philippos.  
 Absentem Zulechemus amat. quin carminis in Te  
 Exacuit vim docta manus. Tibi prospera fatur,  
 Permiscetque meis Vicforti gratia Musis.  
 Nec tali dispar trixæ cepit esse Sinapi  
 Præca fides, veterisque mori consortia vitæ.  
 Sic felix tibi Mosa fluat. sic brachia versent



*In numerum iudi Chalybes, & doctior incus  
 Sit versus mensura tui. sic Legia puras  
 Fundit aquas vati, caligantesque fodina  
 Largius effundant, Batavo presente, metallum.*

MANES PALLASII,  
 Sive Prænobilis ac strenui Viri,  
 THEODORI DE PALLAES  
 à STERRE,

Eq. & præliis adversus Turcarum Impera-  
 torem, sub RVDOLPHO Cæsare,  
 ac MATHIA Archiduce clari,  
 Laudatio Funæbris.

**S**ic pugnasse, fuit decori; cum salva triumphat,  
 Et Patriæ stat tuta salus; cum Barbarus hostis  
 Pellitur & positis Majestas erigit armis  
 A bellis immune caput; cum pressa resurgant  
 Oppida & adversæ vim formidare phalanges,  
 Et delassatus discit mansuescere Mavors.  
 Hoc Fabius Deciusque datum. laus ista Metellos  
 Tollit & æternis inscribit nomina fastis  
 Scipiædum fortesque rapit per secula Drusos.  
 Qui furias, Porfennæ, tuas compescuit, unus  
 Cocles erat. Scythici profugum per littora Ponti  
 Indomitum pepulit Pompei dextera Regem,  
 Et Romam asseruit victrix. sub vincula Iugurtham  
 Traxit & Ausonias Marius bellator in urbes  
 Signa triumphatis victricæ detulit Afris.  
 Nec Grajum laus prisca minor, celebresq; per Hellen  
 Lysimachus Niciasque duces, Macetumque sarissis  
 Intrepidus Perdica, nec exorabilis hosti  
 Antigonus bellique potens virtute Seleucus.

*Hæc veterum fortuna fuit. neque nostra fatiscit  
 Aut illaudatis pigra est Heroibus ætas.*

Successere

Successere pares animis. nec gloria dispar  
 Martis agit grandes animas, jurataque Fama  
 Nomina. per seros gliscit Bellona nepotes,  
 Priscaque Pallasio visa est in sanguine virtus.  
 Efferimus clari sobolem Mavortis, & illud,  
 Flebilis emeritum quod bajulat urna, cadaver,  
 Illustris Diderice, tuum est. si Roma superbit  
 Tot Ducibus, jactatque sua bellacia terra  
 Robora, pugnacesque Italus commendat alumnos;  
 Nos cineri, Dux magne, tuo, nos iusta paramus  
 Exequiis, tantisque infert praeconia bustis  
 Melpomene, ploratque sui dispendia fati.  
 Quid Livor malesane fremis? conferre vetustis  
 Hunc mihi fas Ducibus. Crassos si summa potestas,  
 Si Syllas suprema vehit; sua praemia passim  
 Privati meruere Duces. si castra gubernat  
 Consul & in solo stat Dictatore voluntas;  
 Plus miles, plus pugnat Eques. Germania plora,  
 Quem nostra Batavi exstinctum veneramur arena.  
 Et procul hos ipsos affare in funere Manes.  
 Hic vir, hic est, quem tela inter lituosque tubasque  
 Formavit miles genitor. vagitibus ipsis  
 Imbibit armorum strepitus. sub casside jam tum  
 Primitias animique dabat documenta futuri,  
 Et praetextatis audacia luxi: in annis.  
 Mox hastam vibrare manu jaculumque suetus,  
 Ivit in adversas acies: consistere signis  
 Et revocare gradum didicit: nunc stringere in arcum  
 Agmina, nunc laxis eadem diducere campis.  
 Incessit per castra pedes, juvenisque pruinas  
 Et rigidas calcare nives, galeaque severum  
 Sustinuit portare gelu, brumamque rigentem  
 Lambere & invitis praaludere belliger astris.  
 Agmen agens equitum & fulgentes aere catervas,  
 Ipse alto subvectus equo, vestigia pressit  
 Intrepidus, turmasque suas modo providus ala



Explicuit, rursusque globo se continuit Dux.  
 Accepit mandata libens, iterumque minori  
 Belligerum præscripsit opus. timuitque regentem  
 Miles & amplexus dominum est. reverentia major,  
 An ductoris amor, dubium. diffidere norat  
 Hostibus & solido distinguere prælia bello,  
 Gradivumque patrem nisi fallacibus ausis.  
 Iam victi, jam victoris, ceus ju dice cælo,  
 Mutari sine lege vices: nunc utile vallis  
 Præcipites inferre manus, nunc claudere castris:  
 Nunc latebris excire hostem, nunc fallere silva:  
 Nunc ordiri aciem, nunc sustentare labantem  
 Auxiliis. Quoties vidit placidissima Phœbe  
 Ire per invisa matura crepuscula noctis,  
 Rimarique vias hostis. cum Sirius arsit  
 Feruida que excelso gemerent tentoria Cancro,  
 Fulminea circum conspersus pulvere pugna,  
 Abscondit galea caput & sudoribus iras  
 Exacuit pectusque minis accendit anhelum.

Nec suasit rabies bellum, nec Martius armis  
 Suffecit furor. at Martem ratione probavit,  
 Et momenta prius causasque expendit inermis.  
 Pallasi, quibus hic animis pugnamus & iris,  
 Displicuere tibi. damnata ferocia semper  
 Christiadam vesana fuit, quos nomen amicum  
 Iungere concordēs poterat, divellimur, eheu,  
 Alter & alterius satiamur sanguine cives.  
 Cumque ferox posset studiis communibus Helles  
 Terribilis vinci domitor. collidimur ipsi,  
 Et patet Eoō infelix Europa Tyranno.  
 Tu melior, Christi juratum nominis hostem  
 Oppugnās, Diderice, tuæque opprobria gentis  
 Diluis exemplo. tu religionis amori  
 Vorasti bellacem animam, Pietasque coruscum,  
 Te pugnante, caput laudato sustulit evo.  
 Tunc, pacata domi, sociis Germania sceptris

Restitit

Restitit Euxini Domino, Lunamque bicornem,  
 Helæ Pontiacæ ferialia signa tæaræ,  
 Cornibus infractis solâ virtute cœgit  
 Stare loco; vetuitque gradum proferre superbam  
 Regnatorem Asiæ & patrias incesse terras,  
 Imperiique caput, validam sperare Viennam.  
 Quis per Sarmaticos, bellaciam jugera, campos,  
 Ivit ovans? quis Pannoniis se probruit undis  
 Danubioque immersit equos? quis moenibus acer  
 Infruit & pulsus ferratas hostibus arces  
 Fregit & Austriaco meruit sub Principe lauros?  
 Pallasius fuit. hic Buda sub turribus altis,  
 Undique cum densæ vallarent signa cohortes,  
 Turcicaque Hungaricis instarent agmina castris,  
 Fecit iter gladio, mediisque elapsus Achivis,  
 Barbaricas fudit, gavisos Casare, turmas.  
 Ille, ubi Regalis se dederet Alba, triumpho  
 Et cepti pars magna fuit. quin libera debet  
 Canisium Scacabimque Duci. Veprina, Thiana.  
 Scambochum, castella suis horrentia portis,  
 Hac etiam sunt victa manu. dic, Pestha, labores  
 Militis & pulchrum facinus, cum feruida belli  
 Ingrueret facies, Turcisque furentibus, ipse  
 Mutatis iterum atque iterum pugnare caballis  
 Visus, & haud uno labefactus vulnere, victor  
 Caesaris amplexu meruit plausuque notari.  
 Dic clades, Solymanne, tuas, cum Mora tuorum  
 Cadibus irrubuit. dic, Marcomanne, ruentem  
 Pallasium, spoliisque exutum insignibus hostem.  
 Et factis reducem retrò cecidisse manipulis.  
 Hac dextra, Boskaye, cadis. Calissima rursum  
 Reddita Caesaribus, nostro Ductore superbit.  
 Ultima præclaris finem Pax aurea bellis  
 Imposuit. Patriæque quies dum parva, resedit  
 Gloria bellatrix, gladiosque & signa tubasque  
 Atria, pacatiquæ Aula tenuere recessus.



Et laudum Fameque satur sibi vixit, & exors  
 Militia, Austriacæ retulit præconia lingua,  
 Gestorumque graves tabulas. heroibus Heros  
 Additur, & præsci veneranda insignia seclæ,  
 Atque Equitum sublime decus Mavortius aufert.

Nunc procul illustri miles semotus ab Istro,  
 Conditur in Batavis. ubi nos bella, altera bella  
 Exercent & tuta suis securior audit  
 Belgica Libertas Ducibus. Te fama superstes  
 Nunc quoque Pannoniis clarum miratur in agris,  
 Et potor, Diderice, Sævi. quibus exit in æquor  
 Faucibus, effundit vestra tot nuncia dextra  
 Danubius, timidamque tuis Chalcedona terret  
 Ausibus, & vexata diu palatia Thracum  
 Principis & magnos Selymi de stirpe nepotes.

Maxime bellator, pulchris involvere gestis,  
 Quoque jaces tumulo, rerum monumenta legantur.  
 Quique legent Belgæ titulos, pugnasque genusque  
 Et proavos, tanto capiant à milite vita  
 Exemplar non vile sua, Patriaque focisque  
 Invigilent, arisque Deum. de sanguine nasci  
 Nobilium laus digna Ducum. plus, ista mereri.  
 Qui cineres librant altis cervicibus, ipsum  
 Odrysiū gestare reor. quæ vestis inumbrat  
 Exuvias, tegit Atriden iterumque renatum  
 Peliden Turnumque. capit lachrymabilis urna,  
 Quem non Austriacæ sedes, non Pannonis ora,  
 Paltasi nec terra capit. Quin adspice, in ipso  
 Qui suspensa micant calcaria sæva feretro,  
 Quique rigent enses juxta, galeaque, minantur  
 Post obitum, dirumque vocant ad prælia Thracem.  
 It sonipes, guttasque jubeis abstergit & ipsi  
 Præcedit mærens Domino. quam vellet in hostem  
 Festinare ferox & despumare dolorem.

Ipse gener, cui se excellens depondit Eliza,  
 Iusta facit, sobolisque tuæ suspiria miscet

Sapè suis. parvisque nepos, qui patris ab ore  
 Virtutem cognoscet Avi, vestigia jam mox  
 Ista premet, similisque volet Tibi grandis haberi.  
 Nos quoque, quos tanti fulgor percellit honoris,  
 Mnemosyna tot gesta damus. nos busta coronis  
 Cingimus, & veteris lachrymas in funere Rheni  
 Fundimus, ut flenti longè consentiat Istro.

## VENVS TRANSMARINA,

Sive in Nuptias Nobilis ac Magnifici viri,

D. DANIELIS SCHONKII,

Domini Poelgeestæ minoris; Et

Præstantissimæ Virginis,

ANNÆ IONVÆRÆ.

**S** Axonica gentis populi, & tu belliger Albi,  
 Cujus ad attonitas sonuerunt horrida ripas  
 Classica & offenso crudescit Casare bellum;  
 Seu Sueoni cessere Aquila, Sueonumque phalanges  
 Sublimi cessere Aquila, Regumque Ducumque  
 Aternas doluit mœrens Germania clades:

Iam Pacis dic verba, precor; lituique tubaque  
 Immemor, innocue Veneri largire parumper  
 Otia, funereasque faces flammisque globosque,  
 Cypridis immuta facibus. compesce furorem  
 Mars pater & blandos thalamis immitte furores;  
 Dum meus eximia fruitur complexibus Anna  
 Schonckius & totum venis admittit amorem.  
 Sic ubi se Thetidi Peleus permiscuit, iras  
 Composuit Bellona suas & pronuba Divum  
 Thessalicis latè viguit Pax aurea terris.  
 Si Veneri Mavors dedit oscula, basia certè  
 Hoc Veneris meruisse reor, ne laderet illam  
 Effera Mavortis rabies. descendimus omnes  
 A Superis similique decet nos sorte procari.



Milius ingenium est Spanis, concordia major,  
 Inque vicem jurata fides. ruit acer in hostem  
 Odrysius, quem nescit amor. sub amoribus orbi  
 Vita redit gaudetque novis natura colonis,  
 Et secunda sui est. Getico sub Principe marcent  
 Rura, foci & pulchra viduantur civibus urbes,  
 Et male nubit amans. dudum rubuere cohortes  
 Sanguine; nunc molli vadit virguncula gressu,  
 Et læta spe tota rubet. sic dispare fato  
 Gradivi parvis & Paphis pugnatur in armis.  
 Non mihi jam vel castra Ducum vel Caesaris aula,  
 Vel procul Arctoo missas à sidere gentes  
 Calliope cataphracta refer, non subruta flammis  
 Oppida dispersasque acies. novus exit in Albim  
 Et spreis Batarum populis hic ardet amator,  
 Stormariæque fidem gaudet jurasse puella.  
 Nunc thalami memorare jocos & basia fas est,  
 Et faciles in amore oculos & murmura amantum,  
 Verbaque, moroso quamvis, recitata Catoni.  
 Da speculum Citherea mihi, dic pectinis usum,  
 Dic zonam, quam solvet Hymen. dic flammea, peplos,  
 Dic chlamydes pictasque togas. da tela Cupido,  
 Da pharetras. hæc apta magis sunt nomina nuptiis,  
 Hæc tua sunt, pharetrate puer, matrisque voluptas,  
 Sponsorum decora & blandi instrumenta laboris.  
 At mihi quis vidui damnare incendia lecti  
 Audeat, & vitio repetitos vertat amores?  
 Exemplo dum, Sponse, prais. en altera lectum  
 Irradiat Cytherea tuum, fax altera, tædæ  
 Illuxere nova. veteris vestigia flamma  
 Nondum abolere dies potuit. progressus amanti est,  
 Atque artem naturæ facit. plus, rursus amando,  
 Discimus & tantis bis Sponsi adsuescimus ausis.  
 Virginitas quam multa timet, quam vana pudoris  
 Argumenta capit. viduo fiducia major,  
 Plus solitis animosa joci. mens gnara cubilis.

Conjugis officium, quid turpe, quid utile, quid non,  
 Et momenta thori captandaque basia novit  
 Rectius & docta mulcet ratione maritam.  
 Ivit in Æneæ amplexus Lavinia conjux,  
 Cum viduus Trojanus erat; raptaque Creusa,  
 Itala quo distet Phrygiis discrimine mater,  
 Perdidicit. magnum Æneæ de sanguine nomen  
 Huic etiam Casus potuit succumbere culpa.  
 Atque novos domina Veneris sensere furores,  
 Terrarumque marisque duces. quàm femina res est  
 Omnipotens. fluctus ultra fluviosque lacusque  
 Poelgeest & raptat Dominum: Batavisque remotum  
 Sedibus, immiscet mercantis coetibus urbis,  
 Et rursus Sponsi titulis illustribus ornat.  
 Hoc, longuèra, facis. dum Rheni ripa bicornis  
 Sordet amatori. tuus est, qui poscitur, Albis.  
 Hic habitas spes tota viri. per flumina, terras  
 Impavidum transvexit Amor. tu blandula pennas  
 Remigiūque dabas & amicum calcar eunti.  
 Iam nivei mores, jam docta gratia lingua,  
 Iam patria fortuna domus, jam stirpis honores,  
 Et probitas tenerique decens reverentia sexus,  
 Grataque simplicitas, obversabantur amanti.  
 Talis ad illustrem superatis fluctibus Herum  
 Ivit Abydenus puer & per vasta profundi  
 Repperit in mediâ Theseus Minoida Creta.  
 Sed nova res. dudum in Geminis Cancroq; Cupido  
 Arsit amans, auxitque suas sub Virgine flammâs  
 Vt flammâ vim flammâ daret. nunc frigora flam-  
 Parturiunt, ipsiq; queunt caluisse Decembres, (mas  
 Et qui brumales effundit Aquarius undas.  
 Ecce Dionæis uruntur corda favillis,  
 Et Veneris nunc gliscit opus. dum Cynthius annum  
 Inchoat & veteres repetit per sidera cursus,  
 Schonckius orditur genialis gaudia lecti,  
 Et gelido sub Sole calet. cum mensibus iri



*Incipit, atque illos numerans numerabit amores.*

*Ut sensit Poelgeesta faces & federa quæri  
 Conjugiique decus Domino, sic esse locuta  
 Creditur: Auspiciis propera felicibus, & te  
 Incolumem deducat Hymen. non vestra columba  
 Murmura, non heder & amplexus, non oscula concha  
 Exsuperent. tot funde nova de matre nepotes,  
 Quot tua fecundis cinguntur pradia terris,  
 Quot tua vicinas spectant palatia turres,  
 Aonidumque domos & condita culmina Phœbo.  
 Absenti tibi spumat equus, dominumque quadrigæ  
 Exspectant celeresque rota. mox Vere sub ipso  
 Fundet ager flores geminis. hortique virebunt  
 Latius & placidis spirabunt flatibus Euri.  
 Tunc te magna Pales sociæ cum conjugè fessum  
 Excipiet multoque adsperset gramine Sponsam,  
 Flora caput cinget violis myrtoque rosæque,  
 Ut possit placuisse magis. tunc rustica Phyllis  
 Cum Corydone suo steriles proscribet amores,  
 Et cupiet festiva loqui. pulcherrima Najas  
 Pulsabit liquidas tot cincta sororibus undas,  
 Ceu Rheno nuptura seni. venabula, casses,  
 Aptabit Diana tibi, leporesque cavernis  
 Exhibit vis gnara canum. tunc athere ab alto  
 Icta cadet per te volucris. vel dedita fossis  
 Improvisa sui plorabit tempora fati.  
 Tunc celebres nuptæ monstrabit Leida magistros,  
 Socraticasque togas, bellacisque ostia Rheni,  
 Et turres, Engiste tuas, miraberis, Anna,  
 Oceani grandis spacia & qua littore in illo  
 Merguntur Latius struicta ductoribus arces.  
 Plus poterit placuisse tuus, seu basia figet  
 Intrepidus, seu blanda loqui facundia tentet,  
 Seu toties vati lucas donabit amico,  
 Et non fucato miscabit dulce se vero.*

*Sic visa est Poelgeesta loqui. post rura, domosque*

Nos etiam, Schonki, geniali applaudere lecto  
 Fas erit, & totum Cyrrha deducere Phœbum,  
 Et thalamis inferre Deos, Veneremque Iovemque,  
 Latitia risusque Deos. Nos, numine lævo,  
 Dulcia concordis nescimus gaudia lecti,  
 Nec facilis Lucina mihi est. tibi mordet arenas  
 Anchora, & optato requiescit cymbula portu,  
 Et gaudet securæ sinu. procede secundis  
 Auguriis, ingens thalami trans mitte profundum,  
 Atque inter scopulos & inhospita saxa carinam  
 Dirige. sit tibi Tiphys amor, cynosura nepotes,  
 Flabra joci, antenna Charites, prudentia clavus.  
 Mox Batavos invise tuos, & præscia partus  
 Non peruisse tuum monstret Ionquæra laborem.

## E P I C E D I V M,

In obitum Reverendi Clarissimiq; viri

D. M. SIMONIS EPISCOPI,

Ecclesiastæ & S. S. Theologiæ in illustri

Batavorum Academia ante hac

Professoris dignissimi.

**P** recessere Ducum mortes & grandia dixi  
 Funera & illustres obitus clarumque cadaver  
 Pugnantis pro Rege animæ. peregrina locutus  
 Damna sui & fractis Richeli cervicibus, axes  
 Nutantes Druidum & socii dispendia regni.  
 Tunc habuit regalis apex, quem luxit, & ipsi  
 Sanctior in Latio defleta est purpura Tybri,  
 Attonitamque procul concussit Sequana Romam.  
 Nunc propior me luctus habet, tituli que minoris,  
 At sacri tamen, exuvias, metuendaque Roma.  
 Nomina deflemus Batavi. jam lata Quiritum  
 Exultat domus, Ausoniis dum partibus acer

Cessit



Cessit Episcopus, Tiberique hæc gaudia sola  
 Morte facit, Dominam charis qui terruit Urbem,  
 Et vixit tibi, Roma, gravis. mutata malorum  
 Scena patet, nostrisque incumbens pallida terris  
 Devotum tibi, Christe, caput, cœlique ministrum  
 Subduxit Libitina suis. non sceptrâ Ducesque  
 Ad tumulum cineresque viri deposcimus. aulæ  
 Funereos nolo strepitus pompasque potentum,  
 Et quicquid fastu tumet & se polluit ostro.  
 Incedat fluidis mœrens Ecclesia vitis,  
 Et pallam funesta trahat. Vos ordine cives  
 Ite, quibus toties cœlestis nuntia vita  
 Insonuit tuba, & æthereâ validissima causâ  
 Buccinâ. nunc miseris, nunc peccatoribus urnam  
 Tollimus, & spretas mundo submittimus umbras  
 Exequiis, trahimusque Dei post busta cohortem.  
 Sic ubi flammiferis Thesbitem auferret Olympus  
 Curribus & tanto infelix Iudæa magistro  
 Orba foret, stupuere patres, ploravit ademptum  
 Ifacides, raptoque seni pars optima gentis  
 Indoluit luxitque virum desertus Eliseus.

Ipsa rogam tangens Pietas, sic fatatur: in illis  
 Exuviis sum fassa Deum, partæque salutis  
 Grande opus & magni cunas & funera Christi,  
 Calcataeque domos Erebi. non terruit illum  
 Impietas sedique furor, nec nixa priorum  
 Lege superstitio aut veteris constantia falsi.  
 Sola fidem fecit scripti fiducia veri,  
 Nec dubia Superum voces & prodita cœlo  
 Relligio, & validis spes imperterrita vatum  
 Eloquiis unoque Deo doctore triumphans.  
 His latuit Pax exuviis, litæque perosum  
 Pectus, & hæc suetum populis credenda fateri,  
 Quæ cunctis sine nube patent: his legibus orbem,  
 Sic coisse pios: sic sanctis federa nequi,  
 Nec placitis dirimi socios: ea bella vetari,

Quis regnum sibi quisque struit : decretaq; templis  
Vult inferre ferox, non persuadere modestus.

Hæc docuit, qui noster erat. quin regula morum  
Tarsensique diu descriptus Episcopus, orbi  
Hunc dedit exemplum, partesque implese docentis  
Credidit & summum factis monstrasse Tonantem.  
Ista sacrosanctos inter Facundia cœtus  
Detonuit, potuitque animos fregisse rebelles  
Adversosque mihi. nihil est, quod diceris, Orpheu.  
Agrestes homines sacer interpretque Deorum  
Avertisse fero cultu, fidibusque misellam  
Eurydicen stygiis olim rapuisse tenebris.  
Hic sacer interpretes Batavum cœlestibus urbes  
Vocibus implevit. visum pallefcere quodvis  
Crimen & improbitas dictis percussa severis  
Horruit & sacrum timuit vesania fulmen  
Et tonitrus, Vir clare, tuos. mutata fuere  
Pectora peccantium; castigatique furores  
Subsidere malis. sic quondam condidit arces  
Amphion fecitque bonas, majorque refulsit  
In terris virtutis honos. audivimus oris  
Optima verba tui, cum te vis docta loquendi  
Per voces raperet, populo plaudente, Beatas,  
Tantaque mirandos caperent oracula sensus,  
Tunc felix tibi pauper erat. solatia mœstis  
Pulchra dabas. mihi tellus promissa fideli est.  
Cœlica dos justo. mundis augusta verendi  
Ora creatoris. summi clementia Patris  
Vindicibus misera gentis. tunc pacis alumnos  
A Superis cœloque genus traxisse docebas.  
Hoc memini, stupuisse mihi ceu cœlitus ictum  
Pectus & adductis intus collisa fuisse  
Viscera visceribus, cum tot discrimina, cades,  
Fataque sanctorum atque insonis barbara turba  
Supplicia infandumque pius renovare dolorem  
Orsus eras, Regumque iras & bella referres



*Arduus & pavidis sanctorum incendia flammis.*

*Quantus erat fervor cupido, quis zelus agenti  
Res hominum causasque Dei. sit Rottera testis,  
Et qua rura tibi debent exculta docenti,  
Officii que modos à te didicere magistro.*

*Quàm subit illa tui quondam Doctōris imago  
Rhene pater. cum tot juvenum stipante caterva  
Iret & in mediis Bataavorum invictus Athenis,*

*Assereret veri partes, perplexaque Graiū  
Dogmata, Palladiæque aptaret præmia fronti.*

*Publica cum celebri inferrent mandata Lycæo,  
Diffudit se fama viri. tunc Belga, Britannus,  
Pannonius, potorque Savi, collectaque pubes  
Undique, fatidicæ veneranda arcana Minervæ  
Hausit, & athereas scrutata industria voces*

*Agnovit gavisæ Deum, & servantis Olympi  
Robur adorandum & venturis abdita sedis.*

*Errori præclusa via est. erepta Sophistis  
Arma, dolique omnes isto sub vindice dudum  
Et latebræ patuere. stetit munita valensque*

*Illo præceptore Fides. perque ardua rerum  
Præcipitesque ævi salebras nos intulit astris.  
Ille per adversos Patriæ sine crimine fluctus  
Tutus iit, mediisque insons caput extulit undis,*

*Exilioque redux, magna se reddidit urbi,  
Quæ fuerat natale solum. nunc plorat ademptum  
Civis Episcopium, & non pasci vocibus istis  
Se dolet, attentasque frui sermonibus aures.*

*Hic cineres caput urna tuos, Vir maxime; sed te  
Laxior orbis habet. spatium non clauderis illis,  
Quæis diffuse jaces. quavis in mente tuorum  
Conditur urna tibi. tecum doctrina vagatur,  
Et quæ se vis ingenii, memorabile nomen  
Explicat, & placidos extollet posthuma manes  
Posteritas, dicetque suis: jætāmur amici  
In terris, mediosque sibi secreta per ignes*

Mens & causa gradum faciunt. innoxia gliscit  
 Simplicitas, curatque parum, cum conscia recti est,  
 Se mundi mactari odiis. si terra negatur,  
 Insoni cœlum omne patet. non exulat orbe,  
 Quem pars orbis habet. patria est, ubi vivere forti  
 Posse datur. non templa piis, non limina desunt,  
 Virtutum cum templa sumus. sat magna coimus  
 Agmina, cum se sancta probant. sociamur in unum.  
 Nec sumus avulsi fratres, quos unius omnes  
 Spes vitæ melioris agit, quos alligat uni  
 Rerum summa duci. diversi coetibus imus,  
 Sed Christo monstrante viam. discordia partes  
 Sola mente facit; sed quas coalescere tandem  
 Suadet amor, Roma metus & vix pulsa tyrannis,  
 Partaque concordie libertas aurea regno.  
 Hæc voluit, cujus nunc officiosa feretrum  
 Pone sequor. talis potuit placuisse Tonanti.  
 Dixerat hæc Pietas, & cœlo debita mater,  
 Dum præclaram animam cognatis inserit astris,  
 Has veteri jussit lachrymas me flere sodali.

## I N N V P T I A S

Amplissimi viri,

D. IOHANNIS vander MEYDE,

Rotterodamensium Consulis; Cum  
 Præstantissima Virgine,

CONSTANTIA BARTELOTTA.

VICTA ruit, tandemque cadit Constantia verbo,  
 Et patitur mansueta virum. generosa fatiscit  
 Virginitas, nec tanta sibi jam nomina constant  
 Uterius, vocesque graves blandissima frangunt  
 Oscula, magnanimique labat reverentia dicti.  
 Scilicet excellens tot retrò secula Virgo

Cogi-



Cogitat, & non vult primævis matribus esse  
 Dissimilis, vel sola sibi sapuisse videri,  
 Post Saræ thalamos, tactasque ab amore Rebeccas,  
 Post Adas Sillasque & prisca vocabula Laas,  
 Quæ sitamque diu rara mercede Rachelem.  
 Sensit inexpertis accendi pectora flammis,  
 Et procul ex ipsa nascentis origine mundi  
 In neptim transire faces; quo sanguinis usque  
 Pertingit series, etiam pertingere amantum.  
 Quæ Deus innocua dixit secunda parenti,  
 Audiuit sibi verba loqui; latuitque sub illo  
 Bartelotta sinu, qui matres edidit omnes.  
 Quæis pater humani generis complexibus Evam  
 Ambit, implicuit cunctos natura nepotes,  
 Et costæ pars quisque fuit. sub risibus istis  
 Risimus, & quicquid patres, nos fecimus ipsi.  
 Arsimus his lumbis pueri, didicitque procreari  
 Posteritas. medios etiam, tu Sponse, per agros  
 Fortunatorum nemorum, cum conjuge sponsa  
 Ivisi, viditque tuos tunc Lucifer ignes,  
 Præsentisque thori Superis prælusit imago.  
 Ad Tigrim Paradisus erat. nunc Rottera ab illis  
 Incaluit longinquus aquis, occultaque subter  
 Semina conjugii socium diffudit in Yam,  
 Mudanosque latens invasit flamma penites.  
 Convenere domus dignæ, fascesque durarum  
 His nubunt pulchrè thalamis. in Consule sponso  
 Vult gravis esse Venus, Satrapasque immiscet amor  
 Terribilem Astrææ faciem, & peccantibus ençes  
 Ostentat pœnasque mali. divisa potestas  
 Iungitur amplexu, & populi rectoribus aque  
 Annuit & lata subridet fronte Dione.  
 Quàm faciles, Mevdane, Deos expertus amasti.  
 Quàm favère Duces Batavum. dum Cypridis aulæ  
 Sollicitat tibi faustus Hymen myrtoque coronat  
 Tempora. Nassovius magna te præficit urbi.

Rectoremque facit. pariter concurrere honorum  
 Vidimus & lecti titulos, partesque voluptas  
 Majestasque suas obiit, dictusque magister  
 Civis, Acidalix submittis frena magistra  
 Et Paphon agnoscis dominam. dum Cypride plena  
 Emollit rigidas tua Bartelotta secures,  
 Et trabeas peplo recreat vittaque Senator  
 Frangeris & tepido subsidit Curi lecto.

Non Indo praefectus amas dare jura remotis  
 Gentibus, aut pandis laxas jam vela carinis,  
 Memnoniasque domos calidique palatia Phxibi  
 Concilii pars magna regis. totum exigit uxor,  
 Et ducenda domi conjunx. narrantis ab ore  
 Fortè procul sponsum poterunt te scire Molacce,  
 Nominaque in tabulis scribet genialia Tiphys,  
 Et virides alta suspendet puppe coronas.  
 Non Batavum diffusa tuis araria curis  
 Erigis & grandes numerat solertia census.  
 Vna tibi ad numerum satis est. rationibus una  
 Inclusa est nunc Virgo tuis hac sola superbas  
 Aequat opes, numerosque & summas colliget udis.  
 Basiolis, atque illa volet numerare maritum,  
 Deliciasque thori gremio confundere in uno.

Adspice, quam pronis tua te Respublica votis  
 Excipiat, signetque novis successibus annum.  
 Quam sibi securos promittat navita portus,  
 Te Patria moderante ratem. nos plausimus ipsi,  
 Dum tibi continuo decurrit Consule stemma,  
 Et proavum sine labe decus nunc esse nepotis  
 Scimus, & in sobolis vultu regnare parentes.  
 Nai adum festiva cohors ad flumina Mose  
 Ludit, & illimi lemniscos conficit alga,  
 Cunctaque virtutum notat argumenta tuarum.  
 Et Sponsa recitat Veneres; quæ gratia dictis,  
 Qualis in ore lepos, quam grata modestia morum,  
 Quam forma venerandus honos; & nescia fuci



*Simplicitas, quàm femineas exculta per artes  
 Vivida mens, & gnara sui natura decori.  
 Ecce tuum præstans juxta matrona cubile  
 Tessela stat, loquiturque gravi præfagia voce,  
 Atque oblita sibi commendat basia vobis.  
 Illa Camœnarum decima est, & sola virile  
 Provocat ingenium vestrisque illustria tedis  
 Verba canit, viduaque putat plus posse favorem,  
 Cum vidui transcendit epos. sic ludimus unâ  
 Versibus, & grandes studiis flagramus in æstus.*

*At Domus audacis fato celeberrima Velsi,  
 Et vinclis, Dux magne, tuis, vos latior ambos  
 Respicit & mox venturis penetrata nuptis  
 Pulchra aperit, Brutumque cupit spectare graviisque  
 Conjugis os, læsumque femur, fideique jugalis  
 Laudarum specimen, veteris miracula Roma.  
 Creditur auditum murmur, Velsique latentem  
 „ Errantemque istic animam dixisse: Batavi  
 „ Si cessere Ducis saltus, tu sponse viriles  
 „ Auspiciis ordire aliis; si Principis ultor  
 „ Flagitique fui, meliori Principe nubat  
 „ Machtildis Mudana tibi. Quin Flevus amicas  
 Sternit aquas, Vechtæque cupit placabilis ire,  
 Et cunctos circum succendit amoribus agros.  
 Ut sociam poscat Progne, ferventior Isis  
 Irruat in Venerem, pascentes impleat agnos  
 Dux gregis, ut mediis gliscant in fluctibus ignes,  
 Squamigerumque genus madido consuescat amanti.*

*Scilicet in Geminis Sol est. cum Castore Pollux  
 Ardēt, & in terris geminos, flagrantibus astris,  
 Iam sponfos facit, ut geminos deducat ab illis.  
 Crescite felices thalami, vestrique fovete  
 Spem generis, trabeasque inter fascesque nepotum  
 Patritius succrescat honos. dumque ibit in aquor  
 Rottera, dum celsa stabunt fastigia turris,  
 Et rutilo vultus verè sapiens Erasmi*

*Ære perennabit, poteritque hoc cernere Livor,  
Præstet inoffensos sobolis prudentia cives.*

V I S V R G I S  
L A C H R Y M A N S,

Sive Nobilissimi, Amplissimi, Pru-  
dentissimique Viri,

D. NICOLAI à RHEDEN,

Liberæ & Imperialis Bremensium Rei-  
publicæ Consulis Laudatissimi  
Laudatio Funebri.

**Q***ua toties nostris miscet commercia terris,  
Et formidata Hesperis, tranquille Visurgi,  
Conciliat hæc regna tibi, Batavumque po-  
tenti*

*Imperio & sociis gaudes adsuescere Belgis;  
Has lachrymas confunde tuis, & Consule in uno  
Communes precor esse velis ad busta querelas.*

*Qui lucris persæpe tuis, nunc Amstelæ damnis  
Afficitur, tantoque dolens in funere plangit,  
Surreptosque tibi deplorat præfica fasces.*

*Non Regum jam fata queror, non vulnera, cedes,  
Non tumulos, cineresque Ducum, non horrida  
Martis*

*Castra sequor vates, cuneisque immixtus & armis  
Teutonico mœrens calamos in sanguine tingo.*

*Te sequimur, Rhedene pater, dumque alior astra  
Eveheris, nostroque pius subduceris Orbi,*

*In cœlos mea te pietas comitatur euntem,  
Quasque habet exuvias tellus, hic posthuma deflet  
Calliope; toto quamvis rectore potiri*

*Mallet & in medio dicentem audire Senatu.*

A a

Te



Te cives coluere tui, patriaque parentem  
 Brema diu venerata fuit. dedit illa, Senator,  
 Natales angusta tibi, teneraque iuventa  
 Flexit iter, magnisque animum virtutibus olim  
 Imbuit, & felix per te crescentibus annis  
 Visa fuit, seque illustri jactavit alumno.  
 Imperii micuere nota; poterasque regenti  
 Ante diem credi similis, generosaque gentis  
 Nobilitas pulchri titulis fulgebat honesti.  
 Sumebas a stirpe decus, splendorque parentum  
 Calcar erat. nec degenerem, Vir summe, volebas  
 Esse tuis sobolem & proavis differre nepotem.  
 Tunc populis exempla dabas, & civibus ibas,  
 Majorum pietate, comes, doctasque per artes  
 Raptabas studiosum animum; & qua scire volebas,  
 Venturos patriæ prudens servabat in usus  
 Sedulitas, casusque quibus Respublica posset  
 Ista quati, longe jam tum mens provida vidit.  
 Sic Cyneam studuisse reor, sic Nestora cunctas  
 Regnorum didicisse vices, quid turpe, quid aptum  
 Gentibus, & quibus attollant se sceptrâ ruantque  
 Consiliis, quæ pacis opes, discrimina belli,  
 Et quæcunque forent terris præcepta regendis.  
 Sic grandes patuere Scholæ, & prudentia sumisit  
 Incrementa foris. poterat tibi Belgæ placere  
 Noster, & hæc totum precio quæ distrahit Orbem,  
 Vrbs, Batavi regina soli. Vogelaria cum te  
 Excepit, fovitque domus, fidiisque paratum  
 Nomen amicitia studiis, venerabile vobis  
 Sincerumque fuit, nec in ipsa morte remissum.

Dum misera assiduus teritur Germania bellis,  
 Hinc Sueones, hinc signa movet contraria Casar,  
 Et circum prævidis incumbunt castra Cheruscis,  
 Neuter agis causam & securâ pace tuæris  
 Oppida, nec rixis infers civilibus urbem.  
 Tu facilis, tu lenis eras, tibi nescia fuci

Simplicitas, gratique omni sub sidere mores.  
 Non te turpis avarities, non subruit auri  
 Sacra fames, foribusque latens vindicta potentum.  
 Te mitem sensere humiles, rigidumque rebelles,  
 Gloria demissum stupuit, constantia rectum.  
 Sobrietas in te Curios laudata renasci  
 Vidit, & antiquam gravitas non ficta Catonem,  
 Attilium jurata fides. quam grata loquentis  
 Suada tui, & duras sermo qui flecteret aures.  
 In vitum deprendit honos, & rapt a per omnes  
 Te vexit fortuna gradus, laudumque theatris  
 Intulit & patrias ultro concessit habenas.  
 Tunc coetus viguere pii, te Præsidae, & ipsum  
 Templi Deum timuere magis. risere Camæna,  
 Et toto melior sonuit Doctrina Lyceo.  
 Maxime vir, vix summa tua fastigia laudis  
 Radimus, & timidus lassant præconia Musas.  
 Nec par Chirra tibi est. qui publica commoda rexti,  
 Tot privata refers. meritis in ætibus æther  
 Annuit & viæ facili largissima donat  
 Munera, fecundosque thoros. quem gratia totum  
 Formarat, deinxit Hymen; & prole beavit  
 Non una Lucina favens. nupsere sorores,  
 Triga decens Charitum, spemq; explevere nepotum,  
 Nec minus in natis, genitor Rhedene, superstes  
 Vivis adhuc, totidemque à te deducis avitæ  
 Munimenta domus, & queis insistere Brema  
 Possit, & una sui causas committere fati.  
 Iam felix terris sublimior adspicis illas,  
 Et conculcatos mandi mens ardua fastus  
 Spernit, & alterius spectas moderamina sceptri,  
 Restoremque Deum. jam Christo plenus honor una  
 Summa tenes, cœlique tibi nova gaudia præcos  
 Discutiunt, morbo non hic vexante, dolores.  
 Luget Mitra decus tantum, clausamque sepulchro  
 Canicem dignumque capit. tot pulpita squallent,



Doctorem percussa sonis. quin vindice Pallas:  
 Orba suo, passis querit in funesta capillis,  
 Indicitque moram studiis. cœlestia luctus  
 Verba loqui, sacras venerando in funere voces  
 Fundit & exacta laudes & pondera vitæ  
 Colligit. assertas illo sub Consule leges  
 Laudatrix Astræa refert. decedere patrem  
 Civis ait, dominumque simul. tumultoque sub uno  
 Rectorem clamat populi seseque recondi.  
 Parcius Aoniis manant è fontibus undæ,  
 Quas dolor absorbet. Brema vicinior Albis  
 Condolet & socias implet singulibus urbes.  
 Inque mali partes Amasin rapit. ipse remotus  
 Amstela, me cunctas iussit deferre per oras  
 Nuncia, & insignes fastis inscribere mœnes.

Vos veniam date Bremenses, si carmina vestris  
 Sustineam sacrare togis. Vos matris habetis  
 Ossa mea, charasque tegis, pia Brema, sorores,  
 Ut vates jam sponte loquar. dum misceor istis  
 Funeribus, subeuntque animum tot busta meorum,  
 Fas puto me vestri cineres tumultumque vereri  
 Consulis & gratas vobis impendere voces.  
 Tuque adeo tanti soboles generosa parentis,  
 Tolle faces recti, subductaque lumina nobis  
 Reddite, magnanimoque pares succedite patri.  
 Sic fauceat vobis paribus respublica votis,  
 Floreat Vrbs regnetque diu: sic mœnibus istis  
 Arceat hostiles Superum clementia dextras.

Illustriſſimo ac Generoſiſſimo  
Domino,

D. BOVTHELLERIO,

Comiti de Chavigni, Chriſtianiſſimo Regi  
à Conſiliis & ſecretis.

**T**riſtes quærelas Gallia gemiſcentis,  
Regiſque voces Purpuraque lamenta,  
Feriale funus Eminentis Armandi,  
Cecidi Chavigni. Cardinalis extincti  
Arceſſo manes, quem ſuperſtitum dixi.  
Dum templa, turres, porticusque Gallorum,  
Aula, Lycea, buſta Principis lugent,  
Dum grande lumen occidit tuis terris,  
Et Vni verſi cymbalum loqui ceſſat,  
Et iſte Titan Celta factus eſt Veſper,  
Nefas putavi elinguis eſſe defuncto,  
Et non dolere tot dolentibus regnis.  
Sed Francus iſta mæſtus ingemit clade,  
Sed Belga noſter, ſive lugeat Rhatius,  
Vel Allobrox vel Itali ſoli civis,  
Caſtrisque Trento ſæpe regiis viſtor.  
Nos bella, lauros & trophæa venturo  
Narramus ævo, & maximi Ducis nomen  
Et vim ſagacis ingeni, & reſiſtantem  
Animum procellis, ac re peſtus ad verſis,  
Fide le Regi Liliſque juratum,  
Oculis legenda obtrudimus malignorum.  
Comes verende, Francia tua ſplendor,  
Qui pondus humeris ſuſtines Atlantæum,  
Regique propius ſaris & Iovem tangis:  
Qui conſulentem ſæpius, Bothellieri,  
Fractumque curis conſulendo juviſti.



*Cervicibusque ingentis imperi molem  
Vna tulisti, & his laboribus perstas,  
Has lachrymas, hos Vatis exteri questus  
Dignare venia, & debitos Duci plandus.  
Sic te, Chavingni, fata purpura servant,  
Sic vive Gallis patriaque consultor,  
Si me tuere, quem dolor Camœnarum  
Amorque Magni flere jussit Armandi.*



C. B A R L Æ I

P O E M A T V M

H E R O I C O R V M

L I B E R I V.

Sive Poëmata, quibus illustriores Nuptiæ,  
à Nobilissimo viro

D. I A C O B O C A T S I O,

Eq. & Hollandiæ Syndico Belgicis  
versibus conscriptæ,


*hic*

Latino Carmine celebrantur.

A 4

P A R A.





*[Faint, illegible text visible through the paper, likely bleed-through from the reverse side. The text is mirrored and difficult to decipher.]*

## P A R A D I S V S,

Sive Nuptiæ primorum parentum,  
A D A M I & E V Æ.



*H*umanum genus ex uno, populumque  
potenti  
Prognatum genitore cœnam, thala-  
mosque facesque  
Quæ summo placuere Iovi, jurataque  
cœlo.

Fœdera, & æthereis accensos sedibus ignes,  
Autoremque Deum, & magni sponsalia mundi.  
Hic Venerem prævertit amor, Cyprumq; Gnidumq;  
Et curas, levis Ida, tuas, altamque Cytheren,  
Lucinæque graves voces, metuendaque matri  
Pignora, difficilesque thoros. Cum fabula nondum  
Facta fuit Samos, & tenera lasciva Diones  
Regis, & ardentes geniali in limine tædæ,  
Et facibus prælustis Hymen, & pronuba Iuno,  
Idaliusque puer. cum nondum gênera pudoris  
Virginitas primo occurrir secura marito,  
Et nulla capidum fregit formidine votum.  
Dulces conjugii tabulæ, grandævaque puerum  
Vincula, & humana sancta incunabula gentis,  
Scribite me sociam præscis rectoribus orbis,  
Et nexu vincite pari; me involvite totum  
Ignibus; &, sero licet, adspirate nepoti  
Patrios animos, veteresque arcesite flammæ;  
Dum Superum decreta loquor, fœcundaque pando  
Gaudia, & ex uno nascentes sanguine sponfos.  
Huic thalimo, quodcumq; sumus, debemus amantes;  
Vrimum exemplo soboles, cupimusque procantum  
Officio, cœu lege, frui. quæ bœsia cuncti  
Figimus, hi docuere pueres. amplexibus istis  
Hæsimus; &, quam vis tantarum nescia rerum,



In cœusis ventura suis stetit omnis & arsit  
 Posteritas, voluitque viro consuescere virgo  
 Posthuma, nec superesse sibi. mens altior ambos  
 Vniit, & dominos grandi sub Numine iungi  
 Adspexit natura suos. insania non est,  
 Sed titulus sapientis amor. sublimius illi  
 Principium, celsisque furor defluxit ab astris.  
 Quin genitrix hominum rabies & amica voluptas  
 Nos agitant, agitante Deo. sub Præsede tali  
 Nubitur, auspiciisque haurit cœlestibus ignes  
 Quisquis amat, multumq; gravis reverentia lecti est.  
 Tu motus, ADAME, tuos, primique furoris  
 Molle rudimentum & casta præludia sponsa.  
 Et thalami secreta aperi, cum nullus aduiter  
 Incestare thorum potuit, nec pellicis astra  
 Peccavere viri. nec luxuriosa procorum  
 In te turba ruit: cum, solum tuta duobus  
 Conjugibus, primæva fides tot nomina præci  
 Nescit, atque una vultum defixit in EVÆ.  
 Et tu patre Deo felix, sine matre virago,  
 Nullius, sine fratre, soror; pars altera mundi,  
 Pars eadem surrepta viro, pars reddita rursum,  
 Dirige me, veneranda parens, & semina rerum  
 Damnatumque Chaos, fœdisque erepta tenebris  
 Tempora, gavisumque tuis natalibus orbem,  
 Conjugiique expone modum. Tibi clarius arsit  
 Luciferi tum stella recens, fulsere serena  
 Plejades, Arctophylaxque tuo consensit amori.  
 Quæque Ariadnæ meruerunt astra coronæ  
 Prospera in illustrem vibrarunt lumina sponsam,  
 Et lusus fovere tuos. Tuque ætheris alti  
 Terrarumque potens opifex & conditor ævi  
 Summe Deus, sacro præcordia concute motu,  
 Et tua quas nostris leges sapientia flammis  
 Præscripsit, Pater alme, doce; quo concitus æstro  
 Prima maritali concussa cubilia gressu

Presserit, & valida quondam libaverit Heros  
 Oscula consorti: quo percita nubilis uxor  
 Numine, magnanimo sese submisit amanti,  
 Robustumque latus tetigit. mihi, Cyrrha, profanas  
 Claude domos. nec enim me sacrosancta moventem  
 Sollicitare Deos, Pataraque avertere Phœbum  
 Fas erit; ite Deæ Libethrides, ite Camœna,  
 Et toties nobis faciles Heliconis alumna.  
 Nunc vobis ignota loquar, tripodumque ministris  
 Non audita prius. non jam te vis unguis colles  
 Percutiat, Pimplamque mihi & Parnassia fundat  
 Flumina, non solitis me proluat Hippocrene,  
 Non Pallas, non Phocis aquis. mea largius, Heden,  
 Labra riga, fontesque tuis extrude disertos  
 Collibus, & medio demerge in Tigride vatem,  
 Assyriosque mihi latices, vallesque reclude  
 Fortunatorum nemorum, latisque repone  
 Sedibus. ad viles dudum demissa labores.  
 Tota salutare mens imbibit enthea curas;  
 Cultoresque tuos binisque habitat a colonis  
 Rura canit, lætisque decus venerabile cœlo  
 Imputat, & dulcem terris impertit amorem.

Dispulerat de forme Nihil, mensamque tenebris  
 Congeriem, formasque rudes distinxerat autor,  
 Et facies nova rebus erat. flammantia mundi  
 Mœnia, siderasque domos, expansaque vastis  
 Atria fornicibus, distinctosque orbibus orbes  
 Volvebat proprios vis indefessa per axes.  
 Ibat, & insolitos lampas Phœbeia currus  
 Raptabat per signa; diemque opponere nocti  
 Cœperat, & gratas populis promittere luces.  
 Cui comes instabiles velox Diōyma quadrigas  
 Nocturnis fledebatur equis; sed lumine nondum  
 Orba suo, nec passa vagi discrimina vultus,  
 Intrepidum sulcabat iter. radiantibus astris  
 Hic madidas Hyades, illic sicci ora Leonis,



Hic Cancri chelas & tardi plaustra Bootæ  
 Addiderat, propiusque polo suspenderat Arcton  
 Majestas augusta Dei. Depressior illis  
 Ignea securam radebat machina Phœben.  
 Quam subter gremio immani circumfluit aër  
 Ampla procellosi lambebat tergora ponti,  
 Inde cavis passim captivum anfractibus aquor.  
 Ultima concreto subsidens pondere tellus  
 Stabat mole sua, & nullo tibicine fulta,  
 Librabat vastos solidis compagibus artus.  
 Cernere erat tumidos sinuosos flexibus amnes  
 Fastidire sinus magni Tritonis, & ipsa  
 Terrarum per operta rapi, rursusque vagantes  
 Reddere & immensis effundere faucibus undas.  
 Tunc visa patulo volucres erumpere cœlo,  
 Squamigerumque genus pelago: per inhospita saxa  
 Et saltus errare fera: atque ignara laborum  
 Agmina quadrupedum laxis discurrere campis,  
 Et nullo ductore regi. De pulvere vili  
 Factus Homo, colophon operis, grandisque theatri  
 Arbiter, & mundi melior nascentis origo,  
 Mirandum lustrabat opus, causasque Deumque  
 Mente sequebatur tacitus. Quæ maxima postquam  
 Fecerat excellens Genitor, solusque deesset  
 Sponsa viro & tantis decoranda penatibus uxor,  
 Ingentes illis prædari Orientis honores  
 Destinât, & latos Asia prædavit hortos,  
 Quosque colit nunc Assur agros. Hic area mundi  
 Pulchra patet, Superum labor, & secreta voluptas,  
 Deliciae humani generis, domus hospita patrum,  
 Orbis amor. quælem non unquam Thessala Tempe,  
 Non Baja videre locum, non florida tellus  
 Phœacum, aut Afris exculta sororibus arva  
 Hesperidum: vel quæ suspendit in aëre fruges.  
 Alta suas Babylon, rarisque Semiramis ausis.  
 Hic Ver purpureum caput inviolabile nimbis

Exerit, & flores ultrò protrudit apricos.  
 Improba nubifera procul inconstantia Bruma  
 Et peccans Autumnus abest. se longius Æstas  
 Explicat & culmis turgens Cerealibus usque  
 Luxuriat, totusque fluit sub messibus annus.  
 Non rigidis armenta jugis, non taurus aratro  
 Ingemit, aut sulco attritus splendescere vomer  
 Suevit & irata dentem defigere terra.  
 Non invita gravi purgatur vinea rastris,  
 Convellitque labor glebam. se sponte relaxat  
 Vis geniusque loci; & duros exosa labores,  
 Vesta sinus faciles aperit. non incubat herbis  
 Tempestas Boreaque furor, sed amœnior aura  
 Per nova lascivo discurret prata volatu,  
 Cunctaque mulcenti fixundat gramina flatu,  
 Omne solo lolium sterilisque abscedit avena,  
 Nec vitium natura facit, sed provida cæsus  
 Prævenit, & nullo foetum deformat abortu.  
 Non glaciem, gelidasque nives, frigusque minatur  
 Sarmaticum trux Vrsa satis, teneramque pruina  
 Exurunt acres Cererem: non diluit illam  
 Imber, & infesto truculentior afflat Orion  
 Sidere; vel rabido pertorret Sirius astro.  
 Inconcuissa salus habitat, nec larida morbi  
 Corpora, & occulta vexant animalia flamma,  
 Et lehi genus omne, & fracta atate senectus.  
 Purior invisis purgatur sordibus aër,  
 Et propria bonitate nitet. non squallidus humor  
 Pallentii livescit aqua, nec fulmina sparso  
 Igne nocent, tonitruque boant convexa severo,  
 Aut trepidans vibratur humus. tumet omnis in her-  
 Et sibi blanditur ager, nec triste venenum (bam;  
 Parturit & pravis stillantia toxica ramis.  
 Non virosa truces lambunt aconita dracones,  
 Non clam puniceis usquam permixta virescit  
 Dira cicuta rosis. spinis paliurus acutis



Exultat & pungens tribulus. non viperæ morsus  
 Enecat, & seruo metuendus scorpius ictus,  
 Aut medica gaudens æger plantagine buso.  
 Nulla sibi cæci fodere cubilia talpa,  
 Nulla trahunt lento cochleæ vestigia gressus,  
 Nulla ruinosos intexit aranea postes,  
 Aut malus horrificis immigit bubo tenebris.  
 Cymbia lacte fluunt: suauant opobalsama frondes,  
 Thuraque, tunc nondum sacris accensa Deorum.  
 Spumant mella farvis. crispantia vellera & armos  
 Lanigera mirantur oves. vos jugiter hortum  
 Irrigat, & nulla premitur caligine pulcher.  
 Fertilis Euphrates sinuoso labitur amne,  
 Et ripis non vile decus vernantibus adfert.  
 Nec minus Armenii fontes & flumina currunt  
 Tigridis, & sparsis recreant viridaria rivis.  
 At qui se septem diffundit in ostia Ganges,  
 Extremas lambit spatii ingentibus oras,  
 Quæ Titum se tollit aquis. quæ labitur idem  
 Adspicias pleno surgentem gurgite Nilum  
 Occiduis pingues partiri sinibus undas.  
 Forma loci duplicat laudes. hic edita diuo  
 Surgit, & in tumulos modico curvata tumore  
 Tollitur, in valles illic diffunditur amplas.  
 Planities alibi est. ramorum frigore silva  
 Castigant alto flagrantem vertice Solem.  
 Is decor arbutis, ea passim gratia florum,  
 Sic pubent virgulta, color sic discolor illis,  
 Vt se, pulchra licet, vinci non abnuat Iris,  
 Nec quæ candidulis onerantur Parthica gemmis  
 Cingula, vel regum collis diademata fulgent.  
 Viscera parturiunt aurum, locuplesque metallum  
 Vena vomit. multa durantur jaspide gleba,  
 Et candens concurrat onyx, & bdellia manant.  
 Vos quoque flexibiles hederæ crevistis & ulmi,  
 Et lauri virides & amantes littora myrii,

Palma-

Palmaque nunc cedro, nunc celsis juncta cupressis.  
 Arboreos inter foetus, frondosaque tesqua,  
 Surgebat duplex arcani nominis arbor,  
 Secretos agitans sensus, & numine quaque  
 Plena suo, forma, genio, molimine dispar.  
 Prima senescentes poterat depellere vultus,  
 Nec tremulo passa est incedere corpora gressis,  
 Rugarum impatiens languescentsque juventa.  
 Vis illi vitalis erat, conferre labanti  
 Robur, & afflictiis solatia reddere membris,  
 Nati vos reparare focos, arcessere letho  
 Semianimes, querulis hominum succurrere morbis.  
 Exhaustosque fovere sinus; contraria morti,  
 Atque obitus ignara sui, sine fine virescens,  
 Umbrosisque erecta comis, nec frondibus unquam  
 Denudata suis, non laeso cernua trunco,  
 Aut curvata latus, nusquam non integra stabat,  
 Et patrio foliorum apices aptabat Olympo.  
 Posterior vires animo roburque sciendi  
 Sufficit, ingenio recti praeique magistra.  
 Hac fructu nos scire facit, quia de vius error  
 Pectus agat, vel certa premant vestigia callem.  
 Nec minus innocuas inter formosa sorores  
 Emicat, & nitido pendentia palmite poma  
 Ostentat, magnoque sui succendit amore  
 Proclives oculos, vetitosque invitat ad usus.  
 Ne mihi Phocaeos colles, Heliconaque sacrum,  
 Aut Aganippeas obiectet Gracia ripas.  
 Hic nemus Elysiun est, statio gratissima vita,  
 Plena voluptatum domus, opportuna bonorum  
 Regia, tuta quies, nullus pavor, optima rerum  
 Et mundi facies, & pleno copia cornu.  
 Non livor, non ira ferox, non turpis egestas  
 Quae grassetur, habet, favor & clementia caeli,  
 Et voti stat summa Deus. Pomœria noster  
 Ista pater coluit, tali spaciatus in horto

Ibat,



Ibat, & imperio terrasque undasque tenebat  
 Solus & ignotum flebat fascibus orbem.  
 Agnovere fera Dominum, rabiemque leones  
 Submisere viro. maculatus tergora panther  
 Paruit, & longè jaculantes lumina lynces,  
 Et rapida tigres & raucis vocibus ursi,  
 Et lupus & torvis elephas barritibus horrens.  
 Quadrupedum quodcunq; fuit, quodcunq; vel ather  
 Edidit, aut patulum squamis armaverat aequor,  
 Vnius mandata ferunt. non abnuuit illa,  
 Qui Pelusiatis vivit crocodilus in oris,  
 Qui fluctus delphines arant, ferrat aequor rostra  
 Protendunt pelago. non physteres anhelis,  
 Non aquila alii volans, quamvis Iovis armiger ales  
 Et Latius victrix servanda insignibus esset.

Viderat ex alio rerum Pater omnia nutu  
 Ire suo, formasque sibi causasque probari,  
 Et plausum meruisse Boni; cum talia fatur  
 Providus & diis regalibus ora resoluit:  
 Condidimus cælum & terras, & proxima terris  
 Æquora, quique illis sublimior imminet aër,  
 Athereas fluxis distinguens sedibus arces.  
 Cuncta vigent, gaudetque ferax natura vocari,  
 Atque aliud genuisse sibi. dum plurima fatum  
 Exspectant peritura suum, senioque fatiscunt,  
 Dana nova reparant studiis, mortique priorum  
 Vita subit, servantque suas in semine causas.  
 At mea, cui prono famulantur sidera vultu,  
 Progenies, speciesque Dei, qua subdita nobis  
 Mundi sceptrum tenet, mentemque erectior astris  
 Et Superis inferre potest; ac conspicit in se,  
 Qua spectat diffusa foris: sine compare sola  
 Ambulat, & nullo solatur pignore vitam.  
 Vnus homo est, uno nostrum sub corpore spirat  
 Depositu; similemque sui quem voce salutat,  
 Non habet. occusat cælo sociabile cælum,

Et stellis it stella comes. cum Sole vagatur  
 Luna soror, junguntque suum cum lumine lumen.  
 Cur homini seposita quies? cur conjugis exors  
 Vita fluit? qua terra patet, cum conjuge conjux  
 Quisque sua est, funduntque alios vi ventia foetus  
 Omnia, & in plures abeunt primordia partus,  
 Et consors sua cuique vacat; genitumque vocatur  
 Quodlibet, aut gignens animal; prolesque parenti  
 Succedit non una suo; mas, femina partes  
 Conjugii blandas faciunt: cum turture turtur  
 Ludit, in admissio lascivit passere passer.  
 Et gallo gallina coit, cum vulture vultur,  
 Accipitre accipiter. socia veniente maritus  
 Clangit olor, pennisque suos testatur amores.  
 Capra marem sequitur, generosi leana leoni  
 Accubat, adsuescitque cani formosa catella.  
 Hic ululant ferventque lupi. tot matribus illic  
 Dux aries permixtus abit, multa que nepotum  
 Spe tumet. egregios taurus bibit ossibus ignes,  
 Et pater est. etiam furor est insignis equarum,  
 Est insignis equis, cum gramina lata pererrant  
 Et rapidos tranant amnes, rabiemque medullis  
 Altius admittunt. steriles uruntur arenæ,  
 Et cervi leporesque calent, damæque fugaces,  
 Bubalus & panther; sunt & sua gaudia stagnis,  
 Illecebræque mari. miscent se grandia cete,  
 Et molles phocæ sobolem per secla propagant.  
 Omnibus accendi tacitam sub pectore flammam.  
 Hinc per me ruit in Venerem genus omne animantū,  
 Cum vermi species patefacta est prima diei.  
 Nascuntur violæ violis, ex arbore surgit  
 Arbor, & è platano platanus, de palmitè palmes.  
 Est hederæ connatus amor, cum flexilis ulmo  
 Nubit; in accensis spumant ipsa oscula conchis.  
 Quin ubi temperies calidis humentia miscet,  
 Concipit, & putri nascuntur corpora limo.



Cur meus ignarus blandi dictator amoris  
 Semper eat, longosque terat secretior annos?  
 Non soli fas esse homini, nec nobile patris  
 Ignorasse decus, nec pondus amabile lecti.  
 De thalamo jam cura mihi est, de conjuge, natis,  
 Et, qui praeclara veniant de stirpe nepotes.  
 Hic vir hic est, cujus memor abunt nomina gentes,  
 Quae medium adspicient Solem, quae signa Trionum,  
 Quas oriens Titan, & quas declivis adibit.  
 Ille per Europa tractus Asiamque patentem  
 Et calidas multum Libyae sitientis arenas,  
 Quemque procul reliquis secrevi partibus orbem,  
 Extra anni Solisque vias Lunaque meatus  
 Differet imperium. cunctos à Gadibus usque  
 Auroram populos isto de sanguine nasci  
 Praescia fata volunt. & jam descendere cerno,  
 Nubila qui rumpet curru, celeresque beatas  
 Flectet in astra rotas. sequitur sine patre sacerdos  
 Et typicus sine matre senex. cui deinde subibunt,  
 Iustitia rectique tenax, trabibusque superstes  
 Et tumidis elapsus aquis; infractaque gestans  
 Pectora Thariades; gradiensque per aquora vates  
 Legifer, & totas acies & castra ruenti  
 Subducens ductor pelago. nec stemmate tanto  
 Degener augustis despecta mapalia sceptris  
 Mutabit Iessa soboles, clarusque triumphis  
 Regali victor juvenis spectabitur ostro.  
 Quin patri sese comitem felicior addet  
 Filius, & quo non regum sapientior alter  
 Iura dabit populis & belli nesciet iras.  
 Ille piis nobis delubra ingentia coeptis,  
 Templaque constituet cunctis celeberrima terris.  
 Et famae devota meae. quin classibus ibit,  
 Dives ubi assiduus torrebitur ignibus Afer,  
 Et timidam quaeret cecis in rupibus aurum.  
 Hoc Ninos genitore suos deducet avosque

Assur,

Assur; inoffenso manantes ordine Cyros  
 Persa sagax, Cecropas Grajus, Romana Quirinos  
 Gloria, regnantesque meo moderamine Iulos.  
 Qui Iovis in sanis turges natalibus amens,  
 Hunc patrem dic, Pella, tuum. qui stulte Deorum,  
 Caesar magne, tumes titulis, hinc prima reposce  
 Semina nascendi & clari cunabula Flavi.  
 Esse quoque in fati reminiscimur, affore tempus,  
 Quo mala peccantem damnabunt crimina mundum,  
 Et faciet se quisque reum. tunc altera terris  
 Progenies istaque potens ab origine Princeps  
 Surget, & errantes animas merfasque tenebris  
 Reddet perpetua, post diruta tartara, vita.

Dixerat omnipotens; cum membra rubentia  
 solvi,

Et vigor attentis coepit decedere nervis,  
 Et vires languere Homini, nebulaque vaporque  
 Erectum inclinare caput, collapsaque claudi  
 Lumina. quin cunctis subrepsit inertia mollis  
 Sensibus. ignarusque sibi quid fata pararent,  
 Languidulos artus viridi projecit in herba.  
 Iamque illos tollens, iterumque iterumque relabens  
 Sapius & prono feriens sua pectora mento,  
 Defecit sibimet; donec demissus ab alto  
 Somnus adest, tinxitque suis cava tempora succis,  
 Et gelido adspersit medicata papavera rore.  
 Dormit, marcentique anima sopor altius infert  
 Otia, componitque virum. non flamine frondes,  
 Non mota ventis segetes. siluitque sonorum  
 Quicquid erat, quicquid lenem turbare quietem  
 Obstreperum poterat. iussis caelestibus ales  
 Conticuit, sueta argutis praevertere lucem  
 Cantibus. obticuere canes, & garrulus anser,  
 Quique loquax sturnus clamore silentia rumpit.  
 Solum marmor aqua & salientis leniter unda  
 Permissum & quodcunque leves invitat ocellos.



Vt jacuit, stupidum tetigit latus, ipsaque costas  
 Concussit diuina manus. sublataque tanto  
 De numero fuit una viro, quam maximus autor  
 Induit egregie forma meliore puella.  
 Ossea quæ primum fuerat, mollescere cepit  
 Materies, factumque fuit tractabile corpus:  
 Pars abit in spinam, variis quæ flexitur apte  
 Articulus, ut libret onus: de vertice summo  
 Emersit geniale caput, vultusque decora  
 Effigies; simul impexi fluxere capilli,  
 Inque humeris luseret cornu. nitidissima cervix  
 Emicuit, facili manarunt brachia motu,  
 In digitos distincta suos: hinc pectus & ipse  
 Intumescere humero tenues sub utroque papilla,  
 Atque habiles sponso mamma, venterque femurq;  
 Accepitque pedes & eburnea crura virago.  
 Sic quoties puppim ripa molitur in iuda  
 Navita, protensa primum sua ligna carina  
 Aptat, & hinc geminâ subtextit stamina parte,  
 Et costas alvumque facit: dein transtra forosque,  
 Fabricat & clavum, tabulataque desuper addit.  
 Stat matrona, suosque stupet formosior artus.  
 Stat virgo, nescitque velit cur virgo vocari.  
 Stat mulier, spectatque viri discrimina coram,  
 Miraturque maris vultus, & femina quid sit.  
 Nec tamen erubere gena, velamina quamvis  
 Ignotum terris velarent nulla pudorem.  
 Integritas sine labe fuit, sine crimine vita,  
 Nec, quo se tegetet, culpa mens nescia habebat.  
 Vt vigiles patuere oculi, discussaque somni  
 Alta quies Homini est; presentis imagine forma  
 Constitit, attonito similis. dumque omnia lustrat,  
 Atque aliqua sibi dissimilem similemque puellam  
 Adspicit, arcano præcordia concitus æstro,  
 Hæc, inquit, quam cerno, mea de carne virago est.  
 Hæc ossis pars ipsa mei, de sanguine sanguen,

Vite vita mea, vivacis fabrica costæ,  
 Debita conjugio conjux, amplexibus uxor,  
 Dos thalami, sociique placens regina cubilis,  
 Et magna gentis mater stirpisque futura.  
 Illa mihi poterit non les lenire diesque,  
 Illa dabit faciles aditus & mollia fandi  
 Tempora, jamque mihi volet arrisisse marito,  
 Et jurare fidem, nec sacris cedere pactis.

Dixerat. at dictis præens Deus annuit, & vos  
 Crescite, ait, dignosque mihi proferte nepotes,  
 Alteriusque aliter blandè suspiret amori.  
 Sors geminis communis erit, quin corpore in uno  
 Concordes vivent animæ, nec fœdera quisquam  
 Rumpet & æterni dissolvat vincula læti.  
 Exeat hic mundi populis illustrior annus,  
 Quo neci natura dios lætatur amantes,  
 Et pius arsit amor, ratioque adsuescere leni  
 Iussa fuit veneranda jugo. de nomine vestro  
 Nomen eât, sobolem in cunctas diffundite terras,  
 Tu pater Eois post hæc dicere, paterque  
 Occiduis. te Chaldeus Medusque parentem,  
 Et Phariius, Celtæque colent. tu semina Mauro  
 Suffice; tu Rhodamo, ripisque vagantibus Istri,  
 Tu Gangi largire homines. Tuque optima virgo  
 Amplexare virum propius, genitrixque per omnes  
 Audi clara plagas. multo tibi viscera partu  
 Intumeant, totusque rotet cunabula per te  
 Orbis, & à tanta veniant tot principe gentes.  
 Sic thalamo jus grande datum, & coelestibus alma  
 Auspiciis micuere faces, & conditor idem  
 Fœderis & tædæ præses & pronubus illis  
 Numen erat. non sors castos temeraria sponfos  
 Alligat, at magno tuti stant teste penztes,  
 Pe. petuasque trahunt metuendo à Iudice leges.  
 Illicet æthereos Iuvenis ser venior ignes  
 Hauserit, & hos ipsos, quos non præsenferat, æstus  
 Aspectu



Aspectu propiore fovet. non nomina rebus  
 Ponere cura fuit, non tot distinguere formas  
 Vocibus, aut proprios animantium addiscere motus,  
 Quantaque diversis orientur corpora causis.  
 Non jam scire juvat, qua volvant aethera mentes,  
 Quid fluidas gignat nubes, qua flamina surgant,  
 Et bellum virtute gerant, quis Nerea vinculis  
 Strinxerit, & solitas nolit transcendere metas.  
 Non tauris dare iussa libet, non sistere ceruam  
 Cornibus, aut daris inflectere colla lupatis  
 Acris equi, rutilosque manu mulcere dracones.  
 Cum vasto serpente loqui. mens omnis aberrat  
 In vultus, quos Eva gerit. jam proximus illi  
 Arridet, subitoque animum labefactus amore,  
 Salve, ait, egregium summi Patris incrementum  
 Femina, seu jam sponsa velis, seu virgo vocari,  
 Seu soboles mea, sive soror. tot nomina per me  
 Sola refers. uno facta à genitore sororis  
 Iura tenes; laterisque mei de parte resurgis  
 Filia, nunc virgo est nulli temerata marito;  
 Et mulier, quia sponsa mea es: & sponsa Tonantis  
 Imperio. salve facies pulcherrima mundi,  
 Delicium non vile viri, mea chara voluptas,  
 Solamenque pium, spes posteritatis & avi  
 Vnica. tis mecum tota dotabere terra,  
 Et regni pars una tua est. diuisa potestas  
 In nos orbis abit. capitis si gloria nostra est,  
 Proxima tu nobis rerum jam frena capeffes,  
 Et patiens consortis eris; nec liuida nexus  
 Distrahet aut socias dirimet discordia dextras.  
 Quam memini, cum solus, iners, hac aurea rector  
 Rura pererrarem. vidi sublimis Olympi  
 Moenia, dispositisque orientia signa manipulis,  
 Aeterni Genitoris opus. demissior anni  
 Oceanique vias & rerum exorsa stupebam.  
 Nec non & pecudum turba, turmaque volantum

Vndique cingebant dominum; volucresque canora  
 Iudice me cantusque suos modulose probabant.  
 Ante oculos lufere fera, pardusque lepusque,  
 Et timida lynces, pinnisque rigentibus histrix,  
 Cornigerique greges, ceterique in terga cameli,  
 Et setosus aper. toto sed in agmine deerat,  
 Cui comes iret homo, quæ posset comparare vitam  
 Ducere. sensi etiam (nec enim quæ vera negabo)  
 Non salientis aquæ latices, non vota susurros  
 Non Zephyros expleffe mihi. Tu suavior aura  
 Discuties tetricum quicquid fuit. apta sodali,  
 Accipe me, lectoque parem dignare, mihi que  
 Famine submitte decus. Tu mite parentis  
 Nomen & admissi titulos mihi conjugis uxor  
 Concilia. natosque & qui nascentur ab illis  
 Ocyus indulge. non est mihi vilis origo.  
 Ipse Deus pater est. qui spiritus hos regit artus,  
 Illius est. diuinus in hoc se continet hospes  
 Corpore, deque Deo mens, & spiratus ab illo  
 Cœlestis vigor, atque auræ simplicis ignis.  
 Si gazas, si poscis opes, patet omnis in usus  
 Tellus facta meos, patet æquor & arduus ather.  
 Vis famulos? tibi pontus alit, quodcumq; natantū est.  
 Vis famulas? levis aura dabit, quodcumq; volantū est.  
 Vis famulos? Phœbus tuus est, tibi Lucifer ardet.  
 Vis famulas? Phœbe tua fit, tibi voluitur illa.  
 Vis famulos? totis famulantur sidera castris.  
 Vis famulas? Aurora tuis se promptior offert  
 Obsequiis, & amica Pales. palatia speras?  
 Cælo habitas, cælo mecum & radiantibus astris  
 Clauderis & superum tectis. vis grata palato  
 Pabula? donabit plenis convivis mensis  
 Hortus; & haud una pendentia ab arbore mala,  
 Et pyra, quæ lenta pendent religata genista,  
 Sufficiet. molles aderunt ad prandia ficus,  
 Et quæ de viridi stillabunt ilice mella,



Discutient mea vina sitim, diuisaque sensus  
 Gaudia percipient. qua pascant lumina, rerum  
 Formas mille vides. mulcent concentibus aures  
 Hic paxus, hic philomela tuas. confundit odores  
 Thus & myrrha suos, & balsama naribus infert  
 Et casiam Pancheus ager. tot lingua saporos  
 Pitissat, tactumque manet non una voluptas.  
 Non hac cuncta mihi, non hac mihi munera soli  
 Astra parant. plures vocat indulgentia magni  
 Numinis; in multos bonitas laudatior exit;  
 Et melius commune bonum est. spatiosior orbis  
 Expectat cives alios, & nascier à me  
 Posteritas immensa cupit, que littora, sylvas  
 Incolat, & mediis sedem sibi figat in undis,  
 Que Rhenum, Mosamq; bibat, Tanaimq; bicornem,  
 Et Ligerim celeremq; Ararim, Batimq; Padumque,  
 Et Nigrim & gelidi glacialia flumina Ponti,  
 Quique habitent totis distinctos axibus axes.  
 Quare age, sis conjux, & quo nos fata, cupido,  
 Quo ratio, natura trahunt, sine lite sequamur.  
 Occupet Adamus sociam, sit nubilus Eva,  
 Et sua confundant genituri semina secus.  
 Audiit has mulier voces & verba loquentis  
 Optimæ. quemque videt, vultu jam diligit ipso,  
 Et cupit amplecti propius. novus ardor amantem  
 Incitat, & teneris succrescens cura medullis  
 Urget inexpertam. quos nescit, nutrit amores.  
 Nutu, voce favet; gestuque oculisque procatur,  
 Non lasciva tamen: quod virginis esse putatur,  
 Despicit ingenium. soboli vult mater haberi,  
 Et matrona viro. gravis admiratio lecti est,  
 Nec sperata minus. tandem sic orsa profatur:  
 Salve chare Deo Iuvenis; seu frater amari,  
 Seu genitor, sponsusque velis. que nomina per te  
 Donari vis multa mihi, tibi reddimus uni.  
 Ex te facta patris titulum tibi nata rependo.

Tecum facta soror fraterni sanguinis adsum  
 Conscia, quæque tuo jam sum servata cubili  
 Sponsa, virum sponsumque libens, Adame, saluto.  
 Adde quod & dominum Te fas sit dicere, cuius  
 Arbitrio submissa reger; quo vindice surget  
 Femineæ virtutis honos, & tuta manebit  
 Fama pudicitia & socialis gloria læsti.  
 Expetimur petimusque duo. quam tu petis, illam  
 Iure tuo repetis. quid enim? sum costa mariti,  
 Et pars rapta tibi. non sum distincta, sed una  
 Tecum, Sponse, caro. cum me, te diligis in me;  
 Et cultor sis ipse tui. cui spernitur uxor,  
 Spernitur ille sibi: atque odii accenditur in se,  
 Cui consors exosa thori est. miscebimur ambo,  
 Ut fiam, quod non fueram, de virgine conjux,  
 Et lateris nova cura tui. quos poscis amores,  
 Despondet tibi noster amor. quos exigis ignes,  
 Accendet tibi fax melior. redamaris amator,  
 Quoque vocas, haud agra sequar. sed legibus uxor  
 Esse velim rectumque sequi. parere marito,  
 Non servire, meum est. mandata capeffere, quæ non  
 Fastidit pietas. pariter regnamus, at impar  
 Majestas mea sorte tua est. nihil arrogat ultra,  
 Quam minor esse viro mulier. quæ torva gubernat,  
 Et fasces sibi sola rapit, temeraria regno  
 Excussit folioque virum, laribusque tyrannus  
 Incubat, & veri leges pervertit amoris.  
 Prima Dei me cura manet. manet altera sponsi.  
 Tertia natorum est. lites & jurgia damnat  
 Nupta decens, frangitque suum ratione furorem,  
 Et fluctus domat alloquio. non garrula cunctis  
 Obstrepit, aut aliis gestit facunda videri.  
 Sed taciturna placet. studiis aversa parentum  
 Segnius hos amat, atque suo magis heret amanti.  
 Partitur commune malum. solatix, curas  
 Dicitur. humanum quicquid, perferre laborat.



Non forma, non dote tumet, generisque superbit  
 Nobilitate sui. preciosa monilia flocci.  
 Pra virtute, facit. candor, probitasque fidesque  
 Et morum cunctis prae cellit gratia gazis.  
 Officiosa domi, famulis terrore modesto  
 Imperitat, modicaque decus gravitate tuetur.  
 Cum vagit puer, adludit: cum pollet adultus,  
 Vivit in exemplum juveni, iussisque coercet  
 Magnanimum. non zelotypo furiosior aestu  
 Incedet, fraudesque thori praesumet iniquas.  
 Quod si fortè ira tumidus flagrante maritus  
 Seviat, hæc blando cupiet sermone mederi,  
 Blanditiis intenta suis. secreta, fidelis  
 Arcanum quicquid thalami est, aperire timebit,  
 Et narrare palam. si quid sacundia possit,  
 Explicet in sobolem monitrix. non lumina flectit  
 Illecebrosa aliis, nec praevis pabula praebet  
 Ignibus. una uni domino vacat. oscula nunquam  
 Aut irata fugit, vel luxuriosa reposcit.  
 Consensu differre, bonum. divorcia censeat  
 Improba, nec volet illa pati. nam nexa Tonanti  
 Vincula qui solvent homines? qua distrabet audax  
 Impietas? his sum tua conditionibus uxor,  
 Talis amo; & rursus sperem tibi talis amari,  
 Istaque venturos iam mox meminisse nepotes.  
 Quam nobis, Adame, places. quam corpore toto  
 Arrides. quam frons, oculi, pectusque, torique  
 Depingunt hominis speciem. quam mentis honore,  
 Quam patrem ratione refers. quam splendet honesti  
 Et veri studium animus. quam recta voluntas  
 Iusta facit. quam te nullis insana cupido  
 Motibus aversum rapit, aut vis effera cogit  
 Deteriora sequi. quantum est ad sidera vultus  
 Tollere, suspexisse Deum, sub numine terris  
 Iura dare, & caelo, lateque vagantibus undis,  
 Et tota tellure frui. cum conjugis à me

Exigis officium, tantorum fida bonorum  
 Testis ero consorsque simul. Tibi laetior Eva  
 Ibit in amplexus, collo circumdabit Eva  
 Brachia. Iam videor Saras, claraeque Rebeccas  
 Gignere, praegrandemque Leam, sine prole Rache-  
 Et fortes bello Deboras, tenuique Boozi (lem,  
 Palliolo vafre tectam Moabitida Rutham.

Et quotquot nostro descendunt sanguine matres  
 Hebrae, Graeque nurus, Latiusque togata  
 Moribus, Hippolyta, Volscorum e gente Camilla,  
 Cassandra, Mariaeque & nomina sancta Sibylla.  
 Sume thori comitem, nihil est quod sponsa negabo.  
 Et qua figo tuis iterumque iterumque labellis  
 Basia, crescenti seponas pignus amori.

Est locus irrigui liquidas Euphratis ad undas  
 Pulchrior, & frondosa comis viridantibus Horti  
 Pars melior. teneri saliant e gramine rivi,  
 Saxa virent, niveisque albescunt floribus agri.  
 Non coeno latices, non foedo squallida musco  
 Sordet ripa, tepet moderatis solibus aër,  
 Fragrant vernantes casia, duransque amaranthus.  
 Et tu flebilibus tunc nondum, hyacinthe, figuris  
 Terribilis, nardi juxta redolentis aristas  
 Diverso te flore probas. hic pampinus ulmis,  
 Hic hederæ serpunt cedris, cedrisque propinqua est  
 Plena favis abies, & veri praescia laurus  
 Panditur. hic postquam prisci latuere parentes,  
 Conjugii didicere modum, plenusque furoris  
 Fœcundum primus pater exantlavit amorem.

Illicet ingenti plaudens natura paratu,  
 Exultat Sponfos circum. calet obvius ire  
 Flammifer, impulsosque jubet properare jugales  
 Tardius, ut sacra videat spectacula scenæ.  
 Candidius fulsere dies, quos ledere nimbi  
 Et pluvia timuere graves, tristesque pruina.  
 Omnes interea puro qua crimina pellunt



Ore Dea, fecere choros, sociataque dextris  
 Virtutum series hominum connubia sanxit,  
 Officiis attenta suis. Concordia lites  
 Dissulit, & quicquid nuptis adspersit iniquum  
 Improba Suspicio, & ludens in amoribus Error,  
 Proscripsit sincera Fides, & nescia pravi  
 Simplicitas. nitida subrisit Gratia fronte,  
 Temperies casta. rectum Constantia suavit,  
 Religio quodcumque pium, Prudentia justum.  
 Nec mora, floriferis passim viridaria ramis  
 Irrubuerunt. rose gemmis patuere reclusis,  
 Nec claudi voluere diu. strepuere susurris  
 Arborea frondes, canna cecinere palustres,  
 Buxeaque ignotos modulata est tibia cantus.  
 Lenibus excita Zephyris, auraque salubri  
 Avia dulcisonis garrutibus implevere  
 Gratantes pariter volucres, & gaudia pennis  
 Testata auspicio Sponsis favere secundo.  
 Non galea riguere truces, hastaque feroces,  
 Aut framea, & clypei adversis umbombus acta  
 Concrepuere, vel immissa tonuere quadriga.  
 Non hic gavisus cecidit myrmillo theatro,  
 Non sica rubuere manus, fusoque cruore  
 Inmaduere thori. vos hæc scelerata probatis  
 Posteritas. spectate thoros tedeasque parentum,  
 Ut dominos amet unda suos, tellusque populosque  
 Et mundi pars queque. mali cum gloria Martis  
 Nulla foret, placidique irent sine cadibus anni.  
 Quin procul Oceano in Magno, quem Caucasus aspar  
 Adspicit, aut rubris pingit Neptunus arenis;  
 Exiliere mari, crispataque carula pisces  
 Discussere levi strepitu; spirantia cete  
 Æquoreis sublata vadis sua gaudia plenis  
 Evomere cadis. vitreis Tritones ab antris  
 Processere, quibus rauco tuba murmure frendens  
 Concha fuit, quæ jam Libyci per littora ponti,

Iam super Ægeos fluctus & Caspia regna,  
 Memnoniasque domos tam clari nuncia læti  
 Detulit. Ornavit myrto delphina Palæmon,  
 Leucothoë phocam, violas intexuit algæ  
 Cymothoë, seniumque dolens vivacibus herbis  
 Dum fugat, æternos geminis promisit amores.  
 Exhibuit domina baccas, quas ipsa profundo  
 Legerat, Euphrosyne, & domino diadema paravit,  
 Et gemmas pondusque dedit lucentis electri.  
 Ipsa etiam centri impatiens se movit ab illo  
 Terra parens, motuque suum confessa favorem est.  
 Concussit se magnus Athos, concussit Olympus  
 Thessalus, & celsi saliere cacumina Pindi,  
 Ossaque Pyrenesque jugum. dein ignibus aucta  
 Fortius igni vomis arsit fornacibus Ætna.  
 Largius argentum Potosi genere recessus,  
 Aurum vasta Peru. messes misere Molucca,  
 India dives ebur; costumque crocumque rubentem  
 Corycium nemus, & varium Panchaia gummi.  
 Explicuit grandes volucris Iunonia fastus,  
 Tardo mota gradu & pennarum ostendit honorem  
 Conjugibus, pictosque notis stellantibus orbes.  
 Psittacus humanas tunc nondum reddere voces  
 Doctus, Ave, dixit sponsis. & gutture mihi  
 Accinuit facundus olor, cui stridulus anser  
 Obstrepuit, repetensque eadem modulamina coccyx.  
 Nondum pica loquax fuerat, tunc ilice ab alta  
 Adfuit augurio. nondum sua pignora Progne  
 Fleverat infelix; sed lata voce canebat,  
 Et Pandionia reddebat multa sorori.  
 Irrubuit Numidium glaciens gallina per agros,  
 Et verrens percussit humum. se Phasidis ales  
 Lavit ad Euphratem, & longis cervicibus adstans  
 Struthio. quique diem & solis nunc lumina bubo  
 Horret, ad hæc spretis properavit festa tenebris.  
 Cum sobolis parva denso grege dædala perdix,





Lacte novo tumuisse ferunt, & turbida Lethes  
Flumina Cocytumque mero stagnasse Lyao.

Nec latuit res tanta pie consortia turba,  
Spirituumque choros, & qua sine corpore mentes  
Celsa tenent. sed formosam delapsus in Heden  
Adfuit illustris nitidis exercitus alis,  
Hic Seraphina cohors, illic Cherubina; Deoque  
Talia coelestes cecinere encomia turma:

Magne Deus, sine patre pater, sine fine perennis,  
Immensa virtute potens, mens nescia falsi,  
Expers principii genitor, tibi cognite soli,  
Ipse tui locus & spatium, bonitatis origo,  
Labe carens omni bonitas, Tu maxime, quicquid  
Non fuit, esse facis, nihiloque arcessis ab ipso  
Stellarum solidos orbes; caelique beatos  
Indigenas nos esse jubes. de Numine tanto  
Numina penè sumus. tua nobis ora tueri,  
Augustosque datur vultus, quo jusseris, ire,  
Mandantemque sequi. Te patrem mente tenemus,  
Et factum quodcumque tibi est. se statimur honestum,  
Nec volumus peccare boni. te dante movemur,  
Deque tuo capimus metuendum robore robur.  
Disce tuum, venerare tuum, Natura, parentem.  
Ille ubi condiderat superi spatia a via mundi;  
Sideraque adverso subter labentia motu,  
Telluris suspendit onus, montesque lacisque,  
Et valles, nemorumque locos, fluviosque profundos.  
Nec faciem terris sapiens dedit omnibus unam.  
Pars calet una, tepet pars altera, tertia friget.  
Umbra loci varia est. latus hinc respicit utrumque.  
Illic nulla cadit. nunc illis tota sinistra est,  
Illis dextra meat, vel gyro flexa rotatur.  
Nunc lucet, nunc lucis eget. sua lumina Phæbo  
Imputat & Luna solatur imagine noctem.  
Hic spaciota novis decorantur frugibus arva,  
Arboribusque virent campi; vel grandia venis



Crescunt saxa suis : hic versicoloribus agri  
Floribus, & sparsis discescunt littora gemmis.

Disce tuum, venerare tuum, Natura, parentem.  
Idem etiam pecudum species, armenta, feraeque  
Exciuit tellure Deis, sapiensque figuris  
Distinxit. pars antra colit, rupesque specusque,  
Pars pratis gaudet patulis & vallibus imis  
Pascitur. haec rabida nunquam mansuescere norunt,  
Hæc docilis mansuescit, & acres exiit iras.  
Has lana tegit aut villis : has asperat hirtis  
Pellibus. has rostris, alias facit ungue recurvo  
Terribiles. hæc dente minax, hæc cornibus adstat.  
Hæc volitant, repunt alia ; natat illa sub undis,  
Hæc graditur. manant alia de stirpe priorum,  
Ast alias limus format, tepidique calores.

Disce tuum, venerare tuum, Natura, parentem.  
Hic Deus, hic celsi secretas ætheris oras  
Destinat officiis hominum : seu frigore brumam  
Verberat & largos effundit Aquarius imbres :  
Seu gravidas torret latranti sidere aristas,  
Spemque facit messis domino : seu lumina Titan  
Partitur populis & luces dividit æquas  
Noctibus, aut plures alibi distendit in horas :  
Aut nulla nos nocte premit, vel luce focillat.  
Illius est, quod sæpe suas regina bicornis  
Mutet anhela vices, fraternosque induat ignes  
Disparibus nocturna modis : seu lumine pleno  
Turgeat aut curva radiet sub imagine flamma.

Disce tuum, venerare tuum, Natura, parentem.  
Tu Deus alme, tua jacularis fulmina dextra,  
Nubilaque horrifico frangis compressa boatu.  
Voce tua quatitur tellus, commotaque Tethys  
Intremittit, & pavidi fauces laxantur Averni.  
Tu potes unanimes armare in prælia causas,  
Ut violent elementa fidem, contrarius igni  
Humor eat, ruptis insurgant æquora claustris,

*Et terras insana vorant, ut turbine saxo  
Vnà Eurvsque Notusque ruant. Tu turgida nutu  
Flumina, tu fluctus, tempestatesque sonoras  
Æliosque tenes in vito carcere fratres.*

*Disce tuum, venerare tuum, Natura, parentem.  
Ille Hominis sublime decus sub pulvere vili  
Abdidit, exemplarque Dei venerabile gleba  
Affixit, crassoque animam spiravit in artus.  
Ille viro vitæ sociam largitus, amori  
Monstravit thalamoque viam, legesque maritis  
Fixit, & innocuo scripsit sua jura cubili.  
Scena thori jam prima patet, Deus auctor amandi est.  
Terra locus, sunt astra faces, spectator Olympus,  
Nos testes, dos orbis, amor fecundus amoris,  
Lætus ager, fructus epulæ, spes una nepotes.*

*Disce tuum, venerare tuum, Natura, parentem.  
Sic ut in thalamum conjux primæva, suoque  
Surrexit natura Duci. Nox pronuba donec  
Stellantes depicta sinus, tangensque jacentes.  
Omina perpetuo genitalia fœdere sanxit.*

## FACES SACRÆ,

Sive

## HYMNVS SALOMONIS;

Quo, sub Typo Nuptiarum Salomonis & Filix  
Pharaonis, Nuptiæ CHRISTI & E C-  
CLESIAE adumbrantur.

**S** At terris hominique datum, sat deside cura  
Hæsit, & ignavi pressit vestigia mundi  
Mens oblita Dei. dudum regalibus omen  
Intulimus thalamis; angustaque nomina dixi,  
Victoresque Duces, & scepra minantia sceptris.  
Illustresque Heroum obitus, & busta potentum.  
Hic triplici late radiantem murice regem,  
Hic debellatas alio sub sidere gentes,

B b 5

:Ocea-



Oceanique patris spoliū, raptamque Batavis  
 Colchida & Occidui concussa palatia Phœbi.  
 Ista tibi quondam viridi sacravimus ævo,  
 Mars pater, undantesque hostili sanguine campos,  
 Armaque bellator cecini. per tela, per enses  
 Ivimus, & domitas ausis furialibus urbes,  
 Infractasque malis acies. quin omne Diones  
 Ingenium, lectique vices, thalamicque labores,  
 Discordesque thoros, durisque exercita fatis  
 Fœdera, cantatis Veneris suspendimus aris.

Nunc te, Christe, canam, & sacra connubiæ Spon-  
 Amplexusque pios, atque ignorata profanis (Sæ,  
 Gaudii & ætherei carmen venerabile lecti,  
 Accensasque faces cælo. Dum fulgidus ostro  
 Ardet, & in Pharia se virgine magnus amator  
 Explicat, & typicos animis cœlestibus ignes  
 Majestas Hebræa bibit; præauditur umbris,  
 Occultatque Deum Deus, & caligine sensus  
 Involvit mens summa suos; secretaque pandit,  
 Ut tamen illa tegat. mediis immersa tenebris  
 Lux micat, & que vix capias sub nocte videntur.  
 Non hæc Euboicæ spirarunt carmina rupes,  
 Non Lyciæ sortes Dodon eique penates,  
 Non Ammon; dubiæque loquax cortina Sibyllæ.  
 Hæc fatur Syriæ rector, cui pectore pleno  
 Fluxit fatidicæ felix opulentiæ lingua,  
 Et sacer insedit menti furor. ille futuras  
 Res aperit, tedæque jubar cœleste revelat,  
 Iuratamque fidem sanctis; & conjugis æstus  
 Illecebrasque piæ: quæ dos, quæ forma maritæ,  
 Quantus stirpis honos: quàm simplex gratia morum:  
 Quantus amor thalami: quibus inconcussa periclis  
 Extollat generosa caput: quo vindice tuta  
 Audeat ad verso vultus opponere mundo,  
 Rivalesque suos & circumfusa procantus  
 Agmina, peccantesque thoro depellere amantes.

Tu, quæ fœda soles castis adspargere labem  
 Vocibus, Impietas; Superùmque oracula mordes  
 Improba, & innocui genitrix carmina vatis  
 Conspuis, hinc absiste procul. non illa protervis  
 Verba patent. non has petulans facundia laudes,  
 Obscenusque Paris cum semiviro comitatu,  
 Aut qui diuinis nequeant dare pectora rebus,  
 Æthereum cecinere melos. nova fulget ab alto  
 Fax oculis & flamma meis; & operta recludens  
 Spiritus, accensam meliori numine mentem,  
 Exagitat, Deus, ecce, Deus præcordia pigra  
 Tollit humo, membrisque animum torpentibus au-  
 Ereptumque mihi memet spiramine sacro fert.  
 Concurrit, & studiis vatem sublimibus implens,  
 Hac ait augustum Sponsæ dixisse maritum:  
 Hac ait augustam Sponso dixisse maritam:

## CAPVT PRIMVM.

## ECCLESIA.

Maxima progenies regum, fidiſſime custos  
 Et genis tutela tua; seu proxima Patri  
 Regna tenes, totumque tuis sub fascibus orbem  
 Flectis, & aligeros aptas ad iussa ministros,  
 Ipse Deus, sobolesque Dei: seu missus ab alto  
 Humana sub carne lates, hominemque fateris  
 Esse Deum, vilique potens sub corpore Numen  
 Abdus, & ingentem sapiens abscondis Olympum:  
 Seu propius vis esse meus, Sponsæque vocari  
 Cura laborque tua, & nostri pars altera lecti,  
 I. Præsidium columenque meum: deſige labellis  
 Oscula. ſige precor. da millia & altera mille,  
 Et ſacroſancti liceat mihi luſibus oris  
 Poſſe ſrui, longumque tuis hærere labellis.  
 Sic prodat ſe noſter amor, paciſque beata  
 Sit ſpecimen, tetigiſſe Deum. ſint baſia, Sponſe,  
 Officii documenta tui. ſint baſia nexus,



Quæis tibi, Sponsa, ligor, conspirantesque cathena,  
 Vinculaque, quæ nostras nectant adamantina mætes.  
 2. Qualis amor, quantæque faces! non suavius us-  
 E Pelusiæ distillant vina racemis, (quam  
 Aut Arabum fragrant udis opobalsama ramis  
 Latius, aut quoscunque ferax Chaldaeus odores  
 Diffundit, quàm fama tui, nomenque per omnes  
 Cantatum, dilecte, plagas, quas adspicit ather  
 Exoriens iterumque cadens. te qualibet ardet  
 Virgo procum; gestitque tuo consuescere amor  
 Flagitius inimica cohors, ac grandis honestos  
 Ardor agit ferventque novis amplexibus abdi,  
 3. Et domino arridere suo. me pertrahere lentam,  
 Ignaramque via per cæca pericula noctis,  
 Et scelerum infames salebras & inhospita ducas  
 Saxa manu. mihi tu vires animumque ministra,  
 Et da velle sequi. sequar ocyus, & mea curret  
 Orbita per dubios, sed te ductore, recessus,  
 Et rectum calcabit iter. regale subibo  
 Limen, & auratis fulgentia tecta columnis  
 Adspiciam, cœloque fruor. miscbimus ambo  
 Gaudia, deliciæque tuas in secula fundam,  
 Iustitiæque decus rarique exempla favoris.  
 4. Fusca licet videar, matres, ne spernite fuscam.  
 Hæc thalami sors prima mei est. sic torreo astu,  
 Sic afflicta premor, sic indignantibus Euris  
 Verberor, & tumidis jactor matrona procellis.  
 Sic mea crudeles deturpant ora tyranni;  
 Nec placeo, quia Sponsa vocor, summique Tonantis  
 Conjugio dignata parens. sum fabula vulgi,  
 Et fidei rectique tenax tot sordibus ævi  
 Inquinor, & fixæ depingunt membra colores.  
 Nec tamen illa meo facies in visa marito est,  
 5. Nec spernor contempta Deo. plus diligor illi.  
 Et sperni præcium est; ceditque infamæ laudi,  
 Opprobrium decori. sponso sum iudice pulchra,

Et rutilas Salomonis opes, aulaeque vincit  
Formosa pietatis honos; & fulgor honesti  
Innocuus post se Nomadum tentoria linqvit,  
Et Cedarorum transcendit gloria pelles.

6. Dic age, dic deliciolum, dic optime, qua nunc  
Terrarum regione cubes? quibus abditus oris  
Grex ovium & tenera carpant virgulta capella?  
Ipsa comes juxta gradiar. ne devius error  
Aut mala sacrilega rapiant consortia turba  
Præcipitem, dubiisque Fides sub imagine veri  
Fluctuet, & peregrina vaget per dogmata demens  
Palantes confessa duces.

## CHRISTVS.

— Tu maxima salve,  
Sponsa meo seposita thoro, clarissima cæli  
Filia, quam consanguineis natalibus ather  
Alligat agnoscitque suam, populosque per omnes  
Seligit ipse sibi: seu vis ECCLESIA dici,  
Seu Superum veneranda domus, templumq; Tonan-  
Sanctorum secunda parens, Respublica magni (tis,  
Intemerata Dei, venturaque numinis hæres,  
Et consors regina poli, perque aspera rerum  
Æternis tandem mulier servanda triumphis:  
7. Accipe me tibi, pulchra, virum. si tecta, læresque,  
Si quibus exultem campis cognoscere cura est;  
Quaque tuus fixit sedem statione redemptor;  
Huc ades, & vano subduc tua nomina seculo,  
Et vita rimata viam melioris, amico  
Iungere fida gregi, raptosque ab ovilibus agnos,  
Errantesque procul revoca, verbisque vagantes  
Pasce meis, nostris habitata mapalia seruis  
Adspicis, & quales pateant pastoribus umbra,  
Quaque salutaris crescant in vallibus herba.  
8. Qualis in excelsis valide cataphracta refulget  
Memphis equis, quoties radiant in casside coni,  
Ferratumque micat pectus; nitet inter amicas



Sponsa meas, currusque refert Pharaonis & arma,  
 Et fluidas ceruice iugas, phalerasque decentes,  
 Et quicquid probat alta Pharos. ceu murice vestis  
 Ebria, Sidoniisque nitent holoserica baccis  
 Tegmina, splendet Sponsa virtutibus atas,  
 Et mentis cultura bona, desuetaque fucum  
 Religio & clara constans reuerentia legis.

9. Tota mihi speciosa mea es. tibi turturis instar  
 Maxilla vultusque rubent. pro torquibus aurum est,  
 Et gracili pendenti preciosa monili collo,  
 Distinctusque notis clauorum argenteus ordo.

## E C C L E S I A.

10. Vix meus accubuit mihi Rex, & numen amicum  
 Ostendit thalimo facilis; dissudit odores

11. Nardus nostra novos, sensi juvenescere vires,  
 Et robur mihi grande dari, tactosque supernis  
 Ignibus ignavos animi plus gliscere motus,  
 Iamque magis coluisse Deum, percussa que caelo  
 Pectora fallacis fraudes proscribere vita.

Assyrio qualis desudans cortice myrrha,  
 Sponse, mihi es; vel quae Engaddi se tollit in agris  
 Cyprus, viniferosque inter viret amala colles,  
 Botris foeta suis; charis quam lata recondam

12. Vberibus; quam vis succi fragrantis amarus  
 Mordeat ora latex, & te redamantibus atri

13. Currant saepe dies, & sanctis mentibus atrox  
 Incubet & tristes latices permisceat orbis.

## C H R I S T V S.

14. At tua simplicitas, conjunx, ignaraque fraudum  
 Infantes fertur bonitas aquare columbas.

Sic oculos mansueta geris, sic lenis haberis,  
 Et tranquilla places. cunctis placabilis adstas,  
 Et comes it pulchra laudata modestis forma.

## E C C L E S I A.

Tu potius formam juvenes, pulcherrime, cunctos

15. Antevenis. qua forma mea est, defluxit ab uno  
 Conju-

Coniuge. tu decus omne mihi es. tu nomina confers.  
 Sum radii leuis umbra tui, de lumine lumen,  
 Et flamma scintilla tue. Pulcherrime, lectus  
 Sternitur ecce mihi, sed & idem sternitur aptè,  
 Sponse, tibi. thalamo gemini recubabimus uno,  
 16. Pendulaque ardentem pellent umbracula Solem.  
 Est cedrina domus, sunt & laquearia tectis  
 Optima, sunt celsis doctè disposita cupressis  
 Tigna. ferunt croceos nunc ipsa cubilia flores;  
 Nec sterilis sum Sponsa tibi. tua diditur omni  
 Fama loco; multisque tua cultoribus ades,  
 Et populis delabra strepunt. tot pignora gigno  
 Mater, & aterna manant de stirpe nepotes.

## CAP. II.

1. Sum Rosa, qua nullus moritur concussa procellis.  
 Sum Rosa, qua mediâ nescit marcescere brumâ.  
 Sum Rosa, puniceos inter celeberrima flores,  
 Nunc vilis precii, nunc omni carior auro,  
 Nunc depressa solo, nunc ipsis celsior astris,  
 Clausa malis, rursum fatis adaperita secundis.  
 Sum Rosa, qua, pedibus quam vis calcata protervis,  
 Erigor. & vebuti patulis in vallibus albescent  
 Lilia, candidulis latè præcello ligustris.

## CHRISTVS.

2. Sum violam, mea vita, meum, qua sola decoras  
 Præ radias veneranda nurus; ceu lilia spinas  
 Inter, honoratum tollis caput. undique sentes,  
 Et tribulis circum seges exhorrescit acutis,  
 Degeneresque rabi. cingunt te densa sororum  
 Agmina, sed multum studiis aduersa malignis  
 In te seua ruunt. seu cum scelerata tyrannis  
 Flagra tibi, flammæque ferox intentat & enses,  
 Atque uncas furibunda parat: seu rector Averni  
 Anietat in Fidei portas, & diraminatur  
 Fata tuis; mundique animum labefactat amore.

Sive



*Sive suos in te petulans lascivia sensus  
Concitet, & pavida moveat nova praelia menti  
Seditiosa caro, litesque resuscitet in te.*

## ECCLESIA.

3. *Sed veluti steriles inter se plurima sylvas  
Tollunt, humidulisque tument viridaria pomis;  
Sic juvenum viles inter, generose, catervas  
Solutas, meriti que decus non vile reportas.  
Hoc erat in votis, tecum requiescere in umbra,  
Tecum posse loqui. nam quæ promissa marito  
Ingeminas, quæ crebra meas solutiæ clades  
Inspersata juvant, sunt nostro mella palato,  
Ambrosiæque dapæ & amici nectaris unilæ.*

4. *Nuper ubi gratis spumabat vinea succis,  
Turgidaque implebat vacuas vindemia cellas,  
Ducebas avidam vini cupidamque bibendi.  
Voces vina tuæ; cœlestia pocula voces,  
Sponsæ, fuere tuæ. sensi nova gaudia, sensi,  
Et veteres pepuli curas animique dolores,  
Et culpæ ferale malum. Tunc prævius ibas,  
Tunc ductor sublata manu vexilla gerebas,  
Non quæ sanguineo præludunt improba Marti,  
Sed quibus ad placidi castra invitamur amoris,*

5. *Et partes, Rex magne, tuas. me floribus agræam,  
Languidulamque tuo suffulci robore nuptam.  
Nam titubat peccantis amor. sum cerea flecti  
In vitium vetitasque faces, quas tollit honorum,  
Vel malus ardor opum. sine te, vah, tota fatisco,  
Genua labant, fraëlisque subit socordia membris,  
Nec facio, quodcunque velim fecisse; malumque,*

6. *Quod nolo, fecisse libet. mihi, Christe, ruenti  
Affer opem, capii que meo suppone sinistram,  
Altera que in validam circumdet dextera Sponsam.  
Tu vitæ sis prima meæ, tu causa salutis  
Altera, tu suprema. tibi mea debeat uni  
Principium finemque Fides. nec gloria cœli*

In geminos divisa fluat. tu, Sponse, redemptor,  
 Et solus servator eris. quæ possumus, in te  
 Possumus: & quicquid recti præstare bonique  
 Negligimus, nostrum est. cunctos tua gratia  
 laxat

In miseram laudata sinus. tibi diligor ultrò,  
 Et dilecta fui prius. & non debita cessit,  
 Nec merito mihi parta salus. sic prævius æther,  
 Sic comes it cœptis, & tanta exorsa coronat.

## CHRISTVS.

7. Vos ego, Filiolæ Solymorum, obtestor. & illas  
 Quas viridi pasci spectatis fronde capellas,  
 Cervorumque adiro greges. per quicquid amicum,  
 Aut unquam mihi dulce fuit, per sidera, terras,  
 Flammiferasque faces & nostrâ condita dextrâ:  
 Tempora dilectæ concedite mollia Sponsæ,  
 Nec turbate thori sociam. dumque altior illam  
 Somnus habet, blando requiem indulgete sopori,  
 Et strepitu cessate. meis Ecclesia servit  
 Officiis Sponsoque vacat. procul ite malorum  
 Turba, nec intentam sacris avertite gentem.

## ECCLESIA.

8. Quam placidis sonuere mea sermonibus aures,  
 Quis lepor eloquii, quam me facundia lingua  
 Pellicit, immemoremque monet! de montibus altis  
 Hinnuleo similis properat, saliensque relinquit  
 Ardua frondentis Libani; gestuque manuque  
 9. Succurrentis habet speciem. quin ecce fenestras  
 Intrat, & insolito persundit lumine cordis  
 Abdita, discussaque cupit se nube videri,  
 Et coram spectari oculis. mea blandula surge,  
 10. Surge, ait, humanosque tuo de pectore sensus  
 Excute; dumque meis figis vestigia plantis,  
 I, propera. te nostra vagam clementia semper  
 Prævenit, & stygiis palantem arcessit ab oris.  
 11. Cessit hycems, hycemisque labor. cessere feroces  
 Terri-



*Terribileſque Noti. veteres compeſcunt imbres,  
Et nimbos moderata quies. trux languit in te  
Impietas, juffuque meo filuere procella,  
Excuffitque ſuum ſceptrorum infania virus.*

12. *Floret ager. reſonant avibus virgulta canoris,  
Aëriaque canit ſecurus turtur ab ulmo.*

13. *Palmitibus rediit vigor, & ſe denſior uva  
Abſcondit foliis, & baccis carula ficus,  
Munificusque tuis ſe devovet uſibus ather.*

*Quid ceſſas? mea lux, venias, tibi militat uni  
Cura poli, faciliſque pater. vox iſta vocantis,  
Ilius eſt. tu terra mea eſ; ſuſpiria, fructus;  
Uva, preces; fici gemitus & vota rogantum.*

14. *Qua modo petrarum latebris afflicta latebas,  
Aſſolet ut milvo circumvolitante columba,  
Poſt tenebras tibi redde diem, & maniſeſtior orbi  
Cernere. ſare, cui cupias debere magiſtro,  
Nec timeas mihi dicta loqui, dominumque fateri  
Omnibus, & noſtro praeconi ſolvere regno.*

15. *Hæc ait, inculcatque mihi. ſed ſubdola multum  
Subruit arroſis vulpes vineta racemis,  
Et non una nocet. Vos rei tendite ciues,  
Indagate vias, & qua ſe ſubdoluſ error  
Ingerit, & falſi vendunt mendacia vates,  
Evigilate viri. & ſi ſitis ne credite vani  
Teſtibus. unius juraſſe in verba magiſtri  
Sit ſatis, & tanto cauſam dæctore tueri.*

16. *Hoc agite. in viſas donec Sol altiſor umbras  
Diſſipet, & pulſa pateat caligine verum.*

## C A P. I I I.

1. *Sape mihi dubiam traxit ſententia mentem,  
Quoniam calle mei ſpatioſa palatia Sponſi  
Deprendam, jungarque viro. qua vita beatoſ  
Eſſiciat, votiſque frui ſine fine ſecundis.  
Quaſi vi, denſis ſed circumſepta tenebris,*

Nocte sub obscura latebras excussimus omnes :  
 Quid dicit rationis opus, subnixaque causis  
 Vis humana suis. didici, prudentia quicquid  
 Suggestit ; ingenique acies, & provida cernit  
 Consiliis doctrina suis. suffragia passim  
 Sedula consului & magnorum oracula vatum,  
 Rixantumque scholas discorsque ad singula vulgus.  
 2. Ivinus, & vicos avidè lustravimus omnes,  
 Et frustra studiosa fui. custodibus urbis  
 Obvia, sollicito vigiles, rerumque peritos,  
 Sed mihi nec vigiles, nec respondere periti.  
 3. Non Memphis, quam vis stolidæ sacraria vacca  
 Iactitet, aut visis sapiens Chaldeus in astris,  
 Persarumque Sophi. non, quæ colit impia quosvis  
 Gens vicina Deos. gravis ignorantia cunctis  
 Incubat, & nostri nescit mysteria lecti.  
 4. At postquam sprevi picti ludibria trunci,  
 Et veri ignaras animas, ducibusque negavi  
 Ambiguus adhibere fidem : secreta vitarum  
 Tuta magis rimata fui ; faciemque domumque  
 Vidimus, & sponsi gressus deprendimus omnes.  
 Tunc amplexa fui, cui diligor. arctius hesi,  
 Nec mihi subduci volui. deduximus ipsum  
 In thalamos & tecta Deum : dumq; undique terras  
 Personat, & summū declamant templa Tonantem,  
 5. Possedi tam grande bonum. Vos, nomina blanda,  
 Filiolæ, si quid nostrum peramabile vobis,  
 Si quid suæve fuit, mecum requiescere Sponsum  
 Iam sinite, & longos in lucem extendere amores,  
 Nec fastidita thalami consorte potiri.

## CHRISTVS.

6. O quenam, quenam illa, procul quæ splendida sur-  
 Desertis sublata locis ? ceu virgula myrrha, (git  
 Thusque calens pingues attollit in aëre fumos,  
 Vel piper & grata redolentia cinnama flammâ.  
 Conjugis os habitusque meus est, electaque mundo

Et



Et tenebris erepta cohors. cui thuris odorem  
Vita refert, myrrham dolor & constantia palmam.

7. En, late circum thalamos Salomonis in orbem  
Stat cataphracta phalanx, proceresq; ex ordine lecti,  
Iudæique patres. quibus omnis canuit ætas

8. Sub clypeis, gladiis accincti immanibus omnes.

Scilicet hæc Christi sacris operata Juventus  
Bella gerit, querulæque movet certamina carni,  
Et vinci generosa timet. quos stringimus enses  
Adversum, qua tela erebo Sathanæque paramus,  
Dum ruit errorumque animos nox occupat atra;  
Sunt vocis momenta mea; qua ferrea flectunt  
Pectora & occultas diffindunt per via fibras.

9. Ipse mihi è lignis Libani tentoria struxi  
Splendida, magnificasque trabes. consternitur axro,  
Argenti que micat sublimibus aula columnis.

10. Purpura pro veste est, Babylonia stragula lecti,  
Gemmarumque jubar tædæ. domus ista piorum est.  
Cujus splendor, amor: probitas preciosior auro:  
Leges fulcra mea: lux, gratia: purpura, sanguis.

11. At vos, quæ celsi colitis celebrata Sionis  
Limina, vos, inquam, florenti ætate puellæ;  
Huc omnes conferte gradum, quantisque coruscans  
Ostendet regum soboles insignibus ostrum,  
Adspicite, & quales radient in fronte corona,  
Matris opus; quæque ipsa suo diademata nato  
Imposuit, tunc cum thalami genialis adesset  
Vespera, & has inter graderetur mascula tædæ.

#### C A P. I V.

I. Quam mea præcellens Syriis reginæ puellis  
Porgit honoratos mihi formosissima vultus,  
Candidior cycno, lætenti mollior agno,  
Blanda, columbinis adludens mihi ocellis,  
Ut credas magis esse meam, fraudeque doloque  
Fastidire bonos. nihil est in mente cruentum,

Nil crudele, minax. cunctis clementia membris  
 Emicat & studiis franguntur mollibus ira.  
 2. Ut ludant super ora comæ, similisque capellis  
 Cæsaries, quæ se Gilead sub rupibus abdunt,  
 Et tondent dumeta vaga! quam picta rubenti  
 3. Labra rubent illi cocco! quam mite loquentis  
 Eloquium, & duras sermo qui duceret aures.  
 Punica ceu patulis redolentia mala canistris  
 4. Fragrant, Sponsa, genæ. turrique simillima cervix,  
 In bellum quæ tota patet. tot ferrea vallis,  
 Tot munia modis. cernas procul ordine longo  
 Pendentes proavum clypeos, appensaque scutas  
 Scuta novis, parmasque ducum, cumque arcibus hastas,  
 Et frameas, fixosque carvis thoracibus enses.  
 5. Ut tibi lacteola gemina statione papillæ,  
 Mammarumque tument globuli. ceu pulchra tenellis  
 Vbera propendent capreis, quæ liliæ calcant,  
 Et latis spatiantur agris. non altera sanctis  
 Forma decorque meis. insons in fronte rebrucet  
 Simplicitas, verique tenax sententia dens est.  
 Destillant labris vitis aduersa nefandis  
 Dogmata. quæque rubent, morituri sanguine Sponsæ  
 Ora rubent. turris sunt exporrecta fideles;  
 Spes galea est, lorica salus, fiducia scutum;  
 Vbera iustitia fontes, patrisque voluntas  
 Prisca recensque mei. surgunt, ceu colla, propheta,  
 Ostentantque meas populis peccantibus iras.  
 6. Ipse ego, cum medium conscenderit igneus orbem  
 Phœbus, & invisas rerum contraxerit umbras,  
 Cum calet alta dies; totum me frondibus abdam,  
 Myrrha ubi, & arboribus desudant thura Sabais.  
 Tunc legis fugient umbra, tunc clarior orbi  
 Cernar, & ablato amplectar velamine Sponsam,  
 Dilectosque mihi. pleno tunc Phosphorus ortu  
 Adducam sine nube diem: totusque patebo  
 Membris, atque aliis ardebunt pectora flammis.



7. Tota nites formosa, nites. nec corpore labe  
 Vlla tuo est. nostro deleti sanguine navi  
 Non ultra ferale rigent. preciosior unda  
 Abluit antiquas illi flumine sor des.  
 Fœdaque probrosis absolvit tempora rugis.
8. Linque pruinosos, metuenda cacumina, montes  
 Lux mea ; neve jugis Libani celsisque morare  
 Verticibus secura diu, quos exerit Hermon  
 Frondosusque Senir, vel terra virentis Amani.  
 Horrida spumantum caveas spelæa leonum,  
 Quæque sibi servat frendens habitacula pardus.  
 Hac orbis trux scena mali est. hic silva malorum  
 Pullulat, hic errant immixti tigribus agni,  
 Insontesque bonis. hic hic immania monstra,  
 Et scelerum portenta suis stabulantur in antris :  
 Improba luxuries, rabiesque invisa nocendi,  
 Et fastus populator opum, livorque secundis.  
 Invidus, & falsis animosa calumnia dictis :  
 Et fera concordies dirimens discordia mentes.
9. Respice me, mea Nupta, tuo qui saucius igne  
 Vulnus alo venis, atque illice lador ocello,  
 Et forma splendore tua. me candida virtus,  
 Me tua temperies, & prima flamma juventa  
 Abripit & recto nunquam saturata capido.
10. Pulchra soror, quæ dulce tui sunt pignus amores.  
 Pulchra soror, quam suave tui sunt nomen amores.  
 Pulchra Cupidineis concedunt vina papillis.  
 Vincit Achæmenios pulcherrima vestis odores.  
 Melle tibi stillant, & multo lacte labella, (grato
11. Sponsa, fluunt : sunt verba favi, & blandissima  
 Nectare lingua madet : redolentque monilia cedros,  
 Thuraque, & è pingui lachrymantes cortice succos.  
 Ingenii nitor iste tui est. hac aura serena  
 Indolis, & nostra majestas debita genti.
12. Quanta loquar ! veluti densis viridaria septis  
 Clausa

HEROICOR. LIB. IV.

529

Clausa jacent, fontesque novis custodibus, unam  
 Te surgente die, te decedente tuebor.  
 Hinc latus atque illinc valido munimine cingam,  
 Et vocis virtute mea; robustaque subdam  
 Labenti promissa tibi. Tuletiore herbam  
 13. Hortule, tu casiam: tu punica mala, crocumque  
 Et cyprum, nardique diu fragrantis aristas,  
 Cinnama tu, myrrhamq; aloëq; & balsama funde  
 In socias divisa tuas. sic crescite sancti,  
 Crescite, & in cunctas mea fundite nomina terras.

ECCLESIA.

Tu mihi pro fonte es, puris qui defluit undis,  
 Tu latices salientis aqua, tu larga ministras  
 14. Flumina, & ex ipso manantia gaudia caelo  
 Impertis. dilecte, veni; placidissime me me  
 15. Amplexare thori sociam. non horridus agris  
 Incumbit Boreas, tempestatesque severas  
 Aut fluctus ciet ira gravis. tua mitior aura est,  
 Tu Zephyrus, qui divino patefacta favori  
 Dulcibus irroras studiis mortalia corda.  
 Tunc meus irriguo conjux spaciabitur horto,  
 Et secunda suis adludet fructibus arbor.  
 16. Tunc facili mea poma manu decerpit amator,  
 Quaeq; prior dederat, reddam. tunc munera Christo,  
 Pura quo dilecto solvam libamina Sponso.

CAP. V.

CHRISTVS.

1. Et mihi floriferis per amoenus collibus hortus  
 Panditur. huc mea Sponsa veni. te messe beabo,  
 Quam felix largitur Eos. tibi myrrhina plenis  
 Dona cadis, nitidique feram carthesia lactis,  
 Et placitura tuis fragrantia vina labellis.  
 Omne meum, fas esse tuum. communia nuptiis  
 Singula sunt. eadem petimus volumusque beati.  
 Cæna eadem potusque. meis accumbite mensis,  
 Atque



Atque epulis mecum lati indulgete sodales,  
Ebriæque athereis accendite pectora votis.

## ECCLESIA.

2. Nox erat, & jam membra sopor Leithæus habebat,  
Cum mea tota Deo Superisque intenta vacaret  
Mens aversa solis. mihi pars depressa jacebat,  
Altera per cœli spatia & fulgentis Olympi  
Atria, sanctorumque domos sublimior ibat,  
Prompta sequi, quò fata vocant. Tunc dulcis amantis  
Vox audita mihi est: charo, soror optima, fratri  
Pande fores. dilecta obices & dura reclude  
Ostia, nec vocem blandi asperrime mariti.  
Ingredier, miserisque lares & tecta subibo;  
Dum stillat mihi rore caput, guttaque capillis  
Cincinnatiisque fluunt. diem pleno gratia cornu  
Labitur, & diri per me cessere reatus,  
Placatumque tibi reddent mea funera Patrem.

Ast ego jam pridem vitiorum pressa veterno  
3. Vah ignava fui. tunicaque exuta togamque  
Nuda iui. multumque expers florentis honesti,  
Quis veteres, dixi, sponsa donabit amictus,  
Et faciet magis esse piam? tum pulvere terfi  
Plus nituere pedes, & visa Ecclesia mundo  
Pulchra decensque fuit. sed enim pars savior orbis  
Sordidulis iterum sedabit corpora plantis,  
Et Sponso presente lusum, Christi que satelles  
4. Supplicii in visa premar. Dum talia fundo  
Verba dolens, subit in mediam me dextera Sponsi  
Transadigit, gemituque caute insonuere caverna.  
Exilii concussa malis, & verberare duro  
Tacta magis sapui; discussaque causa veterni  
Peccatique sopor fuit, & scordia cessit.  
5. Corripui me fessa thoro, tepidoque cubili,  
Et nimium molli proscribens marcidæ luxu  
Tempora, surrexi vigil. & jam vivida Sponso  
Dum conor referare fores, & pectore totum

Admisse Deum, vitæque expellere amorem :  
 Stellæ vere manus myrrham, cæpique probari  
 Religiosa viro. sed postquam cardine limen  
 6. Concrepuit, cordisque mei patuere penates,  
 Ah meus, ah discessit amans ; subductaque paulum  
 Gratiæ coelestis latuit, Sponsoque videbar  
 Displicuisse meo. mœrens, afflicta, fatiscens,  
 Fracta animum, magna absentem ter voce vocavi,  
 Verbaque nequicquam tunc proficientia fudi  
 Infelix. nihil ille mihi ; nihil ille marito  
 Respondit, quam vis multum lachrymosa rogarem.  
 7. Hæc inter me per tenebras & exca vagantem  
 Compita corripuere viri, cinxitque misellam  
 Custodum vigilumque manus. percussa frequenter,  
 Vulneribusque ad aperta fui. surrepta dolenti  
 Pallia sunt, peplusque pedes qui fluxit ad imos.  
 Errantes sic noctæ duces, labefacta tremebat  
 Et falso seducta fides. peregrina sequerebar  
 Signa, nec in sacris permansit transfuga castris.  
 8. Vos mihi, quæ Solymæ colitis tecta alta puella,  
 Dicite, si quæ mei nostis vestigia Sponsi.  
 Dicite, me languere proci fugientis amore :  
 Dicite, me lingue. e Dei fugientis amore.

## ADOLESCENTVLÆ.

9. At tu Iessæas inter pulcherrimæ Nymphas,  
 Cujus nec spatium visus, nec gloria laudem,  
 Nec titulos vox ulla capit : dic, cujus amore  
 Implesti flagrantem animum ? quove arseris igne ?  
 Cujus inextinctis uraris virgo favillis ?

## ECCLESIA.

10. Ille meus, quem sola colo, candore venusto  
 Ora rubet, juvenesque omnes pulcherrimus anteit,  
 Plus auro rutilat caput, & sublimior ipsis  
 Palmarum foliis surgunt à fronte capilli,  
 11. Illustresque nigrore coma. quos vibrat ocellos,  
 Ipsa columbarum castissima lumina vincunt ;



12. Lumina, qua nitidis præterlabentibus undis,  
Accipiunt purum fluuio abstergente nitorem.
13. Vt propriis redolent distincta sedibus herba,  
Distincta stant lege gener. manantia myrrha
14. Lilia concedunt labiis. manus utraque gemmas  
Et glaucum beryllon habet. per viscera late  
Candidulum transparet ebur. cui pulcher inerras
15. Caruleis, saphyre, notis. velut alta columnis  
Impavidis innixa domus, sunt crura marito  
Aurea, nec Libani vultus subsidit honori.
16. Blandula mellifluo subludivit lingua palato,  
Argutumque canit docto modulamine guttur.  
Sic oculos, sic ille manus, sic ora ferebat,  
Talis erat Sponso facies, sic corpore toto  
Splenduit. haud aliam nostris se mentibus offert  
Integritas candorque viri, maculandaque tandem  
Cade Redemptoris species. qui durior auro  
Intrepidum magno mortis discrimine petus  
Eximet, & Stygii spoliis Acherontis onustus  
Tartara calcabit victor. qui depluit omne  
Æthereo de fonte bonum, labiisque futuras  
Res aperit, nostræque legit præcepta salutis.  
Crura, quibus fulcit miseros, adamantina vis est,  
Certaque Evangelicis innixa potentia verbis.  
Auxilii sunt signa, manus. cœlestia dona  
Pacis opes; facilemque Deum, vitamque perennem  
Beryllos gemmasque puto. sunt ista piorum  
Fercula. sic clemens aximis illabitur æther.

## A D O L E S C E N T V L Æ.

17. Fare puellarum suavissima, quo tuus ille  
Fugit amans? quas se in latebras, quibus abdidit  
umbris?  
Fare, tuum quo, sponsa, simul quæramus amantem?

## CAPVT SEXTVM.

## ECCLESIA.

1. *Iam dicam. proprios tacitus deflexit in hortos,  
His pratis, hac valle latet, quo plurima carpat  
Lilia, & egregias lolio discriminet herbas.*

*Nos horti, nos prata sumus. sub cordibus hisce  
Æstuat, & pulchros fervens exuscitat ignes,*

2. *Et tepidos flagrare cupit. sum, Sponse, peculi  
Summa tui. tu summa mei. sumus alter amantis  
Mutua dos. nostrasque faces confundimus ambo.*

## CHRISTVS.

*Non aliter quam præcelsis in montibus arces  
Tollit Tyrsa suas, tollis fastigia frontis*

3. *Illustris, mea Sponsa, tuæ; dilectaque cælo  
Mœnia transcendis Solymæ. tu tota se vera es,  
Terribilisque malis & formidabilis adstas,  
Castrorum cæca densa phalanx, nec per via turmis  
Turma. tenebrosa metuit te calli dæus aula*

*Arbiter, & Stygia fugiunt tua tela cohortes,  
Et scelerum congesta cohors. Ne lumina quaeso*

4. *In sponsum deflecte tuum. nam tactus ocellis  
Erigor incendorque tuis, videorque superbo  
Celsius ire gradu, cæloque attollere cristas.*

5. *Pendula casaries caprarum hirsuta laceffit  
Colla. nitent dentes, quales albescere cernas  
Lanigeris ovibus, quoties in fonte lavantur,  
Atque gemelliparis implentur foetibus omnes.*

6. *Nec roseis aliter turgentia punicæ granis  
Mala rubent. nam te circum sanctissima cingunt,  
Agmina peccandi metus, & reverentiæ Sponsi,  
Et niveus vitæ decor, & mens conscia recti.*

7. *Sunt mihi sex denæ matres, de stemmate regum,  
Et reginæ omnes. sunt, quas dignamur habere  
Concubitus socias. sunt tot florentibus annis,  
Nec genus indecores & nomina chara puella,*



Sanctorumque gradus, & quos distinguit honorum  
 8. Sors non una. meo verum jurata cubili,  
 Vnaque conjugii consors mihi dicitur uxor.  
 Chara matris amor, sceleris sine labe columba.  
 Cui sua certatim solvunt præconia regum  
 Regina, dominaque nurus, facilesque piorum  
 Assurgunt animæ, & gravido de pectore tale  
 9. Eruclant iterantque melos: Quenam illa vira  
 Qualis diua parens, quæ formosissima vultu (go?  
 Provocat aurora faciem; cum certa salutis  
 Verba capit, Fideique suis infantia cunis  
 Vagit, & indoctis Christum balbutit in annis:  
 Fallimur? en radiis lucet melioribus orbi,  
 Et majus jam lumen habet, Lunæque videtur  
 Æmula flammiferos largiri genibus ignes,  
 Arreptasque à Sole faces, diffusaque de me  
 Lumina, doctæque jubar concedere terris.  
 Fallimur? en, illa ipsa novis successibus ardet,  
 Et jam Phœbeos imitatur fulgida currus,  
 Supremumque diem. tanta se lampade nobis  
 Ostentant, tenebrisque patent aterna fugatis.  
 Utque suo robusta cohors opponitur hosti,  
 Arma lacessenti movet imperterrita carni,  
 Et Phlegethontæas acies, & nixa potenti  
 Castra manu pro me bellatrix femina spernit.

## ECCLESIA.

10. Me meus hortus habet, dærisque exercita factis.  
 Plurima nux, specimen sortis casusque meorum.  
 Hic hic propter aquæ rivos in vallibus erro.  
 Et modo plantarum recreor lanugine. florum  
 Prima rudimenta & surgentia stamina specto,  
 Punica num vireat matris; num vineæ vini  
 Spem faciat, messemque ferax despondeat annus:  
 Qualis inoffensa fructu probitatis abundet.  
 Verna meus cavisque meus, quæ solvat Olympo  
 Vota, quibus sancti placent altaria donis.

11. Mox procul ex alto properantes monte quadriga,  
Præcipitesque rota, placidam & nil tale verentem  
Turbavere animam. pulchri perire labores,  
Et vesana piis mandis vis obstitit ausis.

12. Quare age Sponsa redi, tunc clamavere puella,  
Sponsa redi, vultusque tuos ostende puellis,  
Castrorumque choros & tot nascentia de te  
Pignora credentumque globos da cernere mundo.

## CAPUT VII.

## CHRISTVS.

1. Sponsa puellarum nitidissima, quam tua pulchro  
Dum graderis per rura fluunt vestigia pressu!  
Quam caligæ pedibus, quam se tibi leniter aptat  
Calceus, & femoris vadit junctura decenter,  
Artifici veluti fabricata monilia dextra!

Principis os habitumque gerens & Principe celso  
Edita progenies; specie crateris in orbem

2. Omphalos it, laticesque isto de fonte refundis,  
Quasque bibat peccator aquas. tibi venter acervi  
Et multum aggesta Cereris, quam lilia cingunt,

3. Instar habet. similes caprearum hinc inde mamilla

4. Molle tument. surgit, ceu turris, eburnea cervix.  
Ut piscina, micant, oculi. quique inier ocellos  
Turgidos dirimit nasus sublimior orbis,  
Respicit adversam, veluti de turre, Damascum.

5. Quale caput Camelus habet, tuus athera vertex

6. Verberat. auricomi rutilant, ut purpura, crines,

7. Formaque Idum eas imitatur splendida palmas.

Sapius hæc tacitus dixi: jam scandere palmam,

Iam fructus libare juvat. turgentia tangam

8. Vbera, fragrantisque fruar dulcedine Sponsa.

Manat ab Hybleo generosum gutture vinum,

9. Latitæque latex, isto qui melleus ore

Defluit, & passim labiis ebullit amicis.

Sic dum plena Deo flammis mens ardet honesti,



*It monitis impulsa meis. sunt munera nobis,  
 Officiumque pedes. ceruix erecta docentum  
 Splendor. Euangelii latus inviolabile turris.  
 Venter opes sancta. vatum consulta maxilla.  
 Nos caput, & summi Patris indulgentia botrus.*

## E C C L E S I A.

10. *Quo laudata ferar? queis jungar amantibus  
 Multis sepè procis, multisque petita puellis? (uxor,  
 Tu mihi, Christe places. tua sum, tu noster, & am-  
 Possidet unus amor. non me lasciuia voluptas, (bos  
 Non levis ambitio, tumidique superbia gressus,  
 Attalicaque iuvant gaze. non gloria fallax  
 Surripiet me, Sponse, tibi. convertimur ad te,  
 Te sequimur, formose virum. tecum ire per hortos  
 Est animus, totamque sacris impendere noctem :*
11. *Vt, simul ac roseis surgens Aurora capillis  
 Dispulerit tenebras, radiisque retexerit orbem,  
 Lustremus tua rura duo, num vinea gemmas*
12. *Truserit, ut sese florum incunda venustas  
 Explicet, & quales tellus tibi dædala foetus  
 Ediderit; vel quanta suis oblivia gignant  
 Mandragora foliis. illic dispersa jacebunt.*
13. *Poma manu, veteresque novis superaddere mes-  
 Cura erit, & mediis flores inspargere portis. (ses  
 Scilicet horrendis subducta tumultibus optem  
 Otia tranquillosque dies, Christi que sub umbrâ  
 Pace frui, manibusque feris erepta nocentum,  
 Sponse, tuo latuisse thoro, donaria ferre  
 Et grati monumenta animi, atque oblita malorum  
 Pectora, consiliisque pios iuvisse beatis.*

## C A P V T V I I I.

1. *Sape tibi sum dicta soror, soror unica, quare,  
 Tu mihi sis pro fratre, virique adamabile nomen  
 Nomine fraterno duplica. defluximus uno  
 Patre duo, genitorque tibi qui creditur, idem*

Est mihi. ne chara mecum lactantia matris  
 Vbera fastidi. sum mystica matris imago,  
 Tu caput es. vinculis pariter vincimur usdem,  
 Atque eadem nos causa ligat. sic oscula fratri  
 Prona dabo. decorisque mei pars magna, sororis  
 Diceris commune decus; nec vilis habebor,  
 Aut populis despecta ferar. Te dextera fratrem  
 Prensat, & in chara abducat penetrabile parentis,  
 2. Et nostræ secreta domus, alteque bonorum  
 Pectoribus sacer hospes eris. tua iussa capeffam,  
 Te praeunte, sequar. te praeceptore, docenti  
 Obsequar. hic dulci implebo carchesia musto,  
 Et pateris libabo merum. tua munera reddam,  
 Inque tuis supplex ponam donaria templis.  
 3. Dextera me amplexa est trepidam. suppositaque  
 Laeva meo capiti est. sic me caelestibus agram (blande  
 Undique suffulcit studiis, ducisque labantem,  
 Et tremulam arcano sustentas robore Sponsam.

CHRISTVS.

4. Vos ô, quæ Solyma colitis delubra, puella,  
 Otiâ sopitæ concedite mollia Sponsæ,  
 Nec junctos scelerum strepitu diuellite amantes.

ADOLESCENTVLÆ.

5. Sed quænam, quænam illa, feris excita cavernis  
 Surgit, & è nemorum latebris comptissima prodit,  
 Aptæ viro conjux, humeris innixa mariti?

ECCLESIA.

6. Illa ego sum, quæ, Sponse, meo te crimine quon-  
 Progeni, vetitos cum carperet arbore fructus (dam  
 Inconsulta manus. tunc te clementia Patris  
 Parturiit, fecitque vadem. tunc edidit orbi  
 Terra Redemptorem & miseris promisit Iesum.

CHRISTVS.

Ille ego sum, regina, tui signator amaris,  
 Arrha tuæ fidei; pignus venerabile lecti,  
 Rex thalami sponsorque tui. si ferrea mors est,



Si, quicquid mortale, domat, regesque ducesque ;  
 Non illi succumbet amor : non funera victus,  
 Sentiet. accendet mediis incendia bustis,  
 Duraque zelotypi contemnet fata sepulchri  
 Durior, & flammis nocturnæ lampadis instar  
 Exeret, & flammis tutus flagrabit in ipsis.  
 7. Non ulli hunc poterunt latices exstinguere amo-  
 Non Siloe. non qui vastas Iordanus in undas (rem,  
 Exit, & in Syria campos discurrit Orontes.  
 Hic procul Eoò venientes aquore gemmas  
 Vincit amor precio. non interrupta fideles  
 Vincla ligant, quæ nulla dies vel secula solvent,  
 Non mala fortuna facies, non rector Averni,  
 Non rabies, urgensque fames, non mortis acerbæ  
 Effera vis, vel quicquid atrox natura minatur.

## E C C L E S I A.

Stat nostri securus amor. multisque beatæ  
 8. Cingimur excubiis. verum mihi parvula vagit,  
 Et neglecta soror. cui non tumuere mamilla,  
 Sed calidus ludit circum præcordia sanguis,  
 Ipsaque pubescit primo sub flore juventa.  
 Ecquid agam ? quibus hanc verbis affabor amicis ?  
 Ignaræ sacrorum anima veræque salutis  
 Pro dolor, & nullo dignata federe gentes,  
 Te sine per salebras & inhospita rura vagantur,  
 Pietaque fallacis venerantur numina ligni.  
 Quin miseros, dilecte, vocas ? æque illice verbo  
 Consortes vis esse mihi, paribusque beari  
 Legibus & nostris palantes coetibus addi ?

## C A P V T V.

9. Si paries, si murus erit, si lubrica non sit,  
 Nec levis instabilem rotet inconstantia mentem,  
 PARS fiet selecta domus ; & digna vocari,  
 Et jungi pietate mihi, paribusque tuenda est  
 Præsidii curaque soror. si prona patebit

*Ianua, si curiet venienti occurrere Sponsi,  
Hanc tabulis cedrisque velut firmabimus arctis.*

## ECCLESIA.

10. *Sum paries, mammaque mihi pro turribus ex-  
Sum murus stabiliq; fides innixa columna est. (Stat,  
Quin tali sum lege mea sociata sorori,  
Ut circumciso Graius permixtus Apella  
Ambulet, & rigidos respectet Gratia Persas,  
Sublatoque colant Dominum discrimine gentes.*

## CHRISTVS.

11. *Ipse coruscanti Salomon spectandus in ostro  
Hac tenuit vineta prior. precioque locavit  
Agricolas, viles dum fastidit a labores  
Majestas veneranda fuit. mihi vinea cura est.*

12. *Hac ipsa tractanda manu, meus omnis in illa  
Sudat amor, disponit amor, plantatque rigatque.*

*Nec mea terrenis felix Ecclesia tuta est  
Officiis. solo sed me custode triumphat.*

*Tu modo, qua medios graderis secura per hortos,  
Ne cessa mihi, Sponsa, loqui. nam plurima circum  
Æmula te fundunt rivales agmina voces,  
Et mihi te Sponseque student avertere Sponsum.*

## ECCLESIA.

13. *Corripe, Sponse, fugam & levibus velocior hœdis  
Occupat odoriferos, lætissima culmina, montes.*

*Æthereasque domos magnoque habitata Parenti  
Tecta subi. thalamosque illic, dum militat absens,  
Grataque sollicita dispone cubilia Sponsa.*



## P H A R M A C E V T R I A,

Sive Nuptiarum Cyri, Perfarum Regis,  
& Aspasiæ, virginis rusticæ,

## L I B E R P R I M V S.

**I** Am Persas accendit Amor, semotaque longè  
Ipsa Dionæis flagrant palatia flammis,  
Et flocti diadema potest; ac rustica Phyllis  
Latior Eòo conjux splendescit in ostro,  
Muteturque Deos, mundoque exemplarari  
Adspicit, ut surgant humiles, & munere Divam  
Induat angustas paupertas spreta coronas,  
Mereturque pedum sceptro, despectaque ruris  
Filia adorandis intexat crinibus aurum.  
Vos, quibus incerto vadunt mortalia casu,  
Nec curant terras Superi, quos cæca futuri  
Palantes Fortuna rapit, qui numina rebus  
Indulgere suis, nostri segura, putatis:  
Præsentem spectate Deum, & cælestia quantis  
Consiliis se Fata probent, mundique labores,  
Ingenio, non forte, regant; dum surgere parvos  
Cernimus, & summo turbari culmine rerum  
Regales apices, venerandaque nomina tolli,  
Ut sublata ruant. vili sub cespite primi  
Pompilium fovère lares, cunasque Quirini  
Et nondum domina dispersa mapalia Roma,  
Pastorum rexere manus, & mole laborans  
Imperium tenui cunabula debuit Alba.  
Talis ebur Lydumque Gyges (ut fama) tribunal  
Conscendit, regnoque fuit thalamoque potita  
Simplicitas. talis Siculâ tellure potestas  
In figulo rectore stetit, flexitque sub una  
Sceptra lutumque manæ. quò te, rex Persa, Deorum  
Extulit in sublime favor? cum voce iaras

Infremuit lata sonipes, regique futuro  
 Hinnit ignarus quadrupes. quo numine sordens  
 Facta fuit Rhodope Pharii Regina tyranni?  
 Tarquinius cur, Tybri, colis? cur rursus ovantes  
 Deturbas solio? Latii cur frena capeffit  
 Verna? vel innumeris seruaris, Sulla, triumphis?  
 Ille Iugurthino. & Cimbrum certamine clarus,  
 Quo toties vicit bellatrix consule Roma,  
 Cur jacet in caeno Marius, cannaque palustris  
 Abdit grande caput? Vis haec occulta deorum est.  
 Qua regnis ratione praest, regumque coërcet  
 Colla potens. quod si nondum labefacta resurgat  
 Religio, pergatque sibi temerarius error  
 Falsa loqui; clara thalamos & foedera spectet  
 Aspasia; & tantum compestet virgo tumultum,  
 Et dicet regnare Deos, motuque latente  
 Ire per ambages, humanaque flectere vota,  
 Quà libet, & tacitis fines evolvere causas.  
 Vos mihi, qua sylvis Dryades habitatis opacis,  
 Naiadesque Dea, & celebres per prata Napaa,  
 Dicite virgineos vultus: dic ruris amores,  
 Alma Pales. Vos Damonis suspiria saepe,  
 Et faciles voces, vos dura verba notastis  
 Virginis, & pleno Aspasiam stupuistis in auro  
 Iura pharetrato regnantem dicere Medo.

Illa per Eoas famâ celeberrima terras,  
 Ore Deam referens, poterat Iove digna videri.  
 Tantus honos oculis inerat, frontique genisque.  
 Is rubor in labris, roseam qui vinceret Eo,  
 Is nitor in digitis, ni verum qui vincere longè  
 Posset ebur, placidique lepos tam melleus oris,  
 Vt sic Suada loqui cuperet. per colla flusebat  
 Æmula casaries Phœbo, gressusque modesti,  
 Ceu magna Iunonis, erant, pudibundaque semper  
 Suererat objectis faciem pratexere ramis,  
 Et velare mali causas, solitasque procanam



Illecebras, & quicquid amans insania poscit.  
 Sapius hanc limis Corydon adspexi ocellis;  
 Sæpe per umbrosos saltus & tesqua vagantem  
 Vidit, & incaluit Mæris. vestigia furtim  
 Dum sequitur Dapionis, flamma propiore liquefcit,  
 Vt levia admotis ardescunt sulphura fumis,  
 Naphtaque conspecto vicina bitumine flagrat.  
 Multorum communis amor, multisque petita,  
 Nullius privata fuit. dum poscitur una,  
 Reppulit una procos, & fastidita sequentes  
 Votaque & imbelles pastorum exercuit iras.  
 Plus tamen unus amat Damon, totiesque repulsus  
 Acrius instat amans, crescitque dolore voluptas,  
 Et sperni vulgare putat: cum mollibus illam  
 Alloquii cupit & blandis accendere dictis,  
 Stat scopulo similis, quem fluctus & unda minacem  
 Verberat incausam. dictis aduersa repugnat,  
 Nec thalami patiens pro virginitatis honore  
 Verba facit, doctaque virum ratione refellit.  
 Cum sua formoso circumdare brachia collo  
 Nititur, optatis amplexibus arcet amantem.  
 Et quoties labris in vitum surripit audax  
 Basiolum, queritur, verbisque insultat amaris.  
 Cum dextram sociare parat, cum pignus & arrham  
 Donat amicitia, cum pignore dextra fidesque  
 Despicitur, detrectat, abit, nunc abdit a sylvis  
 Delitet aut cæcis habitat secretior antris.  
 Interea Damon per de via rura, locosque,  
 Et nemorum ambages rapitur, quaritque, viasque  
 In morem scrutatur equi, quem primus odoris  
 Afflat odor, notos cum seruidus exit in agros;  
 Pascuaque & totos hinnitu trajicit amnes.  
 Vix Aurora gravem terris dimoverat umbram,  
 Aspasiam vocat, Aspasiam vestigat in udis  
 Vallibus; ait celsis errantem in montibus ardet  
 Ponè sequi. medio postquam sublimior axe

Iffet anhela dies, fontes & flumina propter  
 Invocat Aspasiam, & gelidas monstrare calenti  
 Vellet amator aquas, undisque calere sub iisdem.  
 Inde ubi noctifero vesper processit Olympo,  
 Nec jam tota dies nec nox jam tota patescit,  
 Observat, quo calle suam deflectat in urbem,  
 Qua sedeat defessa domo, qua gaudia poscat,  
 Queis socius comes incedat. fugit illa vocantem,  
 Nec sinit, adveniat. Si quando arridet amicè,  
 Torvum mœsta videt. quoties suspiria lentis  
 Præcurrunt lachrymis, ceu victo obgannit amanti.  
 Nec tamen hunc Cereris, non somni cura furentem  
 Abstrahat. invisâ circum prostratus in herba  
 Spectat inexpleto dilectam lumine formam,  
 Et visu perit ipse suo. Quis savius, inquit,  
 Quis me pastorum crudelius alter amavit?  
 Non potior, qui semper amo. vilescimus usque  
 Officiis; prodestque nihil, favisse puella.  
 Omne mihi tempus precibus perit, annus & atas  
 Muneribus, nec mille truce[m] donaria placant.  
 Quicquid odoriferum fragrantibus edidit hortis  
 Ver geniale, dedi. mediis allata Sabais  
 Balsama, dein Cilicum messes, arisque dicatos  
 Panchai thuris globulos & cinnama misi.  
 Nuper disparibus mihi qua surgebat avenis  
 Fistula, qua summum posset flexisse Tonantem,  
 Aspasia concessa mea est. qui prendere passer,  
 Et primum ludens digitum mordere solebat,  
 Illius est. dedimus toties decerpta recenti  
 Poma manu, dulces venere ad prandia ficus,  
 Et gravidis pendens vindemia pulchra racemis.  
 Cum mihi non vilis penderet arundine piscis,  
 Cum foret intentâ volucris dejecta sagittâ,  
 Cum mea stravissent pinguem venabula cervam,  
 Singula transmisi dominâ. modoserta parari  
 Iussimus, aut gracili fiscellas vimine texi,



Aut quæ Sidoniis fulgebant serica filis.  
 Cuncta simul periere mihi. nil iuuit amasse  
 Difficilem. delusa fuit sperata voluptas  
 Hactenus. unda meos, & quicquid sufficis, æther,  
 Tuque parens tellus, frustra docuistis amores.  
 Attenuant vigiles languentia membra dolores,  
 Et macie marcet cutis inconcinna, vigorque  
 Priscus abit. solum mihi vox atque ossa supersunt.  
 Et tamen imprudens, quem non probat, approbat illâ,  
 Et tamen infelix, quæ me fugit, insequor illam,  
 Atque animum, qui me decepit, inebriat error,  
 Seductumque rapit. fallacia gaudia capto,  
 Spesque meas pudor est vano donasse labori.  
 Inde manus tollens ad sidera; deserar usque,  
 Deserar ô, inquit, Superi? nec amabor, ab illâ?  
 Et primo despectus amans exstinguar in ævo?  
 Si potuit Stygias Orpheus lenire sorores,  
 Tartareisque suam cithara deducere regnis  
 Eurydicen; nigri si regia palluit Orci,  
 Cum pius infernas Theseus comes iret ad umbras,  
 Sulphureique recens peteretur conjugis uxor,  
 Hac etiam tentanda via est. Discedite Divi  
 Cœlicola, quotquot mundi suprema tenetis,  
 Numina serua mihi. potius Tu rector opacæ  
 Noctis & umbrarum pater & pallentis Avernî,  
 Tuque fave votis Phlegethon, & flumine largo  
 Eructa, Cocyte, dolos. nova, Cerbere, philtrea  
 Expuè, & aternis rigidam latratibus imple  
 Aspasiam, & quam non valui mulcere rogando,  
 Frange metu. piceo Styx livida toxica fundo  
 Evomat; & cœlum quas nobis denegat artes,  
 Pandite vos matres Furia. ruite omnis in unum  
 Horrida gens, aliosque modos dictate procandi,  
 Eumenides. quacunque queam ratione potiri,  
 Hæc erit aqua mihi. virtus, vitiumque scelusque,  
 Cum probitate nefas nullo discrimine habentor,

Carminibus sterilem seges evanescit in herbam,  
 Deficiunt fluvius unda, labuntur ab altiss  
 Illicibus glandes, spoliatur frondibus arbor,  
 Vbera lacte carent. etiam plus gliscit ab illis  
 Et stimulos capit agra Venus, spretumque virago  
 Admittit mansueta procum & jam fracta fatiscit.

Talia dicenti tandem sententia sedit,  
 Consulere horrenda scelerata oracula magistra,  
 Et magicos audire sonos, patefacta cieri,  
 Tartara, fallaces tenebris arcessere manes,  
 Impiisque infames obsonia poscere sagas.  
 Quid faciat? non Miarribia de gente sacerdos  
 Os aperit, caeloque avertens sidera Circe,  
 Non Medea potens herbis, non Marsica pubes,  
 Non Psylli docti chelydris properare soporem,  
 Aut diro sucti strepitu terrere Chaatra.  
 Delphica conticuit rupes, & corniger Ammon,  
 Et sacri tripodes Dodonicique recessus,  
 Et quicumque vagis haeret Chaldaeus in astris.  
 At vates Lodippa fuit, tot gnara malorum  
 Femina, quae scelerum ritus atque improba norat  
 Carmina, & invitam Superis subducere Lunam,  
 Sistere Solis equos, & noctis tempora clavo  
 Permiscere die, suffundere nubila caelo,  
 Et totum revocare Chaos, dudumque sepultos  
 Sollicitare rogos imisque excire cavernis  
 Pallentes animas, obliuia tradere menti,  
 Cunctaque Lethaei quassare silentia rami:  
 Hac eadem, quoties vellet, lenire lecnas,  
 Serpentumque genus proprio exarmare veneno,  
 Et fixas alio poterat traducere quercus.  
 Fit lupus & laxos ululat nocturna per agros  
 Innocuo funesta gregi. jam forma molossi est,  
 Et mala latrat anus, nunc turribus abdita celsis  
 Horrendum mugit ferali carmine bubo.  
 Frenet aper, nigri crocitat sub imagine corvi,

Reptat



Reptat humi serpens mulier. fit dira Celeno,  
 Atque alibi suis obscena sub corpore grumit.  
 Tollitur & rapidis magnum per inane quadrigis  
 Trans terras pelagusq; volat, Rhodopenque nivosa  
 Sub pedibus Pindumque videt, Riphæaque transit  
 Culmina Caucasosque apices. porrecta draconum  
 Membra trahunt laceros currus, queis larida velat  
 Crista caput, maculisque rigent horrentia fœdis  
 Tergora, destillant spumanti frena veneno,  
 Et tabo rabida ora madent. quæcunque vagatur,  
 Secedunt longè volucres, li vescit arista,  
 Nigrescunt tacta segetes, rubigine sordent  
 Prata, jacent fracto violata papavera collo,  
 Et nihil afflatum superest. quin æthere summo  
 Toxicæ terribiles recreant delapsa novercas.  
 Hac mandante leæ est amnes & flumina strictis  
 Stare vadis, motusque suos dediscere Gangem,  
 Tardius Euphraten, lenis incedere Tigrin  
 Vorticibus, propriis refluxum se mergere Orontem  
 Fontibus, & nullo Maandrum currere flexu.  
 Hac ventos subito tempestatesque sonoras  
 Voce ciet, Caurosque Notis & Iapyga Cauris  
 Objicit, adversisque movet certamina flabris.  
 Mergit sæva rates, & onustas mercibus alnos  
 Disjicit, & summo discerpit lintea malo.  
 Enceladum Tityique latus flammisque tremendam  
 Concutit Inrimem, fumantem exasperat Ætnam,  
 Crebraque disruptis jaculatur saxa caminis.  
 Impellit placidas inopino murmure nubes,  
 Terrificique ruunt tonitrus. modò fulmina jussu  
 Fabricat & trifidos extundit nubibus ignes,  
 Ignaro Iove. divulsas discedere terras  
 Cogit, & ingentes absorbet hiis urbibus irbes.  
 Hac potuit Lodippa furens, quæ Colchida vicit  
 Artibus & cui non vixit par Thessala Erichtho,  
 Non versutus Atyr, non qua venientibus annis

Insti-

Instituit socias melior Locusta propinquas.  
 Hanc adit effossi vastis sub rupibus antri  
 Impatiens Damon. mersos caligine postes  
 Adspicit, excubiisque incustodita remotis  
 Limina, & aeterna metuenda habitacula noctis.  
 Pendebat ruitura domus, vacuque penates.  
 Et resupinatis sordebant atria muris.  
 Non viridi circum vernabant gramine campi,  
 Non pluvia locus aut fecundo rore rigatur.  
 Nulla rosas legit virgo, vel poma colonus.  
 Detrectant secreta diem; gaudetque tenebris,  
 Quisquis amat vitium. Phœbeia lumina nescit  
 Ferre latebrosum specus, ut sua crimina celet  
 Contemptosque Deos & vatis lucra dolosa,  
 Et Phlegethontæis subnixos fraudibus ausus.  
 Intus cristati torquebant colla dracones,  
 Et sicca calido poscentes gutture lympham  
 Dipsades. infaustis accomoda partibus aspis  
 Perreptabat humum, propriaque injuria matri  
 Vipera, & ingenito turgentes felle colubri.  
 Pendula sublimes texebat aranea casses,  
 Ventrosusque gravi librans vestigia gressu  
 Bufo suum patulo virus fundebat ab ore.  
 Non hic arguto priscum modulamine Terei  
 Ingeminat philomela nefas, non Attica pellex  
 Ismarium deplorat Iryn. sed noxia passim  
 Strix volat, & pravi prænuncia noctua fati.  
 Seminceps pendent artus, ereptaque matri  
 Pignora, & execti moribundo corpore foetus,  
 Et, nondum sibi totus homo. calcatur ephēbus,  
 Quæ graderis, lyncisque caput, cor vulturis atri,  
 Et distorta upupæ facies, fit tota nefandi  
 Improba materies rerum natura laboris.  
 Altius admissos occurrens prona salutat  
 Credulitas, falsique tenax dementia stultis  
 Annuit, & cupidus exposcit faucibus aurum



Vilis Avaritia ac precio mendacia vendit,  
 Illuditque Deis, nec regum iussa moratur.  
 Hic mediis Lodippa sedens penetralibus, orbi  
 Et populis responsa dabat, discincta capillum,  
 Fœda genas fusco vultum turpata colore,  
 Squallida, deformi nil concessura Megæra.  
 Ipsa feros rabies oculorum armaverat ignes,  
 Bassaridum quales oculi. dissecta fluebant  
 Pallia, & impura velabant tempora vitta.  
 Ossa tribunal erant, tumultis subducta parentum,  
 Et detracta feris circum suspensa rigebant  
 Tergæ bouum, & fœdis sanies manabat ab extis.  
 Vt limen tetigit, rursus revocatus ab illo est  
 Attonitus. redit inde animus, pulsoque timore  
 Infert se mediis Damon penetralibus alte,  
 Et deploratis circumfert lumina tectis.  
 Ergo illam ut dubio vix tandem cernere vultu  
 Evaluit, tetricam rabido de pectore vocem  
 Infremuit mulier; qualem Phlegethonte sub imo  
 Pallida Tisiphone vel rauco eructat ab ore  
 Ianitor, inque suos Ixion detonat orbis.  
 Insonuit nemus, & vasta tremuere caverna,  
 Ferratæque fores immensaque claustra loquentis  
 Dissiliere sono. tantus fragor ivit in auras,  
 Quantus nocte lupis ululantibus aëra complet.  
 Aut qualem Armenia tigres Maurique leones,  
 Aut impacata vis effera frenduit Hydra.  
 Ipsa cavis habitans saxi resonabilis Echo  
 Fugit, & extremos timuit decerpere voci  
 Articulos, divisque novissima reddere verbis.  
 Tandem ait: Has qua te, Iurvenis, vel causa vel error  
 Depulit in latebras? num furto raptæ supellex  
 Queritur, occultusque tibi deposcitur auctor?  
 An flatu ladenda Ceres? an flumina sisti,  
 An vis saxa loqui? geminas concurrere Lunas?  
 An vitreos turpi fœdari sanguine fontes?

Num

Num potius tacito poscis medicamen amori,  
 Et velles flagrare minus? num spernit amantem  
 Virgo, precesque tuas iratâ respuit aure?  
 Anne alios gelidi tractum in vestigia lethi  
 Ire cupis, fratresque cito decedere fato?  
 Num tua vis nullo penetrari corpora ferro,  
 Et gladium apices & vana repellere tela?  
 An procul extremos jam nunc Garamantas & Indos  
 Est animus spectare, vel ipsam visere Thulen,  
 Atlantisque domos, & adustum sidere Poenum,  
 Et raptus per regna vehi? Solemque cadentem  
 Surgentemque diem celeri decurrere motu?  
 Dic age. Tum Damon: Tu, quæ non cognita nobis  
 No visti consulta Deum, Superumque Iovisque  
 Consiliis majora sapis, cui numina plenum  
 Pectus agunt, totoque tument præcordia Phœbo,  
 Cui manes omnesque Dii famulantur Averni,  
 Et veniunt ad jussa alacres; quæ Tartara laxas  
 Tenariosque lacus, & nostra stamina vitæ  
 Parcarumque colos & lentos fraudibus annos  
 Precipitas, ipsique potens dominaris Olympo:  
 Eumenidum decus, inferno dilecta profundo  
 Filii Persephones, quam charis fovit Erinnyes  
 Vberibus, studiisque audacibus imbuit unam;  
 Cujus ad imperium pandit sua Cerberus ora,  
 Cujus ad imperium guttur crudele coërcet;  
 Ipse leves umbras in vita lintre re vectat  
 Portitor, accelerat pœnas tardatque Megæra,  
 Flagrantisque faces obvertit sonibus atrox:  
 Exaudi, Lodippa, preces. non funera posco,  
 Non animo cades agito; non lancibus infans  
 Appositus, non membra mihi dissecta petuntur,  
 Humanusque cruor. qualis Busiridis aris,  
 Aut Thracum crudis fluxit per fercula mensis:  
 Non patriam veni audaci rescindere cæpto,  
 Non regum insidior jugulo sceptrisque potentum,

Aut



Aut conjuratos armare in praelia cives  
 Est animus, partesque sequi. non patris in annos  
 Quærimus, antè diem, nec publica commoda lædi,  
 Non fruges laticesque volo, vel inania tristem  
 Carminibus nostris mulctralia fallere Baucen.  
 Formæ mali levis est, & dùm peccare necesse est,  
 Molle nefas meditor. ve, itas me trudit in artes  
 Aliger ille Deus, tractumque cupidine pectus  
 Fascinat, & duro miserum me objectat amori.  
 Hæc colo montanus pastor loca, collibus erro,  
 Et tenerum ducto campis agrestibus agmen.  
 Balantumque greges & qui transversa tuetur  
 Ponè sequor torvi vestigia fœtida capri.  
 Est quoque vacca mihi tauro foecunda marito,  
 Est structum vi, idi frondosum cespitè culmen.  
 It vitæ secura quies. poteramque videri  
 Felix sorte mea; nisi me non vellet amantem  
 Aspasia & nostros sævissima sperneret ignos.  
 Hæc placanda mihi est. fac ut miserescere possit  
 Damonis, dicatque suum. tu pharmana dona  
 Certa mihi. penetrent magici per viscera cantus,  
 Aut me dede neci. sit mors mihi meta doloris,  
 Aut speratus amor. cœli convexa tueri  
 Difficilesque Deos labor est. pro virgine quid vis  
 Infandum patiar juvenis. quò jusseris ire,  
 Ibimus. immensum tecum tranabimus æquor,  
 Ibimus in terra gremium, cœcosque meatus;  
 In Ditis te regna sequar, Stigiumque tyrannum  
 Alloquar. Aspasiam, Aspasiam mihi flecte, feroxque  
 Ingenium, Lodippa, doma. tibi texta parantur  
 Serica, & Eòo rutilantes murice palla,  
 Regalesque toga, digitisque augustius aurum  
 Tinniet. hic tibi selectas mætabo bidentes,  
 Et tua præclaris onerabo altaria donis,  
 Narcisso violaque & suave rubentibus uvis.  
 Phasiacas addam volucres, quaque ordine pulchro

Arrestam gemmis caudam stellantibus implet,  
Et quæ Chalcidico subsidit femina gallo.

Tum mulier sic orsa loqui est, & verba profatur  
Impia: Cum densas mundo nox fecerit umbras,  
Et rutilum tacitis subduxerit aethera terris  
Occiduis Titan, speciosaque cornua Phœbe  
Occultabit aquis; spumantia littora Nerei  
Nocti vagus spectator adi; dumque obvia lustras,  
Et modo suspensam miraris in aere terram,  
Inde catenatum objecta tellure profundum,  
Conspue ter, ter lacte novo consperge procellas,  
Ter nivei mellis tumidis affunde liquorem  
Fluuiibus, & veteris fragrantia munera Bacchi.  
Ter conversus, aquis fluidos ter tinge capillos;  
Et tandem in bibulâ demisso poplite arenâ,  
Ter tibi dilecta nomen percurrere puella,  
Et magna ter voce voca. dumque ultima faris,  
Oceani vicina subi, veste que recinetas  
Abjice, terque tuos undis fluentibus artus  
Prohæ, ter silsa madeant aspergine lumbi,  
Ter fluctus littusque feri. Solennia, virgo,  
Ista tibi, dic, sacra paro. mitesce roganti,  
Nec porro gravis esse velis. ter sulphure, flamma,  
Ter lymphâ lustratus abi. mox undique frondes,  
Et fruticum genus, aduersi medicamina amoris,  
Collige, quas Peneus, vel quos dabit altior Ossa,  
Vel Pindi iuga, vel Pindo ferventior Ailas.  
Lætucam violamque cave, & qui frigidus immuns  
In ventrem serpit cucumis, quæque acta per hortos  
Turget ab angusto protenta cucurbita collo.  
Intyba prætereas, gravidumque sopore papaver,  
Funestasque trabes taxos, piteamque nocentem,  
Et teretes fungos, foliumque immittentia.  
Apta magis ventosa faba est, Veneremq; morantem  
Extimulans eruca salax, & grandior orchis,  
Et mordax piper, & ferventis grana cumini.

Hinc



Hinc porrum & calidis carpantur eryngia fibris,  
 Flosculus euphrasia & vertex benè olentis anethi.  
 Deinde cavum tepido spumet tibi sanguine ahenum,  
 Sanguine, quem tumidi fundet tibi vena leonis  
 Vulneribus laxata novis. rabiosa legatur  
 Spuma canum, leporique fero decerpta medulla,  
 Et cervi femur & virus lunare draconum,  
 Cenchris & hirsuti pellis maculosa colubri,  
 Quique venenatis Afrum serpentibus ater  
 Destillat cruor & Libyci membrana cerasta.  
 Adde caput nati nuper bufonis & alvo  
 Exemtum coeca puerum, raptumque cadaver  
 Infami ferale rota. cineresque nocentum,  
 Effossosque reis oculos, cerebrumque chelydri,  
 Reptantesque solo cochleas, hepar anguis & aurem,  
 Passeris extincti nimis in amoribus inguen,  
 Extaque cornicis septem jam secula passa,  
 Et lentum Hippomanes, tenera de fronte revulsum  
 Vix nascentis equi. qua stipite mixta coquuntur.  
 Acris. at postquam steterit tibi succus & omnes  
 Fient gluten aqua, lavam ter inunge mamillam,  
 Et lumbos oculosque & cor violabile telis,  
 Et partes, quas postcit amor. dic: ista placere  
 Aspasia fac, Diva Paphi, ritusque secunda  
 Officiosa meos. patulis hinc gramina campis  
 Et flores succide. rosas cum carpis, iisdem  
 Basia fige libens; cum lilia, lilia centum  
 Basiolis caleant; cum myrtus tangitur arbor,  
 Dic: Mihi, myrte, fave, Venerique sacerrima pectus  
 Virginis emolli rigidum. contexe corollas,  
 Et ter cinge caput, rursum ter deme corollas,  
 Et dic: Virgo, tuo triplex sub pectore vernet  
 Gratia, & hos ipsos veris transcendat honores,  
 Totque herbis reviresce magis. post littora, montes,  
 Lustratosque locos nemorum, tua tecta revise,  
 Et calidis rursum tibi bulliat olla favillis.

Quà gradiere, novi flores & gramina surgent,  
 Quaque cadent gutta, in vitem lasciviet ulmus,  
 Ambiet & platanus platanos, & mutua palma  
 Brachia conneſcent, iterabunt oscula concha,  
 Permissaque ibunt hederæ. ræ et omnis in ignes  
 Insolitos tellus, & semiet altior ales  
 Inſperata pati gelidas incendia nubes.  
 Hac cum ſollicitâ perfeceris omnia curâ,  
 Atria quâ spatiosa patent, imique penates,  
 Formidatâ tuum concludat linea corpus,  
 Et circo ſtet tutâ ſalus. hoc limite gressum  
 Fige, nec hanc auſis, Damon, transcendere metam.  
 Si faxis, citius dicto diſcerpta trahentur  
 Membra, & Avernales lambent tua frusta ſorores.  
 Tum virgâ primum, Superos & sidera ſigna,  
 Deinde ſolum attonito ſimilis cum murmure pulſa,  
 Et Furias Manesque cie, cunctosque profunda  
 Concute Iunonis thalamos, Erebumque Chaosque  
 Cocytique domos & caligantiæ regna,  
 Et quæ vorticibus Lethe loca luſtrat anhelis,  
 Et Stygii de vœxa poli. Iamque, ecce, tremiſcens  
 Sub pedibus ſecedet humus, caligine teſtum,  
 Et piceis circum nigreſcent omnia fumis.  
 Illicet æthereas corrumpet peſtifer auras  
 Spiritus, & mixto diſſuſus ſulphure foetor.  
 Nec morâ, ſecundo tollent ſe monſtra Barathro,  
 Speſtraque terribili ſurgent minantiæ vultu,  
 Fumantesque faces quatient. hic Gorgonis ora,  
 Hic caput anguineis intortum plexibus antro  
 Effert. hac Scyllam, referet frons iſtâ Meduſam,  
 Quaque venenosis colubris armabitur, altos  
 Librabit gressus tenebroſæ filia noctis.  
 Ille canem reddet latratoremque moloſſum,  
 Hic oculos, baſiliſce, tuos; hac turpis hyænæ  
 Guttur, & implicitæ ſpiras torquebit echidnæ.  
 Adſpicias patulis flammâ præſtera vomentem

Faucibus



Faucibus, & Veneri præbentem gaudia Scincom.  
 Alter in obliquum serpet latus, ipsaque Cancer  
 Crura recurvabit. guttis lucentibus ibit  
 Stellio, & exuvias Scutales imitabitur alter.  
 Ibis Tartareus Triton, simulataque terga  
 Concutiet, conchamque sono replebit inani,  
 Quos inter Stymphalis erit, raptura cruentis  
 Vnguibus exangues animas. hic mutiet hirci  
 Larva, fremant lynces, claudet Plutonis alumnus  
 Ursus, & occulta fallens dulcedine præher.  
 Nec deerunt Harpedophorus, terrenisque Phobotor,  
 Non Icelos, non ille trabes mentitus & undas  
 Phantasmus, & quavis ludens sub imagine Morpheus.  
 Exiliet levior Nycteus & Diis Alastor  
 Asseda & ille ruens pedibus velocibus Æthon,  
 Et Capni soboles, & curvis cornibus Ammon,  
 Et rictu terrens Lupus & proboscide Protheus.  
 Hos trudet veniens Caphoros, Larfosque, Merachq;  
 Burfa, Bulis, Salafar, Barfu, Lasphurus & Adar,  
 Ethiel, Azoriel, Thulbas, Pandorque Cazulque,  
 Et scelerum persuasor Aal, furtique magister  
 Albador, & luxus suadens exempla protervus  
 Carrasiba, & populis vendens mendacia Chrubas.  
 Et latrocinii Malgrom, & notus Ahalcas  
 Fraudibus, & gaudens lectum incestare Remascon.  
 Qua cum transierint oculos portenta, subibit  
 Astaroth, Attalibax, & clamans dira Mimallon,  
 Et tonitru clarus Bronies, flammisque Pyracmon  
 Ore vomens, rostroque minans mordace Scolopax,  
 Et qui fallacis fucum male diligit aula  
 Thaumias, & in regum mores proclivior Aischros.  
 Iuraque qui precis Adicos sacrumque tribunal  
 Pervertit; medicosque docet tot crimina Chrysos.  
 Quid tetrum Briarea loquar? cui brachia centum  
 Damnatos prensant manes, tumidumque Typhoea,  
 Animachū, Morychumq; Lycochtona, Teledaantem,  
 Et

Et similem Lerna Phlegrum, Drusumque Chima-  
 Tum Stygiæ matrum circumstipante ceterâ (ram.  
 Incedet triplex Hecate, rapietque micantes  
 Persephone post se famulas. turba omnis in orbem  
 Anguipedes flectet gressus, nec vultibus obdent  
 Tegmina, femineum prævelatura pudorem.  
 Quæ cum prodiderit tenebrosi regis Ditis  
 Agmina, difformesque choros, se mitior illis  
 Offeret Æneadum genitrix, matremque Cupido  
 Ponè premet, jaculisque humeros insignis & arcu  
 Aspasia simulacra manu radiantia ducet,  
 Non tamen Aspasiæ. faciles tibi flectet ocellos  
 Umbra levis, cupietque tibi consuescere spectrum,  
 Pronaque contemptis innectere colla lacertis.  
 Ne moveare, puer. constet fiducia cæpto,  
 Nec tantos horre strepitus, speciemque malorum,  
 Aut improvisæ timeas spectacula pompæ.  
 Quin potius multo rursum tibi bulliat iste  
 Igne lebes, mergasque tuis lacerata sub undis  
 Viscera cornipedum, & metuendas viribus herbas,  
 Et mox repletas humano sanguine venas.  
 Noster in hoc succo Deus est. hoc gluten amoris  
 Illecebra est, stimulumque minus redamantibus ad-  
 Dissolvitque gelu. tali conspersa liquore (dit,  
 Deperit Phædra Hippolytum, Briseis Achillem,  
 Et Macareus Canacem, & Sappho doctæ Phæonem,  
 Salmacis Androgynum, & factus puer Iphis Ian-  
 Hoc succo redeunt anni, roburque virile, (then.  
 Et vigor in Venerem. potuit juvenescere tactu,  
 Sequæ virum stupuit rugis abentibus Æson.  
 Hoc sua Tithono toties reparata juventa est,  
 Hoc Erycina suum toties aspersit Adonin.  
 Hunc ubi torva suis contingit virgo labellis,  
 Dilutum pætera custoditoque Lyæo,  
 Illi delictum, Damon, & solæ voluptas,  
 Et spes omnis eris. solum te flumina juxta,



*Aut densos inter corylos aut tecta corymbis  
Antra vel umbriferi deposcet vela ligustri.*

*Audiit hæc letus Damon, sperataque fovit  
Gaudia, & Aspasiæ votis dum præcipit, auro  
Fardicam demulcet animum, vestesque decoras  
Adjicit, & pulchris fallacia carmina donis  
Thessalicasque artes redimit. capit ille furoris  
Materiem causasque sui; quæcunque parari  
Iusserat, herbarum genera & quæ gramina sparsim  
Vulsa manu partim, & el partim falce resecta  
Legerat, & vario turgentia pocula lacte.*

*Dumque levat manibus tanta per versa magistra  
Munera, ridiculasque dapes, miratur eundo,  
Atque oculos animumque stupens per singula ducit.*

*Sic graditur, cum se venienti fortè Palæmon  
Obtulit, indomitæ moderatus frenæ juvenæ,  
Et comes & custos quondam. qui ferre tenellum  
Sueverat, & genibus ludentem aptare paternis.  
Qui simul ac studium juvenis, curasque, viæque  
Edidicit causas, tantique exorsa laboris,  
Et malè quæsi molimina subdola læti,  
Sic ait increpitans: Quis te malesanus amantem  
Error agit; cæloque facit peccare relicto,  
Et sprevisse Deos? fati flectuntur amores,  
Et thalamus res est Superùm. non ludicra tædas  
Sors movet, aut istis amor est quarendus in herbis.  
Scilicet hæc, Damon, credis curare sepultos,  
Et Styga Lethæumque Iovem? cur, improbe, curas  
Nosse domos Erebi? delubraque Ditis operti  
Consulis? & stolidis imploras infera votis  
Numina? nos genus exosum furialibus umbris  
Et soboles invisa sumus. malè poscis ab hoste  
Præsidium columenque tibi. falleris amator  
Fraudibus ipse tuis. disces miser esse, rogando,  
Quos rogitare nefas. non adspicit æquior æther,  
Qui Diti debere volunt. novisse futurum.*

Numinis est. sensusque & corda inflectere coelum,  
 Non Styx atra valet. quanta mercede parantur  
 Damna tibi, meritaque luet vesania poenas!  
 Si thalami poscis sociam, res ista parentum est.  
 Agrestem si pastor amas, pastoris amici  
 Consilia expendas potius, precibusque jugales  
 Flecte Deos. quorsum hic omnis sine fine paratus?  
 Quid sibi vult pars ista lupi? pars ista leonis?  
 Quid teter bufo? qui rapta volucris exta?  
 Feralesque epula & cruda cum floribus offa?  
 Quid vitulus de matre recens? & turgida succis  
 Cymbia, detonsaque coma? tuni illa, sacerdos,  
 Sacra tibi ludosque facis? talemque puella  
 Te gestis prestare virum? num talibus astra  
 Officiis placare studes? facilesque mereri  
 Coelicolas? heu, quid Veneri cum partibus istis.  
 Non placet huic matri bubo, non cauda lacerta,  
 Non crucibus detracta caris, non livida tabo  
 Viscera, & exanimés artus. procul illa faceessant,  
 Crepta precor. Superos credas plus posse, Deumque  
 Coniugii curare modos, & pabula amoris  
 Sufficere & tetricam iuveni lenire puellam.  
 Pronubus est homini Rex Iupiter. annuit illi,  
 Et thalimis moderator adest. His optima coniux  
 Auspiciis poscenda tibi est. venerabile caeli  
 Depositum insanus nunquam donabit aruspex.  
 Impia non Manto, non qua penetrata terra  
 Scrutatur, Stygisque litat mala Thassalis aris.  
 Horruit his monitis Damon, gelidusque cucurrit  
 Imma per ossa tremor; pollutaque carmina damnans,  
 Nunc artes timet ipse suas, nunc damna revolvit.  
 Et credit perisse sibi, quod solverat, aurum.  
 Stat titubaturque miser, veluti qui sentibus anguem  
 Pressit humi. cecidere manu frugesque liquorque,  
 Et volucrum quodcumque fuit, quodcumque ferarum.  
 Fanda, nefanda simul. calcat projecta magorum.



*Fercula, collectumque irato numine virus,  
Et formidatos excussit pectore ritus.*

## D A M O N,

Sive Nuptiarum

C Y R I &amp; A S P A S I Æ,

in quo de vitæ aulicæ ac rusticæ commodis  
ac incommodis disceptatur,

## L I B E R S E C V N D V S.

**D**ispulerat Memnon tenebras, & lutea conjunx  
Tithoni, croceum linquens Aurora maritum,  
Oceano fledebat equos, jam tempora Morphei  
Nocturnasque faces mundo subduxerat ardens  
Phosphorus, & patulis rorantia gramina campis  
Abluerat primo soboles Hyperionis ortu:  
Lanigerum cum virgo pecus, cupidasque capellas,  
Tarda que lascivis permixta armenta juvencis  
Duceret Aspasia, & pratis laxaret apertis,  
Tutela secura sua. comes ibat eunni  
Chloris & Hypsipyle. quarum prior illa procorum  
Nescia contemptos referebat Thyrsidis ignes;  
Hæc flammam confessa fuit, tactumque Philani  
Illecebris animum & primi secreta furoris.  
Illi pulchra leves alitè stringebat amictus  
Fascia, ne madidam preciosior olita terram  
Verreret, aut lentos traherent vestigia gressus.  
Dextra pedum portans humeris ludebat in ipsis,  
Quo sulcos jacere & segnes urgere bidentes  
Sueverat. hand alto suras perone togebat,  
Frondifera geniale caput velata cupresso.  
Dum graditur, capiti ter florida lapsa corona est.  
Imperii præfaga novæ. ter Jupiter alta  
Intonuit de nube pater. dumque altera coelum  
Sceptra parat, ter vile pedum, quod fortè gerebat,

Excidit.

Excidit è manibus. summo Iovis armiger ales  
 Æthere signa dabat, regumque afferre tiaras  
 Visi sunt clangore gravi. sed nescia fari  
 Lactiferas virgo matres agnosque petulcos  
 Ponè sequebatur. Superùm quem destinet aris,  
 Designat, duris modo vocibus increpat hœdum  
 Cornipetam; queis lana pedes descendit ad imos  
 Mulcet oves; quæ pallentes benè ruminet herbas,  
 Observat, cæmpoſque suos & prata pererrat.  
 Non alium Zephyrus radius melioribus orbi  
 Viderat illuxisse diem; non suavius unquam  
 Pascua fecundis purgabant flatibus aura.  
 Ver erat, & pingues trudebant gramina gleba  
 Acrius, & multis natura coloribus agros  
 Pinxerat, innumerisque dabat primordia rebus:  
 Cum procul accelerans currus de montibus altis  
 Harpalus, instigansque rotas, rimatur in agros  
 Sollicitus, queritque suo nova gaudia Regi,  
 Quaque thoro possit formâ meliore probari.  
 Feruida præcipiti prolabitur orbita cursu,  
 Sævaque quadrupedum geminantur verbera dorsis.  
 Fumat ager, strepituque suo & velocibus umbris  
 Attoniti terrentur equi. levis assiluit unda.  
 Undique, concutitur tellus, & turbine anhelò  
 Visa simul, correpta simul, subductaque raptu  
 Aspasia est. clamant comites, manibusque sequuntur  
 Exertis, sociamque vocant, precibusque repossunt  
 Incassum. Quis te, raptor scelerate, Deorum,  
 Chloris ait, Stygiis audacem exciuit ab oris?  
 Quis flammis accendit Amor? facibusque profanis  
 Impulit infestis rura infestare quadrigis?  
 Sunt aliæ innuptæ Medo & florentibus annis,  
 Nec Regi indecores. non unam Laida servat  
 Persepolis. veniant istæ mercede puella.  
 Sufficit impuræ meretrix mercabilis aula.  
 Linque lares nostros, & quas sine crimine sedes



Pan colit. hic paribus nubet pastoribus illa  
 Aptius. agrestem cur pessimus advena diuam,  
 Dilectamque rapis? non hæc rapienda virago,  
 Sed potius poscenda fuit. confundite terras,  
 O Superi; non tuta suis sunt regna colonis.  
 Captiua sumus, & spoliū prædonis iniqui.  
 Sacrilegas lacerate rotas, currusque proter vos  
 Soluite, & infracto, quisquis fiet ille potentum,  
 Axe ruat. duris raptorem illidite saxis,  
 Sistite equos, celeres, Fauni, disrampite habenas  
 Ocyus. hanc charo sobolem seruate parenti,  
 Reddite ruricolam. sic se clamore fatigat,  
 Verbaque profundit nil proficientia Chloris.

Aspasia, ut pavidæ rediit vultusque colorque,  
 Inque gravem coram torsit sua lumina Persam,  
 Ingemuit, lachrymisque genas dum tingit obortis;  
 Heu, quis me tellus, inquit, qua me æquora raptam  
 Accipient? quò, quare feror? quò turba sororum.  
 Quò comites abiire mea? cur deseris unam;  
 Hypsipyle? cur sola truci sum visa tyranno  
 Digna rapi? mater, genitor, succurrite nata,  
 Exaudite preces. vestris si filia iussis  
 Paruit, exitio faciles succurrite nostro.  
 Quis scelus antiquum reuocat? quis crimina raptus  
 Nulla putat? castæ qua virginitatis honorem  
 Impietas lesura venit? non missus Averno  
 Rursus in errantem per florea præta puellam,  
 Pluto, furis? geminaque frui consorte laboras?  
 Num Lapithas impellit amor? num pastor ab Ida  
 Tyndarin Eois aliam sibi querit in agris?  
 An Dryopen me credit Hylas? Minoida Theseus?  
 An terras Titanes habent? raptisque Typhœa  
 Faucibus evomuit calidis fornacibus Ætna?  
 Ah, raptor. dubiumque, cui captiua marito  
 Debeat. invisas Erebi descendet ad umbras  
 Aspasia? atque tuis vivam Proserpina fatis?

An regum ser uor thalamis? num structa caminis  
 Moenia Cyclopium & Liparen miseranda sub ibo,  
 Phlegraosque specus? etenim, quocumque dolentem  
 Me fortuna feret, tellus Acheronque placebunt  
 Sorte pari. nusquam custodia tuta pudori.

Quantum uirginitas potuēt suadere malorum!

Dum loquitur, laxo uoluit per deuia freno  
 Persa ferox, montesque & saxa minantia caelo  
 Trajicit, & Zephyros ipsos post terga relinquit.  
 Iamque Lycum Tigrinque uagum transuectus, &  
 Ecbatana, & celsi nemorosa cacumina Zagri, (alta  
 Et qui praecipiti spectatur rupe, Niphaten,  
 Deposuit mediis spoliū uenerabile Susis.  
 Hic ubi flammanti fulgent accensa pyropo  
 Atria, & Assyriis rutilant palatia gazis,  
 Fultaque Mygdoniis regia tecta columinis.

Audiit hos motus Damon, nec credulus illis  
 Queritat Aspasiā, camposque & iugera pernox  
 Scrutatur. lustrat villas, nemora omnia oberrat,  
 Inuocat amissam. sperat, pauet; optat & horret;  
 Aggreditur quosuis, casus scitatur acerbos,  
 Quis raptor, quis currus, equis qua forma colorque,  
 Quae uia praedonis. talis circumuolat ales  
 Proxima, cum foetus subductaque pignora nido  
 Adspicit. excelsas illic circumspicit ornos,  
 Illic saxa uidet, num quis decusserit Euris.  
 Nunc hominum radit latus, aut in uertice tecti  
 Mœsta sedet, querulisque replet garritibus curas,  
 Furtaque uel pueris, uel seuis exprobrat Austris.

Arsacidas tum fortè suis flelebat habenis  
 Cyrus, & Assyrū uictor fastigiaregni  
 Subdiderat Medo. nihil ultra Lydus habebat,  
 Ionusque suum. magni patrimonia Cræsi  
 Persarum rectoris erant, & Phocidis urbes,  
 Euboicique sinus. Arabasque & Bactra tenebat,  
 Et clara Babylonis opes, Regumque feroces



Exuvias. felix, tantos ni cruda triumphos  
 Mater, & illustres foedasset femina lauros.  
 Non illum galea fulgur, non dira minantes  
 Terruerant clypei, non tracta è crine sagitta.  
 Inter signa puer, strictasque adoleverat hastas  
 Intrepidus. per tela Ducem, cuneosque globosque  
 Fulmineosque furens Mavors raptaverat enses.  
 Ergò ubi se longis exolvit Persia bellis,  
 Armaque Gradiuo suspendit fessa parenti,  
 Et centum fulgens gemino sub Sole trophæis  
 Bellacem placavit Halyn, & Caspia regna,  
 Et Phasin & verso pignantem tergo Parthum.  
 Ibant tranquilla luces & marcida luxu  
 Tempora peccantem fregerunt sordibus aulam,  
 Masculaque in molles fluxerunt pectora curas.  
 Tum litui cessere, lyra, tum classica festis  
 Vocibus, & cunctos laxavit regia fastus,  
 Et rigidum pepulit torpens ignavia Martem.  
 Iamque aderat festiva dies, epulæque paratæ  
 Ante oculos, patrioque Duces pro more sedebant,  
 Et folio ductor Medus spectandus eburno.  
 Parthica cui totum velabant serica corpus,  
 Regiaque ornabant dignos diademata crines.  
 Obtulerat leto spumantia cymelia succo  
 Bis genitus puer, & decerptas collibus uvas.  
 Alma Ceres fruges, longisque obsonia mensis  
 Ferculaque exactum dederat poscentia guttur.  
 Cum Venus hos ipsos inter Dea candida coetus  
 Extulit os, movitque gradum. non squallida tabo  
 Arma ferens, rigidisque truces mucronibus enses,  
 Non avidos pugna Thracas, nec Amazonas arcu  
 Terribiles, durumve Getam. sed Principe coram  
 Virgineos Erycina stitit blandissima vultus,  
 Mortali sub carne Deas. non gratia vita,  
 Non Charitum deerat decor, & sine fraude venus.  
 Mixtaque non ficto comis reverentia gestu. (stas,  
 Tales

Tales Najadas sacris incedere festis  
 Fama fuit, modo des cultus similesque paratus.  
 Hac poterat Cypris virgo formosa videri;  
 Hac Iuno, generosa gradu. pro Pallade fulget  
 Aspasia, audacem referebat quarta Lacaniam.  
 Digna Deo cunctis facies. ut lumina Cyrus  
 Flexit in adstantes nunquam saturat a puellas,  
 Non secus exarsit, quam si, spirantibus Euris,  
 Agricola arenti flammam supponat arista,  
 Aut exciciat as cremet in foenilibus herbas.  
 Estimulant omnes Regem. distincta voluptas  
 In plures unum trahit, & divellit amantem.  
 Et quia Memnoniis regionibus acrius urit  
 Sævus Amor, flagrat vitio gentisque suoque.  
 Ut pudor abscessit, vini que licentia suavit,  
 Quæ reges fecisse nefas; orditur amores  
 Purpura, & Aspasia, quæ non ren. re. e. sorores,  
 Basia figit amans, iteratque, & ludit, & ignes  
 Ipse suos nutrit; sumitque alimenta libido,  
 Invaluitque furor. rabies effrenis amandi  
 Secessum vitio querit, latebrasque nocendi.  
 Iamque moras spernens rogat, & sua vota reponit.  
 Quodque petit, ceu lege petit. completitur, urget.  
 Arridet propius, nec sic expletur amando.  
 Verba, joci, risus, facies, motusque manusque  
 Millè modis produnt malesanæ incendia flammæ.  
 Illicitasque faces. sed non conatibus istis  
 Annuat, at totum contempsit mascula Cyrum  
 Virgo, nec, illustri quanquam, consensit amanti.  
 Dum pergit, crimenque jubet, visque addita verbo  
 Facundam facit ipse timor. gressuque rediit, (est.  
 Quid, Princeps, moliris? ait. sim rustica quamvis,  
 Casta mihi mens est. non hæc poppismata mater,  
 Non docuit nos ista pater. sim subdita quamquam,  
 Non cogar peccare. tuis sine crimine jussis  
 Obsequar. & quamvis regum placuisse tiaris,



Eximium, magnumque putem; tamen illa favoris  
 Displicet & sordet species, quam damnat honestas.  
 Et sacra pietatis amor. parebimus aula,  
 At Superis cœloque magis. cum deficit illa,  
 Deficit obsequio populus. nil iussa moratur  
 Improba, religio. mihi simplex vita rudisque est,  
 Luxuriosa tibi. mihi connubialia cordi  
 Iura sacerque thorus. pellex projecta vocari.  
 Nolo, nec hac nostri victrix erit aula pudoris.  
 Te gravitas, te, Cyre, decet reverentia vita,  
 Nec qui cuncta jubes, veniam sortitus iniqui es.  
 Plus virtus in Rege micat. conspectus omne  
 In te crimen erit. quantaque in luce gubernas,  
 Committes tanta facinus. Te civibus aequum est  
 Vivere in exemplum & leges præscribere factis.  
 Hæc tua, quæ toties hostili sanguine dextra  
 Immaduit, tetigisse volet, quos abdidit æther  
 Occulitque sinus? oculis scortaberis istis?  
 Quos ferus Euphrates, quos belliger horruit Indus,  
 Armeniusque celer. quod duri militis ausus  
 Contudit os, lasciva potest & mollia fari?  
 Ne viola, si raptæ licet. sum raptæ parentum.  
 Nec tua sum, nisi flagitio. si sufficit, agris  
 Subduxisse, tuum est, quicquid prædator habebis.  
 Sic juris vis norma tui est; & regula facti,  
 Quicquid velle libet. libertas regia fines  
 Virtutis transire cavet. servitque potestas;  
 Quam domat imperiosa Venus. sub rege modesto  
 Tuta pudicitia est, & iniqui crimen amoris.  
 Castigant, qui sceptræ gerunt. te, Cyre, parentem,  
 Te civem facilemque proba. succurre puella,  
 Et me redde meis. pater est mihi vilior Ægon,  
 Et Mycale genitrix. potius mulceralibus apta  
 Inveniar, rurique meo, quàm grandibus oculis,  
 Quàm thalamis, rex magne, tuis. me Phyllidas inter  
 Linque meas. alia recreent se Thaide Persæ.

Substitit ad promptas generoso pectore voces  
 Rector Achamenius, monitusque & verba recondens  
 Optima, majores animos à virgine sumit,  
 Et peccare timet. nec jam sibi pellicis optat  
 Obsequio seruire malam, sed jure marita.  
 Diligit Aspasiam titulo meliore, thoroque  
 Iungit & illicitos longè proscribit amores.

Interea Damon post tedia longa viarum  
 Susa petit, magnamque vagus pervenit in urbem,  
 Quo furor impulerat Paphius. spes lætat inanes,  
 Et se quæsitæ solatur imagine sponsa.  
 Regia cæta subit. mediis sese ingerit audax  
 Porticibus. quæ turba Ducum ferventior, intrat,  
 Dissimilisque habitu, fragrantem murice Medum,  
 Sidoniaeque stupet chlamydes, aulæa, penates,  
 Et mores alios, & non exercita ruri  
 Officia & tantæ miratur nomina pompa.  
 Iam manibus detracta recens ex ilice virga est,  
 Solamen fulcrumque via. de vertice palma  
 Pendebant foliis & ramis viridantis olivæ.  
 Laxa viro vestis, sed laneæ. pendula nullo  
 Ordine casaries, facies incompta rudisque,  
 Qualem pastor amet. talem se Heroibus addit,  
 Et Ducibus graditur comes & magnatibus adstat.  
 Utque coruscanti procedere vidit in auro  
 Aspasiam, Regemque & amicas jungere dextras.  
 Et populo assurgente coli: velamina sterni:  
 Ut festas audit voces, & verba rogantium:  
 Ereptamque sibi meliori sorte puellam:  
 Infremit irato similis, causasque doloris  
 Adspicit ipse sui. submurmurat, invidet, odit.  
 Dumque loqui timet, occulto plus mussitat ore,  
 Et quassans caput adstanti subsibilat ostro.  
 Ambulat, itque reditque frequens; circumspicit om-  
 Spectat spectaturque simul. pendentia jactat (nes,  
 Brachia, diducitque manus. jam signa dolentis,



Nunc indignantis speciem, nunc edit amantis.  
 Tandem compressam rupere silentia vocem,  
 Verbaque precipitat, sed paucula. Tu mihi, dixit,  
 Iam pridem dilecta vale. prae regis amore,  
 Sordet amans pastor. tenui plus fulgida cannâ  
 Sceptra placent. humili praeferens palatia tecto,  
 Magnificasque trabes: potuit tibi tecta probari  
 Splendidior, vilisque fui prae Principe Damon.  
 Cyrus, ut arrectis hac cominus auribus hausit,  
 Constitit, Aspasiamque rogat: quis pastor, & unde,  
 Quid velit. Illa procum non indignata fatetur,  
 Et spretum toties juvenem. nunc vota jacere,  
 Spemque thori peruisse viro: se Rege beatam  
 Conjugioque frui. nihil huic superesse, quod optet,  
 Quod speret, minus hinc questus, hinc murmurâ na-  
 Advocat intrepidum Cyrus Damona, jubetq; (Sci-  
 Plura sibi, sine teste, loqui. secedit & aula  
 Dum secreta subit, juveni blanditur amice,  
 Ingenium probat, & sincerâ pignora flamma,  
 Innocuos questus. Thalamis, ait, optime, nostris  
 Aspasiam junxere Dii, tibi fata negarunt,  
 Et potior jam causa mea est. mihi debita conjux  
 Incedit, cunctasque audit regina per urbes,  
 Major sorte sua. sed enim tu dignior aula  
 Pars quoque, Damon, eris. quod si non conjuge, sal-  
 Principe me poteris felix divesque vocari. (tem-  
 Iam tibi vilescant villa, jam sordida sperne  
 Rura laresque tuos, & nostris vive beatus  
 Auspiciis. majora dabo. plus regia spondet,  
 Quam benè cultus ager. surgunt mihi splendida cen-  
 Possibus & Phrygio constant laquearia saxo, (tum-  
 Aurat aequae domus. tuguri tu pauperis hospes  
 Squallida tecta colis. sternunt tibi vilia lectum  
 Stramina, vel graciles decerpti è flumine junci.  
 Hic tibi lecticae grandes & strata parantur  
 Mollia, quaeque gravem prolectet pluma soporem.

Hic aula nitent, picturatosque tapetas  
 Adspicis & regum positos hoc ordine vultus.  
 Rure vagâ tenuis discursat aranea telâ,  
 Et nitor omnis abest. hic dulcis gratia fandi,  
 Hic decorat nostros laudata modestiâ mores.  
 Rusticitas vestra est, atque omnis nescia cultus  
 Simplicitas, nescitque tuos fortuna penates  
 Ardua. nos titulos & magni nomina census,  
 Praturas fascesque damus. decernit honores,  
 Et confert regalis apex. hic arca laudi  
 Materiesque patet. patriam defendimus armis,  
 Vos imbelles pecus. rutilum nos stringimus enses  
 Dum vobis sulco attritus splendescere vomer  
 Assolet. infestum muris depellimus hostem,  
 Subruimus Grajûm portas, invadimus urbes;  
 Vobis gleba labor. vos ferro scinditis agros,  
 Et brutam laceratis humum. paupercula messis  
 Cum solatur opus, nostras Daphnea coronant  
 Serta comas, scribuntque omnes praconia fasti.  
 Ingentes si postis opes, mihi copia rerum  
 Suppetit & dites lassant araria gaze.  
 Paupertas, immunda domus, servilis egestas,  
 Sunt procul à nobis. quod si tibi grata voluptas,  
 Invenias hic mille modos, seu ludere disco,  
 Seu libeat teretes contorto verberare fundas,  
 Aut hastas vibrare manu, torquere sagittas,  
 Aut sternacis equi duris premere ora lupatis.  
 Ipsa suo gravis est veniens Aurora colono,  
 Multo rore madens. medii lux alta diei  
 Concoquit agricolam, pluvia, ventique hyemesque,  
 Frigus & immites tibi sunt pro dote pruina.  
 Est invisâ filix segeti & Cerealibus herbis,  
 Et sperata seges vanis illudit avenis,  
 Factaque difficiles prosternunt culmina Cauri.  
 Non his aula malis, non his mea regia curis  
 Frangitur. aestivas sua fallunt otia luces,



Et læta currunt hyemes. hic vina bibuntur,  
 Hic lautæ pellunt jejunia tristia mensæ,  
 Et magis ingeniosa gula est. Quàm lacte, cumino  
 Vivere, vel beta, miserum: vel sectile porrum  
 Mandere, vel lento dentem vexare lupino!  
 Quid tondere juvat graveolenti vellere lanas?  
 Cogere palantes pecudes? supponere totum  
 Armento mammisque virum? virgulta capellis,  
 Aut salices monstrare? sues deducere pastum?  
 Nunc apibus donare favos, regemque notare,  
 Nunc fucos arcere graves? hic altera regni  
 Apparet facies; & digna negotia curat,  
 Quisquis homo est. alia se majestate tætur,  
 Quem ratio, pulchrisque beat prudentia factis.  
 Quod si privatis præstat res publica rebus,  
 Vita mihi melior. modici te cura peculi,  
 Immensi nos orbis habet. Tu jûgera claudis  
 Imperio vix bina tuo. me Phœbus adorat,  
 Quæ cadit & surgens calido se tollit ab Indo,  
 Thrax timet, extremi venerantur nomina Seres,  
 Atque alibi Chalcedon amat, formidat Araxes,  
 Et gelidi sinus Euxini, & Maotidis undæ.  
 Hic famulas tibi quisque manus, hic poela minister  
 Porriget, & multo implebit carchesia Baccho.  
 Hic nutu mandata dabis. diceris amari  
 Regibus, & toto tibi plaudent oppida regno.  
 Sat stivæ rastrisque datum. mihi, candide, posthac  
 Officiis studiisque vaca. desertæ relinque,  
 Linque domus, campisque horrescens culmen apertis.  
 Si non Aspasia potuisti uxore potiri,  
 Me potiere. tibi Parîis suffulta columnis  
 Tecta dabo, & cultos apricis collibus hortos,  
 Arte laboratas vestes, & textile tegmen,  
 Quodque tibi talos ibit velamen ad imos.  
 Nobilium adjiciam titulos, aurique talenta,  
 Quique vehent rapidi passim per compita currus.

Pluraque si cupies, cupiam dare plura petenti.

Hec Cyrus. cum facundo, jam lenior ore,

Damon ait: Ne fucatis sermonibus aulas,

Cyre, proba, rursisque mei praeconia, Princeps,

Detere. quod primum est, pietas, candorque fidesque

Exulat his laribus. vos hac privata putatis,

Et civis documenta boni: regnantibus omne,

Quod libuit, licuisse; alia nec lege teneri,

Qui populo imperitant. Quanto imperiosior orti est

Quisq; Iovem curat minus & contemtor Olympi est.

Aut nullos habet aula Deos, aut segnius illos,

Quos habet illa, colit. nec enim se numine egere

Autumat, in terris quisquis pro numine habetur.

Que faciendae iubet, leges quas purpura condit,

Condere vult aliis. veniam sibi criminis uni

Ipsa facit. veritisque audax prior annuit, & quod

Imperat injungitque suis, derectat honestum.

Ingréditur, sed fida, gradu. dum comis haberi

Vult, simulat: gestuque levis mentitur amicum,

Et letam didicit frontem pratendere fraudi.

Diligit, ut noceat: quem prona amplectitur, odit.

Et quos esse cupit miseros, facit esse beatos.

Hic mala luxuries distentis prodiga cellis,

Et fastus populator opum stabulantur, & exlex

Absorbet nostros regum lascivia census.

Rara pudicitia laus est. cum conjuge scortum

Accubat, & thalamos effrons conscendit eosdem.

Vilis adulator, quæ non probat, approbat. & quod

Dignum laude, notat. pecto jacet ebruius ostro

Delator, magnaque bonos mercede flagellat.

Sunt vigiles ad lucra doli. divenditur æquum,

Et pretio prostant trabeæ. livorque secundis

Anxius alterius rebus livescit optimis.

Promissis facilis sua mox promissa retractat,

Sed levitate pari. rapiunt aliena potentes,

Nec proprii fines, nec regnum sufficit unum.



Spes mundos insana vorat, nescitque libido  
 Imperii constare sibi. mox se va misellos  
 Exercet censura reos, pœnasque relaxat  
 Divitibus. quoties indignis premia cedunt,  
 Et probitas contempta luit! quàm limina Reges  
 Ambitiosa terunt! quàm se regalibus illa  
 Infert vestibulis pestis, quæ grandibus ara  
 Faucibus & pandis deglutit rictibus aurum!  
 Hæc tua, Cyre, domus. tali penetratia fervent  
 Remigio scelerum. tales in vitor ad artes.  
 His mea rura carent. non ista piacula damnant  
 Agricolam. si rusticitas tibi spernitur insons;  
 Hæc liceat, sine labe, frui. venerabilis aula est,  
 At metuenda magis. multo spectabilis auro,  
 Nec minus & vitius. quos vult, extollit in altum,  
 Ut modò præcipitet. Ne splendida tecta pyropo  
 Objice, barbaricisque intexta monilia baccis,  
 Plus secura suo est agrestis villa colono,  
 Nec custoditum cataphraëto milite limen.  
 Si te Persa colit, si te veneratur Orontes,  
 Et qui Phryxæam Thrax accolit efferus Hellen,  
 Quos metuas, regnator habes. sint fercula mensis  
 Illecebrosa tuis. capiti non una minatur  
 Sica tuo, lautisque instat cervicibus ensis.  
 Plus mihi fumifero per brumam coëcta camino  
 Perna sapit, præstatque tuis lac dulce placentis.  
 Nil moror ignota collectum carne minutal,  
 Libaque, vel tortis Cerealìa crustula spiris,  
 Infectasque dapes moscho, lentisque zibethi  
 Sordibus, & valido viduatos fursure panes.  
 Me melior natura fovet; sine fraude ministrat,  
 Quicquid lata Ceres donat mortalibus agris,  
 Pisa, fabas, miliumque recens, gratosque palato  
 Seligo phaseolos. Superùm bellaria sordent,  
 Delitiasque Iovis coëcta sat lente laccessio.  
 Cœna mihi brevis est, properataque prandia laudo.

Et quoties genio iuvat indulgere, parantur  
 Iuscula de raptis teneris ab ovilibus agno,  
 Aut oleis, aut herbis macerata & mollibus ossa,  
 Et pulvis liquidus & ventris buccella falisci.  
 Pastillos fastidit ager, nardumque crocumque  
 Balsamumque & crispis servata unguenta capillis.  
 Hæc oleat, male quisquis olet. mihi barbiger hircus  
 Sævius oppedit, quam qui Ruffinus in aula  
 Ambulat & pinguem spargit per strata Sabaum,  
 Viscosisque Arabum iungit sua tempora succis.  
 Bella probas, fusoque undantes sanguine campos,  
 Commissaque acies, & castra minantia castris.  
 At bellare furor, rabies pugnare ferarum est,  
 Non hominum. nulla populos collidere causa,  
 Impia flebilibus miscere incendia bustis,  
 Crudelesque animos humano sanguine pasci,  
 Turpe ferumque puto. non hæc mihi barbaræ laudis  
 Materies, non illa placet quæ sita cruento  
 Gloria flagitio, & tot cadibus aucta potestas,  
 Quosque sibi struxere nefas vitiumque, triumphis.  
 Exeat in cunctas diffusa potentia terras,  
 Hic te Thermodoon, illic agnoscat Hydraspes,  
 Ad Gangem tua castra loca, vel Phasidis amnem;  
 De puncto labor omnis erit, spatiumque sub isto  
 Sceptra, pedum, pastor pariter concluditur & rex.  
 Sors privata mihi; tantoque beatior omnem  
 Invidiam secreta fugit. bene vixit ab isto  
 Qui semotus agit strepitu. tutissimus ille est,  
 Qui latuit, notusque sibi est. non ille favori  
 Servit adulator, regesque abjectus adorat.  
 Cum Iove res nobis. Superos oramus. amicos  
 Poscimus Æolios fratres, Solemque, Notumque  
 Imbriferum. placidi nobis clementia cœli  
 Sufficit, atque isto rerum tutore beamur.  
 Sic primi vixere patres, & pastor Amyntas,  
 Daphnis, & Admeti tauros qui parvit Apollo,



Et cum Pane Cyclops, & custos Virginis Argus,  
 Iäpetusque senex. bobus diffindo paternis  
 Rus modicum, nec me sumptis in fœnora nummis  
 Sorbet edax usura. ferox cum concutit urbes  
 Odrysius, non me litui, non classica inermem  
 Sollicitant, armantque manus hastilia nostras.  
 Non tumidum ratibus teritur mare. rostra, curules,  
 Et qua clamosis fervent fora turbida rixis,  
 Et populi vito fastus civisque superbos.  
 Hoc potius cura est: ulmis adungere vites,  
 Aut procul errantes per roscida prata bidentes,  
 Aut spectare alta pendentem rupe capellas,  
 Aut plantare pyros; vel falce recidere quicquid  
 Frugiferum minus agricolæ bis vota fefellit.  
 Cum libet, aërii mellis cœlestia dona  
 Colligo, Cerepriosque choros per prata, per hortos  
 Pone sequor, videorque aliquid, te principe, Cyre,  
 Dignius ad spectare. ducem regemque severi  
 Agminis, obsequiumque noto, curasque volantum,  
 Iuratamque fidem. domino cum mollia donant  
 Vellera lanigera pecudes, holoserica sperno,  
 Palliaque & Tyrio vitiatas murice vestes.  
 Cum caput Autumnus maturis extulit uvis,  
 Poma fatigatis carpo pendentia ramis,  
 Ebriaque aggestis spumant mihi praela racemis,  
 Quos tibi, Bacche pater, tibi vel, Sylvane, sacramus.  
 Fessus in umbrosis depono membra salictis,  
 Vel viridi recubans patula sub tegmine buxi  
 Natura contemplor opus, Divumque labores,  
 Quæque fluant in nos mutato sidere cause.  
 Hac inter celsis labentes montibus undæ  
 Lene strepunt, captæque avium concentibus aures  
 Invitant placidos ad dura cubilia somnos.  
 Cum glacialis hyems imbres noctesque nivesque  
 Comparat, & mundi facies ignava colono est,  
 Retia rara plagas veniente tendimus urso,

Auritos sequimur lepores, damaſque fugaces,  
 Aut capreas paridas, aut altum in cornua ceruum.  
 Tunc candent ſilva, tunc formoſiſſima tellus  
 Albicat, & niveâ canent arbuſta pruina.  
 Tunc epulæ cellaque dapes promuntur inemptæ,  
 Et noſtras recreant innoxia ſercula menſas,  
 Nunc patuli caules, nunc tuta à frigore rapa,  
 Nunc rapham & variis ovum tractabile formis  
 Non magis Eoo collectis littore conchis,  
 Aut Afræ deleſtor avi. nil piæta muræna eſt,  
 Nil ſaſtidii Damonis gutture nulli,  
 Et ſcarus atque alio venientes æquore rhombi.  
 Eſt aliquid, fateor, Regi placuiſſe. ſed ille  
 Quam præceps fluxusque ſavor! vicinior oſtro,  
 Proximior tumulto eſt. magna ſunt regibus ira.  
 Difficile eſt lenire graves. ſine ſanguine neſcit  
 Placari vindex animus. ſaturabitur hoſte,  
 Quem necat. & poenâs repetit vindicta feroces.  
 Tu tibi rex ſis, Cyre, tibi proſperrima currant  
 Secula, perpetuiſque fluant applauſibus anni,  
 Damon ſua rura placent. nihil amplius opto.  
 Voti ſumma mei eſt, cultura feracis agelli,  
 Et pecus & pleno turgentes ubere vacca.  
 Hiſtudiis beor. haud alium me ruſtica mater  
 Edidit, atque iſtas genitor produxit in artes.  
 Delicia, luxus, Rex, purpura, ſceptra valete.  
 Hæc poſtquam Damon fuit opportuna locutus,  
 Quæ quondam docuit ſenio venerandus Amyntas,  
 Deſerit Aſpſiam. facieſque anguſta theatri  
 In juvenem converſa fuit. Rex ipſe ſeveras  
 Horruit ad voces & acuti verba bubulci.  
 Antefores pilentæ ſonant, curruque ſuperbo  
 Ad patrios vehitur Medo comitante penates  
 Magnanimus paſtor. cui munera congrua Princeps  
 Adjuicit, in media ſignatos fronte caballos,  
 Iugeraque & villas & pradia. quicquid amari  
 Agrico-



Agricolis solet & studiis agrestibus aptum est.  
 Diditur in terras rumor, nupsisse potenti  
 Aspasiam, & stivam impositâ regnare coronâ,  
 Reginas à rure peti, cum face tiaras,  
 Cum stabulo mirram, cum vomere sceptrâ coisse,  
 Immensumque regi sociâ sub Phyllide mundum.

Ringitur impatiens Livor, per regna, per urbes  
 Mussitat, & sorti nimis invidiosa secunda  
 Improba garrulitas, celeris mendacia fama  
 In partes vocat, & rapti scelerata pudoris  
 Arguit Aspasiam. thalamis regalibus, inquit,  
 Rustica subrepsit pellex, pro virgine lenam  
 Cyrus habet, recubatque istis nova Thais in ulnis.  
 Hæc iterat, vocesque suas exaggerat audax,  
 Nec sibi ficta timet cunctas deferre per oras,  
 Spargere per vulgus querulum, coetusque loquaces,  
 Patricias implere domos. assibilat aula  
 Ocyus: ingentem percellunt murmura Regem,  
 Credulaque admittit mendacem regia culpam.

Quid faciat? nec enim fama temerarius audet  
 Rector habere fidem; & potuit modò tale vereri  
 Suspicio, dubioque hæsit sub iudice causa.  
 Ad Superos itum est occultaque numina. summos  
 Sollicitat mens cæca Deos, verumque reposcit  
 Ex adytis. Nam lucis erat, quâ maxima spectat  
 Icarios fluctus Ephesus, luoque propinquus  
 Mons sacer, Oceanus cuius latus alluit unum,  
 Præcingunt aliud frondes. hic pendula celso  
 Canna loco, & servata diu vocalis arundo  
 Edebat vel acuta suos vel rauca susurros.  
 Si foret insontis nulli temerata puella  
 Virginitas, suaves reddebat tibia cantus,  
 Absolvitque Deus culpâ. si mollior illa  
 Succubuisse viro potuit; cæu conscia pravi,  
 Tibia funestum ructabat arundine carmen.  
 Hanc isto Deus Arcadis suspenderat antro;

Pan ovium custos. hæc læsi signa pudoris,  
 Hæc voluit castam miracula prodere nuptam.  
 Huc abiit, magnâ matrum stipante ceterâ,  
 Nil metuens Regina. Duces comitantur euntens,  
 Spesque suas frangunt mixta formidine Persæ.  
 Interea dum carpit iter, velocior antrum  
 Occupat impostor, cannaeque & arundinis omnes  
 Sordibus & crassa ductus uligine complet;  
 Mutaque jam poterat vocalis canna videri.  
 Ut venere viri, propiusque in limine rupis  
 Constitit Aspasia, & jam conscia numina supplex  
 Et testes vocat ore Deos. patuere cavernæ  
 Ilicet, & streperi, laxato cardine, postes  
 Monstravere viam; latebrisque admissa profundis  
 Fære, ait, atque mea fatalis fistula causa  
 Accine. si nostis Superi, & mortalia facta  
 Adspiciis, virtusque Deo rectumque probantur;  
 Rumpe tuam, jubeo, gracili modulamine vocem.  
 Dixerat: extemplis modulis cælestibus omne  
 Insonuit latè specus, & vocalis arundo  
 Facta fuit, vomuitque ingestas tibiæ sordes,  
 Virginis illa sum cunctis confessa pudorem.  
 Non alios cantus udis in vallibus Hæmi,  
 Strymonæ vel propter, vates Rhodopeius olim  
 Threicia lusit cithara, non clarus Arion,  
 Non Linus, & plenis inflans pulmonibus utre  
 Marsya. concurrunt captæ dulcedine tigres,  
 Et rabiem posuere fera. stetit undæ canenti,  
 Ripaque oloriferi stupuit vicina Caystri.  
 Mitiior adspirat Zephyrus. circum omnia foetus  
 Pubescunt virgulta novo. quin pollice nunquam  
 Attactæ cecidere rosæ, violæque decentes  
 Aspasia cinxere comas. quacumque modesto  
 Incedit generosa gradus, grex castus Amorum  
 Advolat, & calathis fundit violariæ plenis,  
 Innocuos testata sinus. hic candida spargit

Lilia,



*Lilia, narcissos alius floremque ligustri.  
Sic Cyro dilecta redit. tot testibus orbi  
Extulit inculpata caput. diadema resumit :  
Scandit ebur regina : suis se gentibus unam  
Consiliis factisque probat : cum Rege marito  
Ius loquitur populis : in partem femina regni  
Accipitur. solus conspectu lœditur isto  
Livor, & injecto constricta Calumnia freno  
Mutescit, mordetque suas irata catenas.*

C Y N I S M V S,  
Sive  
C R A T I S T H E B A N I,  
Cynici Philosophi, &  
H I P P A R C H I Æ T H E B A N Æ,  
Cynicam Philosophiam amplexæ,  
N V P T I Æ.

**Q***uid septemgeminas miraris, Græcia, Thebas?  
Sidonii que stupes bellacia mœnia Cadmi,  
Et natos tellure Duces? dirisque recentes  
Cadibus immaduisse viros? quid regna profanis  
Decertata odiis fraterna que jurgia jactas  
Oedipoda, confusa domus? nec Tydea fama  
Eximis, Argia que thoros, multisque misellam  
Cladibus Antigonem? quid mixtam conjugem magno  
Alcmenam, Thebane, crepas, & fulmina molli  
Fracta manu tenerisque Iovem latuisse sub ulnis?  
Creta, sile; quamvis fœdi solentur amores  
Pasiphaen, fallat que suum regalis amantem  
Femina. non ultra Stygio nuptura Tonanti  
Persephone formosa timet disparque cubile  
Cyclopi Galatea fugit. confundere fas est  
Corporaq; & thalamos; nec vult jam forma pacisci,  
Sed ratio; lestumque sibi Sapientia sternit,  
Dū sponsum cupit esse Craten. Quæ monstra jocantes  
Porten-*

Portendunt populis Superi ! quis devius error  
 Natura pervertit opus ? quoniam omine ludit  
 Caca Venus ? poscitque sibi deforme cadaver  
 Virgo decens, rigidisque optat complexibus abdi ?  
 Des quemcunque virum, nullo discrimine Cypris  
 Æstuat. in tetricis inventa est gratia membris,  
 Et splendor suus in turpi est ; maculasque nota sque  
 Laudat amor, distorta probat, vilissima constans  
 Diligit ; & forti spernens mortalia risu,  
 Indecori sub pelle Deos Hipparchia prudens  
 Repperit, ac lacerata trito sub tegmine vestis  
 Non hominem, sed numen amat, secretaque Divum  
 Consilia & Cynicæ scrutatur dogmata sectæ.  
 Dicite sublimes Thebæ, quibus arserit illa  
 Ignibus, & quali sapiens flagra verit astu,  
 In solum conversa Craten. Tuque optima mundi  
 Diva, procellosi soboles clarissima Nerei,  
 Da fontes, Citherea, novos ; portentaque rerum  
 Concubitusque truces aperi. ne balsama nuptis  
 Aut flores adsperge meis, myrtumque crocumque  
 Pallentesque feras violas. non ante penates  
 Pompa sonet, vel cincta suis pileta ministris  
 Præradient ductura nurus. non turba coruscas  
 Attollat festiva faces, madeantque Lyæo  
 Atria, non opibus preciosa cubilia surgant.  
 Barbaricis dubiisque errent opsonia mensis.  
 Paupertas de fonte bibet, dapibusque fructur  
 Simplicibus generosa famas ; quin pera, bacilli  
 Dos omnis Sapientis erunt, tenuisque severi  
 Umbra supercilii nostros abscondet amantes.  
 Postquam parta quies Grajis, summumque cacumen  
 Nacta fuit magnis Sapientia nixa magistris,  
 In partes abiëre scholæ ; verumque videri  
 Non simplex potuit. solvit discordia mundum,  
 Autoresque suos rixans doctrina diremit.  
 Namque aliis errare animas per corpora menti

Immo



Immotum fixumque sedet, nec viscera condi  
 Visceribus lenes cupiunt. pars omnia nasci  
 Credit aquis, rerumque uni primordia debet  
 Oceano. terra potius natalibus alter  
 Incubat, aut mundi deducit semina flammis.  
 Huic placitum fortuna facit; nec gnara Deorum  
 Relligio incerto volvi vult omnia casu.  
 Alligat hic fato causas, hominumque labores  
 Subdit sideribus melior. quæ cura beatos  
 Reddat, an humanas tranquillet gloria mentes,  
 An luxus populator opum, vel se va cupido  
 Indomiti census, vel plausus nescia Virtus,  
 Quaritur. ille Cleanthea subsellia porta  
 Et Stoam tonat. ille sui præcepta Lycæi  
 Colligit. ancipites triplex Academia voces  
 Ventilât. ingenti se iudice quisque tuetur,  
 Quodque tenet, doctore probat. Distinguitur ordo  
 Porticibus, limenque suum diuisa sequuntur  
 Agmina, Socraticâ quotquot fluxere cathedrâ.  
 Nec solum fors ista viros & mascula torfit  
 Pectora; se tantis illustris fœmina miscet  
 Partibus, & Cynico præstans Hipparchia tandem  
 Annuit, ac duri thalamosque ac sensa mariti  
 Occupat, & miseri felix fit conjugis uxor.  
 Illa Cupidineos inter pulcherrima cœtus,  
 Centum adamata proci, centum prælatâ puellis,  
 Tot potuit spreuisse procos. despecta potentum  
 Fœdera patritiæque preces. non fulgidâ vestis,  
 Implicitumque comis aurum, non dives Hydaspes,  
 Magnificæque trabes picturæque columnæ,  
 Imperii decus & consors promissa potestas,  
 Spem fecere thori. non illi ducere doctâ  
 Fila manu, aut tenues percurrere pectine telas,  
 Aut saturata croco velamina texere pernox  
 Cura fuit. monitis animam cœlestibus implet,  
 Socraticosque bibit mores. non volvere libros

Desinit.

Desinit, antiquis vestigat proclita seclis,  
 Cunctaque Cecropia relegens arcana senectæ;  
 Natura rimatur opes, cœlumque Deosque  
 Et vitæ melioris iter; cur fleverit orbis.  
 Fatæ senex, nostros alius deriserit actus,  
 Chryssippos, Stilponas, inexplicitosque Platonas,  
 Italicique soli patres. sordescit amator,  
 Hæc cum virgo legit, patitur Cadmea repulsam.  
 Nobilitas, nec grata ferunt responsa curules.  
 Sic præfracta stetit, solers cum sperneret uxor  
 Dulichios Samiosque & quos tulit alta Zarynthos,  
 Antinoique minas. tales Atalanta Pelasgos  
 Noluit, & quamvis Phæbus donaret Amyclas,  
 Mars Rhodopen, geminos renuit Proserpina Divos.

Fortè pater, dum læta parat convivium, longo  
 Ordine disponit procures, quos inter honorum  
 Contemptor sedet ipse Crates, nec dogmate dispar  
 Filia, & arrectas præbet sermonibus aures,  
 Vni intenta Crati. patrii primordia regni  
 Dixerat Archidamus, struatasque Amphione The-  
 Et fratrum crudele nefas ac nescia sceptrâ (bas.  
 Ferre parem, veteres Alcon reminiscitur ignes  
 Exstinctasque faces Herus, adversaque flammis  
 Æquora. lascivas Ephyræ Laidis ades,  
 Venalemque levi præciosam Thaidæ Grajo  
 Inter poela refert Lasius. mox Isthmia Chalcon  
 Præmia & Elæ recitat certamina palmæ,  
 Fumantesque rotas attritaque littora cursu,  
 Et rapidos Hieronis equos. Tum docta resolvit  
 Ora Crates, quantumque aliis deformior exstat,  
 Hæc loquitur melius: quæ nos, quæ causa creavit  
 Sidera, quæ medio terras librarit inani  
 Abdita vis: quam se spatium immanibus at her.  
 Explicet: ut vastos mens exporrecta per artus.  
 Molem agitet: cur discretis cœlestia currant  
 Corpora corporibus; varios Latonia vultus

Ee.

Induat,



Induat, & fratri mediis concurrere signis  
 Horreat; unde maris, quos hora reciprocatur, astus;  
 Quæ tempestatem rabidis Caurosque furentes.  
 Precipitet, cur flexa ruant de vexaque ripis  
 Almina, & illimes scandant vestigia fontes.  
 Hinc aperit, quam sint aurai simplicitis illæ  
 Rectrices factorum anima; cur sola seipsam  
 Norit & asperdet ratio, per regna vagetur,  
 Circumscripta domi; parvaque recondat in aula  
 Rerum mille notas, quas mox depromere possit,  
 Cum volet: an membris hærens mortalibus una  
 Involvat se clade ream, nam funeris expers  
 Ætherea felix cœli statione locetur.

Nec non & mores hominum, deliraque falso  
 Secula & immersum vitiorum gurgite vulgus  
 Perficit, utilibusque monet proponere reatum,  
 Pauperiemque bonos doctor commendat in usus.

His Sapiens cunctos diædis erexit, & omnis  
 Postquam exempta fames epulis, Hipparchia totum  
 Possedit commota virum. mens omnis inerrat  
 Vultibus, & quamvis posset timuisse docentem,  
 Ardet amans. hærent infixæ pectore voces,  
 Verbaque, & egregii gliscunt occultius ignes.  
 Sapius absentem memorat velletque loquenti  
 Ire comes, magnos altis persæpe medullis  
 Eruat geminus, & primi ignara caloris  
 Diffidit: malefana sibi. nunc damnat amorem,  
 Nunc probat. in visa est sperati forma mariti,  
 Sed potior doctrina placet. contraria votis  
 Expetit, atque animum nunc huc, nunc di vidit illuc,  
 Quemque odit refugitque, cupit; culpamque fatetur  
 Confessus secreta rubor. nos ægra quietem  
 Surripit, & nullum misera dat flamma soporem.  
 Abrumpat festina moras; sed saucia castus  
 Corda pudor revocat. jam visa modestia sexus  
 Succubet imperio Veneris; sed iussa retractat

Virgineæ gravitatis honos. Ergo, Ibimus, inquit,  
 Amplectar que Cratem, & tumidis audaciâ labris  
 Basia defigam supplex? non talia mater,  
 Non velit hoc charus genitor. quoniam usque, ve-  
 Cunctaris mea vota, pater? quid differo jungi (rende,  
 Nobilibus? tantasque preces implere recuso?  
 Ecquid Agenoreæ lectissima nomina gentis  
 Seligis infelix virgo? moremque secuta,  
 Eximium forma juvenem & florentibus annis  
 Postcis, & angusta fruereis jastantior aula?  
 Heu! quid agam? num luxuriam fastumque jocosq;  
 Divitiâsque leves, irritamenta malorum  
 Experiar? rursusne procos contempta priores  
 Admittam facilis? non hoc calcator honorum  
 Suaferit hic animus; tugurique habitator & hospes  
 Magnarum securus opum; non doctor Hymetti,  
 Quem dira insontem dudum rapuere cicutæ.  
 Te sequimur, gibbose Crates. tu pulcher haberis,  
 Tu dives, qua parte sapias. te iudice parvo  
 Vivitur, & vili concedit purpura panno.  
 Tu nobis uno minor es Iove. præsidet orbi,  
 Qui docet. Eois se latius explicat agris  
 Cuncta sciens. etiam subigunt hæc sceptrâ rebelles,  
 Quæ motus ratione domant. te teste triumphat,  
 Qui poterit rex esse sui; non indigus auri est,  
 Qui caruisse volet. claro supereminet ortu,  
 Simplicitas cui stemma facit; nescitque dolere,  
 Cui modicè gaudere satis. præceptor honesti,  
 Me cape consortem thalami, me posthuma dicat  
 Fama tuam, atque uno tecum juxisse cubili,  
 Et socias junxisse manus, fovisse lacertos,  
 Teque sinus tetigisse meos. Hæc sapius illa  
 Ingeminat taciturna domi, lentique videntur  
 Ire dies, currusque suos non flectere Phæbe.  
 Cum sedet, & tabulis quiddam consignat, aberrans  
 Pingit dextra Cratem; dicitis improvida miscet



Lingua Cratem. fallax objectat inania Morpheus  
Somnia; dumque silent homines, fugientibus illam  
Ludit imaginibus; visusque est paupere amictu  
Stare Crates, legesque suas recitare jacenti.

Tandem ait: Apta meis quærenda est nuncia vo-  
Ingenio tentanda via est. si prodere semet (tis  
Horret amor, scribique vetat mea vulnera chartis,  
Muta loquar. laus est etiam prudentis, amare  
Cautius, & sic ut possis celasse videri.  
Est sua vox oculis, est risibus insitus ardor,  
Natus verba facit. discunt ab amantibus artem  
Plurima. nos Cynico nostros testabimur ignes  
Floribus, & pro me cupiet Pomona provari.  
Hac interpres erit taciti facunda doloris,  
Arbitra conjugii. capta est Schœneïa pomo,  
Et pia Cydippe. quin inter florida rura  
Melliferosque thymi campos & gramina veris,  
Sicaniam teter sponsam Summanæ coronas,  
Ignaramque rapis. Vix dixerat; ocyus omnes  
Colligit Aoniis fragrantés montibus herbas,  
Delicias, Aurora, tuas, quos Phocis odores,  
Quos Parmassus alit, quæ pinguis Achæia mittit  
Munera, vel Sicula pubescunt latius Hybla.  
Colligit in calathis violas, cassiamque rosasque,  
Quales ipsi tibi Cypris donasset, Adoni.  
Colligit hic niveos, hic luteolos hyacinthos,  
Pomaque lecta manu, quæ vel Phœacia vincant.  
Omnia quæ docta formæ solertia dextra,  
Vt Veneri placuisse queant. sua brachia nectunt  
Implicitæ fertis hederæ, promittit amores  
Myrtus, & humidulis vacciniæ mixta ligustris,  
Et quæ flammeolæ conuident vertice calthæ.  
Fortè alibi è pomo sculptam circumdabat Ægon  
Phyllidæ, vel pulchram tangebatur Tityrus Eglen.  
Forsan vimineo Martem cum Cypride loro  
Strinxerat, aut timidæ Daphnen prendebatur Apollo.

Tum Cydnen vocat, & nitidis digesta canistris  
 Mittit dona Crati; quo se cognoscat amari,  
 Vel donis illectus amet. Stat torvus Alexis,  
 Et tantas fastidit opes & dona ferentem.  
 Dumq; apinas hominum, dum Divum cogitat iras,  
 Aut Superum mediis mentem penetralibus infert:  
 Nec domina secreta capit, nec munera curat,  
 Aut, quae Dadaleis vasra occultaverat herbis  
 Sedulitas commenta, notat, Cythereia risit,  
 Riserunt una Charites. haec molle severis  
 Esse jecur negat. haec succo meliore creatum  
 Dicit Aristippum. frigent subsellia, clamat  
 Euphrosyne, secumque refert Polyphemon amasse.  
 Ipsa suis fertur risisse Hipparchia coeptis,  
 Invenitque stupor veniam. non congrua sentit  
 Se misisse Crati. nec enim vel pectine Marvors,  
 Aut Iuno frameis, vel diro fulmine Pallas  
 Debeat, aut viridi placari Stoa ligustro.  
 Quid faciat? quae lenta prius celaverat astum,  
 Iam decepta furit. Superest, ut cominus (inquit)  
 Boeotum Paphis cor impenetrabile telis  
 Adspectu propiore domem. flagravat Iason,  
 Ut vidit. Telamonae oculi traxere procaces  
 Hesionae, Paridemque Helenae, & Castora Phœbes.  
 Surgit, & exemplo patriæ pro moribus urbis  
 Eligit ornatus, quales venerabilis olim  
 Sestia, Cecropidumque nurus gessere superba.  
 Stringit honoratos in nodum fascia crines,  
 Et Tyria velat candentia tempora vitta.  
 Inserit hic gemmas, & eburnea colla monili  
 Circuit, & fulvia subnectit jaspide pectus,  
 Sic fors in placitura Crati. non dignior aula  
 Frontis honos; roseo depictis sanguine malis  
 Candida temperies inerat, laxataque palla  
 Indignam verrebat humum, non improba gestu,  
 Non tremulo lasciva gradu. Thaumantia nunquam



Pulchrius explicuit latis mortalibus ora,  
 Aut Thetis Æmonii vadens ad limina Pelei.  
 Talis adit queritque Craten. occurrit eunti,  
 Per fora, ter vicos graditur; modo lumina coram  
 Objicit, & modo transversis aspectat ocellis.  
 Itque reſtitque viam toties, sequiturque prætique,  
 Si qua truce[m] mollire queat, visusque severam  
 Leniat. ut prudens stabuli pecorisque magister  
 Excitat armentis rabiem, cum primus amoris  
 Afflat odor nares propius penitusque medullas  
 Vrit. At ille suis monitis immota gerebat  
 Pectora, non aliter, quam si Marpesia tundat  
 Saxa vel Ionii latus implacabile dorſi  
 Adria. non unquam adſpectu dignatus euntem est.  
 Non caput obſtipum flexit, non obvius ire  
 Geſtuit aut placida gradientem voce ſalutat.  
 Ter conata fuit facti recludere cauſas,  
 Ter timuit. ter limen adit, ter deſerit excors,  
 Vix aberat, quin illepidò ſua brachia collo  
 Injiceret prior, & ſic inſtigaret inertem.  
 Lingua, manus titubant, nondum rationis & aquæ  
 Immemores, coramque viro peccare verentur.  
 Deſciant in amore doli, fraudesque pudicæ  
 Deſtituunt Dominam. geminis depulſa virago  
 Præſidius, per tecta, domos lymphata vagatur,  
 Reſponſatque ſibi: Quæ me dementia cepit?  
 Quæ me Menas agit? quo nos diſcrimine raptas,  
 Diua Paphi, miſeramq; trahis? quænam iſta jocandi  
 Scævitia eſt? ſemperne meis bacchabere rebus,  
 Avertesque Craten? cur non uxoriuſ ardet,  
 Aut flammiſ calet ille meis? ſine ſanguine, nervis,  
 Totuſ hebet, languet ſapiens, vitatque ſequentem,  
 Sarmatica nive vel gelida Meotidis unda  
 Frigidior, placitoque mihi diſſentit amori.  
 Ah, nimium, Cadmea, times, furti vaque ſenſuſ  
 Flectere nequicquam diuſ, Hipparchia, tentas.

Eloquar?

Eloquar? an sileam? veniam si cuncta rogandi  
 Concessit Citherea viris, qua lege tacendum  
 Virginibus? cur dissimiles, cur dispere nati  
 Conditione sumus? titulo si vivere certant  
 Nobiliore mares, si major gloria sexus,  
 Debebat magis ille coli, debebat amare  
 Virgo prior. dominis fas est occurrere matres,  
 Quas voluit lex prisca pati. num Colchis amavit  
 Æsonidem? num se profugo pulcherrima quondam  
 Confessa est Phœnissa duci? num prima Phaonem  
 Lesbia deperit Sappho? tot testibus ævi  
 Pandar tota Crati, exemplis peccabimus istis.  
 Ipudor. occultis, durissima Numina, factis  
 Cogimur. heu, quantis lecti consortia constant  
 Moribus, & quam non una est fortuna cubilis.  
 Diligo, quem quævis Divis ultricibus uxor  
 Devovet, & sponsum timeat male nubilis Ate.  
 Diligo, quem generum fugiant materque paterque,  
 Affinem cognata domus, proavusque nepotem.  
 Diligo conjugii pœnam, cui nubere nollet  
 Rancida, turpis anus. Vivum mihi postulo funus,  
 In visamque meis inferre penatibus umbram  
 Molior. hoc dignam speramus conjugæ prolem,  
 Huic ridere libet. chari, precor, ite parentes,  
 Compellate Cratem, & vestra miserescere nata  
 Si vacat, hunc sociate mihi. sit fœdera p. idem  
 Dissuasisse satis. non nunc ambagibus ultra  
 Est locus. insolito thalamos tertabimus ausu.  
 Aggrediar, cogamque virum, jurabit amanti  
 Dextra fidem; vel, frustrati grave pignus amoris  
 Ultrix dextera erit. reddar contempta tenebris,  
 Quamque simul decepit amor, solabitur ira.  
 Sic effata, manu rorantia lumina terfit,  
 Subjeditque furor lachrymis. velut horrida quando  
 Vis Boreæ ruit & fluctus ad sidera tollit,  
 Illicet imbrifera componunt flabra procellæ.



Nec mora. magnanimè præsens ante ora puella  
 Adfuit ipse Crates, quem tum penetralibus imis  
 Abdiderat genitor, dicitis ut flectat amicus  
 Pectora & insano moneat desistere cœpto.  
 Adspicit abscondi sobolem spectata Maronis  
 Fîlia, spesque suas inter gaudensque dolensque  
 Constitit, attonitè & similis. nunc præripit illi  
 Verba pudor, nunc reddit amor. fiducia lingua  
 Fracta metu titubat. quæ mox collecta recepit  
 Robur, & has orsa est pulsa formidine voces :

Si mea cum præscis componam fita puellis,  
 Magne Crates, thalamum diversa sorte meremur.  
 Partes mutat Hymen. quam Di voluere rogari,  
 Conjugium rogat, & leges invertit amandi.  
 Non mihi Persurum gæza, Pelopumque petuntur  
 Scrinia, non epulis volupe est accumbere Divum.  
 Aut Tyrio recubare thoro. non dedita vivo  
 Corporis arbitrius, aut suadens prava libido  
 Virgineos hebetat sensus.; nec amicta dolosis  
 Illecebris, altaque tumens ceruice iuventus  
 Diligitur. doctis iuvat impallescere chartis,  
 Et vulgo distare rudi, luceſque legendo  
 Fallere. discordes Grajorum expendere sensus  
 Cura laborque mihi est. per tot suffragia iudex  
 Æqua mente feror. dixi: Stagira, superbis,  
 Virtutemque cupis plausu clarescere vulgi,  
 Atque opibus splendere magis. nec mollia nobis  
 Persuasit præcepta senex, cui sola voluptas  
 Dogma facit, dignosque viris effeminat actus.  
 Nec dubium Pyrrhona probo; jurataque cui vis  
 Vero verba sequor; non delassata silendo  
 Atria. non Phariis pulsata vocabula sistris,  
 Non vates, Chaldaee, tuos. non quicquid aruspex  
 Garruit aut mediis Tuscus quaesivit in extis,  
 Invenere fidem. Stoæ placere recessus,  
 Tuque Crates. nullo constricta licentia nodo,

Exulat

Exulat hoc animo, figendaque sensibus hausi  
 Acrius; & cæpi, te præceptore, serenum  
 Lata sequi virtutis iter. Postquam omnia magno  
 Plena Deo didici, puduit peccare Deorum  
 Ante oculos, prævumque sequi. lasciva procantum  
 Cessit turba procul. recto postponimus, orbis  
 Quicquid grande putat. quicquid miserabile, pulchrū  
 Censet inops probitas. erecta scientia cordi est,  
 Ignaros odisse. levi mutabile sorte  
 Displicet ingenium, & suetum popularibus auris  
 Vescier, & latam speciem prætendere fraudi.  
 Quo natura caret, modico saturata, repellam  
 Omne supervacuum. tenerum patientia corpus  
 Instruet, & nulli discet cessisse labori.  
 Fortunam quamcunque feram, nec læta secundis,  
 Nec dejecta malis. placet oblatrare profanis,  
 Et verbis mordere malos, mulcere benignos.  
 Nil in morte mali est, quia præsens desinit esse,  
 Absolvitque reos. idè nec busta rogi que,  
 Non pœna insones, non flagra minacia terrent.  
 In genibus fors ista Deum est. suprema malorum  
 Grata superveniet, si non optabitur, hora.  
 Discendum reor, ut juvenes mens sana gubernet,  
 Soleturque senes, eadem locupletet egentem,  
 Et dites ornet doctrina opulencia census.  
 Nescia adulari, nullis preciove meture  
 Ad nutum loquar. hæc vita liberrima nobis  
 Sors erit. at populus quoties me sibilat, ipsum  
 Sibilo, & humanum nihil est, quod serix mirer.  
 Hoc si dogma placet, cur non placuisse magistro  
 Virgo sequax poterit? cur non cum dogmate possit  
 Arridere tibi jam plenis nubilis annis  
 Virginitas? in me nihil amplexabere, quod non  
 Sit conforme Crati. me, dilectissime, me me  
 Sume thori faciam, & propria dotabere secta.  
 Tota forem Cyrica, hoc unum si fœmina possem,



Non adamare Craten. uni huic succumbere culpa  
Cogimur. hunc unum liceat sperare dolorem.

Talibus orabat, tales Hipparchia voces  
Edidit. ast illi gelidus per dura cucurrit  
Ossa tremor, sensitque sibi præfracta moveri  
Corda Crates, tetricum magno si pectore possit  
Excussisse Deum. Quid me, nitidissima, quid me,  
Inquit, amas? vivis cur jungi mortua poscis  
Corpora corporibus, studiisque illudis amantum?  
Nubendum, sed sorte pari. tam dispere teda  
Iurgia lectus alet. similis concordia forma  
Necit amicitias; invisaque gaudia discors  
Vultus habet. semper deformis vile mariti  
Est precium. jus omne sibi formosior uxor.  
Vendicat, hac metui cupit, hac patrimonia cultu  
Lancinat, hac alio peccantem flecit ocellum.  
Hunc petit, huic petitur. completitur Amphitrite  
Nerea, sed pulchrum. juveni resonabilis Echo  
Commoritur, cur? pulcher erat. formosa Laccena  
Formoso nupsit Paridi. me territa mater  
Horruit, ut vidit genitum. risere propinqui  
Has in fronte notas, hoc pandi dedecus oris,  
Informesque manus. defluxit gratia simis  
Naribus. hac turpi facies larvata colore est.  
Prodigium est, quodcunque vides. En, adspice nu-  
(Et simul à fœdis projecit pallia membris) (dum.  
Hic tuus est, insana, Crates. quocunque tueris,  
Portentum ferale traho. qua pagina talis  
Vlla viri meminit? quibus unquam secula terris  
Conjugio junxere parem? quid? ne qua vacaret  
Pars ignominia, scapulis intexuit error  
Hoc omnis. hunc pressa valide cervice revinctum  
Vix humeris portamus Athon. sic rideor, alter  
Enceladus Briareusque vocor, sum sarcina partim &  
Bajulus ipse mei; &, qualis Berecynthia mater,  
Turriger incedo, gibbo prostante, per urbes,

Prage-

Prægrediorque mihi. videor de parte renasci,  
 Et prodire novus. spectata distorta meorum  
 Crura pedum, curtumque femur; nec vergit in æ-  
 Cum librare volo, corpus damnabile lances. (quas,  
 Non mihi Acidaliis fibra caluere favillis,  
 Non Veneris lusus, Veneris nec præmia novi.  
 Conjugis officio fungi, res proxima valde  
 Servitio est; nomenque patris, me iudice, vox est  
 Mancipii. crescunt pariter cum prole labores  
 Ærumneque novique metus. si semina mundi,  
 Si rerum studiosa studes cognoscere causas,  
 Calibe nil melius vita; nec, conjugis illa  
 Ingenium nescire, nefas. Mihi ducitur ætas  
 Inconcussa malis; tu mollis, compta, venusta es,  
 Aptæ jocis. tibi post fœcunda tot oscula matri  
 Esse licet; mihi nunc in rugas fluxit aniles  
 Annorum series. Cynico plausisse docenti  
 Res facilis; sed iussa sequi rigidissima, grandis  
 Est operæ. sunt farræ meis data fercula mensis.  
 Sunt picta lugubre faba, fatuique saporis  
 Beta. domus mihi nulla. vagor per rura, per agros.  
 Advena sum, quocumque feror. calcare pruinas  
 Hybernæque nives, sulcis committere plantas,  
 Sunt studii documenta mei, mihi culcitra saxum,  
 Aut cunctis commune solum. pars una peculî  
 Palliolum est; perca est, pars altera; tertia stipes.  
 Quod reliquum, Tethys habet; omne à flubibus au-  
 Tunditur, abstrusis effossa pecunia terris, (rum  
 Ne noceat, rursus sum cæca occultatur arena.  
 Vis turpem, vis virgo, inopem? vis pauperis heres  
 Esse faba? aut, mea quem circumfert dextra, bacil-  
 Ne, mulier, tam dura tuæ præscribe iuventæ li?  
 Imperia. auspiciis, reor, & Iunone secundâ  
 Deberis procerum thalamis. hoc vota parentum,  
 Hoc audet spondere Crates. his annue, meque  
 Desine teque tuis incendere, Diva, querelis.



Illa refert. mihi nudus, inops arisque larisque  
 Diligeris peterisque, Crates. si forma laborat,  
 Forma bonum fragile est. si vultu credimur esse  
 Dissimiles, hæc culpa Deūm est. si turpis habetis,  
 Nil ego turpe puto, quicquid splendescit honesto.  
 Non ego formoso quicquam debere marito  
 Sponsa velim. qua forma negat, doctrina refarcit  
 Pulchrior. incomptum certe dilexit Vlysses  
 Icaris, & niuidam torvus Minoida Theseus,  
 Loricadem regina Paphi. pro conjugē nonne  
 Bella Pelethronii Lapithæ gesserē, trucesque  
 Semi-viri? & rutilos capulis radiantibus enses  
 Pro sexu strinxere meo? cur vincula læti  
 Displiceant? non fas sapientem spernere, quicquid  
 Cœlicola sanxere graves. si fœda voluptas  
 Crimen habet, sine crimine ama. si tempora somni  
 Deploras perisse tibi, vigilabimus ambo,  
 Aut noctes partire mihi. quid fercla, fabasque  
 Objicis? hæc mea sunt bellaria. porrige lentem,  
 Ambrosia est. da fontis aquas, venerabile labris  
 Nectar erit. natis malim, quam vivere faciis  
 A lixa dapibus. latices si vola ministrat,  
 Natura famulante bibis. sic publica mensam  
 Sternit sponte parens, ciceremque apponit inemtum,  
 Et porrum & mixtâ cichorea salubria malvâ.  
 Si domus, hospitiumque tibi, si tecta negantur,  
 At cœli convexa patent. que fabrica magnum  
 Clausit Alexandrum, nos fornice claudit eodem,  
 Nec dedignatur socios. Te pallia velant  
 Sordida; sed docta radiantia lumina mentis  
 Illustrant alta pressas caligine gentes.  
 Si serpsit Neptunus opes, si gurgite mersas  
 Fluctus habet, non te gurges corruptior ævi  
 Transversum in fraudes rapiet. communia Divis  
 Omnia solus habet sapiens, quos fecit amicos,  
 Custodesque suos. qui summus regna gubernat  
 Iuppiter,

Iuppiter, hic tuus est. paribus distamus ab illo  
 Passibus. agnatus Superum est, & proximus haeres  
 Iustitiae cultor. baculo quo niteris, aequat  
 Sceptra Ducum, & regum trabeis securior audit.  
 Maeste Crates, nec te pigeat pepizisse jugales,  
 Thebano plaudente, manus. miserere puella,  
 Quam neque luxuries vitiiis, nec gloria fregit  
 Improba flagitiis, odiisque audacia vertit.  
 Tres sumus imbelles numero. sine conjugue virgo,  
 Hinc pater, hinc genitrix. tres solus perdere in unâ.  
 Tres servare potes. per conscia numina juro,  
 Socraticumque Deum & Cynicæ subsellia turba,  
 Conjugio me, magne Crates, dignare superbo,  
 Ut dicar vixisse tibi. sin flectere nondum  
 Vota p. ecesque valent, tedas misera inter & enseni  
 Abrumpam cum morte preces. sejungar amantii,  
 Cui jungi me, sæve, vetas. amplectere sponsam,  
 Aut si, quam vivam voluisti spernere, perges  
 Post obitus odisse meos, age, barbære, calca  
 Exuvias, pedibusque exosum trude cadaver.  
 Sic moriens merear veniam, facinusque cadentis  
 Excusabit amor. pro me despecta loquetur  
 Infelix Dido, & sociâ circumdabit umbrâ  
 Pyramus, & Thisbe, tumultuque fluctibus Hero.  
 Dixit, & impatiens gladium, qui veste latebat,  
 Arripuit. tum membra Crati formidine solvit,  
 Arrestaque steterè comæ. pater obvius unum  
 Exorare Cratem, genitrix lenire precando  
 Nititur, & rigidis extorquent fœdera pactis.  
 Omnes, triste per augurium, quid femina possit  
 Sollicitis volvunt animis. gens mollis Amorum  
 Advolat, & celem, quâ pars est lava; sagittam  
 Torsit, & admissa labefecit cuspide gibbum.  
 Cessit Sponsa Crati. Cynico matrona paratu  
 Ambulat, & tali gaudet comes i. e. manio.  
 Illicet impexi fluitant per colla capilli.



Frons auster a minis, horrescit dextera fuste.  
 Sordida rugosam constringit fascia vestem.  
 Explet fonte sitim. nudis per compita plantis  
 Ingreditur. non in visa mala frigora brumæ,  
 Solstitiumque timet. designat tempora cœnæ  
 Sola fames. patulo placidè condormit uterque  
 Sub Iove, & humana subsannant crimina scenæ.  
 Iam rident Criticos, genus implacabile nugis,  
 Grammaticasq; tribus; quæ dum scrutantur Vlyssis  
 Fataque fortunaſque, suæ discrimina vitæ,  
 Et casus nescire volunt. jam murmure mordent,  
 Quæ sua compositos modulatur tibia cantus,  
 Vita modos violat; qui cœlo tempora donant  
 Sideribusque vacant toti, nec proxima curant,  
 Quæ sunt ante pedes. etiam facundia fallax  
 Vapulat, & quicumque palam declamat honestum,  
 Nec facit. agnoscunt Cynicum palatia dentem,  
 Privatique lares. his currit moribus ætas  
 Ambobus, vivunt hæc paupertate beati,  
 Pallioloque Crates recubat conjuxque sub uno.

## R H A D A M A N T H V S M O L L I O R,

Sive de Raptore duarum Virginum  
Melitenſium,

## TRYPHOSÆ & IOCASTÆ, I V D I C I V M.

**Æ** Ace, cui rigidæ radiant antè ora secures,  
 Nec peccant impune mali; qui tristibus  
 Vmbris

Fata legis, vitasque animarum & crimina discis:  
 Da veniam, Iudex, miseris, causasque nocentum,  
 Et formidatæ differ suffragia vocis.  
 Laxent terribiles immania Tartara pœnas.

Non

Non jecur abreptas Tityi sibi crescere fibras  
 Sentiat. aeternis fessum dissolve catenis  
 Thesea. Tantalicis cessa subducere labris  
 Pocula, nec praecipua Ixionae torqueat orbis.  
 Eumenidum conspice faces, crebrique parumper  
 Sedentur gemitus, nulloque fremens luctu  
 Condonent sonti Furiarum verbera turba.  
 Mitius ingenium est violatae Virginis. omnes  
 Pro rostris absolvet Amor. si foemina liem  
 Advocet, effrenis poterit jam raptor amari,  
 Et sua reddentur sceleratis premia flammis. (tastas,  
 Quid laqueos, Rhadamanthe, paras? quid vincla, ca-  
 Flagra, cruces? quid terribiles pallentibus angues  
 Manibus intentas, Hecate? moestamque Eriphylem,  
 Aut Phaedram damnas tenebris? Procrinque, feramque  
 Pasiphaëen, sua vel lacerantem viscera Prognem?  
 Iam minus est, peccasse viros. jam lenius audit  
 Flagitium, rapuisse duas. connubia stupris  
 Succedunt, duplexque nefas facundia mollis  
 Diluit, & pulso tandem lictore triumphat.  
 Non jam raptas velit Phrygias excindere matres,  
 Argolicas armare rates, evertere ferro  
 Pergama & iratas odiis implere Mycenae  
 Virginitas, oblita mali. non arma reposcat  
 Calcatas funesta pudor. placabilis ipsum  
 Exorat Minoae Venus, tetricumque tribunal  
 Flebitur, & peccans Sponsa donatur amator.  
 Aurea, virtutum genitrix, effluxerat atas;  
 Sanctaque simplicitas, recti reverentia terris  
 Cesserat. horrebant sub duro secula ferro,  
 Et scelerum totis surgebant castra manipulis.  
 Quos inter vitium rebus solenne secundis  
 Luxuries, priscos corruerat improba mores,  
 Exemplis animosa suis. tunc undique legum  
 Incubere minae populis. hic jura Lycurgus  
 Spartano veneranda dedit, genuitque ligata



*Arctius improbitas. illic tremuere Solonas  
 Cecropida, & rigidi Locris edicta Zaleuci  
 Officii scripsere modum. se Creta tuetur  
 Iudicibus terretque malos. rubet ipsa Draconis  
 Littera, sanguineisque riget conspersa lituris.  
 Tunc Gallum Diuida, Pœnorum regna Charondas,  
 Chaldaeos docuere magi, strinxitque Zamolxis  
 Lege Scytham, Siculisque suis praecepit Eleusis.  
 Cernitur Ionio circumvallata profundo  
 Insula, quam Meliten dicunt, vicina Pachyno,  
 Adversos spectans altis è fluctibus Aëros.  
 Cui citharæ segnesque joci & geniali i cordi  
 Orgia, lascivique sales audaxque voluptas,  
 Pigræque mollieties & inertia parca laboris.  
 Utque fuit petulans & nil non ausa juvenis,  
 Et sceleri patuere via, visque effera fraudes  
 Iuvit, & inuitos rabies extorsit amores,  
 Succensere Themis potuit. dumque altera lances  
 Librat & appendit culpas, manus altera ferro  
 In fontes armata suo est: raptoribus ensis,  
 Aut thalami facit arbitrium. iudexque puella est,  
 An gladio cadi cupiat, vel nubat amanti.  
 Harerent ancipites raptæ, dubiisque fatigat  
 Pœna duplex. nunc ira ferox condemnat amorem,  
 Nunc iram condemnat amor. nunc lictor amatur,  
 Nunc Hymen. exercet legis sententia partes,  
 Et sequitur diversa dolor. Non illa Menandrum  
 Terruit impavidosque viri compestuit ausus  
 Horrida lex. laxat Veneri vesanus habenas,  
 Et suadet pejora furor. Tryphosa ruenti,  
 Mox rapitur Iocasta, duas peruersus amator  
 Polluit alternoque reus fit crimine raptor.  
 Litem causæ facit. geminata injuria pœnas  
 Implicat. adversis dissentit Curia votis,  
 Dum raptis diversa placent, nec nubere poscat  
 Vtraque raptori, merito nec destinet ensi*

*Vtraque;*

Vtraque ; sed legis partem sibi vendicet una,  
 Partem alia ; una thori speret soluta, mortis  
 Altera, confundantque suas clementi i voces  
 Infractusque rigor. Tu, qua mortalia vindex  
 Facta notas, Astraea, & per tot crimina justos  
 Circumfers pernox oculos, mitique severum  
 Edulcas ; mihi Diva refer, qua voce Menander  
 Induerit sceleri speciem ; qua fronte timentem  
 Terruerit Tryphosa reum ; quo numine saxas  
 Contuderit Iocasta minas. conscende tribunal  
 Arbitra, disponant grandes subsellia Patres,  
 Atraque ferales attollant limina fasces.

Ecce, venit raptor, manibus post terga reuinctis,  
 Pallor in ore sedet, facti mens conscia vultum  
 Verberat, ut possit populo peccasse videri.

Qua graditur despectat humum, non lumina tollit,  
 Cincta timet pavidus, magni pars ipsa doloris  
 Est metus, & pœne gradus expectatio pœna.

Deergit mœrens lachrymas, trepidansque labansque  
 Flebile suspirat, formidantesque capilli

Canitiem terrore bibunt. deformat amiectum

Luctus, & ante oculos lethi præsens imago

Hoc unum sperare sinit. cum rostra tuetur,

Genua tremant ; turbam cum circumspicit & ag-  
 Se contra missare videt, natuque furorem (men,

Præcipit. irata lugubris scena puella

Nuncia supplicii est. metuit, ne latior iras

Dissimulet Iocasta suas. sic squallidus, excors,

Exanimis stetit Albanus, cum, iudice Tullo,

Ultrices raperent Metium in diversa quadrigæ.

Talis erat facies, cum cultros inter & aras

Pallida spectaret Græcorum castra Mycenis,

Aut coram immiti jugulanda Polyxena Pyrrho.

At postquam timida rediit fiducia lingua,

Discussitque metum : Non me rapuisse negabo,

Raptor ait, nec si misero fors obtigit ista,

Men-



Mendax esse velim aut vanus perjuriam fingam.  
 Si vitii blanditur amor, si nescia recti  
 Est Venus, & juvenum subvertit subdola mentes,  
 Peccari minus, & culpam imperiosa libido  
 Elevat, & quicquid feci, sum passus amando.  
 Non meus in jugulos infontum saxiit ensis,  
 Non cruda maduere manus, non are nefando  
 Vendidimus patriam, aut cælo jurata fefelli  
 Fœdera; non trabea, non hic violata curulis,  
 Turpiaque incessant alienas ausa maritas.  
 Me, fateor, pravi pellax lascivia secli,  
 Subruit, & calida subnascens flamma juventa.  
 Cogitur omnis amans, & duro crimen amori  
 Imputat, aut fatis. rapitur seducta voluntas,  
 Quo trudit natura procax. delinquimus ipsis,  
 Quæ Superi tribuere, bonis. cur lumina nobis,  
 Virginibus cur forma data est? cur gratia vultu  
 Picta nitet? cur membra decor nativus honorat?  
 Cur rubuere gena? frons exporrecta jocatur?  
 Illicibusque oculis tot fraudum arcana Prometheus  
 Occuluit? si quisquis amat, sceleratus habetur.  
 Si rapui, dos raptæ viri est. ut amabilis esset,  
 Objicitur maribus mulier. plus munera Divum  
 Æstimat, hanc ipsam quisquis furiosius ardet.  
 Si pudor est, adamasse duas; bis dona Deorum,  
 Bis dicam placuisse Deas. sum raptus & ipse,  
 Et sensi me posse trahi; velut abdita saxo  
 Invitat cupidum virtus magnetica ferrum,  
 Aut levibus paleis se succina pulchra maritant.  
 Hinc Tryphosa gravis sopitos suscitât ignes,  
 Accenditque faces; hinc se Iocasta medullis  
 Insinuat formosa meis. hæc frangit ocello  
 Pectora, & accensos conspectu ventilat æstus;  
 Illa verecundis sapiens præcordia verbis  
 Fascinat, & quoties facundo differit ore,  
 Post se corda trahit. non vult Iocasta timeri,

Blandiloquis arguta jocos. Tryphosa modestis  
 Alligat imperiis animum; moresque decussque  
 Ipsaque virtutum, causa est erroris, imago.  
 Quod si homini sit fas exemplis ire Deorum,  
 Quae feci, fecere Diu. qui fulmina torquet  
 Iupiter abducta Tyrio de litore quondam  
 Mugit Europa, & teneras immanior artus  
 Librauit pandis humeris. quin tertius hæres  
 Saturni, dum Sicaniam ferus insilit Hyblam  
 Fumantesque rotas caligantesque relaxat  
 Acer equos, magna Cerei venerabile pignus  
 Eripuit; tantique Iovi arrisere tumultus,  
 Nec Parca vetuere malum. Sic maximus ille  
 Incaluit princeps Erebi, mundique potentes  
 Audaces sumserunt animos, Acheronque polusque  
 Semideumque patres me peccauere priores.  
 Nec, si rapta mihi fuit utraque, desit esse  
 Utraque casta sibi. mansit sine crimine mentis  
 Pars melior, liberque animus diuortia mecum  
 Fecit, & in solo deliqui corpore raptor.  
 Quod si jura reum faciunt, patriisque refellor  
 Legibus, & poenam suffragia vestra reposcunt;  
 Excedit jam poena modum, prauisque colorem  
 Lex crudelis habet. num gaudia fluxa cruenta  
 Morte luam? an Paphias ferro temerabimus aras?  
 Basiaque in vitis aliquot pressisse labellis  
 Nomen erit fatale mihi? quæ femina philtro  
 Exinxit iuuenem, vos absolvistis, Athene,  
 Incolumisque evasit amans. deprensus adulter  
 Mars fuit, & toto jactata est fabula caelo;  
 Attamen hoc risu facinus, non ense, perivit.  
 Gaudent pulchra rapi. secant obvia gramina messor,  
 In vitasque licet ferro detondet aristas  
 Triptolemus. rapidis spumans vindemia dextris  
 Diripitur; plenisque legit decussa canistris,  
 Nec matura satis Cerealia poma colonus.

Pabula



Pabula flamma rapit, facibusque sequacibus urit  
 Proxima. vim passim patitur natura, facitque,  
 Inque vices solers cogique & cogere gestit.  
 Incubat Oceanus terra, sed laxior aër  
 Oceanum premit. immensis complexibus ignis  
 Aëra circumdat propior, servatque fovetque,  
 Ingentesque sinus mundi secundat Olympus.  
 O, quoties lactante gemens à matre juventa  
 Abripitur, tenera cui nondum cornua ludunt  
 Fronte; vel imbeli lupus insidit utus ovili est.  
 O, quoties cultos dum virgo perambulat hortos,  
 Hic violam rapit, hic fragrans avellit amomum,  
 Aut metit excelsis argentea lilia cannis,  
 Necdum facta nocens. totus raptoribus orbis  
 Fervet, & haud una rapiuntur eade terra.  
 Virginitas intacta diu, nec rapta, fuit scit,  
 Et senio marcescit honos, despecta senilis  
 Gratia deformesque joci. speciosa venustas  
 Quo nos cunctis vocat, sequimur, vel ut impete, turba  
 Luxuriosa proci. Vos vita lubrica, Patres,  
 Condonate mea. leni plus voce tribunal,  
 Quam terrore valet. Melite, bis me hospita servas,  
 Si superesse sinas civem & respiscere vivum.  
 Sin me vis, Tryphosa, mori; moriare Menander,  
 Abscissumque humeris caput atque exangue cadaver  
 Tryphosa mitte inferias. tunc forsam amabit,  
 Raptoris cum frustra leget. Sin vivere me vis,  
 Et pateris, Iocasta, virum, venerabor amores  
 Prona mente tuos. thalamo sacro pudoris  
 Damna tui, & mecum exemplum memorabile sera  
 Posteritatis eris. facinus prudentia clemens  
 Corriget, & cupient nobis plausisse nepotes.  
 Hac ubi dicta dedit, compressa voce quieverit,  
 Seque pavore dominavit iners, pulsoque timore  
 Arrecta sedere comæ. Nec distulit inde  
 In juvenem Tryphosa loqui, sed squallida luctu,

Fune-

Funereoque induta habitus. non prisca decentem  
 Mordebat medio succinctam corpore pallam  
 Fibula, neglecta pendebant vertice vittæ,  
 Torva minis facies, gladio truculenta rigebat  
 Dexteræ, magnanimaque ægrum cor bile tumebat.  
 Iam memor ingenio rabiem, feritate dolorem  
 Auxerat. haud alio Phrygium conspexit Elisa  
 Ore ducem, Libycis aliquem cum posceret amens.  
 Ossibus ultorem. similis Cassandra Chorcebo  
 Restitit, & Phædra Hippolyto, cum pectore forti  
 Sperneret incesta temeraria vota noverca.  
 Ut stetit, & totam sese collegit in iras,  
 Talibus illa modis ora indignantiæ solvit :  
 Improbe, sæve, nocens, genitrix si lena fuisset,  
 Si Circe Laïsque mihi, si fœda Calypso  
 Ipsa forem, aut quovis mercabilis ære Philænis,  
 Largirer facilis veniam. n. in celsa querelas  
 Orditur probitas & casta filia matris  
 Heu, polluta dolet. centum dignissime pœnis,  
 Me pereunte, peri. non una est culpa nocentis.  
 Bis, scelerate, rapis. crevit successibus ardor  
 Efferus, & gemina de pubertate triumphas.  
 Nil juvat errorem, spreta virtute, fateri,  
 Nil gemitus commissa levant. cum raptor abires.  
 Tunc decuit sentire nefas. ceu navita ventos  
 Prospicit, & scopulo defleat velâ latentem  
 Incolumis. non te fatorum sanctior ordo  
 Impulit in scelus, aut formæ quasita venustas,  
 Eloquii decus & quicquid mortalibus æther  
 Optimus indulsit. Superos absolvimus omnes.  
 Tu, tu causa mali es. fingat mentita vetustas  
 Furta Iovis raptusque Deum; num fabula vitæ est  
 Regula, justitiæque modus? quid inania fundis  
 Verba? vel exemplis audes pugnare sinistris  
 Infelix? pœnaque studes differre rigorem?  
 Omne tuis levius, quod jam decernitur, ausis

Suppli.



Supplicium est. non vipereo metuenda flagello  
 Eumenis atque no vis acuens incendia flammis  
 Sit satis in pœnam. laquei, nervique rotæque  
 Verberaque & trahili loris crudelibus artus,  
 Et virgæ lenes fuerint. Te supra parantem  
 Attoniti fugere Dii; percussa Dione  
 Horrui, exclamavit Hymen, Sol palluit orbi  
 Defecitque sibi. turpis quin conscia facti  
 Terra suos circum maculis adspersit honores,  
 Et noxam afflavit foliis. marcescere flores  
 Vidimus, expirare rosas, decrescere rivus,  
 Et retrò cum fonte trahi. Quò jura Deorum,  
 Quò leges cecidere hominum? quid vivere nobis  
 Proderit? an mixtæ sociis raptoribus usque  
 Ibimus expertes ibaliami? nec tuta puellis  
 Sors erit aut nostri stabili reverentia sexus?  
 Quid latuisse jurat, custodivisse parentes?  
 Tarquinius si prada sumus? si vecta quadrigis  
 Sum spoliâ & nullo sese secura tuetur  
 Vindice simplicitas. cur cœli dicimur esse  
 Nobile depositum, terrarum gloria, mundi  
 Sidera, spes & cura virum? si quislibet in nos  
 Obvia grassatur rabies furtoque patemus.  
 Stupravit geminas audax, unamque caloris  
 Esse sui voluit solamen, ut altera præstet  
 Virgo patrociniû, & defendat rapta clientem.  
 Ne pereat, bis audet idem. videntur honesti  
 Custodes tabulæ, vitioque obducitur ipsi  
 Per vitium color & judex eluditur astu.  
 Vna dies ambas rapuit. jam tertiâ forsan  
 Rapta foret, nisi nox melior rapuisset Olympum.  
 Ploravere domus geminæ, genitrixque paterque  
 Et meus & Iocasta, tuus. tabescit uterque  
 Flebilis. in quantum servaris, nata, dolorem,  
 Mater ait, cui te genui miseranda furori?  
 Postcite vindictam patres, ne filia vobis

Sorte pari pereat. vindictam poscite fratres,  
 Ne vitia soror generi stirpique supersit  
 Opprobrium. cunctos animet vindicta maritos.  
 Ne pavidos admissa thoros audacia scandat.  
 Talia saepe gemens dixit Lucretia Bruto,  
 Talia, Collatine, tibi, seroerique patrique.  
 I lixor, constringe manus, obnube scelestum  
 Veste caput, gladioque vices ulciscere nostras.  
 Cade, feri. luat ense malus, quo concidit hoste  
 Fama pudicitiae. saturet se sanguine, quem non  
 Fletere virginexque preces lachrymaeque dolorque  
 Non pietas potuit. dic, post tua fata, Menander,  
 Dic Paridi, sceleri quoque succensere nepotes.  
 Phoebe pater, quo me rapuit furibundus amator,  
 E fastis expunge diem. ne busta rogumque  
 Irradia, aeternis lateat stuprator in umbris,  
 Abscondat caligo reum. ne posthuma norit,  
 Peccari sic posse, Venus. Quid parcere demens  
 Raptori, Iocasta, cupis? sperasque maritum  
 Improba? quem leges, quem damnare curules.  
 Hoc violentus amor precium, diramque cubile  
 Emeruit? tali infamis scortator honori  
 Sepositus cristas corrupta virgine tollet?  
 Apponetque nefas lucro? Vah, prodiga fama es  
 Ipsa tuae. nec enim crederis passa, quod optas,  
 Quod lasciva petis, te consensisse loquetur  
 Quilibet, & raptam magna ratione negabit.  
 Publica sic fies videntis nenia vulgi,  
 Atque iterum nutabit honos. meretricis inuret  
 Nomina suspicio, pellexque vocabere genti  
 Vel prostans Erycina tua. quae laesa putatur  
 Virgo, dolet; nolensque truci quae cessit amanti,  
 Hac speciem plorantis habet. tu florida Sponso  
 Serta paras, plaudisque tuis improvida damnis.  
 Compta salis, lepidisque infamas rostra susurris,  
 Et Sponsa spem caeca foves. miracula narro.

Omnia



Omnia jam fient, fieri qua posse negabam.  
 Siste gradum, nec plena redi Latonia terris,  
 Et vaga conuerso se trudent flumina cursu  
 In caput acta suum. concurrat bruma Leoni,  
 Perreptetque hyemem Cancer, ver terminet ipsum  
 Amphora, & autumnos adeat cum Castore Pollux.  
 Heu cœli terræque pudor. virguncula uacors  
 Oscula sacrilego pendet, noua fœdera junget.  
 Vt plures periturus amet. Si rapta fuisses  
 Sola, thorus poterat morti prælatus amari.  
 De geminis lex nostra silet. certumque meretur  
 Supplicium bis spreta Themis. superadâit a noxa  
 Noxa riget, facinusque capit momenta resumptum.  
 Vltio debetur binis, sed nubere binas  
 Iura decusque vetant. superest, ut uictima binis  
 Occidat, & thalamo excussus moriatur utrique.  
 Si Iudex ignoscere amas, quis criminis horror,  
 Majestas qua legis erit? si dextera vindex  
 Languet, illecebras præbebit fontibus excors  
 Mollities. quamam hæc species? non posse perire,  
 Qui meruit bis monte mori, bisque ense recidi.  
 Dicite, si plures rapiat, si templa Deorum  
 Inuolet, aut querula sit parricida noverca,  
 Sat fuerit raptam molles obtendere tædas?  
 Licetor, colla seca. mox tu, Iocasta, proteruis  
 Exuuiis nube, gelidumque amplectere corpus,  
 Bassaque in putridis figas graueolentia membris.  
 Prima ego dum violor, legis diuisa voluntas  
 Arbitrii sit prima mei. Tryphosa Menandrum  
 Damnât, ut, extincto nobis raptore, deinceps  
 Fausta coronati peragant conuiuia Manes.

Sic dixit Tryphosa grauis, uinctumque catenis  
 Frenauit in juvenem. Tum blandè lumina torquens  
 Promouit Iocasta gradum, cui gratia dispar,  
 Dispar forma fuit. mitra radiante capillos  
 Strinxerat, & variis Gangetica bacca figuris

Ornabat

Ornabat distincta caput. non pulchrior astris  
 Vultus erat, plus labra rosis arguta rubebant.  
 Ignea vis oculis inerat, poteratque videri  
 Diuorum nurus aut Tithono nobilis Eos.  
 Rubra pererranti fulgebant serica bysso:  
 Quis precium donabat acus. prænuncia lecti  
 Flammea gestabat manibus. redimita coronis  
 Frons erat. hic cunctos quos tellus ad alta flores  
 Parturit, & vernas filo distinxerat herbas.  
 Has nardum & grata pingebat amaracus umbra,  
 Coryciumque frequens & olentis vimen acanthi,  
 Et casta halantes immortalesque amarantibi.  
 Vix fuerant strepera mandata silentia turba,  
 Arrestumque stetit compresso murmure vulgus,  
 Cum sic orsa fuit felix Iocasta profari:  
 Non ego cum sociâ Melitensem exscindere gentem  
 Virgine iuravi, subjectaque colla securi  
 Nobiliam feruisse velim. non funus acerbum  
 Molior, aut tristes duri Busiridis aras  
 Imbuet impatiens animus, lethique repertrix  
 Verba meo queram nimis immansueta dolori.  
 Non me Penthesilea furens, non barbara Colchis  
 Horribilem genuit, nec quæ regalia quondam  
 Ora cruentatos Thomyris demersit in utres.  
 Fœmina sum. lenis misero & placabilis adsim.  
 Sæuiat in tauro Phalaris, in carcere Sciron,  
 Occulta sub rupe Scinis, dirusque Procastes.  
 Nascitur ad fructum mulier, prolisque futura  
 Argumenta capit. suturari sanguine nolo,  
 Quem cupiam genuisse mihi. non præfica, verum  
 Pronuba sum. thalamosque mihi mansuetior opto,  
 Non tumulos, Tryphosa, tuos. Libitina faceffe,  
 Collige per crudos mortis spectacula Thracas,  
 Aut annis effata neca. mihi lata iuventus  
 Seruiat, & famâ reparet dispendia lectus  
 Innocæque faces. stuprum lanugine prima



Diluimus. venis saliens juvenilibus ignis  
 Buliit & stimulos peccanti subdidit atas.  
 At rapuit. fateor. raptum peccamus & ipsa,  
 Quemque prior toties virgo clam deperit, aufert  
 Consilio, votisque rapit. medicina malorum,  
 Et quærenda mali correctrix flamma caloris.  
 Cui placeam temerata? thoro sedudor ab omni.  
 Indignam fugiunt comites, innoxia quamvis  
 Rideor à populo, generis fortuna domusque  
 Mesum tota labat. mæstorum causa parentum  
 Iuncta mea est. liceat fato meliore mereri  
 Conjugium, & raptum titulis expungere nupta.  
 Tyndarus Idæo quamvis pastore Lacana  
 Raptam foret, tamen huic ipsi consuevit amanti,  
 Solverat Oebalio postquam de littore classem  
 Dardanus, & magna quererentur furtiva Mycena.  
 Hesionem Telamon, Briseida cepit Achilles,  
 Eurytus Hippodamem, Boreas ferus Orithyiam.  
 Ægides Gnosin, facilem Tyynthius Augen,  
 Victoremque suum tepidumque cubile secuta est  
 Qualibet, officiiisque procans injuria victa est.  
 Natæque Pyrenes transcripsit nomina monti,  
 Hospitiis Alcida raptum fuit ulta virago.  
 Fleatitur obsequiis, omnisque ferocia languet.  
 Cum placida nostros solantur voce dolores,  
 Qui nocere, mares. Stygii prædonis habenas,  
 Et dotale Chaos Plutonia possidet uxor,  
 Ac ferugineis Erebi complexibus hæret.  
 Pone mimas, compesce tuum, Tryphosa, furorem.  
 Sæpleti vis lege reum, non semper iniquos  
 Pœna vocat. patitur molli se interprete flecti,  
 Æqua reo; sensusque sibi Clementia servat.  
 Hac hominem superis æquat, facilisque moveri  
 Supplicibus, miseris nunquam implacabilis obstat.  
 Ignovisse cupit, flagrantes increpat iras,  
 Subducit fomenta odii, & parca cruoris  
 Præstadium calcat terrarum Diva rigorem. Quæ

Quin potius nunc nostra virum Lex asserit anceps.  
 Cur? geminas rapuit. tuus est ex parte Menander.  
 Et meus est. debet nobis mortemve thorumve,  
 Anxia libertas contraria seligis. adsto  
 Blandula donatrix venia. Tu filia Martis.  
 In cades irata ruis. nec nubere binas  
 Res sinit, aut binis poterit bis ense feriri.  
 Si tibi vis reddi, quicquid subdaxit honori,  
 Cur non & nostro vivat servatus honori?  
 Si tibi dissectus placeat, mihi totus amatur.  
 Si sperata paras tristes ad funera taxos,  
 Ipsa le vem ne tam geniali in vertice myrtum.  
 Si tibi barbaricus tumida dstringitur ensis,  
 Ecce manus contra strictos amoliar enses.  
 Tu truculenta feri, ferienti mascula me me  
 Objiciam, & tanta servabitur obside raptor.  
 Sic dum distamus votis, & numine dextro  
 De geminis edicta silent, evadet amator.  
 Quid? magis in raptum tu consensisse videris,  
 Irarum quis plena furis, culpamque superstes  
 Exprobrare potest. motus compescit insons  
 Causa meos, totoque mihi blanditur in actu.  
 Quae nolens sum passa, volens admittere conjuncos  
 Non renuam. meus posthac Melitaeus amabit,  
 Oscula nec rapiet, quae mox libabimus ultro.  
 Ilictor, dissolve manus, obnubito frontem  
 Floribus, atque istam capiti suspende coronam.  
 Sponsa vocer. celebri si, Collatine, piasti  
 Exilio regale nefas, si ulciscitur ultor  
 Virginiam: plurex bellatrix Roma Sabinas  
 Pradonum in gremium vidit descendere nuptas.  
 At vos raptori, Patres, ignoscite, si quid  
 Intumuit Cypris; si quid flagrantius actum,  
 Quam decuit. vestris supplex atque innuba virgo  
 Ad volvor genibus. Sit fas sanctissima leci  
 Iura sequi, & placido nunc consentire marito.



Fortunam, si raptam, feram. cognomine pulchro  
 Involvam sceleris labern. cum nescia mentis  
 Ipsa sua lex est, iudex clementior audit.

Hæc effata sinum lachrymis implebat obortis,  
 Mixtaque inerrabant solatia multa timori.  
 Nec minus ambiguum diviso iudice vulgus  
 Scinditur, & vadunt odia inter juncta favori.  
 Ille ferox animi pro virginitatis honore  
 Verba facit, certæque probat suffragia mortis.  
 Mitior hic pœnis hominum vel sanguine pasci  
 Turpe ferumque putat. discordes Curia voces  
 Edidit & infra cto occurstant res porsa rigori.  
 Tandem legis feris subrepsit inertia segnis  
 Patribus, & stricta rostris cessere secures,  
 Jusque datum culpæ est. incusat inania jura,  
 Et conculcatas in fonti corpo. e leges,  
 Et spretam Tryphosa Themis. Iocasta Menandro  
 Nubit, & (ô mores!) fruatur raptore marito.  
 Indoluit despectus Hymen, flammæque jugales  
 Defecere sibi. visa est Astra moveri,  
 Et gladium vibrare manu. qua lance reatus  
 Ponderat, en, levibus subsidunt crimina pœnis.  
 Tunc medios inter Procères miserescere cepit  
 Constantis Tryphosæ aliquis, sociamque poposcit  
 Consortemque thori. fulgent genitalia passim  
 Limina, Sponsarumque habitus, epulæque facescunt  
 Ocyus oblita irarum legisque severa.  
 Formosos religant crimes, vultusque serenos  
 Obnubunt alium prævelatura pudorem  
 Flammea, compositisque minis jam lenè canentes  
 Immergunt veteres in pocula plena dolores.  
 Gavisæ est omnis Melite, propiusque procellis  
 Annuit, & toto sonuerunt festa profundo  
 Carmina Nereides. sed grandior Amphitrite,  
 Dum raptum legesque alternaque iurgia vesit,  
 Increpuit tetrica male sanum voce tribunal.

## CHEIROMANTIS,

Sive Virginis cujusdam, ordinis mendicantium,  
quos Ægyptios quidam, vulgus Gentiles vo-  
cat, ( Itali Cianos, Asiatici Sigaros appel-  
lant ) & nobilis Hispani matrimonium. Vbi  
Physiognomicæ & Cheiromanticæ artis,  
cunctaque ordinis istius dogmata, ritus ac  
vivendi ratio explicantur.

**I** Am nova fatidica sumant exordia tædæ,  
Et Pelusiæ veniant in verba Sibyllæ,  
Et terras obiens Manto, præsagaque sortis  
Femina, & inspectis sapiens Ægyptia dextris.  
Quas versas, Erycina, vices? quo crimine damnas  
Nobilium malefana thoros? fœdisque potentes  
Illa queas thalamis, pulchroque illudis amori?  
Quam turpes arsere faces, quam flammea tetrum  
Velavere caput, quam formidata virago  
Ivit in amplexus, depictaque fecibus ora  
Et passo discincta vagans per regna capillo  
Tisiphone, dignum conscendit sponsa cubile,  
Illustri dotata viro. mihi, maxime CATSI,  
Sæpius attonitam veterum miracula mentem,  
Et casus tenuere truces, celebrisque severis  
Exemplis mulier: seu strictas sæva secures  
Penthesilea quatit, mediosque effusa per hostes  
Agmen agit; ruptis seu fortis Clælia vinculis  
Enatat, & socias ducit per castra sorores,  
Et vallos, Porfenna, tuos: seu Tullia demens  
Improba per patrium raptat carpenta cadaver;  
Aut toto olens Tanaquil involvitur ostro,  
Sublimis matrona animi. canit antra Calypsus  
Mæonides Scyllæque canes faucesque Charybdis  
Sirenasque leves & iniquæ pocula Circes,

Ff 3

Atque



Atque agamemnonio maculatam sanguine mœchã.  
 Quale audes, Rosimunda, nefas. ultrixque pudoris  
 Et visi regina sinus; quæque amula fasces  
 Eripis incauto conjux Babylonia Nino.  
 Ismenis irrubuit Lernæo sanguine Dirce,  
 Seva viro. Oenomaos belli deterrima causa  
 Hippodamia fuit. Thebanum irata maritum  
 Prodidit Eryphile, Pterelamque insana parentem  
 Polydice. furis aduersa Volumnia mater  
 Iuit, Coriolane, tuis. quacunque revolvas  
 Secula scrutator, magnum & memorabile nomen  
 Femineo in sexu est. nescit mediocribus ille  
 Consiliis fatisque regi. virtutibus omnis  
 Aut vitio præcellit amans. hic omne Cupido  
 Explicat ingenium & gaudet statuisse trophaum.  
 Huic grauis, huic facilis. stupuit natura furores  
 Ipsa suos turpique infames fixdere nexus  
 Difformeque thoros. Tu tantis addere, Virgo,  
 Ordinibus, fameque patens conscende theatrum,  
 Et personato trepident subsellia vultu;  
 Seu Preciosa velis dici, seu pristina seruas  
 Nomina, & arcanas aperis Constantia fraudes  
 Fortunaque vices, & quicquid corpore nostro  
 Scripsit adorandis Divum prudentia signis.  
 Ibat Barbaricã matrum comitante catervã,  
 Pallarum diffusa sinus, Gordonna; perurcti  
 Dux gregis & tetricam ductabat prævia turbam.  
 Sordida sul fuscum velabant pallia corpus,  
 Et circum fluidis squallebant crinibus ora.  
 Huic suus e mammis pendebat putribus infans,  
 Aut matri incumbens humeris surgebat ab ipsis.  
 Huic olidus trita pendebat cantharus ansa,  
 Huic panda hesternam lambebant labra polentam.  
 Illi ruga cavam crispabat pendula frontem.  
 Mucidus immundis stillabat naribus illi  
 Humor, & oppleta turgebant sordibus aures.

Pars nudas duro firmabat frigore plantas,  
 Pars laceras, pars villosas incompta traherat  
 Exuvias. non hic nitidis holoserica membris  
 Tegmina suspendi videas, vestesque superbas  
 Murice vel Tyrio velamina splendida cocco.  
 Hac annis pannisque rigens vestigia ligno  
 Fulcit anus. vix hec tunica paupercola mater  
 Molle tegit gremium, custosque pudoris egestas  
 Parca fuit. tales quondam Rhodopeius Orpheus  
 Traxit Threicias, furiarumque agmina ducit  
 Per Phlegethontæas conjux Plutonia sedes.  
 Sic Bacchas iuisse putem, cum Manala circum  
 Flexa Mimallonius implebant cornua bombis.  
 Omnibus hic labor est, anceps prædicere verum,  
 Et cui vis sua fata loqui. quæcumque viator  
 Ambulat, horrendas præfago numine voces  
 Eruçant, rabidaque rotant oracula lingua,  
 Eventusque hominum varios, casusque futuros,  
 Quæ sunt, quæ fuerant, quæ mox ventura trahentur.  
 Ut rabie fera corda tument & pectus anhelum  
 Excussit totum lymphato turbine Phœbum;  
 Hac grandes promittit opes, Pelopumque talenta,  
 Et faciles in vota Deos, securaque vitæ  
 Otia. crudeles aliæ Rhamnufidos iras  
 Adversumque Iovem recitant, sterileque hymen eos,  
 Aut querulam aut multa secundam prole maritæ.  
 Tu Sejanus eris, tu terra paupere (dicunt)  
 Ibis in imperium magnum, figuloque parente  
 Iura dabis latè populis. Te gemma beato  
 Æquabit miranda Gygi. tu Syllia triumphis  
 Transcendes ab avum titulos, tibi basia figet  
 Regis amor, tibi fullo gravis. tu sordida Thais  
 Ad coitum allicies alienos fœda maritos,  
 Et coelebs bis mater eris, legesque cubilis  
 Calcabis marrona salax. Te iusta Superbum  
 Excutiet folio Nemesis. te canna palustris



Abscondet Marium. Tu, dux Pompeje, Photini  
 Ense cades. tibi, Cræse, rogi flammaque parantur,  
 Fatalis te furca manet. te gurgite vasto  
 Æolus & tumidis mergent irata procellis  
 Æquora. quin propius vultus cum femina lustrat,  
 Invenit ex altis lapsurum Elpenora scalis  
 Invenit Andromachen, raptumque à matre misel-  
 Astyanacta. videt mulier vestigia fati (lum  
 Prævia, & ambigui prædicit damna veneni.  
 Quos ensis fodiet jugulos, quæ sica tyrannum  
 Exspectet, quæ pœna reum, quique Hæctora currus  
 Hippolytumque rota rapiant. quo sidere quisquam  
 Ausurus sit quodque nefas. quem sera senectus  
 Spectatorem operum multorum reddet, & annis  
 Sufficiens vix vita suis. Tithonia narrat  
 Secula Nestoreosque dies. huic contrahit ævi  
 Curriculum, terris quem solum ostendere Parca  
 Immites cupient, nec spes implere suorum.

Ambulat has inter chara Virguncula matris  
 Depositum, quam dum centum vaga permeat urbes  
 Dux turbae Gordonna, choro permiscuit isti,  
 Et patriis audax te ris avertit euntem.  
 Illa nova patiens seeta, docilisque, furores  
 Haussit & ingentes artes; potuitque juvenis  
 Magna loqui & veris rimari singula causis,  
 Ingenio monstrante viam. non forma decusque  
 Deerat, in humidulis vernabat gratia labris,  
 Et lepor in verbis inerat, blandumque loquendi  
 Pondus & attonitas aliquid quod flederet aures.  
 Os humerosque Dea similis venerabilis ibat  
 Terribiles inter matres; & lurida quamvis  
 Egregiam pingui faciem turpasset amurca,  
 Emicuit gradientis honos, frontisque venustas  
 Ardua & amoto generosa modestia fuco.  
 Quin omnis secura thori, fraudisque deliquit  
 Nescia, non vera fruitur sermone parentis,

Et rerum secreta capit, quæcumque sub antris  
 Mugit & Phœbi quondam cortina reclusit,  
 Euboicusque pater; quicquid Cassandram sciensque  
 Carmentis Latium docuit, vel filii grandis  
 Tiresiæ, vitreoque furens sub gurgite Protheus.  
 Noverat & quicquid Thuscus scrutatur aruspex,  
 Interpretæque Tages Superum; venasque calentes  
 Fibrarumque edocta situs, aviumque volatus,  
 Signabat motus volitantis in aere pennæ.  
 Quicquid in humanis Superum sapientia membris  
 Abdiderat, potuitque loqui pars quæque tacendo,  
 Gnara aperit; sortesque notat facunda futuras  
 Garrulitas. dictant graciles portenta figura,  
 Inque suos corpus mores astuta resolvit.

Principio septem radiantia sidera lustrat  
 Orbibus, errantesque Deos, Solemque Iovemque,  
 Saturnumque patrem durique habitacula Martis,  
 Infaustaque domos Luna, celebrataque mille  
 Tecta dolis, quæ mercator Cyllenius altè  
 Incolit; & qua se cœli statione tuetur  
 Vesta Dionæis petulans Citherea columbis.  
 Hæc astris supposita videt, cœventia fixis  
 Lumina luminibus; nunc occurstantia rursum,  
 Adversasque faces facibus. conspectibus istis  
 Gaudet & immensos distinguit vultibus orbes.  
 Morbos Cancer alit, trux asperat ira Leonem,  
 Emicat in Tauro probitas, & dedita sacris  
 Relligio veneranda suis. felicia prolis  
 Signa, favens cauda, portendit matribus ardens  
 Scorpium. atque ipso secundi frigore Pisces.  
 Sub Geminis pulchro donat nos corpore Titan,  
 Tyndaridisque facit similes. sub Virgine docti  
 Nascimur, & crispo prudentia multa capillo  
 Tuta latet. fidos Aries largitur amicos  
 Proscribitque malos. appendit Libra labores  
 Ærumnaque graves. acuum studiosa sagitta



Pellora, & egregiis victuros artibus implent.  
 At Caper impuros animis instillat amores  
 Corniger, & vetitis urit praeordia flammis,  
 Emolli que viros. irrorat Aquarius annum,  
 Et faciles primis mores natalibus infert.  
 Hæc ait, hæc didicit vafra præeunte magistra,  
 Sic recitat Preciosa Deos, totusque puellam  
 Zodiaci labor exercet. Mox nostra pererrans  
 Corpora, formarumque modos, habitusque, sonosque,  
 Hæc probat, hæc damnat. pars nostri quilibet illi  
 Fit schola, & articulis mysteria carpit ab ipsis,  
 Et summo præcepta ferunt à vertice tali.  
 Frons angusta cui est, & plus contracta, Coræbi  
 De genere est, fatuusque satius de gente Meneri.  
 Longa sapit; sublata nimis vel turgida, fallit.  
 Sed rugosa gravem curis vafrumque rotunda  
 Arguit; & letis donantem vocibus, ampla.  
 Grande supercilium tumidos, pilosaque balbos,  
 Immundos protenta notant. cui tristia torvum  
 Ora vident, animam tacitis servare videtur  
 Consiliis; fraudesque suas macilentior abdit.  
 Plana cui multum facies, certamina, rixas  
 Litigiosus amat. cui plus carnosæ, venustus  
 Esse cupit facilisque puer. quadrata disertis  
 Auricula est, stultis parva, imprudentibus ingens,  
 Flaccida degeneri, niide purgata peritis.  
 Nec patule servant auidita fideliter aures.  
 Plurima vis oculis. dixit Preciosa probari  
 Humidulos hilaresque sibi, fixosque doloso,  
 Fallaci glaucos, prægrandes esse voraci,  
 Attentis ad rem modicos. tremulosque vagosque  
 Arentes, alid merfos, caligine septos  
 Vult non esse bonis. laudat sublime tuentes,  
 Nitantes in amore, truces ad bella paratos.  
 Omen habet natus. bilem demonstrat acutus,  
 Crassus depressusque malos; vicinior ori

Magna-

Magnanimum, simus Venerem; sed nare rotundâ  
 Attonitum, diductâ alacrem, solidâque ferocem.  
 Os latum bellacis erit, vastumque loquacis,  
 Meileaque è parvis manat facundia labris,  
 At quoties dentes attollunt labra canini,  
 Illa parum fidos memorat; cumque aspera vox est,  
 Hic, inquit, nugator erit; cum blandula, terris  
 Altera Messalina redit; cum tarda, remissus  
 Cunctator; cum dura, ferox. cervicibus altis  
 Adspicit pavidos, crassis bardosque rudesque  
 Difficilesque sibi. curâ temerarius audis,  
 Sordidus incurva. levum cum pendula vergit  
 In latus, es petulans; dextrorsum flexa, modestus.  
 Laudabat pectus magnam, mammasque fluentes  
 Leniter, & stricti sub pectore ventris honorem.  
 Longaque dum præfert succinctis brachia, narrat  
 Pingues esse manus furum, vafrique pusillas.  
 Cum pedibus surâ turgent, invisâ notatur  
 Asperitas; cum subtilem se tibiâ versat,  
 Mens hebet. in pando generosum tergo robur  
 Hæret, avarities curvo. Tu Zoile, toto  
 Crine ruber, niger ore, brevis pede, lumine luscus  
 Haud bonus es. parvos humiles, rufosque fideles  
 Esse negat. nitidis ubi surgit densior ordo  
 Dentibus & spisso manducant agmine fratres,  
 Nestora designat. cum rarius adspicit agmen,  
 Lanificas perhibet præcidere fila sorores.  
 Iupiter humanos, genus intractabile format  
 Falciger, audaces Mavors, Mollesque Dione,  
 Infelix Phæbo est. sapiens natura caveri  
 Signatos monet. Hæc parvo Virguncula vendit  
 Ære viris. hæc femineis præfagia turbis  
 Ingeminat repetitque iterum. narrantis ab ore  
 Dependunt passim pueri innuptæque puella.  
 Inde artem Manus una facit, conspectaq; gignit  
 Dogmata, fatidicasque legit Memphitica sortes.



Palma docet. dant signa vola. sua munia pollex  
 Exequitur; legesque capit, qui proximus illi  
 Indicat. est medius etiam connata potestas,  
 Est quarto minimoque fides. hos præscia veri  
 Cheiromantis amat. pugnus, junctura, manusque,  
 Monticuli tot pondus habent. hæc linea vitæ  
 Dicitur, hæc hepatis, Martisque triangulus illis  
 Clauditur. hæc est mensa manus. Si linea vitæ  
 Longa colorato ducat vestigia sulco,  
 It nobis longaeva dies. Secat Atropos annos  
 Ocyus, atque acta per mille pericula luces  
 Incusant Superos, brevis si linea gyris  
 Hic illic discissa fluxat. si stricta vagetur  
 Inque sinus abeat medios, mens provida recti est.  
 Si pallens, si læta, dolet se græva jacere  
 Sedulitas, totumque imbellis inertia corpus  
 Frangit & in stupido mens inconsulta cerebro est.  
 In misero tersecta via est. in Thaidæ crux est.  
 At quæ per mediam naturæ linea palmam  
 Tenditur, & nullis horret dissecta figuris,  
 Incolumes nos esse sinit. quæ parvula quando est,  
 Immemorem culpæ, sunt quæ suspendia signant,  
 Quæ fluctus pelagique minas, quæ toxica, morbos,  
 Vulneraque & diro minitantes ense latrones.  
 Pessimæ nodosa est, sed cædibus horrida livet  
 Rubra manus. donec mensæ se linea pandat  
 Longius & robur membris juvenilibus addat,  
 Irarumque facès. eadem rubicunda maligni  
 Delatoris erit. sed rectis prædita ramis  
 Regum apices titulosque Ducum trepidasque secures.  
 Et fasces humili spondet. cum linea triplex  
 Permeat hanc, læta dicitur præconia mentis,  
 Et justis studiosum animum, pectusque pudicum,  
 Vestitusque graves & factum corpus ad unguem.  
 At quibus illa deest, dura inclementia mortis  
 Portendit turpes obitus, gladioque secandum

Terribili

Terribili lictore caput. forte illa Cethego  
 Defuit & Gracchis inconsultoque Philota.  
 Has inter variis serpit successibus anceps  
 Linea Fortuna, miscetque adversa secundis,  
 Opprobrium decori, fera, desultoria, fallax,  
 Noxia, nec ceptum constans servare tenorem.  
 Nec minus & Restricta valet, vicinaque carpo  
 Pars devexa, triplex quam pingens stella labantis  
 Ostendit fama precium. progressa sub ipsum  
 Grande Iovis tuber, dominum discrimine grandi  
 Maectat, & infelix casus, Germanice, monstrat,  
 Vel, Dolabella, tuos. cum Solis linea montem  
 Bis transversa meat, Restricta ab origine, rerum  
 Magnarum gestator adest, qui pondera regni  
 Sustineat prudens & tanta negotia solus,  
 Obstupere viri conclusum in pollice fatum,  
 Et ventura loqui digitos, nexa sique potenter  
 Sideribus caeloque manus. namque ordine nullo  
 Cum fissura frequens celso se pollicis effert  
 Calle, salax Cleopatra venit, vel Iulia pejor  
 Adstat, & in quosvis ardescens Flora maritos.  
 Cum tumuli laeves spectantur in Indice, virtus  
 Emicat ingenique decus. cum sectio crassa  
 Lucidaque hunc dirimit, primi suspiria partus  
 Asperat & gratos tardat Lucina dolores.  
 Adde cruces, spes est ut sacros purpura honores  
 Nunciet, & triplicem merearis Papa coronam,  
 Ac supplex te Roma colat. Iovis ille voluptas  
 Et statio est digitus. medio stat sevis & acer  
 Falce senex, collesque suos crudelius orbi  
 Explicat, indicisque riget; tuberque severum  
 Saturninus habet, pravaque sub indole trux est.  
 Ille beans thalamo digitus connubia Phæbo  
 De vorvet, & sulcos pallentes odit; & ora  
 Facundis aperit, quoties hic linea Mensam  
 Radit, & haud longis pervadit proxima filis.



Denique qui minor auriculas & tempora scalpit  
 Mercurio sacer, à verrucis liber & expers  
 Squalloris fœdæque cutis, constantibus armat  
 Exemplis studiisque viros. Hæc omnia Virgo,  
 Hæc docuit Preciosa Tagum Baiimque gravesque  
 Astruas. hæc audis, felix Hispania, voces.  
 Illa laboranti causam persæpe puella,  
 Occultosque ignes, & quos Galatea furores  
 Dissimulat, sapiens aperit, juvenemque furentis  
 Advocat in gremium, & casto adblanditur amori.  
 Illa malas sociarum artes, fraude, que dolosque  
 Castigat, cœcisque alibi defossa recludit  
 Furta locis, raptisque frui formidat honesta.  
 Moribus ars precium, mores erectaque virtus  
 Addebant arti precium, sociataque pulchrè  
 Vis animi vitæque decor falsere decenter.

Fortè pruinosas præses Gordonna per herbas  
 Et valles collesque inter confederat. altè  
 Dives ubi virides prospèctat Murcia campos,  
 Et Seguram Staberumque bibit, pelagoque sonorum  
 Objectat securam litus. confederat una  
 Fessa via Preciosa, & dum pars magna sororum  
 Concipit ignarum per marida membra soporem,  
 Pars tenui reficit confectum corpus oliva:  
 Illa per irriguo vestias gramine terras  
 Mollia textilibus nectit violaria sertis,  
 Rorantesque rosas, floresque ignara maritat,  
 Præluditque thoro. mox tinnula sinistra perit à  
 Percutit ipsa manu, latrans que possit Anubis  
 Mirari, Isiacæ quoties sacraria Diva  
 Pandit & erecta veneratur mente sacerdos.  
 Vox concinna sonans numeris disformibus aptat  
 Docta modos, propriisque attemperat organa mirè  
 Cantibus, & Superis venerandos accinit hymnos.  
 Conticuit nemus omne, & circum intenta steterè  
 Numina Hamadryades, Faunisque fugacibus hæsit  
 Impe-

Impetus. adversis sonuit con vallibus Echo,  
 Et rediit reditura iterum. dulcedine capta  
 Lentius ex altis salierunt fontibus undæ.  
 Non aliud melos Amphion, non suavius olim  
 Bistonius cecinit vates, cum redderet orbi  
 Conjugis Eurydice manes. non doctior illâ  
 Arte fuit, vel, quem vexit delphinus, Arion,  
 Vel cui multifori cecinit Pan tibia buxo.  
 Ipsa lyra citharæque potens per cymbala velox  
 Præcipites egit digitos; & gnara canoram  
 Ad choreas inflare tubam, nunc barbita pulsat,  
 Nunc modulos reddit mediæ inter poela monaulo.  
 Tympana nunc, variis modo surgens fistula cannis  
 Advocat agricolas. etiam crotalistris ludit,  
 Cum cupit. at potior cunctis argutula vox est,  
 Qualis non hominum, sed vox solet esse Dearum.

Audiit hæc veniens blandæ modulamina vocis  
 Nobilium de stirpe aliquis. quem collibus actum,  
 Dum cervos cursu sequitur venator anhelos,  
 Huc sua sors, vel trusit Amor. dumq; adspicit omne  
 Agmen, & intento perlustrat lumine cunctos, (hunc  
 Quod genus hoc hominum est? inquit. quæ barbara  
 Produxit regio? matres puerosque vagari, (morem  
 Neglectos errare viros, vix corpora pannis  
 Pallioloque tegi, vultus ferrugine tingi,  
 Impexas fluitare comas. sic esse furentem  
 Fama fuit Cybelem, Phrygiasque per oppida matres,  
 Et rabidas duxisse nurus. non una Megara est,  
 Plurima Tisiphone est. caput hoc crudele Medusa est.  
 Ille virum facie deformem Prothea reddit,  
 Thersien magis ille. jacent, quos corpore claudos,  
 Quos genuit natura breves. hæc lufca Philene est,  
 Gellia rufa, loquax Phryne, stat calva Marulla.  
 Gibbosum video Galbam, cervice recurva  
 Zeussippum, & parva Zenonem fronte reductum,  
 Chryssippum strictis digitis, laxisque Cleanthem.

Dum



Dum videt atq; oculis Pharia agmina circumspectat,  
 Apparet Preciosa viro. vox faucibus hæsit,  
 Arrexitque comas stupor. admiratur euntis  
 Lene gradum, rara fulgur venerabile forma,  
 Flammantesque oculos & membra decentia, pondus  
 Eloquii neætarque merum, modulamina, lusus,  
 Ingenii vernantis opus. pulcherrima non jam  
 Antiope fuerit, Spartanaque laudibus infra est  
 Hermione & claris Candaulis nupta tiaris.  
 Ut vidit, jam totus amat. non retia cordi,  
 Non ultra phaleratus equus. mens prisca recessit.  
 Dat veniam jaculis, subito mitescit amando,  
 Erectus lascivit apex, vitæque prioris  
 Horror abit. non cura canum est, non rura viasque  
 Scrutari, qua cerua abeat, qua spargat odores  
 Dama graves. totum juvenem regina Dione  
 Occupat, atque suo jam mox ductura triumpho,  
 Vulnerat & cordis telum penetrabilibus infert.  
 Sed postquam cœpit fari, & confessus amorem  
 Ore fuit, tantaque optat Iunone potiri:  
 Respondit Preciosa: Mihi vix nubilus atas  
 Labitur, & Paphis minus apta puertia curis.  
 Mater ero, matri quam fas parere? cubili  
 Ingerar, imperii patiens? & nata parentum  
 Obsequio, mandata loquar? ne tempora, quaeso,  
 Ærumnis præverte suis. hæc federa adultas,  
 Illa nurus grandesque decent. quin sæva pudoris  
 Sum custos vindexque mei. tibi forte voluptas,  
 Posthabita probitate, placet, surreptaque furtim  
 Basia. nobilitas quales effrenis amores,  
 Inferior virtute, probat. Te celsa potestas  
 Erigit atque attollit humo; me fata minorem;  
 Me vatem fecere Dii. tu sanguinis ortu,  
 Tu generis splendore potens illustrior exstas.  
 Est genitrix contempta mihi, contemptior ordo.  
 Has socias, has consortes veneror que coloque

Sordida. Tu molli vi vis lascivior aula,  
 Tu spumantis equi exerces calcaribus armos,  
 Pulchraque magnanimi moderaris freni caballi,  
 Tu frameas hastasque quatis : mihi conficit ævum  
 Fatioque doctrina manus, & scripta figuris  
 Sors hominū. nunc letum aliquid, nunc triste rogata  
 Eloquor, & gracili solor mercede laborem.  
 Sunt alia innuptæ & vitæ florentis Iberæ,  
 Nobilitate pares. mihi fusca coloris imago est,  
 Coctaque sum Solis radiis & turpis olivo.  
 Tu niveo candore nites. ego Cynthia credor,  
 At tenebris oppressa suis. tu Cynthius ora,  
 Tu melior vultus aperis, quos nesci & legis  
 Indulsi natura mea. tibi vitæ laborum  
 Plena, mihi tranquilla fluit. me damnat egestas,  
 Majestas te tollit opum. concordia lecti  
 Nulla foret, tam discordi sub iudice rerum.

Ille verecundæ placidissima verba puella  
 Hausit, & ut dubiam votis in contraria mentem  
 Flexit, & hinc generis decus & præfulgida voluit  
 Stemmata, natalesque suos; hinc vincula gentis  
 Barbarica, ritusque truces, & pauperis Iri  
 Reliquias, Cynicæque affinia dogmata sectæ,  
 Tandem ait : Heu quid non mortalia pectora cogit  
 Imperiosus amor ! quæ non connubia necdis,  
 Iupiter ! hanc si vel cupiam non velle, juberet  
 Me, pharetræ, sequi. stringunt me lumina captum,  
 Stringit lingua, pudorque decens, frontisque decora  
 Casaries, vincitum pars pertrahit omnis amantem.  
 Est quæ aliquid, quod amare facit; quod sentit amator,  
 Nec, quid sit, memorare queat. Me respice, Virgo,  
 Non veni intactum famæ rapturus honorem,  
 Non sceleri involvam tedas. meliora petuntur  
 Federa, nec sævi flammæ patiæ mariti.  
 Coniuge dotari cupio, non virgine rapta,  
 Ne mihi displiceat vitio maculata feroci



Integritas & iniquus Hymen. En, dextra fidesque  
 Conjugis, & nostri non leuvm pignus amoris  
 Annulus, Eoa radians ab jaspide munus.  
 Nec minus apta thoro iustus tibi vernat ab annis  
 Virginitas. tenerum tibi praxox flamma pudorem  
 Sollicitat, possitque virum perferre iuventa  
 Succrescens vigor. his Thybe nuptura sub annis,  
 His Sappho periere. senis despecta puella  
 Gratia. commendat novitas & nata recenter  
 Pubertas. Sic vere novo decerpitur insons  
 Flosculus; & prima ludant cui cornua fronte,  
 In vitula se prodit amor. quid stemma genusque  
 Obiicis? hæc tua sunt. nostro dotabere sponsa  
 Sanguine, nobiliūque tibi transcribet honores  
 Lex thalami. si pauper eges, me conjugemecum  
 Dives eris. potuit miratis rustica Phyllis  
 Arrisise Deis, rogamque cubilia scandit  
 Felix pauperies. imbelles inter Achilles  
 Nevit fila colos, magnoque adamata fuere  
 Rura Panomphro. nulla est, in amantibus æquæ,  
 Disparitas. fiunt similes, quos corpore iunctos  
 Lectus habet. cunctos confundunt oscula mores,  
 Nec festiva suos Cypris distinguit amantes.  
 Hæc ubi fatus erat, primo s'aspirat amori,  
 Insolita s'que suis sensit Preciosa medullis  
 Exarsisse faces, totoque incanduit ore,  
 Admista geniale fovens formidine votum.  
 Tum verò Gordonna gravis, cui credita cura  
 Virginis, accessit; passuque superior adstans,  
 Infremit, in validis anus enervata lacertis,  
 Callida, marcescens senio, rugosa, tremensque.  
 Vique pererrantes per squallida colla capillos  
 Disposuit, sic orsa loqui est: quid talia demens  
 Moliris, speciose virum, cæcoque furori  
 Indulges? compone animum, propiusque voluta  
 Dura rudimenta & nostri decreta Senatus.

Si Preciosa placet, talis si poscitur uxor,  
 Talem te fieri fas est. hæc regula vite  
 Amplexanda tibi, parcendum legibus iisdem  
 Obsequioque pari. Solem, vaga sidera, noctes  
 Didicimus brumamque pati. per regna vagamur  
 Omnia, nec certa Nomades regione moramur.  
 Omne solum nobis patria est. non sufficit Afer,  
 Non Asia stamus spatiis. Europa colonos  
 Excipit ampla suos: toto discernimus orbe,  
 Cum Phœbo mutamus iter. sunt oppida & urbes  
 Arda nimis. norunt palantes Gallia cœtus,  
 Ausonius, potor Tamesis Rhenique bicornis,  
 Græciæque, & cunctis nostri celeberrima terris  
 Fama viget. nulla est nobis distincta peculi  
 Cura, bonis fruimur pariter communibus. omne  
 Quod lucramur, habet quisquis. lis nulla movetur,  
 Nam res nulla mea est, nulla est tua. credimus omnis  
 Injustè nobis natura dona negari.  
 Quicquid alit tellus, nobis alit. arbor agerque  
 Omnibus ex æquo concessæ munerere Divum,  
 Publica sunt undæ, famulantur flumina cui vis,  
 Squamigerumque genus, nec solum publicus aër.  
 Carpinus injussi pendentia ab arbore poma,  
 Sunt etiam nostræ messes, quantum indiga victus.  
 Turba sumus, cur non nobis bos fessus arando  
 Mugitat? aut lanas solis ac vellera sceptris  
 Donet ovis? mundi dominos Deus ille Deorum  
 Constituit, quoscunque creat. quod possidet alter  
 Est usu fructuque meum. qui primus avaras  
 Possessor divisit opes, in commoda raptor  
 Publica peccavit. damnamur crimine furti  
 Insontes. Sibi quisque petit, quæ pluribus æther  
 Concessit. quid enim? Rex Iupiter omnibus idem.  
 Et Iove non alio nati, nutrimur eodem.  
 Vita proba est, thalamique fides constantè amatur  
 Conjugibus. sparsas Veneres & pocula Circes



Odimus & quot quot venerandi federa lecti  
 Audaces violant. qui fecerit, hostia cunctis  
 Mactatur, juguloque luit. non vincla, catastra,  
 Non vexat tortura reos, laqueique trabesque.  
 Virgo vices lictoris obit, fontemque trucidat  
 Ocyus & pœnas scelerato à sanguine sumit.  
 Nulla levat nostras vesana superbi mentes,  
 Luxus abest, livorque malus, parvoque potentes  
 Infidas ridemus opes. non bella, triumphos  
 Querimus, aut diris læsi concurrimus armis.  
 Non dubios pelagi tractus fluctusque secamur  
 Lucripeta. nulla est magni custodia census.  
 Non hic ante diem tardantis busta senecta  
 Præveniat votis soboles. non queritur hæres,  
 Non gravis est questura viris, non grande talentum  
 Poscitur, aut timidis congesta pecunia saccis.  
 Paucula sufficiunt, sordet questita supellex,  
 Et pompa decor. hæc nobis velamina fulgent  
 Splendidius. laceras lampas Phœbeia vestes  
 Clarius illustrat. nullis araria furtis  
 Nostra patent, vacua coram latronibus imus.  
 Non animos mœror, non spes incerta fatigat,  
 Non angunt metus, & semper sitibunda futuri  
 Vota. sed ut tenui pascuntur rore cicadæ,  
 Flosque bibit pluviam, securæ vivimus illis,  
 Quæ fors cunque dedit. non duram vomere glebam  
 Scindimus, aut rigido Vestam laceramus aratro,  
 Non occat manus. & tantorum ignara laborum  
 Gens, Cereris nunquam vel puri fontis egemus.  
 Dum diversa placent aliis, huic sanguine livet  
 Dextra ferox, salsam bibit horridus Amphitriten  
 Navita, venator silvas indagine cingit;  
 Dum suus agricolis labor est, terramque fatigant;  
 Nos cælo cælique plagis Superisque vacamus,  
 Pronaque spectamus nobis erroribus astra,  
 Et quid quodque ferat, membris scrutamur in hæc.

Ac circumducti vires venamur Olympi  
 Exigua statione manus. Si talia cordi  
 Dogmata sint, si prisca placet, securaque Christi  
 Religio, centumque Ioves, cultusque Deorum,  
 Vxor erit Preciosa tibi; sed compare lecto,  
 Sed sacri sub lege thori. sin fallere mens est,  
 Raptaque virginitas possit placare furem,  
 Dique Deaque omnes & conscia numina perdant  
 Fedisragum, manibusque malus lacerabere nostris.  
 Toxicam te Nessi tollent, vel tela sequentis  
 Hercules, aut propria sati abere prole Thyestes.

Nec veluti Phrygius penetrat Lacedaemona pastor,  
 Hanc patrias Helenam sospes vectabis ad arces.

Dixerat. at sublimis equo & conspectior Heros  
 Annuit. Hunc, Gordonna, tua jam gentis alumnum  
 Accipe, ait, vestris juvenem me ritibus omnes  
 Imbuite. o domus, o tellus, patriique valete  
 Dilectique Lares. tecum, Preciosa, vagari,  
 Tecum vivere amem. tecum per devia raptus  
 Sub Cancro cernam Meroen, sub Piscibus Istrum.  
 Qua mihi religio est, cupiat latuisse. priores  
 Dissimulet Cytherea Deos. tibi corpus, Olympo  
 Ah victam, sacro animam. violenta putanda est,  
 Sic praescripta fides. minimum peccabitur, acer  
 Cum leges extorquet amor, rectorque Cupido.

Hac ubi fatus erat, nuptis clamore secundo  
 Applausit trux turba novis, fastuque remoto  
 Strinxit Acidaliis genalia corpora vinculis  
 Improvisus Hymen. non jam generosa frementis  
 Tergora scandit equi, pedibus per jugera nudis  
 Ambulat. Attalico non fulget Sponsus amictu,  
 Non pharetram gestare libet, non balthea pendent  
 Ex humeris, capulisque insculpta minacibus horret  
 Gorgonis effigies propriisque assibilat hydri.  
 Degeneres juvenem tunica, dissecta que velat  
 Ad talos demissa stola & male pendula palla.



Vngitur, & veteris proscripto nominis usum  
 Andrea jam nomen habet. per rura, per arbes  
 It juxta socius, Furiarumque agmina ductans  
 Se quoque principibus permixtum agnovit Achivis.

Dic mihi Calliope, quo numine reddita matri  
 Mox fuerit Preciosa sua, clausumque tenebris  
 Damnatumque, prius, patria, populoque suisque  
 Reddiderit fortuna virum; quo prodita fato  
 Facta fuit supplex raptæ Gordonna puella,  
 Dicite Pierides, tantisque ostendite finem  
 Motibus, & fesso numeros præcidit e vari.

Errabat mutatus Iber, quæ sera profundo  
 Extollit Carthago caput, Balearica spectans  
 Æquora. cui lato occurans Virguncula gressu,  
 Dum dignos propius generoso sanguine vultus  
 Adspicit, occultam sub pectore gliscere flammam  
 Sensit, & ut sensit, culpam lasciva fatetur.  
 At fidei memor ille sua, lætisque piaque  
 Conjugis, insanam diædis castigat amantem  
 Integer, invictaque preces probitate repellit.  
 Cum virgo spretos versans crudelis amores,  
 Hac secum: Si non potui te blanda potiri,  
 Vlciscar mea probra dolis. convertar ad artes,  
 Et flam Stenobæa ferox, terrisque redibit  
 Altera Phædra meis. Sic fasa, monilia, baccas  
 Sericaque & chlamydes per cæca silentia noctis  
 Tollit, & Andrea (ut possent surrepta videri)  
 Ignara sub veste locat. simul acta per urbem  
 Bacchatur, civesque suis clamoribus excit,  
 Donec furta viri rigide discussa supellex  
 Ostendit, visusque fuit peccasse viator.  
 Non tulit impatiens læsa dispendia fama  
 Insons nobilitas, infestaque militis arma  
 Dum patitur, stricto præcordia verberat ense,  
 Immemor imbellis sectæ. grassatur in omnes  
 Licetor atrox, duris constrictus brachia nodis

Ducitur Andreas. capitur dux femina coetus  
Gordonna & charo Preciosa avulsa marito.

Adspicit hanc, qua mater erat, ferventius uxor  
Iudicis, atque oculos nunc huc, nunc projicit illuc;  
Quamque videt, timet esse suam. se sentit amare,  
Nec tamen hoc audet. non vultus, non color unius.  
Non eadem mansit vox interrupta parenti.  
Ut coepit Preciosa loqui, magis illa moveri,  
Mirari & tacito percelli verberare pectus.  
Nunc levis attonita subrepat opinio menti,  
Spesque fovet repetitque suas. nunc pressa resedit  
Credulitas. praebeant iterum fomenta puella  
Forma, decus, majorque ipso reverentia sexu.  
Ambigit, ambiguaque gravis dubitatio matri est.  
Nunc oculos, nunc illa genas, nunc brachia tractat,  
Et veluti clausos inimico vimine pullos

Circumcursum arvis, Preciosam nescia veri  
Mater obit, grandique comes malefida stupori  
Suspicio est. fugit agra dapes, palatia, raris  
Sollicita invitata vigilantia lumina somnis.  
Luctus acerbis adest, testantur verba dolorem,  
Ora madent lachrymis, destillans ubere sanguis  
Progeniem sobolemque notat. quam plurima pernox  
Cogitat & veteres raptae reminiscitur annos.

At Gordonna gravi jamdudum percita cura  
Haret in ancipiti. nec quid faciatve vetetve  
Invenit. hinc scelus & raptus audacia terrent  
Exanimem. hinc tristis miseranda scena parentis.  
Et nata suspensus amor sperare fatentem  
Et fraudes aperire monet. jamque agra, fatiscens,  
Et dubia supplex genibus projecta parentis,  
Hae soboles tua, Mater, ait. garisa teneto  
Progeniem. affirmo; genitrix; desiste vereri.  
Da veniam culpam fassa, miserere precam is,  
Me me, adsum qua feci. in me convertite furoris;  
Tela tui. vel si precibus clementia flecti



Se sinet, hoc oro, extrema placare senectâ.  
 Adspice detractam juvenili vertice baccam,  
 Adspice fulgentes per colla argentea gemmas,  
 Adspice, qua quondam religasti sindone crinem,  
 Cum raperem. sunt ista tua certissima prolis  
 Pignora, qua moniis adolevit pronuba nostris,  
 Et thalami consors digno sociata cubili est.

Vt dixit, rerum facies mutata repente est,  
 Non matris titubavit amor; complexibus hæsit  
 Filia: quas lætus lachrymas, nunc gaudia cunctis  
 Extundunt: dicta est vero Constantia passim  
 Nomine, nec Preciosa fuit: laxata marito  
 Vincula: nobiliæque domus patuere genusque  
 Et proavi: veniam meruit Gordonna; novisque  
 Latius auspiciis clari coiere penates.

### Virgo 'Αυδοφύγη,

Sive EMMÆ, Caroli Magni filia, EG-  
 NARDVM Scriptorem, amasium suum,  
 humeris portantis, fata & Nuptiæ.

**P**ost domitas Alpes debellatosque potentis  
 Insubria Latiique Duces, pulsasque ferocis  
 Reliquias Totila; cum latè Sequana terris  
 Iura daret, fractumque suis compesceret armis  
 Saxona, Pannoniosque truces Istrumque Sarvumque,  
 Et victus Carolo fasces summitteret orbis:

Risit Amor Venerisque puer, quatiensque pharetram  
 Et mihi sunt fasces, inquit, mundi que potestas  
 Francorum cum Rege mea est. hæc tela facesque  
 Sceptra domant, regumque mei penetralibus ignes  
 Luxuriant, tenerosque ruens bellator in annos,  
 Virgineos mihi subdo sinus; mitrataque cogo  
 Colla Cupidine & leges perferre tiara.  
 Nos quoque, nos Caroli sumus, & non dispare fato  
 Regna-

Regnamus, quacunque libet. si nomina Magni  
 Victores jactant populi, majora meremur,  
 Majus opus princeps moveo. si barbarus Humus,  
 Si Gothica cessere acies & Gallica gessit  
 Vandalus, & Mysis timuit trepidantibus Albis;  
 Sentiet aula mea facinus memorabile dextra,  
 Sentiet Emma dolos, & fraudibus apta patebit  
 Virginitas augusta meis. generosa virago  
 Nubet & insani specimen se dicet amoris,  
 Veraque scribetur victuris fabula fastis.  
 Partiar illustres magno cum patre triumphos,  
 Dumque illi longo de vieta ex ordine gentes  
 Obsequio se quaque probant; mihi regibus orta  
 Progenies regumque soror, celebrisque Pipini  
 Claraque Martelli neptis stipendia levi  
 Solvet, & imperii majestatisque suorum  
 Immemor, exuto quæret furiva pudore  
 Oscula & indigni calamum scriptoris amabit.  
 Quam nisi, cum pulchra Craten Hipparchia conjux  
 Posceret, & foedi placuisset gratia gibbi,  
 Decrepitusque senex. quam me moderante Menan-  
 Eva sit crudele forum, gladiosque severa (der  
 Discussit Tryphosa tuos. quam bella cœgi  
 Corpora, cum rigidis Preciosam duceret Astur  
 Legibus, & lacerâ erraret per compita pallâ,  
 Ignarus prisca decoris. Nunc regia Virgo  
 Concipiet flammâs; nostrisque arsurâ favillis  
 Implebit terras famâ, documentaque mundo  
 Certa dabit, quam nil timeat securus honorum  
 Et recti contemptor amor, centumque libido  
 Nixa dolis. hac fatidica ventura sorores,  
 Ista trahent tetrica fatali pollice Parca.  
 Pax erat, & lato regnatricis Gallia vultu  
 Se poterat dominoque frui; cum festa per aulam  
 Apparât ingenti Princeps convivia luxu,  
 Totaque nobilium resonant palatia plausu,



Magnificas ductura nurus. Mavortia nusquam  
 Signa, sed Attalicis sternuntur limina mensis,  
 Et cunctos laxat majestas prodiga fastus.  
 Non hic thoracum umbones, non fulgere cernas  
 Terribiles circum clypei septemplicis orbes,  
 Non gladios stringit bellax: vagina minaces.  
 Omnia proscribunt proceres, in gaudia solvunt  
 Ignavos animos, horrendaque classica lenes  
 Demulcent cithara, lituosque obtundit & ara  
 Blanda chelys, plenisque madent crateribus arma.  
 Sic, ubi juratos cœlum rescindere fratres,  
 Enceladum, Typhœa ferum, Briareaque dirum  
 Reppulit ira Iovis: toto se latus Olympo  
 Explicuit pater ipse Deum, curasque metusque  
 Titanumque minas hilari dissolvit Iaccho.  
 Mille modis gaudent populi, procerumque ducumque  
 Diluitur risu gravitas. suspensa superbis  
 E dapibus vexilla volant, quibus aspera belli,  
 Prostratas Soraborum acies, arcusque, sagittas,  
 Oppida capta manu, raptosque ex hoste penates  
 Pinxerat ingeniosa manus. Mox atrix cernas  
 Larvatis trepidare viris. hic savus Achillem  
 Exhibet & fœtâ Atridem trux adspicit irâ.  
 Ille refert Pyrrhum & flammantes luminis ignes  
 Torquet in Andromachen. qualisque animosior olim  
 Grajugenùm accendit latè per littora classes,  
 Hector adest, quassatque faces. it lenior illis  
 Antenor comes, atque humeris pia pondera gestans  
 Trœius Æneas. sequitur deserta Creusa  
 Ascaniusque puer, scelerumque inventor Vlysses,  
 Palladium dextra attollens. cui proximus Ajax:  
 Arma videbatur frendens sibi postulare magni  
 Æacida, savusque loqui. pulcherrima venit  
 Tyndaris & juxta gradiens famosus adulter,  
 Attritusque malis Priamœus; Cassandra prophetans,  
 Et nimium infelix Hecuba & Sichæia Dido

Ense rigens, raptaque miser Briseide Chryses,  
 Quæ postquam tenuere oculos spectacula, tandem  
 Prima leves Diana choros & orantia duxit  
 Agmina venatrix, stricta qua veste pharetram  
 Et curvos alte scapulis suspenderat arcus,  
 Sic imitata Deam. calamis & arundine crinens  
 Collaque frondiferâ redimiverat alba coronâ.  
 Hanc nexis docte manibus comitatur euntem  
 Turba puellarum, qualis solet esse sororum  
 Naiadum, vel Menalii gens innuba Fauni,  
 Aut procul amoto petulantes Pane Napeæ.  
 Hæc Daphne fuit, hæc Crocale, lepidissima juxta  
 Ibat Callirhoe, Byblisque Hyaleque Rhanisque,  
 Et quondam in florem Clytie mutata. superbo  
 Mixta ibat Niobe gressu, nataque traherat  
 Pone suas. hic Halcyonen, Syringa, Batillam,  
 Hic Dryopen videas. hic candida subsilit Iphis:  
 Leucothoesque habitum virgo mentita vel Inis,  
 Ad strepitum citharæ summam pulsabat arenam.  
 Emicuere Deæ Charites, Aglaja plantis  
 Mobilis, hinc tremula Euphrosyne, facundaq; Pitho.  
 Virginibus totidem, pastorum vestibus omnes  
 Occursant juvenes. quos præco more sequentes  
 Pan Deus Arcadiæ duxit, cui cornua fronte  
 Surgebant, vultumque involverat horrida barba.  
 Monti vagam rapuit Dictynnæm semicaper Pan,  
 Iuncta fuit Phæbo Daphne, duroque Menalce  
 Callirhoe, Byblis Cauno, Niobenque traherat  
 Thyrsis. at Alcidas Hyalen, Clytienq; Palamon.  
 Lata Rhanis saltat Mopso comes, Halcyonenque  
 Agrestis flectit Corydon, Syringa Marullus.  
 Allevat Alcæon Dryopen, capit Iphin Alexis,  
 Leucothoen Daphnis. sociantur Cycnus & Ino.  
 Silenus crasso ducitabat ventre modestam  
 Euphrosynen, Melibæus amat concurrere Pitho,  
 Aglaja levipes Cephalus, Crocalæque Philamon.



Mira chori facies. nunc intercepta virili  
 Corpora Nympharum turba vestigia certâ  
 Lege regunt; nunc oppositis stant frontibus omnes  
 Atque aduersa viro virgo est. nunc dextera dextra  
 Hæret & attollit generoso brachia motu,  
 Nunc dimissa manus cuique est; errantque vicissim  
 Et dominam mutant pueri dominumque puella.  
 Mox sibi desertas repetunt, & quæque priori  
 Saltando matrona coit. velut ipsa vagantur  
 Sidera, jamque student jungi, modo tramite longo  
 Dissociata micant melius. leuis arena cunctis  
 Tunditur ad numeros. nunc hic, nunc ille caprizat,  
 Pesque pedi teritur quarto. rotat ille lacertos  
 In gyrum curritque trochus. directa moventur  
 Membra, nec inflexis foedè ludibria debent  
 Popliibus. prudens strepitus motusque feroces  
 Virgo cavet, lenique ferit proscenia saltu.  
 Inæ manus pulsant manibus, feriuntque, crepantque  
 Argute digitis & solo pollice cantant.  
 Praludunt litui saltatriceque choreas  
 Sistra tabæque regunt. forma est diversa canendi  
 Et diversa chori. jam priscum Cordaca saltant,  
 Iam Ladam, jam Trettanelum, jam Pyrrica solos  
 Lassat forma viros rutilisque moventur in armis.  
 Nunc chorus Eumelia est, nunc inconcinna Sicinnis,  
 Hi Samios referunt motus, hi Carinizant,  
 Illi Hormum alternis saliant, Corybantiaque aræ  
 Curetumque modos alii, moresque vetustos  
 Phaaciim aut variis imitantur Prothea formis,  
 Aut Salios, aut thyrsigeri modulamina Bacchi.  
 Quin agiles videas, imitantes omnia, mimos  
 Currere & exactis pedibus pulsare theatrum.  
 Hic saliens fodit, hic textoris imagine telas  
 Projicit, hic faber est, nentique simillimus ille.  
 Calcat fullo togam, fictus vespillo cadaver  
 Bajulat, hic grandem saltans vorat ore placentam,

Hæc insana furit, titubat paupercula Bauce,  
 Et saltu petulans Citherea notatur in ipso.  
 Dumque tacent, oculis, motu, gestuque loquuntur.  
 Hos inter miris fledebant corpora gyris  
 Spectantumque oculos aliquis converterat in se  
 Conspicuis forma juvenis. non pulchrior ulli  
 Vultus erat. pars quæque tenax & gnara decori  
 Emeruit laudis precium. despectior illo  
 Maoniis toties celebratus ver sibus acer  
 Meriones fuit, & saltandi clarior olim  
 Arte Neoptolemus. poterat per summa volare  
 Atria saltator velox, & radere visus  
 Vix tactam ferieb at humum. demissa modeste  
 Hinc manus at que illinc pedibus monstrabat in imis  
 Ingenii studique notas. nec doctior alter  
 Scribere, & eximiis teneram signare papyrum  
 Lineolis, bibulæque animam concedere chartæ.  
 Hic Eginardus erat. quem capta cupidine forma  
 Regia progenies, tunc, cum saltaret amavit,  
 Et sensit placuisse sibi; tacitumque sub alto  
 Igne facit votum & vehementius æstuat Emma.  
 Tunc cupiat peccare, & basia figere membris  
 Mobilibus doctisque regi; circumdare collo  
 Brachia, completique virum. quin sanguinis odit  
 Nomina splendoremque sui, titulosque decusque  
 Ipsa suum metuit. vellet contemptior esse,  
 Nec regum prognata domo. fastigia regni  
 Demissus declinet amor, fastusque potentum  
 Negligat, ut tali fiat magis apta marito.  
 Spes tamen obscænas inconcessosque hymenæos  
 Non audet pepulisse animo. resoluta quiete  
 Expetit absentem. non primo avellere amori  
 Noxque diesque queunt miseram. cum fusa per her-  
 Mæne sub urbanos distincta per ambulat hortos, (bas  
 Saltantis versat speciem. cum clara pyropo  
 Limina conscendit, centum stiprata puellis,



Spectat in expleto gradientem pectore formam,  
 Conspicuaeque genas, & mascula membra, decusque  
 Oris, & ingenio gratum candore ruborem.  
 Omnia miratur, quæ viderat, omnia jaëtat  
 Et majora putat. fingit sibi somnia, fingit  
 Tangere se juvenem, visa est sibi jungere corpus  
 Corpori & erubuit. tandemque ita mente profatur:

Emma, quid est? cur grata viri saltantis imago  
 Nec concessa probas? cur hac tibi fœdera demens (est?  
 Promittis, gestisque frui tam dispare lecto?  
 Num par huic diadema thoro est? num tanta pote-  
 Contempti scriptoris erit? si filia magni (stas  
 Non essem Caroli, possem non agra potiri.  
 Nunc quia sum, juvenis non est meus, ipsa q̄ damno  
 Est mihi majestas. plebeia beatior essem,  
 Et fruere votis felix. quam nomina vellem  
 Mutari mea posse mihi! quam stemmata vellem  
 Esse minima mihi, aut lumen prælustrius illi!  
 Tunc, Eginarde, tuo poteram nurus esse parenti,  
 Tunc, Eginarde, meo poteras gener esse parenti.  
 Omnia tunc cuperem fieri communia nobis,  
 Osculaque & lusus & quæ sperantur amanti.  
 Non tamen hic nostro de corde fugabitur ignis.  
 Vrer amore tui, causas circumfero mecum,  
 Et veluti candens Phœbo surgente pruina  
 Solvitur, agra tuis sensim tabesco favillis,  
 Attenuorque, vigor solitus viresque fatiscunt,  
 Dum secunda meo præbes alimenta furori  
 Quid faciam? roger, anne rogem? si primus amares,  
 Possem casta sequi, flammaeque rependere flammis,  
 Et votis aqua esse tuis. nil tale petentem  
 Aggrediar prior? & poscam, qua poscere fas sit  
 Te potius? poterisne loqui, poterisne fateri,  
 Emma, faces? non illa placent. confunderet horrens  
 Ora pudor. potius, quæ nescit muta pudere,  
 Litera secreto fallax præcurat amori.

Sic ubi Demophoon ventis promissa dedisset,  
 Per mare, per terras testatur epistola luctum  
 Phyllidis. absenti scripsit Briseis Achilli,  
 Pegasis Oenone Paridi, regalis Orestii  
 Hermione, & pulchro Sappholasciua Phaoni.  
 Hac etiam nostras sedit sententia menti.  
 Arte nova prodendus amor. non eloquar audax  
 Senfa, per ambages ibo, fideisque dolose  
 Fraudibus ignarum aggrediar. concessit amanti  
 Multa Venus, prudensque caret simulatio culpa.  
 Quid liceat, spectare senum est. fas omne nefasque  
 Expendant, qui sceptras gerunt. temeraria dici  
 Cypris amat, nunquam timidi statuere trophaum,  
 Et toti trepidus populo ridetur amator.  
 Dixit: & hinc dextra calicem chartamq; sinistra  
 Arripit. & jamjam cupiens meditata notare,  
 Scribere formidat, tremat, incipit, abjicit excors  
 Et rursum repetit tabulam, gaudetque doletque,  
 Et delet scribenda iterum; scribitque vicissim,  
 Quas deleta volet. sic fluctuat, ambigit anceps,  
 Sic animi pendet. donec secura pudoris  
 Audet verba novis inscribere talia ceris:  
 Quam tibi transmitto, referas, Eginarde, salutem.  
 Et jussis attende meis. nil poscimus ultra,  
 Huc, scriptor celebrate, veni. te cernere coram.  
 Te cupio scriptore frui. tibi dextera solers  
 Pingit adorandis absentum verba figuris.  
 Et manus in foliis ludit dexterrima summis,  
 Ut Druida mirentur opus, succosque notasque  
 Et volucris penna officium. mihi talia mens est  
 Discere, te ductore. velim virguncula magna  
 Artis & ingentis doctrina arcana doceri,  
 Te praeunte. piget vili percurrere telas  
 Pectine, vel torto deducere stamina fuso,  
 Aut vestem distinguere acu, vel Gallica lata  
 Ad cithara cantus modulari carmina voce.



Claruit & Manto studiis, celebrata Sibylla est  
 Ominibus, vixit Latio facundia matris  
 Gracchorum, Pollaque decus. subtilis Arachnen  
 Extulit ars, doctam commendant filia Minervam,  
 Textaque magnificam stupuerunt serica Circen.  
 Me pulchrè scripsisse iuvat. nil penna, sed usus  
 Proderit. O dignum mortali gente repertum,  
 O Superum labor! exigua se cuspide terris  
 Explicat & tenui loquitur mens abditâ rima,  
 Et procul extremis aperit mysteria Parthis,  
 Transque maris tumidos fluctus, Alpesque nivesque  
 Intrepidum molitur iter. si cernere cordis  
 Intima & abstrusos animi penetrare recessus  
 Vis diuina valet, nos hac interprete penna  
 Di sumus, & patuli motus cognoscimus orbis,  
 Et Tanain ultra, & Libya desertâ, truceque  
 Caucasum, Hyrcanosque sinus, & Baetra vagamur.  
 O felix Cadmi studium! quàm, littera, multum  
 Utilitatis habes! quàm prodes scripta decenter!  
 Te sine ploret amans, nec Sestos norit Abydum,  
 Non Grajum Medea ducem, non Cressa puella  
 Scribere Thesea possit perjurâ lingua.  
 Tu vallos, tu castra latens, tu saxa serasque  
 Perrumpis, clausasque subis validissima portas,  
 Et cæca vigiles fallis sub nocte phalanges,  
 Nec te Luna videt. tu fossas subter & undas  
 Tuta ratas quærisque viam. te pendula celfo  
 Aère gestat avis, portant tua verba columba,  
 Et bellitorem deridet epistola Martem.  
 Te sine non fidus Pyladi scripsisset Orestes,  
 Te sine non fido Pylades scripsisset Orestis.  
 Te sine quis Nini rabiem, quis Iasonis nosset,  
 Victoremque Asia Macetam, tria fulmina belli,  
 Scipiadem, Pyrrumque & parvo vivere suetum  
 Fabritium? fœdis jacuisses, Brute, tenebris,  
 Adversasque morvens socero, Pompeje, cohortes,

Et tacitos pramerent ingrata oblivia Paulos,  
 Marcellos, Crassosque & nomina digna Catones.  
 Annales, fastosque & qua meminisse futuri  
 Tot monumenta valent, scribentis munere versas,  
 Posteritas; sive hæc foliis inscripserit olim  
 Cura patrum, & sicco steterit Sapientia grandis  
 Cortice, seu lenta legerentur præ alia cera,  
 Aut nivea caperent simulachra nigerrima charta.  
 Accedas, Eginarde, doce, quos linea ductus,  
 Et quales poscat scitissima litera flexus,  
 Laudatusque sua incedat statione character.  
 Hæc jubet Emma, veni & facilis mandata capesse.  
 Talia scribentem tandem pudibunda reliquit  
 Penna manum, dubitat, num qua jam scripta fuisset  
 Confodiat. dissuasit amor. signare tabellam sent  
 Incipit & pressa subsignat nomina cera.  
 Deque suis aliquam famulis accersit, & illas  
 Trade, ait, hæc abiens Eginardo trade tabellas.  
 Nec mora, Casarea scriptor spectatur in aula,  
 Emmam letus adit. poteras cognoscere culpam,  
 Ut stetit ante oculos. non illi vultus & ora,  
 Non color unus erat. pallet, rubet: astuat, horret:  
 Vox tremula est constansq; iterum: vult discere, discit:  
 Scribere vult, scribit: rogat, errabunda rogatur,  
 Corrigiturque manus. laudat studiosa magistrum,  
 Miratur celeres ductus, vocumque maendros,  
 Et per continuos remeantia brachia circos.  
 Ille verecundi mox observator amoris,  
 Et Veneris secreta notans, laudare laborum  
 Prima rudimenta & regalis cepta puella  
 Incipit, & placida moderari exordii voce.  
 Dein propius verbis, propiusque assibilat illi,  
 Molle aliquid, festivum aliquid, paradigmata scribit  
 Callidus & totum chartis deducit amorem,  
 Quaque suo scripsit Byblis moestissima Cauno,  
 Laodamia viro, aut charam Leander ad Herum.



Seligit argumenta, & sic accendit amantem.  
 Illecebrisque fovet. scribit sine mente virago,  
 Atque aliò manus, atque aliò mens lasa vagatur.  
 Dumque piget chartas prono nimis ore tueri,  
 Respicit adstantem juvenem, vultumque retorquet  
 Crebrius; atque errare cupit, quò sepe monentem  
 Audiat & cupidos scriptori obvertat ocellos.  
 Discit amatque simul virgo. cum littera Cadmi  
 Prima foret scribenda, levem scribebat Amorem,  
 Cum B Basylum, cum C Citherea notatur,  
 Quinta Eginardus erat, fit littera quarta Dione.  
 Artem turbat amor comes, ars perturbat amorem,  
 Et male concurrunt ratio & vesana libido.  
 Ergò ubi se ostendit repetitis lucibus aula  
 Scriptor, & accensa furor immansuetior Emma est.  
 Labitur è manibus calamus, lachrymisque papyrus  
 Mœsta madet, stillant oculis humentibus undæ,  
 Et domina crimen produnt, tandem incitus ardor  
 Litterulas inter furtim rapit oscula, jungit  
 Amplexus; rident ambo, mirantur amantum  
 Esse scholam. jam charta, stylus calamique recedunt  
 Longius. officium spernit vulgare docendi  
 Præceptor, majorque viro fiducia surgit,  
 Atque Emmam plus grata docet. non illa fateri  
 Rem timet. at causas aperit, morbumque dolosque  
 Quæsitumque diu simulato fine magistrum.  
 Utque suis vitium gradibus seriesque malorum  
 Incrementa capit, post tot præludia miscent  
 Corpora, & audaci scriptor bellissimus Emmã  
 Et lecto potitur. stupet exaltatus amator  
 Scribendi precium & pingentis præmia dextra.  
 Nox erat & nigra tellurem involverat umbra  
 Demerso natura die. Sopor altus habebat  
 Mortales, & fessa suis se regia curis  
 Solverat. obscuris virtus crimenque latebat  
 Occultum tenebris, Paphiisque accommoda ludis

Tempestas illunis erat. non Hesperus ignes  
 Extulerat roseos, non pleno Cynthia vultu  
 Lucebat cœli medio. sua gaudia laxat  
 Filia victoris Caroli, fruiturque proterva  
 Præceptore suo. cui jam non littera segnis  
 Ducitur, aut totas metitur syllaba noctes,  
 Sed lasciva Venus. vellent caligine longa  
 Concubitus facinusque tegi, nodiurna morari  
 Sidera, nec currus velocem volvere Phœben,  
 Auroramque suis fixam consistere bigis.  
 Interea gravidus secundis imbribus æther  
 Labitur in terra gremium, dispersaque sursum  
 Corpora cogit hyems, & quæ sine frigore possent  
 Esse graves pluvix, permixtus distrahit æer,  
 Et candere facit; nivibusque adoperta caducis  
 Prata, urbes, montesque nitent. non ista duobus  
 Apta fuit mundi facies, non forma procanti  
 Tutata satis. surgunt ambo, sua limina pandit  
 Emma, procum tepido tum dimissura cubili.  
 Utque vident niveo terras albescere vultu,  
 Stant ambo attoniti. metuunt, ne garrula crimen  
 Et thalami labem patri natura loquatur,  
 Certa viri monstrans vestigia. Vah, mala dixit  
 Nix, Eginardus, abi. crudelis amantibus obstas,  
 Indiciumque mei facis. ô si Dædalus alas  
 Commodet, & levibus raperer trans aquora pennis,  
 Bellerophonve ministret equum! ô si vertar in undas  
 Et fontes, Arethusa, tuos, vel marmore totus  
 Obrigeam fiamque lapis! mihi terra dehisce,  
 Absorbe tam immane nefas. me tollite vivum  
 Eumenides, Stygioque caput dammate profundo.  
 Quo fugiam, via nulla patet. si saxa niveque  
 Affusas calcare velim, pes fallat amantem;  
 Sin maneam, offendet genitor. nunc fertile fraudum  
 Deficit ingenium, nec habent mea vela recursum.  
 Quam malefida meas exorsa est Cypria flammæ!



Quam nox hæc inimica fuit, qua finiet illas,  
 Quas fuit orsa, faces! nihil est quod fingere possit  
 Inconsultus amor. sim taurus, Iupiter, Emmam  
 Ut rapiam fluctus ultra. mea corpora torque,  
 Artusque attenua, ut colubri sub imagine parvus  
 Elabar, fac esse aquilam, nubesque secare,  
 Et vastum per inane vehi. sim vilis Arachne,  
 Aut blatta tineaque minor. Nec territa casu  
 Palluit Emma minus, trepidat, suspiria ducit  
 Anxia. nunc sua fata dolet; nunc condolet illi,  
 Et multum percussa tepet. deservit astus,  
 Et serò deprensa sapit. subit ira tremendi  
 Caesaris, offensusque pater, generisque domusque  
 Splendor, & invidis aspersum dedecus armis.  
 Tandem ait: Invenère viam mihi fata Deusque,  
 Nec me deseruere doli. magis advocat artes,  
 Cum formidat, amans, gliscitque industria, cum se  
 Angi credit amor. ne te gressusque viriles  
 Observent, Eginarde, nives, cervicibus hisce,  
 His humeris librabo virum. sublimior hac tu  
 Colla premes celsusque meus portabere in armis.  
 Magnus Atlas tremulo quondam suffectus Olympo  
 Sustinuitque Deos. ipsum Iove natus Atlantem (est,  
 Fulsit, Anchisen Troja flagrante parentem  
 Susulit Aeneæ pietas. portata feroci  
 Nesso Deianira fuit, se Pelion Ossæ  
 Altior imposuit. tot portavere marita  
 Obsessos cervice viros, charumque redemit  
 Quæque sibi pondus conjux. hoc audiat omnis  
 Posteritas, humeris magnum sublimibus Emma  
 Insedisse procum, & neptim potuisse Pipini  
 Ferre marem, & pedibus juvenem vexisse tenellis.  
 Cæpta placent. alacrem velox Eginardus in Em-  
 Insilit, illa attollit onus spectabile, portis (mam  
 Egreditur calcatque nives. amplectitur ille  
 Virgineum caput & collo trepidantia necit

Brachia,

Brachia, dumque gravis vehitur, sibi pondera vellet  
 Diminui fierique levis. memorabile vidit  
 Et facinus Dictynna novum, nebulisque fugatis  
 Extulit os, risitque duos. plausere supernè  
 Plejades & raptà sibi virginitatis honorem  
 Excusant grandi exemplo. spectabat ab astris  
 Sueta capistratis vectari in tigribus uxor  
 Thyrsigeri formosa Dei. cum conjugè Cepheus  
 Claraque Cassiope fortem videre puellam  
 Ire per hybernas noctes, onerique misellam  
 Ingemere & laxis hinc illinc pendula vittis  
 Crura tenere manu, nec fastidire laborem.

Atque ea fallaci geminis dum nocte geruntur,  
 Quamvis tranquilla donasset membra quieti  
 Rex Carolus, jacet in somnis. quin plurima versans  
 Regnorum expendit casus, discrimina belli,  
 Martis opus, quantis alibi se viribus Humis  
 Erigat, ad-versasque acies opponat Iberus,  
 Colligat Albis opes, qua poscant fœdera Mauri,  
 Quas aras statuat, qua surgant templa Tonanti  
 In Sorabis, quibus occulta mansuescere gentes  
 Obsequiis jussisque queant. hæc corde volutans,  
 Dum fugat ignavum pernox vigilantia somnum,  
 Proripit è strato corpus, foribusque reclusis  
 Adspicit ignavus lepidà spectacula scena,  
 Ut tenera grandem libret cervice tenella  
 Virgo virum, noctis medio, ventosque geluque  
 Spernat & infestà glaci alia frigora bruma.  
 Illicet excubiis vigiles arcessit, & ambos  
 Stare jubet, nec ferre gradum. captiva tenetur  
 Infelix Emma, atque humeris decussus amicis  
 Incubus. obgannit depresso miles amanti,  
 Indulgetque jocis. tunicâ velata recinctâ,  
 Collaque succiduo circum ludente capillo,  
 Adstitit ante oculos patris mœstissima virgo,  
 Oraque fixa solo reinens deplorat amores,



Consilii que inopes & stultos devoret ignes.  
 Stat juxta pavidus scriptor. pratendere nescit  
 Ipse sui iudex animus, pallor que nocentem  
 Arguit, & versi commoto à Casare vultus.  
 At pater ingentem servans sub corde dolorem,  
 Attonitusque stupet, tantique in virgine casus  
 Sceptra loqui prohibent. nunc lumina torquet in il-  
 Nunc illum torvus formidandusque tuetur. (lam,  
 Ter pede pulsat humi frendens, ad spectat amantes,  
 Discinctas ab amore togas, velamina circum  
 Pendula, tot jamjam rapti argumenta pudoris;  
 Iratumque caput quassans, horrenda remugit  
 Murmura, murmuribusque minas regaliter addit.  
 Utque reos claudi tenebroso carcere jussit,  
 Tales sollicito depromsit pectore voces:

Heu, quam dura meas exercent fata tiaras!  
 Quae Carolum fortuna manet! venerabilis orbi  
 Totque Ducum major titulis in prole fatiscit  
 Majestatis apex. regni fastigia nostri  
 Depreciat sceleratus Hymen. privata dolemus  
 Damna patres, vitis que ruunt immanibus aula.  
 Inclinat regale decus, culmenque flagellat  
 Filia, & angusto scelus intertextis honori.  
 Prospera Gallorum currebant tempora rebus,  
 Concussusque meis jam mitescebat habenis  
 Mundus, & afflicta libertas reddita terris,  
 Et fuerat quoque, Roma, tibi. miki signa genuque  
 Et Sclavus & Sala potor, Rhenique Dravique  
 Accola, & indomitus pridem submiserat Astur.  
 Surgebant delubra Deo, melior que vigebat  
 Relligio, cultique pii reverentia cœli.  
 Sed peccat, varioque domi se crimine quisque  
 Polluit. En, quanto soboles mea major habetur,  
 Majus crimen habet. patrius injuria sceptris  
 Deditic parere mihi, partisque triumphis  
 Obstrepit, & fulgens conspurcat sordibus ostrum.

Quarto

Quam genui, minus illa mea est. scriptoris inique  
 Facta fuit pellex. rapuit vesanus amator  
 Virginitatis opes & casta symbola fama.  
 Gaudia sic socio vadunt permixta dolori,  
 Gloria dedecori. nihil omni ex parte beatum  
 Adspiciunt, qui cuncta regunt. sors inæsta secun-  
 Diluit, & celebres infamant supra coronas. (dam  
 lam dignos nata thalamos regumque parabam  
 Federa, sperabam nostra & connubi stirpi  
 Splendida, quique meis esset (proh tempora!) regnis  
 Par gener. imbelles pervertit perfidus annos  
 Civis, & illustres exstinxit ganeo tedas.  
 Quas, Eginarde, tibi pœnas, quæ justa rependam  
 Præmia flagitio? non simia, culeus unus,  
 Non serpens satis unus erit. discepta merentur  
 Membra trahi, laceræque rapi per compita partes.  
 Et tu, Nata, meâ mox exerceberis ira,  
 Et jugulo moritura lues, quæ stemmata Patrum,  
 Quæ claros abavum cineres petulantibus ausis  
 Conspuis & proprii subvertis jura parentis.  
 Pone modum victor Carole, & mansuetior audi,  
 Et differ punire reos. distingue duorum  
 Crimina. non peccant paribus vir, femina pœnis.  
 Huic sexus pro parte favet, facilisque moveri  
 Credulitas, mollisque levis lascivia vita.  
 Exeat aularum spatium regumque penates  
 Despiciat pietas. non hac in sede morantur  
 Cum forma pudor, & mores sine labe pudici,  
 Aut tantos inter non tuta modestia luxus.  
 Fortè aliquid causæ dedimus, dum regia natam  
 Educat applausus inter lususque potentum  
 Obscenisque ducum voces. bibit inscia ritus.  
 Virgo malos, studiisque salax desuescit honestis.  
 Quin sua nascentem accendit Cÿtherea puellam,  
 Et crescit, placitura viro. se nibilis atas  
 Erigit & seros audent sperare nepotes,



Ac tædet vixisse sibi. si dulce mariti  
 Poscitur officium, nimis est morosa parentum.  
 Cura; placent pauci, queis fas sit nubere, reges.  
 Sic trahitur sperata dies, lectusque jugalis,  
 Et primos inter marcent matura calores  
 Tempora, nec metitur vernantis flosculus ævi.  
 Difficiles in amore sumus, decretaque matrum  
 Lenta nocent. donec se grandis filia prodat  
 Ignibus insanamque furor seducat amantem.  
 Expendam facti causas, quam quisque secutus,  
 Aut qua quemque prior fuerit. suffragia poscam,  
 Nostraque decident istos subsellia casus.

Cæsar ut attentis facinus mirabile rostris  
 Exposuit, quamvis celasset nomina prudens,  
 Damnant illa reos & dira morte piandum  
 Censetur tam grande nefas. pariterque togatos  
 Ante patres Eginardus adest, & filia regis  
 Demissum velata caput. nil tristius unquam  
 Post Phaëthoneos vidisti, Cynthia, currus,  
 Leucothoësque rogam aut crudelis fercla Thyestis.  
 Advolat ad nutum stricto mucrone minister,  
 Adstat spectator Carolus, trabeataque circum  
 Pulpita, & austero Nemesis metuenda paratu  
 Tota riget. Tunc cernere erat pietatis amantum  
 Flebile dissidium. memorandi testis amoris  
 Lis fuit, & meruit veniam discordia felix.  
 Namque ubi prima mali scelerisque rogatur origo,  
 Se vocat Emma ream. sed contradicit amator  
 Adversusque sibi est. pergit sua pandere ab ovo  
 Crimina, certa mori virgo. pro virgine fraudes  
 Ille suas variasque exaggerat ocys artes.  
 Alteriusque alter facti, spectante theatro,  
 Dilui invidiam. gignit concordia rixas,  
 Et partes facit acer amor, diversaque suadet  
 Indivulsa fides, proprio de funere quisque  
 Litigat, & tanto gestit vehementior esse,

Quanto

Quanto amat uberius. simul indignantur, amantq;  
 Culpa mea est, ait Emma, mea est, Eginardus. & ho-  
 Quisque sui est, causaque sue contrarius obstat. (stis  
 Mors geminis petitur, sed quam sibi poscit amitor,  
 Praevenit hae; quamque illa cupit, cito praevenit ille.  
 Ecce, suos juvenis cervici intenderat ictus  
 Lictor atrox, cum colla ensi velocior Emma  
 Supposuit, dixitque, Feri. me percute fontem,  
 Parce viro, genitor. quoties ferienda seorsim  
 Emma foret, totus collo superirruit Emma,  
 Meque feri, dixit juvenis. complexibus haerent  
 Corpora, sic moritura simul. dubisque sitelles  
 Nec sic juncta aedet, nec singula colla feriri  
 Ense queat. rigidam Nemesin remorantur amores,  
 Aethernusque in morte furor. stupet omnis & haeret  
 Hac inter multum dubius spectacula iudex,  
 Et poenam geminis animo vultuque remittit.  
 Haud aliter Taurus adiens Archivus Orestes,  
 Cum coram irato feralis victima staret  
 Rege, suis vidit Pyladem intercurrere fatis,  
 Proque suis Pylades rursus intercurrere Orestem,  
 Turbarique forum, languere ferocia Thracum  
 Pectora, barbaricumque iras posuisse tribunal.  
 At Carolus, quanquam ancipitem praesentia men-  
 In diversa ferant, & jam plus parcere nata (tem  
 Exoptet, juvenemque mori: jam justior ultor  
 Esse velit, geminosque mori: jam lubrica verset  
 Corda hominum Veneremque levem, solumq; beatos  
 Non peccare Deos: jam spretis maxima poenis  
 Regna quati, sperni leges, succrescere pravi  
 Semina & occultos stimulos peccantibus addi;  
 Mitescit, veniaque favet, lenisque secures  
 Ire monet, placat fractum clementia regem,  
 Componitque truces vultus, patremque serenat  
 Virginis, & tumidos sedat mansuetior astus.  
 Orchestram conscendit Hymen, Libitina fugatur,

Et



Et tristis lethi facies. puer aliger alas  
 Concutit attollitque faces. Pater, Accipe, dixit,  
 Emma virum. si primus amor peccavit amando,  
 Nunc conjux, nunc uxor ama. cape nobilis Emmam  
 Et tabulas, Eginarde, tuas. adsuesce vocari  
 Progeniesque generque meus. tibi filia gignat  
 Martellos alios & nomina digna triumphis.  
 At mala venturi caveant exempla nepotes.

Vndiq; conveniunt Proceres, gratantur, & omnis  
 Effusus vacat aula jocis. connubia surgunt,  
 Concordesque ligant animos: se Gallia totam  
 Latius explicuit, seu quæ Braccata silutat  
 Massylum populos, seu trans-Alpina Togatis  
 Pandit rura viris, seu quæ spaciosior exit,  
 Et sparsum nodo stringit Crinita capillam.  
 Subsiliit Liger, & famosis Sequana ripis  
 Plenior intumuit, sua sentiit Axona princeps  
 Gaudia, sensit Arar, Rhodanus rapidusq; Garumna,  
 Et tumido terras tunc Matrona proluit alveo.  
 Plurimus arsit amans. Emmam comitatur Amorū  
 Turba frequens, cingunt herbis redolentibus Emmā.  
 Erucaque comas & myrto tempora velant.  
 Tunc Glaucus Spathalen fertur, pulchramque Pale-  
 Dorida dilexisse magis, Neptunus inisse (mon  
 Tethya, Leucothoën Phorbas, Triton Panopæam,  
 Perque patens Emma fraudes cecinisse profundum,  
 Et calamum scriptoris. erat, qui carmine longo  
 Festivum recitaret opus. speremus amantes,  
 Exclamat Melicerta. potest regalia vilis  
 Auspiciis Divum pulsare cubilia scriptor,  
 Et facili jam rege frui. sibi maxima spondens,  
 Fit Superis propior. quicquid mens imperat, audax  
 Impetrat. ignavo nunquam fortuna timori  
 It comes. erectas constans fiducia nobis  
 Spes fovet. haud paribus semper palatia flagrant  
 Ignibus. admittat quemvis regina maritum,

*Basylumque rudi cupiat libasse subulco.  
Sic plausere Dea, sic applausere Deabus  
Letantes passim Druida. sed celsior alta  
Despectans res humanas de nube Menippus,  
Dum regum luxus & stultas ventilat aulas,  
Et naso patrem Carolum suspendit & Emmam.*

A M P H I T R V O  
T H O L O S A N V S,

Sive Pseudo-Martini Guerra historia. Qui postquam sub specie veri Guerra thalamo ac conjuge hujus esset potitus, & stupenda audacia ac vafricie sceleri suo obtendisset speciosum patrocinium; tandem detecto dolo agnitus ad restim & flammam à Senatu Tholosano damnatus est.

**H**Actenus insanos juvenum cantavimus ignes,  
Flagrantesque faces & amantis vota puella,  
Discordesq; thoros; quos mox, Iunone secunda,  
Latiore adspexit vultu Citherea jugali,  
Conjugii que fides vincolo meliore ligavit.  
Si peccavit amor, sapuit post mollia tandem  
Crimina, & ut primum rabies decessit amandi,  
Sera verecundis venit Sapiencia nuptiis.

Iam mihi cernuntur Veneris delubra moveri  
Sedibus, & fœdis horrescere numina tedis,  
Et trepidare Paphos, scelerique infrendere juxta  
Et Samos Idaliumque nemus, Cyprusque Guidosque  
Et totus tragico impleri clamore Citharon.  
Fugit Hymen, fugere Dii, cum scævus adulter  
Polluit absentis thalamos & jura mariti,  
Et constans in fraude sua est. Plutonia circum  
Agmina vesanos inflammavere furores,

Et



Et sua fere malo. violata supra sororis  
 Tantaliden laudasse reor, facinusque nefandum  
 Commendasse viro. stimulos Ægysthus amanti  
 Subdidit, & patrius ardescens Myrrha favillis,  
 Quaque novum passa est genus Hippomeneia pœna.  
 Ne mihi Pantolabos Nomentanosque nepotes  
 Obiice, Roma salax. Paridem excusate Mycena,  
 Fallacesque Deos Theba, si foque latentem  
 Amphitryone Iovem: minus est à Casare ladi  
 Posthumias Mutiasque semel; mæchoque vacare  
 Drusillam, aut pravi matrem peccare Neronis,  
 Ac Messalina socias. his grandius audet  
 Impostor Parsetta nefas. aliena scelestus  
 Tecta subit, scandit thalimos fruiturque tot annis  
 Non uxore sua; scelerique obtendit & ausis  
 Acre patrocinium, & dubio sub iudice peccat,  
 Suspenditque forum. Vera erravere mariti  
 Nomina; complexus & basia mille labellis  
 Erravere suis, patrem decepta salutat  
 Progenies, cupiensque soror germana videri,  
 Non fuit. in falsis hæsit cognatio verbis,  
 Et placuit spurcus gener, & male notus amator.  
 Improbe Amor, quæ non humanis crimina suades  
 Mentibus! in gelidis arsit, pro virgine, saxis  
 Pygmalion, voluit qui frigida membra puella  
 Complecti, & calidis componere marmora membris.  
 Æstuat & certo cuiusvis mercabilis ære  
 Chloris amat, lassatque viros. lenonia fervent  
 Limina, & exili precio muliebris honestas  
 Venditur. ista domos Superum pervertit & astra  
 Improbitas hominesque Deum dignata cubili est.  
 Hæc furit, in vitasque rapit, currusque ministrat  
 Et celeres ad supra rotas. hæc impia miscet  
 Semina, nec propriam timet incestare novercam,  
 Aut matri gravis esse sua, fratremque sorori  
 Conciliat jungitque duos. Hæc ipsa Guërram

Dum simulat, magnis animis mendacia rostris  
 Vendit, & eludit rigidas praefracta curules,  
 Et securus diu est, & perfida conjuge gratis  
 Alierius potitur. Vos o clarissima mundi  
 Numina, qua lento premittis mortalia gressus  
 Flagitia & justam audaces contunditis iram,  
 Sistite successus, dubiisque recludite verum  
 Porticibus. Tuque o Nemesis, quam nocte silenti  
 Oceanoque ferunt natam de patre, verendam  
 Os aperit, & tantis obsta contraria coeptis,  
 Perque forum & Patrum raptam subsellia vatem,  
 Conatusque leua, donec fatalis iniquum  
 Fibula constringat jugulum, fideique Guerra  
 Semineces flammae rabies absumerit artus.

Vrbs jacet, immensos ubi diues Gallia campos  
 Pandit, & illustres animat, secunda virorum,  
 Tectosages. Druidae veteres dixerunt Tholosam.  
 Quae frugum vini que ferax suffragia regnis  
 Diuidit, & summi veneratur jura Senatus,  
 Aequa bonis, infesta malis. spatiosior undis  
 Oceanus refluxum spargit per culta Garumnam,  
 Et Pyrenaeo lapsam de vertice sorbet  
 Fluctibus. hic teneris vixidum jam nubilis annis  
 Nec patiens Bertranda viri (voluere parentes)  
 Nubit & infausti praecox fit sponsa Guerra.  
 Non tamen hac mater Iuno connubia sanxit.  
 Non sobolem geniturus Hymen. sua sacra duobus  
 Prostitui Lucina dolet, sterileque fatigans  
 Ilihyia thoros. pereunt annique diesque,  
 Et languent nullo recreata fenore noctes.  
 Dumque maritales conjunx succrescit in ausus,  
 Fit sensim mulier, nec nomine digna marita  
 Bassia carpit amans. sed bassia, qualibus insons  
 Innocuisque vacat mellita puertia curis.  
 Lectus ludus erat; nec prematurus amabat,  
 Ut debebat, amor. sed postquam firmior aetas



Subdidit in Venerem stimulos, artesque Dione  
 Persuasit grandæva suas, felicior infans  
 Nascitur, & genitrix facta est, qua vixerat uxor.  
 At postquam primus furor est excussus amandi,  
 Lenius alter amat; querulis discordia gliscit  
 Vocibus, alternisque ciet mala iurgia dictis.  
 Utque solet lætis comes ire protervia rebus,  
 Ipsaque flagrantem extingunt oca tedas,  
 Armæ Tholosanus capit, & sub Principe miles  
 Ære meret parvo. lateri ferus alligat ensæ,  
 Et fastiditum castris proscribit amorem,  
 Et mox pugnaturus abit. placet alea belli,  
 Et iove sub duro vigiles traducere noctes,  
 Alpinas potare ni ves, calcare pruinas,  
 Objectare animam letho, viduare colonos  
 Messibus, & pavidis flammam immittere villis,  
 Atrocesque manus sperat e intendere præda.  
 Erigitur, cum Marte, ferox, discrimina nescit,  
 Spirat Guerra minas. non illi cura relicta  
 Conjugis aut chari dissuadent bella penates,  
 Pacatque lares. Sed dum vesania Martis  
 Se probat; en turmas inter, cuneosque globosque,  
 Iungit se lateri socium Pansetta sodalis,  
 Et potuit meruisse fidem. mens una duobus,  
 Velle ac nolle ambobus idem, sociatque dudum  
 Officiis paribusque vicens concordia rebus.  
 In prædam pariter pariterque in bella ruebant  
 Consortes cunctorum operum vitæque laborum.  
 Tales Nisus & Euryalus, Theseusque fuere  
 Pirithousque comes; talis cum Castore Pollux  
 Ibat, cum Pythia Damon. pugnare, jocari,  
 Ludere, scortari, raptò gaudere, voluptas,  
 Et studium commune fuit, quin forma colorque,  
 Vox, habitus, simileque viris frons, ora, genæque,  
 Pesque gradusque fuit. faciles consortia voces  
 Extorquent propius, sandique licentia quid vis

Egerit.

Egerit, & tacitos secreti pectoris ignes  
 Simplicitas inculta aperit, nasciturque silere  
 Garrulitas, ignara mali sortisque futura.  
 Guerra suos recitat, quibus exarsisset, amores,  
 Quam formosa domi conjux, quam filius esset  
 Pulchrior; enarrat stirpem, serieque vetustos  
 Sat longa deducit avos, matremque patremque,  
 Affines, fratresque; quibus connubia quondam  
 Auspiciis & prima fides lectusque coisset  
 Consiliis. qua desertæ fortuna marita,  
 Qualis in amplexus olim descenderit ardens,  
 Miscuerat quos blanda jocos, festiva lepores.  
 Quid fugeret tristis, quid rursus leta probaret,  
 Quas servaret opes, quas non servaret ademptas;  
 Quæ statione domus preciosa monilia prudens  
 Abdiderat: quas illa togas vittasque, peritâ  
 Distinxisset acu, quæ raris cingula baccis  
 Pieta forent: quibus officii mansuesceret, & queis  
 Indignata matris fureret. nil celat amicam,  
 Quæque aperire pudor prohibet, facundia demens  
 Effudit, scelerique novo fomenta ministrat.  
 Quippe dolos Pansetta animo fraudesque volutans  
 Cuncta notat memor, atque alto sub corde recondit.  
 Nec peccare timens (quid enim non militis audeat  
 Luxuries sævusque furor?) scrutatur in omne  
 Arcanum, satagitque suum pernosse Guerram,  
 Natales, membrorum apices, nexosque latentis,  
 Verbaque vel matri vel reddita verba parenti,  
 Et detestanda querit præludia scene,  
 Et vasfrum meditatur opus, speciemque futurâ  
 Flagitii expendit, tantique exordia motus.  
 Ut tuba terribili sonitu concussa coëgit  
 Castra Ducum, & permixta aquilis rubuere cruentis  
 Lilia, Cesareisque frequens succumberet armis  
 Gallus & ingentes spectaret cadis acervos,  
 Inclinare acies, dispersaque signa vagari,



Et laxis passim spirare cada vera campis :  
 Vertit terga fugæ pavidus Pansetta, suisque  
 Dum superesse malis gestit, se pulvere belli  
 Expedi, & Guerram grandi quia strage perisse  
 Autumat, ingenium foedas conuerit ad artes,  
 Et Guerra titulos & falsa vocabula sumens  
 Bertrandam sceleratus adit. qua leta maritum  
 Post aliquot reducem videt & miratur aristas,  
 Et fruitur gavisæ viro. cum fluctuat anceps  
 Sollicitusque pudor, narrat novus hospes amorum  
 Prima rudimenta & veteris vestigiæ summæ,  
 Quæque suas secreta olim misisset in aures.  
 Sic cessere metus & suspiciosa videri  
 Vtcrius Bertrandam timet. sit ad altera conjux,  
 Nec peccat tamen. & mæcha est, sine crimine. cuius  
 Nunquam sponsa fuit, vocat appellatque in vitium,  
 Nulla duos promissa ligant. miscentur amantes,  
 At contractus abest. formæ sociantur honesti,  
 Iusque datur vitio. non huic nox pronuba læsto  
 Præluxit solitæque faces. agnoscitur uxor  
 Nunquam ducta domum. non primos Hesperus ignes  
 Æquior adspexit, lachrymasque absterfit ocellis  
 Phosphorus, erepta vel virginitatis honori  
 Condoluit. thalamos falsus non inchoat auctor,  
 Continuat tamen. unanimes gratantur amici,  
 Ignarique mali, post tot discrimina rerum  
 Desertam lecti gaudent consorte potiri,  
 Nec vacuo recubare thoro. pro conjuge vero  
 Passim audit non verus. amat, consorsque bonorum  
 Guerra saluatur, feruent convivæ Guerra. (est,  
 Vocibus, has ierant omnes, repetuntque frequenter,  
 Nascitur & soboles, sed quam genitore Guerra  
 Se peperisse putat genitrix, sibi vendicat alter,  
 Decipiturque parens. non hanc natura fefellit  
 Certa patris matrisque satis; sed cæca cubile  
 Exercet fortuna, dolusque in conjuge matrem

Fallit & in vero facit erravisse parente,  
 Oscula dat natus patri, nec fallitur. at cum  
 Oscula dat matris proles incauta marito,  
 Error agit puerum. thalami sine lege puellus  
 Nascitur, & patris est, cuius non credidit esse  
 Mater. at ut vero natus de patre Güerra  
 Aspectat fratrem frater, mala nomina miscent  
 Confunduntque duo. nec enim quos unica mater  
 Esse sinit fratres, fratres pater alter & alter  
 Esse sinit, vel jure pares heredis haberi.  
 Sic plures istis latus successibus annos  
 Exegit Pansetta, suis animosus & audax  
 Fraudibus; & toti licet ignotissimus urbi,  
 Se cunctis alium probat. unus stirpe Güerra,  
 Et consanguineo ducens de stemmate stemma  
 Fortè fuit, quo se veluti tutore tuetur  
 Bertranda domus. huic litem Pansetta bonorum  
 Impavidus movet, & dilecta conjugis urget  
 Acer opes, expensa acceptaque postulat effrons  
 Signari tabulis, & res agitare priores  
 Incipit, & quicquid gestum se absente fuisset.  
 Ille sagax animi & fatis melioribus usus  
 Esse negat Güerram & cognata vocabula falli  
 Afferit, & similis Tillum sub imagine vultus  
 Ingeniique notis alieno illudere lecto.  
 It contra intrepidus Pansetta, redarguit ingens  
 Crimen, & insistit cepto, pariesque Güerra  
 Totus agit, nescit Tillum, quæ sita facebant  
 Nomina, ait. tu qui verbis mendacibus instas,  
 Et cives dubitare facis, rediisse Güerram  
 Non cupis, at sparsas inter cecidisse phalanges  
 Contemptumque voles alibi jacuisse cadaver,  
 Distractosque lupis præbere voracibus artus.  
 Scilicet ut propria depulsus sorte domoque  
 Tutoris sim præda mei, nec furta recludent  
 Aut mala fallaces monstrent araria census.

Hh

Nec



Nec minus ille viri fraudes astusque propinquis  
 Conatusque aperit, totque impostoris iniqui  
 Signa notat, recitatque palam. Iurata cubili  
 Relligio calcatur, ait. reverentia lecti  
 Spreta dolet. non hic conjux, non illius hac est  
 Vxor, ab ignoto mulier deluditur hoste.  
 Tarquini redeunt nobis, aliosque Phaones  
 Terra parit. rursum pastor dimissus ab Ida est,  
 Rursus mœchus amat. Tillo ne credite cives,  
 Hic aliquis latet error. habet jam Gallia culpam,  
 Famosumque reum. cœpit Bertranda moveri,  
 Diffiditque viro, atque iterum subnata labantem  
 Suspicio mentem flexit. fastidit amantem,  
 Negligit, a versatur. atrox discordia junctos  
 Dividit, & faciles detrectat femina noctes.  
 Sed celebres postquam tetigerunt rostra quarelae,  
 Et vaga concussam bacchata est fama per urbem,  
 Pansettam tenebris & cœco carcere claudunt  
 Custodes magnæ Themidis, momentaque rerum  
 Omnia & ancipites evolvit Curia casus.  
 Ille dolis centum subnixus & arte Pelasga,  
 Extendensque manus, & vulgi stante corona,  
 Non vos, ô Proceres, inquit, non lumina fallam,  
 Aut nova per magicas obtrudam corpora technas.  
 Si furibunda patrem quondam Medea recoxit,  
 Si, qui virgo fuit, factus puer Iphis amavit,  
 Carmine si Circe socios mutavit Vlyssis;  
 Semper Gûerra fui. non hinc dubitare necesse est,  
 Aut verum admota Gûerram explorare Sibyllâ,  
 Tum vitæ memorare sua casusque vicesque  
 Incipit & totum populo describere Gûerram.  
 Quo natus genitore foret, qua matre, domoque.  
 Vnde parens progressa, quibus majoribus ortus  
 Fluxisset Pater. ut generis fortuna vetusti  
 Iverit. hinc natale solum, patriamque laræque  
 Et cognatorum seriem deductaque longè

Nomina nominibus dictat facundus ad unguem.  
 Illa, ait, inculta moderatrix prima juventa,  
 Illa magistra fuit. pueris collusimus istis,  
 Illa palastra fuit nobis, hac arena lusu  
 Ferbuit, his vixi puer inconsultior annis.  
 Ut tenera malas lanugine vestiit atas,  
 Et calidus saliit circum praecordia sanguis,  
 Has, illas juvenis petiique adiique puellas,  
 Ha juvenem crebro me tunc adiere puella.  
 Sed reliquas inter placuit Bertranda sorores,  
 Compos sola mei. lux hac fuit, addit, & annus,  
 Quae junxere duos. faciles expertus amicos  
 Difficilesque fui. lenis fuit ille, sed asper  
 Iste fuit durusque mihi. cognoscere sponsa  
 Si comites vultis, fuit haec, fuit ista. capillum  
 Strinxerat in tales nodos. hoc ibat amictu,  
 Candidaque admisto fulgebat murice vestis.  
 Has gemmas, hacserta dedi. per strata viarum  
 Florigeris pueri calathis & frondibus ibant,  
 Spargebantque rosas laeti. qui fœdera lecti  
 Nexuit, iste fuit non pexo erine sacerdos,  
 Nigra cui verrunt à tergo pallia terram.  
 Convivas ipsos memini, matresque patresque.  
 Sex cyathis Decius, septem tum Galba bibeat,  
 Burrâ tribus. nimioque Lyce temulenta Lyæo  
 Lapsa gradu mulier plenis ludibria mensis  
 Debuit. agrestem ducebat Lyda choream,  
 Quae saliente chelyn noster feriebat Iopas.  
 Verum furta Iovis tremula modulamine vocis  
 Festivus cecinit Thamisias. frendeabat Aëdon  
 Horridius, Bacchique Theron Paana canebat.  
 Inde cibos recitat digitis & ferula, dapumque  
 Condimenta. quibus varie distincta figuris  
 Saltant larvata cohors, quibus horrida formis  
 Abdiderint proprios lamiarum tegmina vultus.  
 Quae thalammum violis immortalique amarantho,



Quæ cæsa Veneris primas asperferit aras ;  
 Quis sponsam male difficilem, nec sueta timentem  
 Duxerit in thalamum. quæ, cum processerat Eôs,  
 Pulchra verecundam velarint flammea frontem.  
 Singula narrator memorat. quæ, quidque suppellex,  
 Quæ tabula, cathedraque domus, quæ scanina, la-  
 Quo biberit crater, quibus carchesia vinis (vacra,  
 Spumarint, quali peristromata tincta colore  
 Induerint circum muros. nunc pristina monstrat  
 Scrinia, quæque suo quondam cortina cubili  
 Fluxerit, & quali speculo Bertranda capillos  
 Strinxerit. hæc umbella caput spaciosa tegebat,  
 Hæc, ait, hinc illic (memini) pendebat in auris.  
 Utque in amore solet, pulchris virtutibus ibat  
 Iuncta mali dispar facies. lascivior illa est,  
 Casta tamen. formosi licet, tamen illice furo  
 Plus rubuere gena. cum nos committeret ira  
 Impetus, audaci jaciebat fulmina lingua,  
 Succubique miser. tunc quid facundia posset  
 Irarum gliscens stimulis & mobile plectrum  
 Eloquii serò didici. mutabile valde  
 Ingenium variumque fuit. motusque feroces  
 Frangebat lachrymis. rursus placata marito  
 Paruit officiosa suo. poppysmata amorum  
 Torquebat limis oculis blindaque susurrans  
 Voce procabatur. loculis instructior ô quam  
 Ridebas Bertranda mihi ! quam torva fremebas ;  
 Cum mea vix modicis tinniret capsula nummis.  
 Sera mihi venit soboles, tandemque roganti  
 Annuit aquus Hymen. & mox ignobilis otî  
 Impatiens, duris merui stipendia castris.  
 Iuimus ulterius. quin trans Alpina vagatus  
 Culmina mox Italos latè bellisque potentes  
 Hispanos adii. nos alta mœnia Romæ,  
 Tarpeiumque patrem, Capuam, Præneste, Tarentum  
 Vidimus. in medio lavi spumantia Bati

Frans, Tagumque bibi, & fontes turgentis Iberi,  
 Herculeaque via metam posuere columna.  
 Hinc redii, terraque diu iactatus & alto,  
 Verus Bertranda possessor conjugis adsum.

Audivere Patres, sensimque ferocia rostris  
 Languit, & captum timuit damnare Guerram.  
 Sed libet admota scrutari conjugis rerum  
 Dictorumque fidem. venit Bertranda, stupetque  
 Verba viri, & dubiam mentem per singula volvens,  
 Natales, thalamique vices, convivium, mores,  
 Annuat, & confessa palam est, nec dissidet illis.  
 Hac tamen, hac, dixit, propius didicisse Senatum  
 Expediet secreta thori. licet ipse silere  
 Me pudor & Lucina velint, incerta mariti,  
 Cogor cuncta loqui, & lecti renovare dolores.  
 Cum mihi vernantis fluerent primæva juventa  
 Tempora, conjugiique dies, & sponsa Guerra  
 Iungerer, illæsa conjux & inutilis uxor  
 Virginitate fui. jam tum seu sidere tactus,  
 Seu mala prolificas hebetassent fascina partes,  
 Nulla Cupidineis reddebat gaudia votis,  
 Nec miser in gremium mæstæ descendit amator  
 Conjugis, aut gelidum tepescit flammula corpus.  
 Nupta licet, nondum uxor eram; vanisque vocabar  
 Nominibus conjux. sic condormire sorori  
 Intemerata queat soror, aut bona filia matri.  
 Cuncta tuli patiens, quamvis diuortia sepe  
 Impatiens suaderet Amor, despectaque penè  
 Cessisset Veneri probitas. at reddita quando  
 Prisca salus rediit Guerra, potuitque maritæ  
 Se prostare virum, veteremque expungere culpam;  
 Facta fui mater, sterilisque infamix lecti  
 Duplicuit Superis. eadem Pamsetta rogatus  
 Prodidit, & verbis præsens respondit iisdem,  
 Agnovitque suum frigus; multosque per annos  
 Extinctas jacuisse faces. dein vota precesque



Pharmaciaque ignavum membris pepulisse soporem,  
 Quem dederat cantus magiceque potentia lingua.  
 Hærent ambigua docta sub fraude curules,  
 Inque suas i vit vulgus mutabile partes.  
 Excussa voces hominum, quis quemque tribulis  
 Nossent, & ex omni populo documenta petuntur.  
 Hic ait, ille negat. repetunt cunabula cives,  
 Et sic ora ferunt Gærram, vultusque tulisse,  
 Sic flexisse oculos, sic distorsisse lacertos,  
 Sic risisse, gradum sic suspendisse pedesque.  
 Hunc vocis meminisse sonum, moremque loquendi  
 Lentius; hæud alio caput & sua tempora sœtum  
 Contorquere modo. vel Gærræ lumina coram  
 Cernimus, exclamant: vel in hoc se corpore Protheus  
 Exhibet, aut Stygiis homines illudimur umbris,  
 Atque oculos malus error habet. pars altera Gærræ  
 Esse negat; constansque sibi, non illa Gærræ (ram  
 Forma colorque fuit, non hæc audacia, fatum,  
 Non illo incessu, non istis flexibus ibat,  
 Non tam torva illi facies, sic undia nunquam  
 Tanta, nec in duris animi fiducia rebus.  
 Talis Tillus erat, tali se Tillus habebat  
 Ore, manu, motu, tali sermone solebat  
 Tardius affari socios. ipsissima Tilli  
 Hæc species, hæc nota viri presentis imago est.  
 Hos inter nullo percussus pectora luctu  
 Magnanimus Pansetta stetit. non ulla timoris  
 Signa dabat, nulla titubant formidine verba,  
 Nulla cataphractum terrent discrimina scurræ.  
 Qualis in Aræto rupes in mota profundo  
 Tunditur, & tumidis quatitur secunda procellis,  
 Impulsoque Notis fluctus undasque repellit;  
 Inconcussus agit causam veterator, & unus  
 Sufficit. ut leo, quem cinctum venabula circum  
 Densa premunt, jacula & contos & tela repellit  
 Solus, & in laxis impune ferocit arenas.

At Bertrandi metumq; inter spemque anxia nescit,  
 Num damnare virum velit, an succumbere victa  
 Indiciis. sic pinifera frondator in Idâ  
 St at dubius, num quam caput exertare cupressum  
 Adspicit, & duro surgentem robore quercum,  
 An velit excelsam ferro prosternere fagum.

At postquam jactis fatalis litera saxis  
 Horruit, & nigrum præscripsit Curia Theta,  
 Damnavitque reum. spreto Panfetta minori  
 Majus adit limen, Supremaque verba Senatus  
 Invocat, atque alio renovat sub iudice rixam.  
 Quasitum in minima est, sapiensq; industria quid vis  
 Cogitat, ut pateant tantæ mysteria scenæ.  
 In tenebris lux est, redeunt à luce tenebræ,  
 Obloquiturque dolus vero. cum parvula fraudum  
 Apparet scintilla, tamen suspecta putatur,  
 Et suus in vero labor est. ait esse Guerram,  
 Vbera quæ puero dederat mitissima nutrix,  
 Atque illos artos & talia membra fuisse.  
 Surgit ad hanc alius Guerra de sanguine testis,  
 Objectatque nefas, & fidei nomina Guerra  
 Imputat. in pleno dicturus verba Senatu  
 Sutor adest, hominisque pedem mensurus, iniquus  
 Clamitat hic pes est. non hæc mensura Guerra est.  
 Pes fuit iste viri. non hæc mea pertica fallit.  
 Hinc servata diu producit cingula sartor,  
 Quæque fuit corpus crebrò dimensa Guerra  
 Fascia, fallacis loquitur mendacia Tilli.  
 Non humeris ea forma fuit, non inter utrumque  
 Tanta observari spatia, aut à vertice fluxit  
 Linea tam grandis. non hic femorique pedique  
 Ambitus, aut lumbis. dispar dimensio fraudem  
 Arguit. hoc Ithacum, Patres, sub corpore claudi  
 Credite, versutus speciem mentitur Ulysses,  
 Dissimulatque virum. miles venit unus & alter  
 Bellorum collega. refert, hunc talibus olim



Consiliis impleſſe animum : ſuperesse Güerram ;  
 Non tamen incolumem prorsus, sed vulnere laſum,  
 Et pede privatam dextro; per regna vagari,  
 Celtarum luſtrare locos, moxque affore vivum.  
 Quattuor adverſæ concordî voce ſorores  
 Non dubitant, verus quin coram Guerra loquatur,  
 Germanique notas monſtrant & ſtigmata fratris.  
 Verrucam in digitis triplicem, dentemque retortum  
 Turpius, & planis unguis creviſſe figuris,  
 Sanguineamque oculo maculam li vere ſiniſtro,  
 Depilemque locum capitis, documenta Güerra  
 Indubitata ſui. veteres venere ſodales,  
 Cum quibus aut primos juvenis diſtenderat arcus,  
 Reticuloque pilas vel dextra ſueverat ic̄tu  
 Reddere, vel jactò talos proſternere talo.  
 Eſt, qui teſtatur reducem poſt prælix quosvis  
 Nominibus vocitaſſe ſuis, dixiſſe ſalutem,  
 Et generis meminiſſe ſui. tunc quemque Güerram  
 Agnoviſſe ſuum, cunctis placuiſſe Güerram.  
 At Panſetta ſibi ſimilis pro conjuge certat,  
 Pro ſe verba facit. quid prima nocte petulcum  
 Dixeriſt illa, aperit. quid, cum langueret amantiſ  
 Officium & torpor ſegnem importunus haberet,  
 Fecerit ; & quicquid ſolus noviſſe maritus,  
 Aut tentaſſe queat, roſtris exponit apertè.  
 Illa ſilens multo verum conſeſſa rubore eſt,  
 Inque ſolo fixis oculis haſit que ſtetitque,  
 Facti gnara ſui. pergit Panſetta. reverſus  
 Da, dixi, Bertranda manum, quâ lucet iaſpis,  
 Et dedit illa mihi. veſtes mihi porrige, dixi,  
 Caruleas, veſtes jam tunc porrexit eaſdem.  
 Pileas, gemmis quæ fascia cingit Eois,  
 Et data ſunt. petii capulis diſformibus enſes,  
 Ocyus accipi. nec me mea cura feſellit.  
 Summa loquar, Proceres, & cælo teſte, ſeverum  
 Dicam aliquid, dubia nebulas quod diſſipet aula,  
 Et

Et consanguinei convitia diluat hostis.  
 Non opus est Patrum votis, non iudice multo,  
 Multiplici vel teste mei. sit sola Güerra  
 Hac testis Bertranda sui. per numina juret,  
 Per Styga, per quicquid fuit inviolabile Divis,  
 Me non esse suum. si faxit, adulter habebor  
 Perfidus & nectar trabe quadruplator ab alta.  
 Dic age, dic Bertranda. negas? ad funera, furcas  
 Tollite me. num victa virum Bertranda fateris?  
 Credere vos fas est. verbo servare, vel uno  
 Perdere me mulier poteris. sis arbitra vita  
 Et mortis tu sola mea. stat femina dictis  
 Territa, & incerta metuens perjuriam lingua,  
 Mœsta tacet, jurare timet. fiducia mœchi  
 Suspensam præfracta tenet. Tunc ille disertum  
 Explicat os, & devicto velut hoste triumphans,  
 Nunc rabiem tutoris & acres vellicat iras,  
 Vltricesque minas, & avari pectoris artes,  
 Suspectamque fidem. facili nunc mobile causa  
 Conjugis ingenium, tepidosque redarguit ignes.  
 Vos ego, vos, inquit, Patres appello Tholosa,  
 Vestram poscit opem nullius conscia fraudis  
 Simplicitas. cur insonti mihi vincla, catenas  
 Injicitis? Bertanda mea est. cur carcere claudor?  
 Guerra loquor. cur clamosi mala fabula vulgi  
 Distrabor? haud alium spectas natura Güerram,  
 Non alium, Sol alme, foves. qui segnius equo  
 Annuat, injusto par est. sunt vincula pœna  
 Pars quotacunque mea. caveat peccare tribunal,  
 Et damnare bonos aut non absolvere culpa.  
 Res mea, res Superum est. thalami pro foedere certo,  
 Quod pepigere Dii. sic ille gravissima fatur,  
 Et totum spirat scelerato pectore Olympum.  
 Est Dea, qua medio sublimis in aëre pendet,  
 Quam Nemefin dixere, cui pœnaque minaque  
 Et rigor immotus castigatrixque malorum



It vincta comes, coeptis inimica superbis,  
 Elatosque domans. vigili sunt lumina fronti  
 Plurima. frana manu gestat pateramq;. verendum  
 Ridet, & occultas peccantium prodere mentes  
 Gaudet & effrenes animi compefcere motus.  
 Viderat hæc Tilli facinus, tumidoque nefandum  
 Vindice subnixum scelus, & jam spernere Divos,  
 Atque ipsi audacem Panfettam illudere cælo.  
 Mox fastus exosa graves, calcataque lecti  
 Sacra, per Ausoniam, Cimbro, Belgasque vagantem  
 Incitat absentem Guerram, magnisque suorum  
 Accendit desiderii; nunc proliis amorem,  
 Nunc patriæ studium, nunc conjugis objicit ignes.  
 Nec mora, spectatur media Marinus in urbe,  
 Et verus jam Guerra, cui promissa fluebat  
 Circum barba humeros, & molem corporis emptum,  
 Cortice fagineo, crus, non vitale, ferebat;  
 Præmia militiæ. quæ postquam fama Tholosam  
 Implevit, ci vesque suos, Tillumque forumque,  
 Bertrandam, testesque & junctos sanguine amicos,  
 Alter ludicibus rediit labor, altera rerum  
 Affulsit subito facies. Panfetta Guerram  
 Despectat dictisque ferox incessit amaris,  
 Quarit & astuta verborum indagine captum  
 Illaqueare studet. Guerra contrarius obstat  
 Guerra. fidem ambobus simili sub imagine præbet  
 Spectator. non ulla facit discrimina vultus,  
 Labra, oculi, statura, comæ mentumque genæque.  
 Mirantur trabeæ geminos. distare Guerram  
 A Guerra stupet omne forum, gradibusque locoque  
 Non aliam discerni hominem. non credit eundem  
 Esse duos, tamen esse putat. contendere secum  
 Quemque videt, partesque reum confundere & unam  
 Actorem. si bimet se contradicere Guerra  
 Ambigit, aut simili se fallere Morpheæ vultu.  
 Nomina cum rogitat Iudex, utriusque Guerra

Nomen idem est. quo patre sati: pater unus & idem  
 Dicitur ambobus, materque & frater iidem.  
 Cum natale solum: patria est mihi chæra Tholosa  
 Hic ait, alter ait. nati quo tempore & anno;  
 Tempore conveniunt. cu n conjux queritur; uxor  
 Bertranda est geminis. cam stirps arcessitur altè,  
 Nec tunc Guerra alios, alios Pansetta recenset.  
 Queritur; infelix cui fascia strinxerit inguen,  
 Aut magica doctrina schola. se quisque fatetur  
 Iratam sensisse Cyprin. fortuna rogatur,  
 Et vitæ genus & desertæ conjugis olim  
 Causa, quibus quisquis meruit stipendia signis;  
 Causa eadem est, sunt signa eadem. Tun, inquit a-  
 Basia Bertranda fixisti? basia fixi, (dulter,  
 Alter ait. tun' verba illi solennia dixi  
 Ante aras oculosque Deum? solennia dixi,  
 Promisique fidem. dic, quod tu pignus amoris  
 Vxori, scelerate, dabas? quæ flammea, vestes,  
 Quæ thalamo structura fuit? sat consona fatur  
 Guerra redux. stupuere Patres. Tunc Guerra locutus  
 Dic, ait, impostor, quotuplex occulta sinistram  
 Deturpat verruca manum? Pansetta sinistram  
 Exerit. hæc triplex verum verruca Guerram  
 Arguit, ingeminat. mihi dens è dente renatus  
 Stat duplex Martinus ait. Pansetta retortis  
 Ostentat labiis similem. mihi planior unguis  
 Ludit in his digitis. digitus ostendit in ipsis  
 Esse sibi tales Pansetta. Guerra redutis  
 Paulisper ciliis, oculos nubecula dudum  
 Infedit terebroso meos, ait. ilicet illam  
 Esse sibi Pansetta oculo demonstrat eodem.  
 Ta'is in assumpto ludit Thebaida matrem  
 Iupiter Amphitruone, thorumque invasit & illa  
 Mentitus potitur. sic fabula prisca jocosum  
 Mercurio opposuit Sossiam. cum corpore bino  
 Esse negat Sossiam Sossias, pariterque misellus



Contundit Sositam Sotias & tunditur idem.  
 Intima scrutatus Iudex secreta maritæ,  
 Fanda, nefanda simul, vocesque & verba Güerra  
 Omnia, quæ thalamis intersparisset amator;  
 Observat discors aliquid. discitque loquacem  
 Singula versuto Guerram narrasse sodali,  
 Nec socium celasse suum. Venere sorores,  
 Amplexaque virum fixis hæserè licertis,  
 Attonitaque steterè comæ & vox mutuit illis.  
 Quin lachrymæ carere dolo, planctusque dolorque  
 Ipsaque confessa est verum natura Güerram,  
 Quæque arcana movent cognatam semina gentem.  
 Tunc eadem affines, eadem dixere propinqui,  
 Dumq; intentæ ferunt per totum lumina Guerram,  
 Erravisse pudet. gavisæ super volat uxor,  
 Et pudibunda rigans guttis humentibus ora,  
 Hic meus est, inquit, non tu Pansetta, Güerra.  
 Talis erat, talis thalamum conscendit & illa  
 Voce fuit. tali nobis sermone solebat,  
 Et tali gravitate loqui. deliquimus omnes,  
 Perfidaque incautam tenuit fallaci mentem.  
 Non ego conjugii mulier promissa sefelli.  
 Non peccat, quæ se nescit peccare. nec ullum  
 Crimen habet, quæ non animo, sed corpore mæcha est.  
 Impolluta fui, quamvis Pansetta cubile  
 Polluerit, visusque mihi est jacuisse Güerra.  
 Arripui neglecta virum, dum longius erras.  
 Arripui, sed cæpta tuæ sub imagine formæ.  
 Si fuit errandum, causas hæbet error honestas.  
 Quodque caput rerum est, ex te proavosque genusque  
 Hausit, & illa tibi quæ quondam dixit in aurem  
 Noster amor. Paphios potuit recitare labores,  
 Fataque fortunasque thori. quæ vespere sero,  
 Murmura, quæ prima venientis luce diei  
 Ediderim. norat, quicquid cœnacula clausum,  
 Quicquid honorati custodi vere penates.

Sic tua garrulitas atque importuna loquendi  
 Libertas nocuit geminis. hinc subruta lecti  
 Majestas veneranda fuit, tantoque paratu  
 Causam mœchus agit. nec solum femina victa est  
 Astubus, hi mecum Proceres, hac tota Tholosa  
 Aula vacillavit, cunctæque hasere cathedra.  
 Hac effata fuit. cum dura voce supina  
 Conjugis immanem perstrinxit Guerra stuporem.

Qua, Bertranda, tuam cepit dementia mentem  
 Qua rabies tanta oppressit caligine cacam?  
 Non caret hic error culpa. non illa meretur  
 Improba simplicitas veniam. qua secula credent  
 Vxorem in proprio falli potuisse marito?  
 Ignorasse sui certa argumenta mariti?  
 Aut proprios in amore jocos, aut corpore toto  
 Pulchrum aliquid, vel fœdum aliquid. maculeque  
 plicæque,

Hic lentigo levis, cacaque in parte marisca,  
 Navulus aut callus, vel non exstincta cicatrix  
 Discrevisse viros poterant. Sua novit Vlysses  
 Penelope, quamvis tot lustra errasset & annos;  
 Antinoique dolis vasfroque pudica Medonti  
 Restitit. errarint alii, fraterque sororque,  
 Aula, propinquorum quisquis fiet. unica tu me  
 Debueras pernosse. nec ignorantia sexu  
 Diluitur. poterant verum ostendisse Guerram  
 Plurima. transactæ poterant ostendere noctes,  
 Amplexusque mei & blandissima verba procantis.  
 Decessit thalamo probitas. insana libido  
 Lascivos tibi suggestit sub pectore motus,  
 Et nova materies turpi quæsitæ furori est.  
 Illa virum lachrymis, gemitu, verbisque severum  
 Mulcet, & antiquos reduci commendat amores  
 Nequicquam. teivicâ lachrymantem fronte repellit  
 Guerra ferox, & servus & implacabilis adstat.

At Themidis patribus tantos componere fluctus



Cura fuit. profugumque domo patriaque Güerram  
 Incusant, sociisque suis reticenda locutum.  
 Hinc fluxisse mali causas, primumque nocendi  
 Pansetta subuisse animum; veteresque relicta  
 Vxoris tepuisse faces: nunc corpore laesum,  
 Nec totum rediisse suis: hoc conjugis esse  
 Afflicta commune malum: jam disceret esse  
 Cautior, & vanas lingua compescere voces:  
 Solliciteque loqui, nec Sacrum prodere lecti.  
 Sic Procerum studiis, sic, applaudente Garumna,  
 Iuncta est loripedi rursum Bertranda Güerra.  
 Vnus tantarum fraudum scelerisque magister,  
 Fabula cui vario stetit admirabilis actu,  
 Hanc Tillus ceruice luit, tragicoque tumultu  
 Obscœnum absoluit facinus. sua poena secuta est  
 Artificem, celebrique reo trux fascia guttur  
 Alligat, & postquam jugulo spirare negatum  
 Et vitæ præclusa via est; Vulcanius ignis  
 Semineces ussit flammis ultricibus artus.

Ad Illustriss. Comitem

V L R I C V M,

Frisiæ Orientalis Comitem, super lite cum  
 Catthorum Principe.

**M**agne Comes, si me Mavors genuisset Achil-  
 lem,

Pelleret infestas hac mea dextra manus.  
 Sin idem me bellacem genuisset Atriden,  
 Martia in Advaticis Hassia staret agris.  
 Non eras, Vlrice, meas, nec Eliza, mereris.  
 Femina Dux, Frisiæ Dux sine lite placent.  
 Omnibus innocua cupiunt prodesse Camœna.  
 Inter tanta Ducum nomina, neuter eo.

Quam

Quam vellem Hesperius Catthos incumbere terris.  
 Quam nollem Frisios publica damna loqui.  
 Inclite Chaucorum Princeps, tibi federe Belgæ  
 Iungimur, & nostra sorstua mixta rei est.  
 Inclita Catthorum Princeps, tibi sanguine nostri,  
 Principis & Celsi jungimur Auriaci.  
 Quo verteret se Belgæ. vices hinc, inde dolemus,  
 Et vester mediis arbiter haret aquis.  
 Composuere truces tot regum basia rixas,  
 Maximaque ad pacem pondera sanguis habet.  
 Hos motus, tantas animis desuescite lites.  
 Vniat Auriacus regna ducesque pater.  
 Ille Tago Scaldique gravis jam totus Ibero  
 Instat & inceptum belliger urget opus.  
 Ne remoram tantis excelsi Principis ausis  
 Ponite, nec sociis finibus este graves.  
 Cernite nos, qui victores pugnamus, amicos.  
 Nec noceat Batavis rixa propinqua meis.  
 Si placare Duces nequeunt thalamicque genusque  
 Et quæ pro patriis gessimus arma focus,  
 Nec Ducis Auriaci curæ, nec chara Potentum  
 Nomina, nec vultu Pax veneranda suo:  
 Nec quæ saepe Deos placârunt carmina: placet,  
 Qui jugulos vestros impetit, hostis Iber.



08113-  
Epistola Eminentissimi  
CARDINALIS  
ARMANDI RICHELII.


*Clarissimo ac Eruditissimo viro Gaspari  
Barlao, S. P.*

**H**eroicum carmen tuum accepi, legi,  
perlegi. eo gratius fuit, quod veluti  
miraculo factum est, ut dum Panegy-  
ricum meum ad me miseris, tuum à te acce-  
perim. Laudantis saltem & laudati Panegyri-  
cus est libellus tuus. Dum, quæ nobis tri-  
buuntur, gesta extollis, ingenii tui acumen  
& industriam exhibes, eruditionem tuam  
prodis. Sic tibi met ipsi gratias debes, sed  
non solus, referam pro utroque & merito.  
cum tuo factum sit beneficio, ut majorem tui  
quam mei curam habere teneam. Religiose  
id me præstiturum agnosces, si res locusque  
dabunt.


*Versibus tuis qualis esse debeam Orbi  
Christiano palam fecisti. Ectypum  
meum ad te mitto, ut te doceat,  
qualis sim. Si in eo affectum erga  
te meum non cernis, agnosces, si  
usui unquam tibi esse possim.*


*Armandus Card. de  
Richelieu.*

Datum Parisiis 8 Kal. Feb. 1642.














Book II c

B655  
B141p  
I



